



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

NYPL RESEARCH LIBRARIES





3 3433 07437700 7


3
B



George Bancroft








8

NTC



BIBLIOTHECA

CLASSICA LATINA

SIVE

COLLECTIO

AUCTORUM CLASSICORUM LATINORUM

CUM NOTIS ET INDICIBUS

On souscrit, à Paris,

**CHEZ N. E. LEMAIRE, Éditeur, boulevard Italien, n° 22, en face
des Bains Chinois.**

BARROIS l'aîné, libraire, rue de Seine, n° 10, Faub. St-Germ.

DEBURE frères, libraires du Roi, rue Serpente, n° 7.

TREUTTEL ET WURTZ, libraires, rue de Bourbon, n° 17.

F. DIDOT, imprimeur du Roi et de l'Institut, rue Jacob, n° 24.

ANT. AUG. RENOUARD, libraire, rue de Tournon, n° 6.

BOSSANGE père, libraire, rue de Richelieu, n° 60.

BRUNOT-LABBE, libraire de l'Université, quai des Augustins, n° 33.

MONGIE aîné, libraire, boulevard Poissonnière, n° 18.

H. VERDIÈRE, libraire, quai des Augustins, n° 25.

ARTHUS-BERTRAND, libraire, rue Hautefeuille, n° 23.


Et chez tous les Libraires de France et des pays étrangers.

T. LIVII PATAVINI

QUÆ EXSTANT

OMNIA OPERA

EXCUDEBAT FIRMINUS DIDOT,
REGIS ET GALLICARUM ACADEMIARUM TYPOGRAPHUS.



TITUS LIVIUS

PATAVINUS

AD CODICES PARISINOS RECENSITUS

CUM VARIETATE LECTIONUM

ET SELECTIS COMMENTARIIS

ITEM SUPPLEMENTA J. FREINSHEMII

CURANTE

N. E. LEMAIRE

VOLUMEN SEXTUM




PARISIIS

COLLIGEBAT NICOLAUS ELIGIUS LEMAIRE

POESIOS LATINE PROFESSOR

•••••
MDCCXXIV

JNE



T. LIVII PATAVINI
HISTORIARUM

AB URBE CONDITA
LIBER XXX.

BREVIARIUM.

CAP. I; Imperia nova et prorogata. — II; Naves legionesque decretæ, et prodigia procurata. — III; Scipio, vestium, com meatus armorumque copia auctus, Uticam obsidet, et spem facit pacis, a Syphace petitæ, ut probabilis causa suis com meandi sit in castra hostium; quæ, quod lignea ferme tota sunt, per occasionem incendendi consilia agit. — IV; Legatos alios atque alios ad regem mittit, et satis omnibus exploratis tollit inducias. — V; Media nocte castra tum Syphacis a Lælio ac Masinissâ, — VI; tum Hasdrubalis, illis propinqua, a Scipione incenduntur, et flamma ferroque absumuntur multi homines, equi et elephanti. — VII; Hasdrubal et Syphax summa ope reparant bellum et copias jungunt. — VIII; Paulo post in aciem descendunt, et a Romanis vincuntur. — IX; Scipio multas urbes expugnat; et Carthaginienses legatos ad Hannibalem arcessendum classemque ad levandam Uticæ obsidionem mittunt. — X; Hostes frustra aggrediuntur naves Romanorum, ad muros Uticæ appulsas. — XI; Lælius et Masinissa in Numidiam perveniunt, novumque exercitum, a Syphace in regno suo conscriptum, profigant. — XII; Rex ipse vivus capitur, et Cirta, caput regni ejus, a Masinissa occupatur. Is Sophonisham, uxorem Syphacis, filiam Hasdrubalis, amore captus pollicitusque se prohibiturum, quo minus Romanis traderetur, matrimonio sibi jungit: quod Lælius, factis nuptiis superveniens, valde improbat. — XIII; Syphax, sermonibus circumstantium celebratus, in castra ad Sci-

pionem perducitur, omnemque perfidiæ et belli causam confert in uxorem. — XIV; Masinissa, castigatus a duce rom. propter nuptias festinatas, — XV; venenum mittit Sophonisbæ, et eximii a Scipione ornatur laudibus honoribusque. — XVI; Carthaginienses legatos mittunt Romam et ad Scipionem, qui pacis conditiones dicit datque inducias. — XVII; Multis ante diebus Lælius cum Syphace aliisque captivis et legatis Masinissæ Romam venit, et ingenti urbem lætitia complet. Senatus supplicationem decernit, et confirmat regium nomen, regnum paternum aliaque munera, Masinissæ a Scipione data. — XVIII; Interea Mago a P. Quintilio Varo prætore et M. Cornelio proc. in agro Insubrium Gallorum vincitur, et graviter vulneratus ex prælio aufertur prope exsanguis. — XIX; Inde ad mare in Ligures Ingaunos pervenit, et imperio senatus carthaginiensis, a legatis perlato, periculoque et patriæ et suo motus in Africam trajicit: sed, vixdum superata Sardinia, ex vulnere moritur, et naves aliquot disjectæ a classe rom. capiuntur. C. Servilius cos. patrem Catulumque, a Boiis olim captos, Romam reducit. Ad Cn. Servilium cos. multa Bruttiorum deficiunt oppida; idemque in agro crotoniensi acie confliquit cum Hannibale. — XX; Mox summus hic Pœnorum dux a legatis in patriam revocatur, et inutili militum turba præsidii specie in oppida bruttii agri dimissa multisque italici generis in templo Junonis Laciniaæ fœde interfectis, quod roboris in exercitu est, in Africam transvehit, moestissimo animo detractus ex diutina possessione Italiae, et deos, homines seque ipsum accusans. — XXI; Legati saguntini Pœnos, ad conducenda auxilia in Hispaniam missos comprehensosque cum pecunia, Romam adducunt: et quinque ibi dies circa omnia pulvinaria supplicatur ex senatusconsulto. — XXII; Carthaginiensium legati, pacem petentes, punica fraude electi videntur senatui romano, — XXIII; et pace infecta ac prope sine responso dimittuntur. — XXIV; Cn. Servilius in Siciliam, inde in Africam discessurus, trajicit, sed a P. Sulpicio dictatore ad id ipsum creato in Italiam revocatur. Onerariæ Cn. Octavii naves, in conspectu Carthaginis tempestate per litora portusque dispersæ, a Pœnis per induciarum tempus capiuntur. — XXV; Legati de injuria hac questum a Scipione missi Carthaginem prope violantur, et in reditu ex insidiis Pœnorum, ex alto repente eos aggredientium, vix incolumes ipsi evadunt. Scipio contra legatos Carthaginiensium, cum Lælio Fulvioque ab Roma

supervenientes, dimittit salvos: et Hannibal mox ad Leptim appellit classerū. — XXVI; In Macedoniam legati mittuntur ad Philippum, qui adversus fœdus quædam facta videri Patribus nuntient. Romæ est incendium ingens et inundatio, sed annonæ vilitas. Mors, honores laudesque Q. Fabii Maximi. Ludi Romani ac plebei. Comitia.—XXVII; Consules insequentis anni Ti. Claudius Africam (quæ provincia ex senatus decreto in sortem coniecta erat), et M. Servilius Etruriam sortiuntur. Prætorum comitia ac provinciæ. Ludi quinquennales. — XXVIII; Curæ metusque Romanorum Pœnorumque, imminente supremo certamine. — XXIX; Hannibal Adrumetum et inde Zamam venit: Scipio haud procul Naraggara urbe considet, et speculatores hostium per castra sua circumduci dimittique jubet; neque abnuo colloquium ab eorum duce petitur. — XXX; Hannibal prior alloquitur Scipionem; — XXXI; isque respondet. — XXXII; Duces infecta pace arma expediri jubent, et militibus animum incendunt hortando. — XXXIII; Tum acies instruunt singulari arte, et pugnant. — XXXIV; Romani, et numero superiores et animo, ingentem hostium cladem edunt. — XXXV; Lælius ac Masinissa Pœnos fundunt, cum equitatu in aversam eorum aciem incurrentes, et Hannibal cum paucis equitibus inter tumultum elapsus, Adrumetum perfugit. — XXXVI; Paulo post Scipio Numidas, duce Vermina, Syphacis filio, Pœnis auxilio venientes fundit, et Tunete de pace agit cum legatis Carthaginensium. — XXXVII; Hi conditiones ab eo dictas domum referunt, et Hannibal Gisgonem, pacem dissuadere conantem, arreptum manu sua ex superiore loco detrahit. — XXXVIII; Induciæ Pœnis dantur, et Romam mittuntur legati. Prodigia, inundatio Tiberis, et ludi Apollinares. — XXXIX; Ti. Claudius cos., in Siciliam atque inde in Africam trajicere jussus, classem tempestate laceratam reficit Caralibus, et circumacto anni tempore privatus Romam reducit. Comitia a C. Servilio Gemino sæpe indicta perfici tempestates prohibent. Ludi Romani, plebei, Cereales. Scribæ viatoresque ædilitii ob pecuniam ex ærario clam egestam damnantur. — XL; Legati Carthaginensium et Philippi Romam veniunt. Supplicationes, comitia et provinciæ consulum prætorumque. Cn. Cornelius Lentulus cos. frustra cupiditate flagrat provinciæ Africæ; quæ res multis contentionibus in senatu et ad populum agitur. — XLI; Legiones classesque novis magistratibus decernuntur. — XLII; Legati Phi-

transvectum fuerat, ne qua classis ex Africa trajiceret¹, quadraginta navibus custodiri placuerat Siciliae maritimam oram. Tredecim novas naves Villius secum in Siciliam duxit; cæteræ in Sicilia veteres refectæ: huic classi M. Pomponius, prioris anni prætor, prorogato imperio præpositus, novos milites ex Italia advectos in naves imposuit. Parem navium numerum Cn. Octavio, prætori item prioris anni², cum pari jure imperii ad tuendam Sardiniaë oram Patres decreverunt. Lentulus prætor duo millia militum dare in naves jussus. Et Italiaë ora, quia incertum erat, quo missuri classem Carthaginienses forent (videbantur autem, quidquid nudatum præsiidiis esset, petitura), M. Marcio, prætori prioris anni, cum totidem navibus tuenda data est. Tria millia militum in eam classem ex decreto Patrum consules scripserunt, et duas legiones urbanas ad incerta belli³. Hispaniaë cum exercitibus imperioque veteribus imperatoribus, L. Lentulo et L. Manlio Acidino, decretæ⁴. Viginti omnino legionibus et centum sexaginta navibus longis⁵ res romana

CAP. II. 1. *In Siciliam* (male in *Sicilia* vulgo legitur) *tria millia militum sunt scripta, quia, quod roboris... fuerat; et, ne qua classis ex Africa* (in *Siciliam*) *trajiceret*, etc. non male conj. Gron. — Quum in Putean, sit et qui... ante qua, Creverius inde effecit lectionem et quia..... ne qua, non adversante Drak. docens duplicem rationem afferri cur scripta fuerint hæc tria millia in Siciliam: una, quod insula non satis firmo tenebatur præsidio; altera ut hi novi milites imponerentur in naves quibus custodiri placebat maritimam oram; idque reversa factum paulo post memoratur. Ep.

2, Cn. Octavio, prætori item prio-

ris anni: Livium sui oblitum esse, ex XXVIII, 38, et XXIX, 13, colligit Periz. Anim. hist. cap. 8, p. 342. Cf. ad XXX, 24, n. 2. — Quo missuri classem C. forent; vide supra ad VI, 42, n. 7.

3. *Incerta belli*, ut *inc. casuum*, cap. 30; vide ad IV, 27, n. 1.

4. *Hispania cum exercitibus... decreta*; vide ad XXVIII, 38, n. 4.

5. *Centum sexaginta navibus longis*; vide ad XXI, 17, n. 5. M. Pomponius acceperat XL naves, Cn. Octavius totidem, M. Marcus parem numerum, et Scipio XL. Conf. XXIX, 25, 26; XXX, 41, 42, et Drak. — *Res romana eo anno gesta*; vide supra ad II, 64, n. 3.

eo anno gesta. Prætores in provincias ire iussi : consulis imperatum, prius quam ab Urbe proficiscerentur, ludos magnos facerent, quos T. Manlius Torquatus⁶ dictator in quintum annum vovisset, si eodem statu respublica staret. Et novas religiones excitabant in animis hominum prodigia, ex pluribus locis nuntiata : aurum in Capitolio corvi non lacerasse tantum rostris crediti, sed etiam edisse : mures Antii coronam auream arrosere : circa Capuam omnem agrum locustarum vis ingens, ita ut, unde advenissent, parum constaret, complevit : equuleus Reate cum quinque pedibus natus : Anagninæ sparsi primum ignes in cælo, dein fax ingens arsit⁷ : Frusinone arcus solem tenui linea amplexus est; circulum deinde ipsum major solis orbis extrinsecus inclusit : Arpini terra campestri agro in ingentem sinum consedit : consulum alteri, primam hostiam immolanti, caput jocinoris defuit. Ea prodigia majoribus hostiis procurata : editi a collegio pontificum dii⁸, quibus sacrificaretur.

III. Iis transactis, consules prætoresque in provincias profecti. Omnibus tamen, velut eam sortitis, Africæ cura erat; seu quia ibi summam rerum bellique¹ verti cernebant, seu ut Scipioni gratificarentur, in quem tum omnis versa civitas erat. Itaque non ex Sardinia tantum (sicut ante dictum est), sed ex Sicilia quoque et Hispania vestimenta frumentumque et arma etiam ex Sicilia et omne genus commeatus eo portabantur. Nec Scipio ullo tempore hiemis belli opera remiserat,

6. *Ludos magnos, quos T. Manlius Torquatus, etc.* vide ad XXVII, 33, n. 4. — *Novas religiones* (vide ad II, 5, n. 4) *excitabant prodigia, etc.* de quibus vide ad I, 31, n. 1.

7. *Fax ingens arsit; vid. XXIX, 14, n. 2.* — *Caput jocinoris defuit;*

vide supra ad librum VIII, cap. 9, not. 1.

8. *Editi a collegio pont. dii; vide ad I, 18, n. 2.*

CAP. III. 1. *Ibi summam rerum bellique verti; vide ad III, 5, n. 6, et III, 27, n. 6.*

quæ multa simul undique eum circumstabant. Uticam obsidebat; castra in conspectu Hasdrubalis erant; Carthaginienses deduxerant naves²; classem paratam instructamque ad commeatus intercipiendos habebant. Inter hæc ne Syphacis quidem reconciliandi curam ex animo miserat³; si forte jam satias amoris in uxore ex multa copia cepisset. Ab Syphace magis pacis cum Carthaginiensibus conditiones, ut Romani Africa, Pœni Italia excederent, quam, si bellaretur, spes ulla desciturum afferebatur. Hæc per nuntios magis equidem acta crediderim (et ita pars major auctores sunt⁴), quam ipsum Syphacem, ut Antias Valerius prodit, in castra romana ad colloquium venisse. Primo eas conditiones imperator romanus vix auribus admisit. Postea, ut causa probabilis suis commeandi foret in castra hostium, mollius eadem illa abnuere, ac spem facere, sæpius ultro citroque agitantibus rem conventuram. Hibernacula Carthaginiensium, congesta temere ex agris materia exædificata, lignea ferme tota erant. Numidæ præcipue⁵, arundine textis storeaque

2. *Carthagin. deduxerant naves*; vide ad VIII, 26, n. 1.

3. *Curam ex animo miserat*, ut apud Virg. *Æn.* VI, 85. Similiter *mittere* (h. e. omittere) *ambages* VI, 16 pr. XXXIV, 59, et *odium* XL, 46. *Dimiserat* reposuit Rhen. et *amiserat* conj. Perizon. — *Satias* (vide ad XXV, 23, n. 9) *amoris in uxore* (pro *uxorem*, quod et quidam libri habent; conf. ad II, 14, n. 2; VI, 22, n. 1, et Drak. ad h. l.) *ex multa copia cepisset* eum. Conf. ad Polyb. XIV, 1, οὐ γὰρ ἀπαγίνωσκε, καὶ τῆς παιδείας αὐτὸν ἤδη κόρον ἔχων, δι' ἣν εἶθετο τὰ Καρχηδονίαν, καὶ καθόλου τῆς πρὸς τοὺς Φοίνικας φιλίας, διὰ τε τὴν φυσικὴν τῶν Νομάδων ἀψικουρίαν,

καὶ διὰ τὴν πρὸς τε τοὺς θεοὺς καὶ τοὺς ἀνθρώπους ἀθεσίαν. — *Quam, si porro, diutius bellaretur cum Pœnis*, aut bellum ei inferretur, *desciturum eum a Pœnis*.

4. *Ita pars major auctores sunt*; vide ad II, 58, n. 1. Conf. ad hæc et seqq. Polyb. XIV, 1, et de Syphacis consilio Appian. Pun. 17. — *Agitantibus rem conventuram eam*. Sed forte leg. *conventurum cum Duk*. — *Hibernacula Carthaginiensium..... habitabant*; vid. Polyb. l. 1. Sil. XVII, 88 sq. et Schel. ad Hygin. pag. 1110. — *Temere*; vide ad II, 46, n. 3. — *Materia*; vid. VI, 2, n. 6.

5. *Numidæ præcipue, pars maxima*, h. e. Numidarum plurimi (conf. VI,

pars maxima tectis, passim nullo ordine, quidam, ut sine imperio occupatis locis, extra fossam etiam vallumque habitabant. Hæc relata Scipioni spem fecerant castra hostium per occasionem incendendi.

IV. Cum legatis, quos mitteret ad Syphacem, calorum loco primos ordines¹ spectatæ virtutis atque prudentiæ servili habitu mittebat: qui, dum in colloquio legati essent, vagi per castra, alius alia, aditus exitusque omnes, situm formamque et universorum castrorum, et partium, qua Pœni, qua Numidæ² haberent, quantum intervalli inter Hasdrubalis ac regia castra esset, specularentur, moremque simul noscerent stationum vigiliarumque; nocte, an interdiu opportuniores insidianti essent. Et inter crebra colloquia alii atque alii de industria, quo pluribus omnia nota essent, mittebantur. Quum sæpius agitata res certiores spem pacis in dies et Syphaci et Carthaginensibus per eum faceret, legati romani *vetitos se reverti ad imperatorem*³ aiunt, *nisi certum responsum detur. Pro-*

24, et al.) in hibernaculis arundine textis. — *Storea* dicta ἀπὸ τοῦ στορέννουμι: quidam scribunt *storiā*: palea vel ulva, quam extendimus super terram. Vide ad Cæs. Bell. civ. II, 9. Ed. — *Quidam, ut sine imperio o. l.* vide ad VIII, 30, n. 7. — *Habitabant*, in castris degebant, ut cap. 4, n. 2, *habere*; unde *tecta* c. 6, n. 3, tabernacula vel casæ in castris; Doer.

CAP. IV. 1. *Primos ordines*, ut XLIV, 33 et 36, *sex primorum ordinum ductores seu centuriones, duos primipilos, duos primos principes, duos primos hastatos*; Gron. Conf. ad II, 45, n. 14; Lips. Mil. Rom. II, 8, et Morus ad Cæs. B. G. V, 30. Rem turbat Veget. II, 7, 8. Ὁ Πόπλιος ἀεί τινὰς μὲν τῶν πραγματικῶν, εὐς δὲ

καὶ στρατιωτικῶν, ἑυπῶντας, etc. Polyb. XIV, 1, 13.

2. *Qua Pœni, qua* (vide ad III, 70, n. 2) *Numidæ haberent*, sc. tentoria, vel se, h. e. essent, vel potius habitarent (vid. ad cap. 3, n. 5; Schmieder ad Plaut. Trin. I, 2, 156, et Schelleri lex.): nisi leg. *haberentur*, i. e. essent (ut sæpissime apud Tacitum; vide ad Tac. Ann. II, 58, n. 2), vel ex aliis libris *quas Pœni, quas Numidæ hab. vel cum viris doctis tenderent, aut habitarent.*

3. *Vetitos se reverti ad imperatorem*, etc. quo Scipio et otium præbebat officio, quod additum legatis erat, castra contemplandi, et speciem cupidi pacis præbebat; Gron. Idem et plura docet Polyb. XIV, 2. — *Ipsi*

*inde, seu ipsi staret jam sententia, seu consulendus Hasdrubal et Carthaginenses essent, consuleret. Tempus esse, aut pacem componi, aut bellum naviter geri. Dum consulitur Hasdrubal ab Syphace, ab Hasdrubale Carthaginenses; et speculatores omnia visendi, et Scipio ad comparanda ea, quæ in rem erant⁴, tempus habuit. Et ex mentione ac spe pacis negligentia, ut fit, apud Pœnos Numidamque orta cavendi, ne quid hostile interim paterentur. Tandem relatum responsum, quibusdam (quia nimis cupere Romanus pacem videbatur) iniquis per occasionem adjectis: quæ peropportune cupienti tollere inducias Scipioni causam præbuere; ac nuntio regis, quum relaturum se ad consilium⁵ dixisset, postero die respondit, *Se uno frustra tendente, nulli alii pacem placuisse. Renuntiaret igitur, nullam aliam spem pacis, quam relictis Carthaginensibus, Syphaci cum Romanis esse. Ita tollit inducias, ut libera fide incepta exsequeretur; deductisque navibus⁶ (et jam veris principium erat) machinas tormentaue, velut a mari aggressurus Uticam, imponit, et duo millia militum ad capiendum, quem antea tenuerat, tumultum super Uticam mittit; simul ut ab eo, quod parabat, in alterius rei curam converteret hostium animos, simul ne qua, quum**

staret sententia; vide ad IV, 13, n. 6. — Supplendum censet Creverius: daret statim responsum, vel aliud quid simile: verbum enim *consuleret* hic locum non habet. Ed.

4. *Quæ in rem erant*; vide ad I, 27, n. 5. — *Iniquis conditionibus per occasionem adjectis*, ob pacis, quam Scipio præ se ferebat, cupiditatem; Doering.

5. *Relaturum se ad consilium*; vide ad VIII, 6, n. 6, et XXVI, 2, n. 3.

— *Se (Scipione) uno frustra tendente*, sc. ut pax componeretur. Conf. ad IV, 7, n. 6. — *Nulli alii*, sc. legatorum aliorumque, qui in consilio affuisent. — *Libera fide*, ea liberatus, solutus. Conf. Polyb. XIV, 2 extr.

6. *Deductisque navibus* (vid. VIII, 26, n. 1), etc. Cf. Polyb. XIV, 2 pr. — *Ad...tumulum super Uticam mittit*; vide ad XXIX, 35, n. 6, et XXXI, 47, n. 3. Τὸν ὑπὲρ τῆν πόλιν κείμενον λόφον, Polyb. XIV, 2.

ipse ad Syphacem Hasdrubalemque profectus esset, eruptio ex urbe et impetus in castra sua, relicta cum levi praesidio, fieret.

V. His praeparatis advocatoque consilio¹, edicere exploratoribus jussis, quae comperta afferrent, Masinissaque, cui omnia hostium nota erant; postremo ipse, quid pararet in proximam noctem, proponit. Tribunis edicit, ut, ubi, praetorio dimisso, signa concinuissent², extemplo educerent castris legiones. Ita, ut imperaverat, signa sub occasum solis efferrī sunt coepta³: ad primam ferme vigiliam⁴ agmen explicaverunt; media nocte (septem enim millia itineris erant) modico gradu ad castra hostium perventum. Ibi Scipio partem copiarum Laelio Masinissamque ac Numidas attribuit; et castra Syphacis invadere, ignesque conjicere jubet. Singulos deinde separatim, Laelium ac Masinissam, seductos obtestatur, *ut, quantum nox providentiae adimat, tantum diligentia expleant curaque. Se Hasdrubalem punicaque castra aggressurum: caeterum non ante caepturum, quam ignem in regis castris conspexisset.* Neque ea res morata diu est: nam ut proximis casis⁵ injectus ignis haesit, ex-

CAP. V. I. *Advocato consilio*; vide ad VIII, 6, n. 6. — *Edicere*, exponere, palam facere, dicere. Conf. ad XXI, 63, n. 1; Gron. et Drak. ad h. l. Cort. ad Sall. B. C. 48, et Ern. Clav. Cic.

2. *Tribunis edicit, ut, ubi, praetorio dimisso* (vide ad XXI, 54, n. 3), *signa concinuissent* (vide ad VII, 40, n. 4), *extemplo*, etc. conf. ad Tac. Ann. XV, 30, n. 3; Polyb. XIV, 3; Lips. Mil. Rom. V, 2; Schel. ad Polyb. cap. 2.

3. *Efferrī sunt capta signa*; vide ad XXV, 41, n. 2.

4. *Ad primam ferme vigiliam* (vid. ad VII, 35, n. 2), ἀριτηλογούσης τῆς πρώτης φυλακῆς, *media nocte*, περὶ τὴν τρίτην φυλακὴν λήγουσαν. . . *septem enim millia* (vide supra ad lib. IX, cap. 24, n. 2) *itineris erant*, περὶ ἑξήκοντα σταδίου, Polyb. XIV, 4, qui et conf. ad seqq. Tertia vigilia signum tuba datum dicit Appian. Pun. 21. — *Modico gradu*; vide ad VIII, 8, not. 6.

5. *Proximis casis*, mapalibus, tentoriis Numidarum. Conf. ad XXV, 39, n. 2; XXIX, 31, n. 3, et Sil. XVII, 88. *Proximis casis*, ut *proxima*

templo proxima quæque et deinceps continua amplexus, totis se passim dissipavit castris. Et trepidatio quidem, quanta necesse erat, in nocturno effuso tam late incendio orta est: cæterum fortuitum, non hostilem ac bellicum, ignem rati esse, sine armis ad restringendum incendium effusi, in armatos incidere hostes, maxime Numidas, ab Masinissa notitia regionum castrorum⁶ ad exitus itinerum idoneis locis dispositos. Multos in ipsis cubilibus semisomnos hausit flamma: multi in præcipiti fuga, ruentes super alios alii, in angustiis portarum obruti sunt.

VI. Relucentem flammam¹ primo vigiles Carthaginiensium, deinde excitati alii nocturno tumultu quum conspexissent, ab eodem errore credere et ipsi sua sponte incendium ortum. Et clamor inter cædem et vulnera sublatus, an ex trepidatione nocturna esset, confusus, sensum veri adimebat. Igitur pro se quisque inermes, ut quibus² nihil hostile suspectum esset,

tecta (tentoria Pœnorum), c. 6, n. 3. Sed Gron. jam recte, opinor, monuit, esse leg. *primis casis*, tum ob seq. *proxima quæque*, tum ob verba Polyb. XIV, 4, εἰς τὰς πρώτας σκηνάς. — *Deinceps continua*; vide ad I, 21, n. 8, et IV, 22, n. 4. — *Quanta necesse erat*, forte *quantam*; Gron.

6. *Notitia reg. castrorum*, ob eam. Mox nemo meliorum MSS agnoscit τὸ *Multos*, non improb. Gron. ut sensus sit: qui *in cubilibus* marcebant, eos, ut erant *semisomni*, *hausit flamma*. Vulgate tamen lect. favet Polyb. XIV, 4 extr. ad verbum expressus fere ubivis. — Castrorum ab hoste pariter incensorem luculenta descriptio, et admodum poetica legitur apud Nostratem *Fénélon, Télémaque*, lib. VII. Ed.

CAP. VI. 1. *Relucentem flammam* in castris regis seu Numidarum *vigi-*

les Carthag. in vicinis castris Hasdrubalis, etc. conf. Polyb. XIV, 5. — *Confusus*, incertus, h. e. qui *an ex trepidatione*, quæ nocturnum incendium comitari solet, ortus esset, incertum erat; Crev. *Cum trepid. noct. confusus* conj. Gron. Sed omnino cum Rhen. leg. *confusis*, hoc sensu: clamor... sublatus cæteris militibus, an ille ex *trepid. noct.* oriretur, incertis et ambigentibus *sensum veri adimebat*, ut *confusus atque incertus animi*, I, 7, et inf. cap. 15 pr. *confusus*, fluctuans et dubitans, quid faciat; Doer. Clamoris hujus nullam mentionem facit Polyb.; at Appian. Pun. 21, βούθ δὲ τότε παμμυγῆ καὶ σάλπιγγιν ἀθροαίς καὶ βυκανήμασιν ἐς κατάπληξιν χρώμενοι, sc. Ρωμαῖοι.

2. *Pro se quisque inermes*, ut *quibus*, etc. vide ad I, 59, n. 3, et VIII,

omnibus portis, qua cuique proximum erat, ea modo, quæ restinguendo igni forent, portantes, in agmen romanum ruebant. Quibus cæsis omnibus, præterquam hostili odio³, etiam ne quis nuntius effugeret, extemplo Scipio neglectas, ut in tali tumultu, portas invadit: ignibusque in proxima tecta coniectis, effusa flamma primo veluti sparsa pluribus locis reluxit, dein per continua serpens⁴, uno repente omnia incendio hausit. Ambusti homines jumentaue foeda primum fuga, dein strage, obruerant itinera portarum: quos non oppresserat ignis, ferro absumpti; binæque castra clade una deleta. Duces tamen ambo et ex tot millibus armatorum duo millia peditum et quingenti equites⁵ semiermes, magna pars saucii afflatique incendio, effugerunt. Cæsa aut hausta flammis quadraginta millia hominum⁶ sunt, capta supra quinque millia: multi Carthaginiensium nobiles, undecim senatores, signa

VIII, 30, n. 7. — *Quæ restinguendo igni forent*; vide ad III, 35, n. 1. — *In agmen romanum*, quod Scipio ipse castris admoverat punicis seu Hasdrubalis, quæ sibi incendenda sumpserat, quæ primum ignem in regis conspexisset castris. Hunc rerum ordinem invertit Appian. Pun. 21, 22.

3. *Præterquam* quod ex *hostili odio* fieri solet, præter odium h., etiam ne, etc., tum odio, tum eam ob causam ne, etc. Conf. simill. loc. X, 20, et ad lib. V, cap. 14, n. 5; lib. XXII, cap. 3, n. 8. — *In proxima tecta*; vide ad cap. 3, not. 5, et ad cap. 5, not. 5.

4. *Dein per continua serpens*; vide ad IV, 22, n. 4. Paulo ante *sparso* (scil. incendio) optimi MSS, prob. Gronovio.

5. *Duo millia peditum et D equites*, ut ap. Polyb. XIV, 6. Equites D cum

Hasdrubale effugisse tradit Appian. Pun. 24.

6. *Cæsa aut hausta flammis XL millia h.*, etc. Polybius numerum non addit, et Appian. Pun. 23, alium. Dukeri nota est: «Si his addas 2500, quos effugisse dicit, sunt in univ. sum 47500. Sed XXIX, 35, Hasdrubalem 30000 ped. 3000 equit., et Syphacem 50000 ped. 10000 eq. habuisse scribit, quæ sunt 93000. Et sic Polyb. XIV, 1. Si jam perierunt 40000 et supra 5000 capti sunt, effugit paulo plus dimidia parte ex 93000. Polybius, XIV, 1, alio Hasdrubalem, alio Syphacem fugisse, et Hasdrubalem equites ad 500, pedites circiter 2000 secum habuisse. Hi ergo sunt, quos effugisse dicit Livius. Sed tamen, quum *ambos duces et ex tot millibus armatorum duo millia peditum et 500 equites* effugisse scribit, ita loquitur,

militaria centum septuaginta quatuor, equi numidici supra duo millia septingenti, elephanti sex capti, octo flamma ferroque absumpti, magnaue vis armorum capta. Ea omnia imperator Vulcano sacrata incendit.

VII. Hasdrubal ex fuga cum paucis Afrorum urbem proximam¹ petierat; eoque omnes, qui supererant, vestigia ducis sequentes, se contulerant: metu deinde, ne dederetur Scipioni, urbe excessit. Mox eodem patentibus portis Romani accepti; nec quidquam hostile, quia voluntate concesserant in ditionem, factum: duæ subinde urbes captæ direptæque. Ea præda, et quæ castris ex incensis et igne rapta erat, militi concessa est. Syphax octo millium ferme inde spatio loco communito consedit². Hasdrubal Carthaginem contendit, ne quid per metum ex recenti clade mollius consuleretur: quo tantus primo terror est allatus, ut, ommissa Utica, Carthaginem crederent extemplo Scipionem obsessurum. Senaturn itaque sufetes (quod velut consulare imperium³ apud eos erat) vocaverunt. Ibi e tribus (una de pace legatos ad Scipionem decernebat: altera Hannibalem ad tuendam ab exitiabili bello patriam revocabat: tertia romanæ in adversis rebus constantiæ erat⁴; reparandum exercitum, Syphacemque hortandum, ne bello absisteret, censebat), hæc sen-

ut lector facile putare possit, hos solos ex 93000 effugisse. »

CAP. VII. I. *Afrorum urbem proximam*, Andam teste Appiano, Pun. 24, qui solus urbis nomen memoravit. Conf. tamen ad hæc et seqq. Polyb. XIV, 6.

2. *Octo millium passuum inde spatio loca communito*, Abba. Conf. n. 6, et Polyb. XIV, 6, 12.

3. *Sufetes, consulare imperium*; vide ad XXVIII, 37, n. 3. — *Ibi e tribus*,

una de pace... vicit: hæc edidit Drak. ex emend. Gron. pro vulg. *Ibi tribus dictis sententiis, una de pace*; etc. Optimi MSS non habent *tà dictis sententiis*, et scitam hanc brevitatem sermonis firmavit multis exemplis Gron. ad h. l., ad Stat. Theb. I, 112, et Obs. IV, 4. *E tribus*, sc. sententiis, quod e seqq. intell., ut passim alia, vide ad XXI, 43, n. 4.

4. *Tertia romanæ in a. r. constantiæ erat*; vide ad III, 62, u. 5. Mox

tentia, quia Hasdrubal præsens Barcinæque omnes factionis⁵ bellum malebant, vicit. Inde delectus in urbe agrisque haberi cœptus, et ad Syphacem legati missi, summa ope et ipsum reparantem bellum, quum uxor non jam, ut ante, blanditiis, satis potentibus ad animum amantis, sed precibus et misericordia valuisset, plena lacrymarum obtestans, ne patrem suum patriamque proderet, iisdemque flammis Carthaginem, quibus castra conflagrassent, absumi sineret. Spem quoque opportune oblatam afferebant legati, quatuor millia Celtiberorum circa urbem nomine Abbam⁶, ab conquisitoribus suis conducta in Hispania, egregiæ juventutis, sibi occurrisse, et Hasdrubalem prope diem affore cum manu haudquaquam contemnenda. Igitur non benigne modo legatis respondit, sed ostendit etiam multitudinem agrestium Numidarum, quibus per eosdem dies arma equosque dedisset, et omnem juventutem affirmat exciturum ex regno. *Scire incendio, non prælio, cladem acceptam: eum bello inferiorum esse, qui armis vincatur.* Hæc legatis responsa: et post dies paucos rursus Hasdrubal et Syphax copias junxerunt. Is omnis exercitus fuit triginta ferme milium armatorum.

VIII. Scipionem, velut jam debellato, quod ad Syphacem Carthaginensesque attineret, Uticæ oppugnandæ intentum, jamque machinas admoventem muris, avertit fama redintegrati belli; modicisque præ-

verbum *censebat* del. forte; Crev. et Drakenb. — Quibus et ego etiam invitis codd. meis assentior. Ed.

5. *Hasdrubal præsens omnesque Barcinæ factionis*; vide ad XXI, 2, n. 5. De Hasdrubale longe alia tradit Appian. Pun. 24, 29, 30, 36, 38.

6. *Urbem nomine Abbam* e Polyb.

XIV, 6, 7. *Obbam* MSS. *Olbam* edd. vett. Vox *nomine* importune ab aliquo videtur intrusa: nam *Abba* nota erat Syphaci, nec probabile est, legatos apud illum de ea, tanquam de illi ignota, loquutos esse; Duker. — Sigonius, qui legebat *Olbam*, jungebat *conducta* cum *circa Olbam*, quam pu-

sidiis ad speciem modo obsidionis terra marique relictis, ipse cum robore exercitus ire ad hostes pergit. Primo in tumulo, quatuor ferme millia distante ab castris regiis, consedit: postero die cum equitatu in Magnos (ita vocant) campos¹, subjectos ei tumulo, degressus, succedendo ad stationes hostium lacessendoque levibus praeliis diem absumpsit; et per insequens biduum, tumultuosis hinc atque illinc excursionibus in vicem, nihil dictu satis dignum fecerunt: quarto die utrimque in aciem descensum est. Romanus principes post hastatorum prima signa, in subsidiis triarios constituit; equitatum italicum ab dextro cornu, ab lævo Numidas Masinissamque opposuit. Syphax Hasdrubalque, Numidicis² adversus italicum equitatum, Carthaginensibus contra Masinissam locatis, Celtiberos in mediam aciem in adversa signa legionum accepere: ita instructi concurrunt. Primo impetu simul utraque cornua, et Numidæ et Carthaginenses pulsi: nam neque Numidæ, maxima pars agrestes, romanum equitatum, neque Carthaginenses, et ipse novus miles, Masinissam, recenti super cætera

tabat esse Hispaniæ urbem: male. *Abbam* in Africa victus modo Syphax se contulerat. Ed. — *Conquisitoribus*; vide tamen ad librum XXI, cap. 11, not. 10.

CAP. VIII. 1. *Primo in tumulo . . . in Magnos campos*, etc. conf. Polyb. XIV, 7, 8, et intpp. Cic. de Orat. III, 42. — *Romanus principes post hastatorum prima signa, in subsidiis*, etc. conf. ad VIII, 8, et II, 20, n. 2. *Post principes hast. perperam omnes* et MSS et edd. ante Sigon: Cf. Lips. de Mil. Rom. IV, 1.

2. *Syphax Hasdrubalque Numidicis*, scil. equitibus; ita MSS: at *Numidis*

edd. ante Gron. qui etiam mox ex optimis codd. malebat *Celtiberos, mediam aciem*, et pro *in adversa* conj. *adversa*, vel *adversam*, vel *adversos*: quorum tamen nihil satis aptum est. Forte leg. *Celtiberos in mediam aciem adversus signa legionum* (rom.) *accepere*. Eundem vulgatæ lect. sensum eumque planum esse; non mihi persuasit Doer. — Vulgatam omni ope tuetur Creverius, cuius explicatio est: «Celtiberos accepere in mediam aciem *in adversa*, id est, contra adversa legionum; oppositos signis legionum, quæ proinde adversa Celtiberis erant. Sic vulgo dicunt *in adversum mon-*

victoria terribilem, sustinuere. Nudata utrimque cornibus Celtiberum acies stabat, quod nec in fuga salus ulla ostendebatur locis ignotis, neque spes veniæ ab Scipione erat; quem, bene meritum de se et gente sua, mercenariis armis in Africam oppugnatum venissent. Igitur, circumfusus undique hostibus, alii super alios cadentes, obstinati moriebantur; omnibusque in eos versis, aliquantum ad fugam temporis Syphax et Hasdrubal præceperunt. Fatigatos cæde diutius, quam pugna, victores nox oppressit.

IX. Postero die Scipio Lælium Masinissamque cum omni romano et numidico equitatu expeditisque militum¹ ad persequendos Syphacem atque Hasdrubalem mittit. Ipse cum robore exercitus urbes circa, quæ omnes Carthaginiensium ditionis erant², partim spe, partim metu, partim vi subegit. Carthagini quidem erat ingens terror, et circumferentem arma Scipionem, omnibus finitimis raptim perdomitis, ipsam Carthaginem repente aggressurum credebant. Itaque et muri reficiebantur propugnaculisque armabantur, et pro se quisque, quæ diutinæ obsidioni tolerandæ sunt³, ex agris convehit. Rara mentio est pacis, frequentior legatorum ad Hannibalem arcessendum mittendorum. Pars maxima classem, quæ ad com meatus excipiendos parata erat, mittere jubent ad opprimendam stationem navium ad Uticam, incaute

tem, vel fluvium niti. » Attamen locutio mihi impedita videtur. Ed.

CAP. IX. 1. *Expeditisque militum;* vide ad XXII, 30, n. 2.

2. *Urbes circa, quæ omnes C. ditionis erant, ... subegit;* vid. I, 4, n. 11; III, 62, n. 5; XXI, 30, n. 5. Conf. Polyb. XIV, 9. — *Carthagini;* vide ad XXVIII, 26, n. 1. — *Circumfe-*

rentem arma; vide supra ad lib. IX, cap. 41, n. 3.

3. *Quæ diutinæ obsidioni tolerandæ sunt;* vide ad III, 35, n. 1. — *Ex agris convehit omnes MSS et edd. ante Frob. qui reposuit convehebat;* et videtur illud festinationem trepidantium magis exprimere, quam lentum hoc verbum; Gron.

agentem; forsitan etiam navalia castra⁴, relicta cum levi præsidio, oppressuros. In hoc consilium maxime inclinant: legatos tamen ad Hannibalem mittendos censent. Quippe, classi ut felicissime gerantur⁵ res, parte aliqua levare Uticæ obsidionem: Carthaginem ipsam qui tueatur, neque imperatorem alium, quam Hannibalem, neque exercitum alium, quam Hannibalis, superesse. Deductæ ergo postero die naves, simul et legati in Italiam profecti, raptimque omnia, stimulante fortuna, agebantur; et, in quo quisque cessasset, prodi ab se salutem omnium rebatur⁶. Scipio, gravem jam spoliis multarum urbium exercitum trahens, captivis aliaque præda in vetera castra ad Uticam⁷ missis, jam in Carthaginem intentus, occupat relictum fuga custodum Tuneta⁸. Abest ab Carthagine quindecim millia ferme passuum locus, quum operibus, tum suapte natura tutus, et qui et ab Carthagine conspici, et præbere ipse prospectum, quum ad urbem, tum ad circumfusum mare urbi, posset.

X. Inde, quum maxime vallum Romani jacerent, conspecta classis hostium¹ est, Uticam Carthagine petens. Igitur, omisso opere, pronuntiatum iter,

4. *Forsitan etiam navalia castra*, stationem navium; vide ad XXIX, 35, n. 7. Distingui tamen ea h. l. videntur, et forte leg. *vetera castra*, ut mox dicuntur, vel *hiemalia castra*, ut sint ea; de quibus vide ad XXIX, 35, n. 6.

5. *Classi ut felicissime gerantur res*; vide ad II, 38, n. 3, et IV, 12, n. 8. — *Deductæ naves*; vide supra ad VIII, 26, n. 1.

6. *In quo quisque cessasset... rebatur*; vide ad II, 43, n. 5. Duk. suspicabatur, hoc sumptum esse a Thucyd. II, 8, ἐν τούτῳ τε κικωλύσθαι ἰδόν-

και ἑκάστῳ τὰ πράγματα, ἃ μὴ τις αὐτὸς παρέσται.

7. *Vetera castra ad Uticam*; vide ad XXIX, 35, n. 6 et 7.

8. *Occupat Tuneta* (ὁ Τύννης), etc. conf. Polyb. XIV, 10. — Hanc urbem Strabo quoque memoravit lib. ultimo: ab ea regnum Tunetanum nomen accepit, *le royaume de Tunis*. Ante Sigionium edebatur *duodecim millia pass.* primus ille ex Polybio veram restituit lectionem, assentientibus MSS. Ed.

CAP. X. 1. *Classis hostium C navium*. Conf. ad hæc et seqq. Appian. Pun. 24, 25, et Polyb. XIV, 10.

signaque raptim ferri² sunt coepta; ne naves, in terram et obsidionem versæ, ac minime navali prælio aptæ, opprimerentur. Qui enim restitissent agili et nautico instrumento aptæ et armatæ classi naves, tormenta machinasque portantes, et aut in onerariarum usum versæ, aut ita appulsæ ad muros, ut pro aggere ac pontibus præbere adscensus possent? Itaque Scipio, contra quam in navali certamine solet³, rostratis, quæ præsidio aliis esse poterant, in postremam aciem receptis prope terram, onerariarum quadruplicem ordinem pro muro adversus hostem⁴ opposuit; easque ipsas, ne in tumultu pugnae turbari ordines possent, malis antennisque de nave in navem trajectis, ac validis funibus velut uno inter se vinculo illigatis, comprehendit: tabulasque superinstravit, ut pervium ordinem faceret: et sub ipsis pontibus intervalla fe-

2. *Signaque raptim ferri*; vide ad III, 54, n. 5. — *Qui* (quomodo) enim restitissent agili et nautico instrumento aptæ classi (Pœnorum), etc. vide ad XXI, 22, n. 2, et XXII, 14, n. 13.

3. *Itaque Scipio, contra quam* (ut cap. 19, et *advorsum quam* apud Plaut. Trin. I, 2) *in navali certamine fieri solet* (in quo *rostrate* a fronte, *onerariæ* a tergo collocabantur), quum neque numero navium ad conserendum in aperto mari certamen par esset Pœnis, neque satis haberet temporis ad eas, quæ aderant, instruendas et educendas, *rostratas, quæ præsidio aliis esse poterant, quæ primam impressionem in hostes facerent, si justum prælium temptandum foret, quæ tegere alias et propugnaculum onerariarum esse deberent, in postremam aciem recepit; onerarias in fronte collocavit, commode inter ipsas re-*

licto intervallo, colligatas injectis trabibus ac velut *ponte stratas*, sub quo *speculatoriæ procurrere* atque infestare oppugnantem hostem possent: unde *rostratarum in prælio pæne nullus usus fuit, nisi quod servatæ sunt et fortassiã inde longinqua tormentis tela missa*; Gronov. Conf. Polyb. et Appian. ll. II.; Schweigh. ad Polyb. tom. V, pag. 40, et Scheffer. de Mil. Nav. III, 5.

4. *Pro muro adversus h. opposuit, ita àvτι τειχους ἤ* Appian. — *Malis antennisque de nave in navem trajectis*, etc. conf. Polyb. XIV, 10 extr. et Polyæn. Strat. II, 22, n. 1. — *Comprehendit*, copulavit, conjunxit. — *Tabulasque superinstravit*, tabulata, pontes, in quibus starent propugnatores telaque in hostes mitterent. Conf. ad XXII, 19, n. 4. — *Ut ordinem, scil. quadruplicem onerariarum pervium faceret*, ita inter se jungeret, ut

cit, qua procurrere speculatoriæ naves⁵ in hostem, ac tuto recipi possent. His raptim pro tempore instructis, mille ferme delecti propugnatores onerariis imponuntur: telorum maxime missilium, ut, quamvis longo certamine, sufficerent, vis ingens congeritur. Ita parati atque intenti hostium adventum opperiebantur. Carthaginenses, qui, si maturassent, omnia permixta turba trepidantium primo impetu oppressissent, percussi terrestribus cladibus, atque inde ne in mari quidem, ubi ipsi plus poterant, satis fidentes, die segni navigatione absumpto, sub occasum solis in portum (Rusucurona Afri vocant⁶) classe appulere. Postero die sub ortum solis instruxere ab alto naves, velut ad justum prælium navale, et tanquam exituris contra Romanis. Quum diu stetissent, postquam nihil moveri ab hostibus viderunt, tum demum onerarias aggrediuntur. Erat res minime certamini navali similis, proxime speciem muros oppugnantium navium. Altitudine aliquantum onerariæ superabant: ex ro-

per tabulas superinstructas de nave in navem iri posset; Doer. — Ex Rheno Creverius ediderat *ut pervius in totum navium ordo esset*; malebat tamen lectionem pluribus haud spernendis codd. firmatam, *ut pervium in totum ordinem esset*; ita ut *pervium* idem fuerit ac *pervius transitus*. Sed hanc lectionem impugnat Drak. eamque tuetur quam edidimus. Ed.

5. *Speculatoriæ naves*; vide supra ad lib. XXII, 19, n. 4. At τριήρεις apud Appian. — *Pro tempore*; vide ad lib. VII, c. 33, n. 2. — *Plus poterant*; vide ad V, 33, n. 3.

6. *Rusucurona Afri vocant* ex emend. Jac. Gron. recepi pro vulg. *Ruscinona*. In MSS *Rusucinona*, *Ruscinova*, *Rusicinona*, *Rusuamona*,

Rusuomona, *Rusuemona*; in Put. Flor. et Pal. pr. *Rusucmona*. Conf. Holsten. ad librum de Patriarch. Rom. p. 94, et Hard. ad Plin. V, 2, seu 1, *colonia Augusti Rusconia* (in Anton. Itin. et Notit. Africae *Rusgunia*, apud Ptol. IV, 2, mendose Ρουσκόγιον pro Ρουσκόγιον, hod. *Tadeles*), *Rusucurium civitate honoratum a Claudio*. (Al. *Rusicorum*, *Rusucurum*, *Rusucurrum*, *Ruscirium*: in Antonini Itin. et Notit. Afr. *Rusucurum*; ap. Ptol. IV, 2, Ρουσσοχώραι, nunc *Carbona*, non longe a *Saldis*, hodie *Bugie* in regno Algeriano.) Hinc suspicari licet *Rusconias* seu *Rusconium*, vel *Rusucurum* seu *Rusucurona*, ut fere in Put. Sed diversum esse Plinii *Rusucurrum* putabat Wessel. ad Anton. Itin. p. 17.

stratis Pœni vana pleraque (utpote supino jactu⁷) tela in superiorem locum mittebant : gravior ac pondere ipso librator superne ex onerariis ictus erat. Speculatoriæ naves ac levia ipsa navigia, quæ sub constratis⁸ pontium per intervalla excurrebant, primo ipso tantum impetu ac magnitudine rostratarum obruebantur : deinde et propugnatoribus quoque incommodæ erant, quod permixtæ cum hostium navibus inhibere sæpe tela cogebant, metu, ne ambiguo ictu suis inciderent : postremo asseres ferreo unco præfixi (harpagones⁹ vocant) ex punicis navibus injici in romanas cœpti. Quos quum neque ipsos, neque catenas, quibus suspensi injiciebantur, incidere possent; ut quæque retro inhibita rostrata onerariam hærentem unco traheret, scindi videres vincula, quibus alia aliis innexa erat, seriem aliam simul plurium navium trahi. Hoc maxime modo lacerati quidem omnes pontes, et vix transiliendi in secundum ordinem navium spatium propugnatoribus datum est. Sex ferme onerariæ puppibus abstractæ Carthaginem sunt : major quam pro re lætitia¹⁰, sed eo gratior, quod inter as-

7. *Utpote supino jactu*, ut solent esse tela, quæ sursum jaciuntur. — *Gravior ac pondere ipso librator superne ictus*; vide ad VII, 23, n. 4. Contrarium dicere videtur Gell. IX, 1, quæ Magius, Misc. II, 16, conciliare conatur; Duk.

8. *Speculatoriæ naves...sub constratis*; vide ad XXII, 19, n. 4. — *Ac levia ipsa navigia*, vox ipsa del. videbatur Crever. Potius omnes illæ quatuor voces; Doer. *Speculatoriæ naves, levia ipsæ navigia*, emend. Duker. quia Livius non de aliis levibus navigiis, quam de speculatoriis, et paulo ante loquutus sit, et nunc loquatur, quod pateat ex seqq. propu-

gnatoribus quoque incommodæ, etc. *Sub constratis pontium*, sub c. pontibus. Conf. ad IX, 3, n. 1; XXII, 30, n. 2, et Cerd. ad Virg. Æn. I, 422. — *Primo ipso tantum impetu*, primum solo t. imp. *Primo ipsæ tanto impetu* Put. et Flor. prob. Crever. ut *ipsæ* opponantur *propugnatoribus*, qui in navibus onerariis erant. *Primo ipso adactæ* i. conj. Gron.

9. *Asseres ferreo unco præfixi, harpagones*; vide ad XXIV, 34, n. 6. — *Retro inhibita*; vide ad XXVI, 39, n. 8. — *Seriem aliam*, reliquam. *Seriemque* quidam MSS et edd. Asyndeton probabat Gron.

10. *Major quam pro re lætitia*;

siduas clades ac lacrymas unum quantumcumque ex insperato gaudium affulserat; cum eo¹, ut appareret, haud procul exitio fuisse romanam classem, ni cessatum a præfectis suarum navium foret, et Scipio in tempore subvenisset.

XI. Per eosdem forte dies, quum Lælius et Masinissa¹ quintodecimo ferme die in Numidiam pervenissent, Massyli, regnum paternum Masinissæ², læti ut ad regem diu desideratum, concessere. Syphax, pulsus inde præfectis præsidiiisque suis, vetere se continebat regno, neutiquam quieturus. Stimulabant ægrum amore uxor socerque; et ita viris equisque abundabat, ut-subjectæ oculis regni per multos florentis annos vires etiam minus barbaro atque impotenti animo spiritus possent facere³. Igitur omnibus, qui bello apti erant, in unum coactis equos, arma, tela dividit: equites in turmas, pedites in cohortes, sicut quondam ab romanis centurionibus⁴ didicerat, distribuit. Exercitu haud minore, quam quem prius habuerat, cæterum omni prope novo atque incondito, ire ad hostes pergit. Et castris in propinquo positis, primo pauci equites ex tuto speculantes ab stationibus progredi; inde jaculis submoti recurrere ad suos;

vide supra ad lib. VII, cap. 33, n. 2.

1. *Cum eo, ut appareret, etc.* vide ad VIII, 14, n. 3.

CAP. XI. 1. *Lælius et Masinissa, etc.* conf. cap. 9 pr.

2. *Massyli* (al. *Massylii*), regnum paternum Masinissæ (per epexegetin, ut *Heraclenses regnum tyrannorum* apud Justin. XVI, 5 extr. ubi vid. Gronov.), læti ad Masinissam, ut ad regem diu desideratum, concessere, transiere. Conf. XXIX, 29-33; ad VIII, 30, n. 7, et XXIV, 48, n. 1. — *Vetere regno Massylorum*; vide

supra ad lib. XXIV, cap. 48, not. 1.

3. *Impotenti animo* (vide ad III, 36, n. 2) *spiritus possent facere*, h. e. animum, audaciam et fiduciam, vel arrogantiam, ut passim *spiritus* alti et elati, aut *status*, *tumor*, *tumidior sermo* (XLV, 23), *verba tumidiora* (XLV, 24 pr.). φύσημα, φυσίωσις, θυξος, εὐδημα, πνοαί, εὐδαινον. — *Arma, tela dividit*; vide supra ad I, 43, n. 4.

4. *Ab romanis centurionibus didicerat*; vide ad XXIV, 48. — *Novo atque incondito*; vid. XXI, 57, n. 1.

inde excursions in vicem fieri, et, quum pulsos indignatio accenderet, plures subire: quod irritamentum certaminum equestrium est, quum aut vincen-
tibus spes, aut pulsus ira aggregat suos. Ita tum a paucis praelio accenso, omnem utrimque postremo equitatum certaminis studium effudit. Ac dum sincerum equestre praelium erat⁵, multitudo Masæylorum, ingentia agmina Syphace emittente, sustineri vix poterat: deinde, ut pedes romanus repentino per turmas suas viam dantes intercurso stabilem aciem fecit, absterruitque effuse invehentem sese hostem, primo Barbari segnius permittere equos⁶; deinde stare ac prope turbari novo genere pugnæ; postremo, non pediti solum cedere, sed ne equitem quidem sustinere, peditis præsidio audentem. Jam signa quoque legionum appropinquabant. Tum vero Masæyli non modo primum impetum, sed ne conspectum quidem signorum atque armorum, tulerunt: tantum seu memoria priorum cladum, seu præsens terror valuit!

XII. Ibi Syphax, dum obequitat hostium turmis, si pudore¹, si periculo suo fugam sistere posset, equo graviter icto, effusus opprimitur capiturque, et vivus, lætum ante omnes Masinissæ præbiturus spectaculum, ad Lælium pertrahitur. Circa caput regni Syphacis erat: eo se ingens hominum contulit vis. Cædes in eo praelio minor, quam victoria, fuit, quia equestri tantummodo praelio certatum fuerat: non plus quin-

5. *Sinoerum equestre praelium*, merum, equitibus tantum pugnantibus, non admixtis peditibus.

6. *Segnius permittere equos*; vide ad II, 56, n. 1. Mox *propere turbari* optimi MSS, rectius, quia statim *cessisse* dicuntur; Jac. Gron. Insolenter dictum est; Doer. — *Audentem*, au-

dacem factum. *Pedites* h. l. sunt velites, quia opponuntur mox *signa legionum* seu legionarii; Ern. Sic et XXXIII, 7 et 14.

CAP. XII. 1. *Si pudore*, experiens num forte sensu pudoris, quem exemplo suo militibus injiceret; Doer. Cf. ad I, 57, n. 1.

siduas clades ac lacrymas unum insperato gaudium affulserat; cui haud procul exitio fuisse roma: satum a praefectis suarum navit tempore subvenisset.

XI. Per eosdem forte dies, nissa^r quintodecimo ferme die nissent, Massyli, regnum pate ut ad regem diu desideratum pulsus inde praefectis praesidiisq tinebat regno, neutiquam q ægrum amore uxor socerque abundabat, ut subjectæ oculis rentis annos vires etiam minuti animo spiritus possent fieri qui bello apti erant, in unum tela dividit: equites in turmas sicut quondam ab romanis distribuit. Exercitu haud n habuerat, cæterum omni pugnare ire ad hostes pergit. Et capite primo pauci equites ex turmas bus progredi; inde jaculis

vide supra ad lib. VII, cap. 33, n.

11. Cum eo, ut appareret, e vide ad VIII, 14, n. 3.

CAP. XI. 1. *Lælius et Masinissa*, conf. cap. 9 pr.

2. *Massyli* (ak. *Massylii*), re paternum Masinissæ (per epexe ut *Heracienses regnum tyran* apud Justin. XVI, 5 extr. Gronov.), *leti ad Masinissæ regem diu desideratum*, cæ transiere. Conf. XXIX, VIII, 30, n. 7, et XXIV — *Vetere regno Massesyl-*

[Faint, illegible text from the reverse side of the page, likely bleed-through or a separate column of text.]

in vita necisque aue vocem
 si genua, si victricem attul-
 quesoque per maiestatem re-
 te nos quoque fuimus, per
 en, quod tibi cum Syphace
 usce regis deos, qui te me-
 piam, quam Syphacem hinc
 supplici des, ut ipso, quod-
 de captiva status, neque me
 superbum ac crudele arbitrium
 aliud, quam Syphacis uxor,
 anda, atque in eadem mecum
 alienigenæ et externi, silem
 und Carthaginiensi ab Romano,
 his timendum sit, videt: si nulla
 me ut vindicet ab Romanorum
 storque ». Fortuna erat insignis et
 itaque quum uide, dextera non
 cui Romano tradiderat, fulam
 usque blanditas, misericordiam uide, precipit et non
 (ut est genus Russulorum in roma-
 amore captiva uide, Gata
 od petebatur, uide, et
 Instat deinde sequitur, et
 in promissæ fidei. et
 ab amore uide, et
 natur eodem. et
 e parati iubet. et

I. Ipsi Syphax, cum dicitur, misericordiam uide, precipit et non
 II. Ipsi Syphax, cum dicitur, misericordiam uide, precipit et non
 III. Ipsi Syphax, cum dicitur, misericordiam uide, precipit et non

que millia occisa, minus dimidium ejus hominum captum est, impetu in castra facto, quo perculsa rege amisso multitudo se contulerat. Masinissa, *sibi quidem*, dicere, *nihil esse in præsentia pulchrius, quam victorem, recuperatum tanto post intervallo, patrium invisere regnum; sed tam secundis, quam adversis, rebus non dari spatium ad cessandum. Si se Lælius cum equitatu vinctoque Syphace Cirtam præcedere sinat, trepida omnia metu se oppressurum: Lælium cum peditibus subsequi modicis itineribus posse.* Assentiente Lælio, prægressus Cirtam, evocari ad colloquium principes Cirtensium jubet. Sed apud ignaros regis casus, neque quæ acta essent promendo, neq̄ minis, nec suadendo, ante valuit, quam rex victus in conspectum datus est. Tum ad spectaculum tam fœdum comploratio orta; et partim pavore mœnia sunt deserta, partim repentino consensu gratiam apud victorem quærentium patefactæ portæ. Et Masinissa, præsidio circa portas opportunaque mœnium² dimisso, ne cui fugæ pateret exitus, ad regiam occupandam citato vadit equo. Intranti vestibulum in ipso limine Sophonisba³, uxor Syphacis, filia Hasdrubalis Pœni, occurrit, et quum in medio agmine armatorum Masinissam insignem, quum armis, tum cætero habitu, conspexisset, regem esse (id quod erat) rata, genibus advoluta ejus: « Omnia quidem ut posses in nobis, dii dederunt virtusque et felicitas tua. Sed,

2. *Opportuna mœnium* loca; vide ad I, 54, n. 4.

3. *Sophonisba, uxor Syphacis*, etc. vide ad XXIX, 23, n. 3. — *Omnia quidem ut posses in nobis*, optimi MSS, ut in V, 11, n. 9, et XXVI, 33, n. 8; vid. VI, 22, n. 1. *Omnia quidem, inquit, ut posses in nos, dii tibi*

dederunt, edd. ante Drak. *Sæpe inquit, ait, dicit a Livio* omissa et a librariis adjecta; vid. Drak. ad XXIII, 45, n. 6. — *In nos*, pro *in nobis* tueri conatur Crever. contra Gronovium: nam ex communi usu latini sermonis statuere debemus quid rectum sit, quid probari aut rejici necesse sit. Ep.

« si captivæ apud dominum vitæ necisque suæ vocem
« supplicem mittere licet, si genua, si victricem attin-
« gere dextram, precor quæsoque per majestatem re-
« giam, in qua paulo ante nos quoque fuimus, per
« gentis Numidarum nomen, quod tibi cum Syphace
« commune fuit, per hujusce regiæ deos, qui te me-
« lioribus ominibus accipiant, quam Syphacem hinc
« miserunt, hanc veniam supplici des, ut ipse, quod-
« cumque fert animus, de captiva statuas, neque me
« in cujusquam romani superbum ac crudele arbitrium
« venire sinas. Si nihil aliud, quam Syphacis uxor,
« fuissem, tamen Numidæ, atque in eadem mecum
« Africa geniti, quam alienigenæ et externi, fidem
« experiri malle. Quid Carthaginensi ab Romano,
« quid filiæ Hasdrubalis timendum sit, vides: si nulla
« alia re potes, morte me ut vindices ab Romanorum
« arbitrio, oro obtestorque ». Forma erat insignis et
florentissima ætas. Itaque quum modo, dextram am-
plectens, in id, ne cui Romano traderetur, fidem
exposceret, propiusque blanditias oratio esset, quam
preces; non in misericordiam modo prolapsus est ani-
mus victoris, sed (ut est genus Numidarum in vene-
rem præceps⁴) amore captivæ victor captus, data
dextra in id, quod petebatur, obligandæ fidei, in re-
giam concedit. Instittit deinde reputare secum ipse,
quemadmodum promissi fidem præstaret: quod quum
expedire non posset, ab amore temerarium atque im-
pudens mutuatur consilium. Nuptias in eum ipsum
diem repente parari jubet, ne quid relinqueret integri

4. *Genus Numidarum in venerem præceps*; vide ad I, 18, n. 5, et XXIX, 23, n. 4. — *Victor captus*. Eadem fere antithesis occurrit apud Horat. Epist. II, 1, v. 156: « Græcia

capta ferum victorem cepit ». Ed. — *Instittit deinde reputare*; vid. XXIV, 26, n. 7. — *Promissi fidem præstaret*; vide ad XXV, 41, n. 3. — *Ab amore mutuatur consilium*, nempe

constantiorem Masinissam, quam Syphacem, esse, etiam juventa incautiorem. Certe stultius illum atque intemperantius eam, quam se, duxisse.

XIV. Hæc non hostili modo odio, sed amoris etiam stimulis¹, amatam apud æmulum cernens, quum dixisset, non mediocri cura Scipionis animum pepulit². Et fidem criminibus raptæ prope inter arma nuptiæ³, neque consulto, neque exspectato Lælio, faciebant, tamque præceps festinatio, ut, quo die captam hostem⁴ vidisset, eodem matrimonio junctam acciperet, et ad penates hostis sui nuptiale sacrum conficeret. Eo foediora hæc videbantur Scipioni, quod ipsum in Hispania juvenem nullius forma pepulerat captivæ. Hæc secum volutanti Lælius ac Masinissa supervenerunt: quos quum pariter ambo et benigno vultu excepisset, et egregiis laudibus frequenti prætorio⁵ celebrasset, abductum in secretum Masinissam sic alloquitur: « Aliqua te existimo, Masinissa, intuentem in « me bona, et principio in Hispania ad jungendam me- « cum amicitiam venisse, et postea in Africa te ipsum « spesque omnes tuas in fidem meam commisisse. Atqui

CAP. XIV. 1. *Amoris etiam stimulis*, ut κεντροῖς ἔρωτος ἐκπεπληγμένη et δηθείσα apud Eurip. Hippol. 38; 1317, et Herc. fur. 21; Oppian. Cyn. II, 31, 32; Lucret. IV, 1208 al. Cf. ad hæc et sqq. Appian. Pun. 28. *Amor* h. l. invidia ex amore *Jalousie*; Bauer.

2. *Non mediocri... pepulit*, ut mox ipsum juvenem nullius forma pepulerat captivæ, h. e. commoverat, tetigerat, affecerat. Nam *res pellere nos* et *impellere* dicuntur, quæ vel sensuum instrumenta vel animum suaviter aut moleste afficiunt. Cf. Ernesti Clav. Cic.

3. *Raptæ prope inter arma nuptiæ*;

vide tamen ad lib. VI, cap. 23, not. 3.

4. *Captam hostem*, Sophonisbam; nam Prisciani regula est V: « In is finita nomina, si ad homines proprie solos pertinent, communia sunt, et non faciunt ex se neutra, ut hic et hæc civis, hic et hæc hostis »; Gron. Cf. Duk. et Drak. ad h. l. et Burm. ad Ovid. Her. VI, 84. — *Ad penates hostis*; vid. X, 23, n. 12, et XXVIII, 18, n. 1. — *Juvenem nullius forma pepulerat captivæ*; conf. not. 2.

5. *Frequenti prætorio*; vid. XXI, 54, n. 3. — *In Hispania ad jungendam m. a. venisse*, scilic. ad me: non in Hispaniam, ut in multis legitur li-

« nulla earum virtus est, propter quas appetendus tibi
« visus sim, qua ego æque, atque temperantia et con-
« tinentia libidinum, gloriatus fuerim. Hanc te quoque
« ad cæteras tuas eximias virtutes, Masinissa, adjecisse
« velim. Non est, non (mihi crede) tantum ab hostibus
« armatis ætati nostræ periculum, quantum ab circum-
« fusis undique voluptatibus. Qui eas sua temperantia
« frenavit ac domuit, multo majus decus majoremque
« victoriam sibi peperit, quam nos Syphace victo ha-
« bemus. Quæ, me absente, strenue ac fortiter fecisti,
« libenter et commemoravi, et memini: cætera te
« ipsum reputare tecum, quam, me dicente, erube-
« scere malo. Syphax populi romani auspiciis⁶ victus
« captusque est: itaque ipse, conjux, regnum, ager,
« oppida, homines, qui incolunt, quidquid denique
« Syphacis fuit, præda populi romani est; et regem
« conjugemque ejus, etiamsi non civis carthaginiensis
« esset, etiamsi non patrem ejus imperatorem hostium
« videremus, Romam oporteret mitti, ac senatus popu-
« lique romani de ea judicium atque arbitrium esse, quæ
« regem nobis socium alienasse, atque in arma egisse
« præcipitem dicatur. Vince animum: cave deformes
« multa bona uno vitio, et tot meritorum gratiam ma-
« jore culpa, quam causa culpæ est, corrumpas ».

XV. Masinissæ hæc audienti non rubor solum suf-
fus, sed lacrymæ etiam obortæ; et quum *se quidem
in potestate futurum imperatoris*¹ dixisset, orassetque
eum, *ut, quantum res sineret, fidei suæ temere ob-*
strictæ consuleret; promisisse enim, sese in nullius po-

bris. Quum in Hispania foret, eam
cum Scipione firmavit; Drak.

6. Populi romani auspiciis; vide
ad lib. V, cap. 46, not. 10. Mox vi-
deremus, quia de superstite loquitur,

Gisgonis filio Hasdrubale; Bauerus.

CAP. XV. 1. *Se in potestate futurum
imperatoris*; vide ad II, 56, n. 16.
— *Fidei quæ temere obstrictæ*, datæ
(ut XXIII, 9, et obligata fide XL,

testatem eam traditurum, ex prætorio in tabernaculum suum confusus concessit. Ibi, arbitris remotis, quum crebro suspiritu et gemitu, quod facile ab circumstantibus tabernaculum exaudiri posset, aliquantum temporis consumpsisset; ingenti ad postremum edito gemitu, fidum e servis² vocat, sub cujus custodia regio more ad incerta fortunæ venenum erat, et mixtum in poculo ferre ad Sophonisbam jubet³, ac simul nuntiare, Masinissam libenter primam ei fidem præstaturum fuisse, quam vir uxori debuerit. Quoniam arbitrium ejus, qui possint, adimant, secundam fidem præstare, ne viva in potestatem Romanorum veniat. Memor patris imperatoris patricæque et duorum regum, quibus nupta fuisset, sibi ipsa consuleret. Hunc nuntium ac simul venenum ferens minister quum ad Sophonisbam venisset, « Accipio, inquit, nuptiale « munus, neque ingratum, si nihil majus vir uxori « præstare potuit. Hoc tamen nuntia, melius me mo- « rituram fuisse, si non in funere meo nupsissem ».

57) *consuleret, eam præstaret, ejus exsolvendæ rationem haberet. — Confusus; vide ad cap. 6, n. 1. — Suspiritu meliores MSS, non suspirio. Cf. Gronov. ad h. l. et Colvius ad Apul. Met. I, p. 9. — Quod facile, etc. ut illud, sc. suspirare et gemere: nisi pro quod leg. qui; Doer.*

2. *Fidum e servis, ut apud Tacit. Annal. XIV, 11; Sueton. Aug. 67, et al. Gron. — Sub cujus custodia regio more ad incerta fortunæ (vide ad IV, 27, n. 1) venenum erat; conf. Lips. Manulect. ad Philos. Stoic. III, 28, et Casaub. ad Strab. III, pag. 251.*

3. *Mixtum in poculo ferre ad Sophonisbam jubet, etc. Conf. Appian. Pun. 8, qui tamen hoc venenum ab ipso Masinissa clam Sophonisbæ alla-*

tum dicit. — Similem mulieris miserimæ et simul fortissimæ exitum in scenam gallicam protulit, et quædam ex hoc loco ad verbum fere expressit Nostras Racine, Mithridate, V, sc. 2: Donnez. Dites, Arcas, au roi qui me l'envoie, Que de tous les présents que m'a faits sa bonté, Je reçois le plus cher et le plus souhaité.

Hoc argumentum apud recentiores poeseos tragicæ principium singulari quodam fato celebratur. Primus Italorum, qui tragediam scripserit, Georg. Trissinus, hanc ad tres artis tragicæ regulas exegit fabulam, quæ postea in gallicum theatrum secundum hujus leges a Jo. MARIET septem annis ante Magnum Cornelium (LX CXX) translata, velut tanti luminis prænuntia refulsit: eam et ipse P. Cornelius Vol-

Non loquuta est ferocius, quam acceptum poculum, nullo trepidationis signo dato, impavide hausit⁴. Quod ubi nuntiatum est Scipioni, ne quid æger animi ferrox juvenis gravius consuleret, accitum eum extemplo nunc solatur; nunc, quod temeritatem temeritate alia luerit, tristio remque rem, quam necesse fuerit, fecerit, leniter castigat. Postero die, ut a præsentis motu averteret animum ejus, in tribunal escendit⁵, et concionem advocari jussit. Ibi Masinissam, primum regem appellatum eximiisque ornatum laudibus, aurea corona, aurea patera, sella curuli et scipione eburneo, toga picta et palmata tunica donat⁶. Addit verbis honorem, *Neque magnificentius quidquam triumpho apud Romanos, neque triumphantibus amplio rem eo ornatu esse; quo unum omnium externorum dignum Masinissam populus romanus ducat*. Lælium deinde et ipsum collaudatum aurea corona donat: et alii militares viri, prout a quoque navata opera erat, donati. His honoribus mollitus regis animus, erectusque in spem propinquam, sublato Syphace, omnis Numidiæ potiundæ.

XVI. Scipio, C. Lælio cum Syphace aliisque captivis Romam misso, cum quibus et Masinissæ legati profecti sunt, ipse ad Tuneta rursum castra refert, et,

tariusque vena semili parum feliciter tractarunt. Ed.

4. *Non loquuta est ferocius, quam poculum... impavide hausit*; debet: non *magis* loquuta est *ferociter*, etc., quod et inverse intelligi convenit, ac si citra pleonasmum diceret: non *minus impavide* hausit, quam *ferociter* loquuta est; Bauer.

5. *In tribunal escendit*; v. II, 7, n. 7.

6. *Ibi Masinissam, primum regem appellatum, aurea corona... donat*;

conf. Dionys. Hal. V, 35, et Tac. Ann. IV, 26 extr. Hæc aliæque a populo rom. Masinissæ dono missa fuisse, tradit Appian. Pun. 32, qui confedit hunc locum et alium inf. cap. 17. — *Aurea patera*, ut argentea phiala ap. Plut. in Æmil. p. 270. Cf. Polyb. VI, 39, 3. — *Scipione eburneo, sceptro*. Conf. simil. loc. XXXI, 11. De *toga picta*, etc. vide ad X, 7, n. 9. Mex forte leg. *Addit verborum honorem*. Conf. ad XXV, 17, n. 5.

quæ munimenta inchoaverat, permunit. Carthaginienses, non brevi solum, sed prope vano gaudio, ab satis prospera in præsens oppugnatione classis perfusi, post famam capti Syphacis, in quo plus prope, quam in Hasdrubale atque exercitu suo spei reposuerant, percussi, jam nullo auctore belli ultra audito, oratores ad pacem petendam mittunt triginta seniorum principes. Id erat sanctius apud illos consilium, maximaque ad ipsum senatum regendum vis. Qui ubi in castra romana et prætorium pervenerunt, more adulantium¹ (accepto, credo, ritu ex ea regione, ex qua oriundi erant) procubuerunt. Conveniens oratio tam humili adulationi fuit, non culpam purgantium, sed transferentium initium culpæ in Hannibalem impotentiaque ejus fautores². Veniam civitati petebant, civium temeritate bis jam ante eversæ, incolumi futuræ iterum hostium beneficio. *Imperium ex victis hostibus populum romanum, non perniciem, petere: paratis obedienter servire, quæ vellet, imperaret. Scipio, et venisse ea spe in Africam se, ait, et spem suam prospero belli eventu auctam, victoriam se, non pacem, domum reportaturum esse: tamen, quum victoriam prope in manibus habeat, pacem non abnuere; ut omnes gentes sciant, populum romanum et*

CAP. XVI. 1. *More adulantium, etc.* vide ad IX, 18, n. 2, et conf. Polyb. XV, 1. — *Ex ea regione, ex qua oriundi erant* Pœni, e Tyro. Sed totius fere Orientis ritus est; vide supra ad IX, 18, n. 2.

2. *Impotentiaque ejus fautores;* vide ad III, 36, n. 2. *Potentiaque* Put. Flor. et al. — Sed notat Drak. humilitati, qua legati Carthaginiensium pacem petunt, magis convenire ut auctoritatem Hannibalis vocent

impotentiam quam potentiam. Hæc enim legitima esse potest, illa semper vitio vertitur. Ed. — *Bis jam ante eversæ, non vastatæ, dirutæ, excisæ, sed cujus potentia labefacta esset, et quæ fractis viribus non multum abesset ab interitu et eversione: sed vel ita mihi suspectum est ante, quod ex duabus postremis literis vocis præc. et prima sequentis oriri potuit (nam eo tempore adhuc durabat bellum secundum, nec duo alia bella ante illud*

*suscipere juste bella, et finire. Leges pacis se has dicere*³: *Captivos, et perfugas, et fugitivos restituant: exercitus ex Italia et Gallia deducant; Hispania abstineant: insulis omnibus, quæ inter Italiam et Africam sunt, decedant: naves longas, præter viginti, omnes tradant; tritici quingenta, hordei trecenta millia modium. Pecuniæ summam quantam imperaverit, parum convenit*⁴: *alibi quinque millia talentum, alibi quinque millia pondo argenti, alibi duplex stipendium militibus imperatum invenio. « His conditionibus, inquit, si placeat pax, triduum ad consultandum dabitur. Si placuerit, mecum inducias facite, Romam ad senatum mittite legatos. » Ita dimissi Carthaginienses, nullas recusandas condiciones pacis quum censuissent (quippe qui moram temporis quærent, dum Hannibal in Africam trajiceret), legatos alios ad Scipionem, ut inducias facerent, alios Romam ad pacem petendam mittunt, ducentes paucos in speciem captivos perfugasque et fugitivos, quo impetrabilior pax esset.*

XVII. Multis ante diebus Lælius cum Syphace primoribusque Numidarum captivis Romam venit; quæque in Africa gesta essent, omnia exposuit ordine Pa-

gesta), aut leg. *bis tantum non eversæ*; Duk. Sio et Crev. delendum putabat *ante*, et exponebat: quam cives sui jam bis, quantum in se esset, evertissent; vel quæ perire meruisset. Cf. ad XXVIII, 34, n. 4. *Bis jamteversæ* Put. et Flor. at plane *bis jam pæne eversæ* conj. Doer. coll. Cic. Har. Resp. 4.

3. *Leges pacis se has dicere*, etc. conf. Appian. Pun. 31, 32. — *Perfugas et fugitivos*; vide ad cap. 43, n. 9. — *Naves longas, præter XX*; apud

Eutrop. III, 21, et Appian. *præter XXX*.

4. *Parum convenit*; vide ad 1, 3, n. 4. — *Quinque millia talentum*: ap. Appian. MDC talenta. Immane est, inquit Creverius, quantum hæc summa ab altera distet. *Quinque millia talentum* sunt marcæ argenti nostrates 468750; *quinque vero millia pondo* æquant marcas nostrates 7812 cum quatuor unciiis. En. — *Si (h. e. an) placeat pax ex emend. Gronov. pro vulg. placeatne pax recepi. Si placeant pax* Put. *Si placet pax* Gud.

tribus, ingenti omnium et in præsens lætitia, et in futurum spe. Consulti inde Patres regem in custodiam Albam mittendum censuerunt; Lælium¹ retinendum, donec legati carthaginienses venirent. Supplicatio in quatrimum decreta est. P. Ælius prætor, senātu misso et concione inde advocata, cum C. Lælio in Rostra ascendit. Ibi vero audientes, fusos Carthaginensium exercitus, devictum et captum ingentis nominis regem, Numidiam omnem egregia victoria peragratam, tacitum continere gaudium non poterant, quin clamoribus, quibusque aliis multitudo solet, lætitiā immodicā significarent. Itaque prætor extemplo edixit, *Uti æditui ædes sacras omnes tota urbe aperirent; circummeundi salutandique deos agendique grates per totum diem² populo potestas fieret.* Postero die legatos Masinissæ in senatum introduxit. Gratulati primum senatui sunt, *quod P. Scipio prospere res in Africa gessisset: deinde gratias egerunt, quod Masinissam non appellasset modo regem, sed fecisset, restituendo in paternum regnum; in quo post Syphacem sublatum, si ita Patribus visum esset, sine metu et certamine esset regnaturus.* Dein, *quod collaudatum pro concione amplissimis decorasset donis: quibus ne indignus esset, et dedisse operam Masinissam, et porro daturum esse. Petere, ut regium nomen cæ-*

Conf. supra ad librum I, cap. 57, n. 1.

CAP. XVII. 1. *Lælium retinendum*, etc. sed cap. 21 extr. dimissum ait ante adventum legatorum: quapropter vel decretum mutatum est, vel lapsus memoria diversosve sequutus auctores Livius hæc scripsit; Glar. Vide quæ notantur infra, p. 44. Ed. — *In Rostra ascendit*; vide ad II, 7, n. 7, et VIII, 14.

2. *Agendique grates per totum*

diem, forte *per IIII dium*, h. e. quatrimum: nam *supplicatio in quatrimum decreta* erat; Pigh. in Ann. ad an. 550, p. 224. Senatus quidem decreverat eam, sed prætor nondum edixerat: interim igitur, dum tempus commodum veniret, ut populo satis fieret, edixit, ut eo etiam die ædes sacræ tota urbe paterent; Drak. *Per totum diem* unoquoque quatuor dierum; Doer.

teraque Scipionis beneficia et munera senatus decreto confirmaret : et, nisi molestum esset, illud quoque petere Masinissam, ut Numidas captivos, qui Romæ in custodia essent, remitterent. Id sibi amplum apud populares futurum³ esse. Ad ea responsum legatis : Rerum gestarum in Africa prospere communem sibi cum rege gratulationem esse. Scipionem recte atque ordine videri fecisse⁴, quod eum regem appellaverit; et, quidquid aliud fecerit, quod cordi foret Masinissæ, ea Patres comprobare atque laudare. Munera, quæ legati ferrent regi, decreverunt : sagula purpurea duo cum fibulis aureis singulis et lato clavo tunicis, et equos duo phaleratos, bina equestria arma cum loriceis, et tabernacula militaremque suppellectilem, qualem præberi consuli mos esset. Hæc regi prætor mittere jussus. Legatis in singulos dona ne minus quinum millium, comitibus eorum millium æris; et vestimenta bina legatis, singula comitibus Numidisque, qui ex custodia emissi redderentur regi. Ad hoc ædes liberæ, loca, lautia⁵ legatis decreta.

XVIII. Eadem æstate, qua hæc decreta Romæ et in Africa gesta sunt, P. Quintilius Varus prætor et M. Cornelius proconsul in agro Insubrium Gallorum cum

3. *Id sibi amplum a. p. futurum;* vide ad II, 9, n. 2.

4. *Recte atque ordine videri fecisse;* vide ad XXIV, 31, n. 3. — *Quod cordi foret Masinissæ, ea,* etc. vide ad VI, 9, n. 1, et XXXIII, 24, n. 4. — *Cum fibulis aureis singulis et lato cum clavo tunicis;* vide ad I, 14, n. 4. *Cum fibulis aureis et singulis l. c. t. conj. Figh. in Ann. ad an. 550,* p. 224, et tom. I, p. 66. Sed, quum Livius dicit *tunicis*, credo e præcedd. repeti posse *singulis*, et ad singula saga purpurea singulas fibulas aureas

et singulas lato clavo tunicas datas esse; Duker. — *Legatis in singulos dona ne minus,* etc. vide ad XXVIII, 39, n. 7; XXIX, 15, n. 5, et XLII, 1, n. 5. — *Quinum millium.* Si æs grave cum Creverio intelligamus, quinna millia æris æstimari possunt mercis argenti paris. 7 cum unciis sex et semuncia; mille æris unciis argenti duodecim itidem cum semuncia. ED.

5. *Ad hoc ædes liberæ, loca, lautia,* etc. vide ad II, 23, n. 3; XXIV, 7, n. 3; XXVIII, 39, n. 8, et XLII, 1, not. 5.

Magone pœno signis collatis pugnarunt. Prætoris legiones in prima acie fuerunt : Cornelius suas in subsidiis tenuit, ipse ad prima signa equo advectus : proque duobus cornibus¹ prætor ac proconsul milites ad inferenda in hostes signa summa vi hortabantur. Postquam nihil commovebant, tum Cornelio Quintilius : « Lentior, ut vides, fit pugna; et induratus præter « spem resistendo hostium timor; ac, ne vertat in au- « daciam, periculum est. Equestrem procellam² exci- « temus, oportet, si turbare ac statu movere volumus. « Ita vel tu ad prima signa prælium sustine, ego in- « ducam in pugnam equites : vel ego hic in prima acie « rem geram, tu quatuor legionum equites in hostem « emitte³ ». Utram vellet prætor, muneris partem proconsule accipiente, Quintilius prætor cum filio, cui Marco prænomen erat, impigro juvene, ad equites pergit, jussosque escendere in equos repente in hostem emittit. Tumultum equestrem auxit clamor ab legionibus additus; nec stetisset hostium acies, ni Mago ad primum equitum motum paratos elephantos ex templo in prælium induxisset. Ad quorum stridorem odoremque et adspectum territi equi vanum equestre

CAP. XVIII. 1. *Proque duobus cornibus*, ante ea. — *Nihil commovebant*, acil. hostem, e statu suo movebant (ut paulo post, et IX, 40); Doer. Immo: milites hortatione sua. — *Induratus*, durior et firmior factus est, h. e. hostes contra timorem resistendo se obfirmarunt; Doer. — *Ne vertat in audaciam*; vide ad II, 3, n. 2. *Timor ne vertat in audaciam* malebat Gronovius.

2. *Equestrem procellam*; vide ad X, 5, n. 4. — *Statu movere*; vide ad II, 10, n. 7. — *Prælium sustine*; vide ad II, 44, n. 6.

3. *Equites in hostem emitte*; vide ad II, 56, n. 1. — *Utram vellet prætor*, scil. accipere proconsulem, accipiente, dicente, se paratum esse accipere. — *Cum filio, cui Marco prænomen erat*: nescio, cur tam notabile visum fuerit Livio, huic Marco prænomen fuisse, ut id posteritati non invidendum putaverit: nam sufficiebat utique *cum filio Marco*, et raro utitur voce *prænomen*, qua et VI, 20 dedita opera abstinuisse videtur; Duk. Sic et VII, 22. Drak. — *Tumultum equestrem*; vide ad X, 5, n. 4. — *Stridorem, barritum*, ut XLIV, 5.

auxilium fecerunt : et ut permixtus, ubi cuspage uti et cominus gladio posset, roboris majoris romanus eques erat⁴, ita in ablatum paventibus procul equis melius ex intervallo Numidæ jaculabantur. Simul et peditum legio duodecima, magna ex parte cæsa, pudore magis, quam viribus, tenebat locum; nec diutius tenuisset, ni ex subsidiis tertia decima legio, in primam aciem inducta, prælium dubium⁵ excepisset. Mago quoque ex subsidiis Gallos integræ legioni opposuit : quibus haud magno certamine fusis, hastati legionis undecimæ conglobant sese, atque elephantos jam peditum aciem turbantes invadunt. In quos quum pila confertos conjecissent, nullo ferme frustra emisso, omnes retro in aciem suorum averterunt : quatuor gravati vulneribus corruerunt. Tum prima commota hostium acies⁶ : simul omnibus peditibus, ut aversos videre elephantos, ad augendum pavorem ac tumultum effusis, sed donec stetit ante signa Mago; gradum sensim referentes ordines tenorem pugnae servabant; postquam femine transfixo cadentem, auferrique ex prælio prope exsanguem videre, extemplo in fugam omnes versi. Ad quinque millia hostium eo die cæsa, et signa militaria duo et viginti capta : nec Romanis

4. *Roboris majoris romanus eques erat*, majorem vim habebat; plus perficere poterat, *permixtus* hostium equitatu et elephantis. — *Ablatum paventibus equis*, abreptum (græce εσπόμσνον, gall. *emporté*) a consternatis equis. Conf. ad Sil. V, 633.

5. *Prælium dubium excepisset*; vide ad IV, 43, n. 4. *Expetisset* multi bonique MSS, et hinc Gron. Conf. ad I, 25, n. 7. — *Jam peditum aciem turbantes*. Putean. liber et unus ex Gronovianis omittunt etiam, quod inse-

ritur post *jam*; quare illud nos abjicimus: quod si recipias, cum Creverio puta hic ideo additum, quia primo equitatum romanum elephantis turba-verant. Ed.

6. *Tum prima* (s. *primum*; Duk.) *commota hostium acies* (cf. not. 1), *effusis* (vide ad I, 14, n. 7) *simul omnibus peditibus romanis, ut aversos ab hastatis illis videre elephantos*. Non est itaque, quod egere pro *videre* legas cum Gronov. — *Tenorem pugnae servabant*, pugnandi ardorem.

incruenta victoria fuit; duo millia et trecenti de exercitu prætoris, pars multo maxima ex legione duodecima, amissi: inde et tribuni militum duo, M. Cosconius et M. Mænius; tertiæ decimæ quoque legionis, quæ postremo prælio affuerat, Cn. Helvius tribunus militum in restituenda pugna cecidit, et duo et viginti ferme equites illustres⁷, obriti ab elephantis, cum centurionibus aliquot perierunt: et longius certamen fuisset, ni vulnere ducis concessa victoria esset.

XIX. Mago, proximæ noctis silentio profectus, quantum pati viæ per vulnus poterat¹, itineribus extentis, ad mare in Ligures Ingaunos pervenit. Ibi eum legati ab Carthagine², paucis ante diebus in sinum Gallicum appulsis navibus, adierunt, jubentes, primo quoque tempore in Africam trajicere. *Idem et fratrem ejus Hannibalem (nam ad eum quoque isse legatos eadem jubentes) facturum. Non in eo³ esse Carthaginiensium res, ut Galliam atque Italiam armis obtineant.* Mago, non imperio modo senatus periculoque patriæ motus, sed metuens etiam, ne victor hostis moranti instaret, Liguresque ipsi, relinqui Italiam a Pœnis cernentes, ad eos, quorum mox in potestate futuri essent, deficerent, simul sperans leniorem in

— *Inde, ex ea legione, et tribuni militum, etc.*

7. Equites illustres, « i. e. clari, nobiles, sive genere, sive opibus, sive virtute et factis fortibus, sive quacumque alia re, quæ eos præter cæteros illustres et claros fecerat; adeoque h. l. quum alii, tum etiam ii, qui, quum equum publicum haberent, vel lectione censorum, vel jure magistratus in senatum venerant; quos equum publ. retinere potuisse, probabile esse dixi ad XXIX, 37, n. 6. Hi enim

non minus inter equites merere poterunt, quam *sua voluntate milites facti* sunt octoginta senatores, etc. XXII, 49. Alibi Livius *viros illustres* vocat eos, qui gradu ac dignitate militari ante alios eminebant, ut XXXIII, 36; forte et XXXIII, 25. Duker. Conf. ad Tac. Ann. I, 73, n. 1.

CAP. XIX. 1. *Per vulnus poterat*; vide ad V, 12, n. 6.

2. *Legati ab Carthagine*, ut cap. extr. Conf. ad X, 14, n. 2.

3. *Non in eo*, scil. loco, statu esse

navigatione, quam in via, jactationem vulneris⁴ fore, et curationi omnia commodiora, impositis copiis in naves profectus, vixdum superata Sardinia, ex vulnere moritur : naves quoque aliquot Pœnorum disjectæ in alto a classe romana, quæ circa Sardiniam erat, capiuntur. Hæc terra marique in parte Italiæ, quæ jacet ad Alpes, gesta. Consul C. Servilius, nulla memorabili re in provincia Etruria et Gallia (quoniam eo quoque processerat⁵) gesta, patre C. Servilio et C. Lutatio ex servitute post sextumdecimum annum receptis, qui ad vicum Tanetum a Boiis capti fuerant, hinc patre, hinc Catulo lateri circumdatis, privato magis, quam publico decore insignis, Romam rediit. Latum ad populum⁶ est, ne C. Servilio fraudi esset, quod patre, qui sella curuli

C. res (forsan rem); vide supra ad II, 17, n. 2.

4. Jactationem vulneris; vide ad XXI, 48, n. 5.

5. Quoniam eo quoque processerat, quidam MSS et edd. ante Gron. nam eo q. p., non male: sed emendationem sapit. — Patre C. Servilio et C. Lutatio Catulo ex servitute post XVI annum receptis, qui... capti fuerant a. U. 534; vide ad XXI, 25, et ad cap. 44 pr. Servilium fuisse prætorium et Lutatium consularem, docet Polyb. III, 40, 9, ad vicum Tanetum; vide ad XXI, 25, n. 9. Sed ibidem et XXVII, 21 extr. Livius, alios forte auctores sequutus, eos Mutina evocatos captosque dixit. In edd. ante Drak. post Lutatio additur patruo, et mox pro Catulo legitur patrua, adversantibus optimis MSS. Quorum consensus nisi obstaret, Catulum potuisse fratrem uterium esse C. Servilii, patris consulis, et ita recte patruum consulis dici, monet Duk. Idem pro qui ad vicum conj. quam ad v.

6. Latum ad populum est, ne C. Servilio fraudi esset (vide ad I, 24, n. 8), quod patre, qui sella curuli sedisset (conf. not. 5), vivo, quum id ignoraret, tribunus plebis atque ædilis plebis fuisset, contra quam (vide ad cap. 10, n. 3) sanctum legibus erat: de qua re hæc leguntur XXVII, 21 extr.: Servilium negabant vulgo homines tum viventes jure aut tribunum plebis fuisse, aut ædilem plebis nunc esse, quod patrem ejus, quem triumvirum agrarium occisum a Boiis circa Mutinam esse opinio per decem annos fuerat (vide ad XXI, 25, n. 4), vivere atque in hostium potestate esse, satis constabat. Dukeri nota est: « Legis, qua hoc prohibebatur, nusquam alibi fit mentio. Manutius, de Leg. Rom. cap. 5, eam ad omnes magistratus pertinuisse existimat, et vetuisse magistratum ab illo capi, cujus pater in potestate hostium esset, Illius ferendæ hanc rationem addit, Romanos, sapientissimos viros judicasse, hominis non liberi filium rempublicam ad-

sedisset, vivo, quum id ignoraret, tribunus plebis atque ædilis plebis fuisset, contra quam sanctum legis erat. Hac rogatione perlata, in provinciam rediit. Ad Cn. Servilium consulem, qui in Brutiis erat, Con-

ministrare nimis indecorum esse. Idem sensisse Franc. Hotomannum ex eo colligo, quod Obs. III, 11, h. l. *servo pro vivo* legendum suspicatur. Gruchius, de Com. Rom. II, 3, nihil aliud de hac lege affert, quam cautum fuisse, ut hos magistratus, tribunatum scil. et ædilitatem plebis, gerere non possent, quorum pater, qui sella curuli sedisset, viveret. Pighius denique in Ann. ad an. U. 260, p. 94, putat, quo magis adversus potentiam nobilium muniretur tribunicia potestas, cautum fuisse, ne filii, quorum patres curuli magistratu functi adhuc superstites essent, ad tribunatum ædilitatemve plebis admitterentur. Parentum enim jus in liberos potestatem quamvis infringere ac minuere posse, persuasum fuisse. Nam et (quod ad an. U. 521, pag. 101 addit) Dionys. Hal. II, 26 auctore, aliquando viros illustres, pro Rostris adversus senatum concionantes, nec plebe, nec tribunis intercedentibus, a patribus detractos et abductos fuisse. Auctorem legis ignorare se fatetur, sed occasionem ejus ferendæ fuisse suspicatur, quod C. Flaminius, ille qui ad Trasimenum cecidit, quum tribunus plebis legem de agro picente et gallico viritim dividendo ferret, a patre manu injecta de Rostris detractus est, ut narrant Cic. de Inv. II, 17, et Val. Max. V, 4, 5. — Non absurda est ratio, qua ductus Manutius putavit, ad nullos magistratus admissos fuisse eos, quorum patres non essent liberi. Sed primum apertum est ex ipsis verbis Livii, hac lege non prohibitos fuisse magistra-

tum gerere eos, quorum patres *servirent*, sed quorum patres, et quidem *qui sella curuli sedissent, viverent*; nec ea cautum fuisse, ne hi ullum magistratum, sed ne *tribunatum et ædilitatem plebis* capere possent. Nam, si lex de omnibus magistratibus loquuta fuisset, omnino *ad populum ferendum* fuisset, ne C. Servilio fraudi esset, non modo *quod tribunus et ædilis plebis*, sed etiam *quod ædilis curulis et prætor* fuisset (vide XXVII, 33, 36, et XXVIII, 10), ac tum *consul* esset. Deinde non major erat ratio ab omnibus magistratibus excludendi eos, quorum patres, postquam sella curuli sederant, libertatem amiserant, quam quorum patres nunquam illa sederant. Et hoc quoque infirmat conjecturam Hotomanni, præterquam quod ei adversantur libri omnes Livii. Pighii sententiæ obstat, quum quod non erat causa ædilitatem plebis ita muniendi adversus potentiam nobilium, ut tribunitiam potestatem, tum maxime illud, quod secundo loco Manutianæ opponi posse dixi: neque enim minor in liberos erat potestas patrum, qui sella curuli non sederant, quam qui ea sederant. Nec ideo responderi posse, patres, qui sella curuli sederant, fortassis factioni optimatum adiectiores existimatos, et ob id horum liberos ad hos magistratus non admissos fuisse: nam semper multi tam ex his, quam ex senatoribus populares erant, et contra multi ex plebe, qui nunquam ad honores curules pervenerant, sectam optimatum sequebantur; quibus nullo negotio persuaderi

sentia, Uffugum, Vergæ, Besidiæ, Hetriculum, Syphœum, Argentanum, Clampetia⁷, multique alii ignobiles populi, senescere punicum bellum⁸ cernentes, defecere. Idem consul cum Hannibale in agro crotoniensi acie confligit: obscura ejus pugnae fama est. Valerius Antias quinque millia hostium cæsa ait. Quæ tanta res est, ut aut impudenter ficta⁹ sit, aut negligenter prætermissa. Nihil certe ultra rei in Italia ab Hannibale gestum: nam ad eum quoque legati ab Carthagine, vocantes in Africam, iis forte diebus, quibus ad Magonem, venerunt.

potuisset, ut in filiis tribunis et ædilibus plebis patria potestate uterentur. Dixi, cur mihi, quæ de hac lege scripserunt viri docti, nondum satis faciant; nec dissimulo, me plane ignorare, cur ea tantum a duobus magistratibus plebis non omnes, quorum patres, sed quorum patres *curuli magistratu functi*, viverent, arcuerit. Quærant doctiores, et simul videant jurisconsulti, an hic aliquid sit, quod ad *jus postliminii* pertinere possit. — Meo qualicumque judicio h. l. non de lege aliqua singulari, sed de *legibus* sermo est, et quidem iis, quibus cautum erat, ut pater ab hostibus captus, et hinc quoque filius ejus, propter capitis diminutionem maximam, amitteret jus civitatis adeoque et honorum: quod recipiebat redemptione ex captivitate et jure postliminii; vid. intpp. Ciceronis Top. 8, pro Cæcinnâ, 14, et pro Balbo, 11, 12. Filius autem, *quum ignorasset*, patrem captivum vivumque esse (nam *vivo* recte legi, vel ex XXVII, 21 extr. patet), aut certe id ignorare simulasset, et ambierat et acceperat honores; ex quibus h. l. non nisi primi memorantur: nam si eos rite ac jure consequutus erat, aditus etiam ei pa-

tebat ad reliquos et majores; et id tantum quærebatur, utrum omnino honores, etiam infimos, petere per leges ei licuerit necne. Id manifestum est ex XXVII, 21 extr. « Servilium negabant jure aut tribunum plebis fuisse, aut ædilem esse, quod patrem ejus vivere atque in hostium potestate esse satis constabat. » Unus, ni fallor, restat scrupulus, quem verba *qui sella curuli sedisset* nobis injicere possint. Hæc vero ad ipsum rei caput nihil pertinere arbitror: quare etiam sup. XXVII, 21, haud quidquam ejusmodi legitur. Vellem tamen per libros substitui liceret *qui bello captus fuisset aut consenuisset*. Ita plane hic locus cum altero, XXVII, 21, congrueret, nec quidquam superesset, quod nos offendere posset in alterutro.

7. *Consentia*..... *Clampetia*, etc. vide ad XXIX, 38, n. 1. — *Besidia*, forte Βάδιζα apud Steph. et hodie *Bisigniano*. Cf. Cluver. Ital. IV, pag. 1317, et Schweigh. ad Polybium, XIII, 10, 1.

8. *Senescero punicum bellum*; vide supra ad librum XXVIII, cap. 36, not. 2.

9. *Impudenter ficta* a Valerio Antiate, omnia immodice augente; de

XX. Friendens gemensque ac vix lacrymis temperans dicitur legatorum verba audisse. Postquam edita sunt mandata, « Jam non perplexe, inquit, sed palam « revocant, qui, vetando supplementum et pecuniam « mitti, jam pridem retrahebant. Vicit ergo Hannibal « lem non populus romanus toties cæsus fugatusque, « sed senatus carthaginiensis obtrectatione atque invidiâ. Neque hac deformitate reditus mei tam P. Scipio exsultabit atque efferet sese, quam Hanno, qui « domum nostram, quando alia re non potuit, ruina « Carthaginiæ oppressit ». Jam hoc ipsum præsciens animo præparaverat ante naves : itaque, inutili militum turba præsidii specie in oppida bruttii agri, quæ pauca magis metu, quam fide, continebantur¹, dimissa, quod roboris in exercitu erat, in Africam transvexit; multis italici generis (quia in Africam sequuturos abnuentes concesserant in Junonis Lacinia delubrum, inviolatum ad eam diem) in templo ipso fœde interfectis. Raro quemquam alium, patriam exsiliî causa relinquentem, magis mœstum abisse ferunt, quam Hannibalem hostium terra excedentem : respexisse sæpe Italiae litora², et deos hominesque accusantem, in se quoque ac suum ipsius caput execratum, *quod non cruentum ab cannensi victoria militem Romam duxisset. Scipionem ire ad Carthaginem ausum, qui consul hostem in Italia Pœnum non*

quo vid. XXVI, 49; XXXIII, 10; XXXVI, 38.

CAP. XX. 1. *Magis metu continebantur*; vide ad XXII, 22, n. 9.

2. *Respexisse sæpe Italiae litora*, more eorum, qui inviti locum relinquunt. Conf. ad Sil. VIII, 108; XII, 594. — Ea quoque in laudem Hannibalis citat Nostras Montesquieu, *Gran-*

deur et Décadence des Romains, c. 5 :

« Les succès de Scipion obligèrent les Carthaginois à rappeler d'Italie Annibal, qui pleura de douleur, en cédant aux Romains cette terre, où il les avait tant de fois vaincus ». Éd. — Μοx τὸ et ante deos cancellandum; Gron. — *In se ac suum caput execratum*; vide ad I, 51, n. 1. .

vidisset. Se, centum millibus armatorum ad Trasimenum et Cannas cæsis, circa Casilinum Cumasque et Nolam consenuisse. Hæc accusans querensque ex diutina possessione Italiæ³ est detractus.

XXI. Romam per eosdem dies, et Magonem et Hannibalem profectos, allatum est. Cujus duplicis gratulationis minuit lætitiã, et quod parum duces in retinendis iis (quum id mandatũ ab senatu esset) aut animi, aut virium habuisse videbantur, et quod solliciti erant, omni belli mole in unum ducem exercitumque inclinata, quo evasura esset res. Per eosdem dies legati saguntini venerunt, comprehensos cum pecunia adducentes Carthaginenses, qui ad conducenda auxilia in Hispaniam trajecissent. Ducentum et quinquaginta auri, octingentum pondo argenti¹ in vestibulo curiæ posuerunt. Hominibus acceptis et in carcerem conditis, auro argentoque reddito, gratiæ legatis actæ, atque insuper munera data ac naves, quibus in Hispaniam reverterentur. Mentio deinde ab senioribus facta est, *Segnius homines bona, quam mala, sentire. Transitu in Italiam Hannibalis quantum terroris pavorisque, sese meminisse, quas deinde clades, quos luctus incidisse²! Visa castra hostium e muris Urbis: quæ vota singulorum universorumque*

3. *Ex diutina possessione Italiæ;* Conf. cap. 28 pr.

CAP. XXI. 1. *Ducentum et L auri, octingentum pondo argenti* plerique MSS et edd. ante Moguntinos, qui *ducenta et octoginta* reposuere. Conf. XXII, 37, n. 1; XXVIII, 45, n. 5; XLII, 6; quibus aliisque locis Gron. de Pec. Vet. I, 7, τὸ pondo semper contendit esse ablativum singularem, et intell. *librarum pondus seu pondera* v. c. *ducentum*, h. e. ducentarum.

Sed cur ita τὸ pondo adjicitur? Conf. Schalleri Lex. lat. — Conferendus quoque Gronovius de Pecun. Vet. lib. I, cap. 7. Cæterum ex Creverii rationibus, 250 libræ romanæ efficiunt marcas nostrates 390 cum quinque uncis: octingentæ vero libræ rom. marcas 1250. Ed.

2. *Quos luctus incidisse*, fuisse. Cf. ad I, 46, n. 7. Verba *sese meminisse*, ut plane otiosa, Gron. et Crev. recidenda putabant. Sed bene illa senio-

fuisse! quoties in conciliis voces manus ad cælum porrigentium auditas: En unquam ille³ dies futurus esset, quo vacuum hostibus Italiam bona pace florentem visuri essent! Dedit tandem id deos sextodecimo demum anno; nec esse, qui diis grates agendas censeant. Adeo ne advenientem quidem gratiam homines benigne accipere, nedum ut præteritæ satis memores sint. Conclamatæ deinde ex omni parte curiæ est, uti referret P. Ælius⁴ prætor; decretumque, ut quinque dies circa omnia pulvinaria supplicaretur, victimæque majores immolarentur centum viginti. Jam dimisso Lælio legatisque Masinissæ, quum Carthaginiensium legatos de pace ad senatum venientes Puteolis visos, inde terra venturos allatum esset; revocari C. Lælium placuit, ut coram eo de pace ageretur. Q. Fulvius Gillo, legatus Scipionis, Carthaginienses Romam adduxit; quibus, vetitis ingredi Urbem, hospitium in villa publica⁵, senatus ad ædem Bellonæ datus est.

XXII. Orationem eandem ferme, quam apud Scipionem, habuerunt; culpam omnem belli a publico consilio in Hannibalem vertentes. *Eum injussu senatus non Alpes modo, sed Iberum quoque, transgressum: nec Romanis solum, sed ante etiam Saguntinis, pri-*

rum de re præterita narrantium orationi convenire videntur: se bene adhuc habere in memoria, *quantum terroris... incidisse*, hoc est, incidere; quæ forma orationis obliquæ sæpius apud Nostrum obvia est; Doer.

3. *En unquam ille, etc.* vide ad IV, 3, n. 6. — *Advenientem gratiam*, recentia, præsentia deorum beneficia.

4. *Uti referret P. Ælius*; vide ad XXVI, 2, n. 3. — *Circa omnia pul-*

vinaria supplicaretur; vide ad V, 13, n. 5. — *Jam dimisso Lælio*, etc. Observat Creverius sup. cap. 17 esse memoratum, Patres censuisse retinendum Lælium, donec legati Carthag. venirent. Sed fortasse, Hannibale profecto ex Italia nullos jam crediderant venturos a Carthaginiensibus legatos. Ed.

5. *Hospitium in villa publica*; vide ad IV, 22, n. 5. — *Senatus ad ædem Bellonæ datus*; vide supra ad librum XXVI, 21, n. 1.

*vato consilio bellum intulisse. Senatui ac populo carthaginiensi, si quis vere aestimet¹, fœdus ad eam diem inviolatum esse cum Romanis. Itaque nihil aliud sibi mandatum esse, uti peterent, quam ut in ea pace, quæ postremo cum consule Lutatio facta esset, manere liceret. Quum, more tradito, Patribus potestatem interrogandi², si quis quid vellet, legatos, prætor fecisset, senioresque, qui fœderibus interfuerant, alia alii interrogarent, nec meminisse per ætatem³ (etenim omnes ferme juvenes erant) dicerent legati; conclamatum ex omni parte curiæ est, *punica fraude electos, qui veterem pacem repeterent, cujus ipsi non meminissent.**

XXIII. Emotis deinde curia legatis, sententiæ interrogari cœptæ. M. Livius, *C. Servilium consulem, qui propior esset¹, arcessendum, ut coram eo de pace ageretur, censebat. Quum de re majore, quam quanta ea esset, consultatio incidere non posset, non videri sibi, absente consulum altero ambobusve, eam rem agi, satis ex dignitate populi romani esse. Q. Metellus, qui triennio ante consul dictatorque fuerat, Quum P. Scipio, cædendo exercitus, agros populando, in eam necessitatem compulsisset hostes, ut supplices pacem peterent, et nemo omnium verius existimare² pos-*

CAP. XXII. 1. *Si quis vere aestimet* rem, seu id; vide ad III, 19, n. 8.

2. *Quum, more tradito a majoribus, Patribus potestatem interrogandi, etc.* Conf. VIII, 21; XXXVII, 1 et 49. — Hæc lectio est a conjectura Freinsheimii ad Tacit. Hist. I, 44, quum antea legeretur *more tradito a Patribus*; sed omnes abhinc editores emendationem receperunt, quæ minime dubia Crev. videtur. En.

3. *Nec meminisse, scil. se per æta-*

tem; vide ad V, 12, n. 6. Illud se abest a plerisque MSS, sed adjectum est in edd. antt. et facile h. l. excidere potuit. Cf. tamen ad XXIV, 13, n. 2.

CAP. XXIII. 1. *C. Servilium Geminum consulem, qui propior esset, Etruriam sortitus, ut Cn. Servilius Cæpio Bruttios; Drakenb. — Quam quanta ea esset; vide ad XXVI, 19, not. 2.*

2. *Verius existimare; vide ad III, 19, n. 8, et IV, 15, n. 1. — M. Va-*

set, qua mente ea pax peteretur, quam is, qui ante portas Carthaginiensis bellum gereret; nullius alterius consilio, quam Scipionis, accipiendam abnuendamve pacem esse. M. Valerius Lævinus, qui bis consul fuerat, Speculatores, non legatos, venisse, arguebat, jubendosque Italia excedere³, et custodes cum iis usque ad naves mittendos; Scipionique scribendum, ne bellum remitteret. Lælius Fulviusque adjecerunt: Et Scipionem in eo positam habuisse spem pacis, si Hannibal et Mago ex Italia non revocarentur. Omnia simulaturos Carthaginienses, duces eos exercitusque exspectantes: deinde, quamvis recentium⁴ fœderum et deorum omnium oblitos, bellum gesturos. Eo magis in Lævini sententiam discessum⁵. Legati pace infecta ac prope sine responso dimissi.

XXIV. Per eos dies Cn. Servilius consul, haud dubius, quin pacatæ Italiæ penes se gloria esset, velut pulsum ab se Hannibalem persequens, in Siciliam, inde in Africam transiturus, trajecit. Quod ubi Romæ vulgatum est, primo censuerunt Patres, ut prætor scriberet consuli, senatum æquum censere, in Italiam reverti eum: deinde, quum prætor, spreturum eum literas suas, diceret, dictator ad id ipsum creatus P. Sulpicius, pro jure majoris imperii, consulem in Italiam revocavit; reliquum anni, cum M. Servilio magistro equitum, circumeundis Italiæ urbibus, quæ bello alienatæ fuerant, noscendisque singularum causis¹ consumpsit. Per induciarum tempus et ex Sardi-

lerius Lævinus, qui bis consul f.; vide supra ad XXIX, 11, n. 3.

3. *Jubendosque Italia excedere, sc. censebat.*

4. *Quamvis recentium, quamvis recentia essent, et eo minus eorum oblivisci et possent et deberent.*

5. *In Lævini sententiam discessum; vide tamen ad librum I, cap. 32, not. 13.*

CAP. XXIV. 1. *Noscendisque singularum causis; vide ad XXVII, 25, n. 3. — Per induciarum tempus; vide ad II, 18, n. 1.*

nia ab Lentulo prætore centum onerariæ naves, cum commeatu et viginti rostratarum præsidio, et ab hoste, et ab tempestatibus mari tuto, in Africam transmiserunt. Cn. Octavio ducentis onerariis, triginta longis navibus ex Sicilia trajicienti², non eadem fortuna fuit. In conspectum ferme Africæ prospero cursu vectum primo destituit ventus; deinde versus in Africum³ turbavit ac passim naves disjecit. Ipse cum rostratis, per adversos fluctus ingenti remigum labore enisus, Apollinis promontorium tenuit⁴. Onerariæ, pars maxima

2. *Cn. Octavio cum ducentis onerariis...ex Sicilia trajicienti*; Dukeri nota est: « Aliquantum perplexa sunt, quæ de Cn. Octavio prodit Livius. An. U. 548 eum prætorem provinciam Sardiniam habuisse scribit XXVIII, 38. Duobus annis seqq. 549 et 550, ei prorogato imperio oram Sardiniae tuendam datam esse, ex XXIX, 11, 13, 26, et XXX, 2, intelligitur: quo loco eum perperam prætorem prioris anni, i. e. an. Urb. 549, vocari, monuit Periz. Anim. hist. cap. 8; nam erat *proprætor* prorogato imperio, et recte *proprætor* dicitur XXIX, 36. Neque librarios, sed ipsum Livium, XXX, 2, *prætori* scripsisse pro *proprætori*, indicio est vox *item* in his *Cn. Octavio prætori item* (sc. ut M. Pomponio, qui an. Urb. 549 prætor Siciliam provinciam habuerat) *prioris anni*. Deinde hoc quoque intricatum est, quod hic in rebus an. U. 550 scribit, Cn. Octavium *ex Sicilia* in Africam trajecisse. Nam hoc anno Siciliæ præerat P. Villius, classi in Sicilia M. Pomponius, Cn. Octavium autem classi ad tuendam oram Sardiniae; vid. cap. 1 et 2. An eum ex Sardinia primum in Siciliam, ac deinde ex ea in Africam profectum credemus? Hoc parum probabile; et

forte error est in voce *Sicilia*. Sed Cn. Octavium deinde an. Urb. 551 et seqq. cum Scipione in Africa fuisse, constat ex cap. 36, 41, 44. Illud potius probabile esse, Liviumque omnibus sigillatim enarrandis vix immorari potuisse, monet Doer.

3. *Versus (mutatus) in Africum ventum*, ut apud. Cæs. B. C. III, 26. — *Naves disjecit*; vide supra ad XXI, 49, n. 3.

4. *Apollinis prom. tenuit*; vide ad I, 1, n. 8. Promontoria Apollinis et Mercurii (*cap Zibeeb*, seu *Zebibi*, et *cap Bon*), *sinum Tunitanum* (*le golfe de Tunis*) efficiunt, in quo sita *Carthago est*, cujusque os undecim leucas patet inter duo hæc promontoria, quorum illud ab Occidente, hoc ab Oriente sinum claudit. Inter eadem promontoria, ex adverso Carthaginis, CCXXX ab urbe stadiis, erant duæ insulæ seu verius scopuli, sæpius pro una *insula* habiti, quæ olim dicebatur *Ægimurus*, seu *Ægimorus* (Αἰγίμουρος Strab. XVII, p. 834, al. 1191; Αἰγίμορος Steph.), et hodie *Zowa-moore*, seu *Zimbra*. Hæc et alia, quæ ad situm Carthaginis spectant, monuit Heyn. Exc. IV et VI; ad Virg. *Æn.* I, 108 sq. et 159 sq. Conf. ad XXVI,

ad Ægimurum (insula ea sinum ab alto claudit, in quo sita Carthago est, triginta ferme millia ab urbe), aliæ adversus urbem ipsam ad Calidas Aquas⁵ delatæ sunt. Omnia in conspectu Carthaginiæ erant: itaque ex tota urbe in forum concursum est. Magistratus senatum vocare; populus in curiæ vestibulo fremere, ne tanta ex oculis manibusque amitteretur præda. Quum quidam pacis petitiæ, alii induciarum (necdum enim dies exierat⁶) fidem opponerent, permixto pæne senatus populique concilio, consensus est, ut classe quinquaginta navium Hasdrubal Ægimurum⁷ trajiceret; inde per litora portusque dispersas romanas naves colligeret. Desertæ fuga nautarum, primum ab Ægimuro, dein ab Aquis onerariæ Carthaginem puppibus tractæ sunt.

XXV. Nondum reverterant ab Roma legati, neque sciebatur, quæ senatus romani de bello aut pace sententia esset; necdum induciarum dies exierat: eo indigniorem injuriam ratus Scipio, ab iis, qui petissent pacem et inducias, et spem pacis et fidem induciarum violatam¹ esse, legatos Carthaginem, L. Bæbium, L. Sergium, L. Fabium extemplo misit. Qui quum multitudinis concursu prope violati essent, nec reditum tutiorem cernerent futurum, petierunt a magistratibus, quorum auxilio vis prohibita erat, ut naves mitterent, quæ se prosequerentur. Datæ triremes duæ,

42, n. 7; XXIX, 27, n. 5; Polyb. I, 73, 75; Plin. V, 7, et Shawii *Travels*, p. 146 sq.

5. *Ad Calidas Aquas*; conf. Strab. l. l. et Tab. Peut.

6. *Necdum dies exierat induciarum*; vide ad IX, 34, n. 18. Eas a Pœnis petitas Liv. cap. 16, non vero a Scipione datas tradit, quod tamen ex

hoc loco et capit. 24, 25 ac 37 patet.

7. *Hasdrubal Ægimurum trajiceret*; cf. ad hæc et seqq. Appian. Pun. 34, et Polyb. XV, 1 sq. — *Ab Aquis Calidis*. Conf. not. 5.

CAP. XXV. 1. *Spem pacis et fidem ... violatam*; vid. supra ad librum I, cap. 33, n. 7.

quum ad Bagradam flumen² pervenissent, unde castra romana conspiciebantur, Carthaginem rediere. Classis punica ad Uticam stationem habebat: ex ea tres quadriremes³, seu clam misso a Carthagine nuntio, uti fieret, seu Hasdrubale, qui classi præerat, sine publica fraude auso facinus, quinqueremem romanam superantem promontorium ex alto repente aggressæ sunt. Sed neque rostro ferire celeritate subterlabentem⁴ poterant, neque transilire armati ex humilioribus in altiore navem: et defendebatur egregie, quoad tela suppeditarunt⁵. Quis deficientibus, quum jam nulla alia res eam, quam propinquitas terræ multitudoque a castris in litus effusa⁶, tueri potuisset; concitatam remis, quanto maximo impetu poterant, in terram quum immisissent, navis tantum jactura facta, incolumes ipsi evaserunt. Ita alio super aliud scelere quum haud dubie induciæ ruptæ essent, Lælius Fulviusque ab Roma cum legatis carthaginensibus⁷ supervenerunt. Quibus Scipio, *etsi non induciarum modo fides a Carthaginensibus, sed jus etiam gentium in legatis violatum esset;*

2. *Ad Bagradam flumen*, hodie *Magierda*, vel *Megierda*, *Magiarda*, *Nagiarda*, fluens in mare mediterraneum prope Uticam et Carthaginem. *Βαγράδα* vocatur Græcis, *Βαγάρδα* Strab. l. I. *Βάραρα* vel *Μάραρα* Polyb. I, 75, 5, et XV, 2, 8, ad quæ ll. v. Schweigh. et ad Appian. B. C. II, 45. Conf. ad Sil. VI, 140 sq. et Bocharti Geogr. sacr. II, 1, 24, pag. 485.

3. *Tres quadriremes*; tres triremes apud Polyb. XV, 2. — *Misso a Carthagine nuntio, uti fieret hoc*; vide ad VIII, 19, n. 10. — *Sine publica fraude*, ita ut sponte sua fidem induciarum violaverit. — *Quinqueremem rom. superantem prom.* Apollinis. Cf.

Appian. Pun. 34. Legati romani ad ostium Bagradæ fl. e duabus triremibus, inde Carthaginem reversis, in quinqueremem translati fuerant. Conf. Polyb. XV, 2.

4. *Celeritate subterlabentem*, elabentem, effugientem; *ὑποχωρούσης τῆς νεῆς* Polyb.

5. *Quoad tela suppeditarunt*; vid. VI, 24, n. 1.

6. *Multitudoque (Romanorum) a castris (proximis) in litus effusa*, et in oram pabulatum egressa. Conf. ad Polyb. — *Potuisset*; Crev. malebat poterat, et Drak. potuit.

7. *Cum legatis carthag. supervenerunt. Quibus Scipio*, etc. Conf. Polyb. XV, 4, et Appian. Pun. 35. — *In iis*

tamen se nihil, nec institutis populi romani, nec suis moribus indignum, in iis facturum esse, quum dixisset, legatis dimissis, bellum parabat. Hannibali jam terræ appropinquanti jussus e nauticis escendere in⁸ malum, ut specularetur, quam tenerent regionem, quum dixisset, sepulcrum dirutum proram spectare, abominatus, prætervehi jusso gubernatore, ad Leptim⁹ appulit classem, atque ibi copias exposuit.

XXVI. Hæc eo anno in Africa gesta : insequentia excedunt in eum annum¹, quo M. Servilius Geminus, qui tum magister equitum erat, et Ti. Claudius Nero consules facti sunt. Cæterum exitu superioris anni quum legati sociarum urbium ex Græcia questi essent, vastatos agros ab regiis præsiidiis, profectosque in Macedoniam legatos ad res repetendas non admissos ad Philippum regem; simul nuntiassent, quatuor milia militum cum Sopatro duce trajecta in Africam dici, ut essent Carthaginiensibus præsidio, et pecuniæ aliquantum una missum : legatos ad regem, qui hæc adversus foedus facta videri Patribus nuntiarent, mittendos censuit senatus. Missi C. Terentius Varro, C. Mamilius, M. Aurelius : iis tres quinqueremes datæ. Annus insignis incendio ingenti, quo clivus² Publicius ad solum exustus est, et aquarum magnitudine : sed annonæ vilitas fuit, præterquam quod pace omnis

facturum esse; vide supra ad librum VI, cap. 22, n. 1.

8. *Escendere in malum*; vide ad II, 7, n. 7. Ante *escendere* edd. præter Gronov. inserunt *unus*, quod optimi MSS ignorant. — *Quam tenerent regionem*; vide ad I, 1, n. 8. — Hunc locum Livii ob oculos fuisse Orosio, IV, 19, notat Drak. Ed.

9. *Ad Leptim*, et quidem parvam (hodie *Lemta* seu *Susa*), juxta Syr-

tim minorem et Adrumetum, ad quod oppidum classem appulsam castraque posita tradunt Appian. Pun. 33, et Polyb. XV, 5. De utraque Lepti, vide ad Sil. III, 256. — Cf. quoque Ptol. et Plin. lib. V, cap. 4. Ed.

CAP. XXVI. 1. *Excedunt in eum annum*, v. XXI, 15, n. 3; et de *M. Servilio Gemino* Pigh. Ann. ad a. DLI.

2. *Clivus Publicius*; vide ad XXVI, 10, n. 5.

Italia erat aperta³, etiam quod magnam vim frumenti, ex Hispania missam, M. Valerius Falto et M. Fabius Buteo ædiles quaternis æris vicatim populo descripserunt. Eodem anno Q. Fabius Maximus moritur, exactæ ætatis; siquidem verum est, augurem duos et sexaginta annos fuisse⁴, quod quidam auctores sunt. Vir certe fuit dignus tanto cognomine, vel si novum ab eo inciperet: superavit paternos honores, avitos æquavit. Pluribus victoriis et majoribus præliis avus insignis Rullus; sed omnia æquare unus hostis Hannibal potest. Cautior tamen, quam promptior, hic habitus fuit: et sicut dubites, utrum ingenio cunctator fuerit, an quia ita bello proprie, quod tum gerebatur, aptum erat; sic nihil certius est, quam unum hominem nobis cunctando rem restituisse, sicut Ennius ait⁵. Augur in locum ejus inauguratus Q. Fabius Maximus filius: in ejusdem locum pontifex (nam duo sacerdotia habuit⁶) Ser. Sulpicius Galba. Ludi Romani diem unum, plebeii ter toti instaurati⁷ ab ædilibus,

3. *Pace omnis Italia erat aperta*, libera frumenti comportatio ob pacem. Sic fere *Asiam Syriamque et omnia... regna imperio rom. aperire*, XXXVI, 17, n. 7; *aperire armis orbem terrarum*, XLII, 52; *clausam Britanniam aperit principum maximus* Mela, III, 6. Conf. Broekh. ad Tibull. I, 3, 36. Similiter fere maria, viæ (ut V, 13), Alpes (ut XXVII, 36), ac rura *aperiri*, et hieme, nive geluque *claudi*, invia reddi, dicuntur. Cf. ad Juvenal. VI, 154. — *Quaternis æris*, assibus, in modios (ut XXXI, 50 pr.), *vicatim* (vide ad X, 4, n. 1) *populo descripserunt*, diviserunt plebi; vide ad XXXI, 50, n. 1. — Quatuor asses æquabant denarii quadrantem, sive sestertium, qui æstimari potest granis

argenti nostratibus octodecim. Edrr.

4. *Augurem per LXII* (al. *XLII*) *annos fuisse eum*, Fabium. Cf. Plin. VII, 48, et Val. Max. VIII, 13, n. 3. — *Quod quidam auctores sunt*; vide ad II, 58, n. 1. — *Dignus tanto cognomine, vel si novum ab eo inciperet*; vide ad IX, 46, n. 19. — *Avus insignis Rullus* (forte proavus), Q. Fabius Maximus Rullianus; de quo vid. Ind. — *Omnia, bella et victorias avi*.

5. *Unum hominem eum nobis cunctando rem* (vide ad I, 12, n. 3) *restituisse, sicut Ennius ait*; conf. Cic. Offic. I, 24. — *Q. Fabius Max. filius*; vide ad XXVIII, 9, n. 1.

6. *Nam duo sacerdotia habuit*; vide ad XXVII, 6, not. 8.

7. *Ludi Romani....plebeii ter in-*

M. Sextio Sabino et Cn. Tremellio Flacco. Hi ambo prætores facti, et cum iis C. Livius Salinator et C. Aurelius Cotta. Comitia ejus anni utrum C. Servilius consul habuerit, an (quia eum res in Etruria tenuerint, quæstiones ex senatusconsulto de conjurationibus principum habentem) dictator ab eo dictus P. Sulpicius, incertum ut sit, diversi auctores faciunt.

XXVII. Principio insequentis anni M. Servilius et Ti. Claudius, senatu in Capitolium vocato, de provinciis retulerunt. Italiam atque Africam in sortem conjici¹, Africam ambo cupientes, volebant. Cæterum, Q. Metello maxime adnitente neque data, neque negata est Africa. Consules jussi cum tribunis plebis agere, ut, si iis videretur, populum rogarent, quem vellet in Africa bellum gerere: omnes tribus P. Scipionem jusserunt. Nihilominus consules provinciam Africam (ita enim senatus decreverat²) in sortem conjecerunt. Ti. Claudio Africa evenit, ut quinquaginta navium classem, omnes quinqueremes, in Africam trajiceret, parique imperio cum Scipione imperator esset: M. Servilio prorogatum imperium, si consulem manere ad Urbem³ senatui placuisset. Prætores, M. Sextius Galliam est sortitus, ut duas legiones provinciamque traderet ei P. Quintilius Varus; C. Livius Bruttios cum

staurati; vide ad II, 36, n. 1. — *Res in Etruria t. muneris officia*; Doer. *Quia eum in Etruria tenuerint quæstiones...habendæ conj.* Gronov. — *Incertum ut sit, diversi auctores faciunt*; conf. sup. ad XXII, 13, n. 6. *Verba ut sit forte inculcata*; Gron.

CAP. XXVII. 1. *In sortem conjici*; vide supra ad librum III, cap. 2, not. 1.

2. *Ita enim senatus decreverat*: vi-

detur senatus, instantibus etiam post judicium populi consulibus, hoc tandem temperamento uti coactus esse, ut classis certe in Africam trajiceretur, et alterutri e consulibus par cum Scipione imperium decerneretur; Crev. — *Imperator vox del. forte*; Crev. *Malim imperatore*; Drakenb. Neutrum opus est; Doer.

3. *Manere ad Urbem*; vide supra ad X, 23, n. 12.

duabus legionibus, quibus P. Sempronius proconsul priore anno præfuerat; Cn. Tremellius Siciliam, ut ab P. Villio Tappulo prætore prioris anni provinciam et duas legiones acciperet; Villius proprætor viginti navibus longis⁴, militibus mille, oram Siciliae tutaretur: inde M. Pomponius viginti navibus reliquis mille et quingentos milites Romam deportaret. C. Aurelio Cottæ urbana evenit⁵: cæteris, ita uti quisque obtinebant provincias exercitusque, prorogata imperia. Sexdecim non amplius eo anno legionibus defensum imperium est: et ut placatis diis omnia inciperent agerentque, ludos, quos⁶, M. Claudio Marcello, T. Quintio consulibus, T. Manlius dictator, quasque hostias majores voverat, si per quinquennium illud respublica eodem statu fuisset, ut eos ludos consules, prius quam ad bellum proficiscerentur, facerent. Ludi in circo per quadriduum facti; hostiæque, quibus votæ erant diis, cæsæ.

XXVIII. Inter hæc simul spes, simul cura in dies crescebat; nec satis certum constare apud animum¹ poterat, utrum gaudio dignum esset, Hannibalem, post sextumdecimum annum ex Italia decedentem, vacuum possessionem ejus² reliquisse populo romano, an magis metuendum, quod incolumi exercitu in Africam transisset. *Locum nimirum, non periculum, mutatum; cujus*

4. Villius prop. XX navibus longis; vide ad I, 14, n. 4.

5. Cottæ urbana evenit provincia (vide ad II, 40, n. 9) et simul peregrina; vide ad XXV, 41, n. 8.

6. Ludos, quos, etc. vid. XXVII, 33, n. 4. — Hos ludos jussi fuerant facere consules prioris anni, quo re ipsa quinquennium a Manlio definitum claudebatur. Creverius observat necesse igitur fuisse, ut aliqua interve-

nerit mora, quæ eos in hunc annum rejicere coegerit. En. — *Ut eos ludos consules facerent*, sc. decretum est. Conf. supra ad librum II, cap. 32, not. 6.

CAP. XXVIII. 1. *Constare apud animum*, animos; vid. Gron. ad VII, 33, 22. — *Post XVI annum*; cf. ad c. 44 pr. et XXVIII, 12, n. 2.

2. *Vacuum possessionem ejus*; vide ad cap. 20 extr. — *An magis, potius.*

tantæ dimicationis vatem, qui nuper decessisset, Q. Fabium haud frustra canere solitum, graviolem in sua terra futurum hostem Hannibalem, quam in aliena fuisset. Nec Scipioni aut cum Syphace, inconditæ barbariæ rege, cui Statorius semilixa³ ducere exercitus solitus sit, aut cum socero ejus Hasdrubale, fugacissimo duce, rem futuram, aut tumultuariis exercitibus⁴, ex agrestium semiermi turba subito collectis; sed cum Hannibale, prope nato in prætorio patris fortissimi ducis, alito atque educato inter arma, puero quondam milite, vixdum juvene imperatore, qui senex vincendo factus, Hispanias, Gallias, Italiam ab Alpibus ad⁵ fretum monimentis ingentium rerum complexset; ducere exercitum æqualem stipendiis suis⁶, duratum omnium rerum patientia, quas vix fides fiat homines passos; perfusum millies cruore romano; exuvias non militum tantum, sed etiam imperatorum, portantem. Multos occursuros Scipioni in acie, qui prætores, qui imperatores, qui consules romanos sua manu occidissent, muralibus vallaribusque insignes coronis, pervagatos capta castra, captas urbes romanas. Non esse hodie

— *Canere vatem*; vide supra ad lib. I, cap. 7, n. 9.

3. *Statorius semilixa*; cf. XXIV, 48, n. 7, et ad XXVIII, 28, n. 2; Oudend. ad Frontin. I, 1, 3; Gron. Obs. IV, 7.

4. *Tumultuariis exercitibus*; vide ad I, 37, n. 4. — *Senex vincendo factus*; vid. cap. 30, n. 5.

5. *Ab Alpibus ad fretum Siculum*, quod simpl. et κατ' ἐξοχὴν ita dicitur XXVI, 29; apud Flor. I, 26, fin. Cæs. B. C. I, 26; Cic. ad Attic. II, 1. Sic et πορθμὸς apud Polyb. V, 110, 2. Mox omnino leg. *duceret exercitum* cum Gron. vel et *duceret* vel *ducens*.

— Doujatius nihil contra codd. auctoritatem mutandum censet; *ducere* enim pendere ex eo quod præcessit, *Fabium haud frustra canere solitum*. Verum in memorabili illa Fabii oratione supra XXVIII, 40 sqq. quo respicitur, nihil hujus rei memorari notat Drak. qui cum Creverio Gronovii emendationem *duceret* probavit: neuter tamen in textum eam recepit, quorum prudentiam imitamur. Ed.

6. *Exercitum æqualem stipendiis suis*; vide supra ad librum III, cap. 57, not. 5. — *Perfusum*, scilicet, exercitum. — *Exuvias portantem*, spolia.

tot fasces magistratibus populi romani, quot captos ex cæde imperatorum præferre posset Hannibal. Has formidines agitando animis ipsi curas et metus augebant etiam, quod, quum assuessent per aliquot annos bellum ante oculos aliis atque aliis in Italiæ partibus lenta spe, in nullum propinquum debellandi finem gerere, erexerant omnium animos Scipio et Hannibal, velut ad supremum certamen comparati duces⁷. Ii quoque, quibus ingens erat in Scipione fiducia et victoriæ spes, quo magis in propinquam eam imminabant animis, eo curæ intentioris erant. Haud dispar habitus animorum Carthaginiensibus erat; quos modo petisse pacem, intuentes Hannibalem ac rerum gestarum ejus magnitudinem, pœnitebat; modo, quum respicerent, bis sese acie victos, Syphacem captum, pulsos se Hispania, pulsos Italia, atque ea omnia unius virtute et consilio Scipionis facta, velut fatalem eum ducem in exitium suum natum horrebant.

XXIX. Jam Adrumetum venerat Hannibal¹; unde, ad reficiendum ex jactatione maritima militem paucis diebus sumptis, excitus pavidis nuntiis, omnia circa Carthaginem obtineri armis, afferentium, magnis itineribus Zamam contendit. Zama quinque dierum iter ab Carthagine abest². Inde præmissi speculatores quum excepti a custodibus romanis deducti ad Scipionem essent, traditos eos tribunis militum, jussosque omisso

7. *Ad supremum certamen comparati duces*, destinati, creati; Ern. At vide ad VII, 33, n. 1.

CAP. XXIX. 1. *Jam Adrumetum venerat Hannibal*, etc. ad fin. cap. cf. Polyb. XV, 5, et Appian. Pun. 33, 39. *Adrumetum*, seu *Adrumetus*, et ὁ Ἀδρῦμας, munitum Byzacii caput navalibusque instructum, non longe a

Lepti parva. Cf. Intpp. Nepot. Hann. 7; Berkel. ad Steph.; Cort. ad Sall. Jug. 19, 1; Cellar. Geogr. ant. IV, 4, p. 88; Bocharti Geogr. sacr. II, 1, 24, pag. 478. — Vide quoque nostrum Indicem geogr. ad Cæsarem. Eb.

2. *Zama* (hodie *Zamora* in regione Constantina) *V dierum iter ab C. ab-*

metu visere omnia, per castra, qua vellent, circumduci jussit; percunctatusque, satin' per³ commodum omnia explorassent; datis, qui prosequerentur, retro ad Hannibalem dimisit. Hannibal nihil quidem eorum, quæ nuntiabantur (nam et, Masinissam cum sex millibus peditum, quatuor equitum venisse eo ipso forte die, afferebant), læto animo audiit, maxime hostis fiducia, quæ non de nihilo profecto concepta est⁴, percussus. Itaque, quanquam et ipse causa belli erat, et adventu suo turbaverat et pactas inducias, et spem fœderum; tamen, si integer, quam si victus, peteret pacem, æquiora impetrari posse ratus, nuntium ad Scipionem misit, ut colloquendi secum potestatem faceret. Id utrum sua sponte fecerit, an publico consilio, neutrum cur affirmem, habeo⁵. Valerius Antias, primo prælio victum eum a Scipione, quo duodecim

est occasum versus, Jubæ regia in Numidia mediterr. Conf. Polyb. l. 1. et Cellar. Geogr. ant. IV. 5, p. 115. — Hic Glareani notam relatu dignam existimavi, qui ait legi apud Plutarchum, Hannib., extremam hanc pugnam ad Zamam fuisse, neque in eo auctore mentionem Naraggaræ (vide inf. not. 6) fieri. Oportet autem aliam fuisse urbem Zamam quam quæ a Strabone, lib. ultimo, p. 829, describitur, et ab incerto auctore Belli Africani, lib. V, 91 (vide nostrum Cæsarem, tom. II, p. 514 sq.), et a Salustio, Jugurt. cap. 57. Plutarchus nihil de distantia tanta dicit: certum est hic mendum esse. Adrumetum enim vix distat itinere quinque dierum ab Carthagine: quum hæc Zama, ut ex omnibus locis apparet, propinquior multo sit, videlicet ad quam, ut Carthagini succurreret, ab Adrumeto magnis itineribus contendit Hannibal.

Conf. quoque nostrum Indicem geogr. ad Cæsarem. Ed. — Mox forte leg. speculatores tres e Polyb. et deinde tribuno militum ex eodem et lib. vet. Sigon. et Hearn. D.

3. *Per commodum, non ut V, 12, n. 6, sed ut XLII, 18, et al. suo commodo et ex commodo pro: commode, cum commoditate. Conf. ad II, 38, n. 3. — Masinissam cum sex millibus peditum, quatuor equitum: sex equitum millia habet Polyb. quem tamen ex Livio correxit Schweigh.*

4. *Quæ non de nihilo profecto concepta est; immo esset: est enim cogitatio Hannibalis, non affirmatio Livii; Gron. Sed quum additum sit profecto, ad Livium potius retulerim, ut dictum sit pro: concipi solet; Doer. — Si integer, quam si victus; vide ad III, 7, n. 1.*

5. *Neutrum cur affirmem, habeo, scil. rationes. — In acie sunt cæsa,*

millia armatorum in acie sunt cæsa, mille et septingenti capti, legatum cum aliis decem legatis tradit in castra ad Scipionem venisse. Cæterum Scipio quum colloquium haud abnuisset, ambo ex composito duces castra protulerunt, ut coire ex propinquo possent. Scipio haud procul Naraggara⁶ urbe, tum ad cætera loco opportuno, tum quod aquatio intra teli connectum erat, consedit. Hannibal tumulum a quatuor millibus inde, tutum commodumque alioquin, nisi quod longinquæ aquationis erat, cepit. Ibi in medio locus conspectus undique, ne quid insidiarum esset, delectus.

XXX. Submotis pari spatio armatis, cum singulis interpretibus congressi sunt non suæ modo ætatis maximi duces, sed omnis ante se memoriæ, omnium gentium cuilibet regum imperatorumve pares. Paulisper alter alterius conspectu, admiratione mutua prope attoniti, conticuere. Tum Hannibal prior¹: « Si hoc ita « fato datum erat, ut, qui primus bellum intuli populo romano, quique toties prope in manibus victoriam habui, is ultro ad pacem petendam venirem;

scil. secundum Antiatem, vel ut Valerius Antias tradit; Doer. Immo sint; Grön.

6. *Haud procul Naraggara*: ita Put. Men. et alii: sed quidam *Nadagra*, *Nadagara*, *Nargara* (ut Ptol.), et rectius forte *Naragara*: unde apud Polyb. *Ναράγαρα* pro *Μάργαρον* substituit Schweigh. Conf. Ptolem. et Antonini Itiner. ibique Wessel. pag. 41. *Κόλλαν* pro *Naraggara* memorat Apian. Pun. 40.

CAP. XXX. I. *Tum Hannibal prior*, etc. conf. Polyb. XV, 6, 7, ubi oratio brevior est. — *Qui primus bellum intuli populo rom.* Nota Dukeri est:

« In extrema oratione dicit *bellum a me ceptum est*. Non credo, Hannibalem apud Scipionem voluisse fateri, se causam belli quæsiuisse auctoremque illius fuisse, et rupto foedere injusta tulisse arma; etsi Scipio in hunc sensum illa acceperit cap. 31, *Vos lacessisse et tu ipse fateris, et dii testes sunt*. Non facile enim solent, ne illi quidem, qui sibi divini humanique juris bello aliis inferendo violati consci sunt, id fateri; et Pœni sibi, nec fortassis omnino temere persuadebant, se utriusque belli justissimas habuisse causas; vid. XXI, 44. An ergo Hannibal dicit, se Romanos nondum pa-

« lætor te mihi forte potissimum datum, a quo pete-
 « rem. Tibi quoque inter multa egregia non in ultimis
 « laudum² hoc fuerit, Hannibalem, cui tot de romanis
 « ducibus victoriam dii dedissent, tibi cessisse; teque
 « huic bello, vestris prius, quam nostris, cladibus in-
 « signi, finem imposuisse. Hoc quoque ludibrium casus
 « ediderit fortuna³, ut, quum patre tuo consule cepe-
 « rim arma, cum eodem primum romano imperatore
 « signa contulerim, ad filium ejus inermis ad pacem
 « petendam veniam. Optimum quidem fuerat, eam
 « patribus nostris mentem datam ab diis esse, ut et
 « vos Italiæ, et nos Africæ imperio contenti essemus:
 « neque enim ne vobis quidem Sicilia ac Sardinia satis
 « digna pretia sunt pro tot classibus, tot exercitibus,
 « tot tam egregiis amissis ducibus. Sed præterita magis
 « reprehendi possunt, quam corrigi: ita aliena appe-
 « tivimus, ut de nostris dimicaremus, nec in Italia so-
 « lum vobis bellum, nobis in Africa esset; sed et vos
 « in portis vestris prope ac mœnibus signa armaque
 « hostium vidistis⁴, et nos ab Carthagine fremitum

ratos bello prævenisse, iisque delibe-
 rantibus et cunctantibus priorem ar-
 ma intulisse? Ita quidem accipi pos-
 sunt illa *bellum a me captum est*. Sed
 valde dubito, an vox *primus* id patia-
 tur. Forte leg. *primus* (sc. exterorum)
bellum in Italia intuli p. r. Nam Pyr-
 rhus non tam belli Romanis inferendi,
 quam Tarentinos adversus eos defen-
 dendi causa in Italiam venisse videri
 volebat. — *Te mihi sorte potissimum*
datum; vide ad VI, 21, n. 2.

2. *Non in ultimis laudum*, laudibus
 (ut *terrarum ultimas* XXVIII, 39;
 ubi vide ad Drakenh.), *hoc fuerit*, ut
 οὐκ ἐν ὑστέρτοις εἶναι apud Sophocl.
 Trach. 315.

3. *Hoc quoque ludibrium casus edi-
 derit fortuna*; ita Put., h. e. hunc
 quoque ludicrum casum quasi jocata
 fortuna ediderit; Gron. Sic *ludibrium*
casuum humanorum XLV, 41, miræ
 et inopinatæ eorum vicissitudines; et
 sic passim fortuna *jocari* quasi et *lu-
 dere* dicitur, h. e. ludibrio habere
 homines; vide ad Tac. Ann. III, 18,
 n. 6, et ad Juvenal. III, 40; VI,
 608. — *Cum eodem primum romano*
imperat. signa contulerim: non male
 animadvertit Buchner. de Commut.
 Rat. dicendi, I, 4, Hannibalem offen-
 sionis et odii vitandi causa non dicere
quem vicerim; Duk.

4. *Signa armaque hostium vidistis*;

« castrorum romanorum exaudimus. Quod igitur nos
« maxime abominaremur, vos ante omnia optaretis, in
« meliore vestra fortuna de pace agitur : agimus ii,
« quorum et maxime interest pacem esse, et qui quod-
« cumque egerimus, ratum civitates nostræ habituræ
« sint. Animo tantum nobis opus est non abhorrente
« a quietis consiliis⁵. Quod ad me attinet, jam ætas
« senem in patriam revertentem, unde puer profectus
« sum, jam secundæ, jam adversæ res, ita erudierunt,
« ut rationem sequi, quam fortunam, malim. Tuam
« et adolescentiam et perpetuam felicitatem, ferociora
« utraque, quam quietis opus est consiliis, metuo. Non
« temere incerta casuum reputat, quem fortuna nun-
« quam deceptit : quod ego fui ad Trasimenum, ad
« Cannas, id tu hodie es. Vixdum militari ætate im-
« perio accepto, omnia audacissime incipientem nus-
« quam fefellit fortuna. Patris et patruī persequutus
« mortem, ab calamitate vestræ domus decus insigne
« virtutis pietatisque eximiæ cepisti : amissas Hispan-
« nias recuperasti, quatuor inde punicis exercitibus
« pulsis : consul creatus, quum cæteris ad tutandam
« Italiam parum animi esset, transgressus in Africam,
« duobus hic exercitibus cæsis, binis eadem hora ca-
« ptis simul incensisque castris, Syphace potentissimo

« immo videretis et mox exaudiremus :
nam pendet ab illis ut dimicaremus,
neq̄ solum... esset. Mox pro quorum
et maxime interest debet intersit,
inpr. ob seq. sint. Etiam initio cap.
intuli et habui pro intulissem et ha-
buissem ». Bauer.

5. Quietis consiliis, germ. kaltblü-
tige, ruhige : mox opp. ferociora ; et
calidiora XXII, 24. — Senem in pa-
triam revertentem, unde puer profec-
tus sum : res aucta, ut cap. 28, n. 4.

Conf. ad XXI, 3, n. 2. — Adole-
scentiam et p. felicitatem, ferociora
utraque ; vide ad XXIV, 26, n. 1. —
Non temere incerta casuum reputat ;
vide ad II, 61, n. 3, et XXX, 2, n. 2.
— Consul creatus, quum. Notat hic
J. Fr. Gronovius in his verbis incom-
parabilem illum Puteanorum codicem
finiri, magno nostro et Livii damno,
additque : « Jam ad reliqua spissius
et non ita bonis tibicinibus fulti sece-
demus ». Ed.

« rege capto, tot urbibus regni ejus, tot nostri imperii
 « ereptis⁶, me sextum decimum jam annum hærentem
 « in possessione Italiæ detraxisti. Potest victoriam,
 « inquam, malle, quam pacem, animus: novi spiritus
 « magis magnos, quam utiles; et mihi talis aliquando
 « fortuna affulsit. Quod si in secundis rebus bonam
 « quoque mentem darent dii; non ea solum, quæ eve-
 « nissent, sed etiam ea, quæ evenire possent, reputa-
 « remus. Ut omnium obliviscaris aliorum⁷, satis ego
 « documenti in omnes casus sum. Quem modo, castris
 « inter Anienem atque urbem vestram positis, signa
 « inferentem ad mœnia romana; hic cernis, duobus
 « fortissimis viris, fratribus, clarissimis imperatoribus,
 « orbatum⁸, ante mœnia prope obsessæ patriæ, quibus

6. *Tot urbibus regni ejus... ereptis*, captis, vel quum nobis eripuisses, vel regni pro dativo; Bauer. — *XVI jam annum hærentem in possessione Italiæ*; vide ad XXVIII, 12, n. 2, et XXX, 20 extr. Mox τὸ *inquam* ex multis MSS recepit Drak. suadente Heins. ad Vell. I, 17, 5, ubi docet, historicos aliosque scriptores orationi longius extensæ aut repetitæ sive iisdem, sive aliis, sed similibus, verbis τὸ *inquam* interjicere, ut, quod dicitur, serio dictum appareat; hæc autem referenda esse ad verba præc. *tuam et adolescentiam... metuo*. Sententiam supra positam *quem fortuna nunquam decepit* ita cum vi repeti vel innui putat Doer. Contra *ambiguam* conj. Gronov. Possis et *incertam*. Sed nil muto. — *Novi spiritus magis magnos, quam utiles*, homines, quorum audacia, fiducia et superbia ingens quidem, sed parum utilis fuit, verbi c. Sempronium, Flaminium, Minucium, Varronem et alios.

7. *Ut* (vid. II, 38, n. 3) *omnium*

obliviscaris aliorum hominum ejus modi, *satis ego documenti* (f. *documento*; Doer.) *in o. c. sum*; vide ad Præf. n. 14. — *Quem modo... signa inferentem ad mœnia rom.* vide ad VIII, 38, n. 2, et XXII, 14, n. 12. Ita Drak. e plurimis codd. In quibusdam MSS *signa inferentem ac prope scandentem mœnia romana*, et in edd. antt. (omissis verbis *signa inf.*) *ac* (quod sic del. certe) *jam prope scandentem mœnia Romæ videras*. Sed hæc lacinia suspecta est, et τὸ *videras* sufficit intelligi ex seqq. *hic cernis*; Gron.

8. *Duobus fortissimis viris, fratribus, clarissimis imperatoribus, orbatum*: tres fratres amiserat Hannibal, Hasdrubalem (vid. XXVII, 49), Magonem (XXX, 19), Hannonemque (XXIX, 34): quod autem hic duos duntaxat numeret, quum oratorie sua augere incommoda vellet, in causa fuisse puto, vel quod Hanno inter duces nominari non debuerit, vel quod Livius hic alios auctores sit sequutus; Clar. Hannonem ideo forte inter du-

« terrui vestram urbem, ea pro mea deprecantem.
« Maximæ cuique fortunæ minime credendum est : in
« bonis tuis rebus, nostris dubiis, tibi ampla ac spe-
« ciosa danti est pax; nobis petentibus magis neces-
« saria, quam honesta. Melior tutiorque est certa pax,
« quam sperata victoria : hæc in tua, illa in deorum
« manu est⁹. Ne tot annorum felicitatem in unius horæ
« dederis discrimen : quum tuas vires, tum vim for-
« tunæ martemque belli communem, propone animo.
« Utrumque ferrum, corpora humana erunt; nusquam
« minus, quam in bello¹⁰, eventus respondent. Non
« tantum ad id, quod data pace jam habere potes,
« si prælio vincas, gloriæ adjeceris, quantum ade-
« meris¹⁰, si quid adversi eveniat : simul parta ac
« sperata decora unius horæ fortuna evertere potest.
« Omnia in pace jungenda tuæ potestatis sunt, P. Cor-
« neli : tunc ea habenda fortuna erit, quam dii de-
« derint. Inter pauca felicitatis virtutisque exempla
« M. Atilius¹¹ quondam in hac eadem terra fuisset, si
« victor pacem petentibus dedisset patribus nostris :
« non statuendo [tandem] felicitati modum, nec co-
« hibendo efferentem se fortunam, quanto altius ela-
« tus erat, eo foedius corrui. Est quidem ejus, qui

ces non numeravit, quia exercitum duxisse non legitur, sed tantum in locum alterius Hannonis equitum præfectus fuit (vide ad XXIX, 29, 34) : aut Magonem obiisse (vid. ad XXX, 20) nondum audiverat Hannibal; Drak. An leg. III pro II, vel tribus pro duobus? — Quibus terrui periculis.

9. *Hæc in tua, illa in deorum manu est*; vide ad III, 72, n. 3. Ita nunc loquitur vir, cui nullus deorum motus, nulla religio fuit; vide ad XXI, 4. — *Martem belli communem*; vide supra

ad lib. V, cap. 12, not. 1. — *Eventus respondent*; vide tamen ad lib. IX, cap. 15, n. 2.

10. *Gloriæ adjeceris, quantum ademeris*, etc. quasi ante oculos habuisset illud Cic. de Prov. Cons. 14, « Si timeret casum aliquem, qui illi tantum addere jam non potest, quantum auferre »; Gron.

11. *M. Atilius Regulus*, etc. vide ad lib. XXVIII, cap. 42, n. 1. Mox tò tandem a quibusdam MSS abest. In aliis legitur *tm*, h. e. *tamen*, probante Creverio.

« dat, non qui petit, condiciones dicere pacis : sed
 « forsitan non indigni simus, qui nobismet ipsi mul-
 « ctam irrogemus¹². Non recusamus, quin omnia,
 « propter quæ bellum initum est, vestra sint, Sicilia,
 « Sardinia, Hispania, quidquid insularum toto inter
 « Africam Italiamque continetur mari. Carthaginien-
 « ses, inclusi Africæ litoribus, vos (quando ita diis
 « placuit) externa etiam terra marique videamus re-
 « gentes imperia. Haud negaverim, propter non nimis
 « sincere petitam aut exspectatam nuper pacem, su-
 « spectam esse vobis punicam fidem. Multum, per
 « quos petita sit, ad fidem tuendæ pacis pertinet,
 « Scipio. Vestri quoque (ut audio) Patres nonnihil
 « etiam ob hoc, quia parum dignitatis in legatione
 « erat, negaverunt pacem. Hannibal peto pacem; qui
 « neque peterem, nisi utilem crederem, et propter
 « eandem utilitatem tuebor eam, propter quam petii :
 « et quemadmodum, quia a me bellum cœptum est,
 « ne quem ejus pœniteret, quoad ipsi invidere¹³ dei,
 « præstiti; ita annitar, ne quem pacis per me partæ
 « pœniteat. »

XXXI. Adversus hæc imperator¹ romanus in hanc
 fere sententiam respondit : « Non me fallebat, Han-
 « nibal, adventus tui spe Carthaginienses et præsen-
 « tem induciarum fidem, et spem pacis turbasse :
 « neque tu id sane dissimulas, qui de² conditionibus

12. Qui nobismet ipsi (al. ipsis) mulctam irrogemus: hunc sensum ab Herodoto, IX, 77, sumptum monet Gron.

13. Quoad ipsi invidere dei; vide ad V, 21, n. 10; X, 13, n. 5, et XXIII, 26, n. 1.

CAP. XXXI. 1. Adversus hæc imperator, etc. Cf. Polyb. XV, 8. Verbum

respondit deest in MS Cantabr. — Editiones principes dabant ad hæc; sed recte dicitur adversus hæc; vide ad VIII, 2; XXXV, 50; pari modo dixisse Ciceronem de Arusp. VIII, respondere contra figuras, al. notat Drak. Ed.

2. De conditionibus superioribus pacis; conf. cap. 16.

« superioribus pacis omnia subtrahas, præter ea,
« quæ jam pridem in nostra potestate sunt. Cæterum
« sicut tibi curæ est, sentire cives tuos, quanto per
« te onere leventur; sic mihi laborandum est, ne,
« quæ tunc pepigerunt, hodie subtracta ex conditio-
« nibus pacis, præmia perfidiæ habeant. Indigni, qui-
« bus eadem pateat conditio, ut etiam prosit vobis
« fraus, petitis. Neque patres nostri priores de Sicilia,
« neque nos de Hispania fecimus bellum. Et tunc
« Mamertinorum sociorum periculum³, et nunc Sa-
« gunti excidium nobis pia ac justa induerunt arma.
« Vos lacesse, et tu ipse fateris, et dei testes sunt,
« qui et illius belli exitum secundum jus fasque dede-
« runt, et hujus dant et dabunt. Quod ad me attinet,
« et humanæ infirmitatis memini, et vim fortunæ re-
« puto, et omnia, quæcumque agimus, subjecta esse
« mille casibus scio. Cæterum, quemadmodum su-
« perbe et violenter me faterer facere, si prius, quam
« in Africam trajecissem, te tua voluntate cedentem
« Italia, et, imposito in naves exercitu, ipsum venien-
« tem ad pacem petendam adspernerer; sic nunc,
« quum prope manu conserta restitantem⁴ ac tergi-
« versantem in Africam attraxerim, nulla sum tibi
« verecundia obstrictus. Proinde si quid ad ea⁵, in

3. *Mamertinorum sociorum p.*; vide ad XXVIII, 28, n. 3. — De ea re Creverius notat videndum esse Polyb. lib. I, et Supplem. Freinsheimii, lib. XVI, ex quibus apparet Scipionem hic suæ Romanorumque causæ gratificari. Romana enim arma in Siciliam vocavit magis nimis jam Carthaginensium potentis metus quam Mamertinorum preces, qui nec vetusta societate juncti cum Roma erant, et ob immanitatem injustitiamque, qua Messanam veteribus cultoribus ademe-

rant, parum sane digni erant auxilio. Ed. — *Vos lacesse nos bello*, ut paulo ante: *priores fecisse bellum*.

4. *Prope manu conserta restitantem*; vide ad X, 19, n. 4. *Consertum* plurimi MSS, prob. Doer. *Ex jure manu consortum* formula est veteris juris de vindicationibus in re præsentis, adhibita vi civili et festucaria; vid. Ern. Clav. Cic. et Intpp. Gell. XX, 10.

5. *Proinde si quid ad ea, in quæ tum pax conventura videbatur* (vide

« quæ tum pax conventura videbatur, quæ sit mulcta
« navium cum comœatu per inducias expugnataram
« legatorumque violatorum, adjicitur; est, quod re-
« feram ad consilium. Sin illa quoque gravia videntur,
« bellum parate, quoniam pacem pati non potuistis. »
Ita infecta pace ex colloquio ad suos quum se recep-
pissent, frustra verba jactata⁶ renuntiant. Armis de-
cernendum esse, habendamque eam fortunam, quam
dii dedissent.

XXXII. In castra ut est ventum, pronuntiant ambo,
*Arma expedirent milites animosque¹ ad supremum
certamen, non in unum diem sed in perpetuum, si
felicitas adesset, victores. Roma, an Carthago, jura
gentibus darent, ante crastinam noctem scituros. Ne-
que enim Africam, aut Italiam, sed orbem terrarum
victoriæ præmium fore; par periculum præmio, qui-
bus adversæ pugnæ fortuna fuisset.* Nam neque Ro-
manis effugium ullum patebat in aliena ignotaque
terra; et Carthagini, supremo auxilio effuso², adesse

ad I, 3, n. 4), quæ sit mulcta na-
vium, pœna ob naves cum comœatu
per inducias (vide ad II, 18, n. 1)
expugnatas, adjicitur; est, quod re-
feram ad consilium; vide ad VIII, 6,
n. 6, et XXVI, 2, n. 3. Quæ sit
mulcta navium edidi, quia in MSS
legitur quæ si vel sint et sunt multa,
vel multas, vel quasi multas. Possis
et conjicere quod pro quæ, quoniam
et quæ et quod referendum ad præc.
quid. Sed vide ad XXI, 10, n. 14, et
XXIV, 42, n. 6. Vulgaris lectio est
videbatur (quæ sint, nosti), mulctæ
navium, etc. quam notavit Bauer. his
verbis: « Corruptus haud dubie, in-
tricatus certe locus. Dativus mulctæ
non habet, quo sat commode referatur,
quum verbum adjicitur habeat

jam suum regimen, ad ea. Dubium
quoque est, post nosti, an post vio-
latorum, parenthesis claudatur. Nec
placet Gronoviano quasi mulcta. Ne-
que enim pactis tam rigidis conve-
nit particula quasi. Neque verba quæ
sint, nosti, desiderari videntur posse,
quum ante jactatas condiciones non
repetat Scipio. Ego post mulctæ addi-
derim nomine, quod a voc. navium
absorberi potuit. Si quid mulctæ na-
vium, ob naves, etc. exponit Doer.

6. Frustra verba jactata; vide ad
II, 12, n. 7.

CAP. XXXII. 1. Arma expedirent
milites animosque; vid. XXXVIII,
25, not. 5.

2. Supremo auxilio effuso, ἐκκεχυ-
μένῳ, frustra consumpto. Mox vide-

videbatur præsens excidium. Ad hoc discrimen procedunt postero die duorum opulentissimorum populorum duo longe clarissimi duces, duo fortissimi exercitus, multa ante parta decora aut cumulaturi eo die, aut eversuri. Anceps igitur spes et metus miscebant animos³; contemplantibusque modo suam, modo hostium aciem, quum oculis magis, quam ratione, pensarent vires, simul læta, simul tristitia obversabantur. Quæ ipsis sua sponte non succurrebant, ea duces admonendo atque hortando subjiciunt. Pœnus sedecim annorum in terra Italia res gestas, tot duces romanos, tot exercitus occidione occisos, et sua cuique decora, ubi ad insignem alicujus pugnæ memoria militem venerat, referebat. Scipio Hispanias et recentia in Africa prælia et confessionem hostium, quod neque non petere pacem propter metum, neque manere in ea præ insita animis perfidia potuissent. Ad hoc, colloquium Hannibalis in secreto habitum ac liberum fingenti, qua velit, flectit⁴. Ominatur, quibus quondam auspiciis patres eorum pugnaverint ad Ægates insulas, ea illis exeuntibus in aciem por-

batur forte del. et paulo ante pro patebat leg. patere, ut hæc conjungantur cum præc. oratione obliqua: certe inter alias adhortationes imperatorum hæc quoque tum apud Polyb. XV, 10, 11, et Appian. Pun. 42, tum XXI, 41, 43, 44, Thucyd. VII, 64, Curt. IV, 14, 7 (ubi conf. Freinsh.), referantur; Duk. — Ad hoc discrimen; vide ad VI, 17, n. 1.

3. *Anceps spes et metus miscebant animos, simul turbabant, ut XXXV, 12, n. 2 (cf. Cort. ad Sall. Jug. 41); vel in his miscebantur. — Hortando subjiciunt; vide ad I, 59, n. 7, et XXIX, 15, n. 1. Conf. Appian. Pun.*

42. *Orationes ipsas ducum ad milites vid. apud Polyb. XV, 10, 11. — Sedecim annorum in terra Italia; vide supra ad XXV, 7, n. 3, et XXVIII, 12, n. 3.*

4. *Ad hoc (vide ad II, 23, n. 3), colloquium H... liberum fingenti, qua (f. quo) velit, flectit, comminiscitur pro lubitu Hannibalis dicta et indicia timoris. Conf. ad IX, 19, n. 3, et XXVI, 38, n. 8. Qua velit flecti quidam MSS, prob. Crev. ut omnia a verbo referebat pendeant. Qua vult et quo vult alii. — Ominatur verbum h. l. non satis aptum. Forte leg. Ominatur, quum, quibus quondam auspi-*

tendisse deos⁵. *Adesse finem belli ac laboris : in manibus esse prædam Carthaginis, reditum domum in patriam, ad parentes, liberos, conjuges, penatesque deos.* Celsus hæc corpore, vultuque ita læto, ut vicisse jam crederes, dicebat⁶. Instruit deinde primos hastatos, post eos principes; triariis postremam aciem clausit.

XXXIII. Non confertas autem cohortes¹ ante sua quamque signa instruebat, sed manipulos aliquantum inter se distantes, ut esset spatium, quo elephantium hostium accepti nihil ordines turbarent. Lælium (cujus ante legati², eo anno quæstoris extra

ciis...portenderint dii, adesse finem belli ac laboris.

5. *Portendisse deos ea auspicia, ostendisse, dedisse.* « Verum dii propr. non *portendunt auspicia, sed portendunt futura auspiciis*, ut XXVI, 41. Videtur sermo ellipticus esse, et ita supplendus: ea illis portendisse deos, quæ quondam portendissent iis auspiciis, quibus patres eorum, etc. » Duk.

6. *Celsus hæc corpore...dicebat;* vide ad VII, 16, n. 2.

CAP. XXXIII. 1. *Non confertas autem cohortes, etc.* Conf. de hac Scipionis Hannibalisque acie, Polyb. XV, 9, 11; Appian. Pun. 40, 41; Frontin. Strat. II, 3, 16 (ubi Tennul. Disputat. adversus Salmas. de Re Mil. Rom. cap. 2, p. 1301); Guischarti *Mémoires militaires*, tom. I, cap. 12; Schel. ad Hygin. p. 1053, et Lips. Mil. Rom. IV, 1, et Dial. II, 3, ubi præter alia notavit hæc: « Scipio, quod Polybius docet, in hac pugna non servavit communem receptumque Romanorum morem in manipulis collocandis, quo hastati scilicet primi et gravi armatura pugnabant, pulsique retrocedebant in intervalla ordinum

sive *vias patentes inter manipulos antesignanorum* (διαχώρους, seu διαστήματα τῶν λόγων, in quibus claudendis et aperiendis, prout visum, ars omnis et arcanum militiæ rom.), et principes excipiebant. Neque enim manipulos ad intervalla et vias opposuit, sed ipsos sibi et a tergo *rectis ordinibus* adnexuit, ut *vix directæ* per omnia genera sine obstaculo penetrarent. Cur ita? non ut equites per eas facilius transmitterentur, quod Appianus dicit, sed ut *elephantis hostium*, qui maxime timebantur, locus daretur per medias acies, hique sine confusione manipulorum agerentur ad extrema. Si enim manipuli solenni more fuissent dispositi, incurriissent necessario in principes objectos. Livius rem mirifice obscurat, nec videtur intellexisse Polybium; certe implicite scribit. Tamen ea mens: *non instruxit confertas cohortes, sed quamque ante sua signa* in recto ordine. Nam in vulgari dispositione cohortes non sunt rectæ, nec signa signis responderit. » Cf. mox not. 3.

2. *Lælium, cuius ante legati* (quod ex h. l. discimus: nam præfectus clas-

sortem ex senatusconsulto opera utebatur) cum italico equitatu ab sinistro cornu, Masinissam Numidasque ab dextro opposuit. Vias patentes inter manipulos antesignanorum velitibus (ea tunc levis armatura erat³) complevit; dato præcepto, ut ad impetum elephantorum aut post rectos refugerent ordines, aut, in dextram lævamque discursu applicantes se antesi-

sis dicitur XXVI, 42; XXIX, 26 et al.), eo anno quaestoris extra sortem ex senatusconsulto opera utebatur; «Catonem probabile est exacto anno quaesturæ Romam rediisse (cf. XXIX, 25, et Nep. Cat. 1, qui cum a Scipione non pro sortis necessitudine vixisse, et ab eo perpetua dissensisse vita dicit), et Scipioni petenti Lælium, ei amicissimum, forte absentem, aut quaesturæ petendæ causa Romam profectum, quaestorem extra sortem datum: nam quemadmodum præsides provinciarum, sic etiam quaestores non semper provincias sorte, sed interdum lege aut senatusconsulto extra ordinem acceperunt». Duk. coll. Sigon. de Jur. Prov. II, 3, et Manut. ad Cic. de Div. II, 19. — Lælium ab sinistro cornu, Masinissam ab dextro: ita et apud Polyb. Uterque in dextro apud Appian. Pun. 41, 44.

3. *Velitibus: ea tunc levis armatura erat; vide supra ad XXI, 55, n. 2, et XXVI, 4, n. 6. — Post rectos refugerent ordines; conf. notæ Schweigh. ad Polyb. XI, 23, 2; XV, 9, 7, et XV, 15, 7. «Manipuli quique tres hastatorum, principum et triariorum, qui unam cohortem efficiebant, non jam, ut alias in acie rom. moris erat, in quincuncem et per intervalla ordinum, sed una recta linea alii post alios locati erant ita, ut alter alteri responderet (qui Polybio dicuntur σημάϊα vel σπῆραι κατάλληλοι, seu*

ἄλλαι κατ' ἄλλας, seu κατ' ἀλλήλας τοθεῖσαι. et XI, 11, 7, ἐπάλληλοι τάξις. Appian. Pun. 41, ἕρθτοι λόχοι. Livio *recti ordines*), utque inter duas quasque cohortes via recta per omnes tres manipulos pateret. Per ipsam rationem, qua instruitur romana acies, per interstitia illa, quæ sunt inter manipulos, fit, ut non facile rumpi dirimique acies eorum possit; quia, si vel maxime irruerint hostes per primos hastatorum manipulos, cædunt eos hi ipsi a latere, tum occurrunt sequentes manipuli hastatorum in quincuncem dispositi, tum manipuli principum, manipuli triariorum. Quare etiam, quoniam militum vi non facile rumpi aciem rom. posse (δυσδιασπάστου οὐσης τῆς Ῥωμαίων τάξεως καὶ δυνάμειος) noverat Hannibal, bel-luarum impetu eam vel *ordines turbare* rumpereque, συντραπέξαι καὶ διασπάσαι, conatus est. Sed et hoc periculum evitavit Scipio *ordines rectos* faciendo, non in quincuncem locando; quod ipsum facere potuit propter commodum illud, quod habet Romanorum armatura et omnino acies romana, quod et singuli manipuli et singuli milites in quancumque partem sunt mobiles et pugnare possunt: quod ipsum commodum simul illam eis operam præstat, ut non facile rumpi atque turbari eorum acies, etiamsi per interstitia pervadant belluæ, vel perumpant aliquatenus non-

gnanis, viam, qua irruerent in ancipitia tela, belluis darent. Hannibal ad terrorem primum elephantos (octoginta autem erant, quot nulla unquam in acie ante habuerat) instruxit; deinde auxilia Ligurum Gallorumque, Baliaribus Maurisque admixtis; in secunda acie Carthaginienses Afrosque et Macedonum legionem⁴; modico inde intervallo relicto, subsidiariam aciem italicorum militum (Bruttii plerique erant, vi ac necessitate plures, quam sua voluntate, decedentem ex Italia sequuti) instruxit. Equitatum etiam ipsum circumdedit cornibus: dextrum Carthaginienses, sinistrum Numidæ tenuerunt. Varia adhortatio erat in exercitu inter tot homines, quibus non lingua, non mos, non lex, non arma, non vestitus habitusque, non causa militandi eadem esset. Auxiliariis et præsens, et multiplicata merces ex præda⁵ ostentatur. Galli proprio atque insito in Romanos odio accenduntur: Liguribus campi uberes Italiæ, deductis ex asperrimis montibus, in spem victoriæ⁶ ostentantur: Mauros Numidasque Masinissæ impotenti futuro dominatu terret: aliis aliæ spes ac metus⁷ jactantur. Carthaginiensibus mœnia patriæ, dii penates, sepulcra majorum, liberi cum parentibus, conjuges pavidæ; aut excidium servitiumque, aut imperium orbis ter-

nulli hostium globi, possit: continuo enim et minima opera pristinum suum locum commodamque suam formam recipit. » — *In ancipitia tela*; vide ad I, 25, n. 4. — *Ad terrorem primum elephantos*. Creverio potius videretur primos, quod ex Cantabrigiensi codice affert Jac. Gronovius, et firmat noster Regius. Ed.

4. *Macedonum legionem* memorat etiam Frontinus, non vero Polybius et Appianus. Cf. cap. 42, et XXXI,

1 extr. — *Non lingua, non mos, non lex, etc.* ut XXVIII, 12, et apud Polyb. XI, 19, 4.

5. *Præsens merces ostentatur*; vide ad I, 12, n. 6, et IV, 30, n. 1.

6. *In spem victoriæ* (si vicissent, *im Falle des Siegs, auf den Fall*; Bauer.) *ostentantur*; conf. ad IV, 30, n. 1, et VI, 5, n. 1. — *Impotenti futuro dominatu*; vide ad librum III, cap. 36, n. 2.

7. *Aliæ spes jactantur*; vide ad II,

rarum; nihil aut in metum, aut in spem medium ostentatur. Quum maxime hæc imperator apud Carthaginienses, duces suarum gentium⁸ inter populares, plerique per interpretes inter immixtos alienigenis agerent, tubæ cornuaque ab Romanis⁹ cecinerunt; tantusque clamor ortus, ut elephantum in suos, sinistro maxime cornu, verterentur, Mauros ac Numidas. Ad didit facile Masinissa percussis terrorem, nudavitque ab ea parte aciem equestri auxilio. Paucae tamen bestiarum, intrepidæ in hostem actæ, inter velitum ordines cum multis suis vulneribus ingentem stragem edebant. Resilientes enim ad manipulos velites, quum viam elephantis, ne obtererentur, fecissent, in ancipites ad ictum utrimque¹⁰ conjiciebant hastas; nec pila ab antesignanis cessabant; donec undique incidentibus telis exacti ex romana acie, hi quoque in suo dextro cornu ipsos Carthaginiensium equites in fugam verterunt. Lælius, ut turbatos vidit hostes, addit percussis terrorem.

XXXIV. Utrunque equite nudata erat punica acies, quum pedes concurrat, nec spe, nec viribus jam par.

12, n. 7. — *Nihil in spem medium ostentatur*; vide ad II, 49, n. 6, et IV, 30, n. 1.

8. *Duces suarum gentium*, Mauri Maurorum, Hispani Hispanorum, Galli Gallorum, Macedones Macedonum: quæ cohortes, manipuli, legiones quum non sinceræ omnino essent, sed permixtæ varia nationum colluvie, nonnulli duces ex his, quæ apud suos vernaculo sermone pronuntiabant, per interpretes cæteris indicabant; Gron.— *Plerique* plurimi MSS. *Pleraque*, non minus apte.

9. *Tubæ cornuaque ab Romanis cecinerunt* (vide ad VII, 40, n. 4),

et simul a Pœnis; vid. Polyb. XV, 12, et Appian. Pun. 43. — *Verterentur*; al. *verterent*; vide ad II, 3, n. 2. De memorabili hac pugna cf. Polyb. XV, 12 sq. Appian. Pun. 43, et Guichardti *Mémoires militaires*, tom. I, cap. 12.

10. *In ancipites ad ictum utrimque* elephantos, ab ambobus lateribus infestatos, ab dextra lævaque telorum ictui expositos, anxios et, quo se verterent, nescios (conf. not. 3 extr. et ad I, 25, n. 4), *conjiciebant hastas* velites, qui complèverant intervalla inter manipulos, et actis eodem elephantis locum dederant; Gron.

Ad hoc dictu parva, sed magni eadem in re gerenda momenti res¹, congruens clamor a Romanis, eoque major et terribior; dissonæ illis, ut gentium multarum discrepantibus linguis, voces²: pugna romana stabilis³, et suo et armorum pondere incumbentium in hostem: concursatio et velocitas illinc major, quam vis. Igitur primo impetu extemplo movere loco hostium aciem Romani: ala deinde et umbonibus pulsantes, in submotos gradu illato, aliquantum spatii, velut nullo resistente, incessere; urgentibus et novissimis primos, ut semel motam aciem sensere: quod ipsum vim magnam ad pellendum hostem addebat. Apud hostes, auxiliares cedentes⁴ secunda acies, Afri et Carthaginienses, adeo non sustinebant, ut contra etiam, ne resistentes pertinaciter primos cædendo ad se perveniret hostis, pedem referrent. Igitur auxiliares terga dant repente, et, in suos versi, partim refugere in secundam aciem, partim non recipientes cædere, uti paulo ante non adjuti, et tunc exclusi. Et prope duo jam permixta prælia erant, quum Carthaginienses simul cum hostibus, simul cum suis cogentur conserere manus. Non tamen ita percussos iratosque in aciem accepere; sed, densatis ordinibus, in cornua vacuumque circa campum extra prælium eiecere, ne pavidi fuga vulneribusque⁵ milites sinceram

CAP. XXXIV. 1. *Ad hoc* (vide ad II, 23, n. 3) *dictu parva...res*: vox res abeat ab omnibus fere MSS; et recte, opinor, eam delevere Gron. et Daer. ut τὸ *parva* referatur numero plur. ad omnia, quæ sequuntur, ad *clamorem, voces, pugnam stabilem*, etc. Conf. ad XXIV, 5, n. 2.

2. *Congruens clamor...voces*; cf. ad IV, 37, n. 7, et Polyb. XV, 12, 9.

3. *Pugna rom. stabilis*, etc. conf.

ad IV, 19, n. 4; IX, 41, n. 11, et Polyb. XV, 13 pr. Rem gladiis quidem cominus gestam a Romanis, sed pugna fere finita, tradit Appian. Pun. 45 extr.

4. *Auxiliares cedentes*, Ligures, Gallos, Baliares Maurosque, qui in prima hostium acie erant.

5. *Ne pavidi fuga vulneribusque milites sinceram* (vide ad c. 11, n. 5) et, etc. MS Reg. probb. Gronov. et

et integram aciem miscerent. Cæterum tanta strages hominum armorumque locum, in quo steterant paulo ante auxiliares, compleverat, ut prope difficilior transitus esset, quam per confertos hostes fuerat. Itaque, qui primi erant, hastati, per cumulos corporum armorumque et tabem sanguinis, qua quisque poterat, sequentes hostem, et signa et ordines confuderunt. Principum quoque signa fluctuari⁶ cœperant vagam ante se cernendo aciem. Quod Scipio ubi vidit, receptui prope canere⁷ hastatis jussit, et, sauciis in postremam aciem subductis, principes triariosque in cornua inducit; quo tutior firmiorque media hastatorum acies esset. Ita novum de integro prælium⁸ ortum est: quippe ad veros hostes perventum erat, et armorum genere, et usu militiæ, et fama rerum gestarum, et magnitudine vel spei vel periculi pares. Sed et numero Romanus superior erat, et animo; quod jam equites, jam elephantos fuderat, jam, prima acie pulsa, in secundam pugnabat.

XXXV. In tempore¹ Lælius ac Masinissa, pulsos per aliquantum spatii sequuti equites, revertentes in aversam hostium aciem incurrere: is demum equitum impetus fudit hostem. Multi circumventi in acie

Drak. Recepti pro vulg. *ne pavidos f. v. milites in certam*, etc. — Creverius cum Gron. facile crederet veram Livii scripturam eam esse, quam exhibet Regius codex, *ne pavidò fuga vuln. milito sinceram et*, etc. Ed. — *Tabem sanguinis*; vide supra ad IV, 30, n. 4.

6. *Signa fluctuari*; al. *fluctuare*; vide ad III, 60, n. 8. — *Cernendo*, i. e. cernentium; more Livii in gerundio adhibendo; Bauer.

7. *Receptui canere tubicines seu*

signa jussit hastatis, horum causa, ut hi se reciperent. Cf. ad VII, 40, n. 4, et XLII, 28, n. 1.

8. *Novum de integro prælium*, « synonyma juncta, quæ tamen differunt: *novum* aliud post prius prælium, *de integro*, repetito conatu, renovatis viribus, quasi nondum pugnassent. Mox ad veros hostes Pœnos, dignos hostium nomine, bellicosos, peritos, fortes». Bauer.

CAP. XXXV. 1. *In tempore*; vide ad II, 47, n. 4.

casi; multi per patentem circa campum fuga sparsi, tenente omnia equitatu, passim interierunt. Carthaginiensium sociorumque cæsa eo die supra millia viginti: par ferme numerus captus est, cum signis militaribus centum triginta tribus, elephantis undecim. Victores ad duo millia cecidere². Hannibal, cum paucis equitibus inter tumultum elapsus, Adrumetum perfugit; omnia et in prælio, et ante aciem, prius quam excederet pugna, expertus³, et confessione etiam Scipionis omniumque peritorum militiæ illam laudem adeptus, singulari arte aciem eo die instruxisse. Elefantos in prima fronte; quorum fortuitus impetus atque intolerabilis vis signa sequi et servare ordines (in quo plurimum spei ponerent) Romanos prohiberet. Deinde auxiliares ante Carthaginiensium aciem, ne homines mixti ex colluvione omnium gentium, quos non fides teneret, sed merces, liberum receptum fugæ haberent; simul primum ardorem atque impetum hostium excipientes [fatigarent⁴, ac, si nihil aliud,] vulneribus suis ferrum hostile hebetarent. Tum, ubi omnis spes esset, milites carthaginienses afrosque, ut, omnibus rebus aliis pares, eo, quod integri cum fessis ac sauciis pugnarent, superiores es-

2. *Carthaginiensium sociorumque cæsa... cecidere*; cf. Polyb. XV, 14 f. et Appian. Pun. 48. Hic et mira memorat cap. 45, 46, de singulari certamine, in quod Hannibal cum Scipione primum et deinde cum Masinissa descendit.

3. *Omnia... expertus*, vel potius *ante aciem, et in prælio et p.*, etc. conj. Duker. ut tria designentur tempora et *ante aciem* dictum sit pro: prius quam concurrerent acies. *Omnia et ante aciem et in prælio, prius quam*, etc.

emend. Drak. coll. Oros. IV, 19. — *Elephantos in prima fronte*, verba ab *instruxisse* pendentia, ut et seqq. Cf. Polyb. XV, 15, 16.

4. *Fatigarent* (sc. hostes) ac si *nihil aliud*: hæc ignorant MSS, tantum non omnes atque odd. ante Gryph. et ea exterantur sane; Gron. *Excipientes alii missilibus, alii vulneribus* multi MSS. Sed vulgatum et Livianum esse, et auctoritate tum cod. Reg., tum Polyb. XV, 16, 3, firmari, monet Drak. *Si nihil aliud*,

sent : Italicos, intervallo quoque diremptos, incertos socii an hostes essent, in postremam aciem submotos. Hoc edito velut ultimo virtutis opere, Hannibal, quum Adrumetum refugisset⁵, accitusque inde Carthaginem sexto ac trigesimo post anno, quam puer⁶ inde profectus erat, redisset, fassus in curia est, non praelio modo se, sed bello victum, nec spem salutis alibi, quam in pace impetranda esse.

XXXVI. Scipio, confestim a praelio¹ expugnatis hostium castris direptisque, cum ingenti praeda ad mare ac naves rediit; nuntio allato, P.² Lentulum cum quinquaginta rostratis, centum onerariis, cum omni genere commeatus, ad Uticam accessisse. Admovendum igitur undique terrorem percussae Carthagini ratus, misso Laelio Romam cum victoriae nuntio,

sc. efficere possent, i. e. saltem, certe; v. Drak. *ubi omnis spes esset*, in quibus. — *Incertos socii an hostes essent*: « verba haec ita capi possent, ipsos Italicos incertos fuisse, utrum sibi expediret, esse Pœnorum sociis an hostibus. Potius tamen est, ut credamus, ipsum Hannibalem incertum fuisse, quo loco habendi forent. *Incertus* igitur passive dicitur, de quo alii sunt incerti, de quo dubitatur, ut XXVII, 37, n. 4, et XXXI, 12, n. 5. Cf. ad Sil. II, 99. Id si eni minus placet, legat *incertum*; vide ad VIII, 17, n. 6». Drak. *Incertos* incertum facientes, de quibus incertum esset; Doer. et Ern. — « Passivam significationem vocis *incertus*, si non certioribus cognoscere exemplis quam Drakenborehii ad hunc locum et ad Silium, dubia significatione, in promptu erat scribere, *incerto socii an hostes*. Hoc Livianum, lib. XXVIII, c. 36: *Multi adnantes navibus, incerto praee*, etc.

ubi id Ernestius pro adverbio accipit. Non meminerat ablativo adjectivorum absoluto et Livium saepe uti et multo frequentius Tacitum ejusque aequales. Sed *incertus* passiva significatione habes in Sallust. Jugurtha, 49: *Equi Numidæque... incerti quidnam esset*, ubi vide Cortium. » Hæc Walchius, Emendat. p. 206; cf. quoque Sallust. nostræ edit. pag. 229, not. 7. Ed.

5. *Quum Adrumetum refugisset* bido et duabus noctibus, etsi longe a Zama abest; vid. Appian. Pun. 47; Nep. Hann. 6.

6. *XXXVI post anno, quam puer*, etc. vide supra ad librum XXI, cap. 3, not. 2.

CAP. XXXVI. I. *Confestim a praelio*; vide ad I, 1, n. 5.

2. *P. Lentulum*; vide ad XXIX, 38, n. 2. — *Misso Laelio Romam cum victoriae nuntio*; cf. Appian. Pun. 48. — Vide ad cap. 38, n. 2. Ed. — *Tò cum forte del.*; Jac. Gron.

Cn. Octavium terrestri itinere ducere legiones Carthaginem jubet : ipse, ad suam veterem nova Lentuli classe adjuncta, profectus ab Utica portum Carthaginis petit. Haud procul aberat, quum velata infulis ramisque oleæ Carthaginiensium occurrit navis³. Decem legati erant principes civitatis, auctore Hannibale missi ad petendam pacem : qui quum ad puppim prætorix navis accessissent, velamenta supplicum porrigentes, orantes implorantesque fidem et misericordiam Scipionis ; nullum iis aliud responsum datum, quam ut Tunetem venirent : eo se moturum castra. Ipse ab contemplato situ Carthaginis⁴, non tam noscendi in præsentia, quam deprimendi hostis causa, Uticam, eodem et Octavio revocato, rediit. Inde procedentibus ad Tunetem nuntius allatus, Verminam, Syphacis filium, cum equitibus pluribus, quam pedibus, venire Carthaginiensibus auxilio. Pars exercitus, cum omni equitatu⁵ Saturnalibus primis agmen aggressa, Numidas levi certamine fudit. Exitu quoque fugæ intercluso, a parte omni circumdatis equitibus, quindecim millia hominum cæsa ; mille et ducenti vivi capti sunt, et equi numidici mille et quingenti, signa militaria duo et septuaginta. Regulus ipse inter tumultum cum paucis effugit. Tum ad Tunetem eodem, quo antea, loco castra posita, legatique triginta Carthagine ad Scipionem venerunt : et illi quidem multo

3. *Velata infulis ramisque oleæ C. navis*; vide ad II, 54, n. 6. Cf. Appian. Pun. 49 sq.

4. *Ab contemplato situ C.*; forte leg. *ab contemplando situ*; Gron. Cf. ad I, 53, n. 3. — *Deprimendi hostis*, animi ejus frangendi, vel spernendi. *Deprimere* opponitur τῶ extollere XXXVII, 53, n. 3, et ap. Cic. Pis. 18.

5. *Pars exercitus cum omni equitatu*; vide ad XXII, 37, n. 2. — *Saturnalibus primis*; vide ad II, 21, n. 1. Est designatio temporis et diei, quo ea pugna pugnata : et circa id tempus post totannos finitum iri bellum punicum II, ejus rei omen datum paulo post principium lib. XXII, cap. 1 extr. narratur; Gronov.

miserabilius, quam ante⁶ (quo magis cogebat fortuna), egerunt, sed aliquanto minore cum misericordia ab recenti memoria perfidiæ auditi sunt. In consilio quanquam justa ira omnes ad delendam stimulabat Carthaginem; tamen, quum, et quanta res esset, et quam longi temporis obsidio tam munitæ et tam validæ urbis, reputarent, et ipsum Scipionem exspectatio successoris, venturi ad paratam alterius labore ac periculo finiti belli famam, sollicitaret, ad pacem omnium animi versi sunt.

XXXVII. Postero die, revocatis legatis, et cum multa castigatione perfidiæ monitis, ut, tot cladibus edocti, tandem deos et jusjurandum esse crederent, conditiones pacis dictæ¹: *Ut liberi legibus suis viverent. Quas urbes quosque agros quibusque finibus ante bellum tenuissent², tenerent, populandique finem eo die Romanus faceret. Perfugas fugitivosque et captivos omnes redderent Romanis, et naves rostratas, præter decem triremes, traderent, elephantosque, quos haberent domitos; neque domarent alios. Bellum neve in Africa, neve extra Africam, injussu populi romani gererent. Masinissæ res redderent, fœdusque cum eo facerent. Frumentum stipendiumque auxiliis, donec ab Roma legati redissent, præstarent. Decem millia*

6. Multo miserabilius, quam ante, etc. cf. cap. 16, et ad seqq. Polyb. XV, 17, et Appian. Pun. 49-53. — Ab recenti memoria perfidiæ; v. cap. 25, et ad I, 1, n. 5. — In consilio militari; vide ad VIII, 6, n. 6. — Obsidio tam munitæ ... urbis. Editt. principes dant tam invictæ, sed MSS pars maxima vulgatam tuentur. Ed.

CAP. XXXVII. 1. Conditiones pacis dictæ, etc. cf. Polyb. XV, 18, et Appian. Pun. 54. — Ut liberi legibus

s. v.; vide supra ad XXV, 16, n. 4.

2. Ante bellum tenuissent in Africa. — Perfugas fugitivosque; v. ad cap. 43, n. 9. — Bellum neve in Africa, neve extra Africam, injussu populi rom. gererent: non recte Livium verba Polybii latine reddidisse, sed horum sensum esse, Pœnis non permitti, ut alicui extra Africam bellum inferant, at, alicui in Africa, ita permitti, si consentiret populus romanus; Livium vero hoc discrimen inter habitantem

talentum argenti, descripta pensionibus æquis in annos quinquaginta, solverent. Obsides centum³ arbitratu Scipionis darent; ne minores quatuordecim annis, neu triginta majores. Inducias ita se daturum, si per priores inducias⁴ naves onerariæ captæ, quæque fuissent in navibus, restituerentur: aliter nec inducias, nec spem pacis ullam esse. Has conditiones legati quum domum referre jussi in concione ederent, et Gisgo ad dissuadendam pacem processisset, audireturque a multitudine inquieta eadem et imbelli, indignatus Hannibal, dici ea in tali tempore audirique, arreptum Gisgonem manu sua ex superiore loco detraxit⁵. Quæ insueta liberæ civitati species quum fremitum populi movisset, perturbatus militaris vir urbana libertate, « Novem, inquit, annorum a vobis « profectus, post sextum et tricesimum annum⁶ redii. « Militares artes, quas me a puero fortuna nunc pri- « vata, nunc publica docuit, probe videor scire. Urbis « ac fori jura, leges, mores, vos me oportet doceatis ». Excusata imprudentia, de pace multis verbis disseruit,

in Africa vel extra eam neglexisse, monet Drak. — *Decem millia talentorum argenti* (marcas nostrates argenti 937500. Ed.) CC talenta euboica ap. Appian. *descripta* (dispartita) *pensionibus æquis in annos L. solverent*, i. e. singulis annis tantundem pecuniæ, velut ratam partem totius summæ: quo sensu *æquis portionibus persolvere* dicitur VI, 35, n. 2, ubi *pensionibus* malebat Cujac. sed *pensiones* sunt *portiones* æque, plerumque certe, summæ universæ; Ern.

3. *Obsides centum*: ita et Polyb. sed CL Appian. quod firmari loco Liv. XXXII, 2, monet Sigon. Forte Livius h. l. Polybium, et XXXII, 2, alios scriptores sequutus est: Appiani autem

CL obsides huc pertinere nequeunt, quia de his addit γενομένων τῶν σπονδῶν, ἀπολήψεσθε τὰ δημῶν. Drakenb.

4. *Per priores inducias*; vide ad II, 18, n. 1.

5. *Arreptum Gisgonem manu sua ex superiore loco* (suggestu, loco oratoris, ἀπὸ τοῦ βήματος) *detraxit*, etc. cf. Polyb. XV, 19, et Appian. Pun. 55. — *Species*, germ. *Erscheinung*, *Auftritt*; Doer.

6. *Novem annorum puer a vobis profectus post XXXVI annum redii*; cf. ad XXI, 3, n. 2, et Schweigh. ad Polyb. XV, 19, n. 3, cujus nota est: « Consentit numerorum ratio. Dixit hoc Hannibal exeunte anno ab U. C.

quam nec iniqua, et necessaria esset. Id omnium maxime difficile erat, quod ex navibus per⁷ inducias captis nihil præter ipsas comparebat naves; neque inquisitio erat facilis, adversantibus paci, qui arguerentur. Placuit naves reddi, et homines utique inquiri. Cætera, quæ abessent, æstimanda Scipioni permitti; atque ita pecunia luere Carthaginenses. Sunt qui Hannibalem ex acie ad mare pervenisse, inde præparata nave ad regem Antiochum extemplo profectum tradant; postulantique ante omnia Scipioni, ut Hannibal sibi traderetur, responsum esse, Hannibalem in Africa non esse.

XXXVIII. Postquam redierunt ad Scipionem legati; quæ publica in navibus fuerant, ex publicis descripta rationibus¹ quæstores; quæ privata, profiteri domini jussi. Pro ea summa pecuniæ viginti quinque millia pondo argenti præsentia exacta; induciæque

550. Completos autem IX annos habuerat initio a. 515, quo cum patre in Hispaniam est profectus; vid. Polyb. II, 1 ».

7. Quod ex navibus per inducias (vide ad II, 18, n. 1) captis nihil præter i. c. n., neque etiam quæ fuissent in navibus, quæque simul restituenda dixisset Scipio — Adversantibus paci, qui arguerentur, sc. rapuisse et possidere cætera, quæ abessent. « Res varios possessores acceperant arcte tenentes complectentesque prædam; neque audebant quæstionem institnere ob potentiam eorum et pertinaciam: nam ut eam eluderent raptores tendendo contra pacem et incitando populum, totam reimp. in majus discrimen daturus apparebat: hoc metu sublato, facilius in cætera consensuros: ergo hujus quoque mali medicinam invenerunt statuto, ut redderen-

tur ipsæ naves captique homines, res ex ærario præstarentur. » Gron. — Homines simul cum navibus captos. — Utique; vide ad II, 30, n. 1, et VI, 35, n. 4. — Atque ita, ex Scipionis æstimatione, pecunia luere C. sc. hæc. Cf. Drak. et ad Tac. Ann. XIII, 21, n. 1. Publica pro atque ita conj. Gron.

CAP. XXXVIII. 1. Ex publicis rationibus, tabulis, descripta bona quæstores profiteri jussi, h. e. referre vel proponere, per Zeugma; Doer. Vid. ad I, 33, n. 7. Sed verbum profiteri etiam ad quæstores simpl. referri potest. — Pro ea summa pecuniæ, sc. qua hæc bona æstimari possent, et tam a quæstoribus quam a dominis æstimata essent, quum retulissent ea in rationes. Summam esse omnia hæc bona, et voc. pecuniæ delendam putat Doer. — Viginti quinque milia pondo. Se-libræ sunt nostrates 39062 cum qua-

Carthaginiensibus datæ in tres menses. Additum, ne per induciarum tempus² alio usquam, quam Romam, mitterent legatos; et, quicumque legati Carthaginem venissent, ne ante dimitterent eos, quam romanum imperatorem, qui et quæ petentes venissent, certiorum facerent. Cum legatis carthaginiensibus Romam missi L. Veturius Philo, et M. Marcius Ralla, et L. Scipio, imperatoris frater. Per eos dies commeatus ex Sicilia Sardiniaque tantam vilitatem annonæ effecerunt, ut pro vectura frumentum mercator nautis relinqueret. Romæ ad nuntium primum rebellionis Carthaginiensium trepidatum fuerat; jussusque erat Ti. Claudius mature in Siciliam classem ducere, atque inde in Africam trajicere, et alter consul M. Servilius ad Urbem morari, donec, quo statu res in Africa essent, sciretur. Segniter omnia in comparanda deducendaque classe³ ab Ti. Claudio consule facta erant; quod Patres de pace Scipionis potius arbitrium esse, quibus legibus daretur, quam consulis, censuerant. Prodigia quoque, nuntiata sub ipsam famam rebellionis, terrorem attulerant. Cumis solis orbis⁴ minui visus, et pluit lapideo imbri: et in veliterno agro terra ingentibus cavernis consedit, arboresque in profundum haustæ. Ariciæ forum et circa tabernæ, Frusinone murus aliquot locis et porta de cælo tacta: et in Palatio lapidibus pluit. Id prodigium more patrio novemdiali sacro⁵, cætera hostiis majoribus ex-

tuor unciis. Ed. — *Præsentia*; vide ad I, 12, n. 6.

2. *Per induciarum tempus*; vide ad II, 18, n. 1. — *Romam missi L. Veturius*, etc. Hic oritur difficultas non commode extricanda: namque supra cap. 36 pr. dixit Livius Lælium Romam missum esse, victoriæ nuntium;

nunc autem tres alios legatos nominat, et in cap. 40, de Veturio quoque mentionem facit. Ego quidem non hunc nodum solvam. Ed.

3. *Deducendaque classe*; vide ad VIII, 26, n. 1.

4. *Cumis solis orbis*; v. I, 31, n. 1.

5. *Novemdiali sacro*; vide ad I, 31,

piata. Inter quæ etiam aquarum insolita magnitudo in religionem versa : nam ita abundavit Tiberis, ut ludi Apollinares, circo inundato, extra portam Collinam ad ædem Erycinæ Veneris⁶ parati sint. Cæterum ludorum ipso die, subita serenitate orta, pompa, duci cœpta ad portam Collinam, revocata deductaque in circum est, quum decessisse inde aquam nuntiatum esset : lætitiâque populo et ludis celebritatem addidit sedes sua solenni spectaculo reddita.

XXXIX. Claudium consulem, profectum tandem ab Urbe, inter portus Cosanum¹ Lauretanumque atrox vis tempestatis adorta in metum ingentem adduxit. Populonium inde quum pervenisset, stetitque ibi, dum reliquum tempestatis exsæviret, Ilvam insulam, et ab Ilva Corsicam, a Corsica in Sardiniam trajecit. Ibi superantem Insanos montes, multo et sævior et infestioribus locis tempestas adorta disjecit classem. Multæ quassatæ armamentisque spoliatæ naves; quædam fractæ : ita vexata ac lacerata classis

n. 3. — *In religionem versa* (vide ad II, 5, n. 4) inundatio *Tiberis*, ut XXXV, 9, 21, et apud Horatium, Od. I, 2.

6. *Extra portam Collinam ad ædem Erycinæ Veneris*; vide ad XXI, 10, n. 8. Nota Drak. est: « Fuit *ædes Erycinæ Veneris* in Capitolio; vid. XXII, 9, 10; XXIII, 30, 31, et Ryck. de Capit. c. 41. Sed h. l. memoratur alia extra vel ad portam Collinam. Cf. XI, 34; Ovid. Fast. IV, 871 sq. Strab. VI, 272; Appian. B. C. I, 93; Donat. de urbe Rom. III, 15; Nardin, Rom. vet. IV, 4. Sed hæc postea demum dedicata est; vid. XL, 34. Vel itaque Livius erravit, vel per prolepsin ita locum vocavit, ubi postea ædes condita est. Ovidium etiam circa hanc ædem erras-

se, observat Neapolis ad Fastos, IV, 875. »

CAP. XXXIX. 1. *Lauretanumque, forte Falerianumque*, Doujat. *Scapritanumque* conj. Cluver. It. Ant. II, 2, p. 476. — Pluribus MSS inest *Loretanum*, quem portum Glareanus eum esse putat, qui posteriore tempore *Trajanus* dictus est. Ed. — *Ilvam insulam* in mari Tusco et Etruriæ ora, gr. Αἰθάλη seu Αἰθάλια, hod. *Elba*; quam nostra ætate nimis famosam quis nescit! Ed. — *Superantem* (vid. II, 50, n. 4). *Insanos montes* Sardinia, ab immensi altitudine sic dictos, τὰ Μακρόμυθα ὄρη. Cf. Sil. XII, 371; Flor. II, 6, 35; Cluver. Sardin. ant. c. 1, p. 496. — *Disjecit classem*; vide ad XXI, 49, n. 3.

Carales tenuit². Ubi dum subductæ reficiuntur³ naves, hiems oppressit; circumactumque anni tempus, et, nullo prorogante imperium, privatus Ti. Claudius classem Romam reducit. M. Servilius, ne comitorum causa ad Urbem revocaretur, dictatore dicto C. Servilio Gemino⁴, in provinciam est profectus. Dictator magistrum equitum P. Ælium Pætum dixit. Sæpe comitia indicta perfici tempestates prohibuerunt: itaque, quum pridie idus martias⁵ veteres magistratus abissent, novi suffecti non essent, respublica sine curulibus magistratibus erat. T. Manlius Torquatus pontifex eo anno mortuus: in locum ejus suffectus C. Sulpicius Galba. Ab L. Licinio Lucullo et Q. Fulvio ædilibus curulibus ludi Romani ter toti instaurati⁶. Pecuniam ex ærario scribæ viatoresque⁷ ædilitii clam egressisse per indicem comperti, damnati sunt, non sine infamia Luculli ædilis. P. Ælius Tubero et L. Lætorius ædiles plebis vitio creati, magistratu se abdicarunt, quum ludos ludorumque causa epulum Jovi fecissent, et signa tria ex mulctatio argento facta in Capitolio posuissent. Cerealia ludos⁸ dictator et magister equitum ex senatusconsulto fecerunt.

2. *Classis Carales tenuit*; vide ad I, 1, n. 8, et XXIII, 40, n. 1.

3. *Subductæ reficiuntur naves*; vid. ad VIII, 26, n. 1.

4. *Dictatore dicto C. Servilio Gemino*: post quem usque ad Sullam dictatores in republica romana non fuisse, monet Pigh. in Ann. ad a. U. 551, p. 228.

5. *Quum pridie idus martias* (vide ad XXI, 63, n. 1) *veteres magistratus abissent*, scil. magistratu: nisi potius cum Gron. et Drak. *leg. veteres* (sc. magistratus curules; nominativis repetitis e seqq.) *magistratu abissent*, ut II,

31; III, 51, 64; XXVI, 23. — *Sine curulibus magistratibus, sc. ordinariis*: nam dictatura magistratus extraordinarius erat; Duk. — Hic de Manlii prænomine disserit Drak. et Titum non Lucium dictum fuisse putat, quia jam T. Manlius Torquatus memoratur ad XXV, 5, maximum pontificatum petiisse. Ed.

6. *Ludi Rom.* etc. vid. II, 36, n. 1.

7. *Scribæ viatoresque ædilitii*; vide ad II, 56, n. 10, et IX, 46, n. 6. — *Ædiles pl. vitio creati*; vide ad V, 17, n. 4, et X, 47, n. 1.

8. *Cerealia ludos*; vide ad II, 21,

XL. Legati ex Africa romani simul carthaginien-
sesque quum venissent Romam, senatus ad ædem
Bellonæ habitus est¹. Ubi quum L. Veturius Philo,
pugnatum cum Hannibale esse suprema Carthaginien-
sibus pugna, finemque tandem lugubri bello imposi-
tum, ingenti lætitia Patrum exposuisset; adjecit, Ver-
minam etiam, Syphacis filium, quæ parva bene gestæ
rei² accessio erat, devictum. In concionem inde pro-
dire jussus, gaudiumque id populo impartire. Tum
patuere, facta gratulatione, omnia in Urbe templa,
supplicationesque in triduum decretæ. Legatis Car-
thaginensium et Philippi regis (nam ii quoque vene-
rant) petentibus, ut senatus sibi daretur³, responsum
jussu Patrum ab dictatore est, consules novos eis se-

n. 1. — Sic l. XXXIV, cap. 54, *Megalesia ludos scenicos*, et al. De Cereali-
bus Indis Rosinus lib. V, cap. 14
dissertit. Adi Ov. Fast. lib. IV, 390 sq.
et Jul. Cæs. Scaligerum Poetic. I,
cap. 32. Ed.

CAP. XL. 1. *Senatus ad ædem
Bellonæ habitus est*; vide ad X, 23,
n. 12, et XXVI, 21, n. 1. Mox ante
Carthaginensibus scripti et editi ante
Froben. addunt *cum*, pro quo *et* conj.
Gron. Hoc *cum* probat Dujat., Livium
enim indicare voluisse, pugnam cum
Hannibale fuisse postremam cum Pœ-
nis, etsi non postremam cum hostibus
in Africa; etenim cum Vermina dimi-
catum postea esse. Contra Crev. et
Drak. illud *cum* ad fidem MS Reg.
delevere, ut sensus sit: pugna, quæ
suprema, postrema fuit Pœnis, bello
jam, non solum prælio victis. An
glossa est vel *cum Carthag.*, vel *cum
Hannibale*?

2. *Quæ parva bene gestæ rei*, finiti
belli punici *accessio erat*; quidam MSS
quæ non parva, quod contra senten-

tiam Gron. prætulim: nam res illa
haud parvi momenti erat (v. cap. 36),
et ejusmodi facta in rerum gestarum
expositione extolli magis quam elevari
solent; Doer. Hæc autem verba non
Veturius dixisse, sed Livius adjecisse
censendus est. — *Facta gratulatione*
mutua, postquam omnes sibi de lætis-
simo nuntio gratulati erant; nisi *gratulatione*
est lætitia (cf. Cic. Verr. IV,
34), aut dies festus, ut sensus sit:
quum hic dies factus esset festus, et
quidem, quo diis gratiæ agerentur
pro re læta, ut ap. Cic. ad Div. XI,
18: *Hæc tam recenti gratulatione,*
quam diis ad omnia templa fecimus;
ex quo loco Gron. conj. *faciendæ*
gratulationi, probb. Drak. et Doer.
Cf. ad III, 63, n. 2. Malim *edicta*
gratulatione: quæ emendatio et minus
violenta est (nam litera *e* facile ex-
cidere potuit, quia est ultima vocis
præc.), et non minus apta; vide ad
XXXII, 1, n. 8.

3. *Ut senatus sibi daretur*; vide ad
VIII, 5, n. 1.

natum daturos esse. Comititia inde habita : creati consules Cn. Cornelius Lentulus, P. Ælius Pætus : prætores M. Junius Pennus, cui sors urbana⁴ evenit; M. Valerius Falto Bruttios⁵, M. Fabius Buteo Sardiniam, P. Ælius Tubero Siciliam est sortitus. De provinciis consulum nihil ante placebat agi, quam legati Philippi regis et Carthaginensium auditi essent. Belli finem alterius, principium alterius prospiciebant animis. Cn. Lentulus consul cupiditate flagrabat provinciæ Africæ; seu bellum foret, facilem victoriam, seu jam finiretur, finiti tanti belli se consule gloriam petens⁶. Negare itaque prius quidquam agi passurum, quam sibi Africa decreta esset, concedente collega, moderato viro et prudenti; qui gloriæ ejus certamen cum Scipione, præterquam quod iniquum esset, etiam impar futurum cernebat. Q. Minucius Thermus et M. Acilius Glabrio⁷, tribuni plebis, *rem, priore anno nequidquam tentatam ab Ti. Claudio consule, Cn. Cornelium tentare aiebant. Ex auctoritate Patrum latum ad populum esse, cujus vellent imperium in Africa esse. Omnes quinque et triginta tribus P. Scipioni id imperium decresse.* Multis contentionibus, et in senatu et ad populum, acta res postremo eo deducta est, ut senatui permitterent. Patres igitur jurati (ita enim convenerat) censuerunt⁸, uti consules provincias in-

4. Cui sors urbana evenit (vide ad XXII, 35, n. 5), et simul peregrina; vide ad XXV, 41, n. 8.

5. M. Valerius Falto Bruttios, etc. vide ad XXV, 41, n. 8. Periodus aliquid confragosum habet, et forte leg. Prætores M. Junius Pennus, urbanam, M. Valerius Falto.... Siciliam sortiti, fuere; Gron. Omnia bene fluunt et a verbo creati pendent, modo deleatur τὸ εἶ.

6. Finiti tanti belli se consule gloriam petens; imò a se consule: nam sane finitam fuit bellum illo consule; sed non satis erat hoc ambitioni hominis: volebat ipse ultimam manum imponere bello; Perizon. Cf. Appian. Pun. 56.

7. M. Acilius Glabrio: male vulgo M.—Nequidquam tentatam ab Ti. Claudio; vid. cap. 27 et 39.

8. Patres igitur jurati censuerunt;

ter se compararent sortirenturve, uter Italiam, uter classem navium quinquaginta haberet: cui classis ovenisset, in Siciliam navigaret: si pax cum Carthaginiensibus componi nequisset, in Africam trajiceret. Consul mari, Scipio eodem, quo adhuc, jure imperii terra rem gereret. Si conditiones convenirent pacis, tribuni plebis populum rogarent, utrum consulem, an P. Scipionem, juberent pacem dare; et quem, si deportandus exercitus victor ex Africa esset, deportare. Si pacem per P. Scipionem dari, atque ab eodem exercitum deportari jussissent, ne consul ex Sicilia in Africam trajiceret. Alter consul, cui Italia evenisset, duas legiones a M. Sextio prætore acciperet.

XLI. P. Scipioni cum exercitibus, quos haberet, in provincia Africa prorogatum imperium. Prætori M. Valerio Faltoni duæ legiones in Bruttis, quibus C. Livius priore anno præfuerat, decretæ. P. Ælius prætor duas legiones in Sicilia ab Cn. Tremellio acciperet. Legio una M. Fabio in Sardiniam, quam P. Lentulus pro prætore habuisset, decernitur. M. Servilio prioris anni consuli, cum suis duabus, item legionibus in Etruria prorogatum imperium est. Quod ad Hispanias attineret, aliquot jam annos ibi L. Cornelium Lentulum et L. Manlium Acidinum esse. Uti consules cum tribunis agerent, si eis videretur, ut ple-

vide ad XXVI, 33, n. 9. — Ita enim id convenerat inter eos. Possis et cum Jac. Gron. conjicere *id e. c.* sed non opus est. Conf. ad I, 3, n. 4. — *Provincias inter se compararent s. vide ad III, 2, n. 1.*

CAP. XLI. 1. Prætori. Plerique scripti dant prætoribus; hinc Gronovius vult prætorum, quasi sit inter prætores. De simili genitivi partitivi

usu vide ad IX, 27. At Drakenb. quominus hanc Gronov. conjecturam probare possit, illud obstat ait, quod mox subjungatur *P. Ælius prætor*; ubi ultima vox abundabit si hic prætorum legimus. Illud itaque prætoribus e compendio scribendi ortum putat. Ed. — In Etruria prorogatum i. e. vide ad XXVI, cap. 18, not. 3. — Uti ex emend. Pigh. pro vulg. ut ii.

bem rogarent, cui juberent in Hispania imperium esse. Is ex duobus exercitibus in unam legionem conscriberet romanos milites, et in quindecim cohortes socios latini nominis, quibus provinciam obtineret: veteres milites L. Cornelius et L. Manlius in Italiam deportarent. Cornelio consuli quinquaginta navium classis ex duabus classibus, Cn. Octavii, quæ in Africa esset, P. Villii, quæ Siciliae oram tuebatur, decreta; ut quas naves vellet, delegeret. P. Scipio quadraginta longas naves haberet², quas habuisset. Quibus si Cn. Octavium, sicut præfuisset, præesse vellet, Octavio pro prætore in eum annum imperium esset: si Lælium præficeret, Octavius Romam decederet, reduceretque naves, quibus consuli usus non esset. Et M. Fabio in Sardiniam decem longæ naves decretæ: et consules duas legiones urbanas scribere jussi; ut quatuordecim legionibus eo anno, centum navibus longis respublica administraretur³.

XLII. Tum de legatis Philippi et Carthaginensium actum: priores Macedonas introduci placuit; quorum varia oratio fuit, partim purgantium, quæ questi erant missi ad regem a Roma legati¹ de populatione sociorum; partim ultro accusantium quidem et socios populi romani, sed multo infestius M. Aurelium (quem ex tribus ad se missis legatis, delectu habito,

2. P. Scipio XL longas naves h. vide sup. ad XXIX, 26, n. 2, et ad XXX, 2, n. 4. — Sicut præfuisset, scil. ipse Scipio: aut, si intell. Octavium, accipiendum non huic, sed propriæ classi; Drak. — Quibus consuli Cn. Cornelio Lentulo usus, opus, non esset; vid. Perizon. ad Sanctii Min. IV, 15, 8.

3. Centum navibus longis respublica administraretur; vide ad II, 64, n. 3,

et XXI, 17, n. 5. — Quum supra fere omnes scribant quinquaginta fuisse naves P. Scipioni, Creverius censet vel legendum ibi centum et decem, vel a Livio minorem numerum neglectum. Potiora tamen visa sunt nobis quæ edidimus. Ed.

CAP. XLII. 1. Missi ad regem a Roma legati; conf. cap. 26. — Accusantium quidem et socios, debebat et socios quidem; Bauer. — Sopatrum

substitisse, et se bello lacesse contra foedus, et saepe cum praefectis suis signis collatis pugnasse); partim postulantium, ut Macedones duxque eorum Sopotater, qui apud Hannibalem mercede militassent, captique in vinculis essent, sibi restituerentur. Adversus ea M. Furius, missus ad id ipsum ab Aurelio ex Macedonia, disseruit, *Aurelium relictum, ne socii populi romani, fessi populationibus atque injuria, ad regem deficerent, finibus sociorum non excessisse; dedisse operam, ne impune in agris eorum transcenderent populatores. Sopotatrum ex purpuratis et propinquis regis esse: eum cum quatuor millibus Macedonum et pecunia missum nuper in Africam esse Hannibali Carthaginensibusque auxilio.* De his rebus interrogati Macedones, quum perplexe responderent ipsi, ante responsum tulerunt², *Bellum quaerere regem, et, si pergat, propediem inventurum. Dupliciter ab eo foedus violatum, et quod sociis populi romani injurias fecerit, bello armisque lacesierit; et quod hostes auxiliis et pecunia juverit. Et P. Scipionem recte atque ordine videri fecisse³ et facere, quod eos, qui arma contra populum romanum ferentes capti sunt, hostium numero in vinculis habeat; et M. Aurelium e republica facere, gratumque id senatui esse, quod socios populi romani, quando jure foederis non posset, armis tueatur.* Cum hoc tam tristi responso dimissis

ex purpuratis. Sic ii vocabantur qui in regum macedonicorum aulis, quia dignitate caeteros anteibant, purpurea veste utebantur, sicut romani magistratus. Ed.

2. *Ante responsum tulerunt*, ante quam ea, quae ad rem pertinerent, disertis verbis et sine ambagibus exponerent; Doer. Forte leg. *anceps r.*

t.; Gron. Immo *tale*: non enim *anceps* adeo erat, et *triste* mox vocatur; Bauer. *Acre* conj. Periz.

3. *Recte atque ordine videri fecisse*; vide ad XXIV, 31, n. 3. — *Capti sunt*, debebat *sint*, ut in oratione obliqua; Duk. Crev. Bauer. *e republica fecisse*; vide supra ad librum I, cap. 27, not. 5.

Macedonibus, legati carthaginienses vocati. Quorum ætatibus dignitatibusque conspectis (nam longe primi civitatis erant), tum, pro se quisque dicere, vere de pace agi. Insignis tamen inter cæteros Hasdrubal erat (Hædum⁴ populares cognomine appellant), pacis semper auctor adversusque factioni Barcinæ. Eo tum plus illi auctoritatis fuit, belli culpam in paucorum cupiditatem a republica transferenti. Qui quum varia oratione usus esset, nunc purgando crimina, nunc quædam fatendo, ne impudenter certa negantibus difficilior venia esset, nunc monendo etiam Patres conscriptos, ut rebus secundis modeste ac moderate uterentur; *Si se atque Hannonem audissent Carthaginienses, et tempore uti⁵ voluissent, daturus fuisse pacis condiciones, quas tunc peterent. Raro simul hominibus bonam fortunam bonamque mentem dari. Populum romanum eo invictum esse, quod in secundis rebus sapere et consulere meminerit: et, hercule, mirandum fuisse, si aliter facerent. Ex insolentia⁶, quibus nova bona fortuna sit, impotentes lætitiæ insanire. Populo romano usitata ac prope jam obsoleta ex victoria gaudia esse; ac plus pæne parcendo victis, quam vincendo, imperium auxisse. Cæterorum miserabilior oratio fuit, commemorantium, Ex quantis opibus⁷ quo recidissent Carthaginiensium res: nihil*

4. Hasdrubal Hædus, Ἀσδρούβας ὁ Ἡρίφους, qui etiam princeps fuerat legatorum ad Seipionem missorum; vid. Appian. Pun. 34, 49 sq. — Factioni Barcinæ; vid. XXI, 2, n. 5.

5. Tempore uti; vide ad III, 9, n. 4. — Tunc; forte nunc. — Raro simul hominibus, etc. hæc e Demosthene sumpta esse, monet Victor. var. leet. XXV, 3. — Si aliter facerent, quidam faceret. Sed v. I, 41, n. 1.

6. Ex insolentia, ob insolentiam bonæ fortunæ eos (Pœnos), quibus nova sit, insolita, bona fortuna, impotentes lætitiæ insanire; vide ad III, 36, n. 2, et XXIII, 18, n. 6. Hæc desumpta esse ex Thucyd. IV, 17, docet Victor. — Populo romano usitata gaudia esse, ac... imperium auxisse, scil. eum; vid. XXXV, 14, n. 4, et cf. Virg. Æn. VI, 854 sq.

7. Ex quantis opibus, viribus, po-

eis, qui modo orbem prope terrarum obtinuissent armis, superesse, præter Carthaginis mœnia. Iis inclusos, non terra, non mari quidquam sui juris cernere. Urbem quoque ipsam ac penates ita habituros, si non in ea quoque, quo nihil ulterius sit, sævire populus romanus velit. Quum flecti misericordiæ Patres appareret, senatorum unum infestum perfidiæ Carthaginiensium succlamasse ferunt, *Per quos deos fœdus icturi essent, quum eos, per quos ante ictum esset, fefellissent?* « Per eosdem, inquit Hasdrubal, qui tam « infesti sunt fœdera violantibus. »

XLIII. Inclinatorum omnium ad pacem animis, Cn. Lentulus consul, cui classis provincia erat¹, senatusconsulto intercessit. Tum M'. Acilius et Q. Minucius tribuni plebis ad populum tulerunt, *Vellent juberentne senatum decernere, ut cum Carthaginiensibus pax fieret; et quem eam pacem dare, quemque ex Africa exercitus deportare juberent?* De pace² uti rogassent, omnes tribus jusserunt: pacem dare P. Scipionem, eundem exercitus deportare. Ex hac rogatione senatus decrevit, ut P. Scipio ex decem legatorum sententia pacem cum populo carthaginiensi, quibus legibus ei videretur, faceret. Gratias deinde Patribus egere Carthaginienses, petieruntque, ut sibi in Urbem introire, et colloqui cum civibus suis liceret³, qui capti

tentia. Cf. ad I, 4, n. 1, et Drak. ad II, 21, n. 5. — *Fefellissent* deos; vid. II, 45, n. 16; Mitscherl. ad Hor. Od. II, 8, 10; Heins. ad Ovid. Her. II, 37.

CAP. XLIII. 1. Cui classis provincia erat; vide ad II, 40, n. 9. — *Senatusconsulto intercessit*, quin id fieret, impedire conatus est. Conf. Appian. Pun. 57-65. Mox forte leg. *Vellent juberentne*, aut *juberentque*,

aut *vell. juberent*, ut XXXI, 6 pr.

2. *De pace uti rogassent*, sc. tribuni pl. (ut XXXI, 8, n. 1, et XXXVIII, 53) *omnes tribus jusserunt*; in aliis libris *uti rogatae*, ut XXXIII, 25, et Sigon. hoc et omnibus illis locis, ut et VI, 38; X, 8, al. frustra Livio obtrudit, *uti rogas*; vid. IV, 58, n. 10. Verba *de pace* etiam jungi possunt cum *jusserunt*; vide ad IX, 43, n. 1.

3. *Ut sibi in Urbem introire liceret*;

in publica custodia essent. Esse in iis partim propinquos amicosque suos, nobiles homines; partim ad quos mandata a propinquis haberent. Quibus conventis⁴, quum rursus peterent, ut sibi, quos vellent, ex iis redimendi potestas fieret; jussi nomina edere, et, quum ducentos ferme ederent, senatusconsultum factum est, *Ut legati romani ducentos ex captivis, quos Carthaginienses vellent, ad P. Cornelium Scipionem in Africam deportarent, nuntiarentque ei, ut, si pax convenisset, sine pretio eos Carthaginiensibus redderet.* Fetiales quum in Africam ad foedus ferendum ire juberentur; ipsis postulantiibus, senatusconsultum in hæc verba factum est: *Ut privos lapides silices privasque verbenas secum ferrent*⁵; *uti prætor romanus his imperaret, ut foedus ferirent, illi prætorem sagmina poscerent.* Herbæ id genus ex arce sumptum dari fetialibus solet. Ita dimissi ab Roma Carthaginienses, quum in Africam venissent ad Scipionem, quibus ante dictum est legibus⁶, pacem fecerunt. Naves longas, elephantos, perfugas, fugitivos, captivorum quatuor millia tradiderunt: inter quos Q. Terentius Culleo senator⁷ fuit. Naves provectas in altum incendi jussit: quingentas fuisse omnis generis⁸, quæ remis

nam senatus iis extra Urbem datus erat in æde Bellonæ; conf. cap. 40.

4. *Quibus conventis* (concessis), ut fere mox *si pax convenisset*; vide ad I, 3, n. 4. Minus apte Doer. exponit: postquam eos convenerant, ut convento Valerio et Octavio XLII, 17, et XLV, 28. Prius legatis petentibus responsum erat dandum; et iidem mox aliud petunt, neque alius iis senatus videtur datus.

5. *Ut privos* (singuli singulos) *lapides silices privasque verbenas secum ferrent* fetiales; *ubi prætor romanus,*

dux, Scipio (vide ad VI, 42, n. 7), *his imperaret, ut foedus ferirent, illi prætorem sagmina poscerent.* *Herbæ id genus ex arce sumptum d. f. s.* vid. I, 24, n. 5, 6 et 14.

6. *Quibus ante dictum est legibus* cap. 16 et 37. — *Perfugas, fugitivos*; conf. not. 9.

7. *Q. Terentius Culleo senator*; cf. Ind. et Plut. in Apophthegm. tom. II, p. 196. Ab Orosio perperam confunditur cum Terentio comœdiarum scriptore.

8. *Quingentas fuisse omnis generis,*

agerentur, quidam tradunt : quarum conspectum repente incendium tam lugubre fuisse Pœnis, quam si tum ipsa Carthago arderet. De perfugis gravius, quam de fugitivis, consultum⁹; nominis latini qui erant, securi percussi, Romani in crucem sublati.

XLIV. Annis ante quadraginta pax cum Carthaginiensibus postremo facta erat, Q. Lutatio, A. Manlio consulibus : bellum initum annis post tribus et viginti, P. Cornelio, Ti. Sempronio consulibus : finitum est septimodecimō anno¹, Cn. Cornelio, P. Ælio Pæto consulibus. Sæpe postea ferunt Scipionem dixisse, Ti. Claudii primum cupiditatem², deinde Cn. Cornelli, fuisse in mora, quo minus id bellum exitio Cartha-

quæ remis agerentur : « has non fuisse omnes, quæ remis agerentur, quod putabat Salmas. Obs. ad Jus Att. et Rom. cap. 28, pag. 730, sed longas illas seu rostratas, præter X triremes, quas Romanis traditas scribit Livius, cap. 37, recte putat Scheffer. de Mil. Nav. II, 2. Sed verba *quæ remis agerentur* videntur indicare, fuisse etiam naves longas, quæ remis non agerentur : quod cujus modi sit, me non intelligere fateor ». Duk. *Naves omnis generis, quæ remis agerantur* dici putato naves longas seu rostratas cujuscumque generis, h. e. triremes, quadriremes, quinqueremes et aliæ; vid. XXI, 17, n. 5.

9. *De perfugis gravius, quam de fugitivis, consultum*; vid. XXVI, 33, n. 2, et de perfugarum pœnis conf. Ind. et P. Faber Semestr. I, 18. *Perfugæ et fugitivi* etiam distinguuntur cap. 16 et 37, et illi sunt transfugæ ad hostes, hi milites romani ex fuga palati et a Pœnis intercepti; non, quod Ern. et Doer. movent, servi, qui a dominis romanis confugerint ad Pœnos. Nam de *captivis*, militibus

bello captis, et de rebus bellicis publicisque agitur; non de re privata, et quæ nihil pertinet ad bellum. Cur etiam de his servis minus graviter consultum dicamus? et quot servos a dominis romanis ad Pœnos confugisse putabimus? et belli potius, quam pacis tempore?

CAP. XLIV. 1. *Annis ante XL pax ... bellum initum annis post XXIII ... finitum est XVII anno* : in his Livius annum primum extremumve non numerat; at in illis XXX, 19, n. 5, et XXX, 28, n. 1, ambos extremos annos numerat; Sigon. Cf. Drakenb. — Q. Lutatio Cercone. Alius C. Lutatius Catulus, consul anni præc.

2. *Ti. Claudii primum cupiditatem* finiendi belli (vid. ad cap. 27 et 39), *deinde C. Cornelli* (vid. ad cap. 40), *fuisse in mora* (vid. ad III, 24, n. 6, et conf. Applan. Pun. 56 extr.), *quo minus id bellum cum exitio C. finiret, ipse finivisset* : nisi dictum est pro *finiret se*, h. e. finiretur; conf. supra ad lib. II, cap. 3, n. 2. *Exitium* quidam MSS, et *exitio Carthagini finiretur* alii.

ginis finiret. Carthagini quum prima collatio pecuniæ diutino bello exhaustis³ difficilis videretur, moestitiaque et fletus in curia esset, ridentem Hannibalem ferunt conspectum. Cujus quum Hasdrubal Hædus risum increparet in publico fletu, quum ipse lacrymarum causa esset; « Si, quemadmodum oris habitus « cernitur oculis, inquit, sic et animus intus cerni « posset, facile vobis appareret, non læti, sed prope « amentis malis cordis hunc, quem increpatis, risum « esse. Qui tamen nequaquam adeo est intempestivus, « quam vestræ istæ absurdæ atque abhorrentes lacry- « mæ⁴ sunt. Tunc flesse decuit, quum adempta nobis « arma, incensæ naves, interdictum externis bellis : « illo enim vulnere concidimus. Nec esse in vos, odio « vestro, consultum ab Romanis credatis. Nulla ma-

3. *Carthagini...exhaustis*; vid. ad I, 41, n. 1, et III, 47, n. 1. Sed *Carthagini* est potius pro *Carthagine*; vide ad XXVIII, 26, n. 1. *Carthaginiensibus* edd. ante Drak. et *Carthagine* quidam MSS. — *Tunc flesse decuit*. Eadem est loquendi forma ad Virgil. *Æn.* IV, v. 597: *Tunc decuit quum sceptrâ dabas*; quem imitatus est nostras *Racine*, *Bajazet*, act. IV, sc. 5. Ed.

4. *Abhorrentes lacrymæ*, minus justæ ac decoræ, profectæ quippe a studio rei privatæ nimio, quum in publica jactura fuisset animus parum commotus; Ern. — *Nec esse in vos, odio vestro, consultum ab Romanis credatis*, neque existimetis, ideo tam acerbe egisse vobiscum Romanos, ut suum in vos odium explerent; sed vestræ paci ac tranquillitati consilnere, et, quoniam *nulla magna civitas diu quiescere potest*, vobis vires ademere, ut quiescere cogere mini; Crever. Sed idem recte monet, hanc defensionem

romanæ in victos acerbitatis haud satis fortasse decere personam Hannibalis. *Necesse est, in vos odio vestro consultum ab Romanis credatis* conj. Drak. ut sensus sit: omnino existimare debetis, Romanos vobiscum egisse odio vestro, h. e. pro magnitudine odii, quo vos semper prosequuti sunt (vide ad II, 61, n. 3): norunt enim *magnam civitatem diu quiescere non posse*, et hinc interdicendo bellis externis, adimendo etiam illa, quibus alteri bellum inferre possetis, eventurum prævident, ut hostem, quem foris habere vel non poteritis, vel non audebitis, domi inventuri sitis. Eodem sensu possis etiam *non inserere ante consultum*, vel *næ legere* pro *nec*. — Noster Regius 5731 locum hunc ita exhibet: *Necesse est ne vos otio vestro consultum ab Romanis credatis*. Walchius Emend. p. 112 sq. notam interrogandi post *credatis* inserendam monet; sed istud improbat Büttner, Obs. pag. 80 sq. qui, quum

« gna civitas diu quiescere potest : si foris hostem
« non habet, domi invenit⁵; ut prævalida corpora ab
« externis causis tuta videntur, sed suis ipsa viribus
« onerantur. Tantum nimirum ex publicis malis sen-
« timus, quantum ad privatas res pertinet; nec in eis
« quidquam acrius, quam pecuniæ damnum, stimu-
« lat. Itaque quum spolia victæ Carthagini detrahe-
« bantur, quum inermem jam ac nudam destitui inter
« tot armatas gentes⁶ Africæ cerneretis, nemo inge-
« nuit. Nunc, quia tributum ex privato conferendum
« est, tanquam in publico funere comploratis. Quam
« vereor, ne propediem sentiatis, levissimo in malo
« vos hodie lacrymasse! » Hæc Hannibal apud Cartha-
ginienses. Scipio, concione advocata, Masinissam ad
regnum paternum Cirta oppido et cæteris urbibus
agrisque, quæ ex regno Syphacis in populi romani
potestatem venissent, adjectis donavit. Cn. Octavium
classem in Siciliam ductam Cn. Cornelio consuli tra-
dere jussit : legatos Carthaginensium Romam profi-
cisci, ut, quæ ab se ex decem legatorum sententia
acta essent, ea Patrum auctoritate populique jussu
confirmarentur.

XLV. Pace terra marique parta, exercitu in naves
imposito, in Siciliam Lilybæum trajecit. Inde magna
parte militum in navibus missa, ipse per lætam pace

sibi videatur ea esse sententia, « Ac
ne quis forte vestrum opinetur isto
modo tranquillitati vestræ consul-
tum », ita locum refingit : *nec* (pro-
fecto) *est, ut vos otio vestro consul-
tum ab Romanis credatis*. E cod. Pal.
notatur *ut vos*, nec abhorrens a lati-
nitate. Bambergensis B, quem contu-
lit F. Goëfler, exhibet, *nec est ne vos*,
odio vestro, punctis subter τῶν est ne
positis et supra scripta præpositione

in. De omni hoc loco judicent periti;
ego quidem *otio* in textu repositum
velim. Ed.

5. *Si foris hostem non habet, domi
invenit*; conf. ad Præf. n. 8. — *Ab
externis causis*; vid. supra ad librum
XXII, cap. 8, n. 3.

6. *Destitui inter tot gentes A*. vid.
III, 38, n. 5. — *Tanquam in p. fu-
nere comploratis*, universi ploratis.
Conf. ad III, 38, n. 3.

non minus, quam victoria, Italiam effusis non urbi-
bus modo ad habendos honores, sed agrestium etiam
turba obsidente vias, Romam pervenit, triumphoque
omnium clarissimo¹ Urbem est invecus. Argenti tulit
in ærarium pondo centum millia viginti tria : militi-
bus ex præda quadragenos æris divisit. Morte subtra-
ctus spectaculo magis hominum, quam triumphantis
gloriæ, Syphax est, Tibure haud ita multo ante mor-
tuus², quo ab Alba traductus fuerat. Conspecta mors
tamen ejus fuit, quia publico funere est elatus. Hunc
regem in triumpho ductum Polybius³, haudquaquam
spernendus auctor, tradit. Sequutus Scipionem trium-
phantem est pileo capiti imposito⁴, Q. Terentius Cul-
leo, omnique deinde vita, ut dignum erat, libertatis
auctorem coluit. Africanum cognomen militaris prius
favor, an popularis aura⁵, celebraverit, an, sicuti Feli-
cis Sullæ Magnique Pompeii patrum memoria, cœ-
ptum ab assentatione familiari sit, parum compertum
habeo. Primus certe hic imperator nomine victæ ab
se gentis est nobilitatus. Exemplo deinde hujus nequa-
quam victoria pares insignes imaginum titulos clara-
que cognomina familiæ fecere.

CAP. XLV. 1. *Triumpho omnium clarissimo*, etc. cf. Appian. Pun. 65, 66, et Polyb. XVI, 23, ubi Schweigh. monet, hunc triumphum vix ante anni seq. initium agi potuisse. — *Quadragenos æris*: immo *quadrigenos*, quod jam alii monuere, quia majorem summam in minus claro triumpho, nec tanta pecunia in ærarium illata, divisam legimus VIII, 9; XXVIII, 9; XXXI, 20; XXXIII, 23, 27 et al.

2. *Tibure haud multo ante mortuus*; cf. Appian. Pun. 28 extr. — *Conspecta mors ejus fuit* (vide ad II, 5, n. 8), *quia publico funere est elatus*;

vide ad Tac. Annal. III, 5, n. 1.

3. *Hunc regem in triumpho ductum Polybius tradit*, se. XVI, 23. — *Haud spernendus auctor*; vide ad IV, 20, n. 10, et XXXIII, 10, n. 5.

4. *Pileo capiti imposito* (vide ad XXIV, 16, n. 9) *Q. Terentius Culleo*, etc. vid. ad c. 43, n. 7.

5. *Popularis aura*; vide ad III, 33, n. 2. *Magnum etiam proprium Scipioni cognomen fuisse*, docet Periz. Anim. hist. o. 1. — *Felicis Sullæ seu Fausti*; vid. ad Epit. Liv. LXXXIX, 2. — *Magnique Pompeii*, etc. vid. ad Epit. Liv. CIII extr.

T. LIVII PATAVINI
HISTORIARUM

AB URBE CONDITA

LIBER XXXI.

BREVIARIUM.

CAP. I; **Bella punica, xv libris descripta, excipit macedonicum, claritate gentis, imperii regumque antiquorum prope nobilissimum, ad quod renovandum Romani, Philippo infensi, precibus Atheniensium excitantur.** — II; Consultatio de eo ad consules absentes rejicitur, legatique mittuntur ad Ptolemæum Ægypti regem. Sub auspiciis P. Ælii consulis C. Oppius male res gerit adversus Boios, et consul, horum finibus vastatis, Romam redit. — III; M. Valerius Lævinus proprætor cum classe transmittit in Macedoniam, et M. Aurelius legatus scribit senatui, bellum id majore conatu capessendum esse. — IV; Agri veterum P. Scipionis militum. Comititia consularia ac prætoria. Ludi Romani et plebei. — V; Secundum rem divinam preceationemque audiuntur legati Atheniensium, nuntiantes Philippum appropinquare finibus suis, et literæ Valerii Aureliique leguntur. — VI; Rogatio de bello macedonico, a P. Sulpicio cos. cui provincia Macedonia sorte evenerat, promulgata, primis comitiis ab omnibus ferme centuriis antiquatur, eique intercedit Q. Balbius trib. pl. — VII; Sulpicius concione iterum advocata legem suadet. — VIII; Bellum a populo jubetur indiciturque Philippo regi. De exercitiis et provinciis consulum prætorumque agitur. — IX; Ptolemæus Atheniensibus Romanisque auxilium promittit; et ludi magni, de incerta primum pecunia, voventur. — X; Galli Liguresque, Hamilcare Pœno duce, qui in iis locis de Hasdrubalis exercitu substiterat, diripiunt Placentiam et Cremonam oppugnant: ne-

que L. Furius Purpureo prætor sociis laborantibus succurrere audet. — XI; Hinc C. Aurelius consul ad opprimendum gallicum tumultum proficisci jubetur: et legati mittuntur ad Carthaginienses, Masinissam ac Verminam. — XII; Q. Minucio prætori in Brutiis quæstio de pecunia Locris ex Proserpinæ thesauris nocte clam sublata mandatur. Prodigia expiantur, et carmen, a P. Licinio Tegula conditum, per Urbem canitur a virginibus. — XIII; Privatis pro tertia parte pecuniæ, quam ærario olim mutuum dederant, ager publicus traditur vectigalis. — XIV; P. Sulpicius trajicit in Macedoniam, et C. Claudium Centhonem cum classe et exercitu extemplo mittit ad Athenienses obsidione liberandos: quibus bellum intulerat Philippus, motus Acarnanum precibus, quorum duo juvenes, per errorem ingressi templum Cereris tempore Initiatorum, interfecti fuerant. — XV; Attalus Rhodiorumque legati, Athenas, sociam civitatem, profecti, immodicis ornantur honoribus; sed socordia alunt bellum, cujus perfecti gloriam Romanis eripere potuissent. — XVI; Philippus Maroneam, Ænum aliaque oppida capit, et oppugnat Abydum. — XVII-XVIII; Abydeni, conditionibus tradendæ urbis frustra latis, ad Saguntinorum rabiem versi, suos seque ipsi interficiunt. — XIX; Responsa legis Romanorum data a Carthaginiensibus, Masinissa ac Vermina. — XX; L. Cornelius Lentulus proprætor, ex Hispania reversus, cui diu præfuerat, ovans Urbem ingreditur. — XXI; L. Furius Cremonam obsidione eximit ingenti cæde Gallorum. — XXII; C. Aurelius, profectus in Galliam, victorem exercitum a prætore accipit; et alter consul, P. Sulpicius, circa Apolloniam hibernat: pars autem classis romanæ, a C. Claudio Corcyra Athenas traducta, ingentem sociis affert spem. — XXIII; Inde Claudius pervehitur Chalcidem, et capto oppido ingentique præda in naves imposita Piræeum redit. — XXIV; Philippus sociæ urbi serum fert auxilium, et raptim Athenas profectus Athenienses, Dipylo egressos, in portam compellit: eam vero irrumpere non audet, contentus omnia circa urbem diruisse. — XXV; Inde exercitum ducit Eleusinem, Megaram, Corinthum et Argos, ubi in concilio Achæorum frustra eos illigare romano bello conatur. — XXVI; Tum junctus Philocli Eleusinis, Piræei et Athenarum oppugnationem tentat, ac templa, in Attica pagatim sacra, diruit. — XXVII; L. Apustius legatus, a Sulpicio ad extrema Macedoniæ depopulanda missus, Antipatriam, Codrio-

nem et Ilium capit, funditque Athenagoram. — XXVIII; Sulpicius in castris ad Apsum fl. positis de bello consultat cum Pleurato, Amyndro, Dardanis, legatis Attali Rhodiisque. Nec Philippus, in Macedoniam regressus, bellum segnius apparat, et Perseum filium obsidere jubet angustias ad Pelagoniam. — XXIX-XXXI; In Panætolio Philippi, Atheniensium Romanorumque legati audiuntur; — XXXII; sed suspensa re dimituntur ab Ætolis, utrius partis melior fortuna belli esset, ad ejus societatem inclinaturis. — XXXIII; Sulpicius exercitum ducit per Dassaretiorum fines, ubi Romanorum Macedonumque equites æquis viribus pugnant. — XXXIV; Philippus cura eorum, qui in prælio ceciderant, sepeliendorum animos suorum magis frangit quam auget, filioque revocato castra sua non longe a Romanis communit. — XXXV-XXXVI; Vario Marte pugnatur. — XXXVII; Victoria Romanorum, et ingens regis periculum. — XXXVIII; Temeritas regis et consulis segnities. Philippus, certior factus de transitu Pleurati Dardanorumque in Macedoniam, silenti agmine abit. — XXXIX; Angustias prope Eordæam ab hoste occupatas Romani haud magno certamine superant. — XL; Consul Orestidem et Dassaretiorum agros pervastat, et præter Dardanos, Pleuratum et Illyrios etiam Ætoli, Athamanibus juncti, impetus in Macedoniam faciunt. — XLI-XLII; Hi Perrhæbiam et campos Thessaliæ opimos populantur: sed a Philippo bis fusi repetunt Ætoliam. — XLIII; Dardani etiam ab Athenagora repelluntur, et magna Ætolorum manus mercede conducta a Scopæ principe gentis avehitur Ægyptum. — XLIV; Athenienses adventu L. Apustii Attalique freti, omne odium in Philippum effundunt. — XLV-XLVI; Maritimæ Attali Romanorumque expeditiones. — XLVII; Æstate exeunte Apustius repetit Corcyram, et Attalus Asiam. C. Aurelius in Gallia, a L. Furio jam pacata, bellum populando gerit; et hic prætor, ab eo in Etruriam missus, mox inde Romam contendit, gallico triumpho imminens, quem, absente consule irrito atque invidente, facilius impetrari posse putat. — XLVIII; Variæ de ea re Patrum sententiæ. — XLIX; Triumphus L. Furii. Ludi, a P. Scipione olim voti in Africa; et agri militum ejus. Victoria C. Cornelii Cethegi procos. in Hispania. C. Aurelii reditus, et indignatio propter honorem Furio habitum. Comitia consularia et prætorialia. — L; Annona pervilis. Ludi Romani, plebei, ac funebres. Ædiles curules creati

non statim occipere magistratum possunt, quia alter Hispaniam obtinet provinciam, alter flamen dialis est, cui non licet in leges jurare. Itaque hujus frater pro eo jurare jubetur, et novi proconsules mittuntur in Hispaniam.

I. **M**E quoque juvat, velut ipse in parte laboris ac periculi fuerim, ad finem belli punici¹ pervenisse: nam etsi profiteri ausum, perscripturum res omnes romanas², in partibus singulis tanti operis fatigari minime conveniat; tamen, quum in mentem venit, tres et sexaginta annos (tot enim sunt a primo punico³ ad secundum bellum finitum) æque multa volumina⁴ occupasse mihi, quam occuparint quadringenti octoginta octo anni a condita Urbe ad Ap. Claudium consulem, qui primus bellum Carthaginensibus intulit; jam provideo animo, velut qui proximis litori⁵ vadis inducti mare pedibus ingrediuntur, quidquid progredior, in vastiorem me altitudinem ac velut profundum invehi, et crescere pæne opus, quod prima quæque perficiendo minui videbatur. Pacem punicam bellum macedonicum exceptit, periculo haudquaquam comparandum, aut virtute ducis, aut militum robore; claritate regum antiquorum vetustæque fama gentis⁶ et magnitudine imperii, quo multam quondam Europæ, majorem partem Asiæ obtinuerant armis,

CAP. I. 1. *In parte laboris ac p. fuerim*; vide ad V, 21, n. 4.

2. *Perscripturum se res omnes rom.* vid. ad Præf. n. 2.

3. *Tot enim sunt a primo punico, quod ortum a. U. C. 488, ad secundum bellum finitum a. U. 551.*

4. *Æque multa volumina*, sc. XV libros; nam bellum punicum I narrare inceperat libro XVI histeriæ snæ. Ed.

5. *Proximis litori*, etc. In cod. Bamberg. a cl. Goeller collato, et in

quibusdam aliis legitur *proximi*, et mox *profundam loco rōi profundum.* Ed. — *Quidquid progredior*; vide ad VII, 32, n. 3.

6. *Vetustæque fama gentis* Macedonum, pro *vetusta* (vide ad I, 1, n. 6): quod vix tamen hic opus; nam et *vetusta gens* claritatis laudem habet; Bauer. *Vetustaque* alii, etiam Drak. *Fama vetustæ gentis ut claritas antiquorum regum.* — *Decem ferme annis ante pacem cum Pœnis.* — *Trien-*

prope nobilius. Cæterum coeptum bellum adversus Philippum decem ferme ante annis, triennio prius depositum erat, quum Ætoli et belli et pacis fuissent causæ. Vacuos deinde pace punica⁷ jam Romanos et infensos Philippo, quum ob infidam adversus Ætolos aliosque regionis ejusdem socios pacem, tum ob auxilia cum pecunia nuper in Africam missa Hannibali Pœnisque, preces Atheniensium, quos agro pervastato in urbem compulerat⁸, excitaverunt ad renovandum bellum.

II. Sub idem fere tempus et ab Attalo rege, et Rhodiis legati¹ venerunt, nunciantes, Asiæ quoque civitates sollicitari. His legationibus responsum est, curæ asianam rem senatui fore. Consultatio de macedonico bello integra ad consules, qui tunc in provinciis erant, rejecta est. Interim ad Ptolemæum² Ægypti regem legati tres missi, C. Claudius Nero, M. Æmilius

nio prius, quam hæc pax fieret. Cf. XXIV, 40; XXIX, 12.

7. *Vacuus pace punica, cum Pœnis, Romanos, solutos, expeditos ob pacem, per pacem, liberos ad aliud bellum suscipiendum et sine interpellatione gerendum; Bauer. Cf. ad III, 40, n. 8, et XXXI, 29, n. 11.*

8. *In urbem Athenas compulerat Philippus, etc. Cf. c. 14; Polyb. XVI, 27, et Appian. Maced. Exc. III.*

CAP. II. 1. *Ab Attalo rege, et Rhodiis legati, etc. conf. ad Polyb. XVI, 24, 27, et Appian. loco laud. — Ad consules, qui tunc in provinciis erant edidi ex emend. Ruben. pro vulg. qui tunc in prælio cum Boiis erant, quod ineptum esse jam monuit Gron. nam soli P. Ælio fuisse hanc provinciam, Lentulo Siciliam; et alienum ab h. l. esse nobile illud prælium cum Boiis, quum adversus eos nihil memorabile*

a consule gestum mox dicatur; præterea in MS legi in prælio Boiis et Neiiis. — Emendationem Rubenii confirmat codex Bamberg. teste Goeller, pag. 162, 363. Ed.

2. *Ad Ptolemæum V, seu Epiphaneum, Ægypti regem, qui quadrimus puer Philopatori successerat patri a. U. 549, quo statim de ejus regno dividendo pactum inter se inierant Antiochus et Philippus. Conf. cap. 14; XXXII, 33; Polyb. III, 2, 15, 20; XVI, 25; Justin. XXX, 2; Appian. I, cit. Legatos hos etiam ad Antiochum missos tradit Polyb. XVI, 27 et 34. Conf. Justin. XXX, 3; XXXI, 1, et Appian. l. l. Livius neque rerum, a Philippo hoc anno 551 gestarum, neque legatorum ad Antiochum missorum bellique ab eo adversus Ptolemæum moti meminit, nisi paucis XXXII, 33. — P. Sempronius Tudi-*

Lepidus, P. Sempronius Tuditanus; ut et adnuntiantur victum Hannibalem Poenosque; et gratias agerent regi, quod in rebus dubiis, quum finitimi etiam socii Romanos desererent, in fide mansisset; et peterent, ut, si coacti injuriis bellum adversus Philippum suscepissent, pristinum animum erga populum romanum conservaret. Eodem fere tempore P. Ælius consul in Gallia, quum audisset a Boiis ante suum adventum incursiones in agros sociorum factas, duabus legionibus subitariis tumultus ejus causa scriptis, additisque ad eas quatuor cohortibus de exercitu suo, C. Oppium præfectum socium hac tumultuaria manu³ per Umbriam⁴ (quam tribum Sappiniam vocant) agrum Boiorum invadere jussit: ipse eodem, aperto⁵ itinere, per medios montes duxit. Oppius, ingressus hostium fines, primo populationes satis prospere ac tuto fecit. Delecto deinde ad castrum Mutilum satis idoneo loco, ad demetenda frumenta (jam enim maturæ erant segetes) profectus, neque explorato circa⁶, nec stationibus satis firmis, quæ armatæ inermes atque operi intentos tutarentur, positis, improvise impetu Gallorum

tanus, forte non qui censor et consul fuit (vid. XXVII, 11, et XXIX, 11), sed alius, aut leg. *C. Sempronius Tudit.*, qui prior ille ante Lepidum prætorium memoratus fuisset, et trium legatorum tertius tum esse solebat homo nullo adhuc honore functus; Drakenb.

3. *Legionibus subitariis tumultus ejus causa scriptis tumultuaria manu*; vide ad lib. I, cap. 37, not. 4, et II, 26, n. 1.

4. *Per Umbriam*, per illam Umbræ partem, Boiis vicinam, quæ circa Sappin fl. (hod. *Savio*) est, et hinc Umbris tribus *Sappinia* vocatur. Cōnf.

XXXIII, 37; ad Sil. VIII, 448, et Cluver. Ital. Ant. II, 6, p. 623. Gruchius de Com. Rom. II, 1, et Panvin. de Civ. Rom. c. 51, eam faciunt unam e tribubus rom., et hic quidem extra numerum, ille exclusa Horatia. Sed vid. Duker. ad h. l.

5. *Aperto itinere*; vide ad X, 14, n. 6. — *Duxit*; vide ad I, 23, n. 4. — *Ad castrum*, castellum, *Mutilum*, hod. *Medolo*, inter Gabellum et Scultennam fluvios, supra Mutinam, versus Mutinam. Conf. ad V, 35, n. 4, et XXXIII, 37 pr.

6. *Neque explorato circa*; vide ad I, 41, n. 10.

cum frumentatoribus est circumventus : inde pavor fugaque etiam armatos cepit. Ad septem millia hominum palata per segetes sunt cæsa ; inter quos ipse C. Oppius præfectus : cæteri in castra metu compulsi, inde sine certo duce consensu militari proxima nocte, relicta magna parte rerum suarum, ad consulem per saltus prope invios pervenere ; qui, nisi quod populatus est Boiorum fines, et cum Ingaunibus Liguribus fœdus icit, nihil, quod esset memorabile, aliud in provincia quum gessisset, Romam rediit.

III. Quum primum senatum habuit, universis postulantibus, ne quam prius rem, quam de Philippo sociorumque querelis, ageret ; relatam extemplo est, decrevitque frequens senatus, ut P. Ælius consul, quem videretur ei, cum imperio mitteret¹, qui, classe accepta, quam ex Sicilia Cn. Octavius reduceret, in Macedoniam trajiceret. M. Valerius Lævinus² proprætor missus, circa Vibonem duodequadraginta navibus ab Cn. Octavio acceptis, in Macedoniam transmisit. Ad quem quum M. Aurelius legatus venisset, edocuissetque eum, quantos exercitus, quantum navium numerum comparasset rex, et quemadmodum circa omnes non continentis modo urbes, sed etiam insulas, partim ipse adeundo, partim per legatos, conciret homines ad arma ; majore conatu Romanis id capessendum bellum esse, ne, cunctantibus iis, aude-ret Philippus, quod Pyrrhus prius ausus ex aliquanto

CAP. III. 1. *Quem videretur ei, mitteret*; vide ad I, 29, n. 4.

2. *M. Valerius Lævinus* forte non summus ille vir et consularis, qui diu in Græcia bellum cum Philippo gessit (nam etsi poterat causa esse, cur hic potissimum cum classe mitteretur, quod ei res Græcorum Macedonum-

que notissimæ erant, tamen ex ejus dignitate non videtur fuisse, ut a consule pro prætore ad classem mitteretur), sed hujus filius (vid. c. 5), extra ordinem ex privato pro prætore, ut sæpe alii, missus; Duker. — *Circa Vibonem*; vide supra ad librum XXI, cap. 51, n. 4.

minore regno esset; hæc eadem scribere Aurelium consulibus et senatui placuit.

IV. Exitu hujus anni quum de agris veterum militum¹ relatum esset, qui ductu atque auspicio P. Scipionis in Africa bellum perfecissent, decreverunt Patres, ut M. Junius prætor Urbis², si ei videretur, decemviros agro samniti appuloque, quod ejus publicum populi romani esset³, metiendo dividendoque crearet: creati P. Servilius, Q. Cæcilius Metellus, C. et M. Servilii (Geminis ambobus cognomen erat), L. et A. Hostilii Catones, P. Villius Tappulus, M. Fulvius Flaccus, P. Ælius Pætus, Q. Flaminius. Per eos dies, P. Ælio consule comitia habente⁴, creati consules P. Sulpicius Galba, C. Aurelius Cotta. Prætores exinde facti Q. Minucius Rufus, L. Furius Purpureo, Q. Fulvius Gillo, Cn. Sergius Plancus. Ludi Romani scenici⁵ eo anno magnifice apparateque facti ab ædilibus curulibus, L. Valerio Flacco et L. Quintio Flaminio: biduum instauratum est; frumentique vim ingentem, quod ex Africa P. Scipio miserat, quaternis æris populo cum summa fide et gratia diviserunt. Et plebeï ludi ter toti instaurati ab ædilibus plebis, L. Apustio Fullone et Q. Minucio Rufo, qui ex ædi-

CAP. IV. 1. *De agris veterum militum*, etc. cf. cap. 49 — Primam hanc apud Livium mentionem occurrere agrorum certo cuidam militum generi divisorum in præmium emeritæ militiæ monet Crev. Retentum hoc exemplum est et crebro deinde usurpatum: et sub Cæsaribus in consuetudinem jam legemque abiit. Ed.

2. *M. Junius, prætor Urbis*; vide ad XXV, 1, n. 7.

3. *Quod ejus publicum populi rom. esset*; vid. V, 25, n. 5.

4. *P. Ælio consule comitia habente* ex emend. Gron. pro *consulum*, quod et aliorum magistratum comitiis præfuit.

5. *Ludi Romani scenici* (vide ad I, 9, n. 4) ... *apparate facti... biduum instauratum est... plebeï ludi ter toti instaurati*; vide ad II, 36, n. 1, et XXIII, 4, n. 1. — *Frumentique vim ingentem quaternis æris populo diviserunt*; vide tamen ad librum XXIX, cap. 37, n. 3, et lib. XXXI, cap. 50, n. 1.

litate prætor creatus erat; et Jovis epulum fuit ludorum causa.

V. Anno quingentesimo quinquagesimo¹ ab Urbe condita, P. Sulpicio Galba, C. Aurelio consulibus, bellum cum rege Philippo initum est, paucis mensibus post pacem Carthaginiensibus datam. Omnium primum eam rem idibus martiis, quo die tum consulatus inibatur, P. Sulpicius consul retulit²; senatusque decrevit, uti consules majoribus hostiis rem divinam facerent, quibus diis ipsis videretur, cum precatione ea: *Quam rem senatus populusque romanus de republica deque ineundo novo bello in animo haberet, ea res uti populo romano sociisque ac nomini latino bene ac feliciter eveniret*: secundum rem divinam precationemque, ut de republica deque provinciis senatum consulerent. Per eos dies opportune irritandis ad bellum animis et literæ a M. Aurelio legato et M. Valerio Lævino proprætore allatæ, et Atheniensium nova legatio venit, quæ regem appropinquare finibus suis nuntiaret, brevique non agros modo, sed urbem etiam in ditione ejus futuram, nisi quid in Romanis auxilii foret. Quum pronuntiassent consules, rem divinam rite perfectam esse, et precationem admisisse deos³ haruspices respondere, lætaque exta fuisse, et prolationem finium victoriamque et triumphum portendi; tum literæ Valerii Aureliique lectæ, et legati Atheniensium auditi. Senatus inde consultum

CAP. V. 1. *Anno quingentesimo quinquagesimo*: numerus corruptus; ut et apud Orosium, Eutrop. et alios. *Quadragesimo* plerique MSS et vett. edd. *Quing. quinq. quarto* conj. Glar. et *quing. quinq. secundo* Dodwell. (in Chronol. subjuncta Dionys. Halicarn. pag. 52) Cler. et Crever. — *Omnium*

primum, ut supra lib. III, cap. 19.

2. *Sulpicius consul retulit*, scilic. ad senatum.

3. *Precationem admisisse deos*; vid. I, 36, n. 3. *Respondere verbum* propr. de ominibus, iis, qui consuluntur. — *Prolationem finium*, etc. vide supra ad XXVI, 21, n. 1.

factum est, ut sociis gratiæ agerentur, quod diu sollicitati ne obsidionis quidem metu fide decessissent. De auxilio mittendo tum respondere placere⁴, quum consules provinciis sortiti essent, atque is consul, cui Macedonia provincia evenisset, ad populum tulisset, ut Philippo regi Macedonum indiceretur bellum.

VI. P. Sulpicio provincia Macedonia sorte evenit, isque rogationem promulgavit, *Vellent, juberent Philippo regi Macedonibusque, qui sub regno ejus essent, ob injurias armaque illata sociis populi romani, bellum indici*¹. Alteri consuli Aurelio Italia provincia obtigit: prætores exinde sortiti sunt, Cn. Sergius Plancus urbanam², Q. Fulvius Gillo Siciliam, Q. Minucius Rufus Bruttios, L. Furius Purpureo Galliam. Rogatio de bello macedonico primis comitiis ab omnibus ferme centuriis antiquata est³: id quum fessi diuturnitate et gravitate belli sua sponte homines tædio laborum-periculorumque fecerant, tum Q. Bæbius tribunus plebis, viam antiquam criminandi Patres ingressus, incusaverat bella ex bellis seri⁴, ne pace unquam frui plebs posset. Ægre eam rem passi Patres, laceratusque probris in senatu tribunus plebis; et consulem pro se quisque hortari, ut de integro comitia rogationi ferendæ ediceret, castigaretque segnitiam populi, atque doceret, quanto damno dedecorique dilatio ea belli futura esset.

4. Tum respondere placere, scilicet senatum vel consules (conf. XXXV, 47, et Drak. ad XLII, 25, n. 5), nisi leg. responderi; Duker. et Crever. — Quod MSS nihil variarent, vulgatam damnare non sustinuit Drakenb. at in cod. Bamberg. responderi legitur. En.

CAP. VI. 1. *Vellent, juberent...indici*; vide ad I, 24, n. 11.

2. *Plancus urbanam*, scilicet provinciam; vid. II, 40, n. 9.

3. *Antiquata est rogatio*; vid. ad IV, 58, n. 10.

4. *Bella ex bellis seri*; vide ad II, 1, n. 6. — *Castigaretque segnitiam pop. atque doceret*. Cod. Bamb. exhibet *segnitiam*, et *edoceret*. Huc Drak. vocat Servium ad Virg. *Æneid.* II,

VII. Consul in campo Martio comitiis habitis¹, prius quam centurias in suffragium mitteret, concione advocata, « Ignorare, inquit, videmini mihi, Quirites, « non, utrum bellum an pacem habeatis, vos consuli « (neque enim liberum id vobis permittit Philippus, « qui terra marique ingens bellum molitur); sed utrum « in Macedoniam legiones transportetis, an hostem in « Italiam accipiatis. Hoc quantum intersit, si unquam « ante alias², punico certe proximo bello experti estis. « Quis enim dubitat, quin, si Saguntinis obsessis fidem- « que nostram implorantibus impigre tulissemus opem, « sicut patres nostri Mamertinis tulerant³, totum in « Hispaniam aversuri bellum fuerimus, quod cun- « ctando cum summa clade nostra in Italiam accepi- « mus? Ne illud quidem dubium est, quin hunc ipsum « Philippum, pactum jam per legatos literasque cum « Hannibale in Italiam trajicere, misso cum classe « Lævino, qui ultro ei bellum inferret, in Macedonia « continuerimus: et quod tunc fecimus, quum hostem « Hannibalem in Italia haberemus, id nunc, pulso « Italia Hannibale, devictis Carthaginensibus, cun- « ctamur facere? Patiamur expugnandis Athenis, sicut « Sagunto expugnando Hannibalem passi sumus, se- « gnitiam nostram experiri regem. Non quinto inde

374: « *Segnitias* juxta antiquos dictum est; nam modo *segnitia* dicitur ». Ed.

CAP. VII. I. Consul in campo Martio comitiis habitis, h. e. dnm habentur comitia (conf. ad V, 36, n. 3): nam ea nondum peracta erant, sed incipiunt. At vox *habitis* ab omnibus MSS abest, et forte est delenda. Tum comitiis dictum, ut *ludis* et alia; vid. II, 36, n. 1.

2. Si unquam ante alias, ut I, 28; II, 9; VI, 42; IX, 39; XXXII, 4.

« Scio, sic solere loqui omnes: sed hic postulare contextus videtur, ut nunquam legamus. Nam si unquam notat exemplum e pluribus potissimum, si nunquam unicum; quod hic ponitur, et voc. certe etiam indicatur. » Bauer. — Baueri sententiam sequitur cl. Goeller, p. 364, legendumque præcipit e cod. Bamb. si nunquam; qui sensus huic loco accommodatior est; et libenter eum admittam. Ed.

3. Mamertinis tulerant; vid. supra

« mense, quemadmodum ab Sagunto Hannibal⁴, sed
 « quinto inde die, quam ab Corintho solverit naves,
 « in Italiam perveniet. Ne æquaveritis Hannibali Phi-
 « lippum, ne Carthaginiensibus Macedonas; Pyrrho
 « certe æquabitis: dico, quantum vel vir viro, vel
 « gens genti præstat. Minima accessio semper Epirus
 « regno Macedoniae fuit, et hodie est⁵. Peloponnesum
 « totam in ditione Philippus habet, Argosque ipsos,
 « non vetere fama magis, quam morte Pyrrhi nobili-
 « tatos. Nostra nunc compara: quanto magis floren-
 « tem Italiam, quanto magis integras res, salvis duci-
 « bus, salvis tot exercitibus, quos punicum postea
 « bellum absumpsit, aggressus Pyrrhus tamen con-
 « cussit, et victor prope ad ipsam urbem Romam ve-
 « nit! nec Tarentini modo oraue illa Italiae, quam
 « majorem Græciam vocant, ut linguam, ut nomen
 « sequutos crederes, sed Lucanus et Bruttius et Sam-
 « nis⁶ a nobis defecerunt. Hæc vos, si Philippus in
 « Italiam transmiserit, quietura aut mansura in fide
 « creditis? manserunt enim punico postea bello: nun-
 « quam isti populi, nisi quum deerit, ad quem de-
 « sciscant, a nobis non deficient. Si piguisset vos in
 « Africam trajicere, hodie in Italia Hannibalem et

ad librum XXVIII, cap. 28, not. 3.

4. *Quemadmodum ab Sagunto H.*, vid. XXI, 38, n. 1. — *Ne æquaveritis Hannibali Philippum*, etc. vid. ad XXXII, 21, n. 8. — *Dico, quantum vel vir viro, vel gens genti præstat*, immo *præstat*: at dicam, docebo vos, quantum Philippus Pyrrho et Macedones Epirotis præsent, ex iis, quæ in comparatione ponuntur, liquet; Duk. Idem tamen monet, orationem abruptam et locum forte non sine vitio esse. *Dii, quantum*, etc. conj. Roell. — Walchius Emend. p. 171, ait varia

viros doct. conjecisse; sed nihil verius esse egregia hac cl. Jacobsii emendatione: « Pyrrho certe æquabitis. Æquabitis dico? quantum, etc. » Ed.

5. *Et hodie est*, leg. *hodieque* (i. e. hodie quoque; sed cf. Duk. et Drak.), et mox *Nostra nunc comparate*; Gron. Sed in proxime antecedd. et conseqq. non alloquitur *Quirites*; Bauer. Immo per totam orationem. — *Morte Pyrrhi nobilitatos Argos*; v. XXIX, 18, n. 3.

6. *Lucanus et Bruttius et Samnis* ab aliis recte accensentur *Græciæ Magnæ*. — *Hæc*, hos, hos populos.

« Carthaginienses hostes haberetis. Macedonia potius
« quam Italia, bellum habeat; hostium urbes agrique
« ferro atque igni vastentur : experti jam sumus, fo-
« ris nobis, quam domi, feliciora potentioraque arma
« esse. Ite in suffragium, bene juvantibus diis, et,
« quæ Patres censuerunt, vos jubete. Hujus vobis sen-
« tentiæ non consul modo auctor est, sed etiam dii
« immortales; qui mihi sacrificanti precantique, ut
« hoc bellum mihi, senatui, vobisque, et sociis ac
« nomini latino, classibus exercitibusque nostris bene
« ac feliciter eveniret, læta omnia prosperaque por-
« tendere. »

VIII. Ab hac oratione¹ in suffragium missi, uti rogarat, bellum jusserunt. Supplicatio inde a consulibus in triduum ex senatusconsulto indicta est, obsecratique circa omnia pulvinaria² dii, ut, quod bellum cum Philippo populus jussisset, id bene ac feliciter eveniret; consultique fetiales³ ab consule Sulpicio, bellum, quod indiceretur regi Philippo, utrum ipsi utique nuntiari juberent⁴, an satis esset, in finibus regni quod proximum præsidium⁵ esset, eo nuntiari? Fetiales decreverunt, utrum eorum fecisset, recte facturum. Consuli a Patribus permissum, ut, quem videretur⁶, ex iis, qui extra senatum essent, legatum

CAP. VIII. 1. *Ab hac oratione* (vid. I, 1, n. 5) *in suffragium missi, uti rogarat Sulpicius consul, bellum jusserunt*; vid. ad XXX, 43, n. 2. — *Supplicatio in triduum*, etc. vid. III, 63, n. 2.

2. *Circa omnia pulvinaria*; vid. ad V, 13, n. 5.

3. *Consultique fetiales...decreverunt*; vid. IX, 9, n. 2. — *Posterius fetiales Creverium offendit, sicut antea Gronovium*: potest tamen de-

fendi repetitio vocis propter interjectam orationem longiusculam. *Ex.*

4. *Utrum ipsi utique nuntiari jub.* vid. II, 30, n. 1.

5. *Proximum præsidium*; vid. IX, 31, n. 1. Ad rem conf. XXXVI, 3, et XXXVIII, 46. Post voc. præc. *consulti suppleto sunt*, recte habet seq. *fetiales*, quod Gron. delendum putabat, nec male repetitum est, pluribus interjectis; Bæner.

6. *Ut, quem videretur...mitteret*;

mitteret ad bellum regi indicendum. Tum de exercitibus consulum prætorumque actum : consules binas legiones scribere jussi ; veteres dimittere exercitus. Sulpicio, cui novum ac magni nominis bellum decretum erat, permissum, ut de exercitu, quem P. Scipio ex Africa deportasset, voluntarios, quos posset, duceret : invitum ne quem militem veterem ducendi jus esset⁷. Prætoribus L. Furio Purpureoni et Q. Minucio Rufo quina millia socium latini nominis consul daret : quibus præsidia alter Galliam, alter Bruttios provinciam obtineret. Q. Fulvius Gillo et ipse jussus ex eo exercitu, quem P. Ælius consul habuisset, ut quisque minime multa stipendia haberet⁸, legere, donec et ipse quinque millia socium ac nominis latini effecisset : id præsidio Siciliæ provinciæ esset. M. Valerio Faltoni, qui prætor⁹ priore anno Campaniam provinciam habuerat, prorogatum in annum imperium est ; uti proprætor in Sardiniam trajiceret, atque de exercitu, qui ibi esset, quinque millia socium nominis latini, qui eorum minime multa stipendia¹⁰ haberet, legeret : et consules duas urbanas legiones scribere jussi, quæ, si quo res posceret, multis in Italia contactis gentibus punici belli societate, iraque inde tumantibus¹¹, mitterentur. Sex legionibus romanis eo anno usura respublica erat.

vid. sup. ad librum I, cap. 29, n. 4.

7. *Voluntarios, quos posset, ... jus esset, quod XXXII, 2, multos legitimos questos. Voluntarii et veteres milites h. l. non li, qui legitima annorum XX stipendia confecerant, ut evocati, sed qui anno priore militaverant, quosque dimittere consules jubentur, ut iis aliquid laxamenti a continua militia detur; Duker. Conf. X, 39; XXXII, 1, 8, al.*

8. *Minime multa stipendia haberet; vide ad III, 57, n. 5. Mox Gron. malebat id præsidium Siciliæ provinciæ esse, sc. jussum.*

9. *M. Valerio Faltoni, qui prætor, etc. vid. XXV, 41, n. 8.*

10. *Qui eorum minime m. s. haberet, immo habent; Mur. — Contactis gentibus belli societate; vid. ad II, 5, n. 3.*

11. *Iraque inde tumantibus, ut*

IX. In ipso apparatu belli legati ab rege Ptolemæo venerunt, qui nuntiarunt, *Athenienses adversus Philippum petisse ab rege auxilium. Cæterum, etsi communes socii sint, tamen, nisi ex auctoritate populi romani, neque classem, neque exercitum defendendi aut oppugnandi cujusquam causa regem in Græciam missurum esse: vel quieturum eum in regno, si populo romano socios defendere liceat¹; vel Romanos quiescere, si malint, passurum, atque ipsum auxilia, quæ facile adversus Philippum tueri Athenas possent, missurum.* Gratia regi ab senatu actæ, responsumque, *Tutari socios populo romano in animo esse: si qua re, ad id bellum opus sit, indicaturos regi, regni que ejus opes scire subsidia firma ac fidelia suæ republicæ esse.* Munera deinde legatis in singulos quinum millium æris ex senatusconsulto missa. Quum delectum consules haberent, pararentque, quæ ad bellum opus essent, civitas religiosa, in principiis maxime novorum bellorum, supplicationibus habitis jam, et obsecratione circa omnia pulvinaria facta², ne quid prætermitteretur, quod aliquando factum esset, ludos Jovi donumque votere consulem, cui provincia Macedonia evenisset, jussit. Moram voto publico Licinius pontifex maximus attulit, qui negavit, *ex incerta pecunia votere³ debere, si ea pecunia non posset in*

XXXIII, 11, n. 3 (ubi vid. Gron.), jam tumentes; nisi cum Ern. leg. *ira tumentes*. Sic passim *tumere, tumescere, turgere, turgescere, tumidus, turgidus, tumor* de ira, et *inflati* XXIV, 32, ubi vid. not. 2. Conf. ad Sil. II, 626; ad Juvenal. I, 45, et intpp. Hor. Sat. I, 1, 21.

Cap. IX. 1. *Defendere liceat* per alia bella; Periz. si possit, si nihil impediatur; Duk. coll. Cic. Offic. I, 26;

II, 19. Sed forte leg. *libeat* cum Mar.

2. *Obsecratione circa omnia pulvinaria facta*; vide ad III, 63, n. 2.

3. *Ex incerta pecunia votere debere* (potius *voveri*, ut mox reponi debere) *si, siquidem, ea pecunia non posset in bellum usui esse: nisi voveantur ludi ex pecunia, ex ærario sumenda, et summa ejus statuta fuerit ac seposita, tota ærarii pecunia huic voti obligationi obnoxia videbitur, et ærari*

bellum usui esse : reponi statim debere, nec cum alia pecuniâ misceri; quod nisi factum esset, votum rite solvi non posse. Quanquam et res, et auctor movebat, tamen ad collegium pontificum referre consul jussus, si posset recte votum incertæ pecuniæ suscipi : posse rectiusque etiam esse, pontifices decreverunt. Vovit in eadem verba consul, præeunte maximo pontifice⁴, quibus antea quinquennalia vota⁵ suscipi solita erant; præterquam quod tanta pecunia, quantam tum, quum solveretur, senatus censuisset, ludos donaque facturum vovit. Toties ante ludi magni de certa pecunia voti erant : ii primi de incerta.

X. Omnium animis in bellum macedonicum versis, repente nihil minus eo tempore timentibus, gallici tumultus fama¹ exorta est. Insubres Cenomanique et Boii, excitis Salyis Ilvatibusque² et cæteris ligustinis populis, Hamilcare pœno duce, qui in iis locis de

usus in bellum nullus erit; Crev. Forte leg. *ex i. p. voveri debere. Si (etsi; vide ad V, 51, n. 1) ea pecunia nunc posset in bellum usui esse, reponi statim debere, etc.* — Codex noster Regius 5738 pro *si ea pec.* etc. ita variat : *se a pecun. non posse in bel. us. esse, reponique stat. deberet;* quidam silent. Goeller, pag. 365, sic e cod. Bamb. legendum proponit : *ex inc. pec. voveri debere, quia pec....esse, reponique st. deberet nec...misceri : quod si fact., id est, si cum alia pecunia misceretur, etc.* Ed.

4. Præeunte maximo pontifice; vide ad IV, 21, n. 1.

5. Quinquennalia vota; v. XXVII, 33, n. 4. — *Quantam tum, quum solveretur, senatus censuisset, sc.* ad eas res, i. e. ad ludos donaque dandam (cf. XXV, 12, et XXXVI, 2) : nisi leg. *quanta, sc.* pecunia senatus tum,

quum votum solveretur, ludos donaque faciendâ censuisset; Duk. Conf. XXXIV, 44, et XLII, 28. — *Toties ante ludi.* In ood. Bamb. variam lectionem hic Goeller notat memoratu dignam; pro *toties* inest *octiens*; cujus lectionis veritas probari nunc quidem non potest. Nam quinquies tantum in superioribus, quæ supersunt, a Livio magni ludi memorantur, IV, 27; V, 19; VII, 11; XXII, 10; XXVIII, 45. De lectione *octiens* itaque decerni non potest, dubitari tamen. Ed.

CAP. X. 1. Gallici tumultus fama; vid. II, 26, n. 1.

2. Salyis Ilvatibusque : illi ab h. l. alieni sunt (vid. V, 34, n. 7), et hi nominis situsque obscuri, qui tamen memorantur etiam XXXII, 29 et 31. Pro *Salyis* MSS et edd. antt. habent *Selanibus, Selinibus, Silemidus et Senilibus.* Cluver. Ital. Ant. I, 7, 10,

Hasdrubalis exercitu³ substiterat, Placentiam invaserant; et, direpta urbe ac per iram magna ex parte incensa, vix duobus millibus hominum inter incendia ruinasque relictis, trajecto Pado ad Cremonam diripiendam pergunt. Vicinæ urbis audita clades spatium colonis dedit ad claudendas portas, præsidiaque per muros disponenda; ut obsiderentur tamen⁴ prius, quam expugnarentur, nunciosque mitterent ad prætorem romanum. L. Furius Purpureo tum provinciæ præerat: cætero ex senatusconsulto exercitu dimisso, præter quinque millia socium ac latini nominis, cum iis copiis in proxima regione provinciæ circa Ariminum substiterat. Is tum senatui scripsit, quo in tumultu provincia esset: *duarum coloniarum, quæ ingentem illam tempestatem punici belli subterfugissent, alteram captam ac direptam ab hostibus, alteram oppugnari: nec in exercitu suo satis præsidii colonis laborantibus⁵ fore, nisi quinque millia socium quadraginta millibus hostium (tot enim in armis esse) trucidanda objicere velit, et tanta sua clade jam inflatos excidio colonie romanæ augere hostium animos.*

XI. His literis recitatis decreverunt, ut C. Aurelius consul exercitum, cui in Etruriam ad conveniendum diem edixerat¹, Arimini eadem die adesse juberet, et aut ipse, si per commodum reipublicæ posset, ad op-

p. 50 et 78, conj. *Statiellis* (sed vid. XLII, 8) *Veliatibusque* (conf. Plin. VII, 49 seu 50, ibique Hard.); J. Fr. Gronov. *Salyis Celetatibusque*; Jac. Gronov. *Sollinibus* (sen Solliniensibus; de quibus vid. Cluver. Ital. Ant. p. 67, et Holsten. ad Cluver. p. 87) *Iriatibusque*, ita dictis ab Iria opp. apud Ptol., Plin. et alios, hod. *Voghera*.

3. *De Hasdrubalis exercitu ibi cæso*; vid. XXVII, 49.

4. *Ut obsiderentur tamen* (vid. I, 12, n. 1) *prius, q. e. h. e.* ut non ex improviso caperentur, sed obsidione morarentur prius, et nuntios mitterent auxilia petitum; Gron.

5. *Colonis laborantibus*; vid. III, 31, n. 1.

CAP. XI. 1. *In Etruriam ad conveniendum diem edixerat*; vid. XXII, 12, n. 1. — *Per commodum reip.* vid. V, 12, n. 6.

primendum gallicum tumultum² proficisceretur; aut L. Furio prætori scriberet, ut, quum ad eum legiones ex Etruria venissent, missis in vicem earum quinque millibus sociorum, qui interim Etruriæ præsidio essent, proficisceretur ipse ad coloniam liberandam obsidione. Legatos item mittendos in Africam censuerunt, eosdem Carthaginem, eosdem in Numidiam ad Masinissam: Carthaginem, ut nuntiarent, *civem eorum Hamilcarem relictum in Gallia, haud satis scire ex Hasdrubalis prius, an ex Magonis postea exercitu, bellum contra fœdus facere: exercitus Gallorum Ligurumque excivisse ad arma contra populum romanum. Eum, si pax placeret, revocandum illis, et dedendum populo romano esse.* Simul nuntiare jussi, *per fugas sibi non omnes redditos esse, ac magnam partem eorum palam Carthagini observari³ dici: quos comprehendi conquirique debere, ut sibi ex fœdere restituantur.* Hæc ad Carthaginienses mandata. Masinissæ gratulari jussi, *quod non patrium modo recuperasset regnum, sed, parte florentissima Syphacis finium adjecta, etiam auxisset.* Nuntiare præterea jussi⁴, *bellum cum rege Philippo susceptum, quod Carthaginienses auxiliis juvisset, injuriasque inferendo sociis populi romani, flagrante bello Italia, cogisset classes exercitusque in Græciam mitti; et, distinendo copias⁵, causa inprimis fuisset serius in Africam trajiciendi. Petere, ut ad id bellum mitteret auxilia numidarum equitum.* Dona ampla data, quæ

2. *Ad opprimendum gallicum tumultum*; vid. II, 26, n. 1.

3. *Carthagini observari*; vid. supra ad XXIV, 23, n. 2, et XXVIII, 26, n. 1.

4. *Nuntiare præterea jussi*: del.

forte vox postrema; Gronov. — *Flagrante bello Italia*, vulg. *Italiæ*.

5. *Distinendo copias*; vid. supra ad librum III, cap. 23, n. 1. — *Petere*, scilic. jussi: non legendum, ut vulg., *peterent*; Gron.

ferrent regi, vasa aurea argenteaque, toga purpurea et palmata tunica⁶ cum eburneo scipione, et toga prætexta cum curuli sella; jussique polliceri, *si quid ei ad firmandum augendumque regnum opus esse judicasset, enise id populum romanum merito ejus præstaturum*. Verminæ quoque Syphacis filii legati per eos dies senatum adierunt, excusantes errorem adolescentiamque, et culpam omnem in fraudem Carthaginiensium avertentes. *Et Masinissam Romanis ex hoste amicum factum; Verminam quoque annisurum, ne officii in populum romanum aut a Masinissa, aut ab ullo alio vincatur. Petere, ut rex sociusque et amicus ab senatu appellaretur*. Responsum legatis est: *Et patrem ejus Syphacem sine causa ex socio et amico hostem repente populi romani factum; et eum ipsum rudimentum adolescentiæ bello lacessentem Romanos posuisse; itaque pacem illi prius petendam a populo romano esse, quam ut rex sociusque et amicus appelletur. Nominis ejus honorem pro magnis erga se regum meritis dare populum romanum⁷ consuesse. Legatos romanos in Africa fore, quibus mandaturum senatum, ut Verminæ pacis dent leges, liberum arbitrium eis populo romano permittente. Si quid ad eas addi, demi, mutarive vellet, rursus ab senatu ei*

6. *Toga purp., palmata tunica, etc.* conf. XXVII, 4, et XXX, 15, n. 5. Mox leg. *si quid sibi ad firmandum, etc.* Gron. — Nihil mutandum censebat Donjatus, sententiamque suam probavit exemplis, quæ tamen Drak. non satisfaciunt. Walchius quoque Emend. pag. 220, voc. *ei* tueri videtur. Goeller pro *judicasset*, e codice Bambergensi vult *indicasset*, quod ego reperio in nostris codd. Regiis 5732, et 5740. Ed.

7. *Nominis ejus honorem pro magnis... consuesse*; vid. Spanhem. de pr. et usu num. Diss. VIII, p. 476. Dukeri nota est: « Verbum *consuesse* indicat, id dudum ita factitatum. Sed non alia exempla habeo, quam XXX, 15, et forte Polyb. I, 16, de Masinissa et Hierone. Itaque suspicor, Livium magis ex posterioris, quam illius temporis consuetudine hoc senatui tribuere ». — *Liberum arbitrium eis populo rom. permittente*, in multis MSS

postulandum fore. Legati cum iis mandatis in Africam missi C. Terentius Varro, Sp. Lucretius, Cn. Octavius: quinqueremes singulis datæ.

XII. Literæ deinde in senatu recitatæ sunt Q. Minucii prætoris, cui Bruttii provincia erat; *Pecuniam Locris ex Proserpinæ thesauris*¹ *nocte clam sublatam: nec, ad quos pertineat facinus, vestigia ulla exstare.* Indigne passus senatus, non cessari ab sacrilegiis, et ne Pleminium quidem², tam clarum recensque noxæ simul ac pœnæ exemplum, homines deterrere. C. Aurelio consuli negotium datum, ut ad prætorem in Bruttios scriberet: *senatui placere, questionem de expilatis thesauris eodem exemplo haberi, quo M. Pomponius*³ *prætor triennio ante habuisset. Quæ inventa pecunia esset, reponi. Si quo minus inventum foret, expleri: ac piacularia, si videretur, sicut ante pontifices censuissent*⁴, *fieri causa expiandæ violationis ejus templi.* Prodigia etiam sub idem tempus pluribus locis nuntiata acciderunt: in Lucanis cælum arsisse afferebant; Priverni sereno per diem totum rubrum solem fuisse; Lanuvii templo Sospitæ Junonis nocte strepitum ingentem exortum. Jam animalium obscœni fetus⁵ pluribus locis nuntiabantur:

et edd. antt. *ejus*, prob. Ruben. si et *permittenti* legatur, ut sensus sit: si liberum pacis dandæ arbitrium populo rom. Vermina permittat. Id probabile fieri ex cap. 19 extr. et XXVIII, 34, monet Gron.

CAP. XII. 1. *Locris ex Proserpinæ thesauris*; conf. XXIX, 7 et 18.

2. *Ne Pleminium quidem*, etc. cf. XXIX, 7, 21, 22.

3. *Eodem exemplo haberi, quo M. Pomponius*, etc. cf. XXIX, 20 sq. et ad XXIV, 14, n. 3. — *Triennio ante.* Hoc verum esse ait Crev. si non

numerentur extrema; alioquin legendum fore *quinquennio ante.* Ed. — *Mox leg. si quod minus inventum foret*, etc.

4. *Sicut ante pontifices censuissent*; conf. XXIX, 20, 21. — *Causa expiandæ violationis ejus templi*; vid. ad Præf. n. 3, et ad II, 31, n. 2. De *prodigiis* mox memoratis vid. ad I, 31, n. 1.

5. *Jam animalium obscœni fetus*, monastrosi et hinc male ominati, mala portendentes. Conf. Heyn. ad Virgil. Georg. I, 470, et Æn. XII, 876. —

in Sabinis incertus infans natus, masculus an femina esset; alter sexdecim jam annorum item ambiguo sexu inventus; Frusinone agnus cum suillo capite, Sinuessæ porcus cum capite humano natus; in Lucanis in agro publico equuleus cum quinque pedibus: fœda omnia et deformia errantisque in alienos fetus naturæ visa. Ante omnia abominati semimares, jussique, in mare extemplo deportari; sicut proxime, C. Claudio⁶, M. Livio consulibus, deportatus similis prodigii fetus erat: nihilo minus decemviros adire libros⁷ de portento eo jusserunt: decemviri ex libris res divinas easdem, quæ proxime secundum id prodigium factæ⁸ essent, imperarunt. Carmen præterea ab ter novenis virginibus cani⁹ per Urbem jusserunt, donumque Junoni Reginae ferri. Ea uti fierent, C. Aurelius consul ex decemvirorum responso curavit. Carmen, sicut patrum memoria Livius, ita tum condidit P. Licinius Tegula.

XIII. Expiatis omnibus religionibus (nam etiam Locris sacrilegium pervestigatum, a Q. Minucio erat, pecuniaque ex bonis noxiorum in thesauros reposita), quum consules in provincias proficisci vellent; privati frequentes, quibus ex pecunia, quam M. Valerio, M. Claudio consulibus mutuam dederant, tertia pensio debebatur eo anno¹, adierunt senatum; quia consules, quum ad novum bellum, quod magna classe

Incertus infans natus, masculus an femina esset; vid. XXVII, 11, n. 5, et XXX, 35, n. 4.

6. *Sicut proxime, C. Claudio...erat;* vid. XXVII, 37.

7. *Decemviros adire libros;* vide ad III, 10, n. 6.

8. *Secundum id prodigium factæ;* vid. I, 4, n. 1.

9. *Carmen ab ter novenis virginibus cani,* etc. vide ad XXVII, 37, n. 5.

— *Patrum memoria.* Cur Noster de carmine, quod septem annis ante hoc tempus fuerat conditum, ita loquatur, sibi non liquere fatetur Duk. Ed.

CAP. XIII. 1. *Privati, quibus ex pecunia, quam M. Valerio...eo anno;* conf. XXVI, 35, 36, et XXIX, 16. Alteram pensionem non memoravit Livius; unde eam nondum solutam, et nunc demum pro tertia solvi putabat G^l^{ur}. Hinc et *ultima pensio*

magnisque exercitibus gerendum esset, vix ærarium sufficeret, negaverant esse, unde iis in præsentia solveretur. Senatus querentes eo non sustinuit², *Si in punicum bellum pecunia data in macedonicum quoque bellum uti respublica vellet; aliis ex aliis orientibus bellis, quid aliud quam publicatam, pro beneficio, tanquam ob noxam, suam pecuniam fore?* Quum et privati æquum postularent, nec tamen solvendo ære alieno respublica esset³, quod medium inter æquum et utile erat, decreverunt, *Ut, quoniam magna pars eorum agros vulgo venales esse diceret, et sibi met emptis opus esse, agri publici, qui intra quinquagesimum lapidem esset, copia iis fieret. Consules agrum æstimaturos, et in jugera asses vectigales, testandi causa publicum agrum esse, imposituros; ut, si quis, quum solvere posset populus, pecuniam habere, quam agrum, mallet, restitueret agrum populo.* Læti eam conditionem privati acceperunt: Trientius Tabuliusque⁴ is ager, quia pro tertia parte pecuniæ datus erat, appellatus.

XIV. Tum P. Sulpicius, secundum vota¹ in Capitolio nuncupata, paludatus cum lictoribus profectus ab Urbe, Brundisium venit, et, veteribus militibus voluntariis ex africano exercitu in legiones descriptis,

memorari demum videtur l. XXXIII, cap. 42.

2. *Senatus querentes eo non sustinuit*; vide ad II, 44, n. 6. — *Publicatam suam pecuniam fore*; vide ad III, 31, n. 2.

3. *Solvendo ære alieno resp. esset*; vide ad II, 9, n. 5. — Rectam loquendi normam et consuetudinem postulare æri, monet Crev. sic legit ad lib. IX, D. de Pollicitat. quem sequitur Voss. de Construct. cap. 12;

et sic citat Sanctius, Min. IV, 4, voce *æs alienum*. Sed *ære* defendit Pintianus Parerg. I, 15, notante Drakenborchio. Ed.

4. *Trientius Tabuliusque*: forte leg. *trientius tabulius* vel *trientabulus*; h. e. datus pro trientibus tabulis aut triente tertio tabularum, i. e. pro tertia parte ejus, quod tabulis publicis debebatur; Gron. ad h. l. et Obs. IV, 23.

CAP. XIV. 1. *Secundum vota*, etc. vide ad I, 4, n. 1. — *Cum vig. long.*

navibusque ex classe consulis Cornelii lectis, altera die, quam a Brundisio solvit, in Macedoniam trajecit. Ibi ei præsto fuere Atheniensium legati, orantes, ut se obsidione eximeret. Missus extemplo Athenas est C. Claudius Centho cum viginti longis navibus et militum copiis; neque enim ipse rex Athenas obsidebat. Eo maxime tempore Abydum² oppugnabat, jam cum Rhodiis et Attalo navalibus certaminibus, neutro feliciter prælio, vires expertus. Sed animos ei faciebat, præter ferociam insitam, foedus ictum cum Antiocho³ Syriae rege, divisæque jam cum eo Ægypti opes; cui, morte audita Ptolemæi regis, ambo imminabant. Contraxerant autem sibi cum Philippo bellum Athenienses haudquaquam digna causa; dum ex vetere fortuna nihil præter animos servant. Acarnanes duo juvenes per Initiorum dies⁴, non initiati, templum Cereris, imprudentes religionis, cum cætera turba ingressi sunt. Facile eos sermo prodidit, absurde quædam percunctantes; deductique ad antistites templi, quum palam esset, per errorem ingressos, tanquam ob infandum scelus, interfecti sunt. Id

nav. et militum copiis. Hic vocem excidisse, et *exiguus vel parvis militum copiis* legendum putat Crev. Idque suaderi ab seqq. *neque enim ipse, etc.* quibus ratio contineatur, cur necesse non fuerit valida auxilia Athenas mittere. At Goeller invenit in cod. Bamb. *et 60 militum*, omisso *copiis*, quod et omittitur in nostro Regio 5732; itaque legi possit *et mille militum.* Ed.

2. *Eo maxime tempore Abydum oppugnabat Philippus* (vid. ad c. 17, n. 1), *jam cum Rhodiis et Attalo navalibus certaminibus*, ad Chium et ad Ladea ins., *neutro feliciter prælio, vires expertus*; vide ad XXXII, 33,

n. 5, et Polyb. XVI, 14, ubi conf. Schweigh.

3. *Foedus ictum cum Antiocho S. r. divisæque...imminabant*; vide ad cap. 2, n. 2, et ad III, 51, n. 3.

4. *Per Initiorum dies*; vide ad II, 18, n. 1. *Initia mysteria* (Cereris), quoniam principia vitæ melioris fuere. Majora mysteria mense Boedromione, in autumno, agebantur. Cf. Wagner. ad Cic. Leg. II, 14, 35; Casaub. Exerc. adv. Baron. XVI, 43; Meurs. Eleus. cap. 7; Scaliger. de Emend. Temp. I, p. 29, et V, p. 318. — *Imprudentes religionis*; vide supra ad IV, 39, n. 4.

tam foede atque hostiliter factum gens Acarnanum ad Philippum detulit; impetravitque ab eo, ut, datis Macedonum auxiliis, bellum se inferre Atheniensibus pateretur. Hic exercitus, primo terram Atticam ferro ignique depopulatus, cum omnis generis præda in Acarnaniam rediit; et irritatio animorum ea prima fuit: postea justum bellum decretis civitatis ultro indicendo factum. Attalus enim rex Rhodique, persecuti cedentem in Macedoniam Philippum, quum Æginam venissent; rex Piræeum⁵, renovandæ firmandæque cum Atheniensibus societatis causa, trajecit. Civitas omnis obviam effusa cum conjugibus ac liberis, sacerdotes cum insignibus⁶ suis intrantem urbem, ac dii prope ipsi exciti sedibus suis, exceperunt.

XV. In concionem extemplo populus vocatus, ut rex, quæ vellet, coram ageret: deinde ex dignitate magis visum, scribere eum, de quibus videretur, quam præsentem aut referendis suis in civitatem beneficiis erubescere, aut significationibus acclamationibusque multitudinis¹, assentatione immodica pudorem onerantis. In literis autem, quæ missæ in concionem recitatæque sunt, commemoratio erat beneficiorum primum in civitatem sociam; deinde rerum, quas adversus Philippum gessisset; ad postremum adhortatio; *Capessendum bellum, dum se, dum Rhodios, tum quidem, dum etiam Romanos haberent*²; ne-

5. Rex Piræeum... trajecit; vide ad Nep. Them. 6.

6. Sacerdotes cum insignibus, etc. conf. Polyb. XVI, 25, 5-7. — Dii prope ipsi exciti sedibus suis, πάντα μὲν τοὺς ναοὺς ἀνέωξαν, ἐπὶ δὲ πᾶσι θύματα τοῖς βομοῖς παραστήσαντες ἤξιωσαν αὐτὸν θύσαι, Polyb.

CAF. XV. 1. Significationibus ac-

clamationibusque multitudinis, ut ἐπισημασία εὐνοικὴ καὶ προσηταικὴ et simpl. ἐπισημασία favoris honorisque significatio, benevolentiae testimonium apud Polyb. VI, 6, 8, et XXX, 1, 1. Conf. inf. ad XXXV, 43, n. 6; Schweigh. ad Polyb. XXVI, 2, 6; Victor. ad Cic. ad Attic. I, 16.

2. Dum etiam Romanos haberent,

quidquam postea, si tum cessassent, prætermissam occasionem quæsitueros. Rhodii deinde legati auditi sunt; quorum recens erat beneficium, quod naves longas quatuor Atheniensium, captas nuper a Macedonibus recuperatasque, remiserant: itaque ingenti consensu bellum adversus Philippum decretum. Honores regi primum Attalo immodici, deinde et Rhodiis habiti: tum primum mentio illata de tribu, quam Attalida appellarent³, ad decem veteres tribus addenda: et Rhodiorum populus corona aurea virtutis gratia donatus, civitasque Rhodiis data, quemadmodum Rhodii prius Atheniensibus dederant. Secundum hæc rex Attalus Æginam ad classem se recipit. Rhodii Ciam⁴ ab Ægina, inde per insulas Rhodum navigarunt; omnibus, præter Andrum Parumque et Cythnum, quæ præsidiis Macedonum tenebantur, in societatem acceptis. Attalum Æginæ missi⁵ in Ætoliā nuntii expectatique inde legati aliquamdiu nihil agentem tenuere⁶; et neque illos excire ad arma potuit, gaudentes utcumque composita cum Philippo pace; et ipse Rhodique, si institissent tunc Philippo, egre-

sc. socios. — *Prætermissam occasionem quæsitueros*; vide ad lib. I, cap. 11, n. 1; lib. IX, cap. 19, n. 5; lib. XXV, cap. 38, n. 8.

3. *De tribu, quam Attalida appellarent Athenienses, ad decem veteres tribus addenda*; conf. Polyb. XVI, 25, 9; Pausan. I, 5, 5; I, 8 pr. Steph. Byz. in Ἀτταλίδας et Βερσινυίδας. — *Secundum hæc*; vid. supra ad librum I, cap. 4, n. 1.

4. *Rhodii Ciam* insulam, Simonidis patriam, quæ ab Ægina Rhodum navigantibus non longe a Sunio prom. prima Cycladum occurrit, et vulgo Κίως, Ceos, Ptolem. Κία, aliis Cea

et Κίος, hod. Cia vel Zea dicitur; vid. Intpp. Plin. IV, 12, seu 20 extr. Strab. X, pag. 486, et Schweigh. ad Polyb. XVI, 26, 10, et XVI, 41, 7. MSS h. l. Coiam (forsan han̄ absurde), coram, etiam, etc., nullus Ceam aut Ciam. — *Per insulas Cycladas.*

5. *Attalum Æginæ missi, etc.* conf. Polyb. XVI, 28.

6. *Nihil agentem tenere*; conf. ad II, 63, n. 3. Mox Duk. conj. *sed neque illos excire... et ipse Rhodique* quum (ita quinque MSS, inter quos cod. Bamberg. Eo.), *si institissent tunc Philippo, etc.*

gium liberatæ per se Græciæ titulum⁷ habere potuis-
sent. Patiendo rursus eum in Hellespontum trajicere,
occupantemque Græciæ opportuna loca⁸ vires colli-
gere, bellum aluere; gloriamque ejus gesti perfectique
Romanis concesserunt.

XVI. Philippus magis regio animo est usus¹; qui,
quum Attalum Rhodiosque hostes non sustinisset,
ne romano quidem, quod imminabat, bello territus,
Philocle quodam ex præfectis suis cum duobus milli-
bus peditum, equitibus ducentis ad populandos Athe-
niensium agros misso, classe tradita Heraclidi², ut
Maroneam peteret, ipse terra eodem cum expeditis
duobus millibus peditum, equitibus ducentis pergit:
et Maroneam quidem primo impetu expugnavit; Ænum
inde cum magno labore, postremo proditione Gany-
medis præfecti Ptolemæi, cepit; deinceps alia castella,
Cypsela et Doriscon et Serrheum³, occupat: inde
progressus ad Chersonesum, Elaunta et Alopeconne-
sum, tradentibus ipsis, recepit. Callipolis quoque et
Madytos dedita, et castella quædam ignobilia. Aby-
deni, ne legatis quidem admissis, regi portas clause-

7. *Egregium liberatæ per se Græciæ titulum*, laudem, gloriam. Conf. ad XXXIV, 32, n. 4; XLII, 52, n. 8; XLV, 11.

8. *Græciæ opportuna loca*; vide ad I, 54, n. 4. Pro *Græciæ* leg. *Thraciæ*, cujus sunt loca, quæ mox enarrantur; Gron. — *Vulgatam lect. defendit Doujat. et Græciæ loca* intelligit possessas antea a Philippo Græciæ urbes, et per cessationem Attali et Rhodiorum retentas: *occupandi* enim verbum non minus *detinere* significat, quam *invadere*. Gronovii tamen conjectura Crev. et Drak. sicut et mihi verior videtur. En.

CAP. XVI. I. *Philippus magis regio*

animo est usus; conf. Polyb. XVI, 28, 3. — *Philocle quodam*, etc. conf. Ind. et Polyb. XVI, 24; XXIII, 14; XXIV, 1, 3. Mox memorantur multa Thraciæ oppida, tam maritima, ut *Maronea* et *Ænus*, tum mediterranea.

2. *Classe tradita Heraclidi*; conf. c. 33, et ad XXXII, 5, n. 5.

3. *Serrheum*. Duo e nostris codd. *Sentheum*; quod in MSS varie corrumpitur. Cæterum Plinius lib. IV, cap. 11, *Serreum* montem ponit prope Doriscum; idem ait lib. cit. cap. 12, *Alopeconnesum* esse insulam haud protal a Cælo, Chersonesi porta. En. — *Tradentibus ipsis*; vid. supra ad lib. III, cap. 47, n. 1.

runt : ea oppugnatio diu Philippum tenuit ; eripique ex obsidione, ni cessatum ab Attalo et Rhodiis foret, potuerunt. Attalus trecentos tantum milites in præsidium, Rhodii quadriremem unam ex classe, quum ad Tenedum staret, miserunt. Eodem postea, quum jam vix sustinerent obsidionem, et ipse Attalus quum trajecisset, spem tantum auxilii ex propinquo ostendit, neque terra, neque mari adjutis sociis.

XVII. Abydeni primo, tormentis¹ per muros dispositis, non terra modo adeuntes aditu arcebant, sed navium quoque stationem infestam hosti faciebant. Postea, quum et muri pars strata ruinis, et ad interiorum raptim oppositum murum cuniculis jam perventum esset, legatos ad regem de conditionibus tradendæ urbis miserunt². Paciscebantur autem, ut Rhodiam quadriremem cum socijs navalibus, Attalique præsidium emitti liceret, atque ipsis urbe excedere cum singulis vestimentis. Quibus quum Philippus nihil pacati, nisi omnia permittentibus, respondisset³; adeo renuntiata hæc legatio ab indignatione simul ac desperatione iram accendit, ut, ad Saguntinam rabiem versi, matronas omnes in templo Dianæ, pueros ingenuos virginesque, infantes etiam cum suis nutricibus, in gymnasium includi juberent; aurum et argentum in forum deferri, vestem pretiosam in naves Rhodiam Cyzicenamque, quæ in portu erant, congeri; sacerdotes victimasque adduci, et altaria in medio poni. Ibi delecti primum, qui, ubi cæsam aciem

CAP. XVII. 1. *Abydeni primo, tormentis*, etc. cf. de situ et memorabili expugnatione Abydi Polyb. XVI, 29-35. *Abydus* urbs Troadis in Asia Minore ad Hellespontum, objacens *Sesto* in Chersoneso Thraciæ, et a Philippo una cum *Sesto* (vide infra ad

XXXII, 33, n. 8) oppugnata ob portum præcipue ingentem, ut per eum in Asiam ingredi posset.

2. *Legatos ad regem... miserunt*; cf. Polyb. XVI, 30, 7.

3. *Nihil pacati... respondisset*, ut XLIII, 18. — *Ab indignatione simul*

suorum, pro diruto muro pugnantem, vidissent, ex templo conjuges liberosque interficerent; aurum, argentum vestemque, quæ in navibus esset, in mare deicerent; tectis publicis privatisque, quam plurimis locis possent, ignes subjicerent: et, se facinus perpetraturos, præeuntibus execrabile carmen sacerdotibus⁴, jurejurando adacti; tum militaris ætas jurare, neminem vivum, nisi victorem, acie excessurum. Hi, memores deorum, adeo pertinaciter pugnaverunt, ut, quum nox prælium diremptura esset, rex prior, territis rabie eorum, pugna abstiterit. Principes, quibus atrocior pars facinoris delegata erat, quum paucos et confectos vulneribus ac lassitudine superesse prælio cernerent, luce prima sacerdotes cum infulis ad urbem dedendam Philippo mittunt.

XVIII. Ante deditionem ex iis legatis romanis, qui Alexandriam missi erant, M. Æmilius¹ trium consensu minimus natu, audita obsidione Abydenorum, ad Philippum venit. Qui, questus Attalo Rhodiisque arma illata, et quod tum maxime Abydum oppugnaret, quum rex ab Attalo et Rhodiis ultro se bello lacessitum diceret; « Num Abydeni quoque, inquit², ultro « tibi intulerunt arma? » Insueto vera audire ferocior oratio visa est, quam quæ habenda apud regem esset. « Ætas, inquit, et forma et super omnia romanum « nomen te ferociorem facit: ego autem primum ve-

ac desperatione; vid. I, 1, n. 5.

4. *Præeuntibus execrabile carmen sacerdotibus*; vide ad I, 24, n. 9, et IV, 21, n. 1. — *Principes*, Glaucides et Theognetus, quibus atrocior pars facinoris... mittunt; cf. Polyb. XVI, 33. — *Cum infulis*; vid. II, 53, n. 6.

CAP. XVIII. 1. M. Æmilius Lepidus, Alexandriam missus tum aliam

ob causam (vid. cap. 2), tum ut tutelam Ptolemæi Epiphaniis pueri susciperet; vid. Justin. XXX, 3, et Val. Max. VI, 6, 1. Conf. ad hæc et seqq. Polyb. XVI, 34. — *Trium legatorum* (vid. c. 2) *consensu*, h. e. amborum collegarum et suo; Gron. Cf. III, 25, n. 4.

2. *Num Abydeni quoque, inquit*, etc. Polyb. XVI, 34, τὴ δ' Ἀθηναίων; τὴ

« lim, vos foederum memores servare mecum pacem.
« Si bello lacesseritis, mihi quoque in animo est fa-
« cere, ut regnum Macedonum nomenque, haud mi-
« nus quam romanum, nobile bello sentiatis. » Ita
dimisso legato, Philippus, auro argentoque, quæ co-
acervata erant, accepto, hominum prædam omnem
amisit : tanta enim rabies multitudinem invasit, ut
repente proditos rati³, qui pugnantes mortem oc-
cubuissent, perjuriumque aliis alii exprobrantes, et
sacerdotibus maxime, qui, quos ad mortem devovis-
sent, eorum deditionem vivorum hosti fecissent, re-
pente omnes ad cædem conjugum liberorumque dis-
currerent, seque ipsi per omnes vias leti⁴ interficerent.
Obstupefactus eo furore rex suppressit impetum mi-
litum, et, *triduum se ad moriendum Abydenis dare*,
dixit. Quo spatio plura facinora in se victi ediderunt,
quam infesti edidissent victores; nec, nisi quem vin-
cula aut alia necessitas mori prohibuit, quisquam vi-
vus in potestatem venit. Philippus, imposito Abydi
præsidio⁵, in regnum rediit. Quum, velut Sagunti ex-
cidium Hannibali, sic Philippo Abydenorum clades

δὲ Κιανοί; τί δὲ νῦν Ἄβυδῆνοι; καὶ
τούτων τις, ἔφη, σοὶ πρότερος ἐπέ-
βαλε τὰς χεῖρας.

3. *Repente proditos rati*; vide ad
II, 43, n. 5. — Iteratum *repente* fri-
gere ait Walchius, Emend. pag. 20;
quem vero impugnat Büttner, Obs.
p. 82 sq. nam repetitio voculæ tot in-
terjectis verbis facta nihilo majorem,
illo iudice, offensionem habet, quam
quæ aliis locis exhibentur redundan-
tiæ; sic iteratur *potius* ad XXXII,
21, al. Ed. — *Proditos*. Walchius loco
citato interrogat, cur *proditos* dicat
Livius, quos, voluntarium letum op-
petentes, prodiderat nemo. Itaque,

quum hic haud dubie translatio sta-
tuenda sit, requiri *quasi*, aut *veluti*.
Büttner autem loco cit. hunc quoque
locum defendit, particulamque non
intrudendam esse contendit, suppleri
tamen posse. — Immo, inquit, ne sup-
pleta quidem opus videtur: Abydeno-
rum multitudo suos proditos vocabat
ideo quod mors eorum, quamvis vo-
luntaria, gratuita erat principum frau-
de, qui contra fidem atque iusjuran-
dam urbis deditionem Philippo fe-
cerant. Ed.

4. *Per omnes vias leti*; vide ad IV,
48, n. 2.

5. *Imposito Abydi præsidio*, sic ut

ad romanum bellum animos fecisset, nuntii occurrerunt, consulem jam in Epiro esse, et Apolloniam terrestres copias, navales Corcyram in hiberna deduxisse.

XIX. Inter hæc legatis, qui in Africam missi erant de Hamilcare gallici exercitus duce, responsum a Carthaginiensibus est, nihil ultra se facere posse, quam ut exsilio eum mulctarent, bonaque ejus publicarent. Perfugas et fugitivos, quos inquirendo vestigare potuerint, reddidisse; et de ea re missuros legatos Romam, qui senatui satis facerent. Ducenta millia modium tritici¹ Romam, ducenta ad exercitum in Macedoniam miserunt: inde in Numidiam ad regem profecti legati; dona data Masinissæ, mandataque edita; equites mille numidæ (quum duobus millia² daret) accepti. Ipse in naves imponendos curavit, et cum ducentis millibus modium tritici, ducentis hordei, in Macedoniam misit. Tertia legatio ad Verminam erat: is, ad primos fines regni legatis obviam progressus, ut scriberent ipsi, quas vellent, pacis conditiones, permisit. Omnem pacem bonam justamque fore sibi cum populo romano: datæ leges pacis, jussusque ad eam confirmandam mittere legatos Romam.

XX. Per idem tempus L. Cornelius Lentulus pro consule ex Hispania rediit. Qui quum in senatu res ab se per multos annos fortiter feliciterque gestas exposuisset, postulassetque, ut triumphanti sibi inveni-

XXXVI, 12, n. 4; nisi ex quatuor MSS reponendum sit *Abydenis*; Jac. Gron. — *Nuntii occurrerunt... esse*; vid. tamen ad librum VIII, cap. 19, not. 10.

CAP. XIX. 1. *Ducenta millia mod. trit.* Creverius ait esse modios nostrates parisienses paulo plus 154166,

sive quos vocamus *setiers* 12847. Ed. — *In Numidiam ad regem, Masinissam.* Ita omnes MSS et edd. ante Froben. quæ *ad reges* (Masinissam et Verminam) substituit. Sed *ad Verminam tertia legatio* fuit.

2. *Quum duo millia daret*; vide ad III, 21, n. 3.

liceret in Urbem; *res triumpho dignas esse censebat senatus, sed exemplum a majoribus non accepisse, ut, qui neque dictator¹, neque consul, neque prætor res gessisset, triumpharet. Pro consule illum Hispaniam provinciam, non consulem, aut prætorem, obtinuisse.* Decurrebatur tamen eo, ut ovans Urbem iniret, intercedente Ti. Sempronio Longo tribuno plebis, qui nihilo magis id more majorum, aut ullo exemplo futurum diceret. Postremo victus consensu Patrum tribunus cessit, et ex senatusconsulto L. Lentulus ovans Urbem est ingressus. Argenti tulit² ex præda quadraginta quatuor millia pondo; auri duo millia quadringenta quinquaginta: militibus ex præda centum viginti asses divisit.

XXI. Jam exercitus consularis¹ ab Arretio Ariminum traductus erat, et quinque millia socium latini nominis ex Gallia in Etruriam transierant: itaque L. Furius, magnis itineribus ab Arimino adversus Gallos, Cremonam tum obsidentes, profectus, castra mille quingentorum passuum intervallo ab hoste posuit. Occasio egregie rei gerendæ fuit², si protenus de via ad castra oppugnanda duxisset: palati passim vagabantur per agros, nullo satis firmo relicto præsidio: lassitudini militum timuit, quod raptim ductum agmen erat. Galli, clamore suorum ex agris revocati, ommissa præda, quæ in manibus erat, castra repetivere, et postero die in aciem progressi; nec Ro-

CAP. XX. 1. *Ut, qui neque dictator, etc.* vide ad XXVI, 21, n. 1, et XXVIII, 33, n. 4.

2. *Argenti tulit ex præda, etc.* scil. in ærarium. — *Quadraginta quatuor mil.* Selibras nostrates pondo 68750. ED. — *Duo millia quadring. quinquag.* Selibras nostrates pondo 3750. ED. —

Centum viginti asses. Denarios septem cum semisse, qui non totam explent argenti unciam. ED.

CAP. XXI. 1. *Jam exercitus consularis, etc.* conf. cap. 10 pr. et 11 pr.

2. *Occasio egregie rei gerendæ fuit, si... duxisset;* vide ad I, 23, n. 4, et XXVIII, 33, n. 2.

manus moram pugnandi fecit : sed vix spatium instruendi fuit ; eo cursu hostes in prælium venerunt. Dextra ala (in alas divisum socialem exercitum habebat³) in prima acie locata est ; in subsidiis duæ romanæ legiones. M. Furius dextræ alæ, legionibus M. Cæcilius, equitibus L. Valerius Flaccus (legati omnes erant) præpositi : prætor secum duos legatos, Cn. Lætorium et P. Titinium, habebat ; cum quibus circumspicere et obire ad omnes hostium subitōs conatus⁴ posset. Primo Galli, omni multitudine in unum locum connisi, obruere atque obterere sese dextram alam, quæ prima erat, sperarunt posse. Ubi id parum procedebat, circumire a cornibus, et amplecti hostium aciem (quod in multitudine adversus paucos facile videbatur) conati sunt. Id ubi vidit prætor, ut et ipse dilataret aciem, duas legiones ex subsidiis dextra lævaque alæ, quæ in prima acie pugnabat, circumdat, ædemque deo Jovi vovit⁵, si eo die hostes fudisset. L. Valerio imperat, ut parte duarum legionum equites,

3. *Dextra ala in prima acie : in alas divisum socialem exercitum habebat*, scilicet Furius ; nisi potius cum Lips. de Mil. Rom. II, 7, leg. *habebant*, ut studiose notet Livius morem, qui non suo ævo et diu ante, sed tunc obtinuerit, nec omnibus forsitan fuerit notus. Nota Dukeri est : « Cur vero Livius, qui sæpe antea alas sociorum memoravit, demum h. l. tam studiose id, quod Lipsius putat, notare voluit ? et cur h. l. tantum *una ala sociorum* in prima acie, et *duæ legiones* in subsidiis locatæ dicuntur ? Hoc tum ideo factum credit Schel. ad Polyb. c. 12, quod Galli eo cursu in prælium venerint, ut Romanis vix spatium fuerit cæteras copias instruendi. Mihi verosimilius videtur, sinistram sociorum

alam non fuisse in exercitu prætoris, sed consulem in Etruria eam subsistere voluisse, et quidem senatusconsulto jussum ; conf. ad cap. 11. Neo obijci potest, si tantum una ala in exercitu prætoris fuisset, non posse eam appellari *dextram* ; sed potius ex hoc etiam loco probabile fit, *dextram* et *sinistram alam* non a loco appellatas fuisse, quem in acie tenuerint ». Cf. ad lib. XXV, cap. 21, n. 4, et XXXVII, 14, n. 2.

4. *Obire ad omnes h. sub. conatus* ; vide ad X, 25, n. 9.

5. *Ædemque deo Jovi vovit* : Sigon. conj. *ædesque duas Jovi vovit*, coll. XXXIV, 53 extr. et XXXV, 41. Cf. infra ad librum XXXIV, cap. 53, not. 5.

altera⁶ sociorum equitatum in cornua hostium emit-
tat, nec circumire eos aciem patiat. Simul et ipse,
et extenuatam mediam deductis cornibus aciem Gal-
lorum vidit, signa inferre confertos milites, et per-
rumpere ordines jubet. Et cornua ab equitibus, et
medii a pedite pulsi; ac repente, quum omni parte
cæde ingenti sternerentur, Galli terga vertunt, fuga-
que effusa repetunt castra. Fugientes persequutus
eques, mox et legiones insequutæ in castra impetum
fecerunt: minus sex millia hominum inde effugerunt;
cæsa aut capta supra quinque et triginta millia cum
signis militaribus septuaginta, carpentis gallicis, multa
præda oneratis, plus ducentis. Hamilcar dux pœnus
eo prælio cecidit⁷, et tres imperatores nobiles Gallo-
rum. Placentini captivi ad duo millia liberorum capi-
tum redditi colonis.

XXII. Magna victoria lætaque Romæ fuit: literis
allatis, supplicatio in triduum decreta est. Romano-
rum sociorumque ad duo millia eo prælio ceciderunt;
plurimi dextræ alæ, in quam primo impetu vis ingens
hostium illata¹ est. Quanquam per prætorem prope
debellatum erat, consul quoque C. Aurelius, perfe-
ctis, quæ Romæ agenda fuerant, profectus in Gal-
liam, victorem exercitum a prætorē accepit. Consul

6. *Ut parte duarum legionum equi-
tes, altera, etc.* vide ad III, 37, n. 6.
— Edebatur olim *parte altera dua-
rum*, quod vix unus. et alter cod.
tuentur, nostri vero ignorant: hanc
tamen priorem lectionem Crev. de-
fendere conatus est adversus Grono-
vium, qui primus *altera* post voc.
parte ejecit. Ed. — *Circumire eos
aciem*, ut IX, 27; XXXVI, 16;
XXXVII, 29, 42.

7. *Hamilcar dux pœnus eo prælio*

cecidit, quem triennio post allo-
ptum prælio, et in triumpho ductum
fuisse, alii auctores sunt; vide ad
librum XXXII, cap. 30, et lib.
XXXIII, cap. 23.

CAP. XXII. 1. *In quam primo im-
petu vis ingens hostium illata est: vox
ingens* exsulat a MS Thuan. et Lov. 2,
prob. Jac. Gron. et Duk. quia Livius
ante dixit, *hostes in unum hunc locum
omni multitudine commisos* fuisse. Cf.
Duk. ad Flor. IV, 2, 72.

alter, quum autumnno ferme exacto in provinciam venisset, circa Apolloniam hibernabat. Ab classe, quæ Corcyræ subducta² erat, C. Claudius triremes-que romanæ (sicut ante dictum est³), Athenas missæ, quum Piræeum pervenissent, despondentibus jam animos sociis spem ingentem attulerant; nam et terrestres ab Corintho, quæ per Megaram incursiones in agros fieri solitæ erant, non fiebant; et prædonum a Chalcide naves, quæ non mare solum infestum, sed etiam omnes maritimos agros Atheniensibus fecerant, non modo Sunium superare⁴, sed nec extra fretum Euripi committere aperto mari se audebant. Supervererunt his tres Rhodiæ quadriremes, et erant Atticæ tres apertæ naves⁵, ad tuendos maritimos agros comparatæ: hac classe si urbs agrique Atheniensium defenderentur, satis in præsentia existimanti Claudio esse, majoris etiam rei fortuna oblata est.

XXIII. Exsules ab Chalcide, regionum injuriis pulsii, attulerunt, occupari Chalcidem sine certamine ullo posse; nam et Macedonas, quia nullus in propinquo sit hostium metus, vagari passim, et oppidanos, præsidio Macedonum fretos, custodiam urbis negligere. His auctoribus profectus, quanquam Sunium ita mature pervenerat, ut inde provehi ad primas angustias

2. *Corcyræ subducta classis*; vide ad VIII, 26, n. 1.

3. *Sicut ante dictum est cap. 14.* — *Per Megaram*; vide ad XXIV, 30, n. 6.

4. *Non modo non Sunium superare* (vide ad I, 40, n. 1, et II, 50, n. 4), *sed nec*, etiam non, vel ne quidem, ut *neque* XXXIII, 5, n. 6; nisi malis dicere post *sed* supplendum esse etiam (vide ad I, 40, n. 1), et *nec* positum pro simpl. *non*, ut passim *nec* et *ne-*

que; v. c. I, 23; II, 22; III, 22, al. Cf. ad Tac. Ann. I, 32, n. 7. In multis MSS et edd. ante Ascens. *ne*, h. e. ne quidem; vide ad lib. XXXIII, 49, n. 1. — *Extra fretum Euripi*; vide tamen ad librum XXVIII, cap. 6, not. 3.

5. *Atticæ tres apertæ naves*; vide ad XXII, 19, n. 4. — *Naves apertæ* opponuntur constratis, et eas sunt quæ nulla habent tabulata, *bâtiments qui ne sont pas pontés*. Éd.

Eubœæ posset; ne superato promontorio¹ conspiceretur, classem in statione usque ad noctem tenuit. Primis tenebris² movit; et tranquillo pervectus Chalcidem, paulo ante lucem, qua infrequentissima urbis sunt, paucis militibus turrim proximam murumque circa scalis cepit, alibi sopitis custodibus, alibi nullo custodiente. Progressi inde ad frequentia ædificiis loca, custodibus interfectis, refractaque porta, cæteram multitudinem armatorum acceperunt³; inde in totam urbem discursum est, aucto etiam tumultu, quod circa forum ignis tectis injectus erat. Conflagrarunt et horrea regia, et armamentarium cum ingenti apparatu machinarum tormentorumque: cædes inde passim fugientium pariter ac repugnantium fieri cœpta est; nec ullo jam, qui militaris ætatis esset, non aut cæso, aut fugato, Sopatro etiam Acarnane præfecto præsidii interfecto, præda omnis primo in forum collata, deinde in naves imposita. Carcer etiam ab Rhodiis refractus, emissique captivi, quos Philippus tanquam in tutissimam custodiam condiderat. Statuis inde regis dejectis⁴ truncatisque, signo receptui dato, conscenderunt naves, et Piræeum, unde profecti erant, redierunt. Quod si tantum militum romanorum fuisset, ut et Chalcis teneri, et non deseri præsidium Athenarum potuisset; magna res principio statim belli, Chalcis et Euripus⁵ adempta regi forent; nam ut terra

CAP. XXIII. 1. *Superato promontorio*; vide ad II, 50, n. 4.

2. *Primis tenebris movit*; vide ad II, 3, n. 2. — *Tranquillo pervectus*; vide ad XXIV, 8, n. 6. — *Qua infrequentissima urbis sunt*; vide ad III, 70, n. 2, et X, 11, n. 3. — *Paucis m.* vide ad I, 14, n. 4.

3. *Multitudinem armatorum acceperunt, ceperunt.* — Voss. et Lov. 1

ac 6, *ceperunt*, quo sensu locum intellexisse cl. *Ruperti* videtur: male, ut opinor. Ego locum ita capio: acceperunt suos, et introduxerunt in urbem. Ed.

4. *Statuis regis dejectis*; conf. ad XXXIX, 7, n. 4, et ad Juvenal. X, 58. Paulo ante *quos eo Philippus*, etc. conj. Gron.

5. *Chalcis et Euripus*; vide ad

Thermopylarum angustiae Græciam, ita mari fretum Euripi claudit.

XXIV. Demetriade tum Philippus erat : quod quum esset nuntiata clades sociæ urbis, quanquam serum auxilium perditis erat, tamen, quæ proxima auxilio est, ultionem petens, cum expeditis quinque millibus peditum et trecentis equitibus extemplo profectus, cursu prope Chalcidem contendit, haudquaquam dubius opprimi Romanos posse. A qua destitutus spe, nec quidquam aliud, quam ad^r deforme spectaculum semirutæ ac fumantis sociæ urbis quum venisset, paucis vix, qui sepelirent bello absumptos, relictis, æque raptim ac venerat, transgressus ponte Euripum², per Bœotiam Athenas ducit, pari incepto haud disparem eventum ratus responsurum. Et respondisset, ni speculator (hemerodromos vocant Græci, ingens die uno cursu emetientes spatium³), contemplatus regium agmen e specula quadam, prægressus nocte media Athenas pervenisset. Idem ibi somnus eademque negligentia erat, quæ Chalcidem dies ante paucos⁴ prodiderat. Excitati nuntio trepido et prætor Atheniensium⁵ et Dioxippus præfectus cohortis mercede militantium auxiliorum, convocatis in forum militibus, tuba signum ex arce dari jubent, ut hostes adesse omnes

XXVIII, 5, n. 8, et XXVIII, 6, n. 3.

CAP. XXIV. 1. *Nec quidquam aliud, quam ad*, etc. vide ad II, 8, n. 9.

2. *Transgressus ponte Euripum*; vide ad XXVIII, 6, n. 3.

3. *Speculator : hemerodromos vocant Græci, ingens die uno cursu emetientes spatium*; proprie speculatores Græcis ἡμεροσκόποι et ἡμεροφύλακες dicebantur: sed iidem solebant esse ἡμεροδρόμοι et δραμοκέρυκες (*Eilbo-*

ten), ut quam celerrime scitu necessaria, quæ signis indicari non possent, suis nuntiarent. Conf. Duker. ad h. l. Stephani Schediasm. VI, p. 280 (ubi græca legitur ἡμεροδρόμων descriptio); Herodot. VII, 192; Æneæ Poliore. c. 6, ibique Casaub. Turneb. Advers. XXVII, 7.

4. *Quæ Chalcidem ... prodiderat*; vide II, 43, n. 5.

5. *Prætor Atheniensium* forte non archon, quod Duk. suspicabatur, sed

scirent : ita undique ad portas, ad muros discurrunt. Paucas post horas Philippus, aliquanto tamen ante lucem, appropinquans urbi, conspectis luminibus crebris, et fremitu hominum trepidantium (ut in tali tumultu) exaudito, sustinuit signa⁶; et considerare ac conquiescere agmen jussit, vi aperta propalam usurus, quando parum dolus profuerat. Ab Dipylo accessit : porta ea, velut in ore urbis posita, major aliquanto patentiorque, quam cæteræ, est ; et intra eam extraque latæ sunt viæ, ut et oppidani dirigere aciem a foro ad portam possent, et extra limes mille ferme passus⁷, in Academiæ gymnasium ferens, pediti equitique hostium liberum spatium præberet. Eo limite Athenienses cum Attali præsidio et cohorte Dioxippi, acie intra portam instructa, signa extulerunt. Quod ubi Philippus vidit, habere se hostes in potestate ratus, et diu optata cæde (neque enim ulli græcarum civitatum infestior erat) expleturum⁸, cohortatus milites, *ut, se intuentes, pugnarent, scirentque ibi signa, ibi aciem esse debere, ubi rex esset*, concitat in hostes equum, non ira tantum, sed etiam gloria elatus ; quod, ingenti turba completis etiam ad spectaculum muris, conspici se pugnantem egregium ducebat. Aliquantum ante aciem cum equitibus paucis evectus in

στρατηγός. Conf. supra ad librum VI, cap. 42, n. 7.

6. Sustinuit signa ; vide ad II, 44, n. 6. — Ab Dipylo accessit, scilic. ad urbem, porta ea, etc. vide ad VIII, 17, n. 5, et XXIV, 21, n. 3.

7. Et extra limes (vide ad II, 39, n. 3) mille ferme passus longus (sed potius cum Duk. leg. passuum, quia latitudo, non longitudo limitis significatur), ab Dipylo in Academiæ gymnasium ferens ; vid. Plin. XII, 1

seu 5 ; XXXI, 1 seu 3 ; Potteri Archæol. I, 8, p. 88 sq. vers. Ramb. ; Voyage du jeune Anacharsis, t. II, c. 7, 8 ; Meursius in Ceramico gemino, c. 20 sq. et in Athen. Attic. lib. II, c. 1 sq. Menag. ad Diog. Laert. III, 7.

8. Et diu optata cæde... expleturum se, scil. odium ; vel diu optata, quæ jam diu optasset, se expleturum, confecturum, perfecturum, cæde hostium. — Ubi rex esset. Religioni mihi foret hic non memorare præclaris-

medios hostes, ingentem quum suis ardorem, tum pavorem hostibus, injecit. Plurimos manu sua cominus eminusque vulneratos compulsosque in portam consequutus et ipse, quum majorem in angustiis trepidantium edidisset cædem, in temerario incepto tutum tamen receptum habuit; quia, qui in turribus portæ erant, sustinebant tela, ne in permixtos hostibus suos conjicerent. Intra muros deinde tenentibus milites Atheniensibus, Philippus, signo receptui dato, castra ad Cynosarges (templum Herculis gymnasiumque⁹ et lucus erat circumjectus) posuit; sed Cynosarges et Lyceum, et quidquid sancti amœnive circa urbem erat, incensum est, dirutaque non tecta solum, sed etiam sepulcra¹⁰; nec divini humanive juris quidquam præ impotenti ira est servatum.

XXV. Postero die, quum primo clausæ fuissent portæ, deinde subito apertæ, quia præsidium Attali ab Ægina, Romanique ab Piræeo¹ intraverant urbem, castra ab urbe retulit rex tria ferme millia passuum. Inde Eleusinem profectus, spe improviso templi castelleque, quod et imminet et circumdatum est tem-

simâ hæc verba Henrici IV, digni Gallorum regis, audita ante prælium dictum *d'Ivry*: « Enfants, si vous perdez vos enseignes, cornettes et guidons, ne perdez point de vue mon panache blanc: vous le trouverez toujours au chemin de l'honneur et de la victoire ». Ea sic retulit *Hard. de Pérèfize*, part. II, p. 123, Paris. 1816. Ea nos rescribimus, rati quoque, ubi Rex est, ibi laudem esse, honorem et virtutem. En.

9. *Cynosarges* (templum *Herc. lucus et gymnasium*, a quo dicti *Κύνιστοι*) et *Lyceum* et *Academia*, tria gymnasia Athenarum celeberrima, extra urbis mœnia exstructa; vid. Hesych. et

Suid. v. *Κυνόσαργες* (qui illud ita dictum tradunt, quod Didymus jussu oraculi eo loco *templum Herculi* struxerit, quo canis albus, *κύνων ἀργής*, deposuerit carnes victimæ, a se matatæ), et auctores in not. 7 laudati.

10. *Sed etiam sepulcra*, quæ in Græcia extra urbium mœnia esse solebant. Cf. ad XXV, 9, n. 11; *Vales.*, ad *Ammian. Marcell.* 18, 7; *Potteri Archæol.* gr. 4, 7. — *Præ impotenti ira*; vide ad III, 36, n. 2, et VI, 40, n. 1; et *Horat.* I, od. 16, 17. En.

CAP. XXV. 1. *Ab Ægina, Romanique ab Piræeo*, etc. vide ad VIII, 17, n. 5. — *Inde Eleusinem profectus*,

plo, capiendi, quum haudquaquam neglectas custodias animadvertisset, et classem a Piræeo subsidio venire, omisso incepto, Megaram ac protenus Corinthum ducit²; et quum Argis Achæorum concilium esse audisset, inopinantibus Achæis, concioni ipsi supervenit. Consultabant de bello adversus Nabin tyrannum Lacedæmoniorum; qui, translato imperio Philopœmene ad Cyliadem³, nequaquam parem illi ducem, dilapsa cernens Achæorum auxilia, redintegraverat bellum, agrosque finitimorum vastabat, et jam urbibus quoque erat terribilis. Adversus hunc hostem, quum, quantum ex quaque civitate militum scriberetur, consultarent; Philippus, dempturum se eis curam, quod ad Nabin et Lacedæmonios attineret, pollicitus, nec tantum agros sociorum populationibus prohibitorum⁴, sed terrorem omnem belli in ipsam Laconicam, ducto eo extemplo exercitu, translaturum. Hæc oratio quum ingenti hominum assensu acciperetur: « Ita tamen æquum est, inquit, me vestra

opp. Atticæ Megara versus in maris ora, ad dextram Cephisi ripam, celeberrimum initiis seu mysteriis Eleusinis Cereris, *spe improviso templi Cereris capiendi castelli que, quod et imminet* (vide ad III, 51, n. 3) *et circumdatum est templo*, intra templi murum et *περίβολον* quod castellum, templi propugnaculum, cujus et mentio fit in Scylacis Periplo (Geogr. min. t. I, p. 20), adumbratum v. in ruinis illius templi, a Foucheroto delineatis et expressis in *Allg. Lit. Zeit.* a. 1802, vol. III pr.

2. *Megaram ac protenus Corinthum ducit*; vide ad I, 23, n. 4; XXII, 50, n. 3, et XXIV, 30, n. 6.

3. *Translato imperio a Philopœmene ad Cyliadem* (forte *Cyliadam*,

ut ap. Polyb.); quæ videtur altera Philopœmenis fuisse prætura; conf. XXXII, 19, et Schweigh. ad Polyb. XVI, 36, n. 1; XVII, 1, n. 2; XVIII, 17, n. 4. De prima ejus prætura v. Polyb. II, 10 sq. de tertia, ni fallor, inf. XXXV, 25-29, 36; de quarta XXXVIII, 31 sq. Polyb. XXII, 23; XXIII, 1 sq. XXIV, 5 sq. de quinta inf. XXXVIII, 33 pr. de octava inf. XXXIX, 49, n. 1; de prudentia ejus et virtutibus inf. XXXIV, 25; XXXIX, 50, et Polyb. II, 40, 67 sq. X, 21-25; XXIV, 9, 12; XXV, 9; de natalibus, forma, studiis et rebus gestis Pausan. VIII, 49-52, et Plut. Philop. p. 356-368.

4. *Agros sociorum populationibus prohibitorum*; vide ad XXII, 14, n. 3.

« meis armis tutari, ne mea interim nudentur præsi-
« diis. Itaque, si vobis videtur, tantum parate mili-
« tum, quantum ad Oreum et Chalcidem et Corinthum
« tuenda satis sit, ut, meis ab tergo tutis, securus bel-
« lum Nabidi inferam et Lacedæmoniis ». Non fefellit
Achæos, quo spectasset tam benigna pollicitatio auxi-
liumque oblatum adversus Lacedæmonios; id quæri,
ut obsidem Achæorum juventutem educeret ex Pello-
ponneso, ad illigandam romano bello gentem. Et id
quidem coarguere Cycliades prætor Achæorum nihil
attinere ratus, id modo quum dixisset, non licere le-
gibus Achæorum de aliis rebus referre, quam propter
quas convocati essent; decreto de exercitu parando
adversus Nabin facto, concilium fortiter ac libere ha-
bitum dimisit, inter assentatores regio ante eam diem
habitus. Philippus, magna spe depulsus, voluntariis
paucis militibus conscriptis, Corinthum atque in
aticam terram rediit.

XXVI. Per eos ipsos dies, quibus Philippus in
Achaia fuit, Philocles præfectus regius, ex Eubœa
profectus cum duobus millibus Thracum Macedonum-
que ad depopulandos Atheniensium fines, e regione
Eleusinis saltum Cithæronis¹ transcendit. Inde dimidia
parte militum ad prædandum passim per agros di-
missa, cum parte ipse occultus loco ad insidias oppor-
tuno consedit, ut, si ex castello ab Eleusine in præ-
dantes suos impetus fieret, repente hostes effusos ex
improviso adoriretur. Non fefellere insidiæ; itaque
revocatis, qui discurrerant ad prædandum, militibus,
instructisque, ad oppugnandum castellum Eleusinem
profectus, cum multis inde vulneribus recessit, Phi-

¹ CAP. XXVI. 1. *Saltum Cithæronis.* Nat. IV, 7. Ed. — *Ex castello ab*
Hujus saltus meminit Plinius, Hist. *Eleusine*; vide ad e. 25, n. 1.

lippoque se venienti ex Achaia conjunxit. Tentata et ab ipso rege oppugnatio ejus castelli est; sed naves romanæ, a Piræeo venientes, intromissumque præsidium absistere incepto coegerunt. Diviso deinde exercitu; rex cum parte Philoclem Athenas mittit, cum parte ipse Piræeum pergit; ut, quum Philocles subeundo muros et comminanda oppugnatione² contineret urbe Athenienses, ipsi Piræeum levi cum præsidio relictum expugnandi facultas esset. Cæterum nihilo ei Piræei, quam Eleusinis, facilior, iisdem fere defendentibus, oppugnatio fuit. A Piræeo Athenas repente duxit; inde eruptione subita peditum equitumque inter angustias semiruti muri³, qui brachiis duobus Piræeum Athenis jungit, repulsus, ommissa oppugnatione urbis, diviso cum Philocle rursus exercitu, ad vastandos agros profectus, quum priorem populationem sepulcris circa urbem diruendis exercuisset, ne quid inviolatum relinqueret, templa deum, quæ pagatim sacrata habebant⁴, dirui atque incendi jussit. Exornata eo genere operum eximie terra attica, et copia domestici marmoris, et ingeniis artificum,

2. *Subeundo muros et comminanda oppugnatione*; vide ad XXI, 5, n. 5. — *Nihilo ei Piræei oppidi* (v. intpp. Cic. ad Att. VII, 3), *quam Eleusinis, facilior... oppugnatio fuit*: forte leg. vel *felicior*, vel *expugnatio*: nam oppugnatio sæpe non admodum difficilis est, et Philippus expugnare Piræeum conabatur; Duker.

3. *Semiruti muri*, muri longi (μακρὰ τείχη, seu σκῆλη) a Themistocle et Pericle exstructi æc XL stadia longi, qui tanquam brachiis duobus Piræeum Athenis et tres Athenarum portus a natura factos, Piræeum, Phalereum et Munychium, uno muro conclusos,

inter se jungunt; cf. Nep. Them. 6; Herod. V, 63; VI; 116; VII, 76, 91; Pausan. I, 1; Diodor. XI, 41 sq. XIV, 32; Thucyd. I, 93, 107; II, 13; VIII, 90; Plut. in Cim., Themist. et Pericle; Meurs. Ath. Att. III, 12; Potteri Archæol. I, 8, p. 67 sq. vers. Ramb.; *Voyage du jeune Anarchasis*, t. II, c. 12, et Chandleri Itiner. c. 5.

4. *Templa deum, quæ pagatim sacrata habebant Athenienses* (cf. cap. 30, n. 3), *dirui et incendi jussit*: quod furentis esse hominis dicit Polyb. V, 11, 4. — *Copia*, ob copiam, *domestici marmoris*, Attici, inpr. Hy-mettii; de quo v. Strab. IX, p. 399;

præbuit huic furori materiam; neque enim diruere modo ipsa templa, ac simulacra evertere satis habuit, sed lapides quoque, ne integri cumularent⁵ ruinas, frangi jussit; et, postquam non tam ira satiata, quam iræ exercendæ materia hæc deerat, agro hostium in Bœotiam excessit, nec aliud quidquam dignum memoria in Græcia egit.

XXVII. Consul Sulpicius eo tempore inter Apolloniam ac Dyrrachium ad Apsum flumen¹ habebat castra; quo arcessitum L. Apustium legatum, cum parte copiarum ad depopulandos hostium fines mittit. Apustius, extrema Macedoniæ populatus, Corrago et Gerunio et Orgesso castellis primo impetu captis, ad Antipatriam in faucibus angustis sitam urbem, venit; ac primo evocatos principes ad colloquium, ut fidei Romanorum se committerent, perlicere est conatus; deinde, ubi, magnitudine ac mœnibus situque urbis freti, dicta adspernabantur, vi atque armis adortus, expugnavit, puberibusque interfectis, præda omni militibus concessa, diruit muros, atque urbem incendit. Hic metus Codrionem, satis validum et munitum oppidum, sine certamine ut dederetur Romanis, effecit². Præsidio ibi relicto, Ilion (nomen propter

Plin. XVII, 1; XXXVI, 3, 24; Hor. Od. II, 18, 3.

5. *Sed lapides quoque frangi jussit, ne integri cumularent ruinas, nec templa restitui possent.* Cf. Polyb. XVI, 1, qui Philippum eodem modo in templa Pergami sævisse tradit. Pars historiarum ejus ad hoc cap. et seqq. pertinens deperdita.

CAP. XXVII. 1. *Ad Apsum flumen*, etc. cf. Plut. in Quintio, p. 370. — *Corrago et Gerunio et Orgesso castellis* non aliunde notis; nisi sunt

eadem, quæ Κρεώνιον, Γερρώνια, seu Γερρώνια et Ὀργυσον vel Ὀργυσον appellat Polyb. V, 108, 2 et 8, ubi id suspicatur Schweigh. et ubi *Antipatria* quoque memoratur. Κόβραγον in Æschin. orat. c. Ctesiph. p. 553, ed. Reisk. ducis nomen esse, jam alii monere.

2. *Hic metus Codrionem... sine certamine ut dederetur Romanis, effecit pro: Codrion ut dederetur.* Cf. ad II, 57, n. 3. *Condriionem* quidam MSS. Χρυσονδίωνα vel χρυσονδύωνα apud

LIB. XXXI. CAP. XXVII. XXVIII. 135
alteram in Asia urbem, quam oppidum, notius) vi capitur. Revertentem legatum ad consulem cum satis magna præda Athenagoras quidam regius³ præfectus in transitu fluminis a novissimo agmine adortus, postremos turbavit : ad quorum clamorem et trepidationem quum revector equo propere legatus signa convertisset, conjectisque in medium sarcinis aciem direxisset; non tulere impetum romanorum militum regii; multi ex iis occisi, plures capti. Legatus, incolumi exercitu reducto ad consulem, remittitur inde extemplo ad classem.

XXVIII. Hac satis felici expeditione bello commisso, reguli ac principes accolæ Macedonum in castra romana veniunt, Pleuratus Scerdilædi filius, et Amynander Athamanum rex, et ex Dardanis¹ Bato, Longari filius : bellum suo nomine Longarus cum Demetrio Philippi patre gesserat. Pollicentibus auxilia respondit consul, Dardanorum et Pleurati opera, quum exercitum in Macedoniam induceret, se usurum; Amynandro Ætolos concitandos ad bellum at-

Polyb. V, 108, 2, esse forsitan nomen ejusdem vel duorum oppidorum, nec tamen cum Jac. Gron. Κνίδον, Κοδρίονα, et mox in hoc c. Liv. *Cnidus* pro *Ilion* legendum esse, ibi monet Schweigh. In MSS quidem et antt. edd. *nidus*, *indus* et *nudus* reperitur pro *Ilion*, et notissima *Cnidus* seu *Gnidus* urbs Doridis Asiaticæ in Caria, ubi Venus sanctissime colebatur; sed *Cnidum* Thessalicam seu Macedonicam nemo memoravit præter Steph. Byz. et Scol. Callim. H. in Cer. 25, ubi *Cnidus* Asiatica intell. v. ibi Intpp. et Wessel. ad Diodor. t. I, p. 379. Διον inter Macedoniæ oppida idem recenset Steph. Byz. — Goeller quo-

que e cod. Bamberg. vult *Cnidus*, cujus recentes notas adi, p. 369 sq. Nostri quoque MSS huc alludunt dantes *indus* et *nidus*. Ed.

3. *Athenagoras regius præfectus* (cf. Polyb. XVIII, 5, 2) *in transitu fluminis Apsi*, ad quod consul castra habebat (v. cap. pr.), *a novissimo agmine a.* vide ad VIII, 17, n. 5.

CAP. XXVIII. 1. *Ex Dardanis* (cf. ad XXVI, 25, n. 4) *Bato*, cujus nominis Dalmatiæ regem Dio, sed rectoris Pannonium ducem memorat Suet. Tib. 2. Cf. ibi intpp. et ad Ovid. ex Ponto, II, 1, 46. — *Longari filius* sex MSS *Langari* prob. *Drak.* quia Δάγγαρος ὁ τῶν Ἀγριάνων βασι-

tribuit. Attali legatis (nam ii quoque per id tempus venerant) mandat, ut Æginæ rex, ubi hibernabat, classem romanam opperiretur, qua adjuncta, bello maritimo, sicut ante, Philippum urgeret. Ad Rhodios quoque missi legati, ut capesserent partem belli. Nec Philippus segnius (jam enim in Macedoniam pervenerat) apparabat bellum: filium Persea², puerum admodum, datis ex amicorum numero, qui ætatem ejus regerent, cum parte copiarum ad obsidendas angustias, quæ ad Pelagoniam sunt, mittit. Sciathum et Peparethum, haud ignobiles urbes, ne classi hostium prædæ ac præmio essent, diruit. Ad Ætolos mittit legatos, ne gens inquieta³ adventu Romanorum fidem mutaret.

XXIX. Concilium Ætolorum statuta die¹, quod Pa-

λαῦς apud Arrian. de exped. Alex. M. I, 5; ubi conf. Gron.

2. *Filium Persea, puerum*, etc. cf. Tac. Ann. II, 44. — *Sciathum et Peparethum*. Drak. monet variare quidem codd. et editt. in harum urbium nominibus, sed veram hanc esse orthographiam; quæ primum apparuit in ed. Mog. Fuerunt autem insulæ maris Ægæi, quarum quæque urbem ejusdem nominis habuit. Vid. Ptol. Geogr. III, 13. Ed.

3. *Ne gens inquieta fidem mutaret*; vide ad XXVI, 25, n. 6.

CAP. XXIX. 1. *Concilium Ætolorum statuta die*. — In cod. Bamberg. legitur *stata die*, quod recipi vult Goeller; quippe quia dicitur *statum*, quod certo ac definito tempore recurrit; *statutum* vero, quod tempore indicto. Ed. — *Quod Panætolum vocant*, Thermi esse quotannis autumnali tempore, ibique tum nundinæ ludique agi, et populi magistratus creari sole-

bant; vid. XXXV, 32; Polyb. V, 8; XXVIII, 4, 1; Strab. X, pag. 463; Potteri Archæol. lib. I extr. Idem concilium *Thermaicum*, τὴν τῶν Θερμακῶν σύνοδον, appellat Polyb. XVIII, 31, n. 5, ubi Schweigh., Palmerio (in Exerc. ad Auct. græc. p. 89) et Duk. præeuntibus, jam recte notavit errorem Liv. XXXIII, 35, qui verba Polybii cepit de *frequenti Græciæ conventu ad Thermopylas*, quem inde *Pylaicum appellant*, τὴν σύνοδον Πυλαίαν vel τὴν Πυλαίαν (vid. Strab. IX, p. 490; Suid. et Hesych.), quoniam locus ille dicebatur proprie Πύλαι (ut *Pylæ* XXXII, 4; XXXVI, 15, et hinc *portæ* XXXVI, 17, n. 2), et deinde a vicinis aquis calidis Θερμοπύλαι. vid. XXXVI, 15 extr. Strab. IX, pag. 428; Herodot. VII, 201; Appian. Syr. 17, et Pausan. X, 8, qui etiam docet, ad Pylos convenisse ex pluribus Græciæ populis XXX legatos, et in his duos tantum

nætolium vocant, futurum erat. Huic ut² occurrerent, et legati regis iter accelerarunt, et ab consule missus L. Furius Purpureo legatus venit; Atheniensium quoque legati ad id concilium occurrerunt: primi Macedones, cum quibus recentissimum foedus erat, auditi sunt. Qui, *nulla nova re, nihil se novi habere, quod afferrent*, dixerunt: *quibus enim de causis, experta inutili societate romana, pacem cum Philippo fecissent, compositam semel servare eos debere.* « An imitari, inquit unus ex legatis, Romanorum licentiam, « an levitatem dicam, mavultis? qui, quum legatis vestris Romæ responderi ita jussissent: Quid ad nos venitis, Ætoli, sine quorum auctoritate pacem cum Philippo fecistis? iidem nunc, ut bellum secum adversus Philippum geratis, postulant: et antea propter vos, et pro vobis arma sumpta adversus eum simulabant; nunc vos in pace esse cum Philippo prohibent. Messanæ ut auxilio essent³, primo in Siciliam conscenderunt; iterum, ut Syracusas oppressas ab Carthaginiensibus in libertatem eximerent: et Messanam et Syracusas et totam Siciliam ipsi ha-

fuisse Ætolorum Πυλαγόρας. *Panætolium*, ut Παμβοιωτία, Πανελλήνια, Παναχαΐα seu Παναχζικὰ, Πανιώνια, Παναθηναία. Cæterum Bauer. notat, infra et alibi *Panætolicum* scribi, magis ex analogia, ut et *Pylaicum* et *Achaicum* concilium, sed et *Panætolium*, τὸ Παναϊτόλιον, recte habere, et substant. esse.

2. *Huic ut occurrerent* ut mox ad *id*; vide ad XXI, 61, n. 1. — *Nulla nova re*, sc. oblata, quum nihil novi inciderit aut accesserit: ablativi simpl. positi in adjectivo; Bauer.

3. *Messanæ ut auxilio essent* (vid. ad XXVIII, 28, n. 3), *primo in Sici-*

liam conscenderunt, h. e. naves conscenderunt (ut XXXVII, 11; XLIV, 23, 35, et græce ἐμβαίνεσθαι), ut in Siciliam navigarent; Drak. *Transcenderunt* (ut XXXIV, 4) conj. Crever. et *exscenderunt* Gron. Sed *exscensionem facere* eos dici, qui prædandi causa milites e navibus in terram exponant, eoque animo Romanos primo in Siciliam non trajecisse, monet Duker. — *Transcenderunt* est in cod. Bamb. quare Goeller recipi vult Creverii emendationem. Ed. — *Ut Syracusas, oppressas a Carth.* (vid. ad XXIV, 27 sq.), *in libertatem eximerent*, eximerent servitio (ut lib. XXVIII, cap.

« bent, vectigalemque provinciam⁴ securibus et fasci-
 « bus subjecerunt. Scilicet, sicut vos Naupacti legibus
 « vestris⁵ per magistratus a vobis creatos concilium
 « habetis, socium hostemque libere, quem velitis,
 « lecturi, pacem ac bellum arbitrio habituri vestro;
 « sic Siculorum civitatibus Syracusas aut Messanam
 « aut Lilybæum indicitur concilium⁶. Prætor romanus
 « conventus agit⁷: eo imperio evocati conveniunt; ex-
 « celso in suggestu superba jura reddentem, stipatum
 « lictoribus vident; virgæ tergo, secures cervicibus
 « imminet; et quotannis alium atque alium dominum
 « sortiuntur. Nec id mirari debent aut possunt, quum
 « Italiæ urbes Rhegium, Tarentum, Capuam, ne fini-
 « timas nominem, quarum ruinis crevit urbs romana,
 « ejusdem subjectas videant imperio. Capua quidem,
 « sepulcrum ac monumentum campani populi, elato
 « et extorri ejecto ipso populo⁸, superest; urbs trunca,
 « sine senatu, sine plebe, sine magistratibus, prodi-
 « gium; relicta crudelius habitanda, quam si deleta
 « foret. Furor est, si alienigenæ homines, plus lingua
 « et moribus et legibus, quam maris terrarumque

39 extr.) et in libertatem restituerent.

4. *Vectigalem provinciam* (vide ad V, 10, n. 5) *securibus et fascibus subjecerunt*, h. e. sævo imperio. Cf. seqq. *Fasces* designant jus animadvertendi summumque imperium; *secures* jus vitæ et necis. Cf. II, 7, n. 7.

5. *Sicut vos Naupacti* (vid. XXVI, 26, n. 1) ... *concilium habetis*, etc. cf. XXXV, 12, et Polyb. V, 103.

6. *Lilybæum indicitur concilium*; vide ad IV, 25, n. 4.

7. *Pr. rom. conventus* (ἀγοραῖος) *agit*, quod propr. dicitur de magistratu provinciali, diem indicente, quo jus dicitur sit in aliquo provinciæ op-

vido, quod hinc etiam ipsum *conventus* appellatur. — *Ejusdem subjectas videant imperio*. Creverio magis placuisset *eidem subj.* ut non modo Romanis subjectæ dicantur, sed et eodem modo, eadem superbia a Romanis regi. Hanc conject. firmat codex Bamb. Ed.

8. *Capua... sepulcrum ac monumentum campani populi, elato... populo*; vide ad XXIV, 22, n. 11. — *Prodigium relicta crudelius habitanda, quam si deleta foret*, ita continentibus verbis legendum, ut sensus sit, Capuam relictam sic habitandam esse prodigium crudelius, seu majus crudelitatis monstrum, quam foret deleta; Gron. Vul-

« spatio, discreti, hæc tenuerint, sperare, quidquam
« eodem statu mansurum. Philippi regnum officere
« aliquid videtur libertati vestræ; qui, quum merito
« vestro vobis infestus esset, et nihil a vobis ultra,
« quam pacem, petiit, fidemque hodie pacis pactæ
« desiderat⁹. Assuefacite his terris legiones externas,
« et jugum accipite: sero ac nequidquam, quum do-
« minum romanum habebitis, socium Philippum quæ-
« retis¹⁰. Ætolos, Acarnanas, Macedonas, ejusdem
« linguæ homines, leves ad tempus ortæ causæ dis-
« jungunt junguntque; cum alienigenis, cum Bar-
« baris æternum omnibus Græcis bellum est eritque.
« Natura enim, quæ perpetua est, non mutabilibus
« in diem causis, hostes sunt. Sed, unde cœpit oratio
« mea, ibi desinet. Hoc eodem loco iidem homines
« de ejusdem Philippi pace¹¹ triennio ante decrevistis,
« iisdem improbantibus eam pacem Romanis, qui
« nunc pactam et compositam turbare volunt: in
« qua consultatione nihil fortuna mutavit, cur vos
« mutetis, non video.»

XXX. Secundum Macedonas¹, ipsis Romanis ita concedentibus jubentibusque, Athenienses, qui foeda passi justius in crudelitatem sævitiamque regis invehii poterant, introducti sunt. Deploraverunt vastationem populationemque miserabilem agrorum. *Neque id se*

gatam distinct. probant Duk. et Periz. qui *prodigium* ad præc. referunt, et *crudelius* accipiunt dverbialiter. — *Hæc tenuerint*: si Græciam occupaverint, et vos alienigenas in potestate habuerint. Ed.

9. *Fidemque* (pro *et fidem*, ut duo et sint h. l., nisi *et* ante *nihil* del.) *hodie pacis pactæ desiderat*, post hoc verbum sustuli interr. signum: nam post *qui* intell. *tamen*, et verba *Phi-*

lippi regnum, etc. non interrogantis, sed referentis, animo dici, magis est e more Livii, ut XXXIII, 13, *libertati graves videri reges*; Bauer.

10. *Socium Philippum quæretis*; vide ad IX, 19, n. 5. Mox post *leves* excidisse videatur *et*; Bauer.

11. *De Philippi pace*, de pace cum eo. Cf. ad c. 1, n. 7.

CAP. XXX. 1. *Secundum Macedonas*; vide ad I, 4, n. 1.

queri², quod hostilla ab hoste passi forent; esse enim quædam belli jura; quæ ut facere, ita pati sit fas: sata exuri, dirui tecta, prædas hominum pecorumque agi, misera magis, quam indigna, patienti esse. Verum enim vero id se queri, quod is, qui Romanos alienigenas et Barbaros vocet, adeo omnia simul divina humanaque jura polluerit, ut priore populatione cum infernis diis, secunda cum superis bellum nefarium gesserit: omnia sepulcra monimenta que diruta esse in finibus suis, omnium nudatos manes, nullius ossa terra tegi. Delubra sibi fuisse, quæ quondam pagatim³ habitantes, in parvis illis castellis vicisque consecrata, ne in unam urbem quidem contributi majores sui deserta reliquerint; circa ea omnia templa Philippum infestos circumtulisse ignes; semiusta et truncata simulacra deum inter prostratos jacere postes templorum. Qualem terram atticam fecerit, exornatam quondam opulentamque, talem eum, si liceat, Ætoliæ Græciamque omnem facturum: urbis quoque suæ similem deformitatem futuram fuisse, nisi Romani subvenissent. Eodem enim scelere urbem colentes deos⁴ præsidemque arcis Minervam⁵ petitam;

2. *Id se queri*, repetitio rhetorica et elegans; Duk. et Drak. — *Cum infernis diis*, sc. sepulcris circa Athenas diruendis; *cum superis*, templis incendendis. Cf. c. 26.

3. *Delubra sibi fuisse, quæ quondam pagatim*, κατὰ δῆμους, vel, ut in Præf. Thucyd., κατὰ κώμας, habitantes in parvis illis castellis vicisque consecrata (v. Pausan. I, 31, 32) ne in unam urbem quidem contributi, contracti, sc. a Theseo (ut ἀπόκρινεiv in procem. Thucyd. eadem de re; Bauer.), majores sui deserta reliquerint; vide ad V, 5, n. 2; XXV, 5,

n. 3; XXXI, 26, n. 4. Multos Atticæ fuisse δῆμους, et eam sparsim habitantes in unam urbem conductos, notum est; Duk. Romanis tribus et pagi dicebantur, nobis Cantons. Cf. Wolf. ad Leptin. p. 232; Valcken. ad Herodot. III, 55; Potteri Archæol. I, 9 extr. Ernesti Clav. Cic. v. *puganus*, et in Ind. Græco-Lat. v. δῆμοι.

4. *Urbem colentes deos*, ut πολλισσοῦχοι et πολλοῦχοι θεοί: Gron. Cf. ad XXIV, 38, n. 4; XXIX, 27, n. 1; ad Sil. I, 27, et Spanhem. ad Callim. H. in Pall. 53.

5. *Præsidem arcis Minervam*; vide

eodem Eleusine Cereris templum, eodem Piræei Jovem Minervamque : sed ab eorum non templis modo, sed etiam mœnibus vi atque armis repulsum, in ea delubra, quæ sola religione tuta fuerint, sævisse. Itaque se orare atque obsecrare Ætolos, ut, miserti Atheniensium, ducibus diis immortalibus, deinde Romanis, qui secundum deos plurimum possint, bellum susciperent.

XXXI. Tum Romanus legatus : « Totam orationis
 « meæ formam Macedones primum, deinde Athenien-
 « ses mutarunt¹ : nam et Macedones, quum ad con-
 « querendas Philippi injurias in tot socias nobis urbes
 « venissem, ultro accusando Romanos, defensionem
 « ut accusatione potiozem haberem, effecerunt ; et
 « Athenienses, in deos superos inferosque nefanda at-
 « que inhumana scelera ejus referendo, quid mihi aut
 « cuiquam reliquerunt, quod objicere ultra possim?
 « Eadem Cianos, Abydenos², Æneos, Maronitas, Tha-
 « sios, Parios, Samios, Larissenses, Messenios hinc ex
 « Achaia, existimate queri ; graviora etiam acerbio-
 « raque eos, quibus nocendi majorem facultatem ha-
 « buit. Nam quod ad ea attinet, quæ nobis objecit ;
 « nisi gloria digna sunt, fateor ea defendi non posse.
 « Rhegium et Capuam et Syracusas nobis objecit :
 « Rhegium Pyrrhi bello legio a nobis, Rheginis ipsis,
 « ut mitteremus, orantibus, in præsidium missa, ur-
 « bem, ad quam defendendam missa erat, per scelus

infra ad librum XLV, cap. 28, n. 1.

CAP. XXXI. 1. *Orationis meæ formam...mutarunt*, i. e. fecerunt, ut ego mutarem, coegerunt me mutare : metonymia effectus pro causa, ut I, 28, *memor* ; Bauer. — *Ultrò accusando*, quia ipsi accusarunt.

2. *Cianos*. — Ex urbe Cio in-Bi-

thynia ; de quorum excoidio multa queritur Polyb. lib. XV. Ed. — *Abydenos*, etc. conf. cap. 16 sq. et ad lib. XXXII, c. 21, n. 8. — *Æneos*, Αἰνείου, plerumque Ænios, Αἰνείου. Conf. ad XL, 4, n. 4. — *Thasios* ; vide infra ad librum XXXIII, cap. 30, n. 2.

« possedit. Comprobavimus ergo id facinus? an bello
 « persecuti sceleratam legionem, in potestatem no-
 « stram redactam tergo et cervicibus pœnas sociis pen-
 « dere quum coegissemus, urbem, agros, suaque om-
 « nia cum libertate legibusque Rheginis³ reddidimus?
 « Syracusanis oppressis ab externis tyrannis⁴, quo in-
 « dignius esset, quum tulissemus opem, et fatigati
 « prope per triennium terra marique urbe munitissima
 « oppugnanda essemus, quum jam ipsi Syracusani ser-
 « vire tyrannis, quam capi a nobis mallent, captam
 « iisdem armis et liberatam urbem reddidimus: neque
 « infitias imus, Siciliam provinciam nostram esse, et
 « civitates, quæ in parte Carthaginensium fuerunt,
 « et uno animo cum illis adversus nos bellum gesse-
 « runt, stipendiarias nobis ac vectigales⁵ esse. Quin
 « contra hoc et vos et omnes gentes scire volumus,
 « pro merito cuique erga nos fortunam esse. An Cam-
 « panorum pœnæ, de qua neque ipsi quidem⁶ queri
 « possunt, nos pœniteat? Hi homines, quum pro iis
 « bellum adversus Samnites per annos prope septua-
 « ginta cum magnis nostris cladibus gessissemus, ip-
 « sos fœdere primum, deinde connubio, atque inde
 « cognationibus, postremo civitate nobis conjunxis-
 « semus, tempore nostro adverso primi omnium Ita-
 « liæ populorum, præsidio nostro fœde interfecto⁷, ad

3. *Rhegium Pyrrhi bello legio.....*
Rheginis reddidimus; vid. XXVIII,
 28, n. 1. — *Possedit*; vid. XXIV,
 45, n. 6.

4. *Syracusanis oppressis ab externis*
tyrannis, Epicycle et Hippocrate, fra-
 tribus Pœnisque, non a domesticis,
quo, ut eo indignius esset (quod conj.
Signon. sed nil interest; Bauer.): sed
 Hieronymus non minus crudelis fuit
 omniumque malorum auctor.

5. *Stipendiarias ac vectigales*; vid.
 V, 10, n. 5.

6. *Neque ipsi quidem, leg. ne i. q.*;
 Gron. et Bauer. — *Bellum adversus*
Samnites per annos prope LXX, etc.
 vide ad XXIII, 42, n. 1. — *Connu-*
bio atque inde cognationibus, postre-
mo civitate; vid. supra ad lib. VIII,
 cap. 14, n. 9.

7. *Præsidio nostro fœde interfecto*,
 etc. vid. XXIII, 7.

« Hannibalem defecerunt; deinde, indignati se obsi-
« deri a nobis, Hannibalem ad oppugnandam Romam
« miserunt : horum si neque urbs ipsa, neque homo
« quisquam superesset, quis durius, quam pro me-
« rito ipsorum, statutum indignari posset⁸? Plures
« sibimet ipsi conscientia scelerum mortem conscive-
« runt, quam a nobis supplicio affecti sunt. Cæteris
« ita oppidum, ita agros ademimus, ut agrum locum-
« que ad habitandum daremus, urbem innoxiam stare
« incolumem pateremur; ut, qui hodie videat eam,
« nullam oppugnatae captæve ibi vestigium inveniatur.
« Sed quid ego Capuam dico? quum Carthagini victæ
« pacem ac libertatem dederimus : magis illud est pe-
« riculum, ne, nimis facile victis ignoscendo, plures
« ob id ipsum ad experiendam adversus nos fortunam
« belli incitemus. Hæc pro nobis dicta sint, hæc ad-
« versus Philippum; cujus domestica parricidia et co-
« gnatorum amicorumque cædes et libidinem inhu-
« maniorē prope, quam crudelitatem, vos, quo
« propiores Macedoniæ estis⁹, melius nostis. Quod ad
« vos attinet, Ætoli, nos pro vobis bellum suscepi-
« mus adversus Philippum; vos sine nobis cum eo
« pacem fecistis : et forsitan dicatis, bello punico oc-
« cupatis nobis, coactos metu vos leges pacis ab eo,
« qui tum plus poterat¹⁰, accepisse. Et nos, quum alia

8. *Quis durius... statutum indignari posset*, « an criminari? Certe sic interpretandum. Nam *durius, quam pro merito, statutum*, recte quilibet indignetur. Sed *indignari* hic est cum indignatione queri, exprobrare, ut ἐπιτιμῶμεθα ap. Thucyd. Ita Noster XXXIV, 6, *legem... abrogari est indignatus*, i. e. conquestus, reprehendit, improbavit, noluit ». Bauer. Cf.

ad III, 3, n. 1. — *Plures sibimet ipsi conscientia*, etc. vid. XXVI, 13-16. — *Cæteris ita oppidum ademimus, ut... daremus*; vid. supra ad librum I, 17, n. 5.

9. *Vos, quo propiores Macedoniæ estis*; eo seu hoc melius nostis; conf. ad I, 23, n. 9, et II, 45, n. 12.

10. *Qui tum plus poterat*; vide ad V, 33, n. 3.

« majora urgerent, depositum a vobis bellum et ipsi
« omisimus. Nunc et nos, deum benignitate punico
« perfecto bello, totis viribus nostris in Macedoniam
« incubuimus, et vobis restituendi vos in amicitiam
« societatemque nostram fortuna oblata est; nisi
« perire cum Philippo, quam vincere cum Romanis,
« mavultis. »

XXXII. Hæc dicta ab Romano quum essent, incli-
natis omnium animis ad Romanos, Damocritus præ-
tor Ætolorum, pecunia, ut fama est, ab rege accepta,
nihil aut huic aut illi parti assensus, *rem magni dis-
criminis consiliis nullam esse tam inimicam, quam
celeritatem*, dixit. *Celerem enim pœnitentiam, sed
eamdem seram¹ atque inutilem, sequi, quum præcipi-
tata raptim consilia neque revocari, neque in inte-
grum restitui possint. Deliberationis autem ejus, cu-
jus ipse maturitatem exspectandam putaret, tempus
ita jam nunc statui posse, quum legibus cautum esset,
ne de pace bellove, nisi in Panætolico et Pylaico con-
cilio, ageretur², decernerent extemplo, ut prætor sine
fraude, quum de bello aut de pace agere velit, ad-
vocet concilium; et, quod tum referatur decernaturque,*

CAP. XXXII. 1. *Eamdem seram.* MSS plures exhibent *tandem seram*, sic et nostri; primus Frob. anno 1531 *eamdem* edidit; quod in nullo cod. sibi visum sit Drak. at in uno Mead. 2 invenit *tamen*, neque hanc voem sensus repudiat. Quisque igitur, prout libuerit, eligere potest, vel *eamdem*, vel *tamen*. Prius magis probaret Drak. Eleganter autem talis pœnitentia *sera* vocatur, eique jungitur *inutilis*: nam sero fieri, quæ frustra sunt, amissa temporis occasione docuit Brouchk. ad Tibulli lib. I, 1x, vs. 41. Eo sensu

serum auxilium est inutile. Ed. — *Præcipitata raptim consilia*, (cf. ad II, 45, n. 10) *neque revocari*, reprehendi, ut denuo sint in potestate (non sign. *widerrufen*, sed *pressius zurückgenommen werden*): ut ap. Hor. Ep. I, 18, 71, *emissum volat irrevocabile verbum*, instar teli emissi; *neque in integrum restitui possint*, manere jus et copiam aliter de integro statuendi; Bauer.

2. *Ne de pace bellove, nisi in Panætolico et Pylaico concilio, ageretur*; vide ad c. 29, n. 1.

ut perinde jus ratumque sit, ac si in Panctolico aut Pylaico concilio actum esset. Dimissis ita suspensa³ re legatis, egregie consultum genti aiebat; nam, utrius partis melior fortuna belli esset, ad ejus societatem inclinaturos. Hæc in concilio Ætolorum acta.

XXXIII. Philippus impigre terra marique parabat bellum; navales copias Demetriadem in Thessaliam contrahebat. Attalum romanamque classem principio veris ab Ægina ratus moturos, navibus maritimæque oræ præfecit Heraclidem, quem et ante præfecerat: ipse terrestres copias comparabat, magna se duo auxilia detraxisse Romanis credens, ex una parte Ætolos, ex altera Dardanos, faucibus ad Pelagoniam a filio Perseo interclusis. Ab consule non parabatur, sed gerebatur jam bellum; per Dassaretiorum fines¹ exercitum ducebat, frumentum, quod ex hibernis extulerat, integrum vehens; quod in usum militi satis esset, præbentibus agris. Oppida vicique partim voluntate, partim metu se tradebant; quædam vi expugnata, quædam deserta, in montes propinquos refugientibus Barbaris, inveniebantur. Ad Lyncum stativa posuit prope flumen Bevum; inde frumentatum circa horrea Dassaretiorum mittebat. Philippus consternata quidem omnia circa pavoremque ingentem hominum cernebat; sed parum gnarus, quam partem petisset consul, alam equitum ad explorandum, quonam hostes iter intendissent², misit. Idem error apud consulem erat;

3. *Suspensa re*; vid. II, 32, n. 5.
CAP. XXXIII. 1. *Dassaretiorum fines.* Eorum meminit Plin. lib. III, 23, et IV, 1; meminisse et Ptol. III, 13, contendit Clareanus; quanquam omnes ejus codices, quotquot ipse viderit, corrupte *Deparetii* exhibeant. Sigonius voluit *Dassaritorum* ex

Stephano et Eustathio. Ed. — *Ad Lyncum*; vide ad XXVI, 25, n. 4. *Bevus fl.* ad Bevam opp. Macedonia; vid. Steph.

2. *Quonam hostes iter intendissent*; vide ad IV, 19, n. 1. — *Idem error*, inscitia, ignorantia, quod ex præe. et seqq. patet. Conf. ad XXVII, 46,

movisse ex hibernis regem sciebat, quam regionem petisset ignorans : is quoque speculatum miserat equites. Hæ duæ alæ ex diverso, quum diu incertis itineribus vagatæ per Dassaretios essent, tandem in unum iter convenerunt. Neutros fefellit, ut fremitus procul hominum equorumque exauditus est, hostes appropinquare : itaque prius, quam in conspectum venirent, equos armaque expedierant; nec mora, ubi primum hostem videre, concurrendi facta est. Forte et numero et virtute, utpote lecti utrimque, haud impares, æquis viribus per aliquot horas pugnarunt. Fatigatio ipsorum equorumque, incerta victoria, diremit prælium. Macedonum quadraginta equites, Romanorum quinque et triginta ceciderunt; neque eo magis explorati quidquam, in qua regione castra hostium essent, aut illi ad regem, aut hi ad consulem retulerunt. Per transfugas cognitum est³, quos levitas ingeniorum ad cognoscendas hostium res in omnibus bellis præbet.

XXXIV. Philippus, aliquid et ad caritatem¹ suorum, et ut promptius pro eo periculum adirent, ratus profecturum se, si equitum, qui ceciderant in expeditione, sepeliendorum curam habuisset, afferri eos in castra jussit, ut conspiceretur ab omnibus funeris honos. Nihil tam incertum nec tam inæstimabile² est,

n. 5. — *Movisse*; vide ad II, 3, n. 2. — *Ex diverso* itinere, e diversis locis, partibus.

3. *Per transfugas cognitum est*, quos levitas, inconstantia, ingeniorum præbet idoneos, vel quorum operam usumque præbet ad, etc.

CAP. XXXIV. 1. *Ad caritatem suorum*, etc. cf. Platonis Menexen. pr.; Lucian. de Amicit. pr. et Intpp. Hor. Od. I, 28, 23 sq.

2. *Nihil vero tam incertum nec tam inæstimabile est*, quod tam parum æstimare ac prævidere possis (quo confidere non licet, worauf man nicht rechnen kann; Ern.). *Quam animi multitudinis* (cf. XXIV, 24 extr.); quippe, etenim *quod promptiores*, etc. Similiter forsitan *inæstimabile perjurium* XXXVII, 57 extr. nisi potius ironice dictum pro prorsus egregio et singulari (ut fere *inæstimabile gaudium*, lib.

quam animi multitudinis : quod promptiores ad subeundam omnem dimicationem videbatur facturum, id metum pigritiamque incussit ; nam qui hastis sagittisque et rara lanceis³ vulnera facta vidissent, cum Græcis Illyriisque pugnare assueti, postquam gladio hispaniensi detruncata corpora brachiis abscisis, aut tota cervice desepta divisa a corpore capita patentiaque viscera et foeditatem aliam vulnerum viderunt, adversus quæ tela quosque viros pugnandum esset, pavidi vulgo cernebant. Ipsum quoque regem terror cepit, nondum justo prælio cum Romanis congressum : itaque, revocato filio præsidioque, quod in Pelagoniæ faucibus erat, ut iis copiis suas augetet, Pleurato Dardanisque iter in Macedoniam patefecit. Ipse, cum viginti millibus peditum, quatuor equitum, ducibus transfugis, ad hostem profectus, paulo plus ducentos passus⁴ a castris romanis tumulum propinquum Athaco fossa ac vallo communivit ; ac, subjecta cernens romana castra, admiratus esse dicitur et universam speciem castrorum, et descripta suis quæque partibus, tum tendentium ordine⁵, tum itinerum in-

XXIX, cap. 32), aut cum Gron. leg. *inexpiabili*, aut *intestabili* (vid. Tac. Ann. VI, 40, n. 6), aut *inexcusabili perjurio*, aut ex cod. N. *detestabili*. Sed cf. ibi not. 5.

3. *Hastis... lanceis*. Hinc colligendum, *lanceam* longius et validius fuisse telum quam *hastam*, monet Creverius. Ed. — *Gladio hispaniensi*; vide supra ad VII, 10, n. 1. — *Abscisis brachiis*. Quidam legunt *abscisis*, solita permutatione; vid. Gifan. in Obs. ling. lat. 5; et ad nostrum Silium V, 473. Quænam inter utrumque fuerit differentia, non per omnia convenire ait Drak. Vid. Oudend. ad Front. I, 417;

Arentz. ad Aur. Vict. Epit. Cæs. XIII, 3, et quos ibi laudarunt. Ed.

4. *Paulo plus CC passus*, sed cap. seq. pr. *paulo plus D passus*. — *Pro ducentos passus* in cod. Bamb. legitur *mille passuum*, qui numerus certe verior quam vulgari Goellero videtur, et ita jam suspicatus fuerat legendum Roellius. Ed. — *Propinquum Athaco*, forte opp. Dassaretiorum.

5. *Descripta suis quæque partibus, tum tendentium ordine*, etc. vid. ad XXV, 6, n. 10; Lips. Mil. Rom. V, 1; Schel. ad Hygin. de Castram. pag. 1031 et 1041; Thes. Græv. t. X.

tervallis; et negasse, Barbarorum ea castra ulli videri posse. Biduum consul et rex, alter alterius conatus expectantes, continuere suos intra vallum; tertio die Romanus omnes copias in aciem eduxit.

XXXV. Rex vero, tam celerem aleam universi certaminis timens, quadringentos Tralles¹ (Illyriorum id, sicut alio diximus loco, est genus) et Cretenses trecentos, addito iis peditibus pari numero equitum, cum duce Athenagora, uno ex purpuratis, ad lacesendos hostium equites misit. Ab Romanis² autem (aberat acies eorum paulo plus quingentos passus) velites et equitum duæ ferme alæ emissæ, ut numero quoque eques pedesque hostem æquarent. Credidere regii, genus pugnae, quo assuerant³, fore, ut equites, in vicem insequentes refugientesque, nunc telis uterentur, nunc terga darent; Illyriorum velocitas ad excursiones et impetus subitos usui esset, Cretenses in invehentem se effuse hostem sagittas conjicerent. Turbavit hunc ordinem pugnandi non acrior, quam pertinacior, impetus Romanorum; nam haud secus, quam si tota acie dimicarent, et velites, emissis hastis, cominus gladiis rem gerebant, et equites, ut semel in hostem eveci sunt, stantibus equis, partim ex ipsis equis, partim desilientes immiscentesque se peditibus, pugnabant. Ita nec eques regius equiti par erat, insuetus ad stabilem pugnam; nec pedes concursator

CAP. XXXV. 1. *Tralles, Illyriorum*, etc. vid. XXVII, 3a, n. 1.

2. *Ab Romanis autem*, forte item: quia rex periculo summam rerum committere noluit, sed electos ad tentandam praelii fortunam in campum emisit, pariter Romani haud fere dispari numero equitum peditumque ex-

cretam manum iis opposuerunt; Gron-

3. *Genus pugnae, quo assuerant* (vide ad XXI, 16, n. 6), fore, ut equites, in vicem insequentes refugientesque, etc. ut fere Parthorum equites; de quibus vid. Justin. XLII, 2, et Horat. Od. I, 19, 11 sq. II, 13, 17.

et vagus⁴ et prope seminudus genere armorum veliti romano, parmam gladiumque habenti pariterque et ad se tuendum, et ad hostem petendum armato. Non tulere itaque dimicationem; nec alia re, quam velocitate, tutantes se, in castra refugerunt.

XXXVI. Uno deinde intermisso die, quum omnibus copiis equitum levisque armaturæ pugnaturus rex esset, nocte cætratos, quos peltastas vocant¹, loco opportuno inter bina castra in insidiis abdiderat, præceperatque Athenagoræ et equitibus, ut, si aperto prælio procederet res, uterentur fortuna; si minus, cedendo sensim ad insidiarum locum hostem pertraherent. Et equitatus quidem cessit; duces cætratae cohortis, non satis expectato signo, ante tempus excitatis suis, occasionem bene gerendæ rei amisere. Romanus, et aperto prælio victor, et tutus a fraude insidiarum, in castra sese recepit. Postero die omnibus copiis consul in aciem descendit, ante prima signa locatis elephantis; quo auxilio tam primum Romani, quia captos aliquot bello punico habebant, usi sunt: ubi latentem intra vallum sensit², exprobrans metum successit. Postquam ne tum quidem potestas pugnandi dabatur, quia ex tam propinquis stativis parum tuta frumentatio erat³, dispersos milites per agros equiti-

4. *Pedes concursator et vagus* (vid. XXVII, 18, n. 6), et *prope seminudus* genere armorum; vide supra ad III, 19, n. 9.

CAP. XXXVI. 1. *Cætratos, quos peltastas vocant*; vide ad XXI, 21, n. 6. — *Aperto prælio*; vide ad X, 14, n. 6.

2. *Ubi latentem intra vallum sensit*, forte leg. *latere hostem*. — *Successit*, sc. vallum. — Goeller. hunc locum ita leg. ex cod. Bamb. proponit: *Ubi lat.*

intra vallum hostem vidit, in tumulto quoque ac sub ipsum vallum exprobrans metum successit. Nihil autem addunt nostri, immo voc. *sensit* omitunt. Ed.

3. *Quia ex tam propinquis stativis parum tuta frumentatio erat*, « si ita scripsit Livius, supplendum est *hosti*: sed quia hoc aliquanto durius, forte leg. *quia hostium tam pr. st.*, ut XXIII, 17 ». Duk. *Ex tam propinquis stativis accipio dictum pro: propter*

bus extemplo invasuris; octo ferme inde millia, intervallo tutiorem frumentationem habiturus, castra ad Octolophum (id est loco nomen) movit. Quum in propinquo agro frumentarentur Romani, primo rex intra vallum suos tēnuit, ut cresceret simul et negligentia cum audacia hosti⁴. Ubi effusos vidit, cum omni equitatu et Cretensium auxiliariis, quantum equitem velocissimi pedites cursu æquare poterant, citato profectus agmine, inter castra romana et frumentatores constituit signa. Inde, copiis divisis, partem ad consecrandos vagos frumentatores emisit, dato signo, ne quem vivum relinquerent; cum parte ipse substitit, itineraque, quibus ad castra recursuri videbantur hostes, obsedit. Jam passim cædes ac fuga erat, necdum quisquam in castra romana nuntius cladis pervenerat, quia refugientes in regiam stationem incidebant; et plures ab obsidentibus vias, quam ab emissis ad cædem, interficiebantur. Tandem inter medias hostium stationes elapsi quidam trepidi, tumultum magis, quam certum nuntium, intulerunt castris.

XXXVII. Consul, equitibus jussis, qua quisque posset¹, opem ferre laborantibus, ipse legiones e castris educit, et agmine quadrato ad hostem ducit. Dispersi equites per agros quidam aberrarunt, decepti clamoribus aliis ex alio existentibus loco: pars obvios habuerunt hostes; pluribus locis simul pugna coepit. Regia statio atrocissimum prælium edebat;

tam propinqua stativa, propter tantam propinquitatem stativorum sc. hostium; vide ad VII, 39, n. 4. Ita nil mutandum.

4. *Ut cresceret simul et negligentia cum audacia hosti*, pro vulgari *simul et negligentia et audacia*, ut *consilium cum re*, *animus cum re*: sed forte

del. *et*; Duk. Conf. ad libram XXI, cap. 60, n. 5, et lib. XXVI, cap. 43, n. 2.

CAP. XXXVII. 1. *Qua quisque posset*; vide ad III, 70, n. 2. — *Opem ferre laborantibus*; vide ad III, 31, n. 1. — *Agmine quadrato*; vide ad II, 6, n. 3.

nam et ipsa multitudine equitum peditumque prope
justa acies erat; et Romanorum, quia medium obse-
derat iter, plurimi in eam inferebantur. Eo quoque
superiores Macedones erant, quod et rex ipsehorta-
tor aderat, et Cretensium auxiliares multos ex impro-
viso vulnerabant, conferti præparatique in dispersos
et effusos pugnantes. Quod si modum in insequendo
habuissent, non in præsentis modo certaminis gloriam,
sed in summam etiam belli profectum² foret: nunc avi-
ditate cædis intemperantius insequuti in prægressas
cum tribuuis militum cohortes romanas incidere; et
fugiens eques, ut primo signa suorum vidit, convertit
in effusum hostem equos: versaque momento tem-
poris fortuna pugnæ est, terga dantibus, qui modo
sequuti erant. Multi cominus congressi, multi fugien-
tes interfecti; nec ferro tantum periere, sed in palu-
des quidam coniecti profundo limo cum ipsis equis
hausti sunt. Rex quoque in periculo fuit; nam, ruente
saucio equo, præceps ad terram datus, haud multum
abfuit, quin jacens opprimeretur. Saluti fuit eques,
qui raptim ipse desiluit, pavidumque regem in equum
subjecit³. Ipse quum pedes æquare cursu fugientes
non posset equites, ab hostibus ad casum regis con-
citatatis confossus, periit. Rex, circumvectus paludes
pervias inviasque trepida fuga, in castra tandem, jam
desperantibus plerisque incolumem evasurum, per-
venit. Ducenti Macedonum equites eo prælio periere:
centum ferme capti; octoginta admodum ornati equi,
spoliis simul armorum relatis, abducti.

2. *In summam belli profectum*; vide
ad III, 61, n. 4.

3. *Regem in equum subjecit*; vide
ad IV, 19, n. 3. — *Rex circumvectus
paludes*. Ita prima exhibet ed. Froben.

anni 1535; antea edebatur *per paludes*,
quam lectionem in nostris codicibus
invenio. Drak. suspicatur forte leg.
circ. pal. per vias inviaque; nam hæc
ita sæpe junguntur. Ed.

XXXVIII. Fuerunt, qui hoc die regem temeritatis, consulem segnitiae accusarent: nam et Philippo quiescendum fuisse, quum paucis diebus hostes, exhausto circa omni agro¹, ad ultimum inopiae venturos sciret; et consulem, quum equitatum hostium levemque armaturam fudisset, ac prope regem ipsum cepisset, protenus ad castra hostium ducere debuisse; nec enim mansuros² ita percussos hostes fuisse, debellarique momento temporis potuisse. Id dictu, quam re, ut pleraque, facilius: nam si omnibus peditum quoque copiis rex congressus fuisset, forsitan inter tumultum, quum omnes victi metuque percussi ex praelio intra vallum, protenus inde supervadentem munimenta victorem hostem fugerent, exsui castris potuerit rex; quum vero integrae copiae peditum in castris mansissent, stationes ante portas, praesidiaque disposita essent, quid, nisi ut temeritatem regis, effuse paulo ante sequuti percussos equites, imitaretur, profecisset? neque enim ne regis quidem primum consilium, quo impetum in framentatores palatos per agros fecit, reprehendendum foret, si modum prosperae pugnae imposuisset. Eo quoque minus est mirum, tentasse eum fortunam, quod famam erat, Pleuratum Dardanosque, ingentibus copiis profectos domo, jam in Macedoniam transcendisse. Quibus si undique circumventus copiis foret, sedentem Romanum debellaturum³; credi poterat. Itaque, secundum duas adversas equestres pugnas, multo minus tutam moram in iisdem stativis fore Philippus ratus, quum

CAP. XXXVIII. 1. *Exhausta circa agro*; vide ad X, 44, n. 1.

2. *Nec enim mansuros*, etc. vide ad V, 55, n. 2. — Mox pro *percussos*, e nostris Reg. 5738 dat *periculosos*; et

loco τῶν *debellari*.... *potuisse* plures habent *debilitari*... *debuisse*, quod reperitur quoque in codice Bamb. Ed.

3. *Sed. R. debell.* vid. VII, 37, n. 4.

abire inde et fallere abiens hostem vellet, caduceatore sub occasum solis ad consulem misso, qui inducias ad sepeliendos equites peteret, frustratus hosteni, secunda vigilia, multis ignibus per tota castra⁴ relictis, silenti agmine abiit.

XXXIX. Corpus jam curabat consul, quum, venisse caduceatorem, et quid venisset¹, nuntiatum est. Responso tantum dato, mane postero die fore copiam conveniendi; id quod quæsitum erat, nox dieique insequentis pars ad præciendum iter Philippo data est. Montes, quam viam non ingressurum gravi agmine Romanum sciebat, petit. Consul, prima luce caduceatore datis induciis dimisso, haud ita multo post abisse hostem quum sensisset, ignarus qua sequeretur, iisdem stativis frumentando dies aliquot consumpsit. Stuberam deinde petit², atque ex Pelagonia frumentum, quod in agris erat, convexit: inde ad Pluvinam est progressus, nondum comperto, quam regionem hostes petissent. Philippus, quum primo ad Bryanium³ stativa habuisset, profectus inde transversis limitibus⁴, terrorem præbuit subitum hosti: movere itaque ex Pluvina Romani, et ad Osphagum flumen posuerunt castra. Rex haud procul inde et ipse, vallo super ripam amnis ducto (Erigonum incolæ vocant⁵), consedit. Inde satis comperto, Eor-

4. *Multis ignibus per castra rel.* vid. XXII, 41, n. 5.

CAP. XXXIX. 1. *Et quid venisset;* vide ad V, 51, n. 2. — *Ad præciendum iter;* vid. III, 46, n. 5.

2. *Stuberam deinde petit,* opp. Pelagoniæ ad Erigonem fl. Cf. XLIII, 18, 20. Στόβηρος Polyb. XXVIII, 8, 8. Στόμαρα Strab. VII, 7, 9, p. 327. Στόβηρος Suidæ dicitur. Mox pro *Plu-*

vinam al. *Pluinam*, et quædam edd. *Pellinam* ex emendat Sigonii, quem gravissime hallucinatum esse docet Jac. Gron. ad Arrian. I, 7.

3. *Ad Bryanium;* conf. Steph. et Strab. I. 1.

4. *Transversis limitibus;* vide ad II, 39, n. 3.

5. *Erigonum incolæ vocant;* conf. XXXIX, 53 extr. et Strab. VII, 7,

dæam petituros Romanos, ad occupandas angustias, ne superare hostes arctis faucibus inclusum aditum possent, præcessit. Ibi alia vallo, alia fossa, alia lapidum congerie, ut pro muro essent, alia arboribus objectis, ita ut locus postulabat, aut materia suppeditabat, permuniit⁶; atque (ut ipse rebatur) viam, suapte natura difficilem, objectis per omnes transitus operibus inexpugnabilem fecit. Erant pleraque silvestria circa, incommoda phalangi maxime Macedonum; quæ, nisi ubi prælongis hastis velut vallum ante clypeos objecit⁷ (quod ut fiat, libero campo opus est), nullius admodum usus est. Thracas quoque romphææ, ingentis et ipsæ longitudinis, inter objectos undique ramos impediabant. Cretensium una cohors non utilis erat; sed ea quoque ipsa ut, si quis impetum faceret, in patentem vulnere equum⁸ equitemque sagittas conjicere poterat, ita adversus scuta romana nec ad trajiciendum satis magnam vim habebat, nec aperti quidquam erat, quod peteret: itaque id ut vanum teli genus⁹ senserunt esse, saxis passim tota valle jacentibus incessebant hostem. Ea, majore cum so-

8 et 9, pag. 327. Hic et Arrian. I, 5, Ἐπίγωνα dicunt, sed Ptol. Ἐπίγωνον. — *Kordæam*, Ἐρδαίαν et Ἐρδαίαν. conf. XLV, 30; Arrian. I, 7; Plin. IV, 10, et Schweigh. ad Polybium, XVIII, 6, 3.

6. *Suppeditabat, permuniit*. Antea legebatur *opere permuniit*; sed primam vocem, quæ in nostris codd. et in Bamb. exstat, ut superfluum et molestam rejecere Crev. et Drakenb. At Walchius, Emend. pag. 232, vocem hanc auctoritate codd. defendit, ita tamen mutans: *suppeditabat operi, permuniit*. Jacobs. quoque vocem *opere* non omittendam sed corrigendam censebat; itaque legendum esse *propere*

muniit. Ed. — *Objectis per o. transitus operibus*; vid. XXI, 57, n. 7.

7. *Prælongis hastis (sarissis) velut vallum ante clypeos objecit*; vide ad IX, 19, n. 2, et XXXVI, 18, n. 6. — *Romphææ* seu *rhomphææ* et *rumpiæ* tela Thracum ap. Gell. X, 25. Ρομφαῖος ἰράκιον, ἀμυντήριον, μάχαιρα, ξίφος, ἢ ἀκόντιον μακρόν, Hesych. Conf. Heins. ad Val. Fl. VI, 98, et Bocharti Hieroz. I, 2, 8, p. 137.

8. *Patentem vulnere equum, q.*, ut mox *nec aperti quidquam*; vid. XXII, 50, n. 3, et XXV, 16, n. 12.

9. *Vanum teli genus*; vide supra ad X, 29, n. 1.

nitū, quam vulnere ullo, pulsatio scutorum parum-
per succedentes Romanos tenuit; deinde, iis quoque
spretis, partim, testudine facta¹⁰, per adversos va-
dunt hostes; partim, brevi circuitu quum in jugum
collis evasissent, trepidos ex præsidiis stationibusque
Macedonas deturbant, et, ut in locis impeditis diffi-
cili fuga, plerosque etiam obruncant.

XL. Ita angustiae minore certamine, quam quod
animis proposuerant, superatae, et in Eordæam per-
ventum; ubi pervastatis passim agris, in Elimeam se
recepit¹. Inde impetum in Orestidem fecit, et oppidum
Celetrum est aggressus, in peninsula situm: lacus
mœnia cingit; angustis faucibus unum ex continenti
iter est. Primo situ ipso freti, clausis portis, impe-
rium abnuere; deinde, postquam signa ferri ac testu-
dine succedi ad portam obsessasque fauces agmine
hostium viderunt, priusquam experirentur certamen,
metu in deditionem venerunt. Ab Celetro in Dassare-
tios processit, urbemque Pelium vi cepit: servitia
inde cum cætera præda abduxit, et libera capita sine
pretio dimisit; oppidumque iis reddidit, præsidio va-
lido imposito; nam et sita opportune urbs erat ad
impetum in Macedoniam faciendos. Ita peragratis ho-
stium agris, consul in loca jam pacata² ad Apollo-

10. *Testudine facta*; vid. ad V, 43, n. 2. — *Evasissent*; vid. II, 7, n. 7. — *Difficili fuga*, quum fuga difficilis esset, ut in locis impeditis; vide ad librum VIII, cap. 30, n. 7, et lib. IX, cap. 43, n. 6.

CAP. XL. 1. *In Elimeam se recepit*, sc. consul: Ἐλίμεια regio et urbs Illyrici apud Strab. VII, 7, 8, p. 326, et Steph. Ἐλίμα seu Ἐλυμα apud Ptol. qui etiam rectius eam ad Aonum flum. ponit, quam Liv. XLII, 53, ad

Haliacmona, qui fluvius longe abest, et mediam percurrit Macedoniam (cf. Cellar. Geogr. ant. II, 13); cui Macedoniam *Elimiotis* a Romanis demum *juncta* dicitur XLV, 30, in divisione regni. Ἐλυμιώτι; apud Arrian. I, 7. *Elimeam* h. l. et XLII, 53, n. 2, XLIII, 21, n. 3, regionem esse, ex adjunctis verbis et præpos. in probabile fit.

2. *In loca pacata*; vid. supra ad lib. II, cap. 59, n. 5.

niam, unde orsus bellum erat, copias reduxit. Philippum averterant Ætoli et Athamanes et Dardani et tot bella repente alia ex aliis locis exorta. Adversus Dardanos, jam recipientes ex Macedonia sese, Athenagoram cum expeditis peditibus ac majore parte equitatus misit, jussum instare ab tergo abeuntibus, et, carpendo postremum agmen³, segniores eos ad movendos domo exercitus efficere. Ætolos Damocritus prætor, qui moræ ad decernendum bellum ad Naupactum auctor fuerat, idem proximo concilio ad arma conciverat, post famam equestris ad Octolphum pugnæ, Dardanorumque et Pleurati cum Illyriis transitum in Macedoniam, ad hæc classis romanæ adventum in Oreum, et, super circumfusas tot Macedoniae gentes, maritimam quoque instantem obsidionem.

XII. Hæ causæ Damocritum Ætolosque restituerant Romanis; et, Amynandro rege Athamanum adjuncto, profecti Cercinium obsedere¹. Clauserant portas, incertum vi, an voluntate; quia regium habebant præsidium: cæterum intra paucos dies captum est Cercinium atque incensum: qui superfuerant e magna clade, liberi servique, inter cæteram prædam abducti. Is timor omnes, qui circumcolunt Bæben paludem², relictis urbibus, montes coegit petere. Ætoli, inopia prædæ inde aversi, in Perrhæbiam ire pergunt. Cyretias ibi vi capiunt foedeque diripiunt; qui Mal-

3. *Carpando postremum agmen*; vid. III, 5, n. 1.

CAP. XLII. 1. *Cercinium obsedere* opp. Macedoniae, cui forte vicina palus Cercinitis ap. Arrian. et Curt. I, 3.

2. *Bæben paludem*, Βοίβη oppid. et Βοίβης lacus Thessaliæ (inter Sepia-

dem et Penei ostia) apud Stephan. Βοίβης λίμνη apud Hom. II, II, 711; Strab. IX, 436, et Plin. IV, 8 seu 15. Conf. Voss. ad Mel. II, 3, 82. — *Cyretias* ap. Polyb. III, 13, Κυρέτιας, quam statuit inter Estiotas, Thessaliæ populos. Ed.

locam incolunt, voluntate in deditionem societatemque accepti. Ex Perrhæbia Gomphos petendi Amynder auctor erat; et imminet Athamania huic urbi, videbaturque expugnari sine magno certamine posse. Ætoli campos Thessaliæ opimos ad prædam petiere; sequente, quanquam non probante, Amynandro, nec effusas populationes Ætolorum, nec castra, quo fors tulisset loco, sine ullo discrimine ac cura munendi, posita. Itaque, ne temeritas eorum negligentiaque sibi ac suis etiam cladis alicujus causa esset, quum campestribus locis subjicientes eos castra Phecado urbi³ videret, ipse paulo plus quingentorum passuum inde tumulum suis, quamvis levi munimento tutum, cepit. Quum Ætoli, nisi quod populabantur, vix meminisse viderentur, se in hostium agro esse, alii palati semiermes vagarentur, alii in castris sine stationibus per somnum vinumque dies noctibus æquarent; Philippus inopinantibus advenit. Quem quum adesse refugientes ex agris quidam pavidi nuntiassent, trepidare Damocritus cæterique duces; et erat forte meridianum tempus, quo plerique graves cibo sopiti jacebant. Excitare igitur alii alios, jubere arma capere, alios dimittere ad revocandos, qui palati per agros prædabantur: tantaque trepidatio fuit, ut sine gladiis quidam equitum exirent, loricas plerique non induerent. Ita raptim educti, quum universi⁴ sexcentorum ægre simul equites peditesque numerum explessent, incidunt in regium equitatum, numero, animis armis-

3. *Phecado urbi*, forte quæ *Pheca* dicitur XXXII, 14. — Hanc conjecturam firmat cod. Bamb. in quo ultimæ litteræ *do* a sec. manu additæ sunt, quum a prima scriptum sit *Pheca*. Ed. — *Paulo plus quingentorum*

passuum, immo *quingentos passus*; Crev. et Drak.

4. *Quum universi*. Vocabulum *universi*, multi ignorant MSS, quod primus Gelen. restituit, et alii subinde sequuti sunt. Ed.

que præstantem : itaque primo impetu fusi, vix tentato certamine, turpi fuga repetunt castra. Cæsi captique quidam, quos equites ab agmine fugientium interclusere.

XLII. Philippus, suis jam vallo appropinquantibus, receptui cani jussit. Fatigatos enim equos virosque non tam prælio, quam itineris simul longitudine, simul præpropera celeritate, habebat. Itaque turmatim equites in vicemque manipulos levis armaturæ aquatum ire et prandere jubet; alios in statione armatos retinet, opperiens agmen peditum tardius ductum propter gravitatem armorum. Quod ubi advenit, et ipsis imperatum, ut, statutis signis armisque ante se positis, raptim cibum caperent, binis ternisve summum¹ ex manipulis aquandi causa missis : interim eques cum levi armatura paratus instructusque stetit, si quid hostis moveret. Ætoli (jam enim et, quæ per agros multitudo sparsa fuerat, receperat se in castra), ut defensuri munimenta, circa portas vallumque armatos disponunt, dum quietos hostes ipsi feroces ex tuto spectabant. Postquam mota signa Macedonum sunt, et succedere ad vallum parati atque instructi cœpere, omnes repente, relictis stationibus, per aversam partem castrorum² ad tumulum, ad castra Athamanum perfugiunt. Multi in hac quoque tam trepida fuga capti cæsique sunt Ætolorum. Philippus, si satis diei superesset, non dubius, quin Athamanes quoque exsui castris potuissent, die per prælium, deinde per

CAP. XLII. 1. *Binis ternisve summum*; vide ad XXI, 35, n. 7. — *Multitudo* ... *receperat se*, etc. Plures MSS *receperant*. Solet ita sæpe τὸ *multitudo*, quasi nomen collectivum, adsciscere verbum plurale;

quod notavit Drak. ad VI, 19, n. 7. Ed.

2. *Per aversam partem castrorum*; vide ad III, 5, n. 3. Mox forte leg. *in tumulum ad castra*, vel *ad tum. in castra*; Gron.

direptionem castrorum absumpto, sub tumulo in proxima planitie consedit, prima luce insequentis diei hostem aggressurus : sed Ætoli eodem pavore, quo sua castra reliquerant, nocte proxima dispersi fugerunt. Maximo usui fuit Amynder, quo duce Athamenes, itinerum periti, summis montibus per calles ignotos sequentibus eos hostibus³ in Ætoliam perduxerunt. Non ita multos in dispersa fuga error intulit in Macedonum equites, quos luce prima Philippus, ut desertum tumultum vidit, ad carpendum hostium agmen misit.

XLIII. Per eos dies et Athenagoras regius præfectus, Dardanos recipientes se in fines adeptus¹, postremum agmen primo turbavit. Dein, postquam Dardani conversis signis direxere aciem, æqua pugna justo prælio erat; ubi rursus procedere Dardani cœpissent, equite et levi armatura regii, nullum talis auxilii genus habentes Dardanos, oneratos immobilibus armis, vexabant : et loca ipsa adjuvabant. Occisi perpauci sunt, plures vulnerati, captus nemo, quia non excedunt temere ordinibus suis, sed confertim et pugnant, et cedunt. Ita damna romano accepta bello, duabus per opportunas expeditiones coercitis gentibus, restituerat Philippus, incepto forti, non prospero solum eventu. Minuit deinde ei forte oblata res hostium Ætolorum numerum. Scopas princeps gentis, ab Alexandria magno cum pondere auri ab rege Ptolemæo missus, sex millia peditum et equites² mercede conductos Ægy-

3. Per calles (al. colles) ignotos sequentibus eos hostibus, si forte sequerentur; Gron. Cf. ad V, 2, n. 7.

CAP. XLIII. 1. Dardanos... adeptus; vide ad II, 30, n. 7.—Postquam Dardani conversis. Vocem Dardani

supervacua Gronovio videtur; eam tamen non delendam existimat Drak. quia sæpius similes dictiones, quæ tuto omitti poterat, perspicuitatis causa Livius repetivit. Ed.

2. Sex millia peditum et equites,

ptum avexit : nec ex juventute Ætolorum quemquam reliquisset, ni Damocritus, nunc belli, quod³ instaret, nunc futuræ solitudinis admonens (incertum cura gentis, an ut adversaretur Scopæ, parum donis cultus), partem juniorum castigando domi continuisset. Hæc ea ætate ab Romanis Philippoque gesta erant.

XLIV. Classis a Corcyra ejusdem principio ætatis cum L. Apustio legato profecta, Malea¹ superata, circa Scyllæum agri Hermionici Attalo regi conjuncta est. Tum vero Atheniensium civitas, cui odio in Philippum per metum jam diu moderata erat, id omne in auxilii præsentis spem effudit² : nec unquam ibi desunt linguæ promptæ ad plebem concitandam ; quod genus, quum in omnibus liberis civitatibus, tum præcipue Athenis, ubi oratio plurimum pollet, favore multitudinis alitur. Rogationem extemplo tulerunt, plebesque scivit, *ut Philippi statuæ, imagines omnes nominaque earum*³, *item majorum ejus virilis*

forte et M. vel et D equites : quorum numerus sine dubio excidit; Gron.— In cod. Bamb. esse D equites testatur Goeller, Gronovio plaudens. Ed.

3. Nunc belli, quod instaret; vide ad III, 6, n. 5. — Hæc ea ætate... gesta erant : ultima voce sic non uti solet Livius; Duk.

CAP. XLIV. I. Malea superata ; vide ad II, 50, n. 4. — Scyllæum prom. naufragiis celebre et opp. (hod. Capo Schilli s. Sciglio) in quod poëtæ Scyllam fabulantur mutatam, ad fretum Siculum inter Bruttios et Argolidem, cujus opp. Hermion s. Hermione non longe ab eo abest, ad sinum Hermionicum, partem Argolici, inter Maleam et Scyllæum promm. Σώλαιον τὸ ἐν τῇ Ἑρμιόνη dixit Strabo, VIII, 373, et τὸ Ἑρμιονικὸν ἀκρωτή-

ριον τὸ Σώλαιον, X, 484. Conf. Eustath. ad Hom. II. II, 560; ad Dionys. Perieg. v. 420; Voss. ad Scylac. Peripl. p. 20, ed. Oxon.

2. Id omne in auxilii præsentis spem, ob eam, illa freta, effudit; cf. ad VII, 39, n. 2. — Linguæ promptæ, propr. homines linguæ p., quod genus hominum, etc. Demagogos designari, monet H. Steph. in Dicæarchi Sympractore, p. 65.

3. Nominaque earum, inscriptiones, vel titulos Philippi statuis et imaginibus inscriptos; sed forte leg. imagines omnes, item majorum... omnium nominaque eorum (Philippi et majorum ejus) tollerentur; Crev. Sed nota Duk. est : « Vox earum ab aliquo forte adsuta (nam sublatis statuis imaginibusque etiam nomina ea-

ac muliebris sexus omnium tollerentur deleterenturque: dies festi, sacra, sacerdotes, quæ ipsius majorumve ejus honoris causa instituta essent, omnia profanarentur. Loca quoque, in quibus positum aliquid inscriptumve honoris ejus causa fuisset, detestabilia esse, neque in iis quidquam postea poni dedicarique placere eorum, quæ in loco puro poni dedicarique fas esset. Sacerdotes publicos, quotiescumque pro populo atheniensi sociisque et exercitibus et classibus eorum precarentur, toties detestari atque exsecrari Philippum, liberos ejus regnumque, terrestres navalesque copias, Macedonum genus omne nomenque. Additum decreto, Si quis quid postea, quod ad notam ignominiamque Philippi pertineret, ferret, id omne populum atheniensem jussurum: si quis contra ignominiam prove honore ejus dixisset fecissetve, qui occidisset eum, jure cæsurum. Postremo inclusum⁴, ut

rum tollebantur); et nomina ea, quæ aliis operibus adscripta erant: nam hoc quoque factum fuisse, patet ex verbis seqq. *loca, in quibus positum aliquid inscriptumve*, etc. Ex his omnibus nomina Philippi eradi, quemadmodum statuas imaginesque tolli voluerunt; quod apud Romanos quoque non semel factum est. (Cf. ad Tacit. Ann. II, 32, n. 3; VI, 2, n. 2; ad Juvenal. VIII, 18; X, 58 sq.) — Vulgatam lectionem defendere conatur Walchius, Emend. p. 208, dicens, dudum Athenis receptum fuisse morem insignibus viris non statuas solum ponendi, sed basibus etiam, quo augustior species esset, imponendi, et non modo titulis, verum et epigrammatibus, multoque verborum honore accumulato condecorandi. — An igitur videri possit mirum quod et statuae et nomina etiam earum ne relinqueren-

tur, cautum fuerit. Quid? si exoriretur qui relictis basibus cum titulis suis clam privato sumptu novas statuas imponendas curaret, quas violari in locis sacris religio vetaret? Irritum fuerat totum illud abolendi consilium et de integro res sancienda: ut non utills sed prope necessaria debeat videri *nominum* diserta commemoratio. — Testem præterea adhibet Cicer. in Verr. IV, 34, 35, 36 et 57. Ed. — *Virilis ac muliebris sexus*. Codex Bamb. *virile ac muliebre secus*, quod exquisitius judicat Goeller, pag. 372, conferens intpp. Tac. Ann. IV, 62, et V. Hist. 13 Charis. apud Putsch. p. 61. Ed. — *De diebus festis et sacris*, honoris regum principumque causa institutis, multa habet Spanhem. epist. V, ad Morellum.

4. *Postremo inclusum*, insertum, adjectum decreto, ut XLV, 25. —

omnia, quæ adversus Pisistratidas decreta quondam erant, eadem in Philippo servarentur. Athenienses quidem literis verbisque, quibus solis valent, bellum adversus Philippum gerebant.

XLV. Attalus Romanique, quum Piræeum primo ab Hermione petissent, paucos ibi morati dies, oneratique æque immodicis ad honores sociorum¹, ac quæ in ira adversus hostem fecerant, Atheniensium decretis, navigant a Piræeo Andrum²: et quum in portu, quem Gaureleon vocant, constitissent, missis, qui tentarent oppidanorum animos, si voluntate tradere urbem, quam vim experiri, mallent; postquam præsidio regio arcem teneri, nec se potestatis suæ esse³ respondebant; expositis copiis omnique apparatu urbium oppugnandarum, diversis partibus rex et legatus romanus ad urbem subeunt. Plus aliquanto Græcos romana signa armaque non ante visa animique militum, tam prompte succedentium muros⁴, terruere: itaque fuga extemplo in arcem facta est; urbe hostes potiti. Et in arce quum biduum loci se magis, quam armorum, fiducia tenuissent, tertio die pacti

Quæ adversus Pisistratidas, Pisistratum ejusque filios, Atheniensium tyrannos, decreta quondam erant; cf. Justin. II, 8, 9; Aristot. Polit. V, 5; Meursii Pisistratus in Thes. Gronov. vol. V, et Voyage du jeune Anacharsis, t. I, pl. II, sect. 1. — Literis verbisque, quibus solis valent, etc. quo nomine etiam Demosthenes eos notavit; Duk. Conf. Victor. var. lect. IX, 16.

CAP. XLV. 1. *Æque immodicis ad (κατὰ) honores sociorum, Attali Romanorumque, ac quæ in ira adversus hostem fecerant, scilic. Athenienses, scripsi ex emend. Gronov. qui etiam*

conj. atque in ira a. h. fuerant (quod recepit Drak.), et ac quæ ira a. h. fecerat. In edd. ante Drak. legitur ac quæ in iram a. h. fuerant.

2. *Navigant a Piræeo Andrum, septentrionalis Cycladum insula, quæ freto ab Eubœa australi, et alio angustiore a Tenio insula dirimitur. Conf. XXXVI, 20. — Gaureleon, multi MSS Gaurelon. Γαύρον τῆς Ἀνδρίας χόρα; memorari Xenoph. Hist. Græc. p. 440, monet Drak.*

3. *Nec se potestatis suæ esse; vide ad III, 62, n. 5.*

4. *Succedentium muros, al. muro; vide tamen ad lib. XXII, c. 28, n. 7.*

ipsi præsidiumque, ut cum singulis vestimentis Delium Bœotiæ⁵ transveherentur. Ea ab Romanis regi Attalo concessa : prædam ornamentaque urbis ipsi avexerunt. Attalus, ne desertam haberet insulam, et Macedonum fere omnibus⁶ et quibusdam Andriorum, ut manerent, persuasit. Postea et ab Delio, qui ex pacto transvecti eo fuerant, promissis regis, quum desiderium quoque patriæ facilius ad credendum inclinaret animos, revocati : ab Andro Cythnum trajece-
runt⁷; ibi dies aliquot oppugnanda urbe nequidquam absumpti; et, quia vix operæ pretium erat, absces-
sere. Ad Prasias (continentis Atticæ is locus est) Issæo-
rum viginti lembi classi Romanorum adjuncti sunt : ii missi ad populandos Carystiorum agros, cætera classis Geræstum, nobilem Eubœæ portum, dum a Carysto Issæi redirent, tenuit. Inde omnes, velis in altum datis, maris medio præter Scyrum insulam Icum perve-
nere, ibi paucos dies, sæviante borea, retenti; ubi

5. *Delium Bœotiæ* oppidulum, tri-
ginta stadiis ab Aulide, ad mare, cum
templo Apollinis, ad formam ejus,
quod in Delo insula erat, exstructo;
vid. XXXV, 51 pr. Pausan. IX, 20;
Strab. IX, p. 368, 403; Herodot. VI,
118; Thucyd. IV, 76; Appian. Syr.
12; Wessel. ad Diodor. t. II, p. 574,
et Holsten. ad Steph. Byz. v. Δῆλιον.
In mediterraneis Bœotias oppidis re-
censetur a Ptolem. III, 15. — Post
voc. *transveh.* cod. Bamb. addit *urbem*
arcemque tradiderunt. Ed.

6. *Macedonum fere omnibus*; vide
ad XXIV, 32, n. 4. *Mox faciles ad*
credendum malebat Gron.

7. *Ab Andro Cythnum trajece-
runt*, insulam juxta Ceam Atticamque sub
Eubœa; v. Strab. 10 extr. et Intpp.
Tac. Hist. II, 8. Hæ insulæ Cyclades

præsidiis Macedonum tenebantur; v.
cap. 15. — *Prasias, continentis Atticæ*
locus; v. Strab. IX, 399. Aliæ *Prasias*
Laconicæ in Argolico sinu; v. Duker.
ad Thucyd. II, 56. — *Issa insula* et
oppidum ejus, in mari Hadriatico,
prope Pharum oramque Illyrici: unde
Issæi s. Issii, et *Issaici lembi* XXXII,
21, *Issenses naves* XLIII, 9. Cf. Ind.
et Schweigh. ad Polyb. II, 8 et 11;
XXXII, 18. — *Carystus Eubœæ opp.*
inter Caphaream et Geræstum (cui
Geræstus opp. cum portu subjacet)
promontoria. — *Scyrum* (hod. *Sciro*),
Icus et *Sciathus* insulæ Cyclades in
mari Egeæ. *Sciathus* male legitur in
edd. recentt. XXXV, 43, 3. *Icum*
inter Scyrum et Sciathum sitam, docet
Strabo, l. IX, p. 436. — *Prima tran-
quillitas boreæ*, aut maris, ut XXXV, 27.

prima tranquillitas data est, Sciathum trajecere, vastatam urbem direptamque nuper a Philippo. Per agros palati milites frumentum, et si qua alia usui esse ad vescendum poterant, ad naves retulere; prædæ nec erat quidquam, nec meruerant Græci, cur diriperentur. Inde Cassandream⁸ petentes primo ad Mendin, maritimum civitatis ejus vicum, tenuere; inde quum, superato promontorio, ad ipsa moenia urbis circumagere classem vellent, sæva coorta tempestate, prope obruti fluctibus, dispersi, magna ex parte amissis armamentis, in terram effugerunt. Omen quoque ea maritima tempestas ad rem terra gerendam fuit; nam, collectis in unum navibus⁹ expositisque copiis, aggressi urbem, cum multis vulneribus repulsi (et erat validum ibi regium præsidium), irrito incepto regressi Canastræum Pallenes trajecere. Inde, superato Toronæ promontorio¹⁰, navigantes Acanthum petiere: ibi primo ager vastatus, deinde ipsa urbs vi capta ac direpta. Nec ultra progressi (jam enim et graves præda naves habebant) retro, unde venerant, Sciathum et ab Sciatho Eubœam repetunt.

XLVI. Ibi relicta classe, decem navibus expeditis sinum Maliacum^r intravere, ad colloquendum cum Ætolis de ratione gerendi belli. Sipyrrhicas ætolus

8. *Inde Cassandream* (vide ad XXVIII, 8, n. 8) *petentes primo ad Mendin tenuere*; vide ad I, 1, n. 8. — Præpositio ad Creverio non necessaria videtur; quam omittit Victor. codex: si quis tamen eam retentam velit, explicanda hoc modo, tenere litus ad Mendin, litus vicinum vico qui vocatur Mendis. Ed. — *Inde...* vide ad I, 3, n. 8. — *Superato*; vide ad II, 50, n. 4.

9. *Collectis in unum navibus*; vide

ad librum XXVII, cap. 39, n. 2.

10. *Canastræum Pallenes*.... *superato Toronæ promontorio*; vide ad II, 50, n. 4, et XXVIII, 7, n. 6. — *Acanthus* oppid. Macedoniæ (hod. *Erisso*), ad sinum Strymonicum vel Singiticum. Cf. Herodot. VII, 121 sq. et Marcianus Heracl. p. 27. — *Retro repetunt*; vide ad librum II, c. 45, n. 10.

CAP. XLVI. 1. *Sinum Maliacum*... *Heracleam*; vide ad XXVIII, 5, n. 6.

princeps legationis ejus fuit, quæ ad communicanda consilia Heracleam cum rege et cum romano legato venit. Petitum ex foedere ab Attalo est, ut mille milites præstaret; tantum enim numerum bellum gerentibus adversus Philippum debebat: id negatum Ætolis; quod illi quoque gravati prius essent ad populandam Macedoniam exire, quo tempore, Philippo circa Pergamum urente sacra profanaque², abstrahere eum inde respectu rerum suarum potuissent. Ita Ætoli cum spe magis, Romanis omnia pollicentibus, quam cum auxilio dimissi. Apustius cum Attalo ad classem rediit; inde consultari de Oreo oppugnando cœptum: valida ea civitas et mœnibus, et, quia ante fuerat tentata³, firmo erat præsidio. Conjunxerant se iis post expugnationem Andri cum præfecto Agesimbroti viginti rhodiæ naves, tectæ omnes: eam classem in stationem au Zelasium miserunt (Isthmiæ id super Demetriadem⁴ promontorium est peropportune objectum), ut, si quid inde moverent Macedonum naves, in præsidio essent. Heraclides præfectus regius classem⁵ ibi tenebat, magis per occasionem, si quam negligentia hostium dedisset, quam aperta vi quidquam ausurus. Oreum diversi Romani et rex Attalus oppugnabant;

2. *Philippo circa Pergamum urente sacra*, in his *templum Veneris et Niocephorium*, lucum juxta Pergamum ab Eumene consitum, teste Strabone, XIII, pag. 624. Conf. ad XXXII, 33, 34; Polyb. XVI, 1; XVII, 2 et 6.

3. *Quia antea fuerat tentata*; vide XXVIII, 5 sq. et ad IX, 35, n. 1. — *Rhodiæ naves, tectæ omnes*; vide ad XXII, 19, n. 4.

4. *Ad Zelasium miserunt, Isthmiæ id super Demetriadem*, ultra D. est, vel potius e regione Demetriadis in

alto mari (cf. ad XXVII, 32, n. 5, et XXXI, 47, n. 3), *promontorium*; sed Gron. emend. *ad Phalasiam miserunt, Isticæ id vel Istriæoridos super D. p.* Non male. *Phalasia* prom. Eubœæ, et Oreus olim diota *Isticæ*, seu Histisæ, seu Hestisæ, ut regio illa Istisotis, seu Histisotis; v. Strab. X, p. 683 B; Pausan. VII, 26; Cellar. Geogr. ant. II, 14, pag. 811, 812.

5. *Heraclides præfectus regius classem*, etc. vide ad XXXII, 5, n. 5. — *Diversi Romani et Attalus*; vide ad III, 60, n. 1.

Romani a maritima arce, regii adversus vallem inter duas jacentem arces, qua et muro intersepta urbs est : et ut loca diversa, sic dispari modo etiam oppugnabant; Romani testudinibus et vineis et ariete admo- vendo muris; regii ballistis catapultisque et alio omni genere tormentorum tela ingerentes. Et pondere ingenti saxa jaciebant et cuniculos⁶, et quidquid aliud priore oppugnatione expertum profuerat. Cæterum non plures tantum Macedones, quam ante, tuebantur urbem arcesque, sed etiam præsentioribus animis, et, castigationibus regis in admissa culpa⁷, simul minarum, simul promissionum in futurum memores, ita ut parum in expugnatione celeri spei esset. Interim et aliud agi posse ratus legatus, relictis, quot satis videbantur ad opera perficienda, militibus⁸ trajicit in proxima continentis; Larissamque (non illam in Thes- salia nobilem urbem, sed alteram, quam⁹ Cremasten vocant) subito adventu, præter arcem, cepit. Attalus

6. *Tela ingerentes et pondere ingenti saxa, et cuniculis*, etc. emend. Gron. verbo *jaciebant* deleteo, quod *cuniculis* non convenit, Malim: *tela ingerentes et pondere ingenti saxa: agebant et cuniculos*, etc. Vulgatam lect. servari posse putabant Crev. et Drak. si ad *cuniculos* suppleatur *agebant*. Sed quomodo hæc notio in præc. *jaciebant* latet? Cf. ad librum I, cap. 33, n. 7.

7. *Et castigationibus regis in admissa culpa*, etc. immo leg. *et castigationis regiae... memores*: nam quum peccassent antea, Philippus eos sermonibus ita castigavit, ut partim minis, si culpam iterarent, partim pollicitis, si fortiter facerent, ageret; Gron. Cf. XXVIII, 8. *Præsentioribus animis ex castigationibus*, etc. conj. Dujat. Nihil

vero mutandum monent Duk. et Drak, sed *castigationibus* accipiendum pro *propter castigationes*.

8. *Relictis, quot satis videbantur ad o. p., militibus*; vox ultima abest a multis MSS et edd. In plerisque vero edd. vett. ante Gron. legitur *quod satis videbatur*. Illud non improbabat Drak., hoc Duker. ut *quod* dictum sit pro *quod militum vel eorum*, h. e. *quantum*, ut XXIV, 40, n. 6. Cf. Periz. ad Sanctii Min, III, 6, 1; IV, 4, 77, et Burm. ad Ovid, Her. VIII, 5.

9. *Larissam Cremasten* (pensilem), seu Pelasgiam in Phthiotide Thessal., prope Echinum et XX stadia a mari; vid. Strab. IX, 5, 13, p. 435; Polyb. XVII, 3, 8; XVIII, 21; Ptol. III, 13. Mox malim cum Crev. pro *timen-*

quoque Ægeleon; nihil minus quam tale quidquam in alterius oppugnatione urbis timentibus, oppressit. Et jam quum opera in effectu erant circa Oreum, tum præsidium, quod intus erat, labore assiduo, vigiliis diurnis pariter nocturnisque, et vulneribus confectum: muri quoque pars, ariete incusso subruta, multis jam locis prociderat; perque apertum ruina iter nocte Romani, quodque super portum est, in arcem perruperunt. Attalus luce prima, signo ex arce dato ab Romanis, et ipse urbem invasit, stratis magna ex parte muris: præsidium oppidanique in alteram arcem perfugere; unde biduo post deditio facta: urbs regi, captiva corpora Romanis cessere.

XLVII. Jam autumnale æquinotium instabat: et est sinus Euboicus, quem Coela vocant¹, suspectus

tibus legere timentes et jungere Ægeleon timentes; vide ad III, 47, n. 1. Pro Ægeleon forte leg. Pteleon. — Muri quoque pars, etc. Hunc locum valde impugnat Walchius, Emend. p. 128 sqq. Eum enim offendunt muri pars juncta cum multis locis, subruta cum prociderat; offendit ruina, singulari numero, de muro, qui multis partibus præcidit; offendit quodque super portum est: et horum pleraque non immerito. Itaque locum sic vult refingi: muri quoque (pars ariete inc. subruta) mult. jam loc. quodque supra port. est prociderat, perque ap. ruina. it. nocte Rom. in arc. perr. Non hac emendatione contentus fuit Büttner qui, Obs. p. 85 sqq. plura quoque disputat, eamque de hoc loco perfert conjecturam: Muri quoque pars, ariete inc. subruti multis jam locis, prociderat: perque ap. rui. it. noc. Rom. [quodque super port. est] (de his desperat) in arcem perr. Judicet lector, Ed.

CAP. XLVII. 1. *Sinus Euboicus; quem Coela vocant: nota Dukeri est: — Hic sinus Euboicus vocatur etiam Oros. VI, 15, et κοιλὴς Εὐβοίας μυχὸς Eurip. Troad. 84, de naufragio Græcorum ad Capharea in reditu a Troja: nam circa hunc proprie fuisse, quæ τὰ κοῖλα τῆς Εὐβοίας et κοίλη Εὐβοία dicebantur, patet ex Dion. Chrys. Orat. VII; Tzetzæ ad Lycophr. v. 384, et Philostr. Heroic. X, 11, et in vita Apollon. I, 24; III, 23, Strab. l. X pr. auctor est, Εὐβοίας τὰ κοῖλα νόταρι τὰ μεταξὺ Αἰολίδος (Βοιωτίæ) et τῶν περὶ Γεραιστὸν (Eubœæ) τόπων nam latius productam fuisse hanc appellationem, intelligi potest ex Val. Max. I, 8, 10; Lucano, V, 195, 230 sq. et Philostr. vita Apoll. I, 24, ubi conf. Olear. Malim tamen cum Casaub. ex Epit. Strab. legere Καφαρίως pro Αἰολίδος, quia, si Αἰολίδος scripsisset Strab. Capharea potius, quam Geræstum, nominaturus fuisse videtur. — Cæterum ad sinum maritimum trans-*

nautis : itaque, ante hiemales motus² evadere inde cupientes, Piræeum, unde profecti ad bellum erant, repetunt. Apustius, triginta navibus ibi relictis, super Maleam³ navigat Corcyram : regem spatium Initiorum Cereris, ut sacris interesset, tenuit. Secundum⁴ Initia et ipse in Asiam se recepit, Agesimbrotus et Rhodiis domum remissis. Hæc ea æstate terra marique adversus Philippum sociosque ejus a consule et legato Romanis, adjuvantibus rege Attalo et Rhodiis, gesta. Consul alter C. Aurelius ad confectum bellum⁵ quum in provinciam venisset, haud clam tulit iram adversus prætorem, quod absente se rem gessisset : misso igitur eo in Etruriam, ipse in agrum hostium legiones induxit ; populandoque, cum præda majore, quam gloria, bellum gessit. L. Furius, simul quod in Etru-

lata, quæ de tractu terræ docent geographi, Ptol. III, 15, et Strab. X pr. sc. tractum Eubœæ a Geræsto prom. ad Aulidem sive Chalcidem dictum fuisse τὰ Κοῦλα (*die Höhlung*) τῆς Εὐβοίας propter situm, quoniam ibi κολποῦται ἢ παραλία, sinuatur ora maritima, et ab Chalcide κερτοῦται πάλιν πρὸς τὴν ἡπειρόν, curvatur denuo in continentem. Conf. Oros. VI, 16; Lucan. V, 231 sq. et Valer. Max. I, 8, 9. Similiter Κοῦλα vocantur loca concava, humilia et depressa, cavæ et profundæ valles, seu convalles, verbi o. *Cœla Thessalica* XXXII, 4; fauces ejus concavæ, *confragosa loca implicatæque flexibus vallium viæ*; *Cœle Syria* XXXIII, 19; XLII, 29; ubi etiam *Cœlen Syriam* edidit Drak. pro vulg. *Cœlesyriam*, quia in MS et edd. antt. legitur *Cœlesyriam*, conf. ad XXXII, 5, n. 4, XLV, 11; ἡ Κοῦλη Συρία, *Cœlesyria*, cava Syria (*Hohlyrien*), et

simpl. *Cœle* ap. Mel. I, 11, propr. planities seu valles inter Libanum et Antilibanum, deinde tractus Syriæ per totam Phœnicen et Palæstinam pertinens usque ad Raphiam finesque Ægypti; et τὰ Κοῦλα τῆς Ναυπακτίας, convalles agri Naupactii, apud Polyb. V, 103, 4.

2. *Ante hiemales motus*, maris et fluctuum agitationemque, qualis hieme esse solet.

3. *Super Maleam*, supra, ultra Maleam (*Malea superata* XXXI, 44 pr.), ut XLII, 56, n. 1, et gr. ὑπὲρ τὴν Μαλίαν. Conf. ad XXVIII, 8, n. 6; XXX, 4, n. 6; XXXI, 46, n. 4; XLIII, 21, n. 4; Sall. Jug. 19 (22); Virg. Æn. VI, 795; Duk. ad h. l. Victor. et Manut. ad Cic. ad Fam. IV, 12.

4. *Secundum Initia*; vide ad I, 4, n. 1, et XXXI, 14, n. 4.

5. *Consul alter C. Aurelius ad confectum bellum quum*, etc. vid. c. 22.

ria nihil erat rei, quod gereret, simul gallico triumpho imminens⁶, eumque, absente consule irato atque invidente, facilius impetrari posse ratus, Romam inopinato quum venisset, senatum in aede Bellonæ habuit⁷; expositisque rebus gestis, ut triumphanti sibi in Urbem invehi liceret, petit.

XLVIII. Apud magnam partem senatus et magnitudine rerum gestarum valebat et gratia. Majores natu negabant triumphum, *et quod alieno exercitu rem gessisset¹, et quod provinciam reliquisset aviditate rapiendi per occasionem triumphis²; id vero eum nullo exemplo fecisse.* Consulares præcipue, *expectandum fuisse consulem, dicebant; potuisse enim castris prope Urbem positis, tutanda colonia, ita ut acie non decerneret, in adventum ejus rem extrahere; et, quod prætor non fecisset, senatui faciendum esse. Consulem expectarent; ubi coram disceptantes consulem et prætorem audissent, verius de causa existimatos³ esse.* Magna pars senatus nihil præter res gestas, et an in magistratu suisque auspiciis gessisset, censebant spectare senatum debere. *Ex duabus coloniis⁴, quæ velut claustra ad cohibendos gallicos tumultus oppositæ fuis-*

6. Gallico triumpho imminens; vide ad III, 51, n. 3. Mox eumque scripsi pro vulg. quem suadente Gron. Ita Hearnii L. 1.

7. Senatum in aede Bellonæ h. etc. vide ad XXVI, 21, n. 1.

CAP. XLVIII. 1. Negabant triumphum, et quod alieno exercitu rem, etc. vide ad XXVI, 21, n. 1. C. Aurelio consuli bellum erat mandatum; vid. cap. 11.

2. Rapiendi per occasionem triumphis; vide ad VI, 23, n. 3. — Consulem expectarent. Hæc nimis impera-

torie dicta videntur Goellero, qui commodius legendum putat e cod. Bamb. senatui fac. esse, ut consulem expectaret. In nostris omnibus, quos consuluerim, expectare legitur, nullo signo superscripto. Ed.

3. Verius de causa existimatos; vide ad III, 19, n. 8, et IV, 15, n. 1. — An in magistratu suisque auspiciis gessisset res; vide ad XXVI, 21, n. 1, et XXVIII, 38, n. 4. De rebus ab egestis, vid. cap. 21.

4. Ex duabus coloniis, Placentia et Cremona, . . . quum una, Placentia,

sent, quum una direpta et incensa esset, trajecturumque id incendium, velut ex continentibus tectis, in alteram tam propinquam coloniam esset, quid tandem prætori faciendum fuisse? nam, si sine consule geri nihil oportuerit, aut senatum peccasse, qui exercitum prætori dederit (potuisse enim, si non cum prætoris, sed consulis, exercitu rem geri voluerit, ita finire senatusconsultum, ne per prætorem, sed per consulem gereretur), aut consulem, qui non, quum exercitum ex Etruria transire in Galliam jussisset, ipse Arimini occurrerit, ut bello interesset, quod sine eo geri fas non esset. Non expectare belli tempora moras et dilationes imperatorum; et pugnandum esse interdum, non quia velis, sed quia hostis cogat. Pugnam ipsam eventumque pugnae spectari oportere: fusos caesosque hostes; castra capta ac direpta; coloniam liberatam obsidione; alterius coloniae captivos recuperatos restitutosque suis; debellatum uno prælio esse. Non homines tantum ea victoria lætatos, sed diis quoque immortalibus per triduum supplicationes habitas⁵, quod bene ac feliciter, non quod male ac temere, respublica a L. Furio prætore gesta esset. Data fato etiam quodam Furiae genti gallica bella.

XLIX. Hujus generis orationibus ipsius amicorumque victa est, præsentis gratia prætoris, absentis consulis majestas; triumphumque frequentes L. Furio decreverunt. Triumphavit de Gallis in magistratu L. Furius prætor. In ærarium tulit trecenta viginti millia[†] æris, argenti centum septuaginta millia pondo;

etc. cap. 10 et 21. — *Felut claustra ad cohibendos*, etc. vid. ad librum XXI, cap. 25.

5. *Supplicationes habitas*; vid. cap. 22 pr. et ad III, 63, n. 2. — *Furiae*

genti; conf. V, 49; VI, 42, et VII, 25 sq.

CAP. XLIX. 1. *Trecenta vig. millia.*

Grave æs hic cum Creverio intelligimus; itaque summa hæc æris par erit

neque captivi ulli ante currum ducti, neque spolia praelata, neque milites sequuti. Omnia, praeter victoriam, penes consulem esse apparebat. Ludi deinde a P. Cornelio Scipione, quos consul in Africa voverat, magno apparatu facti : et de agris militum ejus decretum, ut, quot quisque eorum annos in Hispania aut in Africa militasset, in singulos annos bina jugera acciperet; eum agrum decemviri assignarent². Triumviri inde creati ad supplendum Venusinis colonorum numerum, quod bello Hannibalis attenuatae vires ejus coloniae erant, G. Terentius Varro, T. Quintius Flamininus, P. Cornelius Cn. F. Scipio : hi³ colonos Venusiam adscripserunt. Eodem anno C. Cornelius Cethegus, qui proconsul Hispaniam obtinebat, magnum hostium exercitum in agro sedetano fudit : quindecim millia Hispanorum eo praelio dicuntur caesa, signa militaria capta octo et septuaginta. C. Aurelius consul, quum ex provincia Romam comitorum causa venisset, non id, quod animis praeeperant, questus est, *non expectatum se ab senatu, neque disceptandi cum praetore consuli potestatem factam; sed ita triumphum decresse senatum, ut nullius, nisi ejus, qui triumphaturus esset, haud eorum, qui bello interfuissent, verba audiret. Majores ideo instituisse, ut legati, tribuni militum, centuriones, milites denique triumpho adessent, ut veritas rerum gestarum ejus, cui tantus honos haberetur, publice videretur*⁴. Ec-

denariis 32,000, et marcis argenti nostratibus 500. Ed. — *Argenti cent. sept. millia*, selibras nostrates pondo 265,625. Ed. — *Ludi deinde a P. Cornelio Scipione, quos consul in Africa voverat*, etc. vide ad XXVIII, 39, n. 1, et cf. Polyb. XVI, 23, 7.

2. *Bina jug. acciperet; eum agrum decemviri assignarent*; cf. cap. 4, et ad VI, 36, n. 5.

3. *Hi colonos Venusiam adscripserunt*; vide tamen ad lib. IV, 25, n. 4.

4. *Ut veritas rerum gestarum... publice videretur*, palam et ab omnibus

quem ex eo exercitu, qui cum Gallis pugnaverit, si non militem, lixam saltem fuisse, quem percunctari posset senatus, quid veri prætor vanive referret? Comitiiis deinde diem edixit⁵; quibus creati sunt consules L. Cornelius Lentulus, P. Villius Tappulus: prætores inde facti L. Quintius Flamininus, L. Valerius Flaccus, L. Villius Tappulus, Cn. Bæbius Tamphilus.

L. Annona quoque eo anno pervilis² fuit. Frumenti vim magnam ex Africa advectam ædiles curules M. Claudius Marcellus et Sex. Ælius Pætus binis æris in modiös populo diviserunt: et ludos Romanos magno apparatu fecerunt; diem unum² instaurarunt: signa ænea quinque ex mulctatio argento in ærario posuerunt. Plebeiï ludi ab ædilibus L. Terentio Masiliota et Cn. Bæbio Tamphilo, quem prætorem designaverant, ter toti instaurati: et ludi funebres eo anno per quadriduum in foro, mortis M. Valerii Lævini causa, a P. et M. filiis ejus facti; et munus gladiatorium³ datum ab iis: paria quinque et viginti pugnarunt. M. Aurelius Cotta, decemvir sacrorum,

perspiceretur, cognosceretur. — Pro veritas duo e nostris habent virtutes, quod et alii jam notaverunt. Goeller e cod. Bamb. sic locum restituit: *ut verum rer. gest....hab. populus romanus videret.* Ed.

5. Comitiiis deinde diem edixit MSS optimi. Indixit edd. ante Drak. Similiter edicere senatum III, 38; diem militibus, supplicationem populo, comitia XXII, 12 (ubi v. not. 1); XXII, 33; XXIIV, 37; XXXII, 1; XXXIII, 14; XL, 59, et indicere concilio diem, comitia, etc. XXVII, XXX, XXXVI, 6 al. edicere et indicere justitium III, 3; IV, 26; edicere et indicere delectum II, 55; III, 10; V, 19; XXV, 57.

Cf. ad XXI, 63, n. 1, et Drak. ad h. l. et III, 38, n. 13.

CAP. L. 1. Annona...pervilis fuit; vide ad II, 34, n. 10. — Populo diviserunt = h. e. plebi, fæci populi, ut XXX, 26; XXXI, 4; XXXIII, 42; ap. Suet. Cæs. 41, et Aug. 40, 41, 42 =. Duk. Quæ loca omnia de largitionibus frumentariis agunt, ad quas tenuis tantum plebecula admittebatur. Similiter tribuni ad populum, h. e. plebem, rogationes tulisse dicuntur III, 9; VII, 42; X, 13 al. Cf. ad Epit. Liv. 115, 3.

2. Ludos Romanos...instaurarunt; vide ad II, 36, n. 1.

3. Ludi funebres...munus gladia-

mortuus : in ejus locum M'. Acilius Glabrio suffectus. Comitii ædiles curules creati sunt forte ambo, qui statim occipere magistratum non possent; nam C. Cornelius Cethegus absens creatus erat, quum Hispaniam obtineret provinciam⁴; C. Valerius Flaccus, quem præsentem creaverant, quia flamen dialis erat, jurare in leges non poterat; magistratum autem plus quinque dies, nisi qui jurasset in leges, non licebat gerere. Petente Flacco, ut legibus solveretur, senatus decrevit, ut, si ædilis, qui pro se juraret, arbitrato consulum daret, consules, si eis videretur, cum tribunis plebis agerent, uti ad plebem ferrent : datus, qui juraret pro fratre, L. Valerius Flaccus, prætor designatus. Tribuni ad plebem tulerunt, plebesque scivit, ut

torium, etc. vid. XXIII, 30, n. 9. — *M. Valerii Lævini causa a P. et M. filiis*; cf. quæ de iis Drak. disputavit adversus Pigh. in Ann. ad a. U. 563, 566, 576.

4. *C. Cornelius Cethegus absens creatus erat, quum Hispaniam obtineret provinciam*: Sigonius recte ex Livio ordinat successionem eorum, qui Hispaniis præfuere : qui an. U. 533 fuere P. et Cn. Cornelii Scipiones (XXI, 17, 32); an. 539 P. Scipio P. F. Africanus; a. 544 L. Lentulus et L. Manlius Acidinus (XXVIII, 38); an. 550 C. Cornelius Cethegus (XXXI, 20, 49, 50). — Sed non tollit, quod in narratione Livii de L. Manlii Acidini et L. Cornelii Lentuli successoribus difficile et obscurum est. Hi P. Scipioni successerunt XXVIII, 38; ubi quum quinque annos fuissent, de successione actum in senatu, XXX, 41. Sexto anno Lentulus ex Hispania rediit accepto successore Cornelio Cethego (XXXI, 20, 49), et relicto in provincia Acidino,

qui anno post decessit, et successorem habuit L. Stertinius, XXXII, 50; XXXII, 7. — Duk. Hæc parum accurate traduntur a Livio : unde etiam mutilatum esse quadam parte hunc librum, suspicati sunt Glar. et Pigh. ad an. 553. — *Quia flamen dialis erat, jurare in leges non poterat*, πότερον ὅτι βάσανός τις Διουτέρων ὁ ἄρκος ἐστὶ, δεῖ δὲ ἀδασάνιστον εἶναι καὶ τὸ σῶμα καὶ τὴν ψυχὴν τοῦ ἱερέως ; ἢ ὅτι περὶ μικρῶν ἀπιστεῖσθαι τὸν τὰ θεῶν καὶ μέγιστα πεπιστευμένον οὐκ εἰκός ἐστιν ; ἢ ὅτι πᾶς ἄρκος εἰς κατάραν τελευτᾷ τῆς ἐπιτορκίας. κατάρα δὲ δύσφημὸν καὶ σκυθρωπὸν ; ἢ κινδὸς ὁ τῆς ἐπιτορκίας κίνδυνος, ἂν ἀνὴρ εὐσιβὴς καὶ ἐπιτορκος εὐχῶν κατάρχηται καὶ ἱερῶν ὑπὲρ τῆς πόλεως ; Plutarch. Quæst. Rom. 44 ; Opp. t. II, p. 275. Temporibus tamen imperatorum in acta eorum jurabant; vid. Dio Cass. LIX, 13, et Gell. X, 15, ubi et Fabius Pictor. — *Jurare in leges... magistratum autem*, etc. vid. ad lib. XXIX, cap. 37, n. 9.

perinde esset, ac si ipse ædilis jurasset. Et de altero ædile scitum plebis est factum, rogantibus tribunis, quos duos in Hispaniam cum imperio ad exercitus ire juberent, ut C. Cornelius ædilis curulis ad magistratum gerendum veniret, et L. Manlius Acidinus decederet de provincia multos post annos. Plebes Cn. Cornelio Lentulo et L. Stertinio pro consulibus imperium esse in Hispania jussit.

T. LIVII PATAVINI
HISTORIARUM

AB URBE CONDITA

LIBER XXXII.

BREVIARIUM.

CAP. I; Provinciæ et legiones divisæ. Feriæ Latinæ instauratæ ob carnem non datam legatis Ardeatium. Prodigia nuntiata ac procurata. — II; Carthaginienses argentum in stipendium impositum primum Romam advehunt, iisque petentibus obsidum pars redditur, pars alio traducitur. Gaditanis petentibus remittitur, ne præfectus mittatur Gades; et Narniensibus colonorum numerus expletur. — III; P. Villius consul in Macedonia comprimit seditionem militum, missionem postulantium. — IV; Philippus frustra oppugnat Thaumacos, et inde in Macedoniam in hiberna copias reducit. — V; Ibi popularium animos sibi conciliat, Heraclide in vincula coniecto; belloque magna cura apparato, cum Athenagora ad Aoum amnem idonea munit loca. — VI; Consul adversus eum nihil memorabile gerit. — VII; Censores creantur P. Cornelius Scipio Africanus et P. Ælius Pætus. L. Manlius Acidinus, ex Hispania decedens, ovans Urbem ingreditur. Cn. Bæbius Tamphilus prætor, circumventus a Gallis Insubribus, multos milites amittit, et, exercitu L. Lentulo consuli tradito, abire Romam jubetur. Creantur consules (Sex. Ælius Pætus et T. Quintius Flamininus, qui consulatum ex quæstura petierat), et prætores. Ludi plebei et Romani. — VIII; Consules prætoresque sortiuntur provincias, et delectus habetur. Attalus nuntiat senatui rom., regnum suum invadi ab Antiocho. — IX; Prodigis procuratis Ælius proficiscitur in Galliam, Quintius in Macedoniam. — X; Philippus et consul in arctissimis Aoi ripis

faucibusque Epiri veniunt in colloquium; sed re infecta recedunt. — XI; Pastor quidam, a Charopo principe Epirotarum missus, partem exercitus romani per saltum, a Macedonibus obsessum, supra caput eorum deducit in verticem montis. — XII; Pugna inde exorta hostes circumventi fugiunt, petuntque Thessaliam. — XIII; Ibi rex urbes sociorum, mox futuras hostium, incendit, et in Macedoniam regreditur: quo facto Ætoli, — XIV; Amynder et Athamanes multa Thessaliæ oppida diripiunt. — XV; Eamdem terram vastat T. Quintius. — XVI; Interea frater ejus, L. Quintius, cum classe rom. Piræum, et inde, conjunctus Attali Rhodiorumque navibus, Eubœam petit, capitque Eretriam — XVII; et Caristum. Consul vero Atracem diu ac frustra oppugnat: — XVIII; nec rationem procul a mari et in Thessalia belli cladibus evastata hibernandi ullam cernens transgreditur in Phocidem, et nonnulla ejus oppida castellaque expugnat. — XIX; Eo auctore a fratre, Atheniensibus, Attalo ac Rhodiis, Corinthum oppugnare parantibus, ad Achæos eorumque prætorem, Aristænum, qui Cycliadæ successerat Romanisque gentem jungi cupiebat, legati mittuntur; quorum perpetuis orationibus Sicyone absumitur dies. — XX-XXI; Aristænus suadet societatem romanam. — XXII; Inter demurgos seu magistratus Achæorum certamen oritur nihilo segnius, quam inter multitudinem, et prius, quam decretum fit, Dymæi, Megalopolitani ac quidam Argivorum relinquunt concilium. — XXIII; Cæteri Achæorum populi societatem cum Attalo ac Rhodiis præsentem confirmant decreto, cum Romanis in id tempus differunt, quo Romam mitti possunt legati. Tum Corinthus omni vi oppugnatur; sed irritum tandem incepto Attalus Piræum, Romani Coreyram petunt. — XXIV; Interim consul in Phocide scalis capit Elatiam. — XXV; Cæterum adventu in Achaiam Philoclis regii præfecti non Corinthus tantum liberatur obsidione, sed Argos quoque ei proditur. — XXVI; Sex. Ælius in Gallia totum prope annum Cremonensibus Placentinisque cogendis redire in colonias consumit. Circa Urbem vero tumultus pæne excitatur a servis conjurantibus, quorum magna vis erat Setiæ cum obsidibus Carthaginiensium. — XXVII; Attalus legatos Romam, et Masinissa triticum auxiliaque ad exercitum rom. mittit. M. Porcius Cato e Sardinia fugat feneratores, sumptusque a sociis in cultum prætorum factos circumcidit aut tollit. Consules creantur C. Cornelius Cethegus et Q. Minucius

Rufus, primumque illo anno sex prætores. — XXVIII; Consulibus, Italiam Macedoniamque sortiri parantibus, bellum mandatur cum Gallis Cisalpinis, et Quintiis imperium in Macedonia prorogatur. — XXIX; Prodigia procurantur; et quinque coloniæ deducuntur in oram maritimam. Consules ambo in Galliam profiscuntur, et brevi omnia fere cis Padum sub ditionem rom. redigunt. — XXX; Insubres a Cornelio vincuntur, et Cenomani, ad defectionem ab iis sollicitati, dedunt se Romanis. — XXXI; Minucius populatur agros Boiorum, et Ligustinos Ilvates subigit. — XXXII; T. Quintius Opuntem oppugnare statuit, et Philippo petenti colloquium concedit prope Nicæam. — XXXIII - XXXVI; Res altercationibus, regis maxime sociorumque consulis, teritur, et bis differtur in alium diem. Tandem inducias facere placet, donec legati Romam mittantur ad senatum. — XXXVII; Hi infecta pace redeunt. — XXXVIII; Philippus, de longinquis Achaïæ oppidis sollicitus, Philocli solam Corinthum dat tuendam, et Argos Nabidi velut fiduciarium tradit. Is ibi sævit in principes, — XXXIX; et mox a Quintio atque Attalo colloquium petit impetratque, in quo de conditionibus amicitiae agitur. — XL; Auxilia mittit Romanis, et, Lacedæmonem regressus, Argos præsidio firmatos uxorem remittit ad feminas spoliandas. Quintius, Philocle et Corintho frustra tentatis, Anticyram; Attalus Sicyonem et inde Cenchreas trajicit.

I. CONSULES prætoresque, quum idibus martiis magistratum inissent, provincias sortiti sunt. L. Cornelio Lentulo Italia, P. Villio Macedonia; prætoribus, L. Quintio urbana^r, Cn. Bæbio Ariminum, L. Valerio Sicilia, L. Villio Sardinia evenit. Lentulus consul novas legiones scribere iussus; Villius a P. Sulpicio exercitum accipere: in supplementum ejus quantum militum videretur, ut scriberet, ipsi permissum. Prætori Bæbio legiones, quas C. Aurelius consul habuisset, ita decretæ, ut retineret eas, donec consul novo cum exercitu succederet. In Galliam ubi is venisset, omnes

CAP. I. I. L. Quintio urbana (vid. vid. ad XXV, 41, n. 8. — Bæbio Ariminum; vide ad XXIV, 44, n. 2. ad II, 40, n. 9), et simul peregrina;

milites exauctorati domum dimitterentur², præter quinque millia socium. His obtineri circa Ariminum provinciam satis esse. Prorogato imperio prætoribus prioris anni (Cn. Sergio, ut militibus, qui in Hispania, Sicilia, Sardinia³ stipendia per multos annos fecissent, agrum assignandum curaret; Q. Minucio, ut in Brutiis⁴ idem de conjurationibus quæstiones, quas prætor cum fide curaque exercuisset, perficeret, et eos, quos sacrilegii compertos⁵ in vinculis Romam misisset, Locros mitteret ad supplicium, quæque sublata ex delubro Proserpinæ essent, reponenda cum piaculis curaret), feriæ Latinæ pontificum decreto instauratæ sunt; quod legati ab Ardea⁶ questi in senatu erant, sibi in monte Albano Latinis carnem, ut assolet, datam non esse. Ab Suessa nuntiatum est, duas portas, quodque inter eas muri erat, de cælo tactum; et Formiani legati ædem Jovis, item Ostienses ædem Jovis, et Veliterni Apollinis et Sanci ædes⁷, et in Herculis æde capillum enatum: et ex Brutiis ab Q. Mi-

2. *Omnes milites exauctorati d. d.*; vide ad VIII, 34, n. 8.

3. *Prorogato imperio... Cn. Sergio, ut militibus, qui in Hispania, Sicilia, Sardinia*, etc. cf. XXXI, 4 et 49, unde suspicari possis, voc. *Africa* h. l. excidisse. Prorogato imperio prætori prioris anni (vid. XXXI, 6) *C. Sergio*; vide ad XXVII, 22, n. 2. — *Agrum assignandum curaret*, sc. per mensores.

4. *Q. Minucio, ut in Brutiis*, etc. cf. XXXI, 12, 13. — Testis est Gellius, X, 3, quem hic citat Crev. Romanos ita severe cum Brutiis egisse, ut eos ignominie causa milites non scriberent, verum magistratibus in provincias euntibus apparere et præministrare servorum more juberent.

Hinc *Bruttiani* interdum lictores magistratum dicuntur. EN.

5. *Sacrilegii compertos*; vide ad VII, 4, n. 2.

6. *Legati ab Ardea* (vide ad X, 14, n. 2) *questi, sibi Latinis in monte Albano et epulis solennibus sacrisque* (v. Dionys. Hal. lib. IV, p. 250 sq.) *carnem datam non esse*; cujus rei causa non memoratur, ut nec XXXVII, 3, in simili re. — *Ab Suessa nuntiatum est*, forte *nuntiarunt*, ut melius conveniant seqq. et *Formiani legati, Ostienses, Veliterni*, sc. nuntiarunt; Gron. Sic *ab Suessa dictum pro legati Suessani*.

7. *Apollinis et Sanci* (vide ad VIII, 20, n. 10) *ædes*, sc. de cælo tactas esse. — *Et in Herculis æde capillum*

nucio proprætoꝛe scriptum, equuleum cum quinque pedibus, pullos gallinaceos tres cum ternis pedibus natos esse. Inde a P. Sulpicio proconsule ex Macedonia literæ allatæ, in quibus inter cætera scriptum erat, lauream in puppi navis longæ enatam⁸. Priorum prodigiorum causa senatus censuerat, ut consules majoribus hostiis, quibus diis videretur, sacrificarent. Ob hoc unum prodigium haruspices in senatum vocati, atque ex responso eorum supplicatio populo in diem unum edicta, et ad omnia pulvinaria res divinæ factæ.

II. Carthaginienses eo anno argentum in stipendium impositum primum Romam advexerunt. Id quia probum non esse quæstores renuntiaverant, experientibusque pars quarta decocta erat, pecunia Romæ mutua sumpta, intertrimentum argenti¹ suppleverunt. Petentibus deinde, ut, si jam videretur senatui, obsides sibi redderentur, centum redditi obsides; de cæteris², si in fide permanerent, spes facta. Petentibus iisdem, qui non reddebantur obsides, ut ab Norba, ubi parum commode essent; alio traducerentur,

enatum, obscurum prodigium; conf. Heyn. Opusc. Acad. t. III, p. 264, et Steger *von den Prodigien*, p. 180. Forte tenuis plantæ fibra aut crinis e pariete seu pavimento, nescio quo casu, eminuit. Rob. Titius loc. contr. XVIII, 3, conject. e Plut. de Pythiæ orac. pag. 397, *caprificum enatum* (v. ad Juvenal. X, 145), vel potius in *Herculis sede* (natibus) *capillum enatum*, quem pilum referebat ad Herculem *μειλάμπυγον* (vid. Suid. et Plut. de discr. amici et adulat.), putabatque, quum pili in statuis effingi minime consueverint, et Hercules iis ægre careret, ne *πύγαργος* et *λευκόπυγος*, h. e. mollis et effeminatus,

existimaretur, eum voluisse hos ex illa sui parte erumpere, et maximum præbere prodigium. — *Equuleum*. In pluribus MSS legitur *equum*. Ed.

8. *Lauream in puppi enatam*; cf. XLIII, 13; Plin. XVII, 38 seu 25, et Steger l. l. p. 178. — *Supplicatio edicta ad omnia pulvinaria*, etc. vide ad III, 63, n. 2; V, 13, n. 5, et XXXI, 49, n. 5.

CAP. II. 1. *Intertrimentum argenti*, quod decoquendo (ut etiam terendo et absumendo XXXIV, 7, n. 5) argento perierat; Ern.

2. *Centum redditi obsides; de cæteris*, etc. vide ad XXX, 37, n. 3. — *Signiam*, forte leg. *Setiam* e cap. 26;

tur, concessum, ut Signiam et Ferentinum transirent. Gaditanis item petentibus remissum, ne præfectus Gades mitteretur³, adversus quod iis, in fidem populi romani venientibus, cum L. Marcio Septimo convenisset. Et Naruiensium legatis querentibus, ad numerum sibi colonos non esse, et immixtos quosdam non sui generis pro colonis se gerere, earum rerum causa tresviros creare L. Cornelius consul jussus: creati P. et Sex. Ælii (Pætis fuit ambobus cognomen) et C. Cornelius Lentulus. Quod Narniensibus datum erat, ut colonorum numerus cogere⁴, id Cosani petentes non impetraverunt.

Signon. Sed potuit primo *concessum esse, ut Signiam transirent* obsides, et deinde pro Signia placuisse Setia, cujus mutatae sententiæ Livius non dedita operacertiore fecerit lectorem; Drak.

3. *Gaditanis petentibus remissum, ne præfectus Gades mitteretur* (vide ad IX, 20, n. 2), *adversus quod iis, in fidem populi rom. venientibus* (vide ad VII, 18, n. 1), *cum L. Marcio Septimo convenisset*; vide ad I, 3, n. 4. Dukeri nota est: «Dubitari potest, utrum his verbis significetur, Gaditanis *in fidem...convenisse*, ut præfectum rom. acciperent (quæ est sententia Sigon. de ant. Jur. Prov. I, §: nam *remitti* fere dicuntur, quæ jure exigi possunt); an, quum convenisset, ne acciperent, et imperatores rom. in Hispania deinde, adversus quod iis cum Marcio convenerat, præfectos Gades mittere cõpissent, iis petentibus, ne hoc deinde adversus pacta cum Marcio fieret, concessum. Si quis ita accipiendum putabit, *remissum* erit id. qd. datum, concessum (vide ad XXXV, 17, n. 2; XXXV, 45, n. 1, et Gron. Obs. IV, 2). Non posset esse dubia sententia hujus loci,

si de conditionibus, quibus Gaditani in fidem Romanorum venerunt, constaret. Sed de ea re nihil aliud proditum invenio, quam quod Livius XXVIII, 37, scribit, *Gaditanos Romanis deditos*, et Cic. p. Balbo, 15, *L. Marcium fœdus cum Gaditanis fecisse, quod magis fide illius populi et justitia Romanorum, quam aliquo publico vinculo religionis teneretur*. E quo loco videtur colligi posse, eos nec præfectum cum præsidio rom., quod civitatem in fide contineret, nec præfectum, qui ibi ex legibus rom. jus diceret (vide ad IX, 20, n. 2), accepisse. Hoc quidem nequaquam probabile est, quoniam sua voluntate deditionem fecere, et alia quoque federata oppida suis legibus vivebant. Cf. Cic. p. Balbo, c. 19.—*C. Cornelius Lentulus* non alibi memoratur; nec tamen propterea cum Periz. *Cn. Cornelium* ex XXXI, 50, substituendum monet Drak.

4. *Ut colonorum numerus cogere* tur, ita MSS et primæ edd. ante Froben. qui *augeret* substituit, forte e XXXIII, 24 extr. Sed illud oppido elegantius; nam *cogitur* numerus, qui conficitur,

III. Rebus, quæ Romæ agendæ erant, perfectis, consules in provincias profecti. P. Villium, in Macedoniam quum venisset, atrox seditio¹ militum, jam ante irritata, nec satis in principio compressa, exceptit. Duo millia ea militum fuere, qui ex Africa post devictum Hannibalem in Siciliam, inde anno fere post in Macedoniam pro voluntariis transportati² erant. Id voluntate factum negabant: *Ab tribunis recusantes in naves impositos; sed utcumque, seu injuncta, seu suscepta³ foret militia, et eam exhaustam, et finem aliquem militandi fieri æquum esse. Multis annis sese Italiam non vidisse; consenuisse sub armis in Sicilia, Africa, Macedonia: confectos jam se labore, opere, exsangues tot acceptis vulneribus esse.* Consul, causam postulandæ missionis probabilem, si modeste peteretur, videri, dixit. *Seditionis nec eam, nec ullam aliam satis justam causam esse: itaque si manere ad*

hic quidem partim, ut infra loquitur, cogendo redire in coloniam, qui alio dissipati erant, partim adscribendo novos, si quæ familiæ interierant: sic *cogere militem, pecuniam, stipendium* est cujusque rei definitum numerum conficere: sic *cogitur pecus*, ne quod exeret, et *cogitur agmen* ab iis, qui operam dant, ne quis resistat ac deficiat numerum; Gron. *Cogere* propr. est *coagere*, et hinc vel contrahere (v. c. *vim navium XXI*, 26, et *agmen hominum XLII*, 10) seu coarctare (ut *potestatem intra anni spatium IX*, 33, n. 4, et *saltus in arctas coactus fauces XXII*, 15, n. 6), vel congregare (v. c. *senatum I*, 48, n. 1; III, 39, n. 5; *in senatum XXVI*, 12, n. 4; *feminas XLIV*, 32 extr. nisi potius ibi cum Drak. *leg. coacta cibaria*), vel conscribere (*militiam*; de quo vide ad IV, 26, n. 2), densare (*agmen*

XXXVIII, 18), claudere (XXXIV, 28; XXXV, 27; XXXVI, 44; XLII, 64; XLIV, 4), supplere, ut h. l. *numerum*. Cf. Drak. ad IV, 26, n. 3; XXX, 4, n. 1, et Corte ad Sallust. Jug. 54. Cæterum de aucto colonorum numero cf. XXXI, 49; XXXIII, 24; XXXVII, 46. — Goeller e cod. Bamb. *augeretur*, sed vulgata optime se habet. Ed. — *Id Cosani petentes non impetraverunt*; cf. tamen ad XXXIII, cap. 24 extr.

CAP. III. 1. *Villium...seditio...exceptit*; vide ad I, 53, n. 5. — *Duo millia ea*: rō ea post Gronovium Creverius expunxit, sed restituit Drak. recte. Ed.

2. *Pro voluntariis transportati*. Cod. Bamb. *transportata*, quod jam multi protalerunt; sed vide ad II, 7, n. 4. Ed.

3. *Seu injuncta, seu suscepta*; vid.

signa et dicto parere velint, se de missione eorum ad senatum scripturum. Modestia facilius, quam pertinacia, quod velint, impetraturos.

IV. Thaumacos eo tempore Philippus summa vi oppugnabat aggeribus vineisque; et jam arietem muris admoturus erat. Cæterum incepto absistere eum coegit subitus Ætolorum adventus, qui, Archidamo duce inter custodias Macedonum mœnia ingressi, nec die, nec nocte finem ullum erumpendi, nunc in stationes, nunc in opera Macedonum, faciebant. Et adjuvabat eos natura ipsa loci; namque Thaumaci¹ a Pylis sinuque Maliaco per Lamiam eunti loco alto siti sunt, ipsis faucibus imminentes, quas Cœla vocant: Thessaliæque transeunti confragosa loca implicatasque flexibus vallium vias, ubi ventum ad hanc urbem est, repente, velut maris vasti, sic immensa panditur planities, ut subjectos campos terminare oculis² haud facile queas; ab eo miraculo Thaumaci appellati: nec altitudine solum tuta urbs, sed quod, saxo undique absciso³, rupibus imposita est. Hæ difficultates, et

ad II, 43, n. 2. — *Modestia facilius.* Eadem sententiam sic expressit bonus ille nostras Lafontaine, lib. VI, fab. 3, vs. ultimo:

Plus fait douceur que violence. Eo.

CAP. IV. 1. *Thaumaci* in Phthiotide Thessal. a *Pylis* (vide ad XXXI, 29, n. 1) *sinuque Maliaco* (v. ad XXVII, 30, n. 3) *per Lamiam eunti loco alto siti sunt*; vide ad I, 8, n. 5. — *Ipsis faucibus imminentes, quas Cœla vocant*; vide ad XXXI, 47, n. 1. Alii *quas Cœlen vocant*, et *quam Cœlen v.* Hoc elegantius est; Gron. cf. ad XXIV, 42, n. 6. Sed ita malim *quæ Cœle vocant*; vide ad XXXI, 47, n. 1. *Quas Cœla vocant. Thessaliæ quæ transeunti, vel quas Cœla vocant*

Thessaliæ: quæ transeunti, etc. conj. Drak. et posterius etiam Crever. Sed ille iungebat *quæ confragosa loca transeunti, quæ* (Thessalia) *panditur.*

2. *Subjectos campos terminare oculis, eorum terminos, fines videre, übersehen, überschauen.* — *Ab eo miraculo Thaumaci appellati*: a Thaumaco conditore, Pœantis filio, teste Steph. Byz. *Thaumaci* etiam XXXVI, 14; XXXVII, 7; Strab. IX, 434, et Steph. *Thaumacus* forte inf. cap. 13, n. 7. *Thaumacia, seu Thaumaciæ, Plin. IV, 9 seu 16.*

3. *Saxo undique absciso, al. absciso*; vide ad IV, 19, n. 5. — Creverius ait vocem *rupibus* ibi sapere glossema quoddam additum interpretandis

quod haud satis dignum tanti laboris periculique pretium erat, ut absisteret incepto Philippus, effecerunt. Hiems quoque jam instabat, quum inde abscessit, et in Macedoniam in hiberna copias reduxit.

V. Ibi cæteri quidem, data quantacumque quiete temporis, simul animos corporaque remiserant¹. Philippum quantum ab assiduis laboribus itinerum pugnarumque laxaverat annus, tanto magis intentum in universum eventum belli² curæ angunt, non hostes modo timentem, qui terra marique urgebant; sed nunc sociorum, nunc etiam popularium animos, ne et illi ad spem amicitiae Romanorum deficerent, et Macedonas ipsos cupido novandi res caperet. Itaque et in Achaiam legatos misit, simul qui jusjurandum (ita enim pepigerant, quotannis juraturos in verba Philippi³) exigerent; simul qui redderent Achæis Orchomenon et Heræam et Triphyliam, Eleis Alipheram, contendentibus, nunquam eam urbem fuisse ex Triphylia, sed sibi debere restitui, quia una esset ex iis, quæ ad condendam Megalopolim ex concilio Arcadum contributæ forent⁴; et cum Achæis quidem per hæc societatem fir-

præcedd. verbis. Drak. legendum proponit *saxi undique abscesi rupibus*, ut per *saxum* intelligatur mons saxæus; vel potius distinguendum est, sicut distinximus. Ed.

CAP. V. I. *Animos corporaque remiserant*, ut *relaxare* vel *mox laxare*, et contra *intendere*. — *Philippum quantum*, quanto scil. magis (vide ad I, 40, n. 1, et ad Tac. Ann. VI, 21, n. 4) *ab assiduis laboribus i. p. laxaverat* (vide ad II, 34, n. 13) *annus*, illa anni pars, qua cessatur ab armis, scilicet tempus hibernum, ut græce ἐνιαυτός pro tempore anni, ὄρα ἔτους, seu pro qualibet ejus parte; Gronov.

cujus nota est: « *annus leg. pro vulg. animum* (al. *animi, animos et animus*): nam remissus labor itinerum præliorumque non tam animum reficit, quam membra, quæ exercitio illo et contentione fatigantur; et de corpore Philippi intelligi vult Livius, docens, alios membris simul animoque avide quietem sumpsisse, regem, quantum corpore cessarit, tanto magis exercitam mentem habuisse».

2. *In universum eventum belli*; vide ad I, 38, n. 2.

3. *Juraturos se in verba Philippi*; vide ad II, 32, n. 1.

4. *Qui redderent Achæis Orchome-*

mabat. Macedonum animos sibi conciliavit cum Heraclide⁵; nam quum eum maximæ invidiæ sibi esse cerneret, multis criminibus oneratum in vincula conjecit, ingenti popularium gaudio. Bellum, si quando unquam ante alias, tum magna cura apparavit, exercuitque in armis et Macedonas, et mercenarios milites: principioque veris cum Athenagora omnia externa auxilia, quodque levis armaturæ erat, in

non et Heræam et Triphyliam, Eleis (immo Megalopolitis) Alipheram, contententibus, dictantibus, asseverantibus, nunquam eam urbem fuisse ex Triphylia, ejus partem, sed... ad condendam Megalopolim contributæ forent; Gron. vide ad XXVIII, 8, n. 3. *Heræan, Triphylian et Alipheran* multi codd. velle videntur; Drak. *Megalopolin* MS Pet. unde Gronov. conj. *Megalopolin*, ut *Cælen Syriam* XLII, 29, et ἡ Μεγάλη πόλις Plut. Polyb. Steph. *Megalopolin* Lov. 4. *Megalepolin, Megalepolim et Megalēpolin* multi MSS. Conf. Drakenb. — Pauca hic memorat Crev. de Megalopoli, quæ condita fuit, auctore Epaminonda, multis ignobilibus Arcadiæ vicis oppidisque in unam urbem, majoris roboris gratia, contributis ex communi gentis Arcadum decreto. Vid. Pausan. in Arcadicis. Ed.

5. *Macedonum animos sibi conciliavit cum Heraclide*, præfecto classis, Tarentino, perditio homine et astuto, qui, postquam, Tarento Romanis prodita; profugerat ad Philippum, in familiaritatem ejus se insinuaverat, et auctor illi fuerat ministerque omnis crudelitatis; conf. XXXI, 16, 33; Athen. VI, 13, p. 251 (ed. Schweigh. VI, 59); Polyb. XIII, 4, 5; XVI, 15; Diodor. Eclog. p. 573; Polyæni Strat. V, 17, 2. Alius fuit *Heraclides*

Gyrtonius, thessalico equitatu a Philippo præfectus; vid. Polyb. XVIII, 5. Alteruter aut tertius aliquis designatur XXXI, 46, n. 5. Verba *cum Heraclide* corrupta esse, vix est quod moneam. Jacobs ad Anthol. Græc. vol. I, P. II, p. 358, ingeniose emend. *Macedonum animos sibi conciliavit. Nam Heracliden amicum quum maxime invidiæ sibi esse cerneret*, etc. Sed ita saltem post *Macedonum* excidisse *quoque* aut simile quid censendum est; et in vulgata lect. nihil videtur esse, quod displicere possit præter *vocum*. Cui si substitueris *punito* vel aliud hujus generis verbum, τὰ *punito Heraclide τοῖς per hæc* et singula verba singulis præcedentibus exacte respondebunt: *causa Heraclidis* conj. Drak. Verba *sibi conciliavit* absunt ab omnibus MSS et edd. ante Ascens. a. 1513; unde alia eorum loco scripsisse Livium suspicari possis. — Absunt quoque a nostris codd. verba *sibi conciliavit*, quæ pariter ignorat cod. Bamberg, unde Goeller locum ita exhibet: *Et cum Ach... firmabat; Macedonum (quoque firmabat) animos, quum Heracliden amicum max. inv. s. esse cerneret. Multis*, etc. Mihi autem durior ea videtur loquendi forma, quam quæ Livio intrudi possit. Facilius Jacobstio accederem, qui de prima parte dubitans, de reliquis affirmat scribendum:

Chaoniam⁶ per Epirum ad occupandas, quæ ad Antigoneam fauces sunt (Stena vocant Græci), misit. Ipse post paucis diebus⁷ graviore sequutus agmine, quum situm omnem regionis adspexisset, maxime idoneum ad muniendum locum credidit esse præter amnem Aoum⁸: is inter montes, quorum alterum Æropum, alterum Asnaum incolæ vocant, angusta valle fluit, iter exiguum super ripam præbens. Asnaum Athenagoram cum levi armatura tenere ac communire jubet: ipse in Æropo posuit castra. Qua abscisæ rupes erant⁹, statio paucorum armatorum tenebat; quæ minus tuta erant, alia fossis, alia vallis, alia turribus muniēbat. Magna tormentorum etiam vis, ut missilibus procul arcerent hostem, idoneis locis disposita est. Tabernaculum regium pro vallo, in conspecto maxime tumulo¹⁰, ut terrorem hostibus suisque spem ex fiducia faceret, positum.

VI. Consul, per Charopum Epirotē certior factus, quos saltus cum exercitu insedisset rex, et ipse, quum Corcyræ hibernasset, vere primo in continentem tra-

quum Heracliden amicū max. inv. s. esse cerneret, multis, etc. Ed.

6. In Chaoniam (quæ septemtrionalis Epiri pars fuit, ut Thesprotia mediterranea et Molossia australis) per Epirum ad occupandas, quæ ad Antigoneam, Chaoniz urbem, et in Cerauniis montibus, fauces sunt: Stena vocant Græci; τὰ πρὸς τὴν Ἀντιγόνηα στενὰ apud Polyb. II, 5, 6, et II, 6, 6. Conf. Plut. in Quintio, p. 370, et Palmer. Græc. Antt. II, 3, p. 251.

7. Post paucis diebus; vide ad II, 31, n. 2.

8. Præter amnem Aoum, etc. vide ad XXIV, 40, n. 2. Ad Apsum fl. cladem Philippi fuisse tradit Plutarch.

Flamin. pag. 370, forte quia Aous et Apsus non longe distant. Conf. Strab. VII, 5, 9, p. 316, et Palmer. Græc. Antt. I, 23, 26, et II, 3.

9. Qua abscisæ rupes e. vide ad III, 70, n. 2, et IV, 19, n. 5. — Statio p. armatorum tenebat; vide supra ad XXVIII, 1, n. 4.

10. In conspecto maxime tumulo; vide ad II, 5, n. 8.

CAP. VI. 1. Per Charopum Epirotē; conf. cap. 11; Plut. in Quintio, pag. 370, et Polyb. XX, 3; XXVII, 13, cui constanter dicitur Charops, nisi quod XXXI, 8, 12, Χάρπων in omnibus legitur libris. Hinc cum Gro-novio scrib. Charopem h. l. et al. Fuit

jectus; ad hostem ducere pergît². Quinque millia ferme ab regiis castris quum abesset, loco munito relictis legionibus, ipse cum expeditis progressus ad speculanda loca, postero die consilium habuit, utrum per insessum ab hoste saltum, quanquam labor ingens periculumque proponeretur, transitum tentaret, an eodem itinere, quo priore anno Sulpicius Macedoniam intraverat, circumduceret copias. Hoc consilium per multos dies agitati nuntius venit, T. Quintium consulem factum, sortitumque provinciam Macedoniam, maturato itinere jam Corcyram trajecisse. Valerius Antias intrasse saltum Villium tradit, quia recto itinere nequirit, omnibus a rege insessis, sequutum vallem³, per quam mediam fertur Aous amnis; ponte raptim facto, in ripam, in qua erant castra regia, transgressum acie conflixisse; fusum fugatumque regem, castris exsutum; duodecim millia hostium eo prælio cæsa, capta duo millia et ducentos, et signa militaria centum triginta duo, equos ducentos triginta: ædem etiam Jovi in eo prælio votam, si res prospere gesta esset. Cæteri græci latinique auctores, quorum quidem ego legi annales, nihil memorabile a Villio actum, integrumque bellum insequentem consulem T. Quintium accepisse tradunt.

autem vir probus et amicus Romanis: at nepos ejus Charops, Machætæ filius, qui Romæ sermonem literasque Romanorum didicerat, pessimus et sævissimus homo, cædium civilium auctor, et invisus tum popularibus, tum Romanis factus; vid. Polyb. XXVII, 13; XXX, 10, 14; XXXI, 8; XXXII, 21, 32; Diodor. t. II, p. 578; Duker. ad Thucyd. II, 80; Arntzen. ad Aurel. Victor. de Vir. ill. c. 51. Mox pro *trajectus* plerique libri *trabeatus*, quidam *transvectus*: un-

de forsan leg. *travectus*; Gron. — Et est *travectus* in cod. Bamberg. Ep. — *Trajectus* active dictum pro *quum trajecisset*, ut cap. 22, *juratus pro postquam juraverat*, Drak. Conf. supra ad XXVI, 33, n. 9.

2. *Ad hostem ducere pergît*; vide ad XXVII, 17, n. 6. — *Cum expeditis*; vide ad V, 16, n. 2. — *Consilium habuit*; vide ad VIII, 6, n. 6.

3. *Sequitum vallem esse*, h. e. *petiisse, adiisse*; vid. IV, 17, n. 8. — *Integrumque bellum*; vid. II, 5, n. 1.

VII. Dum hæc in Macedonia geruntur, consul alter L. Lentulus, qui Romæ substiterat, comitia censoribus creandis habuit. Multis claris petentibus viris, creati censores P. Cornelius Scipio Africanus et P. Ælius Pætus. Hi, magna inter se concordia, et senatum sine ullius nota legerunt¹, et portoria venalium Capuæ Puteolisque, item Castrorum portorium, quo in loco nunc oppidum est, fruendum locarunt²; colonosque eo trecentos (is enim numerus finitus ab senatu erat) adscripserunt³, et sub Tifatis Capuæ agrum vendiderunt. Sub idem tempus L. Manlius Acidinus, ex Hispania decedens, prohibitus a P. Porcio Læca tribuno plebis, ne ovans rediret, quum ab senatu impetrasset, privatus Urbem ingrediens mille ducenta pondo argenti, triginta pondo ferme auri in ærarium tulit. Eodem anno Cn. Bæbius Tamphilus, qui ab C. Aurelio consule anni prioris provinciam Galliam acceperat, temere ingressus Gallorum Insubrium fines, prope cum toto exercitu est circumventus: supra sex millia et sexcentos milites amisit. Tanta ex eo bello, quod jam timeri desierat, clades accepta est. Ea res L. Lentulum consulem ab Urbe excivit; qui, ut in provinciam venit plenam tumultus, trepido exercitu accepto, prætorem multis probris increpitum provincia

CAP. VII. 1. *Senatum sine ullius nota legerunt*; vide ad XXIII, 22, n. 1, et XXIV, 16, n. 5. — *Portoria venalium rerum*, solvenda pro invectione et evectione mercium, quæ promercii et negotiandi, non utendi, causa portibus importabantur. Conf. ad II, 9, n. 4, et Burm. de Vectig. pop. rom. cap. 5, p. 55. — *Castrorum portorium*, vel ibi jam ante exactum, vel novum; vid. Burm. ibid. pag. 51. *Castra* forte castellum illud; de quo

vid. XXV, 20, quo nunc *coloni adscripti*, sed colonia serius deducta; Drak. coll. XXXII, 29, et XXXIV, 45.

2. *Fruendum locarunt portorium*; vide ad XXVII, 3, n. 1.

3. *Colonos eo trecentos adscripserunt*; vide ad IV, 25, n. 4. — *Privatus Urbem ingrediens*; vid. Gruch. cap. 4; Refut. ad poster. Sigon. Disp. et supra ad XXVI, 21, n. 1. — *Mille ducenta pondo*, etc. suspecti numeri

decedere, atque abire Romam jussit⁴: neque ipse consul memorabile quidquam gessit, comitiorum causa Romam revocatus; quæ ipsa per M. Fulvium et M'. Curium tribunos plebis impediabantur, quod T. Quintium Flaminium consulatum ex quæstura⁵ petere non patiebantur. *Jam ædilitatem præturamque fastidiri: nec per honorum gradus, documentum sui dantes, nobiles homines tendere ad consulatum, sed, transcendendo media, summa⁶ imis continuare.* Res ex campestri certamine in senatum venit. Patres censuerunt, *Qui honorem, quem sibi capere per leges liceret⁷, peteret, in eo populo creandi, quem velit, potestatem fieri æquum esse.* In auctoritate Patrum⁸ fuere tribuni. Creati consules Sex. Ælius Pætus et T. Quintius Fla-

Dukero, quia Manlius multos annos cum Lentulo fuerit in Hispania, et multa fortiter ac feliciter gesserit, Lentulus autem XXXI, 20, multo plus in ærarium tulisse dicatur. *Mille* abest a 3 MSS, quo suspicionem suam confirmari putabat. — *Mille ducenta pondo*, sunt marcæ nostratæ pondo 1875; *triginta* autem pondo sunt ponderis nostratæ selibræ 46 cum septem uncis. Ed.

4. *Provincia decedere prætorem jussit* consul ex auctoritate senatus. Cf. ad XXXIX, 3, n. 2.

5. *T. Quintium Flaminium consulatum ex quæstura* (vide ad IV, 31, n. 1) *petere*, etc. conf. Plut. in Quintio, t. I, p. 369, ubi eum triginta nondum annos natum fuisse prodit. Conf. ad XXV, 2, n. 4. Eidem Plut. *Flaminium* dicitur, quod gentis potius plebeie nomen esse putatur, ut *Flamininus* cognomen Quintiorum, gentis patricie. Quod si verum est, etiam inter honorum gradus, ab eo transcendens, idem Plut. male refert tribu-

natum plebis. Cf. Drak. ad XXXIX, 59 pr. Duker. ad Flor. II, 7, 10; Bongars. ad Justin. XXX, 3, 6. Nostram quoque scripturam firmant lapides Capitol. Sed in optimis græcorum latinorumque auctorum exemplaribus cognomen Quintiorum scribi *Flaminium*, talemque consensum vix ex librorum errore profectum videri, monet Schweigh. ad Appian. Maced. Exc. VI.

6. *Transcendendo media, summa*, summos honores, *imis continuare* (vide ad IV, 22, n. 4), per saltum, quasi adscendentes; ut *transcendere ordinem ætatis, naturæ, moris* XL, 9 et 11. — *Campestri certamine*; vid. ad VII, 1, n. 2.

7. *Honorem, quem sibi capere per leges liceret* (vide ad V, 12, n. 6), nondum latis legibus annalibus, quæ magistratus ordine geri jusserunt; Duk. et Gruch. de Com. Rom. I, 3. Conf. ad XXV, 2, n. 4, et Plut. l. l.

8. *In auctoritate Patrum f. t.* vide ad II, 56, n. 16.

mininus. Inde Prætorum comitia habita : creati L. Cornelius Merula, M. Claudius Marcellus, M. Porcius Cato⁹, C. Helvius, qui ædiles plebis fuerant. Ab iis ludi plebei instaurati ; et epulum Jovis fuit ludorum causa : et ab ædilibus curulibus C. Valerio Flacco flamine diali et C. Cornelio Cethego ludi Romani magno apparatu facti. Ser. et C. Sulpicii Galbæ pontifices eo anno mortui sunt : in eorum locum M. Æmilius Lepidus et Cn. Cornelius Scipio pontifices suffecti sunt.

VIII. Sex. Ælius Pætus, T. Quintius Flamininus consules, magistratu inito, senatum in Capitolio quum habuissent, decreverunt Patres, *ut provincias Macedoniam atque Italiam consules compararent inter se sortirentur*¹. *Utri eorum Macedonia evenisset, in supplementum legionum tria millia militum romanorum scriberet et trecentos equites ; item sociorum latini nominis quinque millia peditum, quingentos equites.* Alteri consuli novus omnis exercitus decretus. L. Lentulo prioris anni consuli prorogatum imperium est ; vetitusque aut ipse provincia decedere prius, aut veterem exercitum deducere, quam cum legionibus novis consul venisset. Sortiti consules provincias ; Ælio Italia, Quintio Macedonia evenit. Prætores, L. Cornelius Merula urbanam², M. Claudius Siciliam, M. Porcius Sardiniam, C. Helvius Galliam est sortitus.

9. M. Porcius Cato ; conf. Cic. de Sen. 4, et ibi intpp.

CAP. VIII. 1. *Compararent inter se sortirentur* ; vide ad III, 2, n. 1.

2. L. Cornelius Merula urbanam ; vide ad II, 40, n. 9. Mox forte leg. nam, præter consules, prætores, etc. et deinde *Marcellus in Sic.* . . . *Cato in Sard.* — Leniori mutatione locum ex-

pediit Creverius, afferens *prætoribus* ; ita ut consules etiam prætoribus copias scriberent. Nec est quod τὸ *consulares exercitus*, plurali numero offendat ; nam, ut notat Drak. etsi uni consulum exercitus decretus est, alter tamen in supplementum non paucos milites scribere fuit jussus : unde Livius etiam *cons. ex.* dicere potuit. Ed.

Delectus inde haberi est cœptus; nam, præter consulares exercitus, prætores quoque jussi scribere milites erant. Marcello in Siciliam quatuor millia peditum socium latini nominis et trecentos equites; Catoni in Sardiniam ex eodem genere militum tria millia peditum, ducentos equites: ita ut hi prætores ambo, quum in provincias venissent, veteres dimitterent pedites equitesque. Attali deinde regis legatos in senatum consules introduxerunt. Hi, regem classe sua copiisque omnibus terra marique romanam rem juvare, quæque imperarent romani consules, impigre atque obedienter ad eam fecisse, quum exposuissent, *Vereri dixerunt, ne id præstare ei per Antiochum regem ultra non liceret*³: *vacuum namque præsiidiis navalibus terrestribusque regnum Attali Antiochum invasisse: itaque Attalum orare Patres conscriptos, si sua classe suaque opera uti ad macedonicum bellum vellent, mitterent ipsi præsidium ad regnum ejus tutandum: si id nollent, ipsum ad sua defendenda cum classe ac reliquis copiis redire paterentur*. Senatus legatis ita responderi jussit, *Quod rex Attalus classe copiisque aliis duces romanos juvisset, id gratum senatui esse*⁴. *Auxilia nec ipsos missuros Attalo adversus Antiochum, socium et amicum populi romani; nec Attali auxilia retenturos, ultra quam regi commodum esset. Semper populum romanum alienis rebus, arbitrio alieno, usum: et principium et finem in potestate ipsorum, qui ope sua velint adjutos Romanos, esse. Legatos ad Antiochum missuros, qui nuntient, Attali naviumque ejus et militum*

3. *Per Antiochum r. non liceret*; vide ad V, 12, n. 6.

4. *Id gratum senatui esse*: Gronov. reposuit *fore*, ut sensus sit: ejus rei

memorem fore senatum gratiis opera reque referendis, ut IV, 48, n. 6, *gratum id singulis Patribus fore pro*: eos gratiam relatuos. Sed ita dicen-

opera adversus Philippum communem hostem uti populum romanum. Gratum eum facturum⁵ et senatui, si regno Attali abstineat, belloque abstinet. Æquum esse, socios et amicos populi romani reges inter se quoque ipsos pacem servare.

IX. Consulem T. Quintium, ita habito delectu, ut eos fere legeret, qui in Hispania aut Africa meruissent spectatæ virtutis milites, properantem in provinciam¹ prodigia nuntiata atque eorum procuratio Romæ tenuerunt. De cælo tacta erant via publica Veis, forum et ædes Jovis Lanuvii, Herculis ædes Ardeæ, Capuæ murus et turres et ædes, quæ Alba dicitur: cælum ardere visum² erat Arretii: terra Velitris trium jugerum spatio caverna ingenti desederat: Suessæ Auruncæ nuntiabant agnum cum duobus capitibus natum, et Sinuessæ porcum humano capite. Eorum prodigiorum causa supplicatio unum diem habita: et consules rebus divinis operam dederunt, placatisque diis, profecti in provincias sunt. Ælius cum C. Helvio præ-tore in Galliam: exercitumque ab L. Lentulo acceptum, quem dimittere debebat, prætori tradidit; ipse novis legionibus, quas secum adduxerat, bellum gesturus. Neque memorabilis rei quidquam gessit. Et

dum fuisse *gratum senatum fore*, et *gratum esse alicui* tam h. l. quam IV, 48, non aliter accipi posse, quam placere, voluptatem afferre, jam monuit Drak.

5. *Gratum eum facturum et senatui*, non Attalo tantum. Tò et delevete Gelen. et alii. *Gratum ei* (populo rom.) *futurum* (ita MS Buffid.) *et senatui* non male conj. Ruben., et *utenti populo romano gratum eum facturum et senatui*; Gron.

CAP. IX. I. *Properantem in provinciam*, propere profecturum, pro-

digia Romæ tenuerunt; vide ad II, 63, n. 3.

2. *Cælum ardere visum*, etc. vid. I, 31, n. 1. — *Terra Velitris trium jugerum spatio caverna ingenti desederat* in imum, in profundum ruerat; ut passim *sidere, desiderare, subsidere*. Cf. Drak. ad h. l. nos ad Juvenal. VI, 411; ad Tac. Ann. II, 47, n. 3; Cic. Div. I, 35 et 43. — *Suessæ Auruncæ agnum cum d. c. natum esse nuntiabant*, sc. homines, quidam; i. e. nuntiabatur. — *Porcum humano capite*, forte *porcum cum h. c.*; Duk.

T. Quintius alter consul maturius, quam priores soliti erant consules, a Brundisio quum transmisisset, Corcyram tenuit³ cum octo millibus peditum, equitibus octingentis. Ab Corcyra in proxima Epiri quinquere mi trajecit; et in castra romana magnis itineribus contendit: inde Villio dimisso, paucos moratus dies, dum se copiae ab Corcyra assequerentur, consilium habuit, utrum recto itinere per castra hostium vim⁴ facere conaretur; an, ne tentata quidem re tanti laboris ac periculi, per Dassaretios potius Lycumque tuto circuitu Macedoniam intraret; vicissetque ea sententia, ni timuisset, ne, quum a mari longius recessisset, misso e manibus hoste, si (quod antea fecerat) solitudinibus silvisque se tutari rex voluisset, sine ullo effectu aetas extraheretur⁵. Utcumque esset igitur, illo ipso tam iniquo loco aggredi hostem placuit; sed magis fieri id placebat, quam, quomodo fieret, satis expediebat.

X. Dies quadraginta sine ullo conatu sedentes in conspectu hostium absumpserant: inde spes data Philippo est, per Epirotarum gentem tentandae pacis; habitoque consilio delecti ad eam rem agendam, Pausanias praetor et Alexander magister equitum¹, consulem et regem, ubi in arctissimas ripas Aous cogitur amnis, in colloquium adduxerunt. Summa postula-

3. *Corcyram tenuit*; vide ad I, 1, n. 8.

4. *Recto itinere per castra hostium vim*, impetum, *facere*, ea vi percurrere. Conf. XXXVI, 16 pr. inpr. XXXVII, 11, n. 4, et XLIV, 35. *Viam pro vim* alii, non minus apte. *Vi viam facere*, ut IV, 38, et apud Virg. *Aen.* II, 494; ex Plut. Flamin. p. 370 (ἔγνω προσβαλὼν ἀνὰ κράτος διὰ τῶν ἄκρων βιάσασθαι τὴν πάρο-

δον), conj. Duk. et Drakenb. — *Per Dassaretios Lycumque*; vide supra ad XXVII, 32, n. 3.

5. *Sine ullo effectu aetas extraheretur*; vide ad IV, 43, n. 6. — *Satis expediebat*, exponebat, scil. consul. *Expediebatur* vel *expediebant* emend. Gronov.; et ultimam hanc lectionem habet cod. Bamb. En.

СΔΡ. X. 1. *Alex. magister equitum*, ἱππαρχος.

torum consulis erat, præsidia ex civitatibus rex deduceret : iis, quorum agros urbesque populatus esset, redderet res, quæ comparerent² : cæterorum æquo arbitrio æstimatio fieret. Philippus *aliam aliarum civitatum conditionem esse* respondit. *Quas ipse cepisset, eas liberaturum : quæ sibi traditæ a majoribus essent, earum hereditaria ac justa possessione non excessurum. Si quas quererentur belli clades eæ civitates, cum quibus bellatum foret ; arbitrio, quo vellet, populorum, cum quibus pax utrisque fuisset, se usurum.* Consul, *nihil ad id quidem arbitro aut iudice opus esse, dicere. Cui enim non apparere, ab eo, qui prior arma intulisset, injuriam ortam? nec Philippum ab ullis bello lacesitum, ipsum priorem vim omnibus fecisse.* Inde quum ageretur, quæ civitates liberandæ essent, Thessalos primos nominavit consul. Ad id vero adeo accensus indignatione est rex, ut exclamaret, « Quid victo gravius imperares³, T. Quinti? » atque ita se ex colloquio proripuit. Et temperatum ægre est, quin missilibus, quia dirempti medio amni fuerant, pugnam inter se consererent. Postero die per excursions ab stationibus primo in planitie, satis ad id patenti, multa levia commissa prælia sunt : deinde recipientibus se regiis in arcta et confragosa loca, aviditate accensi certaminis eo quoque Romani penetravere. Pro his ordo et militaris disciplina et genus armorum erat, aptum urgendis regiis⁴ ; pro hoste loca et catapultæ balistæ-

2. *Redderet res, quæ comparerent* (vide ad VI, 1, n. 6); *cæterorum*, forte leg. *cæterarum*. — *Arbitrio, quo vellet, populorum* : lege *quorum vellet*; Gronov. Vulgatum Drak. dictum putabat, ut similia, I, 29, n. 4, et IV, 39, n. 6; Duker. ut XXXI,

VI.

36, quo auxilio pro quorum auxilio.

3. *Quid victo gravius imperares*, mihi, si jam victus essem. — *Se ex coll. proripuit*; vide ad II, 24, n. 6.

4. *Aptum urgendis regiis*. Hic locus in omnibus fere manuscriptis corruptus est adeo fœde, ut vix inde quid-

que, in omnibus prope rupibus, quasi in muris, dispositæ. Multis hinc atque illinc vulneribus acceptis, quum etiam, ut in prælio justo, aliquot cecidissent, nox pugnæ finem fecit.

XI. Quum in hoc statu res esset, pastor¹ quidam, a Charopo, principe Epirotarum, missus, deducitur ad consulem. *Is se in eo saltu, qui regiis tunc oneratus castris erat, armentum pascere ait: omnes montium eorum amfractus callesque nosse. Si secum aliquos mittere velit, non iniquo nec perdifficili aditu supra caput hostium deducturum. Hæc, Charopus renuntiari jubet, ita crederet, ut suæ potius omnia, quam illius, potestatis essent². Quum magis vellet credere, quam auderet, consul, mixtumque gaudio ac metu animum gereret, auctoritate motus Charopi, experiri spem oblatam statuit; et, ut averteret rem a suspensione, biduo insequenti lacessere hostem, dispositis ab omni parte copiis, succedentibusque integris in locum defessorum, non destitit. Quatuor millia inde lecta peditum et trecentos equites tribuno militum tradit: equites, quoad loca patiantur, ducere jubet: ubi ad invia equiti ventum sit, in planitie aliqua locari equi-*

quam possis eruere. Goeller tamen e cod. suo proponit lectionem non dignandam *amplum tegendis corporibus*, cujus vestigia latent in varietate lectionum, quas Drak. adscripsit. Ed.

CAP. XI. 1. *Pastor quidam* (pastores apud Plut. in Quintio, p. 370, E.) a Charopo, etc. vide ad cap. 6, n. 1. Conf. Appian. Maced. 4. — *Oneratus castris*, forte *occupatus castris*; Duk. — Walchius, Emend. p. 233, conjicit *obseratus*, quia mire sibi placent Romani in loquendi formulis translatis a *sera*, *obice*, etc. sed aliam huic loco medicinam infert Goeller, codice suo

fretus, qui pro *oneratus...erat*, dat *teneretur*; et quidem *erat* abest a nostris. Mox cod. Bamb. ita habet: ... *deducturum. Hæc ubi consul audivit percunctatum ad Charopum mittit, satisne credendum super tanta re agresti censeret? Charopus renuntiari jubet*, etc. Quum ea in nullo, quod sciam, alio codice appareant, glossema puto ab aliquo librario textui adsumtum. Ed.

2. *Ita crederet, ut suæ potius omnia, quam illius, potestatis essent*: verba obscura, de quibus Gronov. hæc notavit: «Potest sensus non unus

tatum; pedites, qua dux monstraret viam, ire: ubi, ut polliceretur, super caput hostium perventum sit, fumo dare signum; nec ante clamorem tollere, quam ab se signo accepto pugnam coeptam arbitrari posset³. Nocte itinera fieri jubet (et pernox forte luna erat), interdium cibi quietisque sumeret tempus. Ducem promissis ingentibus oneratum, si fides exstaret, vinctum tamen tribuno tradit. His copiis ita dimissis, eo intentius Romanus⁴ undique instat capi stationes.

XII. Interim die tertio quum verticem, quem petierant, Romani cepisse ac tenere se fumo significarent; tum vero, trifariam divisis copiis, consul valle media cum militum robore succedit; cornua dextra lævaque admovet castris. Nec segnius hostes obviam eunt; et, dum, aviditate certaminis provecti, extra munitiones pugnant, haud paulo superior est romanus miles et virtute, et scientia, et armorum genere.

dari: vel, huic homini ita fidat, ut ipsum potius in potestate suorum, quos cum illo erat missurus, habeat, quam suos ei secure committat atque in potestatem dedat; vel, quam mihi crederes, si ego me ducem fore promitterem, tam huic licet credas. Hoc videtur confirmare Plutarch. loco l. γνώστην δὲ τῆς πίστεως παρίχοντο καὶ βεβαιωτὴν χάροπα τὸν Μαχάταν. Parum enim certum notorem vademque dedisset suæ fidei pastor, qui ultro moneret, ne nimium illi fideretur. Is vero sensus videtur requirere, ut legamus: *ut si suæ*. Nam quod Quintius nihilominus eum vinctum tribuno tradidit, providentiam decuit ducis: non hoc prohibet tamen, quominus suam pro illo fidem interposuerit Charops. Denique possunt et sic accipi, ut videatur Charops non quidem diffidentia, sed spe certa eventus et voluntate

pastoris, et quo major fides fieret Quintio, ultro hominem offerre ad vincula et quamvis arctam custodiam, dum promissa præstaret.

3. *Pugnam coeptam arbitrari posset, immo possent, et mox sumere; Gron.* Sed *posset* referendum ad tribunum militum, cui soli hoc *arbitrandi* jus datum; *sumeret* vero et *sumere* perinde est, et utrumvis tum auctoritate codd., tum exemplis Livianis defendi potest; Drak. — *Si fides exstaret* pro vulg. *exstet* recepti ex quibusdam MSS et omnibus edd. antt. ante Froben.

4. *Eo intentius romanus dux, consul* (ut IV, 10, n. 3; XXI, 59, n. 3; XXVI, 17, n. 3; XXVII, 17, n. 9; XXVII, 41 et 42; XXXII, 32, n. 2; XXXII, 40; XXXIII, 29; et *Viciens* IV, 18, n. 2; cf. Cort. ad Sallust. Jug. 81), *undique instat capi stationes,*

Postquam, multis vulneratis interfectisque, recipere se regii in loca, aut munimento, aut natura tuta, verterat periculum in Romanos¹, temere in loca iniqua nec faciles ad receptum angustias progressos. Neque impunita temeritate inde recepissent sese, ni clamor primum ab tergo auditus, dein pugna etiam cœpta, amentes repentino terrore regios fecisset. Pars in fugam effusi sunt²; pars magis, quia locus fugæ deerat, quam quod animi satis esset ad pugnam, quam substitissent, ab hoste, et a fronte et ab tergo urgente, circumventi sunt: deleri totus exercitus potuit, si fugientes persequuti victores essent; sed equitem angustiae locorumque asperitas, peditem armorum gravitas impediit. Rex primo effuse ac sine respectu³ fugit; dein, quinque millium spatium progressus, quum ex iniquitate locorum, id quod erat, suspicatus esset, sequi non posse hostem, substitit in tumulo quodam, dimisitque suos per omnia juga vallesque, qui palatos in unum colligerent. Non plus duobus millibus hominum amissis, cætera omnis multitudo, velut signum aliquod sequuta, in unum quum convenisset, frequenti agmine petunt Thessaliam. Romani, quoad tutum fuit insequuti, cædentes spoliantesque cæsos, castra regia, etiam sine defensoribus difficili aditu, diripiunt, atque ea nocte in suis castris manserunt.

XIII. Postero die consul per ipsas angustias, qua se inter valles flumen insinuat, hostem sequitur. Rex

urget milites, ut eorum opera capiantur stationes, et ex iis pellatur hostis, perstat jubendo et adigendo ad id militem, ut capiantur; Gron. Cf. ad X, 27, n. 4.

CAP. XII. 1. *Verterat periculum in Rom.* vide ad lib. II, cap. 3, n. 2. — *Loca iniqua*, etc. τὰς ἀπηλιτισμένας

ἐν Ἠπείρῳ δυσχωρίας dixit Polyb. XVIII, 6, 4.

2. *Pars in fugam effusi sunt;* vide ad I, 14, n. 7, et I, 41, n. 1. *Mox clarius erit, si legas: si fugientem persequuti;* Gron.

3. *Effuse ac sine respectu fugit;* vide ad VIII, 38, n. 9.

primo die ad Castra Pyrrhi¹ pervenit; locus, quem ita vocant, est in Triphylia terræ Melotidis: inde postero die (ingens iter agminis, sed metus urgebat) in montem Lingon² perrexit. Ipsi montes Epiri sunt, interjecti Macedoniæ Thessaliæque: latus, quod vergit in Thessaliam, oriens spectat; septemtrio a Macedonia objicitur: vestiti frequentibus silvis sunt; juga summa campos patentes aquasque perennes habent. Ibi stativis rex per aliquot dies habitis fluctuatus animo est, utrum protenus is regnum se reciperet, an reverti in Thessaliam posset³: inclinavit sententia, suum⁴ in Thessaliam agmen demittere, Triccamque

CAP. XIII. 1. *Castra Pyrrhi* alia laudantur XXXV, 27. — *In Triphylia terræ Melotidos*, forte leg. *Stymphaliam inter et Elimiotidem*: nam Elis cum sua Triphylia hinc longe (et *Melotis* nemini memoratur); Gron. *In Tymphæa vel Stymphæa terræ Elimiotidis* (ut *terra Erythræa* XXXVI, 45) conj. Drak. quia talem hic fuisse locum, non *Stymphaliam*, docuerit Palmer. Græc. Antiq. II, 9, qui XLV, 30, *Stymphæis* conj. pro *Stymphalis*, putans librarios notissimum ob fabulam de avibus Stymphalidibus et Hercule nomen pro minus noto passim supposuisse. Cf. etiam Cellar. G. A. II, 13, p. 664, et inf. ad XLV, 30, n. 5.

2. *In montem Lingon*, non aliis, quod sciam, memoratum. *Lyncon* conj. Sigon. Sed *Lyncus* fuit opp. Epiri, non mons. *Pindum* forte leg. cum Drak. coll. Strab. IX, 434; cujus descriptio in multis convenit, quique *Triccam* quoque Pindo vicinam fuisse, innuit p. 437. Idem Drak. mox emend. *orientem spectat et septemtrioni a Macedonia objicitur*. In omnibus sane MSS et edd. ante Froben. a. 1535 est *septemtrioni*, et vulgatum videtur in-

eptum. — *Fluctuatus animo est*; vid. IV, 24, n. 2.

3. *An reverti in Thessaliam posset*, h. e. an reverti auderet, an commode et sine magno periculo reverteretur: nam verbum *posse* sæpe venustatis magis quam necessitatis causa aliis jungitur, ut inf. cap. 40, *ut id sciri posset*, i. e. sciretur, cognosceretur, et XLIII, 10, *ne sustinere prinam procellam eruptionis Romani possent*, h. e. ne sustinerent: nam potuissent utique, si ducem romano nomine dignum habuissent, nisi incompositi, longo agmine effusi, infrequentes venissent, et erat omnis ille terror vanus adversus vere æstimantes; Gron. Sed utroque loco verbum *posse* proprio sensu capiendum videtur. Conf. tamen, quos Drakenborch. laudat, Barth. ad Calpurnium, Ecl. III, 41; Broekh. ad Tibullum, I, 11, v. 31; ad Prop. I, 1, v. 15; Snakenb. ad Curt. VII, 1, 28; Burm. ad Ovid. Her. XVII, 209; ad Phædr. I, 15, 6; loco verbum *posse* proprio sensu capiendum videtur.

4. *Inclinavit sententia, suum* (forte *citum*); Gron. certe *suum* plane friget;

proximis limitibus petit; inde obvias urbes raptim peragravit. Homines, qui sequi possent, sedibus exhibat; oppida incendebat; rerum suarum, quas possent, ferendarum secum dominis jus fiebat: cætera militis præda erat. Nec, quod ab hoste crudelius pati possent, reliqui quidquam fuit, quam quæ ab sociis patiebantur⁵. Hæc etiam facienti Philippo acerba erant; sed e terra, mox futura hostium, corpora saltem eripere sociorum volebat. Ita evastata sunt oppida, Phacium, Iresia, Euhydrium, Eretria, Palæpharus. Pheras quum peteret, exclusus, quia res egebat mora, si expugnare vellet, nec tempus erat, omisso incepto, in Macedoniam transcendit: nam etiam Ætolos appropinquare fama erat; qui, audito prælio, quod circa amnem Aoum factum erat, proximis prius evastatis circa Sperchias⁶ et Macran (quam vocant) Comen, transgressi inde in Thessaliam, Cymines et Angeas

Duk.) in Thessaliam agmen demittere; nam Thessalia Macedoniæ subjecta, et stativa in monte erant. Cf. ad XXVIII, 25; n. 8. — Walchius, Emend. p. 235, pro *suum* conjicit *subitum*, et exemplis pluribus conjecturam firmat. Ed. — *Tricca* opp. Hestixotidis, occidentalis partis Thessaliæ.

5. *Quam quæ ab sociis patiebantur*: supervacuum *τὸ quæ*, aut mutandum in *tum*; Gron. Sed quod hic legitur, idem est ac si esset: nihil crudelius, vel nihil ultra crudeliter, ab hoste pati potuerunt, *quam quæ* ab sociis patiebantur; Duk. coll. IX, 1, 5; X, 13; XXIII, 7; XXVI, 30, al. vide ad XXXV, 1, n. 1. — *Phacium*, *Iresia*, *Euhydrium*, *Eretria*, *Palæpharus* oppida Hestixotidis. Pro *Palæpharus* MSS et edd. antt. *Pala Epharus*, ed. Paris. 1573 et seqq.

Palæphatus: sed cum Ortelio et Drak. videtur leg. *Palæpharsalus*. — *Palæpharsalus* quoque e cod. suo restituendum vult Goeller; hujus enim urbis mentio fit inf. lib. XLIV, 1; vide quoque ad Frontin. II, 3, 22, et Cell. Geogr. ant. II, 13, p. 686. Ed.

6. *Circa Sperchias*: forte Sperchion, Doridis opp., Dujat. Cf. Plin. IV, 7. *Σπερχυσία* Thessaliæ Phthiotidis urbs, non longe a *Σπερχυσίου* fl. ostio et Thebis Phthioticis, ap. Ptol. III, 13, et Steph. Sed nondum *transgressi in Thessaliam* erant. *Sperchias* fuisse *circa Aoum* fl., parum probabilis est sententia Ortellii in Thes. Geogr. nam uemini persuadebit, Ætolos, audito prælio, quod *circa Aoum* factum erat, in Macedoniam prius, et ita in Thessaliam profectos esse; Drak. — *Macra Come*, i. e. longus vicus. — *Cymines* et *Angeas* vel *Angeias* videntur esse

primo impetu potiti sunt. A Metropoli, dum vastant agros, concursu oppidanorum ad tuenda mœnia facto, repulsi sunt. Callithera inde aggressi, similem impetum oppidanorum pertinacius sustinuerunt; compulsisque intra mœnia, qui eruperant, contenti ea victoria, quia spes nulla admodum expugnandi erat, abscesserunt; Theuma inde et Calathana vicos expugnant diripiuntque; Acharras per deditionem receperunt; Xyniæ simili metu a cultoribus desertæ sunt. Hoc sedibus suis extorre agmen in præsidium incidit, quod Thaumacum, quo tutior frumentatio esset, ducebatur⁷: incondita inermisque multitudo, mixta imbelli turba, ab armatis cæsa est. Xyniæ desertæ diripiuntur. Cyphara inde Ætoli capiunt, opportune Dolopiæ imminens castellum. Hæc raptim intra paucos dies ab Ætolis gesta; nec Amynder atque Athamanes, post famam prosperæ pugnæ Romanorum, quieverunt.

XIV. Cæterum Amynder, quia suo militi parum fidebat, petito ab consule modico præsidio, quum Gomphos peteret, oppidum protenus nomine Phecama¹, situm inter Gomphos faucesque angustas, quæ ab Athamania Thessaliam dirimunt, vi cepit: inde Gomphos adortus, et per aliquot dies summa vi urbem tuentes, quum scalas ad mœnia erexisset, eo² de-

genitivi more Græcorum formati; Drak. — Acharras, alii Acharas et Achorras. Omnia nomina ignota.

7. In præsidium incidit, quod Thaumacum ducebatur; vid. ad cap. 4, n. 2. Thaumacum e MSS Voss. et Victor. recepi. In aliis codd. Taumacum, Athaumacum, Atheumacum, Atheumatum, Athaumatum; in nullo Athamanum, quod in omnibus edd. legitur, et ab h. l. alienum est. Thaumacos

conj. Ruben., et Gron. *Ithomen*, quam Strab. XI, 637, τῆς Μητροπολιτῶν εἶναι χώρας dicit. — Goeller e cod. Bamb. conjicit ita esse legendum: quod ad Theuma tum, quo, etc. cuius urbis paulo ante mentio facta est. ED.

CAP. XIV. 1. Oppidum nomine Phecama; vide ad XXXI, 41, n. 3.

2. Eo demum metu, sc. scalarum jam ad mœnia erectarum edidi pro

num metu perpulit ad deditionem. Hæc traditio Gomphorum ingentem terrorem Thessalis intulit: dedidere deinceps sese, qui Argenta, quique Pherinum et Thimarum et Lisinas et Stimonem et Lampsum habent, aliaque castella juxta ignobilia³. Dum Athamanes Ætolique, submoto Macedonum metu, in aliena victoria suam prædam faciunt, Thessaliaque a tribus simul exercitibus, incerta quem hostem, quemve socium crederet, vastatur; consul faucibus, quas fuga hostium aperuerat⁴, in regionem Epiri transgressus, etsi probe scit, cui parti, Charopo principe excepto, Epirotæ favissent, tamen, quia ab satis faciendi quoque⁵ cura imperata enise facere videt, ex præsentī eos potius, quam ex præterito, æstimat habitu, et ea ipsa facilitate veniæ animos eorum in posterum conciliat. Missis deinde nuntiis⁶ Corcyram, ut onerariæ naves in sinum venirent Ambracium; ipse, progressus modicis itineribus, quarto die in monte Cercetio posuit castra, eodem Amynandro cum suis auxiliis accito; non tam virium ejus egens, quam ut duces in Thessaliam ha-

vulg. *codem metu* ex emend. certissima Periz. Vid. ejus Anim. hist. cap. 2, p. 65, et sup. ad I, 5, n. 30. — *Dedidere deinceps sese*; vide ad I, 21, not. 8.

3. *Castella juxta ignobilia*; vide ad V, 6, n. 3. — *In aliena victoria*, sc. Romanorum ad Aoum fl. (c. 12) qua territus Philippus redierat in Macedoniam. — *Thessalia a tribus simul exercitibus ... vastatur*, sc. Philippi, quamvis socii (v. cap. 13), Athamanum Ætolorumque.

4. *Consul e faucibus, quas fuga hostium aperuerat*, monstraverat; Ern. (cf. ad XXII, 19, n. 5.) Immo: pervias fecerat Romanis, per quas tutum

iis transitum dederat. De *faucibus* his vid. cap. 9-12.

5. *Ab satis faciendi cura*, ob curam studiumque gratiæ et veniæ ejus impetrandæ; vide ad I, 1, n. 5. — *Habitu* animorum, cogitandi agendique ratione.

6. *Missis deinde nuntiis, ut*, etc. vide ad VIII, 19, n. 10. — *Ambracius sinus* inter Epirum et Acarnaniam (hod. *golfo di Larta*), sic dictus ab Ambracia, capite Epiri Pyrrhique regia, ei adjacente. Cf. XXXVIII, 4; Strab. VII, 7, 5, 6, p. 324, 325; Plin. IV, 1. — *Cercetius mons* Thessaliæ, Κερκετήσιος Ptol. III, 13. *Cerceti mons* Plin. IV, 8 sen 15. E Stephano

beret : ab eodem consilio⁷ et plerique Epirotarum voluntarii inter auxilia accepti.

XV. Primam urbium Thessaliæ¹ Phaloriam est aggressus. Duo millia Macedonum in præsidio habebat, qui primo summa vi restiterunt, quantum arma, quantum mœnia tueri poterant : sed oppugnatione continua, non die, non nocte remissa (quum consul in eo verti crederet cæterorum Thessalorum animos, si primi vim romanam non sustinuissent), vicit pertinaciam Macedonum. Capta Phaloria, legati a Metropoli et a Piera² dedentes urbes venerunt : venia eisdem petentibus datur ; Phaloria incensa ac direpta est. Inde Æginium petit ; quem locum quum vel modico præsidio tutum ac prope inexpugnabilem vidisset, paucis in stationem proximam telis coniectis, ad Gomphorum regionem agmen vertit : degressusque in campos Thessaliæ, quum jam omnia exercitui deessent ; quia Epirotarum pepercerat agris, explorato ante³, utrum Leucadem, an sinum Ambracium onerariæ tenuissent, frumentatum Ambraciam in vicem cohortes misit : et est iter a Gomphis Ambraciam, sicut impeditum ac difficile, ita spatio perbreui. Intra

in Παλία *Cercetico* h. l. legendum putabat Sigon.

7. *Ab eodem consilio* ; vid. I, 1, n. 5.

CAP. XV. 1. *Primam urbium Thessaliæ*, h. e. ex urbibus Th. primum est aggressus *Phaloriam*, quæ Φαλώρη et Φαλωρία dicitur Steph. Cf. XXXVI, 13, et XXXIX, 25.

2. *A Metropoli et Piera*, quæ XXXVI, 14. *Piera*, sed in uno tantum MS vocatur ; in reliquis et edd. vett. *Fieria*, *Gieria*, *Cieria*, *Cyeria*, *Egeria*, *Eieria*. Forte leg. *Pialia* cum Sigon.e Steph., vel potius cum Drak. *Cypara*, quæ in his oris memoratur a

Ptol. III, 13, et inf. XXXVI, 10 pr. cum *Metropoli* jungitur, ut *Piera* h. l. et XXXVI, 14. — *Æginium* opp. Hestæotidis ad fines Epiri, ut XXXVI, 13. Αἰγίνιον Τυμφαίων (in Epiro), δημορον Αἰθιρία καὶ Τρίκκη Strab. VII, 7, 9, p. 327. *In regione, quæ Pieria appellatur a nemore* (cf. XLIV, 43 pr.), *Æginium* Plin. IV, 10 seu 17. Illyrico tribuitur a Steph.

3. *Explorato ante* ; vide ad I, 41, n. 10. — *Utrum Leucadem tenuissent* ; vide ad I, 1, n. 8, et XXVI, 26 n. 1. *De sinu Ambracio et Ambracia*, vide ad c. 14, n. 6.

paucos itaque dies, transvectis a mari commeatibus, repleta omni rerum copia sunt castra. Inde⁴ Atracem est profectus : decem ferme millia ab Larissa abest ; ex Perrhæbia oriundi sunt ; sita est urbs super Peneum amnem. Nihil trepidavere Thessali ad primum adventum Romanorum : et Philippus, sicut in Thessaliam ipse progredi non audebat, ita, intra Tempé stativis positus, ut quisque locus ab hoste tentabatur⁵, præsidia per occasiones submittebat.

XVI. Sub idem ferme tempus, quo consul adversus Philipppum primum in Epiri faucibus¹ castra posuit, et L. Quintius, frater consulis, cui classis cura maritimæque oræ imperium mandatum ab senātu erat, cum duabus quinquagemibus Corcyram transvectus, postquam profectam inde classem audivit, nihil morandum ratus, quum ad Zamam insulam² assequutus esset, dimisso L. Apustio, cui successerat, tarde inde ad Maleam, trahendis plerumque remulco³ navibus, quæ cum commeatu sequebantur, pervenit. A Malea,

4. *Inde Atracem* (ex emendat. Gron. pro vulg. *ad Ragen et Rhagen*) est profectus... ex *Perrhæbia* oriundi sunt (vide ad III, 47, n. 1), *sita est urbs super Peneum amnem*; v. Strab. IX, p. 440.

5. *Locus ab hoste tentabatur*; vide ad IX, 35, n. 1.

CAP. XVI. 1. *In Epiri faucibus, etc.* vid. cap. 9-12.

2. *Ad Zamam insulam*, a librariis haud dubie effectam. *Zacynthus* conj. Glar. et *Samen Sigon*. Sed illud voc. nimis differt a nostro, neutrumque satis aptum h. l., ubi non insula longe remota a *Malea* prom. Laconicæ, sed ei propinqua designari videtur. Præterea *Zacynthus* quidem est insula (Cephaleniæ subjecta versus austrum

et ex adverso Elidi sita, hod. *Zante*); *Same* vero vel oppidum Cephaleniæ (vid. XX XVIII, 28-30), vel antiquius ejus nomen (vid. Strab. X, pag. 453; Eustath. ad Hom. II. I, 141, et Odyss. I, 246; IV, 671; Palmer. Græc. Antt. IV, 24, et Intpp. Virg. Æn. III, 271), quam diversam ab ea et vicinam fuisse insulam, perperam ex Homeri locis collegisse videntur Mela, II, 7, et Plin. IV, 12 seu 19. *Cāmam*, *Caniam* et *Gamam* quidam MSS. Forte leg. *Cranaen*, quæ insula præjacet Gythio, Laconicæ opp. vid. Strab. IX, p. 612; Pausan. III, 22; Intpp. Hom. II. III, 445, et Begeri Diss. de Cranae insula Laconica eadem et Helena dicta, etc.

3. *Trahendis remulco navibus*; vide

jussis cæteris, quantum maxime possent maturate, sequi, ipse tribus quinquereimis expeditis Piræeum præcepit, accepitque naves ibi relictas ab L. Apustio legato ad præsidium Athenarum. Eodem tempore duæ ex Asia classes profectæ, una cum Attalo rege (eæ quatuor et viginti quinquereimes erant); Rhodia altera viginti navium tectarum⁴; Agesimbrotus præerat. Hæ circa Andrum insulam classes conjunctæ Eubœam, inde exiguo distantem freto, trajecerunt. Carystiorum primum agros vastarunt; deinde, ubi Carystus, præsidio a Chalcide raptim misso, firma visa est, ad Eretriam accesserunt, Eodem et L. Quintius cum iis navibus, quæ Piræei fuerant, Attali regis adventu audito, venit, jussitque, ut, quæ ex sua classe venissent naves, Eubœam peterent⁵. Eretria summa vi oppugnabatur; nam et trium junctarum classium naves omnis generis tormenta machinasque ad urbium excidia secum portabant, et agri affatim materiæ præbebant ad nova molienda opera. Oppidani primo haud impigre tuebantur mœnia; deinde fessi vulneratique aliquot, quum et muri partem eversam operibus hostium cernerent, ad deditionem inclinarunt. Sed præsidium erat Macedonum, quos non minus, quam Romanos, metuebant; et Philocles regius præfectus a Chalcide

ad I, 53, n. 3, et XXV, 30, n. 6. — *Jussis cæteris, quantum maxime possent maturate, sequi*, multis MSS et edd. vett. *maturare*, et Lov. 3, *maturarent sequi*. Alterutrum præferendum putabant Gron. et Drak. — *Ipse cum tribus quinquereimis* (vide ad I, 14, n. 4) *expeditis*, quarum iter non impediatur trahendis remulco navibus onerariis (vide tamen ad librum V, cap. 16, n. 2), *Piræeum præcepit*, portum Athenarum prius cepit, per-

venit. Conf. supra ad librum III, cap. 46, n. 5.

4. *Viginti navium tectarum*; vide ad XXII, 19, n. 4.

5. *Jussitque, ut... Eubœam peterent*; vide ad I, 17, n. 7. — Creverius locutionem hanc notandam monuit; nam verbo *jubere* subjungitur fere verbum infiniti modi. Quare conjicit: *jussitque, ut quæque... venissent naves, Eubœam petere*. Sed vulgatam Drak. tuetur. Ed.

nuntios mittebat, se in tempore affuturum⁶, si sustinerent obsidionem: hæc mixta metu spes ultra, quam vellent, aut quam possent, trahere eos tempus cogebat; deinde, postquam Philoclem repulsum trepidantemque refugisse Chalcidem acceperunt, oratores ex templo ad Attalum, veniam fidemque ejus petentes, miserunt. Dum in spem pacis intenti segnius munera belli obeunt, et ea modo parte, qua murus dirutus erat, cæteris neglectis, stationes armatas opponunt; Quintius, noctu ab ea parte, quæ minime suspecta erat, impetu facto, scalis urbem cepit. Oppidanorum omnis multitudo cum conjugibus ac liberis in arcem confugit; deinde in deditionem venit⁷. Pecuniæ auri que et argenti haud sane multum fuit: signa, tabulæ priscae artis, ornamentaque ejus generis plura, quam pro urbis magnitudine⁸ aut opibus cæteris, inventa.

XVII. Carystus inde repetita; unde, prius quam e navibus copiæ exponerentur, omnis multitudo, urbe deserta, in arcem confugit: inde ad fidem ab Romano petendam oratores mittunt. Oppidanis extemplo vita ac libertas concessa est; Macedonibus treceni^r nummi in capita statutum est pretium, et ut armis traditis abirent: hac summa redempti, in Bœotiam inermes trajecti. Navales copiæ, duabus claris urbibus Eubœæ intra dies paucos captis, circumvectæ Sunium atticæ

6. *A Chalcide nuntios mittebat, se in tempore affuturum*; vide ad II, 47, n. 4, et VIII, 19, n. 10.

7. *Deinde in deditionem venit*; vid. ad VIII, 20, n. 7.

8. *Plura, quam pro magnitud., etc.* vide etiam ad librum VII, cap. 33, not. 2.

CAP. XVII. 1. *Treceni nummi*. Creverius quærit quales hi nummi fue-

rint, græcine an romani? drachmas tamen intelligendas esse facile crederet, ex lib. XXII, cap. 58, ubi pretia in capita Romanorum constituta ab Hannibale sunt *equiti quingeni quadrigati nummi, pediti treceni*. Quadrigati autem, denarii sunt, quibus pares drachmæ. Trecentæ drachmæ efficiunt marcas argenti nostrates 4, cum 5 uncis et semuncia. Ed. —

terræ promontorium, Cenchreas Corinthiorum emporium petierunt. Consul interim omnium spe longiorē atrociolemque oppugnationem habuit; et ea, qua minimum credidisset, resistebant hostes: nam omnem laborem in muro diruendo crediderat fore; si aditum armatis in urbem patefecisset, fugam inde cædemque hostium fore, qualis captis urbibus fieri solet. Cæterum postquam, parte muri arietibus decussa², per ipsas ruinas transcenderunt in urbem armati, illud principium velut novi atque integri laboris fuit; nam Macedones, qui in præsidio erant et multi et delecti, gloriam etiam egregiam rati, si armis potius et virtute, quam mœnibus, urbem tuerentur, conferti, pluribus introrsus ordinibus acie firmata, quum transcendere ruinas sensissent Romanos, per impeditum ac difficilem ad receptum locum expulerunt. Id consul ægre passus, nec eam ignominiam ad unius modo expugnandæ moram urbis, sed ad summam universi belli³, pertinere ratus, quod ex momentis parvarum plerumque rerum penderet, purgato loco, qui strage semirutum muri cumulatus erat, turrem ingentis altitudinis, magnam vim armatorum multiplici tabulato portantem, promovit, et cohortes in vicem sub signis, quæ cuneum Macedonum (phalangem ipsi vocant), si possent, vi perrumperent, emittebat. Sed ad loca angusta, haud late patente intervallo diruti muri, genus armorum pugnaeque hosti aptius erat. Ubi conferti hastas ingentis longitudinis

Cenchreas Corinthiorum emporium; vide ad XXVIII, 8, n. 6. — *Atrociolemque oppugnationem habuit, sc. Atracis*; vid. cap. 15 extr. Pro atrociolemque Gron. conj. *Atracis* vel ad *Atracem*. — *Et ea, sc. parte.*

2. *Parte muri arietibus decussa*; vide ad XXI, 12, n. 1.

3. *Ad summam universi belli* (vid. ad III, 5, n. 6), *quod ex momentis parvarum p. rerum penderet*; vide ad III, 27, n. 6.

præ se Macedones objecissent⁴, velut in constructam densitate clypeorum testudinem Romani, pilis nequidquam emissis, quum strinxissent gladios; neque congređi propius, neque præcidere hastas poterant: et, si quas incidissent, aut præfregissent, hastilia fragmento ipso acuto, inter spicula integrarum hastarum, velut vallum explebant. Ad hoc et muri pars adhuc integra utraque tuta præstabat latera; nec ex longo spatio aut cedendum, aut impetus faciendus erat: quæ res turbare ordines solet. Accessit etiam fortuita res ad animos eorum firmandos; nam quum turris per aggerem⁵ parum densati soli ageretur, rota una in altiozem orbitam depressa ita turrim inclinavit, ut speciem ruentis hostibus trepidationemque insanam superstantibus armatis præbuerit.

XVIII. Quum parum quidquam succederet, consul minime æquo animo comparationem militum generis armorumque fieri patiebatur; simul nec maturam expugnandi spem, nec rationem procul a mari et in evastatis belli cladibus locis hibernandi ullam cernebat: itaque relicta obsidione, quia nullus in tota Acarnaniæ atque Ætoliæ ora portus erat, qui simul et omnes onerarias¹, quæ commeatum exercitui portabant, caperet, et tecta ad hibernandum legionibus præberet, Anticyra in Phocide, in Corinthium versa sinum, ad id opportunissime sita visa; quia nec procul Thessalia hostiumque locis abibant, et ex adverso Peloponnesum exiguo maris spatio divisam, ab tergo Ætoliæ Acarnaniamque, ab lateribus Locridem ac Bœotiam

4. *Hastas ingentis longitudinis præ se Macedones objecissent*, non transversas, sed directas; Ern.

5. *Quum turris per aggerem*, etc. conf. Lips. Poliorc. II, 4.

CAP. XVIII. 1. *Qui simul et omnes onerarias*; vide ad XXV, 27, n. 5, et XXVI, 43, n. 2. — *Anticyra in Phocide*; vide ad XXVI, 26, n. 1, et conf. Pausan. VII, 7 extr.

habebant. Phocidis primo impetu Phanoteam² sine certamine cepit. Anticyra haud multum in oppugnando præbuit moræ. Ambrysus inde Hyampolisque receptæ. Daulis, quia in tumulo excelso sita est, nec scalis, nec operibus capi poterat: lacessendo missilibus eos, qui in præsidio erant, quum ad excursiones elicuisent, refugiendo in vicem insequendoque, et levibus sine effectu certaminibus; eo negligentiae et contemptus adduxerunt, ut cum refugientibus in portam permixti impetum Romani facerent³. Sex alia ignobilia castella Phocidis terrore magis, quam armis, in potestatem venerunt. Elatia clausit portas⁴; nec, nisi vi cogentur, recepturi mœnibus videbantur aut ducem, aut exercitum romanum.

XIX. Elatiam obsidenti consuli rei majoris spes affulsit, Achæorum gentem ab societate regia ad romanam amicitiam avertendi: Cycliadam[†], principem factionis ad Philippum trahentium res, expulerant. Aristæus, qui Romanis gentem jungi volebat, prætor erat: classis romana cum Attalo et Rhodiis Cenchreis stabat, parabantque communi omnes consilio Corinthum oppugnare: optimum igitur ratus est, prius quam eam rem aggrederentur, legatos ad gentem

2. *Phocidis...Phanoteam*; vide ad XLIII, 21, not. 2. — *Ambrysus, Hyampolis et Daulis*; vid. Strab. IX, 424, et Palmer. Græc. Antt. VI, 12, 13 et 15. — Strabo loco laud. duas Hyampoleis facit; alteram Phocensium, cujus hic mentio est; alteram in Parnasso monte. En.

3. *Ut cum refugientibus in portam permixti impetum Romani facerent*: = ex eo, quod sequitur, *sex alia ignobilia castella in potestatem venisse, colligere quidem potest, Daulidem quoque captam fuisse; sed hæc verba in-*

certum relinquunt, quo effectu impetum Romani fecerint: nam multi impetus sine effectu sunt. Suspicio, vel aliquid excidisse, vel leg. impetu eam Romani caperent. Duk.

4. *Elatia clausit portas* (vide ad XXVIII, 7, n. 3), *nec, nisi vi cogentur, recepturi mœnibus, etc.* vide ad III, 47, n. 1. Verba *aut ducem aut exercitum* glossam esse dubitantis, quo sensu *romanum* dixisset Livius, non male suspicabatur Drak.

CAP. XIX. 1. *Cycliadam...expulerant* Achæi, et *Aristæus prætor*

Achæorum mitti, pollicentes, si ab rege ad Romanos defecissent, Corinthum iis contributuros in antiquum gentis concilium². Auctore consule, legati a fratre ejus L. Quintio et Attalo et Rhodiis et Atheniensibus ad Achæos missi; Sicyone datum iis est concilium: erat autem non admodum simplex³ habitus animorum inter Achæos. Terrebat eos Lacedæmonius, gravis et assiduus hostis; horrebant romana arma; Macedonum beneficiis et veteribus et recentibus obligati erant; regem ipsum suspectum habebant pro ejus crudelitate perfidiaque, neque ex iis, quæ tum ad tempus faceret, æstimantes⁴, graviolem post bellum dominum futurum cernebant. Neque solum, quid in senatu quisque civitatis suæ, aut in communibus conciliis gentis pro sententia dicerent, ignorabant; sed ne ipsis quidem secum cogitantibus, quid vellent, aut quid optarent, satis constabat⁵. Ad homines ita incertos introductis legatis potestas dicendi facta est. Romanus primum legatus L. Calpurnius, deinde Attali regis legati, post eos Rhodii disseruerunt: Philippi deinde legatis dicendi potestas facta est. Postremi Athe-

erat; conf. Polyb. XVII, 1, ibique Schweigh.

2. Corinthum iis contributuros se, sc. Romanos in antiquum gentis concilium, attributuros antiquo Achæorum foederi sociali, cui simile postea Ætolorum erat oppositum, tota fere Græcia in duas partes societatesque divisa. Conf. XLII, 37, et de utroque foedere achaico ætolicoque Potteri Archæol. lib. I extr. et Polyb. II, 37-42.

3. Erat autem non admodum simplex, non unus idemque, habitus animorum inter Achæos, id est, incerti animis erant, et variis difficultatibus impediti nesciebant, quomodo se expedirent, quid optarent et facerent, ob

rationes in utramque vel multiplicem potius partem permultas; Ern. — Terrebat eos Laced. Goeller e codice Bamb. velit restitui terrebat Nabis Laced. quia de bello adversus eum jam deliberaverant Achæi, sup. lib. XXXI, 25. Ed.

4. Neque ex iis, quæ tum ad tempus faceret, æstimantes, etc. h. e. regem, qui colebat ipsos tum temporis et quædam iis oppida restituerat, non ex simulata ad tempus benignitate, sed ex insita crudelitate ac perfidia æstimantes, si victor foret, nihil ab illo boni exspectabant; Gron.

5. Sed etiam ne ipsis quidem... quid vellent, satis constabat; vide ad I, 40,

nienses, ut refellerent Macedonum dicta, auditi sunt : ii fere atrocissime in regem, quia nulli nec plura, nec tam acerba passi erant, invecti sunt. Et illa quidem concio sub occasum solis⁶, tot legatorum perpetuis orationibus die absumpto, dimissa est.

XX. Postero die advocatur concilium : ubi quum per præconem, sicut Græcis mos est, suadendi, si quis vellet, potestas a magistratibus facta esset, nec quisquam prodiret; diu silentium aliorum alios in-tuentium fuit. Neque mirum, si, quibus sua sponte, volutantibus res inter se pugnantes, obtorpuerant quodammodo animi, eos orationes quoque insuper turbaverant, utrimque quæ difficilia essent, promendo admonendoque, per totum diem habitæ. Tandem Aristænus prætor Achæorum, ne tacitum concilium dimitteret, « Ubi, inquit, illa certamina animorum, « Achæi, sunt, quibus in conviviis et circulis, quum « de Philippo et Romanis mentio incidit, vix manibus « temperabatis¹? Nunc in concilio, ad eam rem unam « indicto, quum legatorum utrimque verba audieritis; « quum referant magistratus², quum præco ad suaden- « dum vocet, obmutuistis. Si non cura communis sa- « lutis, ne studia quidem, quæ in hanc aut illam par- « tem animos vestros inclinarunt; vocem cuiquam « possunt exprimere? quum præsertim nemo tam he- « bes sit, qui ignorare possit, dicendi ac suadendi, « quod quisque aut velit, aut optimum putet, nunc

n. 6. Mox auditi, fere atrocissime, etc. leg. cum Drak., vel cum Gron. auditi sunt, fere atrocissime... invecti. Et illa, etc. Certe τὸ ἰὶ ab Gelenio est.

6. Sub occasum solis; vide ad I, 35, n. 1. — Perpetuis orationibus; vide ad IV, 6, n. 1.

CAP. XX. 1. Vix manibus tempe-

rabatis? vide ad II, 23, n. 8. — Vide quæ de Achæis et de omnibus tunc temporis populis bellum in Græcia exercentibus disserit acutissime nostras Montesquieu, *Grandeur et Décad. des Romains*, cap. 5. Ed.

2. Quum referant magistratus; vid. ad XXXVI, 2, n. 3.

« occasionem esse, prius quam quidquam decernamus. Ubi semel decretum erit, omnibus id, etiam quibus ante displicuerit, pro bono atque utili fœdere defendendum³ ». Hæc adhortatio prætoris non modo quemquam unum elicit ad suadendum; sed ne fremitum quidem⁴ aut murmur concionis tantæ, ex tot populis congregatæ, movit.

XXI. Tum Aristæus prætor rursus: « Non magis consilium vobis, principes Achæorum, deest, quam lingua; sed suo quisque periculo in commune consultum¹ non vult. Forsitan ego quoque tacerem, si privatus essem: nunc prætor video, aut non dandum concilium legatis fuisse, aut inde sine responso eos dimittendos non esse. Respondere autem, nisi ex vestro decreto, qui possum? Et quando nemo vestrum, qui in hoc concilium advocati estis, pro sententia quidquam dicere vult, aut audet; orationes legatorum, hesterno die dictas, pro sententiis percenseamus, perinde ac non postulaverint, quæ e re sua essent², sed suaserint, quæ nobis censerent utilia esse. Romani Rhodique et Attalus societatem amicitiamque nostram petunt, et in bello, quod adversus Philippum gerunt, se a nobis adjuvari æquum censent. Philippus societatis secum admonet et jurisjurandi, et modo postulat, ut secum stemus; modo, ne intersimus armis, contentum ait se esse. Nulline venit in mentem, cur, qui non-

3. *Pro bono atque utili fœdere defendendum*: immo fore *defendendum*: nam nulla fœderis antea fit mentio, neque necessario illud isto decreto erant juncturi; Periz.

4. *Non modo quemquam unum... sed ne fremitum quidem*, etc. vide ad I, 40, n. 1, et III, 55, n. 13.

CAP. XXI. 1. *In commune consultum*; vide ad VI, 6, n. 7.

2. *Quæ e re sua essent*, ut mox *utilia esse*; vide ad I, 27, n. 5. — *Societatis secum initæ, junctæ*. — *Secum stemus*; vide ad VIII, 34, n. 1. — *Intersimus armis*; vide supra ad III, 15, n. 8.

« dum socii sunt³, plus petant, quam socius? Non fit
« hoc neque modestia Philippi, neque impudentia
« Romanorum : Achæi portus et dant fiduciam postu-
« lantibus, et demunt; Philippi præter legatum vide-
« mus nihil. Romana classis ad Cenchreas stat, urbium
« Eubœæ spolia præ se ferens; consulem legionesque
« ejus, exiguo maris spatio disjunctas, Phocidem ac
« Locridem pervagantes videmus. Miramini, cur diffi-
« denter Cleomedon legatus Philippi, ut pro rege arma
« caperemus adversus Romanos, modo egerit; qui, si
« ex eodem fœdere ac jurejurando, cujus nobis reli-
« gionem injiciebat, rogemus eum, ut nos Philippus
« et ab Nabide ac Lacedæmoniis et ab Romanis defen-
« dat, non modo præsidium, quo nos tueatur, sed ne
« quid respondeat quidem nobis, sit inventurus: non,
« hercle, magis, quam ipse Philippus priore anno,
« qui, pollicendo se adversus Nabidem⁴ bellum gestu-
« rum, quum tentasset nostram juventutem hinc in
« Eubœam extrahere; postquam nos neque decernere
« id sibi præsidium, neque velle illigari romano bello
« vidit, oblitus societatis ejus, quam nunc jactat, va-

3. Qui nondum socii sunt, Romani, plus petant, quam socius, Philippus. — Achæi portus et dant fiduciam postulanti-
bus, ad postulandum, Romanis, classem eamque victricem habentibus, et demunt, Philippo, non habenti classem, cujus nihil præter legatum videmus; Sigon. Non satis facit hæc interpretatio, et sententia pro Achæi portus requirit sui exercitus vel sue vires aut quid tale; Gronov. Lenior medicina fuerit: Arma vel armati potius et dant fiduciam postulanti-
bus societatem nostram Romanis, et demunt Philippo; quo sensu infra dicitur: si victus armis cessit, Achæi

arma romana sustinebimus, quæ vos Macedones non sustinuitis? — Omnes fere MSS exhibent dat et demit; unde Walchius, Emend. p. 109, conjecturam hanc profert: Cenchreæ portus; nam illud ipse Livius innuere videtur, addens mox: classis romana ad Cenchreas stat. Cenchreæ portus dictum fuerit ut Fregelle colonia, IX, 12; Cyphanta portus, Plin. lib. IV, cap. 5, etc. Goeller vero e cod. Bamb. vult ita legi: ... Romanorum, Achæi. Fortuna dat, etc. facilius lectionem hanc e vulgata refingere possis. Ed.

4. Pollicendo se adv. Nabidem, etc. vid. XXXI, 25.

« standos depopulandosque Nabidi ac Lacedæmoniis
 « reliquit. Ac mihi quidem minime conveniens inter
 « se oratio Cleomedontis visa est : elevabat romanum
 « bellum⁵, eventumque ejus eundem fore, qui prio-
 « ris belli, quod cum Philippo gesserint, dicebat. Cur
 « igitur nostrum ille auxilium absens petit potius,
 « quam præsens nos veteres socios simul ab Nabide
 « ac Romanis tueatur? Nos, dico? quid ita passus est
 « Eretriam Carystumque capi? quid ita tot Thessaliæ
 « urbes? quid ita Locridem Phocidemque? quid ita
 « nunc Elatiam oppugnari patitur? cur excessit fauci-
 « bus Epiri claustrisque illis inexpugnabilibus super
 « Aoum amnem, aut vi, aut metu, aut voluntate,
 « relictoque, quem insidebat, saltu, penitus in re-
 « gnum abiit? Si sua voluntate tot socios reliquit ho-
 « stibus diripiendos, quid recusare potest, quin et
 « socii sibi consulant? si metu, nobis quoque igno-
 « scat timentibus. Si victus armis cessit, Achæi arma
 « romana sustinebimus⁶, Cleomedon, quæ vos Mace-
 « dones non sustinuistis? An tibi potius credamus,
 « Romanos non majoribus copiis nec viribus nunc
 « bellum gerere, quam antea gesserint, potius quam
 « res ipsas intueamur? Ætolos tum classe adjuverunt;
 « nec duce consulari, nec exercitu bellum gesserunt;
 « sociorum Philippi, maritimæ urbes in terrore ac tu-
 « multu erant; mediterranea adeo tuta ab romanis ar-
 « mis fuerunt, ut Philippus Ætolos, nequidquam opem

5. *Elevabat romanum bellum*; vide ad III, 21, n. 5. — *Prioris belli*; de quo vid. XXVII, 29 sq. XXVIII, 5 sq. XXIX, 12. Mox pro *tueatur* forte leg. *tuetur*; Gron.

6. *Achæi arma romana sustinebimus*; vide ad XXXIV, 32, n. 2. — *Neo duce consulari, nec exercitu con-*

sulari; vide ad X, 25, n. 9. Sed quia hoc bellum consules gerunt, non *consulares*, forte cum Crev. leg. *nec duce consule, nec ex. consulari, vel nec duce, nec ex. consulari*. Mox *etiam post maritimæ* addunt MSS et edd. antt. Delevit Gelen. Sed forte pro eo leg. *tantum*; Gron.

« Romanorum implorantes, depopularetur. Nunc au-
« tem defuncti bello punico Romani, quod per sex-
« decim annos velut intra viscera Italiae⁷ toleraverunt,
« non praesidium Aetolis bellantibus miserunt, sed ipsi
« duces belli arma terra marique simul Macedoniae
« intulerunt : tertius jam consul summa vi gerit bel-
« lum. Sulpicius, in ipsa Macedonia congressus, fudit
« fugavitque regem ; partem opulentissimam regni ejus
« depopulatus : nunc Quintius tenentem claustra Epiri,
« natura loci, munimentis exercituque fretum, castris
« exsuit ; fugientem in Thessaliam persequutus, praes-
« sidia regia sociasque ejus urbes prope in conspectu
« regis ipsius expugnavit. Ne sint vera, quae Athe-
« nienses modo legati⁸ de crudelitate, avaritia, libi-
« dine regis dixerunt ; nihil ad nos pertineant, quae
« in terra attica scelera in superos inferosque deos
« sunt admissa ; multo minus, quae Ciani Abydenique,
« qui procul a nobis absunt, passi sunt : nostrorum
« ipsi vulnere, si vultis, obliviscamur ; caedes dire-
« ptionesque bonorum Messenae⁹ in media Pelopon-
« neso factas ; et hospitem Cyparissiae Garitenem con-

7. *Intra viscera Italiae* ; vid. XXII, 38, n. 4. — *Tertius jam consul s. vi gerit bellum*, T. Quintius, post P. Sulpicium et P. Villium, a quo nihil memorabile actum (vid. cap. 6) ; unde mox ejus mentio non fit.

8. *Ne sint vera, quae Athenienses modo legati*, etc. est concedentis, ut XXXI, 7, n. 4, *ne aequaveritis Hannibali Philippum*, etc. pro : ut jam non aequetis, ut concedam non aequandum esse Hannibali Philippum, at certe Philippum Pyrrho aequandum esse non negabitis ; Duker. — *Ciani Abydenique* ; de his vid. XXXI, 16 sq. *Cius vero, Cianorum et Bithyniae*

urbs fuit, ad oram Propontidis et Cianum sinum, qui ex Propontide in continentem influit : expugnata ac deleta a Philippo in gratiam Prusiae, generi ejus et socii, ex quo forsans *Prusias ad mare* est appellata. Cf. cap. 33 extr. et 34 (quibus locis in omnibus fere MSS et edd. etiam Drakenb. perperam *Chium*, ut h. l. *Cluvii*, legitur) ; Strab. XII, pag. 563 ; Polyb. XV, 21-23 ; XVI, 34 ; XVII, 3-5 ; XVIII, 27 (ad quae loca vid. Schweigh.) ; Hard. ad Plin. V, 32 seu 40 et 43 ; Wessel. ad Hierocl. p. 692, 694.

9. *Caedes direptionesque bonorum Messenae*, etc. v. Plut. Arat. p. 1050sq.

« tra jús omne ac fas inter epulas prope ipsas occisum :
 « et Aratum patrem filiumque Sicyonios¹⁰, quum se-
 « nem infelicem parentem etiam appellare solitus esset,
 « interfectos; filii etiam uxorem libidinis causa in Ma-
 « cedoniam absportatam : cætera stupra virginum ma-
 « tronarumque oblivioni dentur : ne sint cum Phi-
 « lippo res, cujus crudelitatis metu obmutuistis omnes;
 « (nam quæ alia tacendi advocatis in concilium causa
 « est?) cum Antigono¹¹, mitissimo ac justissimo rege,
 « et de nobis omnibus optime merito, existimemus
 « disceptationem esse : num id postularet facere nos,
 « quod tum fieri non posset? Peninsula est Pelopon-

Polyb. III, 19; VII, 11, 12; VIII, 10, 14; IX, 30. — *Cyparissia*, aut Cyparissa, Cyparissæ, Cyparissæ et Cyparissæa, opp. Messeniæ, ad Cyparissium sinum et prom.

10. *Aratum patrem* (auctorem instaurati fœderis Achaici) *filiumque Sicyonios*, Clinia filium nepotemque et Achæorum prætores, a Philippo interfectos, *filii etiam uxorem libidinis causa in Macedoniam absportatam*; vide ad XXVII, 31, n. 4; Polyb. VIII, 14; Pausan. II, 8, 9; Plut. Arat. t. I, p. 1050-1052; ex quo Plut. patet, indicari Aratum juniorem, filium ejus, quem miris laudibus ornat Strabo, I. VIII, p. 382, 385. — *Quum senem infelicem*, etc. Goelleri nota est, p. 379: « Obscura sunt hæc; nam quæ vis est « in hoc, a filio senem infelicem parentem etiam appellari solitum? Gra- « vis sententia existet si legeris ex « codice Bamb. *quum senem inf. par. « et app. oblitus* esset ». Equidem valde miror virum doctum ibi hæsisse; sensus mihi planus videtur. Aristenæus memorat Aratum patrem filiumque a Philippo interfectos, eo majore flagitio, quod ipse Philippus Aratum senem

parentis nomine appellare solitus esset. Sic omnia sunt plana, nedum opus immutatione sit. Ed. — *Filii etiam uxorem*. Goelleri legi velit: *Polycratiam ejus uxorem* ex lib. XXVII. Ed. — *Ne sint cum Philippo res*, forte sit, quia frequentius dicitur hoc sensu *mihi res cum illo est*, quam *sunt*; Duk. et Drak.

11. *Cum Antigono* Dosone seu Evergete et Sotere, *mitissimo ac justissimo rege*, et de nobis Achæis optime merito; vid. ad Polyb. II, 47-54 et 70; Plut. Arat. p. 1045 sq. Pausan. II, 8, 9; VII, 7. Nepos fuit Antigoni Gonatæ, qui duos habuit filios, Demetrium II patrem Philippi, ac nothum Alcyoneum, patrem Antigoni Disonis (qui mortuo Demetrio II, tutor ac vitricus Philippi patruelis simulque ante eum rex factus est) et Echecratis, cujus filius fuit Antigonus. Conf. XL, 54; Diog. Laert. Vit. Philos. IV, 41; Pausan. II, 8; VI, 16; VII, 7; VIII, 8; Plut. Æmil. p. 258, et Pyrrh. p. 406; Justin. XXVIII, 3; Polyb. II, 45, 70; IV, 87; XX, 5. — *Quod tum fieri*, etc. quam vim illud tum habere possit, capere non facile est. An legendum cum Drakenb. *quod tuto fieri*;

« nesus, angustis Isthmi¹² faucibus continenti adhæ-
« rens, nulli apertior neque opportunior, quam na-
« vali, bello. Si centum tectæ naves et quinquaginta
« leviores apertæ et triginta Issaici lembi maritimam
« oram vastare, et expositas prope in ipsis litoribus
« urbes cœperint oppugnare, in mediterraneas scili-
« cet¹³ nos urbes recipiemus? tanquam non intestino
« et hærente in ipsis visceribus uramur bello? Quum
« terra Nabis et Lacedæmonii, mari romana classis
« urgebunt; unde regiam societatem et præsidia Ma-
« cedonum implorem? an ipsi nostris armis ab hoste
« romano tutabimur urbes, quæ oppugnabuntur? egre-
« gie enim Dymas priore bello sumus tutati¹⁴. Satis
« exemplorum nobis alienæ clades præbent; ne quæ-
« ramus, quemadmodum cæteris exemplo simus. No-
« lite, quia ultro Romani petunt amicitiam, id, quod
« optandum vobis ac summa ope petendum erat, fa-
« stidire. Metu enim videlicet compulsi¹⁵ in aliena
« terra, quia sub umbra auxilii vestri latere volunt,
« in societatem vestram confugiunt, ut portubus ve-
« stris recipiantur, ut commeatibus utantur. Mare in
« potestate habent; terras, quas cumque adeunt, ex-

vel cum Goellero, quod tueri non
posset? Ed.

12. *Peninsula est Peloponnesus, angustis Isthmi Corinthiaci seu Achaici faucibus continenti Græciæ, seu Helladi adhærens, nulli apertior neque opportunior, quam navali, bello; vide ad I, 54, n. 4; XXV, 16, n. 12, et XLV, 28, n. 3. — Tectæ naves et apertæ; vide ad XXII, 19, n. 4. — Issaici lembi; vide ad XXXI, 45, n. 7. — Expositas in ipsis litoribus urbes; vide ad XXV, 16, n. 12.*

13. *In mediterraneas scilicet, etc. vide ad IV, 5, n. 2. — Hærente in*

visceribus uramur bello; vide ad X, 17, n. 1, et XXII, 38, n. 4.

14. *Egregie enim Dymas priore bello sumus tutati; vide ad XXVII, 31, n. 4. Prius bellum est illud, quod Romani tempore belli punici II cum Philippo gesserunt, et quo Dymas a Romanis expugnatus esse, memorant et Livius, etsi non suo loco, sed deum hic et cap. seq. data occasione, et Pausan. VII, 17, n. 3; ubi ex Liv. XXVII, 31 sq. pro Οὐλύμπιος leg. Σουλπίκιος; Drak.*

15. *Metu enim videlicet compulsi, etc. vide ad IV, 5, n. 2.*

« templo ditionis suæ faciunt. Quod rogant, cogere
 « possunt; quia pepercisse volunt, committere vos,
 « cur pereatis, non patiuntur; nam quod Cleomedon
 « modo, tanquam mediam et tutissimam vobis viam
 « consilii, ut quiesceretis abstineretisque armis, osten-
 « debat; ea non media, sed nullâ via est. Etenim, præ-
 « terquam quod aut accipienda, aut adspernanda vo-
 « bis romana societas est, quid aliud quam, nusquam
 « gratia stabili, velut qui eventum exspectaverimus,
 « ut fortunæ applicaremus nostra consilia, præda victo-
 « ris erimus¹⁶? Nolite, si, quod omnibus votis peten-
 « dum erat, ultro offertur, fastidire: non, quemadmo-
 « dum hodie utrumque vobis licet, sic semper liciturum
 « est; nec sæpe, nec diu eadem occasio erit. Liberare
 « vos a Philippo jam diu magis vultis, quam audetis:
 « sine vestro labore et periculo qui vos in libertatem
 « vindicarent, cum magnis classibus exercitibusque
 « mare trajecerunt. Hos si socios adspernamini, vix
 « sanæ mentis estis; sed, aut socios, aut hostes ha-
 « beatis, oportet. »

XXII. Secundum orationem prætoris¹ murmur or-
 tum aliorum cum assensu, aliorum inclementer assen-
 tientes increpantium: et jam non singuli tantum, sed
 populi universi, inter se altercabantur. Tum inter
 magistratus gentis (damiurgos² vocant; decem nu-
 mero creantur) certamen nihilo segnius, quam inter

16. Nam quod Cleomedon... præda
 victoris erimus; cf. simil. loc. XXXV,
 49 extr.

CAP. XXII. 1. Secundum orationem
 prætoris; vide ad I, 4, n. 1.

2. Magistratus gentis Achæorum
 damiurgos (alii demiurgos; vide ad I,
 34, n. 2) vocant: decem numero
 creantur: qui δημιουργοὶ τῶν Ἀχαιῶν
 dicuntur Polyb. XXIV, 5, 16, et

οἱ ἄρχοντες XXIII, 10, 12; XXIIV,
 5, 17. Δημιουργοὶ παρὰ τοῖς Δωριεῦ-
 σιν οἱ ἄρχοντες, τὰ δημόσια πράτ-
 τοντες, ὡς περ Ἀθῆνησιν οἱ Δήμαρχοι,
 λέγονται, Hesych. Cf. inf. XXXVIII,
 30, ibique Drak. Athenis tres erant
 civium classes, εὐπατρίδαι, nobiles,
 γεωμόροι, agricolæ, et δημιουργοὶ,
 seu Dor. δαμιουργοὶ, opifices, inpr.
 statuarii.

multitudinem, esse : quinque relatores se de societate romana³ aiebant, suffragiumque daturus ; quinque lege cautum testabantur, ne quid, quod adversus Philippi societatem esset, aut referre magistratibus, aut decernere concilio jus esset. Hic quoque dies jurgius est consumptus : supererat unus justi concilii dies (tertio enim lex jubebat decretum fieri) ; in quem adeo exarsere studia, ut vix parentes ab liberis temperaverint. Rhisiasus (Pellenensis erat) filium damiurgum, nomine Memnonem, habebat, partis ejus, quæ decretum recitari perrogarique sententias⁴ prohibebat. Is, diu obtestatus filium, ut consulere Achæos communi saluti pateretur, neu pertinacia sua gentem universam perditum iret, postquam parum proficiebant preces, juratus se eum sua manu interempturum, nec pro filio, sed pro hoste, habiturum, minis pervicit, ut postero die conjungeret iis se, qui referebant. Qui quum plures facti referrent, omnibus fere populis haud dubie approbantibus relationem, ac præ se ferentibus, quid decreturi essent ; Dymæi ac Megalopolitani et quidam Argivorum, prius quam decretum fieret, consurrexerunt, ac reliquerunt concilium, neque mirante ullo, neque improbante : nam Megalopolitanos, avorum memoria⁵ pulsos ab Lacedæmoniis, restituerat in patriam Antigonus ; et Dymæis, captis

3. *Relatores se de societate rom.* ; vide ad XXVI, 2, n. 3.

4. *Perrogarique sententias* ; vide ad c. 23, n. 1. — *Juratus se eum... interempturum* ; vid. ad cap. 6, n. 1.

5. *Megalopolitanos, avorum memoria*, temporibus, *pulsos ab Lacedæmoniis*, a Cleomene, primo sævisimoque eorum jyranno, quum capta urbe Messenam se recepissent, *restituerat in patriam Antigonus* Doso-

rex Macedoniæ, qui victo Cleomene Spartaque expugnata omnibus Græcis pacem restituit ; vid. Polyb. II, 48-70 ; IV, 3 ; V, 93 ; Plut. Cleom. c. 4, t. I, pag. 806 ; Pausan. IV, 29 ; VIII, 27. Livium haud accurate dixisse *avorum memoria*, Philippumque, Antigoni Doso- nis patrii successorem, et ever- sam et restitutam Megalopolim vi- dissè, jam monuisse scitum est Crev. et Drakenb.

nuper direptisque ab exercitu romano, quum redimi eos, ubicumque servirent, Philippus jussisset, non libertatem modo, sed etiam patriam, reddiderat. Jam Argivi, præterquam quod Macedonum reges ab se oriundos⁶ credunt, privatis etiam hospitibus familiari-que amicitia plerique illigati Philippo erant. Ob hæc concilio, quod inclinaverat ad romanam societatem jubendam⁷, excesserunt; veniaque iis hujus secessionis fuit, et magnis et recentibus obligatis beneficiis.

XXIII. Cæteri populi Achæorum, quum sententias¹ perrogarentur, societatem cum Attalo ac Rhodiis præsentis decreto confirmarunt; cum Romanis, quia injussu populi non poterat rata esse, in id tempus, quo Romam mitti legati possent, dilata est. In præsentia tres legatos L. Quintium mitti placuit, et exercitum omnem Achæorum ad Corinthum admoveri; captis Cenchreis, jam urbem ipsam Quintio oppugnante. Et hi quidem² e regione portæ, quæ fert Sicyonem, posuerunt castra. Romani ad Cenchreas versam partem urbis, Attalus, traducto per Isthmum exercitu, ab Lechæo, alterius maris portu, oppugnabant; primo segnius, sperantes seditionem intus fore inter oppidanos ac regium præsidium. Postquam uno animo

6. *Macedonum reges ab se oriundos*; vide tamen ad librum XXVII, cap. 30, n. 7.

7. *Ad romanam societatem jubendam*, alii *ineundam*: sed phrasid e comitiis populi rom. petita, quorum loco græcis populis talia erant concilia; Gron. coll. XXXIII, 2.

CAP. XXIII. 1. *Quum sententias* (ita omnes pæne MSS at edd. vett. *sententiæ*, ut c. 22, n. 4, et XXIX, 19, n. 3) *perrogarentur*, h. e. de sententiis omnes ordine interrogarentur:

ut *rogatus et interrogatus sententiam* XXII, 60, n. 3; XXXVI, 7 pr. XXXVII, 14; et *perrogare* pro: omnes ordine rogare (vide ad XXIX, 19, n. 3; XXXII, 22, n. 4; Cort. ad Plin. Ep. IV, 22, n. 3), ut *persalutare, prescribere* (Præf. et XXXI, 1, n. 2), et similia; nisi simpl. est *interrogare*, et hinc ordine adjicitur ap. Suet. Aug. cap. 35 extr.

2. *Et hi quidem*, scil. Achæi. — *Ad Cenchreas*; vide ad XXVIII, 8, n. 6. — *Ab Lechæo*; vid. VIII, 17, n. 5.

omnes, et Macedones tanquam communem patriam tuebantur, et Corinthii ducem præsidii Androsthenem, haud secus quam civem et suffragio creatum suo, imperio justo patiebantur³; omnis inde spes pugnantis in vi et armis et operibus erat. Undique aggeres haud facili aditu ad mœnia admovebantur: aries ex ea parte, quam Romani oppugnabant, aliquantum muri diruerat. In quem locum, quia nudatus munimento erat, protegendum armis quum Macedones concurrissent, atrox prælium inter eos ac Romanos ortum est. Ac primo multitudine facile expellebantur Romani: adsumptis deinde Achæorum Attalique auxiliis, æquabant certamen; nec dubium erat, quin Macedonas Græcosque facile loco pulsuri fuerint. Transfugarum Italicorum magna multitudo erat; pars ex Hannibalis exercitu metu poenæ a Romanis Philippum sequuti, pars navales socii, relictis nuper classibus, ad spem honoratioris militiæ transgressi: hos desperata salus, si Romani vicissent, ad rabiem magis, quam audaciam, accendebat. Promontorium est adversus Sicyonem Junonis, quam vocant Acræam⁴, in altum excurrens: trajectus inde Corinthum, septem millia ferme passuum. Eo Philocles, regius et ipse præfectus, mille et quingentos milites per Bœotiam duxit. Præsto fuere ab Corintho lembi,

3. *Imperio justo patiebantur*, forte leg. *imperatorem justum p.*, et deinde *oppugnantibus pro pugnantis*; Gron. — Goeller e codice Bamb. affert, *imperio in se uti patiebantur*. Ed. — *Honoratioris militiæ*. In navalem militiam libertini fere conscribentur, aut certe tenuiores ex ingenuis. Vide Lips. de Mil. Rom. lib. I, dial. 2. Ed.

4. *Promontorium Junonis, quam vocant Acræam, Ἀκραίαν*, arcium

præsidem; vid. Strab. VIII, 380, al. 692, et Pausan. II, 17, 24. Sic et Τύχη Ἀκραία ap. Pausan. II, 7, 5, et *Acræus Jupiter*, qui vel ταῖς ἀκραίς urbium præesse, vel ἐπὶ τῶν ἀκρῶν τῶν ὀρέων coli putabatur, inf. XXXVIII, 2, n. 2, et in *nammo smyrnæo* ap. Spon. Cf. Tristan. Comm. t. I, p. 291; Cuper. Apoth. Hom. p. 16; Spanhem. ad Callim. Hymn. in Jov. 82, in Del. 70, 104.

qui præsidium id acceptum Lechæum trajicerent. Auctor erat Attalus, incensis operibus, omittendæ extemplo oppugnationis. Pertinacius Quintius in incepto perstabat. Is quoque ut pro omnibus portis disposita vidit præsidia regia, nec facile erumpentium impetus sustineri posse, in Attali sententiam concessit. Ita irrito incepto, dimissis Achæis, reditum ad naves est; Attalus Piræeum, Romani Corcyram petierunt.

XXIV. Dum hæc ab navali exercitu geruntur, consul, in Phocide ad Elatiam castris positus, primo colloquiis rem per principes Elatiensium tentavit: postquam, nihil esse in manu sua¹, et plures validioresque esse regios, quam oppidanos, respondebatur, tum simul ab omni parte operibus armisque urbem est aggressus. Ariete admoto, quantum inter turrets muri erat prorutum, quum ingenti fragore ac strepitu nudasset urbem, simul et cohors romana per apertum recenti strage iter invasit; et ex omnibus oppidi partibus, relictis suis quisque stationibus, in eum, qui premebatur impetu hostium, locum concurrerunt. Eodem tempore Romani et ruinas muri supervadebant, et scalas ad stantia moenia inferebant²; et, dum in unam partem oculos animosque hostium certamen averterat, pluribus locis scalis capitur murus, armatique in urbem transcenderunt. Quo tumultu audito, territi hostes, relicto, quem conferti tuebantur, loco, in arcem omnes metu, inermi quoque insequente

CAP. XXIV. 1. *Nihil esse in manu sua*; vide ad V, 20, n. 1. — *Ariete admoto*. Cod. Bamb. *admotoque*; unde Jacobsius sic locum refingit: *ariete admoto, quum, quantum inter turrets muri erat prorutum cum ingenti*, etc. Ed.

2. *Scalas ad moenia inferebant*;

vide ad VIII, 38, n. 2. — *Stantia moenia*; eam murorum partem quæ non eversa fuerat; Virg. *Æn.* II, 56: «Trojaque nunc stares, etc.» Ovid. *Heroid.* I, 67: «...Starent etiam nunc moenia Phœbi». Sic et nostras *J. Racine, Athalie*, act. II, sc. 5: «...et leur temple est debout. Ed.

turba, confugerunt. Ita urbe potitur consul; qua direpta, missis in arcem, qui vitam regiis, si abire vellent inermes, libertatem Elatiensibus pollicerentur, fideque in hæc data, post paucos dies arcem recepit.

XXV. Cæterum adventu in Achaiam Philoclis regii præfecti non Corinthus tantum liberata obsidione, sed Argivorum quoque civitas per quosdam principes Philocli prodita est, tentatis prius animis plebis. Mos erat, comitiorum die primo velut ominis causa prætores pronuntiare Jovem Apollinemque¹ et Herculem: additum legi erat, ut iis Philippus rex adjiceretur. Cujus nomen post pactam cum Romanis² societatem quia præco non adjecit, fremitus primo multitudinis ortus, deinde clamor subjicientium Philippi nomen, jubentiumque legitimum honorem usurpare; donec cum ingenti assensu nomen recitatum est. Hujus fiducia favoris Philocles arcessitus nocte occupat collem

CAP. XXV. 1. *Mos erat, comitiorum die primo velut ominis causa prætores pronuntiare Jovem Apollinemque et Herculem*; de quo more haud quidquam vel ego legere memini, vel intpp. dixere. Suspicebam quondam, pro prætores legendum esse *præcones*, et hæc referenda ad solennem et initio comitiorum a præconibus recitandam formulam precum votorumque, quibus salus reipublicæ et felix consultationum rerumque gerendarum eventus a diis exposci solebat; quod vel ex Demosth. et *Voyage du jeune Anacharsis*, t. II, c. 14, p. 246, ed. Bipont. notum est. Sed ita Livius parum apte dixisset *pronuntiare Jovem*, etc. — *Additum legi erat*: nam more fieri quoque dici potest, quod lege statutum ex ejus præscripto usu et observatione constanti viget et inmitti non potest, et *mores atque*

instituta etiam pro legibus et juri- bus dicuntur (conf. intpp. Virg. *Æn.* I, 264, et Cic. pro Marcello, cap. 8, 9); nisi h. l. *lege* scribendum; Duk.

2. *Post pactam cum Romanis societatem*, quam quidam Argivorum, non omnes, repudiarant; vid. cap. 22. — *Legitimum honorem usurpare*, facere, quod ante factitatum fuerat, et una cum nominibus deorum nomen Philippi pronuntiare: quod ut fieret, ei honoris causa lege datum fuerat; Duk. *Legitimum omen u.* conj. Gron. prob. Crev. qui exponit: morem solennem sequi in eo omine captando, quod legibus jussum erat. Enimvero dii *ominis causa* Argivorum prætores pronuntiabantur, sed quod Philippo concessum erat, *honoris* ejus causa sancitum videtur; Drak. coll. cap. 34, ubi Achæos Philippo *omnes divinos humanosque honores decrevisse* legitimus.

imminentem urbi (Larissam eam arcem³ vocant), positoque ibi præsidio, quum lucis principio signis infestis ad subjectum arci forum vaderet, instructa acies ex adverso occurrit. Præsidium erat Achæorum nuper impositum, quingenti fere juvenes delecti omnium civitatum: Ænesidemus Dymæus præerat. Adhortator a præfecto⁴ regio missus, qui excedere urbe juberet (neque enim pares eos oppidanis solis, qui idem quod Macedones sentirent, nedum adjunctis Macedonibus, esse, quos ne Romani quidem ad Corinthum sustinuissent), primo nihil, nec ducem, nec ipsos movit: post paulo, ut Argivos quoque armatos ex parte altera venientes magno agmine viderunt, certam perniciem cernentes, omnem tamen casum, si pertinacior dux fuisset, videbantur subituri. Ænesidemus, ne flos Achæorum juventutis simul cum urbe amitteretur, pactus cum Philocle, ut abire illis liceret, ipse, quo loco steterat armatus, cum paucis clientibus non excessit. Missus a Philocle, qui quæreret, quid sibi vellet? nihil fatus, tantummodo, quum projecto præ se clypeo staret, *in præsidio creditæ urbis moriturum se armatum*, respondit⁵. Tum jussu præfecti a Thracibus conjecta tela, interfectique omnes. Et post pactam inter Achæos et Romanos societatem duæ nobilissimæ civitates, Argi et Corinthus, in potestate regis erant. Hæc ab Romanis ea æstate in Græcia terra marique gesta.

3. *Larissam eam arcem* Argorum, collem (vide ad I, 55, n. 6), *vocant*; cf. ad XXXIV, 25, n. 1; Strab. VIII, 370; IX, 440, et Pausan. II, 23, 9; III, 17, 2; Cellar. Geog. ant. II, 13, pag. 782. — *Positoque ibi præsidio*, ut apud Cæs. B. C. III, 34. *Impositoque conj. Crev.*

4. *Adhortator a præfecto*, etc.

5 MSS. *Ad hos tractor. Lege Ad hos orator*; Gron. Crev. Drak. — Et sic exhibet cod. Bamb. Ed.

5. *Nihil fatus, quum tantummodo projecto præ se clypeo staret, missus est a Philocle, qui q., q. s. vellet? Respondit*, etc. Ita evolvenda oratio; Gron. *Missus a Philocle, qui quæreret, vel missus a Phil., qui quære-*

XXVI. In Gallia nihil sane memorabile ab Sex. Ælio consule gestum. Quum duos exercitus in provincia habuisset, unum retentum, quem dimitti oportebat, cui L. Cornelius proconsul præfuerat (ipse ei C. Helvium prætorem præfecit), alterum, quem in provinciam adduxit; totum prope annum Cremonensibus Placentinisque¹ cogendis redire in colonias, unde belli casibus dissipati erant, consumpsit. Quemadmodum Gallia præter spem quieta eo anno fuit, ita circa Urbem servilis prope tumultus excitatus est. Obsides Carthaginiensium Setiæ custodiebantur: cum iis, ut principum liberis, magna vis servorum erat. Augebant eorum numerum, ut ab recenti africo bello², et ab ipsis Setinis captiva aliquot nationis ejus ex præda empta mancipia. Quum conjurationem fecissent, missis ex eo numero, qui in setino agro, deinde circa Norbam et Circeios, servitia sollicitarent; satis jam omnibus præparatis, ludis, qui Setiæ propediem futuri erant, spectaculo intentum populum aggredi stauerant; Setia per cædem et repentinum tumultum capta, Norbam et Circeios occupare. Hujus rei tam foedæ indicium Romam ad L. Cornelium Merulam prætorem urbis delatum est. Servi duo ante lucem ad eum venerunt, atque ordine omnia, quæ acta futuraque erant, exposuerunt. Quibus domi custodiri jussis, prætor, senatu vocato edoctoque, quæ indices afferrent, proficisci ad eam conjurationem³ quærendam atque opprimendam jussus, cum quinque legatis pro-

rent, quid sibi vellet? nihil statu mutato vel motus, quum projecto, etc. conj. Drak. et sane in omnibus pæne MSS statu pro fatus, et modo pro tantummodo.

CAP. XXVI. 1. *Cremonensibus Placentinisque, etc. cf. XXXI, 10 et 21.*

— Delendum esse τὸ redire, monent Gron. et Crev. Ed. — *Obsides C. Setiæ c. cf. cap. 2.*

2. *Ut ab recenti africo bello; vide ad I, 1, n. 5, et VIII, 30, n. 7.*

3. *Ad eam conjurationem quærendam; vide ad II, 29, n. 3.*

fectus, obvios in agris sacramento rogatos arma capere et sequi cogebat⁴. Hoc tumultuario delectu duobus millibus ferme hominum armatis, Setiam, omnibus quo pergeret, ignaris, venit. Ibi raptim principibus conjurationis comprehensis, fuga servorum ex oppido facta est; dimissi deinde per agros, qui vestigarent. Egregia duorum opera servorum indicum et unius liberi fuit. Ei centum millia gravis æris dari Patres jusserunt; servis vicena quina millia æris et libertatem: pretium eorum ex ærario solutum est dominis. Haud ita multo post, ex ejusdem conjurationis reliquiis, nuntiatum est, servitia Præneste occupatura. Eo L. Cornelius prætor profectus, de quingentis fere hominibus, qui in ea noxa erant, supplicium sumpsit. In timore civitas fuit, obsides captivosque Pœnorum ea moliri: itaque et Romæ vigiliæ per vicos servatæ, jussique circumire eas minores magistratus, et triumviri carceris lautumiarum⁵ intentiorem custodiam habere jussi; et circa nomen latinum a prætore literæ missæ, ut et obsides in privato servarentur, neque in publicum prodeundi facultas daretur, et captivi ne minus decem pondo compedibus vincti in nulla alia⁶, quam in carceris publici, custodia essent.

XXVII. Eodem anno legati ab rege Attalo coronam auream ducentum quadraginta sex pondo¹ in Capitolio posuerunt, gratiasque senatui egerunt, quod An-

4. *Obvios in agris sacramento rogatos arma capere et sequi cogebat*; vide ad II, 24, n. 7, et XXXIV, 56, n. 6. — *Centum millia gravis æris*. Ea Creverius æstimat denariis 10000, marcis argenti nostratibus 156, cum duabus unciis. *Vicena quina millia* denariis 2500, marcis argenti 39, cum semuncia. Ed.

5. *Triumviri carceris lautumiarum*, etc. vide ad XXV, 1, n. 7, et XXVI, 27, n. 2. — *Circa nomen latinum*; vide ad I, 10, n. 2. — *In privato... in publicum*; vide ad II, 24, n. 6.

6. *Captivi ne... in nulla alia*, etc. vide ad II, 45, n. 7. — *Decem pondo*. Octo fere libris nostratibus pondo. Ed.

CAP. XXVII. 1. *Ducentum quadr.*

tiochus, legatorum romanorum auctoritate motus, finibus Attali exercitum deduxit. Eadem æstate equites ducenti et elephanti decem et tritici modium ducenta millia ab rege Masinissa ad exercitum, qui in Græcia erat, pervenerunt: item ex Sicilia Sardiniaque magni comæatus et vestimenta exercitui missa. Siciliam M. Marcellus, Sardiniam M. Porcius Cato obtinebat, sanctus et innocens, asperior tamen in fenere coercendo habitus: fugatique ex insula feneratores, et sumptus, quos in cultum prætorum socii facere soliti erant², circumcisi aut sublati. Sex. Ælius consul ex Gallia comitorum causa Romam quum redisset, creavit consules C. Cornelium³ Cethegum et Q. Minucium Rufum. Biduo post prætorum comitia habita: sex prætores illo anno primum creati, crescentibus jam provinciis, et latius patescente imperio; creati autem hi, L. Manlius Vulso, C. Sempronius Tuditanus, M. Sergius Silus, M. Helvius, M. Minucius Rufus, L. Atilius: Sempronius et Helvius ex iis ædiles plebis erant. Curules ædiles Q. Minucius Thermus et Ti. Sempronius Longus. Ludi Romani eo anno quater instaurati:

XXVIII. C. Cornelio et Q. Minucio consulibus, omnium primum de provinciis consulum prætorumque actum. Prius de prætoribus transacta res, quæ

sex pondo. Marcarum, seu selibrarum nostrat. 384 cum tribus uncis. Ed. — *Modium ducenta millia*. Modii sunt nostrates 154, 166. Ed. — *In fenere coercendo*, minuendo et puniendo.

2. *Sumptus, quos in cultum prætorum* (magnificentiam vitæ) *socii facere soliti erant, c. aut s. hæc res*, ab avaritia et libidine prætorum orta, deinde quidem multis legibus coercita

est, nec tamen unquam satis reprimi potuit; Duk. cf. ad XLII, 1, n. 5; Cic. p. lege Manil. 5 et 13; Plut. Cat. Maj. p. 339; Sigon. de Ant. Jur. Prov. II, 5; Burm. de Vectig. pop. rom. c. 2; Ernesti Clav. Cic. v. *vectigal*.

3. *Creavit consules C. Cornelium*, etc. vide ad VII, 16, n. 6. — *M. Sergius Silus*. De hujus incredibili fortitudine videndus est Plinius, lib. VII, c. 28. Ed.

transigi forte poterat : urbana Sergio , peregrina jurisdictione Minucio obtigit. Sardiniam Atilius , Siciliam Manlius , Hispaniam Sempronius ¹ citeriorem , Helvius ulteriorem est sortitus. Consulibus Italiam Macedoniamque sortiri parantibus , L. Oppius et Q. Fulvius tribuni plebis impedimento erant, *quod longinqua provincia Macedonia esset, neque ulla alia res majus bello impedimentum ad eam diem fuisset, quam quod, vixdum inchoatis rebus, in ipso conatu gerendi belli prior consul revocaretur. Quartum jam annum esse ab decreto macedonico bello. Quærendo regem et exercitum ejus Sulpicium majorem partem anni absumpsisse : Villium, congregentem cum hoste, re infecta revocatum. Quintium, rebus divinis Romæ majorem partem anni retentum, ita gessisse tamen res, ut, si aut maturius in provinciam venisset, aut hiems magis sera fuisset, potuerit debellare. Nunc prope² in hiberna profectum, ita comparare dici bellum, ut, nisi successor impediatur, perfecturus æstate proxima videatur.* His orationibus pervicerunt, ut consules in senatus auctoritate fore dicerent se, si idem tribuni facerent. Permittentibus utrisque liberam consultationem, Patres consulibus ambobus Italiam provinciam decreverunt. T. Quintio prorogarunt³ imperium, donec successor ei venisset. Consulibus binæ legiones

CAP. XXVIII. 1. Hispaniam Sempronius, etc. vide ad XXVIII, 38, n. 4.

2. Nunc prope. Creverius hoc exponit non ita pridem, hoc ipso prope tempore; vel, quod longe præstare cum ipso judicat Drak., legendum conjicit, nunc quoque: nam duo verba prope et quoque sæpius permutantur. Ed. — In senatus auctoritate fore se; vide ad II, 56, n. 16.

3. T. Quintio prorogarunt imperium Patres, «ut Fabio, IX, 42, h. e. a populo prorogandum censuerunt ac decreverunt: nam imperium decernebat senatus (vid. XXX, 2), prorogabat populus, quod et ipsa vox prorogare indicat, et decretum senatus de prorogando imperio sequebatur rogatio ad populum, qua imperium ex decreto senatus prorogabatur. Sic intelligenda esse omnia loca, quibus

decretæ, et ut bellum cum Gallis Cisalpinis, qui defecissent a populo romano, gererent. Quintio in Macedoniam supplementum decretum, peditum quinque millia et trecenti equites, et sociorum navalium tria millia. Præesse idem, qui præerat, classi L. Quintius Flaminius jussus. Prætoribus in Hispanias octona millia peditum socium ac latini nominis data et quadringeni equites⁴, ut dimitterent veterem ex Hispaniis militem; et terminare jussi, qua ulterior citeriorve provincia servaretur. Macedoniæ legatos P. Sulpicium et P. Villium, qui consules in ea provincia fuerant, adjecerunt.

XXIX. Prius quam consules prætoresque in provincias proficiscerentur, prodigia procurari¹ placuit; quod ædes Vulcani Summanique Romæ, et quod Frusinone inter noctem lux orta²; et Asculo agnus biceps cum quinque pedibus natus; et Formiis duo lupi, oppidum ingressi, obvios aliquot laniaverant: Romæ non in urbem solum³, sed in Capitolium penetra-

imperia prorogata dicuntur, nulla facta mentione plebisciti (ut VIII, 23; X, 22; XXVII, 22; XXIX, 13, al.), quum ex re ipsa, tum ex eo apertum est, quod, quum XXVII, 7, scribat, M. Claudio prorogatum in annum imperium, deinde, c. 21, id a populo factum dicat. Duker. Cf. ad IX, 42, n. 1.

4. *Et quadringeni equites pro quadringenti* quædam edd. antt. probb. Crev. et Drak. Id recepi ob præc. octona millia, et quia in omnibus fere MSS vel quadringeni vel quadrageni legitur.

5. *Macedoniæ legatos;* vide ad XXXVI, 1, n. 4.

CAP. XXIX. 1. *Prodigia procu-*

rari, etc. vide ad I, 20, n. 11, et I, 31, n. 1. — Summani ædes ad circum maximum. Summanus forte Pluto, Summus Manium (v. Martian. cap. 2), vel alius deus; vid. Intpp. Ovid. Fast. VI, 31; Plin. II, 52, et Ernesti Clav. Cic. in Ind. hist. — Vide quoque Turneb. Advers. lib. XVIII, cap. 4. Creverius indicat aliud etymon hujus vocis in lexico Matth. Martinii. Ed. — Mox verba et quod delenda putabat Gron.

2. *Frusinone inter noctem lux orta, noctu;* vide ad XXIX, 14, n. 2. — *Asculo Apulo? an Piceno? Leg. Asculi.*

3. *Non in urbem solum, sed etiam;* vide supra ad librum I, cap. 40, not. 1.

verat lupus. C. Acilius tribunus plebis tulit⁴, ut quinque coloniæ in oram maritimam deducerentur; duæ ad ostia fluminum Vulturni Liternique, una Puteolos, una ad castrum Salerni⁵; his Buxentum adjectum: trecenæ familiæ in singulas colonias jubebantur mitti. Triumviri deducendis iis, qui per triennium magistratum haberent, creati, M. Servilius Geminus, Q. Minucius Thermus, Ti. Sempronius Longus. Delectu rebusque aliis divinis humanisque, quæ per ipsos agenda erant⁶, perfectis, consules ambo in Galliam profecti. Cornelius recta ad Insubres via, qui tum in armis erant, Cenomanis assumptis, Q. Minucius in læva Italiæ ad inferum mare flexit iter, Genuamque exercitu abducto, ab Liguribus orsus est bellum. Oppida Clastidium et Litubium, utraque Ligurum, et duæ gentis ejusdem civitates, Celesates Cerdiciatesque, sese dediderunt. Et jam omnia cis Padum, præter Gallorum Boios, Ilvates Ligurum, sub ditione erant: quindecim oppida, hominum viginti millia esse dicebantur, quæ se dediderant: inde in agrum Boiorum legiones duxit.

XXX. Boiorum exercitus haud ita multo ante trajecerat Padum, junxeratque se Insubribus et Cenomanis; quod ita acceperant, conjunctis legionibus consules rem gesturos, ut et ipsi collatas in unum

4. C. Acilius tribunus pl. tulit; vide ad IV, 38, n. 10; et de coloniis deductis XXXIV, 45 pr.

5. Castrum Salerni in Picentibus, hodie Salerno, Ἐπετείχισαν Σάλερνον Ῥωμαῖοι φρουρᾶς χάριν, μικρὸν ὑπὲρ τῆς θαλάττης. Strab. lib. V extr. — Trecenæ familiæ, ut XXXIV, 45, treceni homines, h. e. patresfamilie; Drak. Hæ coloniæ maxime deductæ videntur ad ea loca incolis frequen-

tanda, quæ, quum ante tantum castra et præsidia fuissent, deinde oppidorum speciem ac nomen acceperunt; Duk.

6. Rebusque aliis divinis humanisque, quæ negotia per ipsos agenda erant: ita MSS et antt. edd. non agenda. Cf. Gron. Obs. III, 2. — Clastidium; vide ad XXI, 48, n. 7. — Litubium, forte Ritubium; Cluver. Ital. Ant. I, 10, p. 78. Cf. Cellar. Geogr. ant. II, 9.

vires firmarent. Postquam fama accidit, alterum consulem Boiorum urere agros, seditio extemplo orta est; postulare Boii, ut laborantibus opem universi ferrent; Insubres negare, se sua deserturos. Ita divisæ copiae, Boiisque in agrum suum tutandum profectis, Insubres cum Cenomanis super amnis Mincii ripam consederunt. Infra eum locum quinque millia passuum et consul Cornelius eidem flumini castra applicuit: inde mittendo in vicos Cenomanorum Brixiamque, quod¹ caput gentis erat, ut satis comperit, non ex auctoritate seniorum juventutem in armis esse, nec publico consilio Insubrium defectioni Cenomanos se adjunxisse; excitis ad se principibus, id agere ac moliri cœpit, ut desciscerent ab Insubribus Cenomani, et, signis sublatis, aut domos redirent, aut ad Romanos transirent: et id quidem impetrari nequirit; in id data fides consuli est, ut in acie aut quiescerent, aut, si qua etiam occasio fuisset, adjuvarent Romanos. Hæc ita² convenisse Insubres ignorabant; suberat tamen quædam suspicio animis, labare fidem sociorum: itaque, quum in aciem eduxissent, neutrum iis cornu committere ausi, ne, si dolo cessissent, rem totam³ inclinarent, post signa in subsidiis eos locaverunt. Consul principio pugnae vovit ædem Sospitæ Junoni, si eo die hostes fusi fugatique essent. A militibus clamor sublatus, compotem voti consulem se facturos, et impetus in hostes est factus: non tulerunt Insubres primum concursum. Quidam et a Ce-

CAP. XXX. 1. *Brixiamque, quod,* etc. vide ad XXIV, 42, n. 6.

2. *Hæc ita convenisse;* vide ad I, 3, n. 4. — *Labare fidem sociorum;* vide ad II, 30, n. 9. — *Quum in aciem eduxissent* (vide ad I, 23, n. 4), *neutrum iis cornu committere ausi,*

non patiebantur, ut alterutrum cornu constituerent, quod Franci *former* dicunt; Ern.

3. *Rem totam inclinarent;* vide ad IX, 12, n. 2. — *Vovit ædem Sospitæ Junoni;* conf. ad VIII, 14, n. 4, et XXXIV, 53. — *Non tulerunt Iusu-*

nomanis, terga repente in ipso certamine aggressis, tumultum ancipitem injectum⁴ auctores sunt, cæsaque in medio quinque et triginta millia hostium, quinque millia et septingentos vivos captos : in iis Hamilcarem Pœnorum imperatorem⁵, qui belli causa fuisset : signa militaria centum triginta, et carpenta supra ducenta. Oppida, quæ defectionem sequuta⁶ erant, dederunt se Romanis.

XXXI. Minucius consul primo effusis populationibus peragraverat fines Boiorum; deinde, ut, relictis Insubribus, ad sua tuenda receperant sese, castris se tenuit, acie dimicandum cum hoste ratus : nec Boii detrectassent pugnam, ni fama victos Insubres allata animos fregisset; itaque, relicto duce castrisque, dissipati per vicos, sua ut quisque defenderent, rationem gerendi belli hosti¹ mutarunt. Omissa enim spe per unam dimicationem rei decernendæ, rursus populari agros et urere tecta vicosque expugnare cœpit : per eosdem dies Clastidium incensum : inde in Ligustinos Ilvates², qui soli non parebant, legiones ductæ. Ea quoque gens, ut Insubres acie victos, Boios, ita

bres primum concursum, sane duriuscule dictum, et forte leg. *occursum*; Ern. Immo *conkursus* est impetus, et similia passim obvia, v. c. *uno concursu maximam vim Barbarorum prostravit* ap. Nep. Cim. 2.

4. *Tumultum ancipitem injectum* esse Insubribus auctores sunt quidam; vide ad I, 25, n. 4; II, 58, n. 1; XXI, 16, n. 5.

5. *Hamilcarem Pœnorum imp.* etc. vide ad XXXI, 21, n. 7.

6. *Oppida defectionem sequuta*; vid. ad XXVI, 21, n. 7. — Insubres rebellionis principes et duces fuerant; Cenomani Insubrium defectioni sese ad-

junxerant. Creverius inde monet, hunc locum a Fabretto in Apolog. ad Grunnov. recte sic expositum : « Oppida Cenomanorum, quæ defectionem Insubrium sequuta erant, etc. » Et vero anno sequente rursus bellum cum Insubribus geritur, non amplius cum Cenomanis. Non ita tamen censebat Gronov. Diss. ad loca quædam Livii geogr. epist. IV. Eb.

CAP. XXXI. I. *Gerendi belli hosti*, cum hoste; quod præstitisset ob *ἄμοιροῦσθαι*. An leg. *hostes*? et *mox consul* vel *Minucius* pro *importano enim*?

2. *In Ligustinos Ilvates*; vide sup.

ut tentare spem certaminis metuerent, territos audivit, in ditionem venit. Literæ consulum a Gallia³ de gestis prospere sub idem tempus Romam allatæ. M. Sergius prætor Urbis in senatu eas, deinde ex auctoritate Patrum ad populum recitavit : supplicatio in quatri-duum decreta. Hiems jam eo tempore erat.

XXXII. Quum T. Quintius, capta Elatia, in Phocide ac Locride hiberna disposita haberet, Opunte seditio orta est. Factio una Ætolos, qui propiores erant, altera Romanos arcessebat : Ætoli priores venerunt ; sed opulentior factio, exclusis Ætolis, missoque ad imperatorem romanum nuntio, usque in adventum ejus tenuit urbem. Arcem regium tenebat præsidium, neque, ut descenderent inde, aut Opuntiorum minis, aut auctoritate imperantis consulis romani, perpelli potuerunt. Mora, cur non extemplo oppugnarentur, ea fuit, quod caduceator ab rege venerat, locum ac tempus petens colloquio. Id gravate concessum regi est : non quin cuperet¹ Quintius, per se partim armis, partim conditionibus confectum videri bellum ; necdum enim sciebat, utrum successor sibi alter ex novis consulibus mitteretur ; an, quod, summa vi ut tenderent, amicis et propinquis mandaverat, imperium prorogaretur : aptum autem fore colloquium credebat, ut sibi liberum esset, vel ad bellum manenti,

ad librum XXXI, cap. 10, not. 2.

3. *Literæ consulum a Gallia*, etc. pro *e Gallia*, nisi sic leg. — Goeller locum e cod. suo sic restitutum vult : *Literæ consulum amborum de rebus in Gallia gestis prospere sub idem*, etc. Mox nostri habent *præfectus Urbis*, sed legendum est *prætor*, ut jam notaverunt interpretes. Ed.

CAP. XXXII. 1. *Non quin cuperet* pro : *non quia non c.* « Sed hiat ora-

tio ; nam quum hanc removeat causam, aliam ponere debuit, quæ moverit Quintium, ut difficulter permetteret colloquium. Immo ille facile concessisse videtur, et scripsisse Livius : *Id non gravate concessum regi est, quum cuperet Quintius... aptum autem fore colloquium credebat*, etc. » Gronov. — *Summa vi ut tenderent* ; vide supra ad IV, 7, n. 6. *Obtinerent* edd. vett.

vel ad pacem decedenti rem inclinare. In sinu Maliaco prope Nicæam² litus elegere : eo rex ab Demetriade cum quinque lembis et una nave rostrata venit ; erant cum eo principes Macedonum, et Achæorum exsul vir insignis Cycliadas ; cum imperatore romano rex Amynder erat, et Dionysodorus Attali legatus, et Agesimbrotus præfectus rhodiæ classis, et Phæneas princeps Ætolorum, et Achæi duo, Aristæus et Xenophon. Inter hos Romanus³, ad extremum litus progressus, quum rex in proram navis in ancoris stantis processisset, « Commodius, inquit, si in terram egrediaris, et ex propinquo dicamus invicem audiamusque ». Quum rex facturum se id negaret ; « Quem tandem, inquit Quintius, times ? » Ad hoc ille superbo et regio animo : « Neminem equidem timeo, præter deos immortales. Non omnium autem credo fidei, quos circa te video, atque omnium minime Ætolis ». « Istud quidem, ait Romanus, par omni-

2. *In sinu Maliaco prope Nicæam*, etc. cf. omnino Polyb. XVII, 1. — *Principes Macedonum*, Apollodorus et Demosthenes, scribæ regis, et ex Bœotia Brachylles. — *Agesimbrotus*, Ἀγισίμβροτος ὁ ναύαρχος. — *Phæneas princeps Ætolorum*, παρὰ δὲ τῶν Αἰτωλῶν Φαινίας ὁ στρατηγός, καὶ πλείους δ' ἕτεροι τῶν πόλιτευομένων, unde et mox : *omnium minime Ætolis credo* : quæ tamen verba etiam apta h. loco sunt, etsi unius tantum Ætoli et quidem principis antea mentio sit facta. Conf. cap. 23, not. 10.

3. *Inter hos romanus imperator* (vid. ad cap. 11, n. 4), *Commodius, inquit, et ex propinquo dicamus audiamusque* : hæc bene jungi possunt, nec est, quod vel cum Sigon. legas *dicemus audiemusque* (nam vulgatum

venustius est), vel deleas copulam et (quam edd. antt., non MSS, omitunt), vel denique post *commodius* suppleas erit aut facies cum Gronov. qui quid sibi hæc ratione voluerit, ne assequutus quidem est Bauer., et tunc ut pro et legendam putavit. Enimvero Gron. haud dubie verba illa hoc sensu cepit : *Commodius erit, seu facies, si in terram egrediaris et si ex propinquo dicamus*, etc. Ita tum copulam et, tum conjunctivum verbi modum aptiorem h. l. esse credidit. — *Neminem equidem timeo præter deos*. Eadem sic expressit nostras *Racine, Athalie*, act. I, sc. 1 : Je crains Dieu, cher Abner, et n'ai point d'autre crainte.

Multi quoque alii scriptores hanc sententiam enunciarunt. Ed.

« bus periculum est, qui cum hoste ad colloquium
« ingrediuntur, ut nulla fides sit⁴. » « Non tamen,
« inquit rex, T. Quinti, par perfidiæ præmium est, si
« fraude agatur, Philippus et Phæneas : neque enim
« æque difficulter Ætoli prætorem alium, ac Macedo-
« nes regem in meum locum substituant. » Secundum
hæc silentium fuit.

XXXIII. Quum Romanus¹ eum æquum censeret
priorem dicere, qui petisset colloquium, rex, ejus
esse priorem orationem, qui daret pacis leges, non
qui acciperet; tum Romanus, *Simplicem suam ora-
tionem esse, ea enim se dicturum, quæ ni fiant, nulla
sit pacis conditio. Deducenda ex omnibus Græciæ ci-
vitatibus regi præsidia esse : captivos et transfugas so-
ciiis populi romani reddendos : restituenda Romanis
ea Illyrici loca, quæ post pacem in Epiro² factam
occupasset : Ptolemæo regi Ægypti reddendas urbes,
quas post Philopatoris Ptolemæi mortem³ occupasset.
Suas populique romani condiciones has esse; cæterum
et sociorum audiri postulata verum esse⁴. Attali regis
legatus, Naves captivosque, quæ ad Chium⁵ navali
prælio capta essent, et Nicephorium Venerisque tem-
plum⁶, quæ spoliasset evastassetque, pro incorruptis*

4. Ut nulla fides sit ex emend. Ge-
lenii. Ut in nullo fides sit MSS et edd.
ant. unde Gron. conj. ut in dubio
fides sit. Polyb. dicit : ἴσον εἶναι πᾶσι
τὸν κίνδυνον καὶ κοινὸν τὸν καιρὸν.

CAP. XXXIII. 1. Conf. ad hoc ca-
put Polyb. XVII, 1-3. — *Simplicem
orationem*, ἀπλοῦν τινα λόγον καὶ
φανόμενον. *Simplici* opponitur *per-
plexum* XXXIV, 57.

2. *Post pacem in Epiro factam*;
vid. XXXIX, 12.

3. *Ptolemæo regi*....*occupasset*;
vid. XXXI, 2, n. 2.

4. *Audiri postulata verum esse*;
vide tamen ad librum II, cap. 48,
not. 2.

5. *Ad Chium* (vide ad XXXVI,
43, n. 6, male *Cium* ed. Grat. et seqq.)
navali prælio capta; vid. ad Polyb.
XVI, 2-8, 14; XVII, 2; XXXI,
46, 2.

6. *Nicephorium Venerisque tem-
plum* (vid. ad XXXI, 46, n. 2) *pro
incorruptis restitui*, quasi incorrupta,
ac si non fuissent corrupta, in inte-
grum, ita, ut erant, quum essent
integra; Bauer.

restitui. Rhodii Peræam (regio est continentis⁷ adversus insulam, vetustæ eorum ditionis) repetebant, postulabantque præsidia deduci ab Iasso et Bargyliis et Euromensium urbe, et in Hellesponto Sesto atque Abydo⁸; et Perinthum Byzantiis in antiqui formulam juris restitui⁹, et liberari omnia Asiæ emporia portusque. Achæi Corinthum et Argos repetebant. Prætor Ætolorum Phæneas quum eadem fere, quæ Romani, ut Græcia decederetur, postulasset, redderenturque Ætolis urbes, quæ quondam juris ac ditionis¹⁰ eorum fuissent; excepit orationem ejus princeps Ætolorum Alexander, vir, ut inter Ætolos, facundus. Jam dudum se reticere, ait, non quo quidquam agi putet eo colloquio, sed ne quem sociorum dicentem interpellat. Neque de pace cum fide Philippum agere, neque bella vera virtute unquam gessisse. In colloquiis insidiari et captare¹¹; in bello non congredi æquo campo, neque collatis signis dimicare, sed refugientem incendere ac diripere urbes, et vincientium præmia victum corrumpere. At non sic antiquos Macedonum

7. *Peræa regio continentis, Cariæ, Rhodiis subjecta et adversus insulam, Rhodum.* Cf. c. 35; Polyb. XVII, 2, 3; Strab. XIV, 651, 664, 677. — *Jassus, Bargylia* seu Bargylia, Bargylla et Bargylos, et *Euromus* seu Eurome, oppida Cariæ. Conf. ad XXXVII, 17, n. 1.

8. *In Hellesponto Sesto et Abydo;* vide ad XXXI, 17, n. 1.

9. *Perinthum Byzantiis in antiqui formulam juris restitui;* v. XXVI, 24, n. 5. *Perinthum* (Thraciæ opp. ad Propontidem) auctore Sigon. ex XXXIII, 30, et Polyb. XVII, 2, 4, XVIII, 27, 4, reposui pro vulg. *Panopolim* (Ægypti opp.) pro quo MSS habent *Penoplum, Penopolum, Penepolum,*

etc. — *Asiæ emporia;* vide ad XXI, 57, n. 7.

10. *Juris ac ditionis* e MSS Harl. recepit Drak. Vulgo legitur *aut:* sed illa duo verba semper per copulam junguntur; Duk. Cf. ad XXXV, 16, n. 4. — *Excepit orationem ejus* (vide ad IV, 43, n. 4) *princeps Ætolorum Alexander* cognomine Isius, *vir, ut inter Ætolos, facundus;* restringit ut et minuit: prout Ætolorum ingenium et cultura ferret, quantum Ætolus esse facundus posset, apud alios, v. c. Athenienses, minus eloquens futurus; Bauer. Cf. Drak. et ad VIII, 30, n. 7, et de Alexandro Polyb. XVII, 3, 4, 10; XVIII, 19-21; XXII, 8, 9.

11. *In colloquiis insidiari et captare,*

reges, sed acie bellare solitos, urbibus parcere, quantum possent, quo opulentiùs imperium haberent: nam, de quorum possessione dimicetur, tollentem¹² nihil sibi præter bellum relinquere, quod consilium esse? Plures priore anno sociorum urbes in Thessalia evastasse Philippum, quam omnes, qui unquam hostes Thessaliæ fuerint: ipsis quoque Ætolis eum plura socium, quam hostem, ademisse. Lysimachiam¹³, pulso prætore et præsidio Ætolorum, occupasse eum: Cium item suæ ditionis urbem funditus evertisse ac delesse; eadem fraude habere eum Thebas Phthias¹⁴, Echinum, Larissam et Pharsalum.

XXXIV. Motus oratione Alexandri Philippus navem, ut exaudiretur, propius terram applicuit. Orsum eum dicere, in Ætolos maxime, violenter¹ Phæneas interfatus. *Non in verbis rem verti², ait: aut bello vincendum, aut melioribus parendum esse.* « Apparet « id quidem, inquit Philippus, etiam cæco »; jocatus

studere fallere, captionibus uti; Bauer. Ἐνεδρεύειν καὶ παρατηρεῖν, Polyb. Cf. ad XXXII, 28, n. 1.

12. *Nam, de quorum possessione dimicetur, tollentem*, diruentem urbes, quæ victoris præmia possent esse. Τὸ δὲ ἀναίρουντὰ περὶ ὧν ὁ πόλεμος ἐστὶ, τὸν πόλεμον αὐτὸν (solum) καταλιπεῖν, μανίας ἔργον εἶναι.

13. *Lysimachiam* (Thraciæ opp. in Isthmo Chersonesi Thraciæ), *pulso prætore*, etc. v. Polyb. XV, 23; XVII, 3; infra ad XXXIII, 40, n. 6.—*Cium item suæ ditionis*, etc. vid. XXXII, 21, n. 8. Τὸ *eum* ante *Cium* ex hac voce ortum, et delendum putat Bauer.

14. *Eadem fraude habere eum Thebas Phthias*; vide ad XXVIII, 7, et ibi n. 9. — *Echinum*, Thessaliæ opp. ad sinum Maliacum, captum a Philippo; vid. Polyb. IX, 41; XVII, 3;

XVIII, 21. — *Larissam* Cremasten (vide ad XXXI, 46, n. 8) et *Pharsalum*, oppida Phthiotidis in Thessalia, a Philippo erepta Ætolis, quos inde repetisse ea tradit Polyb. XVII, 3, 8; XVIII, 21, 30.

CAP. XXXIV. 1. *Orsum eum dicere violenter, in Ætolos maxime*, in Ætolicam et theatralem Alexandri orationem, etc. vid. Polyb. XVII, 4, 5, 6, et de malo Ætolorum ingenio sup. ad XXVI, 25, n. 6. Livius, qui ex Polybio superiora capp. 32 et 33, ad verbum pæne expresserat, in hoc cap. multa reddidit alio vel modo vel ordine, et nonnulla plane omisit.

2. *Non in verbis rem verti*; vide ad III, 27, n. 6.—*Melioribus parendum*: « si nominativus hic est *meliora*, sign. audire et admittere æquas conditiones; si est *meliores*, sunt potentio-

in valetudinem oculorum Phæneæ. Et erat dicacior natura, quam regem decet, et ne inter seria quidem risu satis temperans. Indignari inde cœpit³, *Ætolos, tanquam Romanos, decedi Græcia jubere; qui, quibus finibus Græcia sit, dicere non possint. Ipsius enim Ætoliæ Agræos Apodotosque et Amphilochos, quæ permagna eorum pars sit, Græciam non esse.* « An, « quod a sociis eorum non abstinuerim, justam que- « relam habent, quum ipsi pro lege hunc antiquitus « morem servant, ut adversus socios ipsi suos, publica « tantum auctoritate dempta, juventutem suam mili- « tare sinant, et contrariæ persæpe acies in utraq̃e « parte ætolica auxilia habeant? Neque ego Cium ex- « pugnavi⁴, sed Prusiam socium et amicum oppugnan- « tem adjuvi; et Lysimachiam ab Thracibus vindicavi : « sed, quia me necessitas ad hoc bellum a custodia « ejus avertit, Thraces habent. Et Ætolis hæc⁵. Attalo « autem Rhodiisque nihil jure debeo : non enim a me, « sed ab illis, principium belli ortum est. Romanorum « autem honoris causa Peræam Rhodiis et naves Attalo « cum captivis, qui comparebunt, restituum; nam « quod ad Nicephorium Venerisque⁶ templi restitu-

res, aut etiam æquiores, sapientiores; Romani haud dubie, qualibet conditione e tribus hisce »; Bauer. Conf. ad II, 51, n. 3. — *Erat dicacior natura*, ita et Polyb. — *Decet*, 8 MSS *deceret*.

3. *Indignari inde cœpit*, etc. vide ad III, 3, n. 1, et XXXI, 31, n. 8. — *Quibus finibus Græcia sit*, continetur, qui fines ei sint, quos fines habeat. — *Agræos* (vide ad XXVIII, 5, n. 5), *Apodotos* (vide Steph. Byz. Palmer. Græc. Antt. IV, 7, et Duk. ad Thucyd. III, 94), *Amphilochos*, quorum ager sea regio Amphilochia et opp. Argos Amphiloichium in Acarnania ad fines Epiri sinumque Am-

bracium erat situm; vid. XXXVIII, 3 sq. et 10; Thucyd. II, 68; Strab. XIV, p. 691, 710. — *Græciam non esse*, ejus populos. Eisdem etiam vi subegerant Ætoli, qui præterea ne ipsi quidem Græci erant, quorum agebant causam.

4. *Neque ego Cium expugnavi*; vid. ad XXXII, 21, n. 8.

5. *Et Ætolis hæc*, sc. dicta sint et dixisse sufficiat. Ἀλλὰ δὴ πρὸς μὲν Αἰτωλοὺς ἀρξείτωμαι ταῦτ', ἔφη. — *Peræam Rhodiis*, etc. vid. ad c. 33, n. 7. — *Qui comparebunt*; vide supra ad VI, 1, n. 6.

6. *Nicephorium Venerisque t.* etc.

« tionem attinet; quid ea restitui postulantibus re-
 « spondeam? nisi, quo uno modo luci silvæque cæsæ
 « restitui possunt, curam impensamque sationis me
 « præstaturum; quoniam hæc inter se reges postulare
 « et respondere placet. » Extrema ejus oratio adversus
 Achæos fuit: in qua, orsus ab Antigoni primum, suis
 deinde erga eam gentem meritis, recitari decreta eo-
 rum jussit, omnes divinos humanosque honores com-
 plexa⁷; atque ad ea adjecit recens de exercitu, quo
 ab se descivissent. Inventusque graviter in perfidiam
 eorum, *Argos tamen se redditurum eis*, dixit. *De Co-
 rintho cum imperatore romano deliberaturum esse;
 quæsiturumque simul ab eo, utrum iis tantum urbi-
 bus decedere se æquum censeat, quas a se ipso cap-
 tas jure belli habeat, an iis etiam, quas a majoribus
 suis accepisset.*

XXXV. Parantibus Achæis¹ Ætolisque ad ea re-
 spondere, quum prope occasum sol esset, dilato in
 posterum diem colloquio, Philippus in stationem, ex
 qua profectus erat, Romani sociique in castra redie-
 runt. Quintius postero die ad Nicæam (is enim locus
 placuerat) ad constitutum tempus venit. Philippus
 nullus usquam nec nuntius ab eo per aliquot horas
 veniebat²; et jam desperantibus venturum repente
 apparuerunt naves. At ipse quidem, *quum tam gravia*

vide supra ad lib. XXXI, cap. 46,
 not. 2.

7. Omnes divinos humanosque ho-
 nores complexa decreta (conf. cap. 5
 et 25), simulque honores Macedoniæ
 regibus habitos ab Achæis; vid. Polyb.
 — Atque ad ea decreta adjecit recens
 de exercitu omni Achæorum ad Co-
 rinthum admovendo; vid. ad cap. 23.
Decretum pro de exercitu conj. Crev.
 coll. Polyb. τὸ περὶ τῆς ἀποστάσεως

ψήφισμα. — Goeller. e cod. Bamb.
 legi vult: atque eis adjecit recens de-
 cretum quo ab se descivissent. ED.

CAP. XXXV. 1. Parantibus Achæis,
 etc. conf. Polyb. XVII, 7 et 8. — Ad
 Nicæam venit iterum, πάλιν Polyb.

2. Philippus nullus usquam... ve-
 niebat (ut apud Cic. ad Attic. XI,
 24, et XIV, 3) pro vulg. *Philippi* edi-
 di ex emend. Dukeri, qui etiam conj.
Philippi nihil usquam, ut cap. 21;

*et indigna imperarentur, inopem consilii diem se consumpsisse deliberando, aiebat. Vulgo credebatur, de industria rem in serum tractam³, ne tempus dari posset Achæis Ætolisque ad respondendum. Et eam opinionem ipse affirmavit, petendo, ut, submotis aliis, ne tempus altercando tereretur, et aliquis finis rei imponi posset, cum ipso imperatore romano liceret sibi colloqui. Id primo non acceptum, ne excludi colloquio viderentur socii; deinde, quum haud abisteret petere, ex omnium consilio romanus imperator cum Ap. Claudio tribuno militum, cæteris submotis, ad extremum litus processit. Rex cum duobus, quos pridie adhibuerat⁴, in terram est egressus. Ibi quum aliquamdiu secreto loquuti essent, quæ acta ad suos Philippus retulerit, minus compertum est. Quintius hæc retulit ad socios. *Romanis eum cedere tota Illyrici ora⁵, perfugas remittere, ac si qui essent captivi. Attalo naves et cum iis captos navales socios; Rhodiis regionem, quam Peræam vocant, reddere: Iasso et Bargyliis non cessurum; Ætolis Pharsalum Larissamque reddere, Thebas non reddere; Achæis, non Argis modo, sed etiam Corintho cessurum. Nulli omnium placere partium, quibus cessurus, aut non cessurus esset, destinatio. Plus enim amitti in iis, quam acquiri: nec unquam, nisi tota deduxisset Græcia præsidia, causas certaminum deponere⁶.**

XXXVI. Quum hæc toto ex concilio certatim omnes

Philippi præter legatum videmus nihil.
Ὁ δὲ Φίλιππος ὡς παρεγίνετο, Polyb.

3. *Rem in serum tractam;* vide ad II, 61, n. 6. — *Eum opinionem ipse affirmavit;* vide ad II, 12, n. 2.

4. *Rex cum duobus, quos pridie adhibuerat* ad colloquium, Macedonum principibus; vide ad c. 32, n. 2.

5. *Romanis eum cedere tota Illyrici ora, ut mox Achæis non Argis modo...cessurum;* vide ad XXII, 25, n. 8.

6. *Causas certaminum deponere, f. defore, Gron. Possis et deponi;* Bauer. — *Defore restitnendum* putat Goeller. e cod. Bambergensi. Ed.

vociferarentur¹, ad Philippum quoque procul stantem vox est perlata : itaque a Quintio petit, ut rem totam in posterum diem differret; profecto aut persuasurum se, aut persuaderi sibi passurum. Litus ad Thronium colloquio destinatur : eo mature conventum est : ibi Philippus primo et Quintium et omnes, qui aderant, rogare, ne spem pacis turbare vellent. Postremo petere tempus, quo legatos Romam ad senatum mittere posset. *Aut his conditionibus se pacem impetraturum, aut, quascumque senatus dedisset, leges pacis accepturum.* Id cæteris haudquaquam placebat : nec enim aliud, quam moram et dilationem ad colligendas vires, quæri. Quintius, *verum id futurum fuisse, dicere, si æstas et tempus rerum gerendarum esset; nunc, hieme instante², nihil amitti, dato spatio ad legatos mittendos : nam neque sine auctoritate senatus³ quidquam eorum ratum fore, quæ cum rege ipsi pepigissent; et explorari (dum bello necessariam quietem ipsa hiems daret) senatus auctoritatem posse.* In hanc sententiam et cæteri sociorum principes concesserunt; induciisque datis in duos menses, et ipsos mittere singulos legatos ad edocendum senatum, ne fraude regis caperetur, placuit. Additum induciarum pacto, ut regia præsidia Phocide ac Locride extemplo deducerentur. Et ipse Quintius cum sociorum

CAP. XXXVI. 1. Cf. ad hoc caput Polyb. XVII, 9, 10.

2. *Hieme instante*; vide ad III, 6, n. 5.

3. *Sine auctoritate senatus*; vide ad I, 17, n. 6. — *Quæ cum rege ipsi pepigissent*: « quia non valde probabile est, senatum eo tempore, quo sibi Græcos adjuungere maxime cupiebat, non voluisse, illis licere quidquam sine sua auctoritate paciisci, vel, si

non voluisset, id palam ostendisse; oratio hæc Quintii non satis tempori conveniens, et alienandis, quam conciliandis, Græcorum animis aptior esse videtur. Hinc forte leg. *ipse pepigisset*, hac sententia : nihil ista dilatione hac tempestate anni amittitur; nam si quæ ipse vel vobis, vel Romanis pepigissem, tamen nihil eorum sine senatus auctoritate ratum foret ». Dukerns.

legatis Amyndrum Athamanum regem, ut speciem legationi adjiceret⁴, Q. Fabium (uxoris Quintii sororis filius erat), et Q. Fulvium et Ap. Claudium misit.

XXXVII. Ut ventum Romam est, prius sociorum legati, quam regis, auditi sunt. Cætera eorum oratio conviciis regis consumpta est. Moverunt eo maxime senatum¹, demonstrando maris terrarumque regionis ejus situm; ut omnibus appareret, si Demetriadem in Thessalia, Chalcidem in Eubœa, Corinthum in Achaia rex teneret, non posse liberam Græciam esse; et ipsum Philippum, non contumeliosius, quam verius, compedes eas Græciæ appellare². Legati deinde regis intromissi: quibus, longiorem exorsis orationem, brevis interrogatio, cessurusne iis tribus urbibus esset, sermonem incidit, quum mandati sibi de his nominatim negarent quidquam³: sic infecta pace regii dimissi. Quintio liberum arbitrium pacis ac belli permissum: quod ut satis apparuit⁴, non tædere belli

4. Ut speciem legationi adjiceret; vide ad IX, 17, n. 8. Legationi ex emend. Gron. et MS Harl. pro legationis. Conf. IX, 40 pr. et XXXIV, 52 extr. Pro vulg. utque ex multis MSS legendum ut, et mox ante Q. Fabium copulam et inserendam docet Drak. Ad rem conf. Polyb. XVII, 10, 7 sq. qui dicit, Amyndrum ἑξέπεμπε παραρχήμα, et cæteros μετὰ τοῦτον, post hunc, nisi legend. τοῦτον. — Ante Q. Fabium Crever. adjicit particulam mox, quia Polybius Amyndrum statim missum esse; post hunc vero alios memorat. Ed.

CAP. XXXVII. 1. Moverunt eo maxime senatum, etc. Recidendum τὸ eo; Gron. Vero conj. Drak. Scil mox demonstrando quasi per appositionem τῷ eo additum monet Periz.

2. Compedes eas Græciæ appellare (urbes, quæ omnem Græciam in officio retinerent, Ern.), Demetriadem, Chalcidem et Corinthum, πέντα; τῆς Ἑλλάδος seu Ἑλληνικᾶς et ἐπιδήσιμους. Cf. Strab. IX, p. 428; Polyb. XVII, 11, 5; XVIII, 28, 6; Appian. Maced. 6, Exc. 23; Victor. var. lect. XII, 9, et sup. ad IX, 32, 1. Teste Pausan. VII, 3, 3, Philippus Corinthum, Chalcidem et Magnesiam dixit κλειῖς τῆς Ἑλλάδος.

3. Mandati sibi de his nominatim quidquam, scil. esse. Sic quidquam, nihil, etc. genitivis junguntur; vid. Gron. et Drak.

4. Quod ut satis apparuit; vide ad VI, 8, n. 2. Quo conj. Gronov. — Sed Crever., quum Gronov. ipse agnoscat interdum vocem quod otiosam esse,

senatum, et ipse, victoriæ, quam pacis, avidior, neque colloquium postea Philippo dedit, neque legationem aliam, quam quæ omni Græcia decedi nuntiaret, admissurum dixit.

XXXVIII. Philippus quum acie decernendum videret, et undique ad se contrahendas vires, maxime de Achaiæ urbibus, regionis ab se diversæ¹, et magis tamen de Argis, quam de Corintho, sollicitus, optimum ratus Nabidi eam² Lacedæmoniorum tyranno velut fiduciarium dare, ut victori sibi restitueret; si quid adversi accidisset, ipse haberet: Philocli, qui Corintho Argisque præerat, scribit, ut tyrannum ipse conveniret. Philocles, præterquam quod jam veniebat cum munere, adjicit ad pignus futuræ regi cum tyranno amicitiae³, filias suas regem Nabidis filiis matrimonio conjungere velle. Tyrannus primo negare, aliter urbem eam se accepturum, nisi Argivorum ipsorum decreto arcessitus ad auxilium urbis esset. Deinde, ut frequenti concione non adspernatos modo, sed abominatos etiam nomen tyranni audivit, causam se spoliandi eos nactum ratus, tradere, ubi vellet, ur-

ejus emendationem parum felicem minime necessariam judicat: melius videretur cui, nimirum Quintio. Ed.

CAP. XXXVIII. 1. *Regionis ab se diversæ*; vide supra ad librum IV, cap. 22, n. 3.

2. *Optimum ratus Nabidi eam, sc. urbem, Argivorum civitatem (propr. eos, scil. Argos), velut fiduciarium dare, ut eam victori sibi restitueret: qualis fiducia erat in hereditatibus venditionibusque imaginariis. Cf. Ernesti Clav. Cic. — Res aliqua fiduciarium dari dicitur quæ certa lege et conditione, tanquam pignus, alterius*

fidei in certum tempus, quo illam reddat et restituat, traditur. Ed.

3. *Adjicit ad pignus futuræ regi cum tyranno amicitiae, etc. ad primum hoc pignus f. amicitiae, sc. traditionem Argorum, adjicit alterum, nuptias filiarum regis cum filiis tyranni: sed magis credo, delendum esse ad, et pignus dici ipsas has nuptias; Duk. id pignus Lov. 1, 6, et Voss. non improb. Drak. qui tamen vulgatum etiam commode servari posse existimabat. — Mala interpunctione locum obscuratum esse putat Walchius, p. 116, et ita distinguen-*

bem, Philoclem jussit. Nocte, ignaris omnibus, acceptus in urbem est tyrannus : prima luce occupat superiora omnia loca ; portæque clausæ. Paucis principum tumultum inter primum elapsis, eorum absentium direptæ fortunæ ; præsentibus aurum atque argentum ablatum ; pecuniæ imperatæ ingentes. Quî non cunctanter contulere, sine contumelia et laceratione corporum sunt dimissi ; quos oculere aut retrahere aliquid suspicio fuit, in servilem modum lacerati atque extorti. Concione inde advocata, rogationem promulgavit unam de tabulis novis⁴, alteram de agro viritim dividendo ; duas faces novantibus⁵ res ad plebem in optimates accendendam.

XXXIX. Postquam in potestate¹ Argivorum civitas erat, nihil ejus memor tyrannus, a quo eam civitatem et quam in conditionem accepisset, legatos Elatiam ad Quintium et Attalum Æginæ hibernantem mittit, qui nuntiarent, *Argos in potestate sua esse : eo si veniret Quintius ad colloquium, non diffidere, sibi omnia cum eo conventura.* Quintius, ut eo quo-

dum : adjicit (ad pig. fut. regi cum tyr. amicitia) « filias suas reg. Nab. fil. mat. c. vella ». Ed. — Prima luce occupata, quo facto putat non opus esse abjecto verbo *est* post urbem. Duker. jam *τὸ est* damnaverat, jungebatque e conjectura Sigonii, *acceptus in urbem tyrannus, prima luce occupat*, etc. Ed.

4. Rogationem promulgavit unam (nisi leg. *rogationes promulgavit, unam*) de tabulis novis, de remissione æris alieni universi, vel ex parte, propter quam aliter scribi tabulæ acceptorum et expensorum debent. Ern. Conf. ad XLII, 13, n. 7, et de Na-

bidis sævis inventis Polyb. XIII, 7. — Debitores scilicet, ut observat Doering, quibus vel pars æris alieni, vel totum debitum publica auctoritate condonabatur, pro *veteribus tabulis*, hoc est, codicibus expensorum et acceptorum (*le livre des recettes et des dépenses*) accipiebant *novas*, ita ut deletis veteribus rationibus nova plane expensorum et acceptorum inciperet ratio ; hinc tabulæ novæ Diod. Siculo, XIX, 9, dicuntur, *χρεῶν ἀποκοπῆαι*. Ed.

5. *Duas faces novantibus res*, etc. vide ad VIII, 32, n. 9.

CAP. XXXIX. I. *Postquam in potestate*, sc. Nabidis, quam vocem quæ-

que praesidio Philippum nudaret, quum annuisset se venturum, mittit ad Attalum, ut² ab Ægina Sicyonem sibi occurreret; ipse ab Anticyra decem quinqueremi- bus, quas iis forte ipsis diebus L. Quintius frater ejus adduxerat ex hibernis Corcyrae, Sicyonem transmisit. Jam ibi Attalus erat; qui, quum tyranno ad roma- num imperatorem, non Romano tyrannum, eundum diceret, in sententiam suam Quintium traduxit, ne in urbem ipsam Argos iret. Haud procul urbe³, My- cenica vocatur: in eo loco ut congregerentur, con- venit. Quintius cum fratre et tribunis militum paucis, Attalus cum regio comitatu, Nicostratus Achæorum prætor cum auxiliariis paucis venit. Tyrannum ibi cum omnibus copiis opperientem invenerunt: pro- gressus armatus cum satellitibus armatis⁴ est in me- dium fere interjacentis campi: inermis Quintius cum fratre et duobus tribunis militum: inermi item regi prætor Achæorum et unus ex purpuratis latus cinge-

flam edd. adjiciunt, sed omnes fere MSS omittunt.

2. *Mittit ad Attalum, ut*, etc. vide supra ad librum VIII, cap. 19, not. 10.

3. *Haud procul urbe* locus est, qui *Mycenica vocatur*. Scita brevitatis, de qua vide ad XXX, 7, n. 3. *Ycenica*, *Ytenica*, *Hycenica*, *Hycenica*, *Itenica*, *Icenica* varr. lectt. — *Mycenica* primus dedit Gelenius ex vet. lib. et eum alii sequenti sunt præter Glareanum, qui conjicit vel *Heræa*, vel *Nemea*. Hunc vero confutatus est Drak. auctoritate MSS fretus, qui præterea observat *Heræam*, longius Argis distantem, in Aroadia ad Alpei ripas prope Elidis fines sitam, huc non convenire; cujus loco saltem memore debuisse *Heræam*. Ejus memi-

nerunt in Argolidè Strab. VIII, pag. 368, et Pausan. in Corinth. cap. 17. Ed. — *Paucis venit*. Jac. Perizonius ejecta voce *venit* orationem ita necit: *cum aux. paucis tyrannum, ibi cum omnibus copiis opperientem, invenerunt*. Sed tò *venit* a codd. defendi monet Doer. quod ab orationis simplicitate non alienum est. Ed.

4. *Progressus armatus cum satellitibus a.*, XXIV, 5; XXXIV, 37; ap. Xenoph. Hist. gr. IV, pag. 527, *ci δορυφόροι τὰ ὅπλα ἔχοντες*, et similiter XXXII, 16, *stationes armatae*; XL, 34; XLII, 65; LXV, 29, *praesidium armatum*, et I, 49, *armati* pro satellitibus; Drak. — *Vox armatis*, quæ primum in edit. ult. Gruteri ommissa fuit, recte J. Fr. Gronovius revocandam putavit, probante Doer. Ed.

bant⁵. Initium sermonis ab excusatione tyranni ortum, *quod armatus ipse armatisque septus, quum inermes romanum imperatorem regemque cerneret, in colloquium venisset: neque enim se illos timere, dixit, sed exsules Argivorum*. Inde, ubi de conditionibus amicitiae coeptum agi est, Romanus duas postulare res: unam, ut bellum cum Achæis finiret; alteram, ut adversus Philippum mitteret secum auxilia. Ea se missurum dixit: pro pace cum Achæis induciæ impetratæ, donec bellum cum Philippo finiretur.

XL. De Argis quoque disceptatio ab Attalo rege est nata¹, quum fraude Philoclis proditam urbem vi ab eo teneri argueret; ille, ab ipsis Argivis, ut se defenderet, accitum. Concionem Argivorum rex postulabat, ut id sciri posset: nec tyrannus abnuere; sed, deductis ex urbe præsiidiis, liberam concionem, non immixtis Lacedæmoniis, declaraturam, quid Argivi vellent, præberi debere dicebat rex; tyrannus negavit deducturum: hæc disceptatio sine exitu fuit². De colloquio discessum, sexcentis Cretensibus ab tyranno datis Romano, induciisque inter Nicostratum prætorem Achæorum et Lacedæmoniorum tyrannum in quatuor menses factis. Inde Quintius Corinthum est profectus, et ad portam cum Cretensium cohorte accessit, ut Philocli præfecto urbis appareret, tyrannum a Philippo descisse. Philocles et ipse ad imperatorem

5. *Inermes regi prætor Achæorum et unus ex purpuratis latus cingebant*; vide ad XXIV, 5, n. 7. Mox τὸ dixit delevit Gron. et Crev.

CAP. XL. 1. *Disceptatio ab Attalo rege est nata*. Frid. Jacobs. probandam fortasse ait lectionem libri Bamberg. *disceptatio ... est mota*. Ed. — *Ut id sciri posset*; cf. ad cap. 13, n. 3. —

Non immixtis. Locum ita distinguit Doeringius: *non, immixtis Lacedæmoniis, declar. ut sensus sit: quandiu Lacedæmonii immixti essent, haud, quid Argivi vellent, declaraturam*. Ed.

2. *Hæc disceptatio sine exitu fuit, al. sine effectu*. Ern. — *Cretensibus, auxiliis*. — *Romano*; vide ad c. 11, n. 4.

romanum in colloquium venit, hortantique, ut ex-templo transiret urbemque traderet, ita respondit, ut distulisse rem magis, quam negasse, videretur. A Corintho Quintius Anticyram trajecit; inde fratrem ad tentandam Acarnanum gentem misit. Attalus ab Argis Sicyonem est profectus: ibi et civitas novis honoribus veteres regis honores³ auxit; et rex ad id, quod sacrum Apollinis agrum grandi quondam pecunia redemerat eis, tum quoque, ne sine aliqua munificentia præteriret civitatem sociam atque amicam, decem talenta argenti dono dedit et decem millia medimnum frumenti: atque ita Cenchreas ad naves rediit. Et Nabis, firmato præsidio Argis⁴, Lacedæmonem regressus, quum ipse viros spoliasset, ad feminas spoliandas uxorem Argos remisit. Ea nunc singulas illustres, nunc simul plures genere inter se junctas domum arcessendo, blandiendoque ac minando, non aurum modo iis, sed postremo vestem quoque mundumque omnem muliebrem ademit.

3. *Ibi (Sicyone) et civitas novis honoribus veteres regis honores* (vide ad I, 3, n. 8) *auxit, et rex ad id quod* (vide ad II, 23, n. 3) *sacrum Apollinis agrum, etc.* cf. Polyb. XVII, 16. — *Decem talenta argenti.* Marcus nostrates 937, cum quatuor unciiis. Ed. — *Decem m. medimnum fr.* Medimnus erat mensura frugum apud Atticos, par sex modiis, secundum Creverii rationes: itaque *decem millia*

medimnum æquiparantur fere 46250 modiis Parisiensibus, sextariis itidem Paris. paulo plus 3854. Ed.

4. *Firmato præsidio Argis;* vide ad XXI, 57, n. 7. — Tanaquil Faber legendum putat, *firmatis præsidio Argis.* Sed vulgatam omnium codicum auctoritate defendi observat Drakenh. Ed. — *Ad feminas spoliandas uxorem,* Apegam, *Argos remisit,* etc. cf. Polyb. XIII, 7, et XVII, 17.

N. B. Antequam ad finem hujus belli adversus Philippum veniamus, quis tunc Græciæ status fuerit, quæ causa hinc victoriæ, illinc cladum extiterit, ex præclarissimi viri scriptis considerandum est. Huc enim referam, quæ de hoc bello acutissime disputavit MONTESQUIEU, *Grandeur et décadence des Romains*, cap. V:

« Il y avait dans la Grèce trois peuples considérables: les Étolieus,

les Achaïens et les Béotiens : c'étaient des associations de villes libres, qui avaient des assemblées générales et des magistrats communs. Les Éoliens étaient belliqueux, hardis, téméraires, avides de gain, toujours libres de leur parole et de leurs serments; enfin faisant la guerre sur la terre, comme les pirates la font sur la mer. Les Achaïens étaient sans cesse fatigués par des voisins ou des défenseurs incommodes. Les Béotiens, les plus épais de tous les Grecs, prenaient le moins de part qu'ils pouvaient aux affaires générales... Lacédémone avait conservé sa puissance, c'est-à-dire, cet esprit belliqueux que lui donnaient les institutions de Lyncur-que. Les Thessaliens étaient en quelque façon asservis par les Macédoniens..... Les Athéniens, sans force par eux-mêmes et sans alliés, n'étonnaient que par leurs flatteries envers les rois; et l'on ne montait plus sur la tribune où avait parlé Démosthène, que pour proposer les décrets les plus lâches et les plus scandaleux.

« D'ailleurs, la Grèce était redoutable par sa situation, la force, la multitude de ses villes, le nombre de ses soldats, sa police, ses mœurs, ses lois: elle aimait la guerre, elle en connaissait l'art, et elle aurait été invincible, si elle avait été unie.

« La Macédoine était presque entourée de montagnes inaccessibles. Les peuples en étaient très-propres à la guerre, courageux, obéissants, industrieux, infatigables..... La Grèce se maintenait par une espèce de balance. Les Lacédémoniens étaient pour l'ordinaire alliés des Éoliens, et les Macédoniens l'étaient des Achaïens : mais, par l'arrivée des Romains, tout équilibre fut rompu.

« Philippe, qui, dans le commencement de son règne, s'était attiré l'amour et la confiance des Grecs par sa modération, changea tout-à-coup; il devint un cruel tyran dans un temps où il aurait dû être juste par politique et par ambition..... Il était naturel qu'il pensât à unir toute la Grèce avec lui pour empêcher les étrangers de s'y établir: mais il l'irrita, au contraire, par de petites usurpations; et, s'amusant à discuter de vains intérêts, quand il s'agissait de son existence, par trois ou quatre mauvaises actions il se rendit odieux et détestable à tous les Grecs.

« Les Éoliens furent les plus irrités; et les Romains, saisissant l'occasion de leur ressentiment, ou plutôt de leur folie, firent alliance avec eux, entrèrent dans la Grèce, et l'armèrent contre Philippe. » ED.

T. LIVII PATAVINI
HISTORIARUM

AB URBE CONDITA

LIBER XXXIII.

BREVIARIUM.

CAP. I; T. Quintius Flaminius Bœotos ad societatem cum Romanis adsciscere cupiens, cum Attalo multisque legatis Thebas venit. — II; In concilio ibi habito rex concidit, et societas illa jungitur. — III; Philippus copias suppletas Diu contrahit, ibique exercet quotidie. Quintius, ab Elatia profectus, Thermopylas et inde, auxiliis Ætolorum aliorumque populorum contractis, in Phthiotidem transgreditur. — IV; Rex milites adhortatur et recenset. — V; Quintius frustra tentat Thebas Phthioticas, et vallos cædere secumque ferre jubet milites, ut paratus omni loco castris sit ponendis. — VI; Postero die Pheras, et inde Scotussam movet castra, quo et hostis, velut ex prædicto, contendit. — VII; Mox utraque castra, ad Cynoscephalas posita, in conspectu sunt, et jam a paucis lacessitur pugna. — VIII; Omnes utrimque copiæ in aciem educuntur. — IX - X; Romani vincunt. — XI; Quintius Larissam proficiscitur, regique petenti et inducias dat et colloquium, frementibus nequidquam Ætolis, gente avida prædæ et superba. — XII; In concilium prius advocat socios, disceptatque cum Ætolis. — XIII; Tum frequens Romanorum sociorumque concilium datur regi, et cum eo, omnia priore colloquio postulata concedente, ita convenit, ut datis obsidibus de pacis legibus dictis Romam mittat legatos. XIV-XV; Eodem tempore Nicostratus prætor Achæorum justo prælio fudit ducem regum Androsthenum, omnemque Achaiam magno liberavit metu. — XVI; Acarnanes, qui soli Græcorum fidi Macedonibus manserant, auctore L. Quintio concilium Leucadem

indicunt, in quo suadentibus eorum principibus, Archelao, Bi-
 nore et Zeuxida, decretum fit societatis rom., sed mox tollitur.
 — XVII; Hinc Leucas a Flaminio legato vi capitur, et Acar-
 nanes mox omnes in deditionem ejus veniunt, certiores facti
 de fratris victoria. — XVIII; Pausistratus quoque, Rhodiorum
 prætor, vindicat a Philippo Peræam, fuso Dinocrate, præfecto
 regio. — XIX; Ipsius Macedoniæ superiora evastantur a Dar-
 danis; qui tamen oppressi a Philippo cæduntur et in fines suos
 redeunt. Sub idem vero tempus et Hispania rebellat, et bellum
 molitur Antiochus, rex Syriæ, simul tentaturus civitates Ptole-
 mæi in Cœle Syria, Cilicia et Caria, simul Philippum exercitu
 navibusque adjuturus. — XX; Rhodii consilium capiunt obviam
 eundi classe Antiocho, et tuentur libertatem civitatum socia-
 rum Ptolemæi. — XXI; Attali virtutes et mors. Ingens bellum
 in Hispania ulteriore coortum opera Colchæ et Luscini regulo-
 rum. — XXII; Q. Minucius et C. Cornelius coss. ob res com-
 muni consilio in Gallia prospere gestas postulant triumphum,
 sed intercessione et perseverantia Atinii Ursanisque tribunorum
 plebis victi separatim de eo referunt. — XXIII; Cornelio trium-
 phus decernitur omnium consensu: Minucius in monte Albano
 triumphat. — XXIV; Creantur consules (L. Furius Purpureo et
 M. Claudius Marcellus), posteroque die prætores. Literæ p̄ i-
 mum et mox legati a T. Quintio, simulque a Philippo veniunt
 Romam; et decem decernuntur legati, quorum ex consilio
 Quintius regi det leges pacis. — XXV; Ludi Romani et plebeii.
 Pacem illam frustra dissuadent consules, Macedoniæ provinciæ
 cupidi. Tristis ex Hispania citeriore nuntius adfertur de adversa
 fortuna C. Sempronii Tuditani proc. Consulibus ambobus Italia
 provincia decernitur. — XXVI; Prætores sortiuntur provincias,
 et prodigia procurantur. — XXVII; Cn. Cornelius Lentulus et
 L. Stertinius ex Hispaniis redeuntes magnam in ærarium ferunt
 pecuniam. Bœoti a Quintio, Athenis hibernante, petunt impe-
 trantque, ut hi, qui suæ gentis militaverint apud Philippum,
 sibi restituantur: sed confestim regi gratias inde agunt, et Bra-
 chyllum quemdam, principem fautorum ejus, comitiis proximis
 Bœotarchen faciunt, præteritis Zeuxippo et Pistrato, socie-
 tatis rom. auctoribus. — XXVIII; Horum instinctu ille occi-
 ditur, et Zeuxippus, suam magis conscientiam, quam indicium
 hominum metuens, Thebis nocte perfugit Tanagram; de Pisi-
 strato, quem servus prodit, sumitur supplicium. — XXIX; Ne-

que eo contenti Bœoti, sed ad execrabile odium Romanorum efferati, horum milites in Bœotia hibernantes obtruncant. Quod scelus vehementer vindicasset Quintius, nisi Achæi deprecantes leviolem pœnam impetrassent Bœotis. — XXX; Leges pacis Philippo datæ ex consilio decem legatorum. — XXXI; Omnes Græcorum civitates, in Macedonum ditionem redactæ, liberantur, præter Acrocorinthum, Chalcidem et Demetriadem, in quibus præsidia esse placet, donec cura decedat de Antiocho; quod Ætoli clam mussantes carpunt. — XXXII; Isthmiis ludæ Græciæ libertas voce præconis promulgatur. — XXXIII; Effusa Græcorum lætitia. — XXXIV; Legati audiuntur Antiochi, et aliæ gentes civitatesque liberæ pronuntiantur. — XXXV; Decem legati ad liberandas suæ quisque regionis civitates discedunt; et Philippus Ætolique legatos Romam mittere jubentur. — XXXVI; Conjuratio servorum in Etruria opprimitur a M. Acilio prætore. Clades Marcello consuli a Corolamo, regulo Boiorum, illata obliteratur victoria ab Insubribus Comensibusque reportata. — XXXVII; Consules, junctis exercitibus, Boiorum Ligurumque agrum peragrant populantes, et triumphant. — XXXVIII; Antiochus Smyrnæ et Lampsaci oppugnationem molitur, ac præter alias Hellesponti Chersonesique urbes Lysimachiam, a Thracibus deletam, capit. — XXXIX; Eo conveniunt legati Romanorum, et restitui Ptolemæo civitates omnes, quæ ditionis ejus fuerint, postulant. — XL; Quibus ferociter respondet rex. — XLI; Mox falso de morte Ptolemæi rumore allato, Antiochus navigandi in Ægyptum capit consilium; sed Pataris cognito, vivere Ptolemæum, tendit Cyprum, et, plerisque navibus fœda tempestate amissis, Seleuciam et inde Antiochiam redit. — XLII; Triumviri epulones primum fiunt; et quæstores a sacerdotibus exigunt stipendium, per belli tempus non collatum. Creantur consules (L. Valerius Flaccus, M. Porcius Cato), et inde prætores. Frumentum ab ædilibus curul. populo dividitur, et pecuarii condemnantur ab ædilibus plebis. Ludi Romani et plebei. — XLIII; Consules prætoresque sortiuntur provincias, et T. Quintio prorogatur imperium, suspectis Antiocho, Ætolis et Nabide. — XLIV; Ver sacrum olim votum ex pontificum jussu faciunt consules. Ab Hispanis jam minus terroris est, laureatis Q. Minucii literis allatis; et omnes curæ, post adventum præcipue decem legatorum, in Antiochum regem convertuntur, et in Nabin, nunc Lacedæmoniorum, mox,

si liceat, universæ Græciæ futurum tyrannum. — XLV; T. Quintio, quod ad Nabin attineat, facere, quæ e republica censeat esse, permittitur; sed magis jubetur animadvertere, quid acturi sint et Antiochus et Hannibal, qui ad regem illum nuntios literasque mittere dicatur. — XLVI; Idem Hannibal, sufes factus, potentiam ordinis judicum coercendo exigendoque pecunias residuas multorum potentium animos offenderat. — XLVII; Hi itaque infensi romanis principibus, amicis quisque suis, scribunt, Hannibalem cum Antiocho consilia belli faciendi inire; camque ob causam legati Carthaginem mittuntur, nequidquam repugnante Scipione Africano. — XLVIII; Sed Hannibal, uoum se peti sentiens, relinquit patriam, et in Cercinam insulam trajicit. — XLIX; Inde Tyrum Antiochiamque pervenit; et mox Ephesi consequitur Antiochum.

I. HÆC per hiemem gesta¹. Initio autem veris Quintius, Attalo Elaṭiam excito, Bœotorum gentem, incertis ad eam diem animis fluctuantem, ditionis suæ facere cupiens, profectus per Phocidem, quinque millia ab Thebis, quod caput est Bœotiæ, posuit castra. Inde postero die cum unius signi militibus² et Attalo legationibusque, quæ frequentes undique convenerant, pergit ire ad urbem, jussis legionis hasta-

CAP. I. 1. *Hæc per hiem. gesta, etc.* Libri hujus capita 1 - 17 in edd. antt. desiderantur, et primum a. 1616 ex MS Bambergensi Romæ sunt edita. Reliqua ejusdem libri pars in solo Mogunt. cod. reperta. — Hunc librum nuper ex cod. Bamberg. edidit Franc. Goeller, cum notis Frid. Jacobs. suisque. Francofurti ad Mœnum, 1822. Ex eo opere optima quædam seligam, quæ in hujus editionis auctionem et ornamentum veniant. Eb.

2. *Cum unius signi militibus; vide ad XXV, 23, n. 9. — Jussis legionis hastatis (ea duo millia militum erant) sequi se*: sed in legione 4200 militum

erant hastati 1200, totidemque principes et velites, triarii 600; et in legione 5200 peditum, qualis jam hoc tempore fuit (vid. XLII, 31), idem triariorum, et major quidem reliquorum numerus, non vero tantus, quantus hoc loco fuisse dicitur. Conferatur Lipsius, de Milit. Rom. II, 1 et 5. Hinc vel in numero hastatorum vitium esse, vel in numero levis armaturæ post institutionem velitum proprie dictorum (vid. XXVI, 4, n. 6) aliquid mutatum fuisse, putabat Duk. *jussis legionum* (duarum Quintii) *hastatis* (quorum sic tertia pars militia unius anni perit, quod

tis (ea duo millia militum erant) sequi se, mille passuum intervallo distantes. Ad medium ferme viæ Bœotorum prætor Antiphilus obvius fuit : cætera multitudo e muris adventum imperatoris romani regisque prospiculabatur. Rara arma paucique milites circa eos apparebant : hastatos, sequentes procul, anfractus viarum vallesque interjectæ occultebant. Quum jam appropinquaret urbi, velut obviam egredientem turbam saluaret, tardius incedebat : causa erat moræ, ut hastati consequerentur. Oppidani, ante lictorem turba acta³, insequutum confestim agmen armatorum non ante, quam ad hospitium imperatoris⁴ ventum est, conspexere. Tum, velut prodita dolo Antiphili prætoris urbe captaque, obstupuerunt omnes : et apparebat, nihil liberæ consultationis concilio, quod in diem posterum indictum erat Bœotis, relictum. Texe-

parum probabile est), vel *ii mille quingenti milites erant* (ut pro *ii ∞ lo mil. erant* scriptum fuerit *ea ∞ ∞ mil. erant*) conjicit Drak. — Walchius, Emend. 237, suspicatur librariorum quum invenissent in codd. *legion'is*, inde fecisse *legionis* admodum pingui Minerva : scribendum autem *legionariis*. Ed. — Mox pro *distantes* unicus MS *distantis*. Forte leg. *distantibus* vel *distantem* : nec vero si absit hæc vox, eam desideres ; Gron. Vulgatum defendunt Cort. ad Sall. Jug. 33, 2, et Drak. Ille absoluta constructione intelligebat, ut ita *ipse* et *legionis hastati* distarent ; hic *distantes* referebat ad *se*, eoque significari putabat Quintium ejusque comites. Neutrum nobis satis facit. — Goeller, probante Jacobs, tuetur *τὸ distantes* ; quippe accusativus habet excusationem eo quod pendet ab infinitivo ; et participii casus accommodatus est ad id quod Livius se scripsisse existimabat. Eadem

loquendi forma vide ad XXXII, 8 : *prætores quoque jussi... Marcello, etc.* Ed. — *Quum jam appropinquabant urbi.* Goeller e cod. Bamb. *appropinquabant turbæ*, Bœotorum scilicet, sive Antiphili comitum ; quam verisimam lectionem vocat. Ed.

3. *Oppidani, ante lictorem turba acta* ; scribe *ante lictorum turba acti* ; Gronovius. *Oppidani autem lictorum turba acti* emend. Drak. qui simul ex Plut. Æmil. p. 256, docet, non modo consulibus proconsulibusque, sed etiam proprætoribus duodecim lictores fuisse. — Post *oppidani* aliquid excidisse ratus Jacobs, emendationem aut explanationem mutilorum verborum frustra tentari arbitratur. Loci, ut nunc vulgatur, sensus hic mihi videtur : quum turba oppidanorum, obviam egressorum, ante lictorem ageretur, conspexere, etc. Ed.

4. *Ad hospitium imperatoris rom.* vide ad II, 14, n. 4.

runt tamen dolorem⁵, quem et nequidquam, et non sine periculo ostendissent.

II. In concilio Attalus primus verba fecit : orsus a majorum suorum suisque, et communibus in omnem Græciam, et propriis in Bœotorum gentem, meritis, segnior jam et infirmior¹, quam ut contentionem dicendi sustineret, obmutuit et concidit. Et, dum regem auferunt perferuntque² parte membrorum captum, paulisper concio intermissa est. Aristænus inde, Achæorum prætor, eo cum majore auctoritate auditus, quod non alia, quam quæ Achæis suaserat³, Bœotis suadebat. Pauca ab ipso Quintio adjecta, fidem magis romanam, quam arma aut opes, extollente verbis. Rogatio inde, a Platæensi Dicæarcho lata recitataque, de societate cum Romanis jungenda, nullo contra dicere audente, omnium Bœotiæ civitatum suffragiis accipitur jubeturque⁴. Concilio dimisso, Quintius tantum Thebis moratus, quantum Attali repens casus coegit, postquam non vitæ præsens periculum vis morbi attulisse, sed membrorum debilitatem visa est, relicto eo ad curationem necessariam corporis, Elatiam, unde profectus erat, redit; Bœotis quoque, sicut prius Achæis, ad societatem adscitis, et, quando tuta ea⁵ pacataque ab tergo relinqueban-

5. *Texerunt tamen dolorem* : voc. *tamen* non est in MS Bamb. (unde delevit Drak.); sed videtur id sensus requirere, et forte compendio scriptum erat *texeretn*, h. e. *texere tamen*; Gronovius.

CAP. II. 1. *Segnior jam et infirmior*; puto *senior*; Gronov.

2. *Dum regem auferunt perferuntque*, forte *refoventque* vel *reficiuntque*; Gronov. An leg. *perfoventque*? — *Parte membrorum captum*; vide ad

II, 36, n. 7. Mox quoque exspiravit Attalus, de cujus ortu, familia, vita ac morte vid. cap. 21; Strab. XIII, p. 624; Polyb. XVIII, 24, XXII, 3; Plut. Flamin. pag. 372. — *Paulisper concio*. Cod. Bamb. *contentio*. Ed.

3. *Quæ Achæis suaserat*; vide ad XXXII, 20, 21.

4. *Accipitur jubeturque* rogatio; vide ad XXXII, 22, n. 6.

5. *Et quando* (al. *quoniam*) *tuta ea*, etc. vide ad V, 25, n. 3.

tur, omnibus jam cogitationibus in Philippum, et quod reliquum belli erat, conversis.

III. Philippus quoque primo vere¹, postquam legati ab Roma nihil pacati retulerant, delectum per omnia oppida regni habere instituit in magna inopia juniorum. Absumpserant enim per multas jam ætates continua bella Macedonas; ipso quoque regnante, et navalibus bellis adversus Rhodios Attalumque, et terrestribus adversus Romanos, ceciderat magnus numerus. Ita et tirones ab sedecim annis milites scribebat², et emeritis quidam stipendiis, quibus modo quidquam reliqui roboris erat, ad signa revocabantur. Ita suppleto exercitu, secundum vernalis æquinoctium omnes copias Diu contraxit; ibique stative positus, exercendo quotidie milite³, hostem opperiebatur. Et Quintius per eosdem ferme dies, ab Elatia profectus, præter Thronium et Scarpheam ad Thermopylas pervenit: ibi concilium Ætolorum, Heracleam indictum⁴, tenuit, consultantium quantis auxiliis romanum ad bellum sequerentur. Cognitis sociorum decretis, tertio die ab Heraclea Xynias progressus, in confinio Ænianum Thessalorumque⁵ positus castris,

CAP. III. I. *Primo vere*; vide ad I, 6, n. 1.

2. *Tirones ab XVI annis milites scribebat*, natos XVI annos iisque majores. — *Secundum vernalis æquinoctium*; vide ad I, 4, n. 1, et Dodwell. de Cyclis, X, 91.

3. *Exercendo quotidie milite*; conf. ad I, 53, n. 3. Sed forte leg. *exercens quotidie militem*, vel *exercendi quotidie militis*, scil. causa. — *Conf.* ad III, 56, n. 4. — *Præter* (vid. XXV, 11, n. 9) *Thronium et Scarpheam*, oppida Locrorum Epicnemidiorum. *Scharpeam* MS Bamb. et edd. antt.

Scarphia dicitur XXXVI, 19, et Plin. IV, 7 seu 12. Σάρφεια et Σάρφην Strab. I, 3, pag. 60, et IX, 4, 4, p. 426 (ubi vid. Tzschucke); Pausan. VII, 15, 2; App. Syr. 19; Ptol. III, 15, IV, 7; Plin. IV, 7; Steph. et alii.

4. *Ibi concilium Ætolorum, Heracleam indictum* (vid. IV, 25, n. 4), *tenuit*, fuit (vide ad I, 4, n. 9), vel potius detinuit eum; moratum est (vide ad II, 63, n. 3). *Tenuit pro tenuit eum*, ut III, 26, et XXXIV, 39; nisi eum post indictum excidit; Dukerus.

5. *Ab Heraclea Xynias pr.*, in con-

Ætolica auxilia opperiebatur. Nihil morati Ætoli sunt; Phænea duce, duo millia peditum cum equitibus quadringentis venerunt: ne dubium esset, quid expectasset, confestim Quintius movit castra. Transgresso in Phthioticum agrum quingenti Gortynii Cretensium, duce Cydante⁶, et trecenti Apolloniatae, haud dispari armatu, se conjungere; nec ita multo post Amyntander cum Athamanum peditum ducentis et mille. Philippus, cognita profectioe ab Elatia Romanorum, ut cui de summa rerum adesset certamen, adhortandos milites ratus, multa jam sæpe memorata de majorum virtutibus, simul de militari laude Macedonum, quum disseruisset, ad ea, quæ tum maxime animos terrebant, quibusque erigi ad aliquam spem poterant, venit.

IV. Acceptæ ad Aoum flumen in angustiis¹ cladi, territa Macedonum phalange, ad Atracem vi pulsos Romanos opponebat: *et illic tamen, ubi insessas*

finio Ænianum Thessalorumque; vid. XXVIII, 5, n. 6. — *Phænea duce duo millia peditum*, Plut. Flaminin. p. 372. D. ὑπὲρ ἑξακισχιλίου καὶ διαμυρίου ἔχων στρατιώτας, ὧν Αἰτωλοὶ περὶ τὸ ἑξακισχιλίον καὶ ἑπταεὶς τετρακισίους παρεῖχον. unde *sex millia* suspicari possis. Sed Livium cap. seq. referre, Romanis ferme *parem numerum* fuisse ac Philippo, equitum vero copiis Ætolorum accessu Romanos superasse; eoque indicari, plures aliquanto pedites Philippo, non, quod Plut. tradit, Romanis fuisse, adeoque Livium non in omnibus Plutarcho consentire, monet Drak.

6. *Duce Cydante*: qui *Cydas*, æ, dicitur Polyb. XXIII, 15, n. 1, et Cic. Phil. V, 5, et VIII, 9; non *Cydas, antis*, ut h. l. et XLIV, 13, 24.

Cydate emend. Horriion, Gronov. et Crev. decepti corrupta lectione apud Polyb. — *Summa rerum*; vide ad III, 5, n. 6.

CAP. IV. 1. *Acceptæ ad Aoum flumen...cladi* (vid. XXXII, 5, n. 8), *terrta Macedonum phalange* (conf. XXXII, 12), *ad Atracem vi pulsos Romanos opponebat*, h. e. cladem Romanorum ad Atracem, de qua vid. XXXII, 15-18. Pro *terrta* in MS Bamb. est *terra*; unde Horriion conj. *terra a Macedonum p. ad A. vi pulsos Romanos* (qui obsidione Atracis relicta Anticyram se contulere in Phocidæ), et recte, opinor, Gron. *ter a Maced. ph. ad A.* etc. quia discesserint illi quidem, expugnatione sæpius tentata, non tamen a phalange terra pulsi, sed quod procul a mari et

fauces Epiri² non tenuissent, primam culpam fuisse eorum, qui negligenter custodias servassent; secundum, in ipso certamine, levis armaturæ mercenariorumque militum. Macedonum vero phalangem et tunc stetisse, et loco æquo justaque pugna semper mansuram invictam. Decem et sex millia militum hæc fuere, robur omne virium et regni: ad hoc duo millia cætratorum, quos peltastas appellant³, Thracumque et Illyriorum (Trallis nomen est genti) par numerus bina millia erant, et mixti ex pluribus gentibus mercede conducti auxiliares mille ferme et duo millia equitum: cum iis copiis rex hostem opperiebatur. Romanis ferme par numerus erat; equitum copiis tantum⁴, quod Ætoli accesserant, superabant.

V. Quintius ad Thebas Phthioticas castra quum movisset, spem nactus per Timonem¹ principem civitatis prodi urbem, cum paucis equitum levisque armaturæ ad muros successit. Ibi adeo frustrata spes est, ut non certamen modo cum erumpentibus, sed periculum quoque atrox subiret; ni castris exciti repente pedites equitesque in tempore subvenissent: et postquam nihil conceptæ temere spei succedebat, urbis quidem amplius tentandæ² in præsentia conatu absistit; cæterum satis gnarus, jam in Thessalia re-

in evastatis belli cladibus locis hibernandi non fuerit copia. Cf. XXXII, 17, 18; unde etiam patet, Romanos a phalange Maced. aliquoties repulso fuisse.

2. *Insessas fauces Epiri*; vide infra ad XXXII, 5, n. 6.

3. *Cætratorum, quos peltastas appellant*; vide ad XXI, 21, n. 6. — *Trallis nomen est genti*; cf. XXVII, 32, et XXXI, 35.

4. *Equitum copiis tantum, tantum-*

modo, solummodo, quod, quoniam, Ætoli, CCCC equites eorum (vid. cap. 3), *accesserant ipsis, superabant copias hostium, earumve numerum.*

CAP. V. 1. *Per Timonem*; in edd. ante Gron. a. 1665, *per Dimonem*. — *In tempore subvenissent*; vide ad II, 47, n. 4. — Goeller totum hoc caput cum Polybio, lib. XVIII, 1, comparat, p. 80 sqq. Ed.

2. *Urbis quidem amplius tentandæ*; vide ad IX, 35, n. 1. — *Nondum*

gem esse, nondum comperto, quam in regionem venisset, milites per agros dimissos vallum cædere et parare³ jubet. Vallo et Macedones et Græci usi sunt; sed usum nec ad commoditatem ferendi, nec ad ipsius munitionis firmamentum aptaverunt: nam et majores et magis ramosas arbores cædebant, quam quas ferre cum armis miles posset; et quum castra his ante obiectis sepsissent, facilis molitio eorum valli erat⁴; nam et quia rari stipites magnarum arborum eminebant, multique et validi rami præbebant, quod recte manu caperetur, duo aut summum tres juvenes conisi arborem unam evellebant. Qua evulsa, portæ instar extemplo patebat⁵, nec in promptu erat, quod obmolirentur. Romanus leves et bifurcos plerosque et trium aut, quum plurimum, quatuor ramorum vallos cædit, ut et suspensis ab tergo armis ferat plures simul apte miles; et ita densos obfigunt⁶ implicantque ramos, ut neque, quæ cujusque stipitis palma

comperto; vide supra ad librum I, cap. 41, n. 10.

3. *Vallum* (vallos) *cædere et parare*, cujus rei causa traditur cap. 6 pr. Conf. ad III, 27, n. 4. — *Vallo et Macedones et Græci*, etc. ad finem cap. expressa ad verbum e Polyb. XVIII, 1. Cf. Lips. Mil. Rom. V, 11.

4. *Facilis molitio eorum valli erat*, facile erat, vallos evellere; nec facile, *obmoliri*, in locum evulsorum alios reponere, lacunæ explendæ irruptionisque hostium impediendæ causa. Cf. ad VI, 11, n. 5, et XXXVII, 32, n. 3. — *Quod recte manu caperetur*, facile, commode, firmiter, cum eventu. Bauer.

5. *Portæ instar patebat*, ad magnitudinem, *so gross, so weit*. Bauer. — *Bifurcos plerosque, δύο καρπίας* (fur-

cas, *palmas*, cornua) *ἐχόντες*. — *Suspensis ab tergo armis*, scutis, manibus solas gestant hastas.

6. *Et ita densos obfigunt* (oppo-
nunt fixos, *vorschlagen*. Bauer. Sic
MS Bamb. non *adfigunt*) *implicant-
que ramos, ut neque, quæ cujusque
stipitis sit palma* (extrémum rami vel
furcæ velut ansa, unde prehendantur,
das Ende. Bauer.), *pervideri*, penitus
discerni, cognosci *possit*. Ex Polyb.
(τιθέασι γὰρ εὐθέως ἐμπλέκοντες εἰς
ἀλλήλους οὕτως, ὥστε μήτε τὰς κε-
ραίας εὐχερῶς ἐπιγινῶναι, ποίας εἰσὶν
ἐκφύσεως τῶν ἐν τῇ γῆ κατορυγμέ-
νων, μήτε τὰς ἐκφύσεις, ποίων κε-
ραίων) suspicari possis, inter verba
*palma et sit excidisse hæc: neque qui
quarumque palmarum stipes, vel,
quod Crev. putabat, neque quis cujus-*

sit, pervideri possit : et adeo acuti aliusque per alium immissi radii⁷ locum ad inserendam manum non relinquunt, ut neque prehendi, quod trahatur, neque trahi, quum inter se innexi rami vinculum invicem præbeant, possit; et, si evulsus forte est unus, nec loci multum aperit, et alium⁸ reponere perfacile est.

VI. Quintius postero die, vallum secum erente milite, ut paratus omni loco castris ponendis esset, progressus modicum iter, sex ferme millia¹ a Pheris quum consedisset, speculatum, in qua parte Thessaliæ hostis esset, quidve pararet, misit. Circa Larissam erat rex, qui certior jam factus, Romanum ab Thebis Pheras movisse, defungi quam primum et ipse certamine cupiens, ducere ad hostem pergit, et quatuor millia fere a Pheris posuit castra. Inde postero die quum expediti utrimque ad occupandos super urbem tumulos processissent, pari ferme intervallo ab jugo, quod capiendum erat, quum inter se conspecti essent, constiterunt; nuntios in castra remissos, qui, quid sibi, quum præter spem hostis occurrisset, faciendum esset, consulerent, quieti opperientes : et illo quidem die,

que palma stipes; et mutilus quoque hic locus visus est Gron. Sed Livius forte brevius eandem expressit sententiam, nec imperfecta est ea, modo tò neque eo sensu ceperis, quo capiendum dixi ad XXXI, 22, n. 4. Tum etiam non est, quod cum Bauero mox vel relinquunt legas pro relinquunt, ut pendeat ab ut neque, cui alioquin nil respondere putat, vel vulgatum lect. per ἀνακλουθον defendas. Cæterum in verbis Polybii ἐκφύσεις sunt ipsæ stirpes vel stipites, non, quos antea sic dixerat, rami ex stirpe enati.

7. *Aliusque per alium immissi radii, vallorum seù stipitum rami ex parte relictis et conserti; Ern. Forte rami leg. pro radii. Iidem certe κεραιαι dicuntur Polyb.*

8. *Alium reponere loco evulsi.*

CAP. VI. I. *Sex ferme millia passuum a Pheris, etc. cf. Polyb. XVIII, 2 et 3.—Qui certior. Cod. Bamb. omittit tò qui, et ita legendum putat Goeller. Ed. — Ab Thebis Phthioticis. — Quum expediti utrimque ad occupandos super urbem tumulos processissent; vide supra ad I, 2, n. 3, et V, 16, n. 2.*

nullo inito certamine, in castra revocati sunt. Postero die circa eosdem tumulos equestre praelium fuit; in quo non minimum² Ætolorum opera regii fugati, atque in castra compulsi sunt. Magnum utrisque impedimentum ad rem gerendam fuit ager consitus crebris arboribus, hortique, ut in suburbanis locis³, et coarctata itinera maceriis et quibusdam locis interclusa. Itaque pariter ducibus consilium fuit excedendi ea regione, et, velut ex prædicto, ambo Scotussam petierunt; Philippus, spe frumentandi inde; Romanus, ut prægressus corrumperet hosti frumenta. Per diem totum, quia colles perpetuo jugo intererant⁴, nullo conspecta inter se loco agmina ierunt. Romani ad Eretriam Phthiotici agri, Philippus super amnem Onchestum posuit castra. Ne postero quidem die, quum Philippus ad Melambium⁵, quod vocant Scotussæi agri, Quintius circa Thetidium Pharsaliæ terræ posuisset castra, aut hi, aut illi, ubi hostis esset, satis compertum habuerunt. Tertio die primo nimbus effusus, dein⁶ caligo noctis simillima Romanos metu insidiarum tenuit.

VII. Philippus maturandi itineris causa, post imbrem nubibus in terram demissis¹ nihil deterritus, signa ferri jussit. Sed tam densa caligo obscæverat

2. *Non minimum*, magna ex parte, maxime; nisi cum Gron. leg. *non minima Ætolorum opera*, i. e. egregia: ἐκθύμως ap. Polyb. Conf. ad IV, 20, n. 10, et XXI, 40, n. 1.

3. *Ut in suburbanis locis*; vide ad VIII, 30, n. 7.

4. *Colles... intererant*; v. IV, 6, n. 1.

5. *Ad Melambium*, etc. ita et Polyb. ubi Schweigh. conj. Μελάμπιον, i. e. Μελάμπος ἱερὸν, quale memorat Pausan. I, 44. Μελάμειος, σκοτει-

νὸς τὸν βίον ἢ μελανός Hesych. *Melanium* ed. Rom.— De *Thetidio* vid. Strab. IX, 431; Eurip. *Androm.* pr. et ibi Schol.

6. *Tertio die primo nimbus effusus, dein* (insequenti die sub ipsum mane apud Polyb.) *caligo noctis simillima* (*nubibus in terram demissis* c. 7 pr.) *Romanos tenuit*; vide ad II, 63, n. 3.

CAP. VII. 1. *Nubibus in terram demissis*; conf. verba Polybii mox laudanda not. 4, et Periz. in Curtio vind.

diem, ut neque signiferi viam, nec signa milites cernerent; agmen ad incertos clamores vagum velut errore nocturno turbaretur. Supergressi tumulos, qui Cynoscephalæ vocantur, relicta ibi statione firma peditum equitumque, posuerunt castra. Romanus eisdem ad Thetidium castris quum se tenuisset, exploratum tamen, ubi hostis esset, decem turmas equitum et mille pedites² misit, monitos, ut ab insidiis, quas dies obscurus apertis quoque locis tecturus esset, præcaverent. Ubi ventum ad insessos tumulos est, pavore mutuo injecto velut torpentes quieverunt: dein, nuntiis retro in castra ad duces missis, ubi primus terror ab necopinato visu consedit, non diutius certamine abstinuere. Principio a paucis procurrentibus lacesita pugna est, deinde subsidiis tuentium pulsos³ aucta: in qua quum haudquaquam pares Romani alios super alios nuntios ad ducem mitterent, premi sese; quingenti equites et duo millia peditum, maxime Ætolorum, cum duobus tribunis militum propere missa, rem inclinatam restituerunt; versaque fortuna, Macedones laborantes⁴ opem regis per nuntios implorabant. Sed, ut qui nihil minus illo die propter effusam caliginem, quam prælium, exspectasset, magna parte

p. 84. — *Supergressi tumulos prope Scotasam, Pelasgiotidis oppid., qui (forte quæ; Drak.) Cynoscephalæ vocantur*, ob aliquam similitudinem capitis canini. Conf. Polyb. XVIII, 5, et Plut. Flamin. p. 373 A. χωρίον τι ἐν τῇ Σκοτούσῃ, Κυνὸς κεφαλαὶ καλούμενον, Strab. IX, p. 441.

2. *Decem turmas e. et mille pedites, f. velites*; Gron. coll. Polyb. XVIII, 4 pr. Sed v. sup. ad XXX, 11, n. 6. — *Apertis locis*; vid. XXI, 32, n. 7.

3. *Subsidiis tuentium pulsos*: in MS *tuentium plissis*; unde *utrimque missis*

conj. Horrión coll. Plut. loco laud.

4. *Macedones laborantes*; vide ad III, 31, n. 1. — *Sed, ut qui, etc.* Importunum illud *sed* interpretum neminem advertisse miratur. Jacobs. qui scribit: *Rex, ut qui, etc.* Ed. — *Effusam caliginem*, late diffusam seu sparsam: *obfusam*, sc. rebus oculisque videntium) ex emend. Gron. recepit Drak. Recte forsan, ut apud Polyb. XVIII, 3: διὰ τὸν ἐφροστώτα ζόφον... πάντα τὸν ἀέρα ἐκ τῶν νεφῶν πεσῶν ἐπὶ τὴν γῆν. Conf. Gron. Obs. IV, 21; ad Sen. Ep. 82, et Nat. Quæst.

hominum omnis generis pabulatum missa, aliquamdiu inops consilii trepidavit; deinde, postquam nuntii instabant, et jam juga montium detexerat⁵ nebula, et in conspectu erant Macedones; in tumultum maxime editum inter alios compulsi, loco se magis, quam armis, tutantes; committendam rerum summam in discrimen⁶ utcumque ratus, ne partis indefensæ jactura fieret, Athenagoram ducem mercede militantium cum omnibus, præter Thracas, auxiliis et equitatu Macedonum ac Thessalorum mittit. Eorum adventu depulsi ab jugo Romani non ante restiterunt, quam in planiorem vallem perventum est. Ne effusa detruderentur fuga, plurimum in Ætolis equitibus præsidii fuit: is longe tum optimus eques⁷ in Græcia erat; pedites inter finitimos vincebantur.

VIII. Lætior res, quam pro successu pugnae, nuntiata¹, quum alii super alios recurrentes ex prælio

V, 3; Heins. ad Val. Flaccum, IV, 482.

5. *Jam juga montium detexerat nebula*: « at nebula non detegunt, sed tegunt omnia circa, ut XXVI, 17: nec solet ita in hac re loqui Livius, verum addere *nebulam dispulsam, disjectam, discussam, dilapsam fuisse*, ut XXVI, 17; XXIX, 27; XLI, 2. De hac nebula Polybius, XVII, 18 (XVIII, 5), dicit τῆς ἀμίχλης ἤδη διαφανούσης, quod ex Liv. XLI, 2, verti potest *perlucente jam inter vel per nebulam luce*. Idem sane dicere voluit Livius, sed ita satis obscure loquutus est ». Duker. Non minus fere obscure Polyb. dixit διαφανούσης, sc. active et elliptice, *nebula transmittente nempe tῆν ἡμέραν vel τὸ φῶς τῆς ἡμέρας*, nisi leg. τῆς ἡμέρας ἤδη διαφανούσης, ut XVIII, 2, not. 5. Forte Livius scripsit *jam jugus montium* (ut mox *tumulum maxime edi-*

tum) *decesserat nebula*, aut *jam lux matutina disjecerat nebulam*. — Vulgatam bene tnetur Doering. nebula enim immissa tumulos tegebat, discussa vero illos detexit. Ed.

6. *Committendam rerum summam in discrimen*; vide ad III, 5, n. 6; VI, 17, n. 1, et XXVIII, 42, n. 11. — *Equitatu Macedonum ac Thessalorum*: illi præfuit Leo, huic Heraclides Gyrtionius. Cf. Polyb. XVIII, 5.

7. *Is longe tum optimus eques*, h. e. ii, Ætoli, optimi equites, in Græcia erant, ἐν τοῖς κατὰ μέρος καὶ κατ' ἰδίαν κινδύνοις, *pedites inter finitimos vincebantur*, ἐν τοῖς περικραῖς ἑλλήσις εἰσι καὶ τῷ καθοπισμῷ καὶ τῇ συντάξει πρὸς τοὺς ἑλλασχερεῖς ἀγῶνας, Polyb. *Pedite* emend. Gron. et Drak. Cf. a. 4, n. 4; sed et XXVI, 4, n. 1; nisi et ibi cum Gron. leg. *pedite*.

Cap. VIII. 1. *Lætior res, quam pro*

clamarent, fugere pavidos Romanos, invitum et cunctabundum, et dicentem temere fieri, non locum sibi placere, non tempus, perpulit, ut educeret omnes copias in aciem: idem et Romanus, magis necessitate, quam occasione pugnae inductus, fecit. Dextrum cornu, elephantis ante signa instructis, in subsidiis reliquit: lævo cum omni levi armatura in hostem vadit; simul admonens, *cum iisdem Macedonibus pugnatos, quos ad Epiri fauces², montibus fluminibusque septos, victa naturali difficultate locorum, expulissent, acieque expugnassent; cum iis, quos P. Sulpicii prius ductu obsidentes Eordææ aditum vicissent: fama stetisse, non viribus, Macedoniae regnum; eam quoque famam tandem evanuisse.* Jam perventum ad suos in ima valle stantes erat, qui adventu exercitus imperatorisque pugnam renouant, impetuque facto rursus avertunt hostem. Philippus cum cætratis³ et cornu dextro peditum, robore macedonici exercitus, quam phalangem vocabant, propero cursu ad hostem vadit. Nicanori, ex purpuratis uni, ut cum reliquis copiis confestim sequatur, imperat. Primo, ut in jugum evasit, et, jacentibus ibi paucis armis corporibusque hostium, prælium eo loco fuisse, pulsosque inde Romanos, et pugnari prope castra hostium vidit, ingenti gaudio est elatus: mox, refugientibus suis, et terrore verso, paulisper, incertus an in ca-

successu pugnae, nuntiata; vide ad VII, 33, n. 2. Ad caput hoc et seqq. conf. Polybius, XVIII, 6-9, et Guichardti Mémoires milit. I, 13.

2. *Ad Epiri fauces, etc. vide ad XXXII, 5, n. 6. — Quos P. Sulpicii prius ductu o. Eordææ a. v.; vid. XXXI, 39, 40. Eordææ aditum ex emend. Gron. pro vulg. in eodem adi-*

tu. Firmat id et res ipsa atque historia, et Polyb. XVIII, 6. — Fama stetisse, non viribus, M. regnum; vide ad II, 29, n. 7.

3. *Philippus cum cætratis (vide ad XXI, 21, n. 6), robore macedonici exercitus, quam phalangem vocabant; vide supra ad librum XXIV, cap. 42, n. 6.*

stra reciperet copias, trepidavit; deinde, ut appropinquabat hostis, et, præterquam quod cædebantur aversi⁴, nec, nisi defenderentur, servari poterant, ne ipsi quidem in tuto jam receptus erat; coactus, nondum assequuta parte suorum, periculum summæ rerum facere, equites levemque armaturam, qui in prælio fuërant, dextro in cornu locat. Cætratos et Macedonum phalangem, hastis positis, quarum longitudo impedimento erat, gladiis rem gerere jubet: simul, ne facile perrumperetur acies, dimidium de fronte demptum⁵ introrsus porrectis ordinibus duplicat, ut longa potius, quam lata, acies esset. Simul et densari ordines jussit, ut vir viro, arma armis jungerentur.

4. *Cædebantur aversi*, sc. datis tergis; vide ad III, 63, n. 1. — *Nondum assequuta parte suorum*, passive, ut ap. Cic. Verr. II, 73 extr. — *Periculum summæ rerum facere*; vide ad I, 38, n. 2, et III, 5, n. 6.

5. *Cætratos et Macedonum phalangem, hastis positis ... gladiis rem gerere jubet: simul ... dimidium de fronte demptum*, etc. cf. Polyb. XVIII, 7 extr. ubi Reiskius eadem fere, quæ Crev. ad h. l. Livij, notavit: « Livius in hoc loco vertendo non semel lapsus est. Primum καταβαλοῦσι τὰς σαρίσσας ἐπάγειν (h. e. ut demissis sarissis hostem invadant) vertit: *hastis positis* (abjectis) ... *gladiis rem gerere jubet*. Alia omnia. Phalanx macedonica rem numquam *gladiis gerebat*, sed semper hastis, et quum nondum ad certamen admitteretur, sed prælium exspectans in armis adstaret, gerebat hastas in humeris; quum pugnare juberetur; illas, ab humeris ablatas, coram se tenebat, seu coram se in directum hosti objiciebat, ante

se projiciebat, protendebat: quod καταβάλλειν et μεταβάλλειν τὰς σαρίσσας dixit Polyb. II, 69, n. 7; V, 85, n. 9; XI, 15, n. 6; XI, 16, n. 1; XVIII, 7, n. 9. Ubi etiam, aut quo ponerent hastas? quis ab iis acciperet? et, si posuerunt unne, qui potuerunt in fine pugnae (c. 10) illas repente erigere? Deinde, *simul*, ait, *ne facile perrumperetur acies, dimidium de fronte demptum introrsum porrectis ordinibus duplicat*, etc. (quæ Crev. et Drak. per hypallagen dicta putabant πρό dimidio de fronte dempto introrsus porrectos ordines duplicat). Verum nihil demptum est de fronte, sed additi sunt ordines duplo tot, quot ante erant; et, ut firmior esset acies neve nimis magnum locum impleret, nimis laxa et distracta esset, imperatum est, ut coirent uniuscujusque ordinis milites inter se arctius, facto coeundi initio et motu a sinistra ad dextram: quæ congressio in angustum appellatur, διπλασιασθῆναι τὸ βιάθος καὶ πυκνοῦν ἐπὶ τὸ δεξιόν. Ταυ-

IX. Quintius, his, qui in prælio fuerant, inter signa et ordines acceptis, tuba dat signum. Raro alias tantus clamor dicitur in principio pugnae exortus: nam forte utraque acies simul conclamavere; nec solum qui pugnabant, sed subsidia etiam, quique tum maxime in prælium veniebant¹. Dextro cornu rex, loci plurimum auxilio, ex jugis altioribus pugnans, vincebat; sinistro, tum quum maxime appropinquante phalangis parte, quæ novissimi agminis fuerat, sine ullo ordine trepidabatur. Media acies, quæ propior dextrum cornu erat, stabat spectaculo velut nihil ad se pertinentis pugnae intenta: phalanx, quæ² venerat, agmen magis, quam acies, aptiorque itineri, quam pugnae, vixdum in jugum evaserat. In hos incompósitos Quintius, quanquam pedem referentes in dextro cornu suos cernebat³, elephantis prius in hostem

dem illa τῶς δ' ἐϋζώνεις κερῶν (h. e. in cornibus stare, cornua firmare), Livius plane omisit, quia verbum hoc, vix usquam alibi lectum (vid. Schweigh.), haud satis intellexit. » Idem vitium XXXV, 35, n. 5, a Livio commissum recte suspicabatur Crev. eumque verbum καταβάλλειν, a Polyb. adhibitum, perperam reddidisse *ponere* hastas, quum debuisset *demittere* et ante se projicere, vel *præ se objicere*, ut XXXVI, 18, n. 6.

CAP. IX. 1. *Quique tum maxime in prælium veniebant*, qui in eo adhuc erant, ut ad locum pugnae venirent. — *Sinistro* (non vero Quintii, quod Schweigh. ad Polyb. putat, sed) regis cornu, *tum quum maxime* (vide ad XXIX, 17, n. 5) *appropinquante phalangis parte, quæ novissimi agminis fuerat* pars (cf. ad III, 62, n. 5), *sine ullo ordine trepidabatur*, ab incertis consilii fluctuabatur et confuse

festinabatur (cf. ad I, 14, n. 6, et III, 49, n. 4): *media acies*, etc. cf. Polyb. XVIII, 8, qui docet, mediam Philippæ aciem pugnantibus suis a tergo stetisse, longe remotam ab hoste; sinistram in vertices collium nunc demum evasisse, et nec ducem habuisse, qui signum daret, nec cogere se in unum corpus potuisse propriamque phalangis figuram constituere, quia tum difficultatibus locorum impedita, tum, sequens vestigia pugnantium, in modum agminis procedentis, non instructæ aciei, disposita fuerit.

2. *Phalanx, quæ venerat, forte quæ modo venerat*, nisi cum Gron. leg. *quæ læva erat*, h. e. altera phalangis pars, quæ sinistrum cornu constituere debebat; Crev. — *Agmen magis, quam acies*, etc. vide ad X, 45, n. 6.

3. *Quanquam pedem referentes in dextro cornu suos cernebat*: immo

actis, impetum facit; ratus, partem profligatam cætera tracturam⁴: non dubia res fuit; extemplo terga vertere Macedones, terrore primo bestiarum aversi. Et cæteri quidem hos pulsos sequebantur: unus e tribunis militum, extemplo capto consilio, cum viginti signorum militibus⁵, relicta ea parte suorum, quæ haud dubie vincebat, brevi circuitu dextrum cornu hostium aversum invadit. Nullam aciem ab tergo adortus⁶ non turbasset; cæterum ad communem omnium in tali re trepidationem accessit, quod phalanx Macedonum, gravis atque immobilis, nec circumagere se poterat, nec hoc, qui a fronte, paulo ante pedem referentes, tunc ultro territis instabant, patiebantur.

leg. cum Gron. in sinistro vel *λεβο cornu*, aut cum Periz. Anim. hist. c. 8, p. 338, in altero cornu. Nam rex vincebat dextro cornu suo, cui oppositum erat sinistrum cornu Romanorum; qui itaque in eo pedem referebant. Vulgatam lect. defendit Duker. qui hæc adnotavit: « Quod Livius dicit, Quintium dextro cornu præfuisse, caute accipiendum est. Tenebat ille sinistrum cornu Romanorum, Polybio et Livio ipsis auctoribus. Sed quum hoc a dextro cornu Macedonum, in quo Philippus erat, multis occisis pelli videret, omnem spem salutis in dextro superesse ratus, ad id, relicto sinistro, advolavit. Ita Plut. in Quintio et Polyb. » Contra scribam errasse tanto confidentius statui posse monet Drak., quod hæc pars operis Liviani unius tantum codicis ope nobis servata sit. Cf. ad VII, 15, n. 2.

4. *Partem profligatam cætera tracturam*; vide ad IX, 18, n. 14. — *Aversi primo bestiarum*, forte *belluarum*, quia de prælio agitur; Duker. Confer,

intpp. Flori, I, 18, n. 8, et II, 6, n. 49.

5. *Unus e tribunis militum, extemplo capto consilio, cum XX signorum militibus*, cum XX manipulis (vide ad XXV, 23, n. 9), *relicta*, etc. conf. Polyb. XVIII, 9. Pro *extemplo* forte leg. *ex tempore*: *παρ' αὐτὸν τὸν τῆς χρείας κατὰν ἀμφοτερότητας, ὃ δέον εἶναι ποιεῖν*, Polyb. Idem et Dukero in mentem venisse video. Conf. Curt. ad Sall. Jug. 70.

6. *Nullam aciem ab tergo adortus*, etc. « Significat eo deventum, ut neq. ipsa salus ultra servare Macedonas valeret. Etenim nullam aciem tam firmam esse, quam sic ex improvise ab tergo impugnatam constare nec turbari contigisset. Præter autem illud periculum, quod alia quævis acies, non ad hunc casum ante instructa præparataque, subitura foret, hoc opportunior phalangem Macedonum fuisse, quod natura sua immobilis esset, nec posset circumagi, quin dissolveretur. Denique absque hoc etiam foret, et quamvis salva ordinibus pha-

Ad hoc loco etiam premebantur⁷, quia jugum, ex quo pugnaverant, dum per proclive pulsos insequuntur, tradiderant hosti ad terga sua circumducto. Paulisper in medio cæsi; deinde omissis plerique armis capessunt fugam.

X. Philippus cum paucis peditum equitumque primo tumultum altiorem inter cæteros cepit, ut specularetur, quæ in læva parte suorum fortuna esset; deinde, postquam fugam effusam animadvertit, et omnia circa juga signis atque armis fulgere, tum et ipse acie excessit¹. Quintius, quum institisset cedentibus, repente quia erigentes hastas Macedonas conspexerat, quidnam pararent incertus, paulisper novitate rei constituit signa; deinde, ut accepit, hunc morem esse Macedonum tradentium sese², parcere victis in animum habebat. Cæterum ab ignaris militibus omissam ab hoste pugnam, et quid imperator vellet, impetus in eosdem factus, et, primis cæsis, cæteri in fugam dissipati sunt. Rex effuso cursu Tempe³ petit: ibi ad Gonnos diem unum substitit ad excipiendos, si qui prælio superessent. Romani victores in castra hostium spe prædæ irruunt; verum ea magna jam ex

lanx se vertere potuisset (quod non poterat), tamen ne id quidem licuisse propter novos animos recentemque impetum illorum ex Romanis, qui in sinistro cornu paulo ante pedem retulerant;» Gron. De phalange ejusque et commodis et incommodis vid. Polyb. XVIII, 12-16.

7. Ad hoc loco etiam premebantur; vide ad II, 23, n. 3, et III, 13, n. 1. — Per proclive pulsos; conf. V, 43.

CAP. X. 1. Tum et ipse acie excessit: inepte tum post deinde. Scribe fulgere Rom. (h. e. Romanis), et ipse, etc.

Gron. Sed vide ad XXIII, 34, n. 4. — Mallet Goell. hostium, pro tum; nihil tamen temere mutandum putat: sequutus enim videri potest Livianum usum græcum apud quos τότῃ passim reperitur post ἐπι, ἐπαίδῃ, et similia. Vid. Walchii Emendatt. Livian. p. 196 sq. et Doer. ad hunc locum. Ed.

2. Macedonum tradentium sese, aut transeuntium ad hostes.—In animum habebat; vide ad librum II, cap. 14, n. 2.

3. Rex effuso cursu Tempe, etc. conf. Polyb. XVIII, 10.

parte direpta ab Ætolis inveniunt. Cæsa eo die⁴ octo hostium millia, quinque capta: ex victoribus septingenti ferme ceciderunt. Si Valerio quis credat, omnium rerum immodice numerum augenti, quadraginta millia hostium eo die sunt cæsa; capta, ubi modestius mendacium est, quinque millia septingenti, signa militaria ducenta unum et quadraginta. Claudius quoque duo et triginta millia hostium cæsa scribit, capta quatuor millia et trecentos. Nos non minimo potissimum numero credidimus⁵, sed Polybium sequuti sumus, non incertum auctorem quum omnium romanarum rerum, tum præcipue in Græcia gestarum.

XI. Philippus, collectis ex fuga, qui, variis casibus pugnae dissipati, vestigia ejus sequuti fuerant, missisque Larissam ad commentarios regios¹ comburendos, ne in hostium venirent potestatem, in Macedoniam concessit. Quintius, captivis prædaque venum datis, partim militi concessis, Larissam est profectus, haud dum satis gnarus, quam regionem petisset rex, quidve pararet. Caduceator eo regius venit², specie ut induciæ essent, donec tollerentur ad sepulturam, qui in acie cecidissent; revera ad petendam veniam legatis mittendis: utrumque ab Romano impetratum. Adjecta et illa vox, *bono animo esse regem ut juberet*: quæ maxime Ætolos offendit, jam tumentes³ querentes-

4. Cæsa eo die octo, etc. cf. Oros. IV, 20.

5. Nos non minimo potissimum numero credidimus, forte leg. minimum numerum hac sententia: ego minimum numerum retuli, non quod eum potissimum verum esse credam, sed Polybium sequutus; Duk. — Non incertum auctorem Polybium, etc. vide supra

ad lib. IV, cap. 20, n. 10, et lib. XXX, cap. 45, n. 3.

CAP. XI. 1. Ad commentarios regios, etc. conf. Polyb. XVIII, 16.

2. Caduceator eo regius venit, tres legati, Demosthenes, Cyllades et Limnæus, apud Polyb. XVIII, 17.

3. Jam tumentes MS, non timentes; vide ad XXXI, 8, n. 11.

que, *mutatum victoria imperatorem. Ante pugnam omnia magna parvaque communicare cum sociis solitum; nunc omnium expertes consiliorum esse: suo ipsum arbitrio cuncta agere: cum Philippo jam gratiæ privatæ locum querere; ut dura atque aspera belli Ætoli exhauserint, pacis gratiam et fructum Romanus in se vertat.* Et haud dubie decesserat iis aliquantum honoris: sed, cur negligerentur, ignorabant. Donis regiis imminere credebant⁴ invicti ab ea cupiditate animi virum: sed et succensebat non immerito Ætolis, ob insatiabilem aviditatem⁵ prædæ et arrogantiam eorum, victoriæ gloriam in se rapientium, quæ vanitate sua omnium aures offendebat; et Philippo sublato, fractis opibus macedonici regni, Ætolos habendos Græciæ dominos cernebat. Ob eas causas multa sedulo, ut viliores levioresque apud omnes essent et viderentur, faciebat.

XII. Induciæ quindecim dierum datæ¹ hosti erant, et cum ipso rege constitutum colloquium: cujus prius quam tempus veniret, in consilium advocavit socios; retulit, quas leges pacis placeret dici. Amynder Athamanum rex paucis sententiam absolvit: *ita componendam pacem esse, ut Græcia, etiam absentibus*

4. *Donis regiis imminere* (vide ad III, 51, n. 3) *credebant*, etc. ab qua corruptela duces Rom. ante bella transmarina abhorruisse monet Polybius, XVIII, 17, 18.

5. *Ob insatiabilem aviditatem*, etc. vide ad XXVI, 25, n. 6, et conf. Plut. Flamin. c. 9, p. 373. — *Quæ arrogantia vanitate sua*, etc. nisi cum Gron. et Bauero malis *qua vanitate... offendebant*. — Vulgatam servant MSS: arrogantia Ætolorum per vanam falsamque virium et meritum ostentationem omnium aures offendebat. Eb.

CAP. XII. 1. *Induciæ XV dierum legatis Philippi petentibus datæ... in consilium* (vide ad I, 54, n. 1) *advocavit socios*, etc. conf. Polyb. XVIII, 16, 19, 20, et Appian. Maced. VII, 1. *Advocatis sociis retulit* malebat Gron. Poterat sic Livius; sed voluit aliquando minutatim et carptim scribere; Bauer. *Advocavit socios, ad quos vel et ad eos retulit, vel advocavit, et ad socios retulit* conj. Drak. Sed *retulit* h. l. dictum pro *retulit ad consilium*; quod tum ex præcc. (in consilium advocavit), tum ex seqq. intelligitur; vid.

Romanis, satis potens tuendæ simul pacis libertatisque² esset. Ætolorum asperior oratio fuit, qui pauca præfati, recte atque ordine imperatorem romanum facere, quod, quos belli socios habuisset, cum iis communicaret pacis consilia: falli autem eum tota re³, si aut Romanis pacem, aut Græciæ libertatem satis firmam se credat relicturum, nisi Philippo aut occiso, aut regno pulso; quæ utraque proclivia esse, si fortuna uti vellet. Ad hæc Quintius negare, Ætolos aut moris Romanorum memores⁴, aut sibi ipsis convenientem sententiam dixisse; et illos prioribus omnibus conciliis colloquiisque de conditionibus pacis semper, non ut ad internecionem bellaretur, disseruisse, et Romanos, præter vetustissimum morem victis parcendi, præcipuum clementiæ documentum dedisse, pace Hannibali et Carthaginensibus data. Omittere se Carthaginenses: cum Philippo ipso quoties ventum in colloquium? nec umquam, ut cederet regno, actum esse. An, quia victus prælio foret, inexpiabile bellum factum? Cum armato hoste infestis animis concurrere debere: adversus victos mitissimum quemque animum maximum habere⁵. Libertati Græciæ

ad XXVI, 2, n. 3. Hinc et patet, conjecturam Gron. ab h. l. alienam esse.

2. *Satis potens tuende simul pacis libertatisque*, h. e. *simul libertatis*; ut passim; vid. Gron. et Drak. — *Qui, pauca præfati*, forte *profati*, sc. *sunt* vel dixerunt. *Paucis* malebat Bauer. ob seq. infinit. Cur ita *autem* redundet post *falli*, quod idem monet, non adsequor. Hoc *autem* referendum ad quidem in superioribus omissum supplendumque: *Recte quidem atque ordine* (vide ad XXIV, 31, n. 3), etc.

3. *Falli autem eum tota re*, τοῖς δ'

ἔλοις πράγμασιν ἀγνοεῖν καὶ παραπίπτειν αὐτόν, Polyb. XVIII, 19, n. 6.

4. *Ætolos aut moris Romanorum memores*, sc. *esse*. *Memorem... sententiam* emend. Gron. Conf. ad III, 36, n. 8. Bene et de more Nostrī: necessarium tamen non est; Bauer.

5. *Adversus victos mitissimum quemque hominem animum maximum habere*; nisi legere *malis haberi* et *mitissimum quemque animum* jungere, vel potius cum Duk. verba sic trajicere *maximum quemque mitissimum animum habere*, ut *mitissimus animus*

videri graves Macedonum reges: si regnum gensque tollatur, Thracas, Illyrios, Gallos⁶ deinde, gentes feras et indomitas, in Macedoniam se et in Græciam effusuras: ne, proxima quæque amoliendo, majoribus gravioribusque aditum ad se facerent. Interfanti deinde Phæneæ prætori Ætolorum, testificantique, si elapsus eo tempore Philippus foret, mox gravius eum rebellaturum, « Desistite tumultuari, inquit, ubi consultandum est: non iis conditionibus illigabitur « pax⁷, ut movere bellum possit ».

XIII. Hoc dimisso concilio, postero die rex ad fauces, quæ ferunt in Tempe¹ (is datus erat locus colloquio), venit: tertio die datur ei Romanorum ac sociorum frequens concilium. Ibi Philippus perquam

opponatur infesto, et victus hostis armato. Conf. intpp. Ovid. Trist. III, 5, v. 31 (*Quo quisque est major, magis est placabilis ira*), et verba Polyb. XVIII, 20, n. 7, a Livio expressa: Πολιμοῦντας γὰρ δεῖ τοὺς ἀγαθοὺς ἀνδράς βαρεῖς εἶναι καὶ θυμικοὺς, ἤπτωμένους δὲ γενναίους καὶ μεγαλόφρονας, νικῶντάς γε μὴν μετρίους καὶ πραεῖς καὶ φιλανθρώπους. Vox *animum* non exstat in MS, probb. Horrione et Gron. Sed hic ex præc. membro eam repetendam, ille *haberi* reponendum putabat.

6. *Thracas, Illyrios, Gallos*: qui Galli h. l. retinendi vel ob XLV, 30: nec pro iis substituendi *Triballi*; et hi Galli sunt Scordisci: nam qui Delphos oppugnaverant, amisso Brenno duce, pars in Asiam, pars in Thraciam extortes fugerunt; unde per eadem vestigia, quæ venerant, antiquam patriam repetivere: quod ex Liv. Epit. 63, et Justino, XXXII, 3, notum; Gron. Conf. et Polyb. XVIII, 20.

7. *Non iis conditionibus illigabitur*

pax; forte leg. *pacis* cum Gron. (conf. XXXVI, 11 pr.) vel *illi dabitur pax* cum Rubenio. — Creverii nota est: « frustra hæc suspecta sunt Gronovio: quid enim vetat dici illigatam pacem, id est, iis conditionibus, tanquam vinculis adstrictam, ut solvi facile non possit? Immo elegantius illa velut vincula videntur tribui paci quam Philippo ». Conjecturam Rubenii impugnat Jacobs. quia verbum *illigari*, quod elegans est et apud Livium frequens, obliterari nolit. Hinc legendum proponit *rex pro pax*. Vulgatam servarem; et hunc loquendi modum: *pax bellum movere possit* (id est, belli alterius sit causa), defendere puto Cicer. locus de Nat. Deor. II, 19: *Sol ita movetur, ut, quum terras larga luce compleverit, easdem... opacet.* Ed.

CAP. XIII. 1. *Ad fauces, quæ ferunt in Tempe*, πρὸς τὴν εἰσοδὴν τῶν Τιμπῶν, etc. conf. Polyb. XVIII, 21, 22. — *Datus erat locus*, forte *dictus*; Gron. Sed vid. Duk. ad Flor. III, 3, n. 14.

prudenter, iis, sine quibus pax impetrari non poterat, sua potius voluntate omissis², quam ut altercando extorquerentur, *quæ priore colloquio aut imperata a Romanis, aut postulata ab sociis essent, omnia se concedere, de cæteris senatui permissurum*, dixit. Quanquam vel inimicissimis omnibus præclusisse vocem videbatur, Phæneas tamen Ætolus, cunctis tacentibus, « Quid? nobis, inquit, Philippe, reddisne « tandem Pharsalum et Larissam Cremasten et Echi- « num et Thebas Phthias? » Quum Philippus nihil morari diceret, quo minus reciperent; disceptatio inter imperatorem romanum et Ætolos orta est de Thebis³: nam, eas populi romani jure belli factas⁴ esse Quintius dicebat, quod, integris rebus, exercitu ab se admoto, vocati in amicitiam, quum potestas libera desciscendi ab rege esset, regiam societatem romanæ præposuissent. Phæneas, et pro societate belli, quæ ante bellum habuissent, restitui Ætolis æquum censebat, et ita in fœdere primo cautum esse⁵, ut belli præda, rerumque quæ ferri agique possent, Romanos, ager

2. *Sua potius voluntate omissis, forte remissis*; Duk. coll. IV, 43; VI, 17, 18; XXXV, 45. Sic et mox *omnia se concedere*, ut apud Polyb. πάντα συγγράσειν καὶ ποιήσειν. — *Imperata a Romanis, imperatōμενα* Polyb. Conf. XXXII, 35. — *De cæteris senatui permissurum*; vide ad IX, 43, n. 4. — *Inimicissimis, forte iniquissimis*; Gron.

3. *Disceptatio inter imperatorem rom. et Ætolos orta est de Thebis, etc.* hæc repugnant et verbis Quintii mox laudatis fœderis que interpretationi, et perspicuæ Polybii (XVIII, 21) narrationi, in qua vertenda labi potuisse Livium mireris. Ex utraque patet, Thebas Phthioticas, easque solas, ut

pote vi captas, Ætolis a Quintio concessas fuisse, non vero reliquas Thessaliæ civitates, quæ sua voluntate in ditionem romanam venerint. De quo errore Livii et causa ejus vid. Perizon. Anim. hist. c. 9, p. 385 sq.

4. *Eas populi rom. jure belli factas esse*: cui adversari videtur sup. cap. 5. Captæ ergo Thebæ vi, vel certe metu coactæ in ditionem rom. venisse videntur statim post victum jam regem: quod tamen, ut multa alia, Livius suo loco annotare neglexit, vel ex hoc demum intelligi voluit; Periz.

5. *Et ita in fœdere primo captum esse, etc.* vid. XXVI, 24. — *Quæ rerum ferri agique possent*; vide ad III, 37, n. 4.

urbesque captæ Ætolos sequerentur⁶. « Vos, inquit, « ipsi, Quintius, societatis istius leges rupistis⁷, quo « tempore, relictis nobis, cum Philippo pacem feci- « stis : quæ si maneret, captarum tamen urbium illa « lex foret. Thessaliæ civitates sua voluntate in ditio- « nem nostram venerunt. » Hæc, cum omnium so- ciorum assensu dicta, Ætolis non in præsentia modo gravia auditu, sed mox belli etiam causæ⁸ magna- rumque ex eo cladum iis fuerunt. Cum Philippo ita convenit, ut Demetrium filium et quosdam ex ami- corum numero obsides et ducenta talenta daret : de cæteris Romam mitteret legatos : ad eam rem quatuor mensium induciæ essent. Si pax non impetrata ab se- natu foret, obsides pecuniamque reddi Philippo re- ceptum est⁹. Causa romano imperatori non alia major fuisse dicitur pacis maturandæ, quam quod Antio- chum¹⁰ bellum transitumque in Europam moliri constabat.

XIV. Eodem tempore, atque, ut quidam tradidere, eodem die ad Corinthum Achæi ducem regium An- drosthenem justo prælio fuderunt. Eam urbem pro arce habiturus¹ Philippus adversus Græciæ civitates,

6. *Urbes captæ Ætolos sequerentur*; vide ad XXVIII, 21, n. 4.

7. *Vos ipsi societatis istius leges rupistis*, etc. quod Ætolis etiam objicitur XXIX, 12; XXXI, 29, 31. Sed in eo Romanorum potius culpam fuisse, patet ex XXIX, 12 pr.

8. *Sed mox belli etiam causæ*, bellorum a Romanis adversus Ætolos et Antiochum gestorum. Conf. Polyb. XXVIII, 22. *Causa* malebat Crev. — *Magnarumque ex eo cladum iis fuerunt*: « cur iis, quum jam sit Æto- lis? Nempe quia clades et aliis, alteri parti, accidere possent. Etiam, comi-

mate post iis posito, ut ad *cladium* referatur, minus redundet; » Bauer. Sed vide ad I, 19, n. 1. — *Cum Phil-ippo ita convenit*; vide ad I, 3, n. 4. — *Ducenta talenta*, ita non modo Ap- pian. Maced. VII, 2, sed et Polyb. XVIII, 22, § 5, ex MS Bavar.

9. *Reddi Philippo receptum est*; vide ad VII, 14, n. 1.

10. *Quam quod Antiochum*, etc. quodque bello renovato a Philippo verebatur, ne consul alter adveniret et omne rerum gestarum decus ad se traheret. Conf. Polyb.

CAP. XIV. 1. *Eam urbem pro arce*

et principes inde evocatos per speciem colloquendi, quantum equitum dare Corinthii ad bellum possent, retinuerat pro obsidibus, et, præter quingentos Macedonas mixtosque ex omni genere auxiliorum octingentos, quod jam ante ibi fuerat², mille Macedonum eo miserat, et mille ac ducentos Illyrios Thracasque, et Cretenses, qui in utraque parte militabant, octingentos. His additi Bœoti Thessalique et Acarnanes mille, scutati omnes, et ex ipsorum Corinthiorum juventute, impleta ut essent sex millia armatorum, fiduciam Androsthene fecerunt acie decernendi. Nicostratus prætor Achæorum Sicyone erat cum duobus millibus peditum, centum equitibus, sed, imparem se et numero et genere militum cernens, mœnibus non excedebat. Regiæ copiæ peditum equitumque vagæ Pellenensem et Phliasium et Cleonæum agrum depopulabantur. Postremo, exprobrantes metum hosti, in fines Sicyoniorum transcendebant: navibus etiam circumvecti omnem oram Achaiæ vastabant. Quum id effusius hostes, et, ut fit ab nimia fiducia, negligentius etiam facerent, Nicostratus, spem nactus necopinantes eos aggrediendi, circa finitimas civitates nuntium occultum mittit³, quo die et quot ex quaque civitate armati ad Apelaurum (Stymphaliæ terræ is locus est) convenirent. Omnibus ad diem edictam paratis, profectus

habiturus, etc. vide ad IV, 31, n. 8.

2. *Quod* (quantum eorum) *jam ante ibi fuerat*: aut deest vox *præsidium*, aut scribendum *qui jam a. i. fuerant*; Gron. quem tamen similia in Obs. III, 2, defendisse monet Duk. Forte leg. *quot jam a. i. fuerant*. Idem suspicabatur Drak. — *Scutati omnes*; vide ad VIII, 8, n. 3.—Walchius, Emend. pag. 172, vult numerum Corinthiorum excidisse; quippe calculos si sub-

ducis, summa omnium non efficit sex millia, sed millia quinque tantum et trecentos: itaque scriberet *et DCC* (id est, septingenti) *ex ipsorum*, etc. En.

3. *Nunt. occultum mittit, quo*, etc. vide ad VIII, 19, n. 10. — *Ad Apelaurum, Stymphaliæ terræ locum*, τὸ Ἀπὲλαυρον, mons imminens Stymphalo, Arcadiæ oppido, memoratur Polyb. IV, 69, n. 1. — *Ad diem edictam, forte dictam*; Drak.

inde extemplo, per Phliasiorum fines nocte Cleonas, insciis omnibus, quid pararet, pervenit. Erant autem cum eo⁴ quinque millia peditum (ex quibus... armaturæ levis), et trecenti equites. Cum iis copiis, dimissis, qui specularentur, quam in partem hostes effunderent sese, opperiebatur.

XV. Androsthene, omnium ignarus, Corintho profectus, ad Nemeam¹ (amnis est Corinthium et Sicyonium interfluens agrum) castra locat. Ibi parte dimidia exercitus dimissa, dimidiam trifariam divisit, et omnes equites discurrere ad depopulandos simul Pel-lenensium Sicyoniumque agros et Phliasium jubet: hæc tria diversa agmina discessere. Quod ubi Cleonas ad Nicostratum perlatum est, extemplo validam mercenariorum manum præmissam ad occupandum saltum, per quem transitus in Corinthium est agrum, ante signa equitibus, ut prægrederentur, locatis, ipse confestim agmine duplici sequitur. Parte una mercenarii milites ibant cum levi armatura, altera clypeati,

4. Erant autem cum eo... opperiebatur edidi exemplo Crev. ex probabili emend. Jac. Periz. pro vulg. quinque millia peditum, ex quibus armaturæ levis, et CCC equites, cum iis copiis dimissi... opperiebantur. Numerus levis armaturæ militum excidiisse videtur, et cum copiis opperiebatur dictum, ut apud Sall. Jug. 91; ubi vid. Cort. Audacior et minus apta est Gron. mutatio vulg. lect. ex quibus armaturam levem et trecentos equites cum iis (sc. militibus levium armorum) dimissos... opperiebatur.

CAP. XV. 1. Ad Nemeam; vid. Strab. VIII, 382. — Ibi parte dimidia exercitus dimissa, immo secum retenta vel quid simile: nam si Androsthene partem exercitus dimidiam dimi-

sisset, et dimidiam trifariam divisam agros hostium populari jussisset, nullum castris præsidium relictum fuisset: sed contrarium ex seqq. patet; Crev. Considerare jussa conj. Drak. Ne sic quidem omnia satis plana sunt, nisi etiam scripseris trifariam divisit et cum omnibus equitibus discurrere... jussit. Sufficiunt autem hæc: Ibi partem dimidiam exercitus, divisam trifariam, et omnes equites, etc. Reliqua et languent, et sensum turbant.—Vulgatam defendere conatur Walchius, Emend. pag. 116, nullamque in ea offendendi causam videt, quia proprie capitur *dimittere* de militibus abire jussis in suum quibusque locum, imperatore etiam tum in ordinandis instruedisque cæteris occupato. Sic apud

dein aliarum gentium² exercitus¹ robur erat. Jam haud procul castris aberant pedites equitesque, et Thracum quidam in vagos palatosque per agros hostes impetum fecerunt, quum repens terror castris infertur. Trepidare dux, ut qui hostes nusquam, nisi raro in collibus ante Sicyonem³, non audentes agmen demittere in campos, vidisset; ad Cleonas quidem accessuros nunquam credidisset. Revocari tuba jubet vagos a castris dilapsos: ipse, raptim capere arma jussis militibus, infrequenti agmine porta egressus, super flumen instruit aciem. Cæteræ copiæ, vix colligi atque instrui quum potuissent, primum hostium impetum non tulerunt. Macedones et maxime omnium frequentes ad signa fuerant, et diu ancipitem victoriæ spem fecerunt: postremo fuga cæterorum nudati, quum duæ jam acies hostium ex diverso, levis armatura ab latere, clypeati cætratique⁴ a fronte urgerent; et ipsi, re inclinata, primo retulere pedem; deinde impulsu terga vertunt, et plerique, abjectis armis, nulla spe castrorum tenendorum relicta, Corinthum petierunt. Nicostratus, mercenariis militibus ad hos persequen-

Suet. Aug. 49: *reliquas* (cohortes) in hiberna et æstiva circa finitima oppida dimittere adsuerat. Conjunctionem quoque in seqq. desiderat, sensuique ita medetur: *dimidiam (trifariam divisit) et omnes*, etc. Ed.

2. *Altera clypeati, dein aliarum gentium*, etc. sed nulla adhuc gens memorata est. *Altera clypeati Achæorum, dein aliarum gentium*, sc. clypeati exercitus robur erat conj. Crev. et *altera clypeati, qd in* (h. e. quod in) *illarum gentium* (Græcorum et finitarum civitatum, ad quas occultum nuntium de mittendis armatis Nicostratum misisse, cap. præc. traditur)

exercitibus (ita unicus MS) *robur erat* Drak. — *Jam haud procul castris aberant*, sc. Androstheneis, ad Nemeam fl. locatis. — *Impetum fecerunt*, forte fecerant, ob præc. aberant; Crev. et Drak.

3. *Ut qui hostes nusquam, nisi in collibus ante Sicyonem*, idque raro, vidisset; nisi leg. raros, et ob id non audentes descendere in campos; Duk. Sic cap. 1, *rara arma paucique milites*, etc. — *Super flumen Nemeam instruit aciem*; vide supra ad librum I, cap. 2, n. 3.

4. *Clypeati cætratique... impulsu*; vide ad I, 14, n. 8; XXI, 21, n. 6.

dos, equitibus Thracumque auxiliis in p̄pulos agri Sicyonii missis, magnam ubique cædem⁵ edidit; majorem prope, quam in prælio ipso. Ex iis quoque, qui Pellenen Phliuntaque depopulati erant, incompositi partim omniumque ignari, ad castra revertentes, in hostium stationes, tamquam in suas, illati sunt; partim, ex discursu id, quod erat, suspicati, ita se in fugam passim sparserant, ut ab ipsis agrestibus errantes circumvenirentur. Ceciderunt eo die mille et quingenti, capti trecenti: Achaia omnis magno liberata metu.

XVI. Prius quam dimicaretur ad Cynoscephalas, L. Quintius, Corcyram excitis Acarnanum principibus, quæ sola Græciæ gentium in societate Macedonum manserat, initium quoddam ibi motus fecit. Duæ autem maxime causæ eos tenuerant in amicitia regis; una fides insita genti, altera metus odiumque Ætolorum. Concilium Leucadem indictum est: eo neque cuncti convenere Acarnanum populi, nec ipsis, qui convenerant, idem placuit; sed et principes et magistratus¹ pervicerunt, ut privatum decretum romanæ societatis fieret. Id omnes, qui abfuerant, ægre passi; et in hoc fremitu gentis a Philippo missi duo principes Acarnanum, Androcles et Echedemus, non ad tollendum modo decretum romanæ societatis value-

5. *Magnam ubique cædem edidit; lege utrobique*: duo enim genera significat, in quibus sit cædes facta, alteram eorum, qui ex prælio fugerant, alteram populorum agri Sicyonii; Gron.—*Passim sparserant, forte sparserunt*; Crev.

CAP. XVI. 1. *Sed et principes et magistratus*: forte leg. *duo principes et magistratus*, Archelaus ac Bianor cum

Zeuxida; Gron.—*Privatum decretum, non totius Acarnanum gentis nominatum, sed quorundam tantum populorum*; Crev. — *Ipsis, iis ipsis*; vide ad V, 43, n. 5. — Goeller in cod. membranaceo legi testatur *nec in iis*; a qua scriptura cur recedatur non videt. Ed. — *Duo missi*, Jacobs mallet *submissi*, id est, subornati; vid. Drak. ad VI, 6, 4. Ed.

runt, sed etiam ut Archelaus et Bianor, principes gentis ambo, quod auctores ejus sententiæ fuissent, proditionis in concilio damnarentur, et Zeuxidæ prætori, quod de ea re retulisset, imperium abrogaretur. Rem temerariam, sed eventu prosperam, damnati fecerunt: suadentibus namque amicis, cederent tempori et Corcyram ad Romanos abirent, statuerunt offerre se multitudini², et aut eo ipso lenire iras, aut pati, quod casus tulisset. Quum se frequenti concilio intulissent, primo murmur ac fremitus admirantium, silentium mox a verecundia simul pristinae dignitatis ac misericordia præsentis fortunæ ortum est. Potestate quoque dicendi facta, principio suppliciter, procedente autem oratione, ubi ad crimina diluenda ventum est, cum tanta fiducia, quantam innocentia dabat, disseruerunt; postremo, ultro aliquid etiam queri et castigare iniquitatem simul in se crudelitatemque ausi, ita affecerunt animos, ut omnia, quæ in eos decreta erant, frequentes tollerent, neque eo minus redeundum in societatem Philippi abnuendamque Romanorum amicitiam censerent.

XVII. Leucade hæc sunt decreta: id caput Acarnaniæ¹ erat, eoque in concilium omnes populi conveniebant: itaque, quum hæc repentina mutatio Corcyram ad legatum Flamininum² perlata esset, extemplo cum classe profectus, Leucade ad Heræum, quod vocant, naves applicuit. Inde cum omni genere tormentorum machinarumque, quibus expugnantur ur-

². *Offerre se multitudini*, quæ Leucade erat.

CAP. XVII. 1. *Leucade... id caput Acarn.* vide supra ad librum XXVI, cap. 26, n. 1.

². *Ad legatum Flamininum*, L.

Quintium.—*Leucade* (al. *Leucadem*) ad *Heræum*, templum Junonis, non longe ab urbe remotum, ut Apollinis Leucadii et Veneris *Æneadis*; *Drak. Conf. Palmer. Græc. Ant. III, 10, pag. 412.*

bes, ad muros accessit, ad primum terrorem ratus inclinari animos posse. Postquam pacati nihil ostendebatur, tum vineas turresque erigere, et arietem admoveere muris cœpit. Acarnania universa, inter Ætoliā atque Epirum posita, solem occidentem et mare Siculum spectat. Leucadia nunc insula³, et vadoso freto, quod perfossum manu est, ab Acarnania divisa, tum peninsula erat, occidentis regione arctis faucibus cohærens Acarnaniæ. Quingentos ferme passus longæ fauces erant; latæ haud amplius centum et viginti: in his angustiis Leucas posita est, colli applicata verso in orientem et Acarnaniam. Ima urbis plana sunt, jacentia ad mare⁴, quo Leucadia ab Acarnania dividitur: inde terra marique expugnabilis est; nam et vada sunt stagno similiora, quam mari; et campus terrenus omnis operique facilis⁵. Itaque multis simul locis aut subruti, aut ariete decussi ruebant muri: sed quam urbs ipsa opportuna oppugnantibus erat, tam inexpugnabiles hostium animi. Die ac nocte intenti reficere quassata muri, obstruere, quæ patefacta ruinis erant, prælia impigre inire; et armis magis muros, quam se ipsos mœnibus, tutari: diutiusque spe Romanorum obsidionem eam extraxissent, ni exsules quidam italici generis, Leucade habitantes, ab arce milites accepissent⁶. Eos tamen, ex superiore loco magno cum tumultu decurrentes, acie in foro in-

3. *Leucadia nunc insula*, etc. vide ad XXVI, 26, n. 1. — *Occidentis regione*, parte, quæ occidentem spectat; Drak.

4. *Jacentia ad mare*, forte *patentia ad mare*, planities usque ad mare porrecta; Gron. Sed *jacentia* sunt vel humiliora, respectu reliquæ partis colli applicatæ (vide ad Sil. VI, 645, et

XII, 132), vel simpl. sita, posita; Drak.

5. *Operique facilis*; vide ad III, 70, n. 1; V, 22, n. 7; XXI, 57, n. 7. — *Ariete decussi muri*; vide ad XXI, 12, n. 1.

6. *Ab arce milites accepissent*, ab ea parte, qua arx erat; Ern. Conf. ad VIII, 17, n. 5. *In arcem* conj. Drak.,

structa, justo prælio aliquamdiu Leucadii sustinuerunt. Interim et scalis capta multis locis mœnia, et per stragem lapidum ac ruinas transcensum in urbem; jamque ipse legatus magno agmine circumvenerat pugnantes. Pars in medio cæsi⁷; pars, armis abjectis, dediderunt sese victori. Et post dies paucos, audito prælio, quod ad Cynoscephalas pugnatum erat, omnes populi Acarnaniæ in deditionem legati⁸ venerunt.

XVIII. Iisdem diebus, omnia simul inclinante fortuna, Rhodii quoque ad vindicandam a Philippo continentem regionem (Peræam vocant¹), possessam a majoribus suis, Pausistratum prætorém cum octingentis Achæis peditibus, mille et nongentis fere² armatis, ex vario genere auxiliorum collectis, miserunt. Galli

vel *Leucade habitantes in arce, m. a.*

7. *Pars in medio cæsi*, etc. vide ad I, 41, n. 1.

8. *In deditionem legati* L. Quintii venerunt, se ei dederunt; Drak. — Creverius jubet omnino legi *in ditionem*; cui Drak. opponit, in ditionem populi rom. non ducum rom. populos victos tradi solere. At Benedictus in Obs. ad Liv. Hist. rom. parte III, p. 9, ait pariter dicendi consuetudine suspectam reddi lectionem vulgatam *in deditionem legati*, quia semper in aliis locis genitivus casus personæ; cui se populi tradiderunt, omittitur; itaque locum sic mutandum censet, *in deditionem legati venerunt*. Ed.

CAP. XVIII. 1. *Continentem regionem, Peræam vocant*, immo *continentis*; Duk. Conf. XXXII, 33, n. 7, et ad XLIV, 28, n. 7. Tota Asia est regio continens.—*Pausistratum prætorém*, qui Πανσιμαχος dicitur Apiano Syr. 23, 24, et vitiose Ναυσίστρατος Polyæn. Strat. V, 27; et Πασίστρατες Polyb. XXI, 5, § 1 et

5; ubi vid. Schweigh. Conf. Drak. inf. ad XXXVII, 9, n. 5.

2. *Cum octingentis Achæis peditibus, mille et nongentis ferme armatis*: sed *pedites quoque sunt armati*; unde *leg. nongentis levi armatu* (ut sup. c. 3, *haud dispari armatu*), vel *leviter armatis*, ut *infra equites levisque armaturæ quod erat*; Gron. Sed *armatos simpl. milites*, vel *milites, justis armis, non disparibus*, ut *plerumque auxiliares, instructos, dici putabat Duk.*; et Drak. vix verisimile videri monet, 1900 *leviter armatos fuisse in tam parvo Rhodiorum exercitu*. Nam *mox legimus, accessisse mille Achæos pedites cum centum equitibus*, et *Rhodiis non plus tria millia peditum fuisse et centum ferme equites*. Quibus verbis si junxeris illa: *Rhodi Achæos dextro cornu, sinistro mercenarios milites, lectam peditum manum, habere, medios mixta ex pluribus gentibus auxilia*, etc. probabile sit, Livium h. l. scripsisse: *Pausistratum prætorém cum octingentis mercenariis pe-*

et Nisuetæ et Pisueta³, Tamiani et Arei ex Africa, et Laodiceni ex Asia erant: cum his copiis Pausistratus Tendeba in Stratonicensi agro⁴ locum peropportu- num, ignaris regiis, qui tenuerant, occupavit. In tem- pore, et ad ipsum excitum auxilium, mille Achæi pedites cum centum equitibus, supervenerunt. Theo- xenus iis præerat. Dinocrates, regius præfectus, recu- perandi castelli causa, primo castra ad ipsa Tendeba movit, inde ad alterum castellum, item Stratonicensis agri; Astragon vocant; omnibusque ex præsiidiis, quæ multifariam disjecta erant, devocatis⁵, et ab ipsa Stra- tonicea Thessalorum auxiliaribus, Alabanda, ubi ho- stes erant, ducere pergit: nec Rhodii pugnam detre- ctaverunt; atque, castris in propinquum collatis, extemplo in aciem descensum est. Dinocrates quin- gentos Macedonas dextro cornu, lævo Agrianas locat: in medium accipit contractos ex castellorum (Cares

ditibus, mille et ducentis fere arma- tis, etc. Ita, ni fallor, omnia egregie coherent. In vulgata autem lect. et nu- merus militum haud congruit, et illud offendit, quod vix major quam tertia totius exercitus (3000 peditum) pars in sinistro cornu, in media acie et in cornibus fuit, si 1800 Achæi dextrum tenuerunt cornu. In priorem nodum incidit etiam Gron. sed minus proba- bilis videtur ratio, qua eum solvit; vid. n. 7.

3. *Galli et Nisuetæ et Pisueta;* scribendum *et Pisueta et Nisuetæ:* nam *Pisueta* non erant *ex Africa*, at *Nisuetæ, Tamiani et Arei*, qui ita junguntur; Gron. Πισύη vel Πιτύη, πόλις Καρίας; apud Steph. Νίσουα opp. Africæ, inter Carain et Clypeam si- tum, apud Ptol. IV, 3.

4. *Tendeba in Stratonicensi agro,* Τένδεβα, πόλις Καρίας, apud Steph.

Tendeba ex emend. Freinsh. pro vulg. tendebat. — Ignaris regiis, qui tenuerant: « An credibile est, nullum in eo castello, tam opportuno, præsidium fuisse? et qua de causa deseruerunt, quod occupatum ab hostibus *recupere* sunt aggressi? Nec habeo, quod supponam, nisi forte nimis audacter: *ignaris regiis, qui Stratoniceæ erant.* Felicius forte Rubenius: *qui Theraæ erant.* Thera enim urbs Perææ regionis, Rhodo insulæ opposita apud Ptol. et Steph. » Gron.

5. *Omnibusque ex præsiidiis... devocatis:* « cogitabam *evocatis* ex Lucano, I, 394; sed nihil tentandum credo, quia mox dicit *contractos ex castellorum præsiidiis*, et castella fere sunt in locis editoribus; Duk. Conf. IV, 39; VI, 20, et intpp. Phædri, I, 20, 2. Paulo post *equites cornibus circumdat. Cretensium auxiliares*

maxime erant) præsiidiis : equites cornibus circumdat et Cretensium auxiliares Thracumque. Rhodii Achæos dextro cornu, sinistro mercenarios milites, lectam peditum manum, habuere; medios mixta ex pluribus gentibus auxilia : equites levisque armaturæ quod erat, cornibus circumjectum. Eo die steterunt tantum acies utræque super ripam, qui tenui aqua interfluebat, torrentis; paucisque telis emissis, in castra receperunt sese. Postero die eodem ordine instructi majus aliquanto prælium, quam pro numero⁶, edidere, pugnantium; nec enim plus terna millia peditum fuere, et centeni ferme equites : cæterum non numero tantum, nec armorum genere, sed animis quoque paribus et æqua spe pugnarunt. Achæi primi, torrente superato, in Agrianas impetum fecere; deinde tota prope cursu transgressa amnem acies est : diu anceps pugna stetit : numero Achæi mille et ipsi quadringentos⁷ loco expulere : inclinatus dein dextrum omne cornu⁸. Macedones, usque dum ordine et velut stipata phalanx con-

Thracumque Rhodia cohors dextro cornu, etc. male legebatur ante Cler. et Drak. Veram Livio lectionem restituit Jac. Periz. Conf. n. 2.

6. *Majus aliquanto prælium, quam pro numero; vide ad II, 39, n. 1, et VII, 33, n. 2.—Nec enim plus terna millia peditum fuere, et centeni equites; conf. n. 2.*

7. *Numero Achæi mille et ipsi quadringentos, «immo mille et ipsos octingentos : significat enim, pari numero Achæos et Agrianas fuisse; Achæi autem 1800 erant: nam 800 habebat olim Pausistratus, et Theoxenus adduxerat alios mille. Nec mirandum supra ab Rhodiorum partibus 3700 colligi, dein dici, 3000 tantum pugnasse. Accipio enim partem auxiliorum cu-*

stodie castrorum et Tendeborum relictam». Gron. Mea qualicumque sententia legendum : numero Achæi mille et ipsi Agrianas loco expulere. Conf. n. 2; ex qua probabile fit, non nisi mille Achæos pedites, a Theoxeno adductos, et Agrianibus numero pares, in Rhodiorum exercitu fuisse.

8. *Inclinatus dein dextrum cornu. «Atqui in eo stabant Macedones, de quibus dicturus est. Quomodo autem hi sunt lævo latere nudati altero eorum cæso? Nonne lævum illorum latus protegebat acies media? Inclinato dein dextrum omnis cornu ed. pr. Ald. Savet. et Frob. Scribe: Inclinata dein omnis media acies. Dextrum cornu, Macedones, usque dum ordines, etc.» Gron. Possis et: Inclinatus dein me-*

sistebat, mōveri nequiverunt. Postquam, lævo latere nudato; circumjacere hastas in venientem ex transverso hostem conati sunt, turbati extemplo tumultum primo inter se fecerunt; terga deinde vertunt; postremo, abjectis armis, in præcipitem fugam effusi, Bargylas petentes fugerunt: eodem et Dinocrates perfugit. Rhodii, quantum diei superfuit, sequuti, receperunt se ad castra. Satis constat, si confestim victores Stratoniceam petissent, recipi eam urbem sine certamine potuisse. Prætermissa ejus rei occasio est, dum in castellis vicisque Perææ recipiendis tempus teritur. Interim animi eorum, qui Stratoniceam præsidio obtinebant, confirmati sunt: mox et Dinocrates cum iis, quæ prælio supererant, copiis intravit muros. Nequidquam inde obsessa oppugnataque urbs est. Recipi, nisi aliquanto post, per Antiochum non⁹ potuit. Hæc in Thessalia, hæc in Achaia, hæc in Asia per eosdem dies ferme gesta.

XIX. Philippus quum audisset, Dardanos, transgressos fines ab contemptu concussi tum regni¹, superiora Macedoniae evastare, quamvis toto prope orbe

dum omne. Cornu Macedonum, usque dum, etc. vel Inclinant dein sensim omnes Cares: Macedones, etc.

9. *Per Antiochum non potuit recipi*; vide ad V, 12, n. 6. Rem ita expedit Drak. «Victo Philippo, Romanos Rhodiis dono dedisse Stratoniceam aliasque urbes Cariæ, quas Philippus tenuisset, Valerius Antias narravit; vid. XXXIII, 30. Verum aut erravit, aut res exitum sortita non est. Antiochus enim has aliasque Asiæ civitates a Philippo possessas, averso eo in romanum bellum et fracto, per occasionem intercepit, XXXIII, 34, 39. In Antiochi potestate substitere

urbes, donec is a Romanis victus omni Asia cis Taurum cessit: quo tempore Rhodiis data est Lycia et Caria, XXXVIII, 39 ».

CAP. XIX. 1. *Ab contemptu* (vid. I, 1, n. 5) *concussi tum regni*, labefactati, graves jacturas cladesque passi; vide ad XXII, 34, n. 1. Hæc est certissima Periz. emendatio, a Crev. jam et Drak. recepta. In autt. edd. legitur *ab contentu concessit cum regni*, vel simpl. *regni*, deletis quatuor vocibus, quas pro supervacuis induxerat Gelen. *Ab contemptu concessit tum* aut *velut regni* conj. Gron. ut sensus sit, Philippum, contrahendo

terrarum, undique se suosque profligante fortuna, urgebatur, tamen morte tristius ratus, Macedoniae etiam possessione pelli, delectu raptim per urbes Macedonum habito, cum sex milibus peditum et quingentis equitibus circa Stobos Pæoniæ² improviso hostes oppressit. Magna multitudo hominum in prælio, major prædandi cupidine palata per agros cæsa est: quibus fuga expeditior fuit, ne tentato quidem casu pugnae, in fines suos redierunt. Ea una expeditione non pro reliquo statu fortunæ facta, reffectis suorum animis, Thessalonicam sese recepit. Non tam in tempore punicum bellum terminatum erat³, ne simul et cum Philippo foret bellandum, quam opportune, jam Antiocho in Syria moliente bellum, Philippus est superatus: nam, præterquam quod facilius cum singulis, quam si in unum ambo simul contulissent vires, bellatum est; Hispania quoque sub idem tempus magno tumultu ad bellum consurrexit. Antiochus quum priore ætate omnibus, quæ in Cœle Syria sunt⁴, civitatibus Ptolemæi in suam potestatem redactis, in hiberna Antiochiam concessisset; nihilo quietiores postea res habuit. Omnibus enim regni viribus con-

undique militem in bellum adversus Romanos, oppositam Dardanis regni partem præsidio nudasse, atque eam velut in prædam, se ipsum contemptui, latrocinio gaudantium populorum exposuisse. — *Se suosque profligante.* In MSS *eligente*; Goeller. e suo libro jubet legi *exigente*. Ed.

2. *Stobos Pæoniæ* opp., ut XXXIX, 53; XL, 21; XLV, 29; unde non *Pelagoniæ* cum Glar. substituendum ex Ptol. III, 13. Strab. in Exc. 19 libri VII, pag. 331, dicit, *οἱ Παίονες; Πελαγονίαι; ἐπαλοῦντο*, et a Plinio, IV, 10, Pelagones numerantur in Pæoniæ

gentibus. — Vid. Cellar. Geog. Ant. II, 13, 66a. Ed.

3. *In tempore punicum b. t.*; vide ad II, 47, n. 4. — *In Syria moliente bellum.* Goeller. dat e cod. Bamb. *ex Syria movente*, quod verius existimat Jacobs, quanquam *moliri* quoque cum præpositione jungatur. Ed.

4. *Quæ in Cœle Syria sunt* (vide ad XXXI, 47, n. 1), *civitatibus Ptolemæi*, etc. vid. Polyb. V, 45 sq. 58-87. — Bamb. codicem plenius sic edere testatur Goeller. *civitatibus ex ditione Ptolemæi in suam*, etc. Ed. — *Nihilo quietiores postea res habuit*, MS et

nisus, quum ingentes copias terrestres maritimasque comparasset, principio veris præmissis terra cum exercitu filiis duobus, Ardye ac Mithridate, jussisque Sardibus se opperiri; ipse cum classe centum tectarum navium⁵, ad hoc levioribus navigiis cercurisque ac lembis ducentis, proficiscitur; simul per omnem oram Ciliciæque et Cariæ tentaturus urbes⁶, quæ in ditione Ptolemæi essent, simul Philippum (necdum enim debellatum erat) exercitu navibusque adjuturus.

XX. Multa egregia Rhodii pro fide erga populum romauum proque universo nomine Græcorum terra marique ausi sunt: nihil magnificentius, quam quod ea tempestate, non territi tanta mole imminentis belli, legatos ad regem miserunt Nephelida¹ (promontorium Ciliciæ est, inclytum fœdere antiquo Atheniensium), si eo non contineret copias suas, se obviam ituros; non ab odio ullo, sed ne conjungi cum Philippo paterentur, et impedimento esse Romanis libe-

edd. vett. ante Frob. *n. q. res Pausistratus habuit*, quod vix recte emendatum videtur.—*Filiis duobus, Ardye ac Mithridate*, qui non alibi memorantur, nisi forte ex Polyb. VIII, 25, n. 3, leg. *filiis duobus sororis*; Drak. Idem *Ardye* scripsit pro *Ardue*, quia illud nomen notum ex Polyb. V, 53, 60, et Herodoto, I, 15.

5. *Tectarum navium*; vide ad XXII, 19, n. 4.—*Ad hoc*; vide ad II, 23, n. 3.—*Cercuris*; vide ad XXIII, 34, n. 3.
 6. *Cariæ tentaturus urbes*; vide ad IX, 35, n. 1.

CAP. XX. 1. *Miserunt Nephelida* ex emend. Glar. *miserunt nec Helicinas* edd. primæ; *miserunt, ne Helicinas (promontorium, etc.) superaret. Si eo, etc.* Frob. — Pro *Nephelida* cod. Bamb. *ne Chelidonia* (promonto-

rium, etc.) superaret; si eo, etc. Chelidoniæ insulæ objectæ sunt promontorio cognomini, in mare Pamphylium et Lycium distinguentes, teste Luciano in navig. cap. 8. Vid. Strab. X, p. 982; Pompon. Mel. II, 7, 39; Avien. Descript. orb. v. 183 sq. 683 sq. Plinius, aliique; ipsum Livium infra cap. 41, citat Goeller. qui legit ex cod. Bamb. *Chelidoniæ promontorium*. Ed. — *Inclytum fœdere antiquo Athen.*, quod Cimon ab Artaxerxe Longimano expresserat; Dujat. Vid. Diodor. XII, p. 293, et Plut. Cimou. p. 486. Nescio tamen, unde patere possit, hoc fœdus ad Nephelida compositum esse; Drak. Certiora et nos scire cupimus. — *Si eo*, sc. promontorio, nisi leg. *si eo loco*; Duk. — *Non ab odio ullo*; vide ad I, 1, n. 5. — *Impedimento esse*

rantibus Græciam. Coracesium eo tempore Antiochus operibus oppugnabat. Zephyrio et Solis et Aphrodisiade et Coryco et, superato Anemurio² (promontorium id quoque Ciliciæ est), Selinunte recepto, omnibus his aliisque ejus oræ castellis, aut metu, aut voluntate, sine certamine, in deditioem acceptis, Coracesium præter spem clausis portis tenebat eum. Ibi legati Rhodiorum auditi; et quanquam ea legatio erat, quæ accendere regium animum posset, temperavit iræ, et, *legatos se Rhodum missurum*, respondit, *iisque mandaturum, ut renovarent vetusta³ jura cum ea civitate sua majorumque suorum, et vetarent eos adventum pertimescere regis; nihil his aut sociis eorum noxæ futurum fraudive: nam, Romanorum amicitiam se non violaturum, argumento et suam recentem ad eos legationem esse, et senatus honorifica in se decreta responsaque.* Tum forte legati redierant ab Roma, comiter auditi dimissique, ut tempus postulabat, incerto adhuc adversus Philippum eventu belli. Quum hæc legati regis in concione Rhodiorum agerent, nuntius venit, debellatum ad Cynoscephalas esse. Hoc nuntio accepto, Rhodiis, dempto metu a Philippo omni, erat consilium obviam eundi classe Antiocho. Illam alteram curam non omiserunt, tuendæ libertatis civitatum sociarum Ptolemæi, quibus bellum ab Antiocho imminabat: nam alias auxiliis juve-

edd. ante Frob. *imp. esset*; non minus apte.

2. *Et Coryco, et superato Anemurio, etc. forte leg. et Coryco, supra Anemurium..... Selinunte, omnibus his... acceptis*; Gron. — *In deditioem acceptis*; vide ad VIII, 20, n. 7. — Goeller. censet revocandam esse scripturam edd. Mog. et Frobenii,

omnibus vicis aliisque (præter Zephyrium, Solos, et modo dicta) castellis. Ed.

3. *Ut renovarent vetusta jura, seu fœdera*; Ant. Periz. — *Rhodiis, dempto metu... omni, erat.* Goeller. legi jubet, *Rhodii, dempto metu... omiserunt cons. ut ea respondeant æq. alteram curam non omiserunt.* Ed.

runt, alias providendo ac præmonendo conatus hostis; causaque libertatis fuerunt Cauniis, Myndiis, Halicarnassensibus⁴ Samiisque. Non operæ est persequi, ut quæque acta in his locis sint, quum ad ea, quæ proprie romani belli sunt, vix sufficiam.

XXI. Eodem tempore et Attalus rex¹, æger Thebis Pergamum advectus, moritur altero et septuagesimo anno; quum quatuor et quadraginta annos regnasset. Huic viro, præter divitias, nihil ad spem regni fortuna dederat: his simul prudenter, simul magnifice utendo, effecit, primum ut sibi, deinde ut aliis non indignus videretur regno. Victis deinde prælio uno Gallis², quæ tum gens recenti adventu terribilior Asiæ erat, regium adscivit nomen, cujus magnitudini semper animum æquavit. Summa justitia suos rexit; unicam fidem sociis præstitit³: uxorem ac liberos quatuor⁴ superstites

4. *Caunus, Myndus, Halicarnassus* Carix oppida. *Cauniis* omnes fere edd. ante Gron. qui substituit *Cauneis*, quod non minus recte dicitur; vid. Ernesti clav. Cic. in Ind. geogr. et de Cauno opp. Wessel. ad Hierocl. Synecdemum, p. 685. — *Non operæ est persequi*; vide ad I, 24, n. 10. — *Ad ea narranda vix sufficiam, vires meæ sufficiant.*

CAP. XXI. 1. *Eo tempore et Attalus rex... altero et septuag. anno moritur*, etc. vide ad cap. 2, n. 2; ad Epit. XLIX, pr. et conf. inpr. Polyb. XVIII, 24.

2. *Victis deinde prælio uno Gallis... regium adscivit nomen* primus Pergamenorum, ut vulgo putant. Conf. ad XLII, 5, n. 4; Vales. ad Polyb. l. I. Strabo, XIII, 624; Pausan. I, 8, X, 15; Spanhem. de usu et pr. num. Diss. VIII, p. 511. — *Cujus magnitudini semper unum æquavit*: forte ma-

gnitudinem animo, i. e. magnitudini nominis regii parem habuit ac præstitit animum; Duker. coll. XXXV, 43; Virg. G. IV, 132; Flor. II, 14; Burn. ad Virg. Æn. I, 716. Sane poeticum illud videtur: sed multa sunt apud Livium poetis, quam aliis scriptoribus usitata; Ern. Poetis tamen metri tantum causa interdum illud placuisse putabat idem Duk.

3. *Unicam fidem sociis præstitit*; vide ad I, 21, n. 3.

4. *Uxorem* (quæ aliis Ἀπολλωνία, aliis Ἀπολλωνίς dicitur) ac *liberos quatuor* (male duos edd. antt.) *superstites habuit*, Eumenem, Attalum, Athenæum et Philetærum; vid. inf. XLII, 55; Strab. XIII, 624; Appian. Syr. V; Plut. de frat. amore, p. 480; Suidas in Ἀτταλος, et Polyb. XXIII, 18, § 1; ubi conf. Schweigh. — In cod. Bamb. legitur *comis uxor et liberos*; inde Goeller. conjicit, *comis in*

habuit; mitis ac munificus amicis fuit; regnum adeo stabile ac firmum reliquit, ut ad tertiam stirpem possessio ejus descenderit. Quum is status rerum in Asia Græciaque et Macedonia esset, vixdum terminato cum Philippo bello, pace certe nondum perpetrata, ingens in Hispania ulteriore coortum est bellum. M. Helvius eam provinciam obtinebat: is literis senatum certior fecit, *Colcham et Luscinum*⁵ *regulos in armis esse. Cum Colcha decem et septem oppida, cum Luscinio validas urbes, Cardonem et Bardonem; et maritimam oram omnem, quæ nondum animos nudaverat*⁶, *ad finitimorum motus consurrecturam.* His literis a M. Sergio prætore, cujus jurisdictio inter cives erat, recitatis, decreverunt Patres, ut, comitiis prætorum perfectis, cui prætori provincia Hispania obvenisset, is primo quoque tempore de bello Hispaniæ ad senatum referret.

XXII. Sub idem tempus consules Romam venerunt: quibus in æde Bellonæ senatum habentibus¹, postulantibusque triumphum ob res prospere bello² gestas, C. Atinius Labeo et C. Ursanius tribunus plebis, ut separatim de triumpho agerent consules, postularunt:

uxorem et liberos (quatuor sup. habuit): Jacobs vero malit, *comis uxori et liberis (quat. etc.)*, quas probat conjecturas Kreyssig. et ipse conjiciens *quot pro quatuor.* Ed. — *Mitis ac munificus amicis*, aulicis, purpuratis, *fuit*, ex emend. Gron. pro vulg. *amicus*: διὰ τῆς εἰς τοὺς φίλους εὐσπρησίας καὶ χάριτος Polyb. XVIII, 24, § 6. — *Regnum adeo stabile*, etc. conf. Polyb. XVIII, 24, § 10. — *M. Helvius*; conf. XXXII, 27, 28; XXXIV, 10, 45.

5. *Colcham et Luscinum*, etc. vide ad XXVIII, 13, n. 3. — *Decem et*

septem oppida; forte *XXVII opp.*; Sigon. coll. XXVIII, 13.

6. *Quæ nondum animos nudaverat*, aperuerat, manifestaverat, ut *nudare* XXIV, 27, n. 1; XXXIV, 24, n. 2; XXXV, 32; XL, 24 pr. *denudare* XLII, 13, n. 3; XLIV, 38 pr. *dete-gere cladem et nudare* XXIII, 5, n. 1. Male Aldus et alii *mutaverat*; sed requirit latinitas *nudaverit*; Gron. At vide ad III, 2, n. 1.

CAP. XXII. 1. *In æde Bellonæ s. h.*; vide ad XXVI, 21, n. 1.

2. *Ob res prospere in bello gestas*; vide ad XXXII, 29-31. — C. Ur-

*communem se relationem de ea re fieri non passuros, ne par honos in dispari merito esset. Quumque Minucius utrique provinciam Italiam obtigisse diceret, communi animo consilioque se et collegam res gessisse; Cornelius adjiceret, Boios adversus se transgredientes Padum, ut Insubribus Genomanisque auxilio essent, depopulante vicos eorum atque agros collega, ad sua tuenda aversos esse: tribuni res tantas bello gessisse Cornelium fateri, ut non magis de triumpho ejus, quam de honore diis immortalibus habendo dubitari possit: non tamen nec illum, nec quemquam alium civem tantum gratia atque opibus valuisse, ut, quum sibimet triumphum impetrasset, collegæ eundem honorem impudenter petenti daret. Q. Minucium in Liguribus levia prælia, vix digna dictu, fecisse; in Gallia magnum numerum militum amisisse. Nomina- bant etiam tribunos militum T. Juventium et C. Labeonem ejus fratrem³, qui adversa pugna cum multis aliis viris fortibus, civibus ac sociis, cecidissent. *Oppidorum paucorum ac vicorum falsas, et in tempus simulatas, sine ullo pignere⁴ deditiones factas esse. Hæ inter consules tribunosque altercationes biduum tenuerunt, vicique perseverantia tribunorum consules separatim retulerunt.**

sanius. Goeller. Ursaniam gentem nupiam sibi obviam fuisse profitetur; quare legendum putat e cod. suo *C. Afranius*, idem fortasse, qui prætor factus est anno U. C. 567. Ed. — Mox in tribunorum verbis sic Bamb. MIS variat sibi meritum triumphum impetrasset... eundem honorem impudenter petenti, etc. Ed.

3. *T. Juventium et C. Labeonem* (al. *Cn. Labeonem*) ejus fratrem: qui aut uterini fuerunt, aut alter

in adoptionem datus; Gron. *Et Cneum Labeonis fratrem* Froben. et alii, existimantes, ut videtur, indicari alterius tribuni fratrem: quod magis placebat Drak. — Cod. Bamb. exhibet *T. Juventium, Cn. Ligurium legionis quartæ, adversa pugna cum multis aliis viris fortibus, ... cecidisse.* Ed.

4. *Sine ullo pignere*, neque obsidibus acceptis, neque armis adeptis; Duk. coll. XXVIII, 34. — *Tenuerunt;* vide ad II, 3, n. 6.

XXIII. C. Cornelio omnium consensu decretus triumphus; et Placentini Cremonensesque¹ addiderunt favorem consuli, gratias agentes commemorantesque, obsidione se esse ab eo liberatos, plerosque etiam, quum apud hostes essent, servitute² exceptos. Q. Minucius, tentata tantum relatione, quum adversum omnem senatum videret, in monte Albano se triumphaturum, et jure imperii consularis, et multorum clarorum virorum exemplo, dixit. C. Cornelius de Insubribus Cenomanisque in magistratu triumphavit: multa signa militaria tulit, multa gallica spolia captivis carpentis transvexit: multi nobiles Galli ante currum traducti; inter quos, quidam, Hamilcarem ducem Pœnorum³ fuisse, auctores sunt. Cæterum magis in se convertit oculos Cremonensium Placentinorumque colonorum turba pileatorum, currum sequentium. Tulit in triumpho ducenta triginta septem millia quingentos æris, argenti bigati⁴ septuaginta novem millia. Septuagenos æris militibus divisit: duplex equiti, triplex centurioni. Q. Minucius consul de Liguribus Boiisque Gallis in monte Albano triumphavit. Is triumphus, ut loco et fama rerum gestarum, et quod sumptum non erogatum ex ærario omnes sciebant, inhonoratior fuit, ita signis carpentisque, et spoliis ferme æquabat. Pecuniæ etiam prope par sum-

CAP. XXIII. 1. *Placentini Cremonensesque*, etc. conf. XXXI, 21; XXXII, 30.

2. *Servitute exceptos*, liberatos, *exemptos* vel *e servitute ereptos* malebant Gron. Dnk. et Drak. — *Exemptos* dat Goeller. e MSS. Ed. — *In monte Albano se triumphaturum*, etc. vide ad XXVI, 21, n. 4.

3. *Hamilcarem duc. Pœnorum*, etc.

vide ad XXXI, 21, n. 7. — *Turba pileatorum*, etc. vid. XXIV, 16, n. 9.

4. *Argenti bigati*, etc. vide ad XXXII, 52, n. 3. — *Duplex equiti, triplex centurioni*, immo *duplex centurioni, triplex equiti*; Duk. vide ad X, 46, n. 8. Id eo quoque verisimillimum redditur, quod mox *milites, centuriones, equites* gradatim memorantur; Drak.

LIB. XXXIII. CAP. XXIII. XXIV. 289
ma fuit : æris translata ducenta et quinquaginta qua-
tuor millia , argenti bigati quinquaginta tria millia et
ducenti. Militibus centurionibusque et equitibus item
in singulos datum , quod dederat collega.

XXIV. Secundum triumphum consularia comitia
habita : creati consules L. Furius Purpureo et M. Clau-
dius Marcellus : prætores postero die facti Q. Fabius
Buteo , Ti. Sempronius Longus , Q. Minucius Ther-
mus. M. Acilius Glabrio , L. Apustius Fullo , C. Læ-
lius. Exitu ejus anni literæ a T. Quintio venerunt¹ , se
signis collatis cum rege Philippo in Thessalia pugnasse ;
hostium exercitum fusum fugatumque : hæ literæ prius
in senatu a Sergio prætore , deinde ex auctoritate Pa-
trum in concione sunt recitatae. Ob res prospere gestas
in dies quinque supplicationes decretæ. Brevi post le-
gati et a T. Quintio , et ab rege² venerunt. Macedones
deducti extra Urbem in villam publicam³ ; ibique iis
locus et lautia præbita : et ad ædem Bellonæ senatus
est habitus⁴. Haud multa verba facta , quum Mace-
dones , quæcumque senatus censuisset , id regem fa-
cturum esse , dicerent. Decem legati more majorum ,
quorum ex consilio T. Quintius imperator leges pacis
Philippo daret , decreti ; adjectumque , ut in eo nu-

CAP. XXIV. 1. *Literæ venerunt*, etc. vide ad VIII, 19, n. 10.

2. *Brevi post legati et a T. Quintio, et ab rege Philippo venerunt*, etc. conf. Polyb. XVIII, 25 , qui rogationi de pace cum rege faciendâ nequidquam contradixisse dicit Marcellum , Macedoniæ provinciæ cupidum.

3. *In villam publicam* ; vide ad IV, 22 , n. 5) ; *ibique iis locus et lautia præbita* ; vide supra ad lib. XXVIII , cap. 39 , n. 8.

4. *Ad ædem Bellonæ senatus est habitus* ; vide ad X , 23 , n. 12 , et

XXVI, 21 , n. 1. — Cod. Bamb. est *datus*. *Ibi haud*. Ed. — *Quæcumque senatus censuisset, id* : immo ea , vel quodcumque ; Gron. Voculam *id* ejiciendam putabat Jac. Periz. Sed vulgatum defendit Drak. coll. III , 10 , *præda vendita, quibus domini non exstiter* ; II , 53 , *Veiens, quibus* ; II , 60 , *actæ prædæ : omnis militi data* ; XXX , 17 , *quidquid aliud fecerit, quod cordi foret Masinissæ, ea Patres comprobare* ; XLII , 8 , *bonaque ut iis, quidquid ejus recuperari possit, reddantur*.

mero legatorum P. Sulpicius et P. Villius essent, qui consules provinciam Macedoniam obtinuissent. Cosanis eo die postulantibus, ut sibi colonorum numerus augetur⁵, mille adscribi jussi; dum ne quis in eorum numero esset, qui post P. Cornelium et Ti. Sempronium consules hostis fuisset.

XXV. Ludi Romani¹ eo anno in circo scenaque ab ædilibus curulibus, P. Cornelio Scipione et Cn. Manlio Vulstone, et magnificentius, quam alias, facti, et lætius propter res bello bene gestas spectati, totique ter instaurati; plebeii septies instaurati. Acilius Glabrio, C. Lælius eos ludos fecerunt. Ex argento mulctatio tria signa ænea, Cereri Liberoque et Liberæ, posuerunt. L. Furius et M. Claudius Marcellus, consulatu inuito, quum de provinciis ageretur, et Italiam utrique provinciam senatus decerneret, ut Macedoniam cum Italia sortirentur, petebant. Marcellus, provinciæ cupidior, pacem simulatam ac fallacem dicendo, et rebellaturum, si exercitus inde deportatus esset, regem, dubios sententiæ Patres fecerat: et forsitan obtinuissent consules, ni Q. Marcius Rex et C. Atinius Labeo, tribuni plebis, se intercessuros dixissent, ni prius ipsi ad plebem tulissent, vellent juberentne cum rege Philippo pacem esse. Ea rogatio in Capitolio ad plebem lata est: omnes quinque et triginta tribus², uti rogatæ, jusserunt: et quo magis pacem ratam esse in Macedonia vulgo lætarentur, tristis ex Hispania nuntius allatus effecit, vulgatæque literæ, *C. Sempronium*

5. *Colonorum numerus augetur*; vide ad XXXIII, 2, n. 4. — *Dumne*, dummodo non; vide ad III, 21, n. 6.

CAP. XXV. 1. *Ludi Romani... totiter instaurati, plebeii septies*; vide ad I, 9, n. 4, et II, 36, n. 1. — *Ex argen-*

to... Liberæ, etc. [Bamb. MSS melius sic edidisse putat Goeller. *Et de arg. mult. tria signa ænea, Cererem, Liberumque et Liberam posuerunt.* ED.]

2. *Omnes XXXV tribus, uti rogatæ, jusserunt*; vide ad I, 43, n. 22, et XXX, 43, n. 2. — *C. Sempronium*

Tuditanum proconsulem in citeriore Hispania prælio victum; exercitum ejus fustum fugatumque, et illustres viros³ in acie cecidisse. Tuditanum, cum gravi vulnere latum ex prælio, haud ita multo post exspirasse. Consulibus ambobus Italia provincia cum his legionibus, quas superiores consules habuissent, decreta, et ut quatuor legiones novas scriberent: duas, quæ, quo senatus censuisset, mitterentur. Et T. Quintius Flamininus cum duabus legionibus provinciam eodem exercitu obtinere jussus: imperium ei prorogatum⁴ satis jam ante videri esse.

XXVI. Prætores deinde provincias sortiti L. Apustius Fullo urbanam jurisdictionem, M. Acilius Glabrio inter cives et peregrinos, Q. Fabius Buteo Hispaniam ulteriorem, Q. Minucius Thermus citeriorem, C. Lælius Siciliam, Ti. Sempronius Longus Sardiniam. Q. Fabio Buteoni et Q. Minucio, quibus Hispaniæ provinciæ evenerant, consules legiones singulas ex quatuor ab se scriptis, quas videretur, uti darent¹, decretum est; socium ac nominis Latini quaterna millia peditum, trecenos equites: hique primo quoque tempore in provincias ire jussi. Bellum in Hispania quinto post anno exortum est, quam simul

Tuditanum proconsulem; immo prætorem; Duk. coll. XXXII, 27, 28; XXXIII, 42. Sed videtur circa hæc tempora id præcipuum provinciæ Hispaniæ datum esse, ut prætoribus in eam missis daretur imperium proconsulare; unde quamvis prætores vel prætores sæpius tamen proconsules dicti sunt; Drak. Cf. ad XXVIII, 38, n. 4.

3. *Illustres viros; vide ad XXX, 10, n. 7.—Latum pro elatum (conf. Heins. ad Ovid. Am. II, 14, 39), vel ita leg. Duk. — Forsan et leg. rela-*

tum e quibusdam MSS. Ed. — Mox forte leg. quatuor legiones novas scriberent, duas, quæ ad Urbem manerent (vid. cap. 36), duas, quæ, quo senatus, etc. et deinde eodemque exercitu, nisi potius delenda sunt verba cum duabus legionibus; Drak.

4. *Imperium ei prorogatum, etc. conf. XXXII, 28. Sed cur ita anno proximo ei prorogatur? vid. cap. 43. Idem scire cupiebat Drak.*

CAP. XXVI. 1. *Quas videretur, darent; vide ad I, 29, n. 4.*

cum punico bello² fuerat finitum. Prius quam hi prætores ad bellum prope novum, quia tum primum suo nomine, nullo punico³ exercitu aut duce, ad arma ierant, proficiscerentur, aut ipsi consules ab Urbe moverent, procurare, ut adsolet, prodigia, quæ nuntiabantur, jussi. L. Julius Sequestris, in Sabinos proficiscens, fulmine ipse equusque exanimati fuerant: ædes Feroniæ in Capenate⁴ de cælo tacta erat: ad Monetæ duarum hastarum spicula arserant: lupus, Esquilina porta ingressus, frequentissima parte Urbis, quum in forum decurrisset, Tusco vico atque Intemelio⁵, per portam Capenam prope intactus evaserat. Hæc prodigia majoribus hostiis sunt procurata.

2. *Bellum in Hispania quinto anno exortum est, postquam simul cum punico bello secundo* (quod a. U. 551 confectum est; vid. XXX, 44) fuerat finitum: nam post punici quoque belli finem bellatum quidem fuerat in Hispania (conf. XXXI, 49, et XXXII, 7); sed non tantum fuerat bellum, ut jam novo eoque consulari exercitu ac duce opus esset; conf. cap. 43, et XXXIV, 8 sq.

3. *Ad arma ierant*, sc. Hispani. — *Nullo punico*, etc. Goell. hoc non latine dictum putat, si quidem participium nullum adjiciatur, et emendat *sine ullo pun.*, etc. Kreyssig. huic emendationi accedit. Ed. — *L. Julius Sequestris*, saltem *Sequester*. Sed neutram fuit cognomen Juliæ gentis. « Cogitabam primo *L. Vibius Sequester*: sed ex cognomine scriptoris infimæ ætatis non potest probari, eum quidquam ad vestitiorem gentem Vibiam pertinuisse, aut in ea cognomen *Sequester* fuisse; fuit et *Vibius* quidem prænomen ital. (vid. XXIII, 6; XXXVI, 13; XXXVII, 15), at Vibiam gentem romanam non

ante extrema fere reipublicæ liberæ tempora nominari video. Forte leg. *L. Julius eques in S. proficiscens*; Duk. Cf. ad XXVIII, 9, n. 8. — Cod. Bamb. *P. Villius eques romanus*; quod pæne conjectura assequutus est Duker. Ed.

4. *Ædes Feroniæ in Capenate*; vide ad I, 30, n. 4, et VIII, 12, n. 11. — *Ad Monetæ hastarum spicula arserant*; vide ad I, 31, n. 1; I, 33, n. 6; X, 23, n. 12.

5. *Tusco vico atque Intemelio*; quædam edd. antt. *inde Melio*. Utrumque nomen ignotum. Sigon. emend. *Æquimelio*, et Jac. Gron. *inde Cælio*, sc. monte. *Æquimelum* non vicum, sed aream fuisse in vico Jugario, neque per eam iter fuisse e Tusco vico ad portam Capenam, monet Nardin. Rom. vet. V, 10. Forte leg. *Intermontio*, quæ est pars Capitolini montis. Hic mons et *Tuscus vicus* in eadem (VIII) regione Urbis erant, et *porta Capena* in prima. — Goeller. putat legendum e MS suo *atque inde Cermalus*. Festus ait: « *Cermalus* locus in Urbe sic nominatus, etc. » Vid. Varro Ling. Lat. IV,

XXVII. Iisdem diebus Cn. Cornelius Lentulus, qui ante Sempronium Tuditanum citeriorem Hispaniam obtinuerat, ex senatusconsulto ovans Urbem est ingressus¹. Tulit præ se auri mille et quingenta quindecim pondo, argenti viginti millia, signati denarios triginta quatuor millia et quingentos quinquaginta. L. Stertinius ex ulteriore Hispania, ne tentata quidem triumphi spe², quinquaginta millia pondo argenti in ærarium tulit: et de manubiis duos fornices in foro Boario ante Fortunæ ædem et Matris Matutæ, unum in maximo circo fecit; et his fornicibus signa aurata imposuit. Hæc per hiemem ferme acta. Hibernabat eo tempore Athenis Quintius³, a quo quum multa socii peterent, Bœoti petierunt impetraveruntque, ut hi,

8. Idem nomen Turnebus restituit Ciceroni Ep. Att. IV, 3: «Milonis domum meamque Cermalum». Fuit Germalum (idem quod Cermalus) pars ima montis Palatini, forum versus, in qua etiam Ancus Martius habitavit. In eo Lupercal et templum Romuli; pars illa hortorum Farnesiorum fuit, quæ ædi S. Mariæ Liberatrici imminet, et ad ipsam ecclesiam forte pertigit, quum pars illa montis ruinis nondum et ruderibus veterum ædificiorum adeo esset impedita, Nardin. R. V. VI, 12. Ed.

CAP. XXVII. 1. *Ex Scto ovans Urbem est ingressus*, non triumphans, etsi spem triumphi tentasse videtur; quod probabile fit ex verbis seqq. *ne tentata quidem triumphi spe* a Stertino. Conf. ad XXXVI, 21, n. 1 et 2.— *Denarios XXXIV millia, et quingentos quinquaginta*: iudice Scaligero in libro de Re num. neque proba est locutio, neque summa digna triumpho florentissimis rom. rebus, sed leg. *denarium trecenta quatuor millia*. At

Gron. ad XXXIX, 7 pr. notavit hæc: «In posteriori facile assentior, non in priori: nam Livius rō *denarios* retulit ad minorem numerum, etc.» Vide ad XXXIX, 7, n. 1

2. *Ne tentata quidem triumphi spe*; conf. n. 1, et ad X, 16, n. 1.—*Duos fornices in foro Boario... fecit*; post *fornices* aut *Matutæ* excidisse unum, suspicabantur Pigh. et Grut. «Utræque quidem has ædes, Fortunæ et Matris Matutæ, in foro Boario fuisse, ostendunt Donat. de Urbe Rom. II, 25, et Nardin. Urb. Rom. V, 10. Sed quum diversæ fuerint ædes, non facile intelligi potest, quomodo unus fornix ante duas ædes fieri potuerit: nec possum perspicere, cur viri docti vulgatam lect. necessario emendandam esse, nec tres fornices, sed vel quatuor vel duos factos crediderint». Duker.

3. *Hibernabat eo tempore Athenis Quintius*, immo *Elatiæ*, ubi et hoc tempore hiemavit (confer: XXIX et XXXI), et quam diu in Græcia fuit;

qui suæ gentis militassent apud Philippum, sibi restituerentur. Id a Quintio facile impetratum; non quia satis dignos eos credebat, sed quia, Antiocho rege jam suspecto, favor conciliandus nomini romano apud civitates erat. Restitutis, confestim apparuit, quam nulla inita apud Bœotos gratia esset; nam et ad Philippum gratias agentes pro redditis hominibus, perinde atque ipsi id a Quintio et Romanis datum⁴ esset, miserunt; et comitiis proximis Bœotarchen⁵ nullam aliam ob causam Brachyllam quemdam, quam quod præfectus Bœotorum apud regem militantium fuisset,

vid. XXXII, 32, 39; XXXIII, 1, 2; XXXIV, 25, 41, 48, 50. Idem firmat Polyb. XVIII, 26, qui et conf. ad seqq. Jam monuisse hæc Jac. Periz. video. — *Impetraveruntque* Hoc vocabulum delendum censet Gothamus editor; an quod inculcatum putat e lib. XXXIV, 43, *petierunt impetraveruntque?* Walchius, in Emend. pag. 211, licet sæpius similiter dicat Livius, negat eum usquam illo modo loquentum videri. At propter sequentia, non quia dignos... sed quia... favor conciliandus erat, nolit in ea orationis ubertate quam ne refugiant quidem qui toti sunt μικρολογοι, quæquam offendi. En.

4. *Perinde atque ipsi id a Quintio et Romanis datum esset*: ita unicus codex Moguntinus. « Est quidem aliqua sententia hujus lectionis, sc. quasi gratia et reverentia Philippi id beneficium Bœotis tributum esset a Romanis, apud quem credibile est illos etiam tum exsalsasse (conf. ad III, 58, n. 4). Sed hanc exprimere Livium voluisse non existimo. Utcumque Philippi gratias datum hoc fuisset, tamen dantibus quoque, etiam propter alium dantibus, obligati erant: habet enim, propter

quem datur, beneficii honorem; cui datur, utilitatem. At ipsæ particulae *perinde atque* satis indicant, voluisse auctorem ponere rationem aliquam hujus rei recte faciendæ, aut quomodo juste potneriat Philippo tantum ab illis grates agi, Romani præteriri. Ea erat, si ab his non accepissent, ab illo accepissent; non autem, si in hujus gratiam quidem, ab illis tamen accepissent. Ergo leg. *ipsis id non a Quintio*, etc. Causam vero, cur Bœoti magno suo malo Macedonibus obnoxilium essent, habes apud Polyb. XX, 5. » Gron.

5. *Bœotarchen*, ut *Magnetarchen*, XXXV, 31, n. 5, et al. Βοιωτάρχαι, seu Βοιωταρχοῦντες videntur populorum, ex quibus respublica Bœotorum coaluit, legati fuisse ad commune concilium Thebas missi; Drak. ad XXXIII, 2. Conf. Pausan. IX, 13, 34; Thucyd. IV, 91 (qui eos ad undecim usque dicit fuisse); Eumius in Græc. vet. in descr. resp. Theb.; Potteri Archæol. tom. I, p. 430 seq. vers. Rambach. et *Voyage du jeune Anacharsis*, tom. IV, cap. 34, pag. 64. — *Brachyllam*, de quo vid. Polybius, XVIII, 26, XX, 5 et 7; Plut. Fla-

LIB. XXXIII. CAP. XXVII. XXVIII. 295
fecerunt, præteritis Zeuxippo et Pisistrato aliisque, qui romanæ societatis auctores fuerant. Id ægre et in præsentia hi passi, et in futurum etiam metum ceperunt, quum ad portas prope sedente exercitu romano ea fierent, quidnam se futurum esset⁶, profectis in Italiam Romanis, Philippo ex propinquo socios adjuvante, et infesto his, qui partis adversæ fuissent.

XXVIII. Dum romana arma propinqua habebant, tollere Brachyllam, principem fautorum regis, statuerunt: et tempore ad eam rem capto¹, quum in publico epulatus reverteretur domum temulentus, prosequentibus mollibus viris, qui joci causa convivio celebri interfuerant, ab sex armatis, quorum tres Italici, tres Ætolici erant, circumventus occiditur. Fuga comitum et quiritatio facta, et tumultus tota urbe discurrentium cum luminibus: percussores proxima porta evaserunt. Luce prima concio frequens, velut exstante indicio, ad vocem præconis convocata in theatro erat. Palam ab suo comitatu et obscœnis illis viris fremebant interfectum; animis autem Zeuxippum auctorem destinabant cædis². In præsentia placuit comprehendi eos, qui simul fuissent, quæstionemque ex his haberi. Qui dum quærentur, Zeuxip-

minino, p. 372, ubi vulgo Βραχύλλης mendose scribitur.

6. *Quidnam se futurum esset*; vide ad XXVII, 16, n. 3.

CAP. XXVIII. 1. *Tempore ad eam rem capto*; vide ad III, 9, n. 4. — *In publico epulatus*; vide ad II, 24, n. 6. — *Mollibus viris*, pathicis, qui mox *semiviri* dicuntur.

2. *Auctorem destinabant cædis animis*; vide ad IX, 24, n. 6. — *Quæstionem ex his haberi. Qui quærentur*; vide ad II, 29, n. 3. — Kreyss-

syg. in epistola ad Goell. Rupertum reprehendit, qui ad Liv. II, 29, hæc annotaverit: « Sic et *quærere rem* pro *inquirere* IX, 34; XXXII, 26; et *aliquem* XXXIII, 28. Conf. IX, 18 ». Kreyssigii nota est: « Latini, quamvis Schellerus per errorem lapsus in lex. lat. sub v. *quæro*, Liv. XXXVIII, 55, et XLII, 21, hanc in rem attulit, *quærere aliquem* pro *inquirere in aliquem* nusquam dixerunt, et lib. IX, 25, pro *inquirendos*, *inquirendo* ex duobus codd. reponendum esse Stro-

pus, consimili animo avertendi ab se criminis causa in concionem progressus, errare ait homines, qui tam atrocem cædem pertinere ad illos semiviros crederent; multaque in eam partem probabiliter argumentatus, quibus fidem apud quosdam fecit, numquam, si conscius esset, oblaturum se multitudini, mentionemve cædis, nullo lacescente, facturum fuisse. Alii non dubitare, obviam eundo impudenter criminis suspicionem averti. Torti post paullo³ insontes, quum scirent ipsi opinionem omnium, ea pro indicio usi, Zeuxippum et Pisistratum nominaverunt; nullo adjecto, cur scire quidquam viderentur, argumento. Zeuxippus tamen cum Stratonida quodam nocte perfugit Tanagram, suam magis conscientiam, quam indicium hominum nullius rei consciorum, metuens. Pisistratus, spretis indicibus, Thebis mansit. Servus erat Zeuxippo, totius internuntius et minister rei; quem indicem Pisistratus timens, eo ipso timore ad indicium

thius verissime censuit ». Ed. — *Consimili animo*; « non video, quo verba hæc referri possint. Nam non potest esse, ut similiter ostenderet, sibi placere comprehendere eos, qui simul fuerant, quæstionemque ex iis haberi: ad hos enim nihil pertinere hanc cædem persuadere voluit. Locum corruptum aut mutilatum credo »; Duk. — Gothanus editor locum sic exposuit: Palam concio a comitatu suo Brachyllam interfectum esse vociferabatur; animis autem destinabant Zeuxippum et Pisistratum. Consimili animo, aliud palam loquendi, aliud animo destinandi, etc. At Walchius, Emend. p. 238, interrogat, cui tandem hæc verbi relatio probari possit; itaque ipse pro *consimili*, substituit *non simili*, qui hic requiritur: audaci ani-

mo progressus est, plane dissimili semivirorum qui quamvis innoxii vitæ suæ timentes aufugerant, et etiam tum quærebantur. Idem ingeniose coniecerat aliquando *consimili sceleri animo*, id est, audacia simili illius qua facinus perpetraverat. Quod probaret Büttner (Observ. p. 88 sq.), nisi lenior correctio in promptu videretur, *consilio simili animo*, ut ad III, 43 *pari viribus animo: consilium et animus* ita junguntur XXXIV, 25, « majoris animi quam consilii ». Goeller. e suo cod. dat *constanti animo*. Ed. — *Argumentatus, quibus*, vel *leg. argumentatur*, vel *del. quibus*; quod jam monuere Gronovii.

3. *Torti post paulo*; vide ad II, 31, n. 2. — *Nullius rei consciorum*. Cod. Bamb. *illius rei*; quod Liviæ narra-

protraxit. Literas ad Zeuxippum mittit⁴, *servum conscium tolleret: non tam idoneum ad celandam rem eum videri sibi, quam ad agendam fuerit*. Has qui tulit literas, jussit Zeuxippo dare quamprimum. Is, quia non sibi conveniendi ejus copia fuit, ipsi illi servo, quem ex omnibus domino fidissimum credebat, tradidit, et adjecit, a Pisistrato de re magnopere pertinente ad Zeuxippum esse. Conscientia⁵ ictus, quum extemplo traditurum eas affirmasset, aperit; perlectis literis, pavidus Thebas refugit: et Zeuxippus quidem, fuga servi motus, Athenas, tutiorem exsilio locum ratus, concessit. De Pisistrato aliquæ quæstiones⁶ tormentis habitæ, et sumptum supplicium est.

XXIX. Efferavit ea cædes Thebanos Bœotosque omnes ad execrabile odium Romanorum; Zeuxippum principem gentis id facinus conscisse¹. Ad rebellandum neque vires, neque ducem habebant:

tioni magis congruens Goellerus existimat. Ed.

4. *Literas ad Zeuxippum mittit*, ut, etc. vide ad VIII, 19, n. 10. Mox forte cum Gron. leg. *jussus Zeuxippo dare quamprimum, quia*, etc. Codex Mogunt. ignorat *τὸ is*.

5. *Conscientia ictus*; vide ad I, 16, n. 2. — *Athenas, tutiorem*, etc. Cod. Bamb. *Anthedonem*, pro *Athenas*. Anthedon urbs est Bœotiæ parte adversus Aulidem sita, vid. Strab. IX, p. 615; ultima in Bœotico, unde tractus fiebat in Eubœam. Goeller. codicis sui scripturam vel propter ea adsciscendam censet, quod facilius Anthedon in notiores urbem Athenas mutari a librario potuerit, quam contra. Accedit quod Athenienses, Bœotis hoc tempore amici, ut ex hoc ipso

cap. apparet, Zeuxippum fuissent tradituri, si eo confugisset. Ed.

6. *Aliquæ quæstiones*, forte *aliquot*; Gron. *Denique* conj. Heuman. et *aliisque* (conf. cap. 27 extr.) Jac. Gron. — Walchius, Emend. p. 239, conjicit *æque*, quod habet idoneam relationem ad semiviros quos insontes torserant. Ed.

CAP. XXIX. 1. *Id facinus conscisse*, sc. putabant. Sed *efferaverat cædes* cod. Mogunt. et vulgatum debetur Gelenio. *Efferaverat Thebanos... Romanorum, Zeuxippum principem g. id facinus conscisse*, vel *in principem g.*, Brachyllam, conj. Gron. et *Efferaverat ea res Thebanos... Zeuxippum in principem*, etc. Jac. Periz. prob. Drak. ut postrema per appositionem dicta sint. — Auctior est locus

proximum bello quod erat, in latrocinium versi, alios hospites, alios vagos per hiberna milites, ad varios commeantes usus, excipiebant². Quidam in ipsis itineribus ad notas latebras insidiantibus, pars in deserta per fraudem deversoria devecti deductique opprimebantur. Postremo non tantum odio, sed etiam aviditate prædæ, ea facinora faciebant; quia negotiandi ferme causa argentum in zonis habentes³ in commeatibus erant. Quum primo pauci, deinde in dies plures desiderarentur, infamis esse Bœotia omnis cœpit; et timidius, quam in hostico, egredi castris miles. Tum Quintius legatos ad querendum de latrociniiis per civitates mittit. Plurimi pedites circa Copaidem paludem inventi: ibi ex limo eruta extractaque ex stagno cadavera, saxis aut amphoris, ut pondere traherentur in profundum, adnexa. Multa facinora Acræphiæ et Coronæ⁴ facta inveniebantur. Quintius primo noxios tradi sibi jussit, et pro quingentis militibus (tot enim intercepti erant) quingenta talenta Bœotos conferre. Quorum neutrum quum fieret, verbis tantum

in MSS Bamb. ubi sic legitur *ad exs. odium Rom. credentes non sine consilio imperatoris romani, Zeuxippum princ.*, etc. Ed.

2. *Alios hospites... excipiebant*; vide ad II, 4, n. 3. — *Ad notas sibi latebras insidiantibus* Bœotis; nisi leg. *ad notas latebras insidentibus*; Crev. — *Deversoria*; vid. I, 51, n. 2.

3. *Negotiandi ferme causa argentum in zonis habentes*; vide ad Juvenal. XIV, 297, et quos Drak. laudat. « De negotiatione militum in vetere militia rom. nihil statutum invenio. Ea militibus interdictum fuit sub posterioribus Imperatoribus; et forsam ante eos, quorum de hac re con-

stitutiones in libris juris rom. exstant: hoc enim verbis Pauli apost. II Tim. 2, 4, videtur indicari. » Duk. — *In commeatibus erant*; vide ad I, 57, n. 2. — *In hostico*; vide ad VI, 31, n. 3. — *Plurimi pedites... inventi*. Multo præstantiorem scripturam sibi reperisse videtur Goeller. qui dat *Plurimæ cædes... inventæ*. Livius enim vocabulo *cædes* occisos exprimere sollet. Ed.

4. *Acræphiæ et Coronæ*, oppidis Bœotiæ. Κορώνεια, unde *Coronæi* (f. *Coronei*) XLII, 44, 63, 67; XLIII, 4; et *ager Coronatus* (f. *Coroneus*) et *Coronensis* XXXVI, 20. Alia Κορώνεια Phthiodis in Thessalia, et *Corone*,

civitates excusarent, nihil publico consilio factum esse; missis Athenas et in Achaiam legatis, qui testarentur sociis, justo pioque bello se persequuturum Bœotos, et cum parte copiarum P. Claudio Acræphiam ire jusso, cum parte Coroneam circumsevit; evastatis prius agris, quam ab Elatia duo diversa agmina iere. Hac perculti clade Bœoti, quum omnia terrore ac fuga complessent⁵, legatos mittunt: qui quum in castra non admitterentur, Achæi Atheniensesque supervenerunt. Plus auctoritatis Achæi habuerunt deprecantes; ac, ni impetrassent pacem Bœotis, bellum simul gerere decreverunt. Per Achæos et Bœotis copia adeundi alloquendique Romanum⁶ facta est, jussisque tradere noxios, et mulctæ nomine triginta talenta conferre, pax data, et ab oppugnatione recessum.

XXX. Post paucos dies decem legati ab Roma venerunt, quorum ex consilio pax data Philippo in has leges¹ est. *Omnes Græcorum civitates, quæ in Europa, quæque in Asia essent, libertatem ac suas leges haberent. Quæ earum sub ditione Philippi fuissent, præsidia ex his Philippus deduceret; his, quæ in Asia essent, Euromo Pedasisque² et Bargyliis et Jasso*

Κορώνη, Messeniæ. Conf. ad XXXVI, 20, n. 3. — *Qui testarentur sociis, immo socios*; Crev. et Drak. coll. IV, 53. — *Iusto pioque bello*; vide ad I, 22, n. 6.

5. *Omnia terrore ac fuga complessent*: Gron. malebat *terror* (cod. Bamb. *completa essent*. Ed.), et mox: *nam, ni impetrassent p. B., bellum simul gerere* (sc. adversus eosdem Bœotos) *decreverant. Per Achæos ergo Bœotis*, etc.

6. *Alloquendique Romanum*; vide ad XXXII, 11, n. 4.

CAP. XXX. 1. *Pax data Philippo in has leges*, etc. conf. Polyb. XVIII, 27, et Appian. Maced. Ecl. VII, 2; al. XXIV, 2. — *Præsidia ex his Philippus deduceret; his, quæ in Asia essent, Euromo*, etc. « Saltem et his, quæ in Asia essent. Sed potius plane delenda hæc verba, quia Polyb. panum istum non habet, et *Perinthus* in Thracia fuit, et *Myrina* in Lemno, Lemnus vero et *Thasus* insulæ maris Egei, Europæ litoribus appositæ. » Duker.

2. *Euromo, Pedasisque*, etc. vide

et Myrina et Abydo, et Thaso et Perintho: eas quoque enim placere liberas esse. De Cianorum libertate, Quintius Prusiae Bithynorum regi scriberet, quid senatui et decem legatis placuisset. Captivos transfugasque³ reddere Philippum Romanis, et naves omnes tectas tradere, quin et regiam unam⁴ inhabilis prope magnitudinis, quam sexdecim versus remorum agebant. Ne plus quingentis armatorum⁵ haberet, neve elephantum ullum: bellum extra Macedoniæ fines ne injussu senatus gereret. Mille talentum daret populo romano: dimidium præsens, dimidium pensionibus decem annorum. Valerius Antias, quaternum millium pondo argenti vectigal in decem annos, triginta quaterna millia⁶ pondo et ducenta, præsens viginti millia pondo. Idem nominatim adjectum scribit, ne cum

ad XXII, 33, 7-9.—Myrina (et He-phæstia, c. 35) oppida Lemni insulæ, Vulcano sacrata; unde et dicta He-phæstia. — Thaso al. Thasso, ut et c. 35, 39; unde Thasii XXXI, 31: ἡ Θάσος seu Θάσσοσ opp. et insula maris Ægei prope oram Thraciæ. Mox del. quoque, quod in Polybio non est, et omnem decreti sensum pervertit; Crev.

3. Captivos transfugasque reddere Philippum (forte redderet Philippus R. et... traderet) et naves omnes tectas (vide ad XXII, 19, 4) tradere, etc. paulo aliter Polyb. et Appian. Cf. n. 4.

4. Quin et regiam unam, etc. «quam regiam appellari puto, quod reges mole ac magnificentia navium regias opes ostentare solebant, quales erant naves regum Ægyptiorum et navis Hieronis apud Athen. V, et liburnicæ deceres apud Suet. Calig. 37. Sed ejus vice nullus usus in præliis esse potuit; quare ea etiam Philippo a Romanis relicta videtur». Duker. — Inhabilis

prope magnitudinis (vide ad XXII, 46, n. 3), quam XVI versus remorum, ordines remigum transtrorumve (vide Fabretti ad columnam Trajanam c. 5, p. 119 sq. et inpr. Böttigeri Archæol. Museum Fasc. I, p. 54 sq.), agebant, forte agerent. Sed vide ad III, 2, n. 1. Navis hæc ἐξήνησ dicitur Appiano, sed ἐκκαταδελήνησ Polyb., Plut. in Æmil. pag. 271, et Suidæ in Περσέων (conf. ad XXIX, 9, 3). Victo demum Perseo, Romam est deducta; vid. XLV, 35, et Polybius, XXXVI, 3, § 9. Hinc non male Ursinus ex Polyb. conj. naves omnes tectas tradere præter lembos quinque et regiam, etc. vel Pigh. et alii præter quinque, sc. naves tectas, ex Zonara, IX, 16, et Appiano.

5. Plus quingentis armatorum; vide ad XXII, 30, n. 2. Hæc præteriere Polyb. et App. Plus quinque millibus ex Zonara conj. Pigh.

6. Triginta quaterna millia, etc. turbata hæc, ut cuivis videre pro-

A. C. 196.
U. C. 556.

LIB. XXXIII. CAP. XXX. XXXI. 301

Eumene, Attali filio (novus is tum rex erat), bellum gereret. In hæc obsides accepti⁷, inter quos Demetrius Philippi filius. Adjicit Valerius Antias, Attalo absenti Æginam insulam elephantosque dono datos, et Rhodiis Stratoniceam Cariæ atque alias urbes, quas Philippus tenuisset; Atheniensibus insulas datas Paron, Imbrum, Delum, Scyrum.

XXXI. Omnibus Græciæ civitatibus hanc pacem approbantibus, soli Ætoli id decretum decem legatorum clam mussantes¹ carpebant: *litteras inanes vana specie libertatis adumbratas esse. Cur enim alias Romanis tradi urbes², nec nominari eas, alias nominari, et sine traditione juberi liberatas esse? nisi ut, quæ in Asia*

num, et forte leg. *præsens tricena quaterna millia et ducenta viginti pondo; Gron. triginta quatuor millia et ducenta viginti pondo conj. Drak.*

7. *In hæc obsides accepti; vide ad XXI, 42, n. 2. Mox τὸ datas post insulas delendum videtur. — Insulas datas Paron, etc. Cod. Bamb. dat Lemnum. Goeller. ambigit utrum sit præferendum: at supra lib. XXXI, 16, memoratur a Rhodiis ab Ægina Ciam, inde per insulas Rhodum navigantibus, omnes præter Andrum, Parumque, et Cythnum, quæ præsiidiis Macedonum tenerentur, in societatem acceptas esse. Verisimile autem non est, sociam urbem sociis dono dari; Paros potuit, quia armorum vi Macedonibus erat eripienda, et illa ipsa lege, de qua supra c. 13. Ed.*

CAP. XXXI. 1. *Soli Ætoli id decretum clam mussantes (vide ad II, 45, n. 10, et XXVIII, 41, n. 1) carpebant, reprehendebant (ut fere perstringere): litteras, etc. conf. Polyb. XVIII, 28. — Litteras inanes vana specie libertatis adumbratas, compo-*

sitas ad simulationem dandæ libertatis; vel inverse dictum pro: libertatis speciem literis adumbratam, simulatam, expressam; Bauer.

2. *Cur enim alias Romanis tradi urbes, etc. « Hoc intelligi non posset, nisi Polyb. docuisset, Philippum jussum fuisse urbes Græcorum, in quibus præsidia habebat, antequam celebrarentur Isthmia, Romanis tradere, nec tamen eas nominatas fuisse. Horum prius tantum, de traditione scil. urbium, non item cætera, expressit Livius, cap. 30, qui tamen locus mihi videtur mendosus esse. Mox longinquitate ipsa tutiores non est in Polybio: sententiam autem hanc esse puto, Romanos libertatem reddidisse urbibus græcis Asiæ, quod eas sibi propter longinquitatem parum utiles esse putarent ad id, quod parabant, ad compedes Græciæ injiciendas, quod Ætoli dicunt apud Polyb. » Duk. — Quæ in Græcia sint, ne nominatæ intercipientur (vide ad III, 72, n. 2), sc. a Romanis, et ita hi loco Philippi Chalcidem, Demetriadem, Corinthum,*

*sint, liberentur, longinquitate ipsa tutiores; quæ in Græcia sint, ne nominatæ intercipientur, Corinthus et Chalcis et Oreum cum Eretria et Demetriade. Nec tota ex vano criminatio erat*³: dubitabatur enim de Corintho et de Chalcide et Demetriade, quia in senatusconsulto, quo missi decem legati ab Urbe erant, cæteræ Græciæ atque Asiæ⁴ haud dubie liberabantur; de his tribus urbibus legati, quod tempora reipublicæ postulassent, id e republica fideque sua facere, statuere jussi erant. Antiochus rex erat, quem transgressurum in Europam, quum primum ei res suæ placuissent, non dubitabant: ei tam opportunas ad occupandum patere urbes nolebant. Ab Elatia Anticyram cum decem legatis, inde Corinthum trajecit⁵: ibi consilia decem legatorum tractabantur. Idemtidem Quintius, *liberandam omnem Græciam, si Ætolorum linguas retundere, si veram caritatem, majestatem, apud omnes, nominis romani vellent esse: si fidem facere, ad liberandam Græciam, non ad transferen-*

compedes Græciæ (vide XXXII, 37), accipiant, adeoque mutatio tantum fiat dominorum Græciæ, non vera ei libertas detur. Cum Gron. leg. *quæ in Græcia, non nominatæ i.*, vel *nec nominatæ* (ut *nec opinatus pro inopinatus*, etc.) cum Bauero, qui monet, *ne* referri ad verbum *intercipientur*, Ætolos autem crimi-natos esse, Romanos velle, ut interciperentur.

3. *Ex vano criminatio erat*; vide ad XXVII, 26, n. 1. — *Et Demetriade*, forsân et de Dem. Drak.

4. *Cæteræ Græciæ atque Asiæ*, sc. urbes, quod suppl. e seqq. vide ad XXI, 43, n. 4. An leg. *cætera*? — *Id e republica fideque sua facere*; vide ad XXII, 39, n. 1. — *Quum primum ei res suæ placuissent*, appa-

ratus et vires ad bellum gerendum satis magnæ et idoneæ fuissent visæ: quo sensu *ubi satis placere vires* dicitur XXXIX, 30, n. 4; et apud Sen. Ep. 42: unde et h. l. *vires* pro *res* suspicari possis. — *Vires* e cod. Bamb. edidit Goeller. vide ad Velleium nostræ edit. pag. 254 sq. Ed. — *Quam grinum* malebat Duk.

5. *Ab Elatia Anticyram... trajecit*, sc. Quintius: quæ dura est ellipsis, quia ille nondum hoc, neque præc. cap. nominatus est. Nomen ejus excidisse putabant Crev. et Duk. Sed forte leg. *trajicitur*. — *Si veram caritatem, majestatem*: quoniam *vera majestas* ferri non potest, ante *majestatem* fortasse inserendum *si integram* vel *si inviolatam*; Crev. vel solum *si*, Roell.

*dum a Philippo ad se imperium*⁶, *se mare trajecisse*. Nihil contra ea de libertate urbium alii dicebant. Cæterum *ipsis tutius esse, manere paulisper sub tutela præsidii romani, quam pro Philippo Antiochum dominum accipi*. Postremo ita decretum est: *Corinthus redderetur Achæis, ut in Acrocorintho*⁷ *tamen præsidium esset: Chalcidem ac Demetriadem retineri, donec cura de Antiocho decessisset*.

XXXII. Isthmiorum statum ludicrum aderat¹; semper quidem et alias frequens, quum propter spectaculi studium insitum genti, quo certamina omnis generis artium viriumque ac pernicitatis² visuntur, tum quia propter opportunitatem loci, per duo diversa maria, omnium Græcorum undique conventus erat. Sed exspectatione erecti³, qui deinde status futurus

6. *A Philippo ad se imperium, sc. Græciæ.*

7. *In Acrocorintho, arce Corinthi munitissima, in monte edito, duo diversa maria, Ionium et Ægeum, prospectante; vid. cap. 32, n. 2; Strab. VIII, p. 379; Athen. II, 5; Sponii Voyages, t. I, pag. 175; Wheeler's Journey, t. VI, pag. 440. — Chalcidem ac D. retineri, dnrus variata oratio, quum præcedat: ut Corinthus redderetur; Baner.*

CAP. XXXII. 1. *Isthmiorum statum ludicrum aderat, τῆς Ἰσθμίων πανηγύρεως ἐπιθεούσης Polyb. XVIII, 29 pr. Ludi Isthmici in Isthmo Corinthio celebrabantur initio quinti vel potius tertii cajsnsvis anni; vid. Potteri Archæol. Gr. lib. II, cap. 35.*

2. *Certamina omnis generis artium viriumque ac pernicitatis, ἀγῶνες μουσικοὶ et γυμνικοὶ, seu πένταθλον, quintium, δρόμος, ἀλμα, δίσκος, βίψις seu τοξικὴ, πυγμακίη, et παλη. — Propter opportunitatem loci, opportu-*

num Corinthi situm, per (f. inter) *duo diversa maria; cf. ad c. 31, n. 7.*

3. *Sed exspectatione erecti (vide ad II, 54, n. 12), qui, etc. postquam ostenderat, semper et alias frequens fuisse ludicrum Isthmiorum, exspectari poterat, ut diceret, tum solito frequentius fuisse, quæ hic intercidisse suspicor; Duker. et Crev. Forte leg. tum propter opportunitatem loci inter duo diversa maria: at nunc Græcorum undique conventus erat, cunctis exspectatione erectis, qui, etc. Ita Polyb. XXVIII, 29; idemque exprimere voluisse videtur Livius. — Locum sic restituisse ex præstantissimo MS sibi videtur Goeller. «... per duo diversa maria (omnium rerum usus ministrantis, humano generi concilium, Asiæ Græciæque is mercatus erat. Tum vero non ad solitos modo usus undique convenerant); sed exspectatione erecti, qui deinde status futurus Græciæ, quæ sua fortuna esset». Ed. — *Qui status; vide ad VI, 32, n. 3.**

Græciæ, quæ sua fortuna esset: alii non taciti solum opinabantur, sed sermonibus etiam serebant⁴. Romani ad spectaculum consederunt; et præco cum⁵ tubicine, ut mos est, in mediam arenam, unde solenni carmine ludicrum indici solet, processit, et, tuba silentio facto, ita pronuntiat: SENATUS ROMANUS ET T. QUINTIUS IMPERATOR, PHILIPPO REGE MACEDONIBUSQUE DEVICTIS, LIBEROS, IMMUNES, SUIS LEGIBUS ESSE⁶ JUBET CORINTHIOS, PHOCENSES, LOCRENSESQUE OMNES, ET INSULAM EUBOEAM, ET MAGNETAS, THESSALOS, PERRHÆBOS, ACHÆOS PHTHIOTAS. Percensuerat omnes gentes, quæ sub ditione Philippi regis fuerant. Audita voce præconis, majus gaudium fuit⁷, quam quod universum

4. *Sermonibus etiam serebant*, sermones serebant super his rebus; vide ad III, 43, n. 2. Al: *ferebant*. Forte leg. *sed sermonibus varia serebant*, quæ memorat Polyb. l. l. Conf. ad I, 40, n. 1. — Post hæc verba quædam in cod. Bamb. adjiciuntur, quæ non omnino integra sic restituit novus editor: *ferebam, Romanos utcumque facturos vix cuiquam persuadebatur, omni Græcia cessuros ad spect. consederant*, etc. Vox *utcumque*, quod ignorat MS, omittunt Jacobs et Kreyssig. atque pro *facturos* ambo conjiciunt *victores*. Ed.

5. *Et præco cum tubicine*, audientiam faciente, *ut mos est, in mediam arenam* stadii, quo confluxerant Græci, *unde solenni carmine* (vide ad I, 24, n. 9) *ludicrum . . . ita pronuntiat*, etc. conf. Polyb. XVIII, 29; Plut. Flamin. p. 374, 375; Appian. Maced. VII, 2. Sic et Argivorum libertas Nemeorum die voce præconis promulgata; vid. XXXIV, 41. Quintium vero imitatus est Nero, sed ipse præconis partes egit; vid. Suet. Ner. 24.

—*Senatus rom. et T. Q.* ita Polyb. et Plut. *Senatus populusque romanus et T. Q.* ex Val. Max. IV, 8, n. 5, et Appiano conj. Pigh. prob. Grut.

6. *Liberos, immunes, suis leg. esse*, ελευθέρους, ἀφρουρήτους, ἀφορολογήτους, νόμοις χρωμένους τοῖς πατρίοις Polyb. — *Achæos Phthiotas* Livius h. l. et capp. 34, 36, 15, exemplo Polybii, XVIII, 29 et 30, eos Thessalos appellat, qui aliis simpl. *Phthiotæ* dicuntur. Hinc et *Phthiotis Achaia* XLI, 22; XLII, 67. Prisci Achæi, ab Achæo Xuthi filio oriundi, tum Peloponnesi occuparunt oppida, Argos, Mycenæ et Lacedæmonem, tum partes Helladis et Thessaliæ, in hac vero Magnesiam et Phthiam, seu Phthiotidem, unde dicti sunt Ἀχαιοὶ εἰ Φθιώται, qui supererant adhuc Herodoti et Thucydidis ætate; vid. Heyn. ad Hom. Il. II, 684. Quæ *Phthiotis Achaia* XLI, 22 dicitur, XLII, 40 vocatur *Maliensis ager*, qui forte hujus Phthiotidis pars fuit.

7. *Audita voce præconis, majus gaudium fuit*, etc. conf. XXXIX,

homines caperent. Vix satis credere se quisque audisse; alii alios intueri, mirabundi velut somnii vanam speciem: quod ad quemque pertineret, suarum aurium fidei minimum credentes, proximos interrogabant. Revocatus præco, quum unusquisque non audire, sed videre libertatis suæ nuntium averet, iterum pronuntiare⁸ eadem. Tum ab certo jam gaudio tantus cum clamore plausus est ortus totiesque repetitus, ut facile appareret, nihil omnium bonorum multitudini gratius, quam libertatem esse. Ludicrum deinde ita raptim peractum est, ut nullius nec animi, nec oculi spectaculo intenti essent. Adeo unum gaudium præoccupaverat⁹ omnium aliarum sensum voluptatum!

XXXIII. Ludis vero dimissis, cursu¹ prope omnes tendere ad imperatorem romanum, ut, ruente turba in unum, adire, contingere dextram cupientium, co-

49; Polyb., Plut. et Appian. ll. ll. Æschyli Agam. v. 276. — *Mirabundi*; vide ad III, 47, n. 5. — *Quod ad quemque pertineret*, verba vel recidenda vel immutanda; Crev. et Duk. — *Ea nec tollenda nec corrigenda esse* putat Jacobs, cujus nota est: « Omnes, qui illud de libertate Græciæ præconium audiverant, ad rem minime expectatam, ob eamque causam parum credibilem, mirabundi stupebant, vanam somnii speciem sibi obvenisse existimantes; singuli autem iis potissimum, quæ in illo edicto ad se patriamque suam pertinebant, quæque, ne vana essent, omnium maxime optabant, ob id ipsum diffidebant; ita ut quisque de eo, quod suam patriam spectaret, suarum aurium iudicio minime fidem habens, proxime sedentes interrogaret». Ed.

VI.

8. *Ierum pronuntiare* (h. e. *pronuntiavit*, nisi ita scripsit Livi^{us} eadem reposui ex emend. Gron. pro vulg. *pronuntiaret*; etsi Bauer. hæc notaverit: « Vix opus, ita legere: factum enim, latere potest in vocab. *revocatus*. Nec infinitivus satis hic commode poni videtur ». Cæterum cf. n. 5 auctores laudati. — *Ab c. gaudio*, ex gaudio, ob gaudium, post gaudium; quia certum idem erat; Bauer. Conf. ad I, 1, n. 5.

9. *Unum gaudium præoccupaverat*, etc. i. e. ademerat, impedi^{erat}, quasi conditionem, locum (*Möglichkeit*), aditum occuparat sentiendarum aliarum voluptatum, viam claus^{erat} sentiendis aliis; Bauer.

CAP. XXXIII. 1. *Ludis vero dimissis, cursu*, etc. conf. Polyb., Plut. et Appian. ll. ll. — *Coronas lemni-*

ronas lemniscosque jacentium, haud procul periculo fuerit²: sed erat trium ferme et triginta annorum; et quum robor juventæ, tum gaudium ex tam insigni gloriæ fructu, vires suppeditabant. Nec præsens omnium modo effusa lætitia est; sed per multos dies gratis et cogitationibus, et sermonibus revocata: *Esse aliquam in terris gentem, quæ sua impensa, suo labore ac periculo bella gerat pro libertate aliorum; nec hoc finitimis, aut propinquæ vicinitatis hominibus, aut terris continenti junctis præstet³; maria trajiciat, ne quod toto orbe terrarum injustum imperium sit, et ubique jus, fas, lex potentissima sint. Una voce præconis liberatas omnes Græciæ atque Asiæ urbes. Hoc spe concipere, audacis animi fuisse: ad effectum adducere, virtutis et fortunæ ingentis.*

XXXIV. Secundum ista¹ jam Quintius et decem legati legationes regum, gentium civitatumque audire. Primi omnium regis Antiochi vocati legati sunt. His eadem, quæ fere Romæ erant, verba sine fide rerum jactata: nihil jam perplexe, ut ante, quum dubia

scosque jacentium, hoc est, coronas lemniscatas; quarum aliarumque rerum injectione victores in ludis honorari solebant. *Lemnisci*, fasciolarum aurearum vel purpurearum, seu vittarum, in deorum honoribus usitatarum, majorisque honoris causa coronis alligatarum et ex iis dependentes; vid. Hard. ad Plin. XXI, 3 seu 4; Salmas. ad Capitol. Ver. V; Ern. Clav. Cic. Casaub. ad Suet. Ner. XXV; Auson. ep. XX; Maffei Antiq. Gall. p. 7; Wessel. de Archont. Jud. p. 18; Intpp. Virg. Æn. V, 269.

2. *Haud procul periculo fuerit vitæ*: οὐκ ἄν ἰδοῦναι περιγινώσθαι Plutarcho: παρ' ὀλίγον διέλωσαν τὸν ἀνθρώπον Polyb. l. I., si vera est lectio.

3. *Nec hoc finitimis tantum præstet*; sed etiam maria, etc. — *Liberatas omnes Græciæ atque Asiæ urbes*, scilicet a Philippo possessas, ut cap. 31. — De re cf. Montesquieu, *Grand. et Décad. des Rom.* cap. V. Ea.

CAP. XXXIV. 1. *Secundum ista* (vide ad I, 4, n. 1) *jam Quintius*, etc. conf. Polyb. XVIII, 30. — *His*, ab his, eadem, quæ fere Romæ erant ab iis jactata (conf. cap. 20), *verba sine fide rerum jactata*; vide ad II, 12, n. 7. — Goeller. locum et cod. suo sic edidit: «..... quæ fere Romæ egerant, verba sine fide rerum jactantibus nihil jam, etc.» Antea sic fere legendum viderat Gelenius. En.

res incolumi Philippo erant, sed aperte pronuntiatum, ut excederet Asiæ urbibus, quæ aut Philippi, aut Ptolemæi regum fuissent; abstineret liberas omnesque græcas². Ante omnia denuntiatum, ne in Europam aut ipse transiret, aut copias trajiceret. Dimissis regis legatis, conventus gentium civitatumque est haberi cœptus; eoque maturius peragebatur, quod decreta decem legatorum³ civitates nominatim pronuntiabant. Orestis (Macedonum ea gens est), quod primi ab rege defecissent, suæ leges redditæ. Magnetes et Perrhæbi et Dolopes liberi quoque pronuntiati. Thessalorum genti, præter libertatem concessam, Achæi Phthiotæ dati, Thebis Phthioticis et Pharsalo excepto. Ætolos de Pharsalo et Leucade postulantes, ut ex fœdere sibi restituerentur, ad senatum rejecerunt. Phocenses, Locrenses, et quæ⁴ sicut ante fuerant adjecta, decreti auctoritate his contribuerunt.

2. *Abstineret liberas omnesque græcas*, scilicet urbes, h. e. urbes græcæ originis in Asia, a se occupatas. *Sineret l. omnes esse græcas* conj. Gron. *has sineret lib. omnesque gr.* Lamb. Bos (qui monet, ita dicere Diodor. XV, p. 484, ἀπάσας τὰς ἐν τῇ Βοιωτίᾳ πόλεις ἕκαστον αὐτονομίους, et passim inter τὰς κατὰ τὴν Ἀσίαν Ἑλληνίδας πόλεις et inter τοὺς ἄλλους Ἕλληνας distinguere: quæ tamen distinctio ab h. l. aliena est); *abstineret liberas omnes græcas*, vel *ac sineret liberas omnes esse græcas*, vel *ac sineret liberas omnes esse græcas* Drak. (qui tamen nec vulgatum damnabat); *abstineret liberis omninoque Græcis* Bauer. Conf. ad XXVII, cap. 19, n. 2. Τῶν ἐπὶ τῆς Ἀσίας πόλεων τῶν μὲν αὐτονομῶν ἀπέχεσθαι, καὶ πρὸς μηδὲνα πολεμῆν· ὅσας δὲ νῦν παρέλιπε τῶν ὑπὸ Πτολεμαίων καὶ Φίλιππον ταττομένων,

ἐκχωρεῖν dixit Polyb. XVIII, 30 pr.

3. *Conventus gentium civitatumque quod decreta X legatorum*, etc. hæc forte corrupta; certe non respondent verbis Polyb. εἰσκαλοῦντο πάντας τοὺς ἀπὸ τῶν ἰθῶν καὶ πόλεων παραγεγονότας, καὶ τὰ δόξαντα τῷ συνεδρίῳ διασάφουν· *quod decreta X legatorum in civitates nominatim*, de singulis nominatim civitatibus, *pronuntiabantur* (solummodo, jam a legatis facta) conj. Crev. — Hac conjectura opus non esse putat Goeller. si ex MS Bamb. legeris: *q. decreto X l. c. n. pronuntiabantur*. Ed. — *Achæi Phthiotæ dati*, in συμπολιτείαν, opinor, et in idem reip. corpus conciliumque contributi: nam libertas ex decreto senatus (vid. cap. 32) iis data fuerat; Duk. et Crev. προσέειμαν Polyb. unde *additi* conj. Jac. Periz.

4. *Phocenses, Locrenses et quæ*,

Corinthus et Triphylia et Heræa (Peloponnesi et ipsa urbs est) reddita Achæis. Oreum et Eretriam decem legati Eumeni regi, Attali filio, dabant. Dissentiente Quintio, venit res in arbitrium senatus: senatus libertatem his civitatibus dedit, Carysto adjuncto. Pleurato Lycus et Parthini dati⁵: Illyriorum utraque gens sub ditione Philippi fuerat. Amynandrum tenere iusserunt castella, quæ per belli tempus Philippo capta ademisset.

XXXV. Dimisso conventu, decem legati¹, partimunia inter se, ad liberandas suæ quisque regionis civitates discesserunt: P. Lentulus Bargylus, L. Stertinus Hephæstiam et Thasum² et Thraciæ urbes, P. Villius et L. Terentius ad regem Antiochum, Gn. Cornelius ad Philippum: qui, de minoribus rebus editis mandatis, percunctatus, si consilium non utile solum, sed etiam salutare, admittere auribus posset, quum rex gratias quoque se acturum diceret, si quid, quod in rem suam esset, expromeret, magnopere ei suasit, quoniam pacem impetrasset, ad societatem amicitianque petendam mitteret Romam legatos; ne, si quid

etc. τοὺς δὲ Φωκίας καὶ τοὺς Ἀκαρῶν συνεχώρησαν αὐτοῖς ἔχειν, καθάπερ εἶχον καὶ πρότερον ἐν τῇ συμπολιτείᾳ, Polyb. unde Ursin. conj. *Phocenses, Locrensesque, sicut ante fuerant adjecti*, h. e. ad eorum concilium et συμπολιτείαν pertinnerant. — *Carysto adjuncto*, καὶ σὺν ταύταις Κάρυστος, scil. ἡλευθερώθη διὰ τῆς συγκλήτου, Polyb.

5. *Pleurato Lycus et Parthini dati*; vide ad XXII, 33, n. 3; XXVII, 32, n. 3, et XXIX, 12, n. 3. *Lychnidus et Parthus datae: Illyriorum utraque gentis*, etc. ex Polyb. conj. Duk. et sane Lycus, vel potius Lych-

nis seu Lychnidus, non *gens*, sed urbs Illyrici fuit. — *Per belli tempus*; vide ad II, 18, n. 1.

CAP. XXXV. 1. *Dimisso conventu, decem legati*, etc. cf. Polyb. XVIII, 31, et Plut. Flamin. p. 375. — *L. Stertinus* ex Gelenii et Ursini conj. h. l. et apud Polyb. legitur, at in vet. libris *L. Thermus*, Στερένιος, Στερεννίος. Plutarcho dicitur Τερτίλλιος, unde *L. Titinius* conj. Pigh. et Reisk. Conf. Duker. qui docet, dubitari quidem posse, nec tamen negari, Stertinium fuisse inter decem legatos senatus.

2. *Hephæstiam et Thasum*; vide ad cap. 30, n. 2.

Antiochus moveret, exspectasse et temporum opportunitates captasse ad bellandum³ videri posset. Ad Tempe Thessalica Philippus est conventus. Qui quum se missurum extemplo legatos respondisset; Cornelius Thermopylas, ubi frequens Græciæ statis diebus esse solet conventus⁴ (Pylaicum appellant), venit: Ætolos præcipue monuit, ut constanter et fideliter in amicitia populi romani permanerent. Ætolorum principes alii interquesti sunt, quod non idem erga suam gentem Romanorum animus esset post victoriam, qui in bello fuisset; alii ferocius incusarunt, exprobraruntque, *Non modo vinci sine Ætolis Philippum, sed ne transire quidem in Græciam Romanos potuisse.* Adversus ea respondere (ne in altercationem excederet res⁵) quum supersedisset Romanus; *omnia eos æqua impetraturos, si Romam misissent*, dixit: itaque ex auctoritate ejus decreti legati sunt. Hunc finem bellum cum Philippo habuit.

XXXVI. Quum hæc in Græcia Macedoniaque et Asia gererentur, Etruriam infestam prope conjuratio servorum fecit. Ad quærendam opprimendamque eam M'. Acilius prætor, cui inter cives peregrinosque jurisdictio obtigerat, cum una ex duabus legione urbana missus, alios jam congregatos pugnando vicit; ex his multi occisi, multi capti: alios verberatos crucibus affixit, qui principes conjurationis fuerant: alios do-

3. *Captasse ad bellandum*, f. *rebellandum*; Glar.

4. *Cornelius Thermopylas, ubi frequens... conventus*; vide ad XXXI, 29, n. 1. — Jacobs locum ita restituendum existimat: *ubi frequens Græcia st. dieb. esse solet (Pylaicos conventus appellant), venit.* Ed. — *Ætolos præcipue monet, δὲ πλείονων, mul-*

tis, Polyb. — *Alii interquesti sunt*, τῶν μὲν πρώως καὶ πολιτικῶς μεμψιμοιρούντων αὐτοῖς Polyb. unde Crever. conj. *alii leniter questi sunt.* — Hanc conjecturam confirmat Goeller. e MS. Ed.

5. *Ne in altercationem excederet res*; vide supra ad lib. III, cap. 41, not. 6.

minis restituit. Consules in provincias profecti sunt. Marcellum Boiorum ingressum fines, fatigato per diem totum milite via facienda, castra in tumulo quodam ponentem, Corolamus, regulus Boiorum, cum magna manu adortus, ad tria millia hominum occidit; et illustres viri aliquot¹ in illo tumultuario prælio ceciderunt, inter quos præfecti socium, T. Sempronius Gracchus, M. Junius Silanus, et tribuni militum de legione secunda, A. Ogulnius et P. Claudius. Castra tamen ab Romanis impigre permunita retentaque, quum hostes a prospera pugna nequidquam oppugnassent. Stativis deinde eisdem per dies aliquot sese tenuit, dum et saucios curaret, et a tanto terrore animos militum reficeret². Boii, ut est gens minime ad moræ tædium patiens, in castella sua vicosque dilapsi sunt. Marcellus, Pado confestim trajecto; in agrum Comensem, ubi Insubres, Comensibus ad arma excitatis, castra habebant; ducit legiones. In ipso itinere prælium committunt³; et primo adeo acriter invase-

CAP. XXXVI. 1. *Illustres viri aliquot*, etc. vide ad XXX, 18, n. 7.— *A prospera pugna*; vid. I, 1, n. 5.

2. *A tanto terrore animos militum reficeret*; vide ad I, 1, n. 5, et III, 10, n. 9. Illud *a* inseruit Gron. sed *ex* mulebat Drak. quia his eadem præpos. præcessit. — *Ut est gens minime ad moræ tædium patiens*, sc. belli in longam tempus ducti. Ita Cler. sed dura est ellipsis. *Ob moræ tædium* reposuit Gruter. *ob tædium moræ patiens* conj. Crev. et *minime moræ tædium patiens* (ut IV, 18, *procul ab domo militiam ægre patiens*) Drak.

3. *In ipso itinere prælium committunt* legiones rom., et *primo adeo acriter invaserunt* Galli Romanos, ut *antesignanos impulerint*; vide ad I,

14, n. 8, et V, 13, n. 1. Livio solenne esse, sic verba referre ad diversa subjecta, monet Drak. ad I, 50, n. 9. Conf. ad II, 56, n. 1. Sed vereor, ne Livio talia sæpius invito obtrudantur. — Cod. Bamb. hic quibusdam verbis auctior est; *ex quo Goeller. censet ita legendum: ... ducit legiones. Galli feroces Boiorum ante dies paucos pugna in ipso*, etc. Ed. — *Marcellus Pado c. trajecit legiones in agrum Comensem... habebant. In ipso i. p. commissum; et p. a. invaserunt*, scil. Galli, conj. Gronov. Post *legiones* asteriscum posuit Sigonius. Forte vox *hostes* excidit ob comp. script. *leg. hostes*, et legendum: *ducit legiones. Hostes in ipso itinere prælium committunt, et primo, etc.* Ver-

runt, ut antesignanos impulerint. Quod ubi animadvertit, veritus ne moti semel pellerentur, cohortem Marsorum opposuit, et equitum Latinorum omnes turmas in hostem emisit. Quorum quum primus secundusque impetus retudisset inferentem se ferociter hostem, confirmata et reliqua acies romana restitit primo, deinde signa acriter intulit: nec ultra sustinuerunt certamen Galli, quin terga verterent, atque effuse fugerent. In eo prælio supra quadraginta millia hominum cæsa, Valerius Antias scribit, et quingenta septem signa militaria capta⁴, et carpenta quadringenta triginta duo, et aureos torques multos; ex quibus unum magni ponderis Claudius in Capitolio Jovi donum in æde⁵ positum scribit. Castra eo die Gallorum expugnata direptaque; et Comum oppidum intra dies paucos captum. Castella inde duodetriginta ad consulem defecerunt. Id quoque inter scriptores ambigitur, utrum in Boios prius, an Insubres, consul exercitum induxerit, adversamque prospera pugna obliteravit; an victoria, ad Comum parta, deformata clade in Boios accepta sit.

XXXVII. Sub hæc tam varia fortuna gesta¹, L. Furius Purpureo alter consul per tribum Sappiniam in Boios² venit. Jam castro Mutilo appropinquabat, quum, veritus ne intercluderetur simul a Boiis Ligu-

bum ducit primum quidem inseruit ed. Frob. a. 1535; sed præfuit ei Gelen. qui unicum inspexit codicem.

4. *Quingenta septem signa militaria capta*, forte *quinquaginta septem*, etsi Valerius mirifice numerum augere solet; Gron. Sed etiam *supra quadraginta millia hominum* cecidisse refert; Drakenb.

5. *Claudius in Capitolio Jovi donum*

in æde, etc. forte del. *in æde*, aut leg. *Claudius Capitolino*, etc. Crev.—*Castra eo die Gallorum*, etc. in edd. ante Frob. *Postero die Gallorum castra*. — *In Boios prius, an Insubres*, f. *an in Insubres*; Drak.

CAP. XXXVII. 1. *Sub hæc... gesta*; vide ad II, 55, n. 1.

2. *Per tribum Sappiniam in Boios*; vide ad XXVI, 9, n. 8, et XXXI,

ribusque, eadem via, qua adduxerat, reduxit³, et magno circuitu per aperta, eaque tuta loca, ad collegam pervenit. Dein junctis exercitibus primum Boiorum agrum usque ad Felsinam oppidum populantes peragraverunt. Ea urbs cæteraque castella et Boii fere omnes, præter juventutem, quæ prædandi causa in armis erat (tunc in devias silvas recesserat), in deditionem venerunt⁴. In Ligures deinde traductus exercitus. Boii negligentius coactum agmen Romanorum, quia ipsi procul abesse viderentur, improvise aggressuros se rati, per occultos saltus sequuti sunt. Quos non adepti, Pado repente navibus trajecto, Lævos Libuosque⁵ quum pervastassent, redeuntes inde Ligurum extremo fine cum agresti præda in agmen incidunt romanum. Celerius prælium acriusque commissum, quam si tempore locoque, ad certamen destinatis, præparatis animis concurrissent. Ibi, quantam vim ad stimulandos animos ira haberet, apparuit: nam ita cædis magis; quam victoriæ, avidi pugnarunt Romani, ut vix nuntium cladis hosti relinquerent. Ob eas res gestas, consulum literis Romam allatis, supplicatio in triduum decreta est. Brevi post Marcellus Romam venit, triumphusque ei magno consensu Patrum est decretus: triumphavit in magistratu de

2, n. 4. — *Castro Mutilo*; vide supra ad lib. V, cap. 35, n. 4, et lib. XXXI, cap. 2, n. 5.

3. *Eadem via, qua adduxerat, reduxit*, sc. legiones seu exercitum; vide ad I, 23, n. 4. Alterutrum excidisse credebat Duk. — Cod. Bambdat, *exercitum eadem via*, quod jam conjecerat Drak. Ed. — *Per aperta loca* (vide ad X, 14, n. 6), *eaque tuta*; al. *eoque*; vide ad I, 11, n. 6. — *Collegæ secunda*. Sed non soli col-

legæ secunda pugna fuit adversus Boios; jam enim Furius Purpureo junctus fuerat cum Marcello, quum in Boiis dimicarent; quare Goeller. eod. suo censet reponendum: *cum collega secunda*. Ed.

4. *In deditionem venerunt*; vide ad VIII, 20, n. 7.

5. *Lævos Libuosque*; vide ad V, 35, n. 2 et 3. — *Redeuntes inde Ligurum extremo fine*; vide ad II, 49, n. 10.

Insubribus Comensibusque. Boiorum triumphi spem collegæ reliquit, quia ipsi proprie adversa pugna in ea gente evenerat, collegæ secunda. Multa spolia hostium captivis carpentis traducta, multa militaria signa lata, æris trecenta viginti millia, argenti bigati ducenta⁶ triginta quatuor millia. In pedites singulos dati octingenti æris⁷; triplex equiti centurionique.

XXXVIII. Eodem anno Antiochus rex, quum hibernasset Ephesi¹ omnes Asiæ civitates in antiquam imperii formulam redigere est conatus: reliquas quidem, aut quia locis planis positæ erant, aut quia parum mœnibus armisque ac juventuti fidebant, haud difficulter jugum accepturas. Smyrna et Lampsacus libertatem usurpabant; periculumque erat, ne, si concessum his foret, quasi tabe², Smyrnam in Æolide Ioniaque, Lampsacum in Hellesponto, aliæ urbes sequerentur. Igitur et ipse ab Epheso ad Smyrnam obsidendam misit³; et, quæ Abydi copiæ erant, præsidio tantum modico relicto, duci ad Lampsacum oppu-

6. *Argenti bigati ducenta*, etc. vide ad XXII, 52, n. 3.

7. *In pedites singulos dati octingenti æris*; malim *octogeni* (f. *octoginta*): neque enim credibile est, Marcellum plus largitum e præda gallica, quam T. Quintium e macedonica, qui ducenos quinquagenos æris, aut L. Scipionem e syriaca, qui quinos vicenosque denarios (æreria ratione, quadringenos æris) viritum distribuerunt; Gron. — *Triplex equiti centurionique*; vide ad X, 46, n. 8.

CAP. XXXVIII. 1. *Antiochus rex, quum hibernasset Ephesi*, quam, post alias Asiæ Minoris, inpr. Ciliciæ ac Lyciæ urbes, Ptolemæo eripuerat. Conf. Polyb. XVIII, 32, et Hieron. comm. ad Daniel. c. 11. — *In anti-*

quam imperii formulam redigere; vide ad XXVI, 24, n. 5.

2. *Quasi tabe* (ne illa velut pestis regni sui ad plures serperet; conf. ad II, 23, n. 6) ex emend. Gron. recepi. *Quos metuebat et quos in Theba inapte* edd. rel. *quod metuebat* conj. Dujat. — De omnibus his conjecturis tacere se profitetur Goeller. quia omnis dubitatio sublata est scriptura MS Bamb. *ne, si concessum his foret, quod intenderent, Smyrnam*, etc. Jacobs putat, in lectione *quos in Theba* manifesta esse vestigia verbi *intendebant*; nam etiam indicativus modus hic haberet locum, non adversante Kreysigio. Ed.

3. *Ad Smyrnam obsidendam misit* copias, e seqq.

gnandum jussit. Nec vi tantum terrebat; sed, per legatos leniter alloquendo castigandoque temeritatem et pertinaciam, spem conabatur facere, brevi, quæ peterent, habituros⁴, sed quum satis et ipsis et omnibus aliis appareret, ab rege impetratam eos libertatem, non per occasionem raptam, habere. Adversus quæ respondebant, *Nihil neque mirari, neque succensere Antiochum debere, si spem libertatis differri non satis æquo animo paterentur*. Ipse initio veris, navibus ab Epheso profectus, Hellespontum petit; terrestres copias⁵ Madytū trajicit, Chersonesi urbem; terrestri navalem exercitum junxit: et, quia clausuram portas, circumdedit mœnia armatis, et jam opera admoventi⁶ deditio est facta. Idem metus tum incolentes alias Chersonesi urbes in deditionem dedit. Lysimachiam inde omnibus simul navalibus terrestribusque copiis venit. Quam quum desertam⁷ ac stratam prope ruinis invenisset (ceperant autem direptamque incenderant Thraces paucis ante annis), cupido eum restituendi nobilem urbem et loco sitam opportuno cepit. Itaque omni cura simul est aggressus, et tecta murosque restituere, et partim redimere servientes Lysimachienses, partim fuga sparsos per Hellespontum Chersonesumque conquirere contrahereque, partim

4. *Spem conabatur facere, brevi, quæ peterent, libertatem, se habituros, sed tum demum, quum satis... appareret, manifestum esset, se ab rege impetratam, etc., hanc libertatem non vi et rebellione partam, sed regium munus esse. Quam peterent malebat Gron. — Per occasionem; vide ad I, 11, n. 1.*

5. *Terrestres copias Madytum trajecit, etc. locum sic e codicis sui vestigiis persanare tentat Goeller. terrestres*

copias trajici Abydo in (istud delet Kreyasig.) Chersonesum jussit. Quum ad Madytum, Chersonesi urbem, terrestri navalem exercitum junxisset, etc. Ed.

6. *Et jam opera admoventi; f. sed jam, Gron. — Tum incolentes voces otiosæ et inelegantes, in quibus vitium latet; Crev.*

7. *Quam quum desertam, etc. conf. cap. 40 extr. Vid. Polyb. XVII, 4; XVIII, 34, et Appian. Syr. 1.*

novos colonos, spe commodorum proposita, adscribere, et omni modo frequentare⁸. Simul ut Thracum submoveretur metus, ipse parte dimidia terrestrium copiarum ad depopulandum proxima Thraciæ est profectus: partem navalesque socios omnes reliquit in operibus reficiendæ urbis.

XXXIX. Sub hoc tempus et L. Cornelius, missus ab senatu ad dirimenda¹ inter Antiochum Ptolemæumque reges certamina, Selymbriæ substitit; et decem legatorum² P. Lentulus a Bargyliis, P. Villius et L. Terentius a Thaso, Lysimachiam petierunt. Eodem et a Selymbria L. Cornelius et ex Thracia post paucos dies Antiochus convenerunt. Primus congressus cum legatis, et deinceps invitatio benigna et ho-

8. *Omni modo frequentare urbem;* vide ad X, 11, n. 3.

CAP. XXXIX. 1. *L. Cornelius, missus ab senatu ad dirimenda, etc.* diversus a Cn. Cornelio cap. 35, non idem, quod putabat Appian. Syr. 3, etsi non aliunde notus. Conf. Polyb. XVIII, 32, 33, et Appian. Syr. 2, 3. — *Selymbria* Thraciæ opp. ad Propontidem; quam rectius *Σηλυβρίαν* (*Σήλυος βριάων*, h. e. Selyis urbem) Thracum lingua dici monent Ptol. III, 11; Strab. VII, 6, 1, pag. 319; et Nicol. Damasc. in Exc. p. 494.

2. *Et decem legatorum* (pro e decem legatis, ut apud Polyb. τῶν δέκα) *P. Lentulus a Bargyliis, P. Villius et L. Terentius a Thaso, etc.* ita et Polyb. XVIII, 33. Sed idem cap. 31, et Livius supra cap. 35 pr. dixerant, L. Stertinium discessisse Thasum, P. Villium autem et L. Terentium ad Antiochum regem. Dukerus: « Non invenio, inquit, quomodo hoc expediri possit, nisi putandum est, Villium et Terentium, quum in itinere audissent,

Antiochum ex Asia in Chersonesum trajecisse, omisso itinere, quod ad eum ingressi fuerant, Thasum venisse ». Nota Schweigh. ad Polyb. est hæc: « Nos vero non tam miramur, quo pacto legati ad Antiochum missi, qui eum in Chersoneso versari ex legatis ejus (vid. Polyb. XVIII, 30, 1-4), cognoscere potuerant, Thaso in Thraciam advenerint (quandoquidem consentaneum erat, primum cum eo collega, qui ad liberandum Thasum missus est, Thasum, quæ prope Thraciam est, navigasse, et inde porro ad Antiochum profectos); quam quod eodem tempore, quo hi *Selymbriam* in Thraciam venerunt, advenerit etiam *P. Lentulus*, qui in partem oppositam longissimeque hinc remotam, *Bargylia* in Cariam, erat missus, ad Græcos ejus regionis a Philippi dominati liberandos ». Forte serius is lentiusve cæteris iter fecit in Cariam, atque deinde, certior factus de Antiochii profectioe in Thraciam, eo properavit.

spitalis fuit. Ut de mandatis statuque præsentis Asiæ agi coeptum est, animi exasperati sunt. Romani, omnia acta ejus, ex quo tempore e Syria classe solvisset, displicere senatui, non diissimulabant, restituique Ptolemæo³ civitates omnes, quæ ditionis ejus fuissent, æquum censebant. *Nam quod ad eas civitates attineret, quas a Philippo possessas Antiochus per occasionem, averso Philippo in romanum bellum, interceptisset⁴, id vero ferendum non esse, Romanos per tot annos terra marique tanta pericula ac labores exhaustisse, Antiochum belli præmia habere. Sed ut in Asiam adventus ejus dissimulari ab Romanis, tamquam nihil ad eos pertinens, potuerit; quod jam etiam in Europam omnibus navalibus terrestribusque copiis transierit, quantum a bello aperto Romanis abesse? Illum quidem, etiamsi in Italiam trajiciat, negaturum.*

XL. Ad ea rex¹, *Satis jam ante videre se, Romanos inquirere, quid regi Antiocho faciendum; at, quousque terra marique progrediendum fuerit ipsis, non cogitare. Asiam nihil ad populum romanum pertinere; nec magis illis inquirendum esse, quid Antiochus in Asia, quam Antiocho, quid in Italia populus romanus faciat. Quod ad Ptolemæum attineat, cui ademptas civitates querantur; sibi cum Ptolemæo et amicitiam esse, et id agere se, ut brevi etiam affinitus jungatur². Nec ex Philippi quidem³ adversa for-*

3. Restituique Ptolemæo, etc. conf. Polyb. XVIII, 33; Appian. Syr. 3.

4. Per occasionem... interceptisset; vide ad I, 11, n. 1, et III, 72, n. 2.— Sed ut in Asiam, etc. vide ad II, 38, n. 3.— *A bello aperto Romanis: immo cum Romanis; Gron. — Cod. Bamb. a bello aperte Romanis indicto abesse; quod melius est et facilius. Ed.*

CAP. XL. I. Ad ea rex, etc. conf. Appian. Syr. 3; Polyb. XVIII, 34, et simil. loc. ej. V, 67.

2. Ut brevi etiam affinitus jungatur; vid. XXXV, 13.

3. Nec (immo Ne Drak. et Duk.) ex Philippi quidem... aut adversus Romanos in Europam trajecisse. Chersonesum, quæ Lysimachi fuerit, quo

*tuna spolia ulla se petisse; aut adversus Romanos in Europam trajecisse. ***** fuerit (quo victo omnia, quæ illius fuissent, jure belli Seleuci facta sint), existimare suæ ditionis esse. Occupatis majoribus suis rerum aliarum alia cura⁴, primo quædam ex his Ptolemæum, deinde et Philippum, usurpando aliena possedisse; sicut quædam ex proxima Thracia, quæ indubitate Lysimachi fuerint⁵. Ad eâ faciendâ⁶ in antiquum venisse; et Lysimachiam⁷, deletam Thracum*

victo, etc. ita bene lacunam h. l. explet Ruben. ex Polyb. XVIII, 34: neque opus est plura supplere cum aliis; nam reliqua Polybii verba mox expressit Livius. Seleucus Nicator, qui post Alexandri M. mortem, victis Antigono et Lysimacho, regnis et illius (Syria et Colesyria) et hujus (Chersoneso Thraciaque) potitus est (vid. Polybius, V, 67; XVIII, 34; XXVIII, 17), pater fuit Antiochi Soteris, avus Antiochi Dei, proavus Seleuci Callinici, abavus Seleuci Cerauni et Antiochi M., cujus filii fuere Seleucus Philopator, Antiochus Epiphanes et alii. Conf. Polyb. II, 71; IV, 48; V, 40. Sic Duker. infra ad XXXIV, 58; ubi Crev. monet, *proavum* proprium et recte dici, quia Antiochus Soter et Antiochus Deus seu Theon fratres fuerint teste Appiano Syr. cap. 65. Hunc Appiani locum etiam ab aliis ita intellectum esse, sed manifeste contrarium docere, ibi jam ostendit Schweigh.

4. *Occupatis majoribus rerum aliarum alia cura*: malim *aliarum aliis* vel *ex aliis cura* (ut VII, 39, *alias ex aliis fugendo moras*); Gron.

5. *Quæ indubitate Lysimachi fuerint*: vox *indubitate* suspecta est viris doctis. Conf. Drak. ad h. l. et Ruhnken. ad Vell. II, 60.

6. *Ad eâ faciendâ*, redigenda, in antiquum statum, ad veterem eorum conditionem restituendam, *venisse* se. Non bene expressa est hæc sententia; minus vero satis facit explicatio Ernesti, cujus nota est: «Manifeste data opera verbum *faciendi* sæpe repetitum est in oratione regis, in eaque repetitione sane mira elegantia est agnoscenda. *Antiquum* vero substantive acceptum, ut V, 33 extr. et *pacatum, hosticum*, etc. subintellecto *loco, solo, dominio, sinu, angulo*, etc. (conf. VI, 31, n. 3; VIII, 12, n. 11, al.) cum *venisse* conjungatur, ut sensus sit: Romanis inquirentibus et, quid mihi *faciendum* esset, et quid ego in Asia *facerem*, quæ jure belli *facta* erant Seleuci, sed postea a majoribus meis neglecta, ad *eâ faciendâ*, nec negligenda, et usurpatoribus eripienda, in *antiquum*, sc. dominium *veni*». Sic verba *ad eâ faciendâ* male coherent cum præced.; nam hæc ad ea tantum spectant, quæ alii fecerunt. *Ad eâ redigenda in antiquum jus vel statum* conj. Gron. Sufficeret pro *faciendâ* substituere *potiunda* aut *vindicanda*.

7. *Lysimachiam, deletam Thracum impetu*; vide ad XXXII, 33, n. 13, et XXXIII, 38, n. 6. *Lysimachia* primum, victo Lysimacho, Thraciæ

impetu, de integro condere, ut Seleucus filius eam sedem regni habeat.

XLI. His disceptationibus per dies aliquot habitis, rumor sine ullo satis certo auctore¹ allatus de morte Ptolemæi regis, ut nullus exitus imponeretur sermonibus. Nam dissimulabat pars utraque se audisse; et L. Cornelius, cui legatio ad duos reges, Antiochum Ptolemæumque, mandata erat, spatium modici temporis ad conveniendum Ptolemæum petebat, ut prius, quam moveretur aliquid in nova possessione regni, perveniret in Ægyptum; et Antiochus suam fore Ægyptum, si tum occasio esset², censebat. Itaque, dimissis Romanis relictoque Seleuco filio cum terrestribus copiis ad restituendam; ut instituerat, Lysimachiam, ipse omni classe navigans Ephesum, legatis ad Quintium missis³, qui ad fidem de societate agerent, oram Asiæ legens, pervenit in Lyciam; Patarisque cognito,

rege, occupata a Seleuco Nicatore (vid. Polybius, V, 34; XVIII, 34), deinde ab regibus Ægypti (conf. eadem loca), ab Ætolis (Polybius, XV, 23; XVII, 3), a Philippo (ibid. et XVIII, 34), a Thracibus (vid. sup. ad c. 38, n. 6), et postremo ab Antiocho M. qui urbem, *deletam Thracum impetu, de integro condidit, ut Seleucus Philopator filius eam sedem regni haberet* (confer. inf. XXXIV, 58; XXXV, 15, et Polyb. XVIII, 34; XXI, 12).

CAP. XLII. 1. *Rumor sine ullo satis certo auctore*, etc. post regis excidisse videtur effecit; Gron. aut fecit Crev. Conf. Appian. Syr. 4. — Gronovii conjecturam confirmat codex Bamb. Eb.

2. *Suam fore Ægyptum, si tum occasio esset*, forte leg. *si eam occasionem non amisisset*, aut *si tum non*

cessasset Gron. *si tum occasione non deesset* conj. Glar. *si tum occasione usus esset* Duk. *si usus occasione esset* Crev. Malim *si non occasione deesset*, ut XXII, 39 extr. — In cod. Bamb. legitur *si tum occupasset*. Ed.

3. *Legatis ad Quintium missis*, etc. conf. XXXLV, 25. Pro *ad fidem* Gron. conj. *ibidem*. Sed ubi? Excidisse aliquid in hanc sententiam *ad fidem faciendam, regem nihil adversus Ægyptum tentaturum*, suspicabatur Duk. nam nulla eum re magis fidem facere potuisse Romanis, fulsam esse illam suspicionem, quam societatem cum illis ineundo. Forte leg. *data fide* vel *mala fide*, vel *ad speciem*. — Goeller. e MS suo dat, *ad fidem faciendam nihil novaturum regem*. Ed. — *Oram Asiæ legens* (vide ad XXI, 51, n. 6) *pervenit in Lyciam*. *Patarisque cognito, vivere Ptolemæum, navigandi in*

vivere Ptolemæum, navigandi quidem in Ægyptum omissum consilium est. Cyprum nihilominus tendens, quum Chelidonium promontorium⁴ superasset, paulisper seditione remigum est retentus in Pamphylia circa Eurymedontem amnem. Inde profectum eum ad capita (quæ vocant) Sari fluminis⁵ foeda tempestas oborta prope cum omni classe demersit. Multæ naves ejectæ⁶: multæ ita haustæ mari, ut nemo in terram enaverit. Magna vis hominum ibi interiit, non remigum tantum militumque ignotorum, sed etiam insignium amicorum. Collectis reliquiis naufragii, quum res non in eo esset, ut Cyprum tentaret⁷, minus opulento agmine, quam profectus erat, Seleuciam redit. Ibi subduci navibus jussis⁸ (jam enim et hiems instabat), ipse in hiberna Antiochiam processit. In hoc statu regum erant res.

XLII. Romæ eo primum anno triumviri epulones

Æ. omissum consilium est; vide ad XXXVI, 31, n. 4. Cognito; vide ad I, 41, n. 10. — Cyprum tendens; vide ad lib. IV, cap. 19, n. 1, et lib. X, cap. 37, n. 1.

4. Chelidonium promontorium Ly-cie ad radices Tauri montis, hodie Capo Cameroso, objectum tribus insulis Chelidoniis vel Chelidoneis; vid. Strab. XIV, p. 666; Mel. I, 15, II, 7; Plin. V, 27 et 31, seu 35.

5. Sari fluminis, quod e Cappadocia in Ciliciam, ibique in mare fluit; vid. Strab. XII, p. 535, 536; Ptol. V, 8; Plin. V, 27 seu 22; VI, 3, et Steph. Conf. Appian. Syr. 4. — Capita. Non intelligendos fontes monet Creverius, sed potius tumulos quosdam fortasse ac rupes in litore ad Sari ostia; quemadmodum Κυρὸς κεφαλαί in Thessalia sunt montes atque tumuli. En.

6. Multæ naves ejectæ; vid. XXI, 49, n. 3. — Cod. Bamb. dat. multæ fractæ, multæ naves; unde Goeller. suspicatur leg. multæ ejectæ, multæ fractæ naves. Jacobs vero et Kreysig. multæ fractæ, multæ ejectæ naves. Ejectæ naves dicuntur, quæ tempestate auferuntur eo quidem, ubi nondum fuerant, nec quo tetenderant. Ern. gloss. voc. ejicere. En.

7. Ut Cyprum tentaret; vide ad IX, 35, n. 1.

8. Subduci navibus jussis; vide ad VIII, 26, n. 1. — Jam enim et hiems instabat: illud et recte inserunt ed. Mogunt. et proximæ, ut ita hæc altera classem subducendi causa detur, quod hiems instaret, quum prima foret, quod maxima navium pars naufragio amissa esset; Drak. — In hoc statu regum erant res, Philippi et Antiochi.

facti¹, C. Licinius Lucullus tribunus, qui legem de creandis his tulerat, P. Manlius et P. Porcius Læca. His triumviris, item ut pontificibus, lege datum togæ prætextæ habendæ jus². Sed magnum certamen cum omnibus sacerdotibus eo anno fuit quæstoribus urbanis, Q. Fabio Labeoni et L. Aurelio. Pecunia opus erat, quod ultimam pensionem pecuniæ³ in bellum collatæ persolvere placuerat privatis. Quæstores ab auguribus pontificibusque, quod stipendium per bellum non contulissent, petebant. Ab sacerdotibus tribuni nequidquam appellati, omniumque annorum, per quos non dederant, exactum est. Eodem anno duo mortui pontifices, novique in eorum locum sublecti, M. Marcellus consul in locum C. Sempronii Tuditani, qui prætor in Hispania decesserat, et L. Valerius⁴ in locum M. Cornelii Cethegi. Et Q. Fabius Maximus augur mortuus est admodum adolescens, prius quam ullum magistratum caperet: nec eo anno augur in ejus

CAP. XLII. 1. *Romæ eo primum anno triumviri epulones* (vid. XXV, 2, n. 7) *facti*: cur? Vid. Cic. Orat. III, 19. Postea septemviri epulones instituti. Conf. Gell. I, 12.

2. *Togæ prætextæ habendæ jus*; vide ad XXVII, 37, n. 7.

3. *Ultimam pensionem pecuniæ*, etc. vide ad XXXI, 13, n. 1. — *Quæstores ab auguribus*, etc. nota Dukeri est: « Cur ab his solis, quum certamen esset cum omnibus sacerdotibus? An dicendum est, cæteros deinde ultro destitisse certamine, augures et pontifices, quod fortassis se jure majōris sacerdotii immunes esse putarent, pertinacius in eo perseveravisse? Stewech. ad Veget. III, 3, scribit, pontifices, augures, reliquosque sacerdotes tum stipendium dare

ooactos, quamvis ante non dedissent; et Guther. de vet. jur. Pontif. I, 28, ab iis, ut ab aliis civibus, stipendium extortum esse. Crederem, si docuissent, iis lege immunitatem concessam fuisse. Nam quod Dionys. II, 21, tradit, Romulum sacerdotes negotiorum urbanorum immunes fecisse, id de muneribus personalibus, non patrimonialibus, quæ vocant jurisconsulti, accipi nihil vetat. Verba Livii *omnium annorum, per quos non dederant, exactum est*, argumento sunt, eos, quum ante, ut alii cives, dedissent, ab aliquot annis immunitatem usurpasse ». — *Per bellum non contulissent*; vide ad II, 18, n. 1.

4. *L. Valerius Flaccus in locum Cethegi pontifex*, de cujus morte vid. XL, 42. Diversus forte a L. Valerio

locum est suffectus. Comititia inde consularia habita a M. Marcello consule : creati consules L. Valerius Flaccus, M. Porcius Cato. Prætores inde facti C. Fabricius Luscinus, C. Atinius Labeo, Cn. Manlius Vulso, Ap. Claudius Nero, P. Manlius, P. Porcius Læca. Ædiles curules, M. Fulvius Nobilior et C. Flaminius, tritici decies centum millia⁵ binis æris populo dividerunt : id C. Flamini honoris causa, ipsius patrisque, ad vexerant Siculi Romam. Flaminius gratiam ejus communicaverat cum collega. Ludi Romani et apparati magnifice sunt, et ter toti instaurati. Ædiles plebis, Cn. Domitius Ahenobarbus et C. Scribonius⁶ Curio, multos pecuarios ad populi judicium adduxerunt. Tres ex his condemnati sunt; ex eorum mulctaticia pecunia ædem in Insula Fauni⁷ fecerunt. Ludi plebei per biduum instaurati, et epulum fuit ludorum causa.

XLIII. L. Valerius Flaccus et M. Porcius, quo die magistratum inierunt, de provinciis quum ad senatum retulissent, Patres censuerunt, *Quum in Hispania tantum glisceret bellum, ut jam consulari et duce et exercitu¹ opus esset, placere, consules Hispaniam*

Flacco, quem consulem creatum mox dicit Livius.

5. *Tritici decies centum millia binis æris populo dividerunt*; vid. XXXI, 50, n. 1, et XLIII, 6, n. 1.—Decies centum millia modiorum rom. efficiunt, secundum Creverii rationes, circiter modios nostrates 770,833, sive paulo plus 64,236 sextarios. Bini asses sunt octava pars denarii, dimidia vero sestertii, sive argenti novem grana. Ed.

6. *C. Scribonius Curio* ex emend. Drak. pro vulg. *C. Scribonius curio maximus*; nam is fuit alius, aut creatus certe a. U. 578, mortuo C. Mami-

lio Vitulo. Conf. XXVII, 8, et XLI, 21. — Goelleri nota est: « Quid? si verba, *curio maximus*, pro una voce *curio*, cognominis loco posita esse accipiamus. Ex eadem familia fuerunt C. Curio consul, qui de Macedonia triumphavit, et C. Curio filius, tribunus plebis, ad quem sunt epistolæ Cic. lib. II ad Famil. » Ed. — *Multos pecuarios ad populi*, etc. vide ad X, 23, n. 11.

7. *Ædem Fauni fecerunt in Insula Tiberina*, inter campum Martium et Janiculum, de qua vid. II, 5.—*Epulum Jovis*; quæ vox forte excidit.

CAP. XLIII. 1. *Consulari et duce et*

*citeriorem et Italiam provincias aut comparare inter se, aut sortiri*². *Utri Hispania provincia evenisset, eum duas legiones et quinque millia socium latini nominis et quingentos equites secum portare, et naves longas viginti*³ *ducere. Alter consul duas legiones scriberet: his Galliam provinciam obtineri satis esse, fractis proximo anno Insubrium*⁴ *et Boiorum animis.* Cato Hispaniam, Valerius Italiam est sortitus. Prætores deinde provincias sortiti, C. Fabricius Luscinus urbanam, C. Atinius Labeo peregrinam, Cn. Manlius Vulso Siciliam, Ap. Claudius Nero Hispaniam ulteriorem, P. Porcius Læca Pisas⁵, ut ab tergo Liguribus esset: P. Manlius in Hispaniam citeriorem adjutor consuli datur. T. Quintio, suspectis non solum Antiocho et Ætolis, sed etiam Nabide Lacedæmoniorum tyranno, prorogatum in annum imperium est, duas legiones ut haberet. In eas si quid supplementi opus esset, consules scribere et mittere in Macedoniam jussi. Ap. Claudio præter legionem, quam Q. Fabius habuerat, duo millia peditum et ducentos equites novos conscribere permissum. Par numerus peditum equitumque novorum P. Manlio in citeriorem Hispaniam decretus; et legio eadem, quæ fuerat sub Minucio prætore, data. Et P. Porcio Læcæ ad Etruriam circa Pisas duo millia peditum et quingenti equites ex Gallico exercitu decreti. In Sardinia prorogatum imperium Sempronio Longo.

exercitu; vide supra ad X, 25, n. 9.

2. *Comparare inter se aut sortiri;* vide ad III, 2, n. 1.

3. *Naves... ducere;* v. XXI, 17, n. 5.

4. *Fractis proximo anno Insubrium,* etc. vid. XXXII, 30, 31.

5. *P. Porcius Læca Pisas;* vide ad II, 40, n. 9. — *Ab tergo Liguribus*

Apuanis. Conf. Jac. Gron., et Noris. ad Cenot. Pis. I, 1, p. 8. — *Adjutor consuli datur, f. datus,* ut paulo ante sortiti; Duk. — *Duo millia ped.* Cod. Bamb. auget numerum, datque *decem millia ped.* Idque verosimilius videtur Goellero, propter numerum quingentorum equitum. Ed. — *Ex gallico*

XLIV. Provinciis ita distributis, consules, priusquam ab Urbe proficiscerentur, ver sacrum ex pontificum jussu fecere¹, quod A. Cornelius Mammula prætor voverat de senatus sententia populique jussu, Cn. Servilio, C. Flaminio consulibus. Annis post uno et viginti factum est, quam votum. Per eosdem dies C. Claudius, Ap. filius, Pulcher, augur in Q. Fabii Maximi locum, qui priore anno mortuus erat, lectus inauguratusque est. Mirantibus jam vulgo hominibus, quod Hispania movisset, bellum negligi², literæ a Q. Minucio allatæ sunt, *Se ad Turbam oppidum cum Budare et Besaside, imperatoribus hispanis, signis collatis prospere pugnasse: duodecim millia hostium cæsa; Budarem imperatorem captum; cæteros fusos fugatosque*. His literis lectis, minus terroris ab Hispanis erat, unde ingens bellum expectatum fuerat. Omnes curæ, post adventum utique³ decem legatorum, in Antiochum regem conversæ. Hi, expositis prius, quæ cum Philippo acta essent, et quibus legibus data pax, non minorem belli molem restare ab Antiocho docuerunt. *Ingenti classe, egregio terrestri exercitu, in Europam eum trajecisse. Nisi avertisset vana spes,*

exercitu, quem Valerius cos. adversus Gallos ducturus erat; Glar.

CAP. XLIV. 1. *Ver sacrum... fecere, quod*, etc. vide ad XXII, 9, n. 9. Dodwell. de Cyclis, Diss. X, § 40, 41, erroris arguit Livium. Sed vid. Duker. qui tamen negligentiam accusat Livium, quod *ludos magnos*, a senatu simul decretos, neque h. l. neque XXXIV, 44, factos memoraverit. — *Ex pontificum jussu*. Cod. Bamb. *ex decreto pontificum jussi*. Ed. — *Annis post uno et viginti; tot consulum paria intersunt: unde patet, Livium neutrum annum, quo*

votum susceptum solumque est, comprehendisse; Drak. qui et conf. infra ad librum XLII, cap. 10, n. 5.

2. *Bellum negligi*. Locus ita apparet in Bamb. MS, *quod quum Hispania movisset, bellum negligenter*, scilicet Ap. Claudius et P. Manlius. Vulgatam Gelenius ait esse veram lectionem; sed, quod notat Goellerus, non indicavit, unde veram quam dicit lectionem sumpserit. Ed. — *Literæ a Minucio allatæ*, etc. vid. VIII, 9, n. 10.

3. *Post adventum utique* (vide ad II, 30, n. 1) *decem legatorum*, de quibus vid. cap. 24, 30, 34, 35, 39.

*ex vaniore rumore orta*⁴, *Ægypti invadendæ, mox bello Græciam arsuram fuisse. Neque enim ne Ætolos quidem quieturos, quum ingenio inquietam*⁵, *tum iratam Romanis gentem. Hærere et aliud in visceribus Græciæ*⁶ *ingens malum, Nabin, nunc Lacedæmoniorum, mox, si liceat, universæ Græciæ futurum tyrannum, avaritia et crudelitate omnes fama celebratos tyrannos æquantem. Cui si Argos, velut arcem Peloponneso impositam, tenere liceat, deportatis in Italiam romanis exercitibus, nequidquam liberatam a Philippo Græciam fore, pro rege, si nihil aliud, longinquo vicinum tyrannum dominum habituram.*

XLV. Hæc quum jam ab gravibus auctoribus, tum qui omnia per se ipsos explorata referrent, audirent majores⁷; quod ad Antiochum attineret, maturanda his, quum rex quacumque de causa in Syriam concessisset, de tyranno consultatio visa est. Quum diu disceptatum esset, utrum jam causæ satis videretur, cur decerneretur, an permetterent T. Quintio; quod ad Nabin Lacedæmonium attineret, faceret, quæ e republica censeret esse, permiserunt; eam rem esse rati, quæ maturata dilatave non tam magni momenti

4. *Ex vaniore rumore orta*, etc. vid. cap. 41 pr.

5. *Quum ingenio inquietam*, etc. vide ad XXVI, 25, n. 6.

6. *In visceribus Græciæ*, etc. vide ad XXII, 38, n. 4.

7. *Pro rege, si nihil aliud fit*, saltem longinquo.

CAP. XLV. 1. *Audirent majores*, insolenter dictum pro *majores natu vel seniores Patrum*; et in edd. vett. ante Frob. a. 1531 legitur *audirentur*. Hinc bene emend. Jac. Periz. *Hæc quum tum ab gravibus auctoribus, tum...referrent, audirentur, major*

res, quod ad Antiochum attineret, maturanda magis, quum rex, etc. Ita sensus est: *major quidem res*, scilic. *visa est* (id ex seqq. revocandum), quod ad Antiochum attineret, sed maturanda magis, etc. Verbis transpositis et inserta voce *dilato* conj. Gron. *maturanda his (quod ad Antiochum attineret, quum rex... concessisset, dilato) de tyranno*, etc. — *Faceret, quæ e republica censeret esse, permiserunt*; vide ad XXII, 39, n. 1. *Facere* malebat Gronov. ut XXXIV, 34 extr. et mox (ut et XXXVI, 34) *summam rempublicam pop. rom.* vide

ad summam rem populi romani esset. Magis id animadvertendum esse, quid Hannibal et Carthaginenses, si cum Antiocho ortum foret bellum, acturi essent. Adversæ Hannibali factionis homines principibus romanis, amicis quisque suis, idemtidem scribebant, *Nuntios literasque ab Hannibale ad Antiochum missas, et ab rege ad eum clam legatos venisse. Ut feras quasdam nunquam mitescere²; sic immitem, implacabilem ejus viri animum esse. Marcescere otio situque civitatem, queri eum, et inertia operis; nec sine armorum sonitu excitari posse.* Hæc probabilia memoria prioris belli, per unum illum non magis gesti, quam moti, faciebat. Irritaverat etiam recenti³ facto multorum potentium animos.

XLVI. Judicum ordo Carthagine ea tempestate dominabatur; eo maxime¹, quod iidem perpetui iudices erant. Res, fama, vitæque omnium in illorum potestate erat: qui unum ejus ordinis, idem omnes adversos habebat; nec accusator apud iudices infensos

ad III, 5, n. 6. Eidem multo rotundior videbatur lectio cod. Mogunt. *eam rem rati maturatam dilatamve non magni m. ad s. r. p. r. esse.* Sed vid. Drak. qui monet, Livii lacteam ubertatem non minus laudari, quam concisam rotunditatem, et vocem *tam* ab omnibus fere odd. antt. et MS additam esse, Livium vero *non tam magni momenti* dixisse pro: non admodum, non valde magni momenti.

2. *Ut feras quasdam nunquam mitescere*, pro *ut feræ mitescant*. — In cod. Bamb. legitur *nulla mitescere arte*, quod elegantius dicitur, quam *nunquam*. Ed.—*Marcescere otio situque*, inertia, segnitie, civitatem; vide ad XXIII, 45, n. 1, et ad Sil. VIII, 20. — *Et inertia operis*: verba vix

latina (etsi *inertia laboris* dicta sit Cic. pro Q. Roscio, cap. 8), et forte inepta *roū situque* glossa. Ingeniose tamen pro *operis* tum *sopiri* conj. Ruben., tum *torpere* Bauer. qui hoc prope aptius monet esse voci *inertiæ*, sicut illud sequenti verbo *excitari*. — *Sopiri* legitur in codice Bamb. quem locum pro virili parte restituere et illustrare conatur Kreyssig. in epistola ad Goellerum. Ed.

3. *Recenti facto*, quod mox memoratur cap. 46.

CAP. XLVI. 1. *Eo maxime*; vide ad I, 11, n. 6.—*Qui unum ejus ordinis* adversum sibi, *idem*, etc. — Goeller. e codice suo dat, *qui unum ejus ordinis offendisset*; quæ ultima vox in editis nusquam apparet. Ed.

deerat. Horum in tam impotenti regno² (neque enim civiliter nimis opibus utebantur) prætor factus Hannibal vocare ad se quæstorem. Is rem pro nihilo habuit³; nam et adversæ factionis erat, et, quia ex quæstura in iudices, potentissimum ordinem, referebantur, jam pro futuris mox opibus animos gerebat. Enimvero indignum id ratus Hannibal, viatorem adprehendendum quæstorem misit; subductumque in concionem⁴, non ipsum magis, quam ordinem iudicum, præ quorum superbia atque opibus nec leges quidquam essent, nec magistratus, accusavit: et, ut secundis auribus accipi orationem animadvertit, et infimorum quoque libertati gravem esse superbiam eorum, legem extemplo promulgavit, pertulitque, *Ut in singulos annos iudices legerentur, ne quis biennium⁵ continuum iudex esset.* Cæterum quantam eo facto ad plebem inierat gratiam, tantum magnæ partis principum offendeat animos. Adjecit aliud, quod, bono publico, sibi proprias simultates irritavit. Vectigalia publica partim negligentia dilabebantur⁶, partim prædæ ac divisui principum quibusdam et magistratibus erant: quin et pecunia, quæ in stipendium Ro-

2. *Horum in tam impotenti regno;* vide ad III, 36, n. 2. — *Non civiliter opibus utebantur;* vide ad VII, 5, n. 2. — *Prætor factus Hannibal,* ut prætor Epit. 50; consul apud Justin. XXXI, 2, § 6; et rex apud Nep. Hann. 7 (ubi cf. *Tzschucke*) pro sufete. Conf. ad VI, 42, n. 7, et XXVIII, cap. 27, not. 3.

3. *Is rem pro nihilo habuit* edidi ex emend. Periz. pro vulg. *Idem p. n. h.* Minus placebit Gronovianum *Id is.* — *Ex quæstura in iudices referebantur,* egebantur, scilicet homines, hoc est, quæstorem.

4. *Subductumque in concionem,* quia in loco forsitan superiore statutus est; nisi leg. *productumque;* Gron. — *Præ quorum superbia,* propter quæ superbiam; sed vox *præ* abest ab edd. vett. ante Frob. a. 1531, neque necessaria videtur; Drak.

5. *Ne quis biennium,* etc. forte *neve* vel *neu;* Duk. et Bauer. Ille etiam mox malebat *offenderat.*

6. *Vectigalia publica negligentia dilabebantur,* etc. vide ad VII, 20, n. 3, et conf. Nep. Hann. 7. — *Divisui fuere;* vide supra ad librum I, cap. 54, n. 6.

manis suo quoque anno ⁷ penderetur, deerat, tributumque grave privatis imminere videbatur.

XLVII. Hannibal postquam, vectigalia quanta terrestria maritimaque essent, et in quas res erogarentur, animadvertit, et quid eorum ordinarii reipublicæ usus ¹ consumerent, quantum peculatus averteret; omnibus residuis pecuniis ² exactis, tributo privatis remisso, satis locupletem rempublicam fore ad vectigal præstandum Romanis, pronuntiavit in concione, et præstitit promissum. Tum vero isti, quos paverat per aliquot annos publicus peculatus, velut bonis ereptis, non furto eorum manibus extorto, infensi et irati Romanos in Hannibalem, et ipsos causam odii quærentes, instigabant. Itaque, diu repugnante Scipione Africano ³, quia parum ex populi romani dignitate esse ducebat, subscribere odiis accusationibusque Hannibalis, et factionibus Carthaginiensium inserere pu-

7. *Suo quoque anno, lego quæque;* Gron. Conf. ad III, 22, n. 5.

CAP. XLVII. I. *Ordinariū reip. usus,* perpetuæ, annuæ, solennes ejus necessitates.—*Quantum peculatus averteret;* vide ad I, 7, n. 6. *Peculatus* furtum seu interceptio pecuniæ, inpr. publicæ vel sacræ; qui mox *publicus peculatus* dicitur. Conf. Gron. Obs. IV, 5.

2. *Omnibus residuis pecuniis,* nondum solutis et in tabulas relatis, vel datis ex ærario magistratibus, ut in usum publicum consumerentur, ab his autem oppressis et in rem suam conversis.

3. *Scipione Africano, quia parum,* etc. forte *qui parum;* Crev. — *Subscribere odiis accusationibusque Hannibalis,* adjuvare adversarios accusatoresque Hann. (vide ad X, 22, n. 4), et inhonestas horum partes si-

mul agere: ad cuius rei indignitatem adumbrandam pertinent etiam verba *velut accusatores calumniam in eum jurare* (h. e. iurandum de calumnia, se non calumniæ vel rei vexandi causa eum accusasse; de quo vide ad Tacit. Ann. XIV, 41, n. 4; Sigon. de Judic. II, 10; Ernesti clav. Cic.), *ac nomen ejus deferre;* vide ad IX, 26, n. 5. « Illud elegantissime dictum, quum proprie, quia *primo* loco et præcipui Hannibalem alii accusabant domi, ut jam subscriptores seu *secundarii* actores fierent Romani, tum contemptim, quasi famulaturi essent Pœnis Hannibali inimicis, et velut in jure, ad tribunal, prodituri accusatores. Nil opus legere cum Gron. *accusatorum Hannibalis vel accusantium Hannibalem.* Quis enim hæc mutasset? Non idem certe sunt *odia et accusationes* »; Bauer. *Accusationes Hannibalis*

blicam auctoritatem, nec satis habere bello vicisse Hannibalem, nisi velut accusatores calumniam in eum jurarent ac nomen deferrent, tandem pervicerunt, ut legati Carthaginem mitterentur, qui apud senatum eorum arguerent, Hannibalem cum Antiocho rege consilia belli faciendi inire. Legati tres missi⁴, C. Servilius, M. Claudius Marcellus, Q. Terentius Culleo. Qui quum venissent, ex consilio inimicorum Hannibalis, quærentibus causam adventus dici jusserunt, venisse ad controversias, quæ cum Masinissa rege Numidarum Carthaginiensibus essent, dirimendas. Id creditum vulgo. Hannibalem unum se peti ab Romanis non fallebat, et ita pacem Carthaginiensibus datam esse, ut inexplabile bellum adversus se unum maneret⁵. Itaque cedere tempori et fortunæ statuit, et, præparatis jam omnibus ante ad fugam, obversatus eo die in foro⁶ avertendæ suspicionis causa, primis tenebris vestitu forensi ad portam cum duobus comitibus ignaris consilii est egressus.

XLVIII. Quum equi, quo in loco jussi erant¹, præsto fuissent, nocte via cita regionem quamdam agri Vo-

passive dici, quæ ei intententur, monet Drak.—*Factionibus C. inserere publicam auctoritatem*; vide ad VI, 38, n. 4. — *Nec satis habere bello vicisse H., nisi jurarent*, etc. vide ad VI, 14, n. 10.

4. *Legati tres missi*, etc. confer. Justin. XXXI, 2, qui non nisi unum eumque Cn. Servilium nominat.

5. *Ita pacem C. datam esse, ut... maneret*; vide ad I, 17, n. 5.

6. *Obversatus eo die in foro*; vide ad XXIV, 23, n. 2. Conf. Justin. l. l. et Nep. Hann. 7. — *Vestitu forensi*, quo in foro usus erat, et quo summi magistratus ibi solent uti. *Vestes fo-*

renses Romanis dicebantur quibus, vel in foro vel foras uti solebant, togæ; iisque opponuntur domesticæ tunicæ; v. c. apud Suet. Aug. 73, ut forensis exercitatio domesticæ in præf. Colum. lib. XII.

CAP. XLVIII. 1. *Quo in loco jussi erant* ex ed. Vascos. In Mog. quo in loco fuerunt; in Frob. a. 1535 fuerant.—*Nocte via cita regionem quamdam agri Vocani* prorsus ignoti. *Volanani* conj. Doujat. et *Vaccani* Drak. *Vol* locus in Africa propria non procul Tunete apud Polyb. IV, 3. *Vacca* opp. inter Carthaginem turrinque Hannibalis situm, sed forte longius a

cani transgressus, postero die mane inter Achollam et Thapsum ad suam turrin pervenit : ibi eum parata instructaque remigio excepit navis. Ita Africa Hannibal excessit, sæpius patriæ, quam suorum² eventus miseratus. Eo die in Cercinam insulam trajecit : ubi quum in portu naves aliquot onerarias cum mercibus invenisset, et ad egressum eum e nave concursus salutantium esset factus; percunctantibus legatum se Tyrum dici jussit. Veritus tamen, ne qua earum navis nocte profecta Thapsum aut Achollam nuntiaret, se Cercinæ visum, sacrificio apparari jussu, magistros navium mercatoresque invitari jussit, et vela cum antennis ex navibus corrogari³, ut umbra (etenim

Carthagine remotum, quam ut vespera inde profectus proxima nocte ejus agrum transgrederetur. Conf. Hirt. Bell. Afr. cap. 74. *Via cita* ex edd. Frob. a. 1531, *visa cita* Mog. *vi ac-cita* Ald. « *Via cita* quid est? *Itinere cito* feram. Poeticum certe illud est, aut leg. *occulta*, aut *recta*; » Bauer. Possis et suspicari nocte illa cito regionem, etc. — Cod. Bamb. locum sic exhibet: *nocte Byzacium, ita regionem quamdam agri vocant*. Pro voc. *agri*, quæ displicet Kreyssig. legi vult *Afri*. De Byzacio vid. Polyb. XII, 1, § 515, ibique interpretes; adi quoque Casaub. ad Strabon II, pag. 193, et Schweigh. ad Polyb. III, 23, § 2. Ed. — *Inter Achollam* (al. *Acollam*, *Acyllam*, *Acillam*, *Ancillam*) et *Thapsum ad suam turrin*, a se denominatam, ad Turrin Hannibalis. Conf. Justin. XXXI, 2, et Plin. II, 71. *Turrin*, ut gr. *πύργος*, est arx, castellum, palatium (germ. *ein Schloss*), amplum magnificentisque ædificium, prospectus causa altius exstructum in vineis, villis, hortis, ut turrin Timonis (vid.

Pausan. I, 30, et Luciani Timon) et Mæcenatiana; vid. Duker. ad h. l. Ernesti ad Suetonium, Ner. 38; Schlei-sneri Lex. in Nov. Test. voc. *πύργος*; Broekh. et Heyn. ad Tibull. I, 7, 8 seu 19. *Acholla* opp. vicinum Thapso Syrtique minori; vid. Strab. XVI, 834; Schweigh. ad Appian. B. Pun. 94; Steph. et Ptolem. — Creverius e Plinii loco supra citato intelligit unam ex iis turribus, quas speculandi causa Hannibal in Hispania Africaque extruxerat; sed Doer. per *turrin* haud dubie villam, vel domum alto loco ædificatam intelligi vult. Ed.

2. *Suorum eventus*: leg. *suos* cum Gron. aut *suorum rerum* cum Bauero, aut *suorum eventuum miseratus* seu *miseritus* cum Drak. — Cod. Bamb. habet, *quam suum eventum miseratus. Eodem die*, etc. Cæterum *suorum*, id est, propinquorum suorum, quos reliquerat, defendit Doering. Ed.

3. *Vela cum antennis ex navibus corrogari*, colligi, peti, ut, iis super cœnantes expansis, *umbra*, etc. sed revera, ut *aptandis armamentis ab-*

media æstas forte erat) cœnantibus in litore fieret. Quantum res et tempus patiebantur, apparatus celebratæque ejus diei epulæ sunt, multoque vino in serum noctis convivium productum⁴. Hannibal, quam primum fallendi eos, qui in portu erant, tempus habuit, navem solvit. Cæteri sopiti, quum postero die tandem ex somno pleni crapulæ surrexissent, id quod serum erat⁵, aliquot horas remis in naves collocandis et aptandis armamentis absumpserunt. Carthagine et multitudinis assuetæ domum Hannibalis frequentare concursus ad vestibulum ædium est factus; et, ut non comparere eum vulgatum est, in forum turba convenit principem civitatis quærentium, et alii fugam conscisse (id quod erat), alii fraude Romanorum interfectum, idque magis, ferebant: variosque vultus cerneret, ut in civitate aliorum alias partes foventium factionibus. Visum deinde Cercinæ eum, tandem allatum est.

XLIX. Romani legati quum in senatu exposuissent, *Compertum Patribus romanis esse, et Philippum regem ante, ab Hannibale maxime accensum, bellum*

sumerent aliquantum temporis. Conf. seqq. ex *navibus* recte legi in edd. vett. ante postremam Gruteri, quæ operarum errore, in edd. seqq. propagato, et *navibus* reposuerit, verboque *corrogare* usum esse Livium et XXXIX, 22; XLIII, 9, ac Cic. orat. in Ant. III, 8, et ad Herenn. IV, 51, monet Drak. et *malis collocari* conj. Gron.

4. *In serum noctis convivium productum*; vide supra ad librum II, cap. 61, n. 6.

5. *Id quod serum erat*, immo *id quod quæsitum*; Gron. Non male; sed et vulgatum servari potest, ut indice-

tur, sero demum et multa jam luce surrexisse eos, quia convivium multo vino in serum noctis productum fuerat; Drak. Idem mox *velis* conj. pro *remis*, et deinde *Carthagine ut multitudinis... et non comparere*, etc. certe pro *et ut solum ut* legitur in edd. ante Ald. — *Domum H. frequentare*, celebrare, implere, frequentem reddere, non simpl. visere; Bauer. — *Foventium et factionibus* edd. ante Ald. *plena vel distracta* post et excidisse, putabat Crev. — Doeringio potius vox *distenta* post *factionibus* excidisse videtur; sic enim supra IX, 46, *duæ factiones senatum distinebant*. Ed.

populo romano fecisse, et nunc literas nuntiosque ab eo ad Antiochum regem profectos; haud quieturum ante, quam bellum toto orbe terrarum concisset; ne his debere impune esse¹, si satisfacere Carthaginienses populo romano vellent, nihil eorum sua voluntate, nec publico consilio factum esse: Carthaginienses responderunt, quidquid æquum censuissent Romani, facturos esse. Hannibal prospero cursu Tyrum pervenit; exceptusque a conditoribus Carthaginiensibus², ut alia patria, vir tam clarus omni genere honorum, paucos moratus dies; Antiochiam navigat. Ibi profectum jam regem quum audisset, filium ejus solenne ludorum ad Daphnen³ celebrantem convenit; et, comiter ab eo exceptus, nullam moram navigandi fecit. Ephesi

CAP. XLIX. I. *Ne his debere impune esse: hoc ne pro ne quidem dictum credebat Drak. ut XLIV, 36 (conf. ad XXXI, 22, n. 4; Duk. ad Flor. II, 8, n. 12, et III, 17, n. 2; Burman. ad Sueton. Aug. 35; Bentl. ad Hor. Sat. II, 3, 262), et seq. si pro etsi (vide ad V, 51, n. 1). Ita vero difficultas h. l. non tollitur. Conjectabam olim nec his, vel, quod aliis etiam in mentem venit, nec id. At ita non congruunt proxima, nisi pro si vellent scripseris nisi possent, saltem nisi pro si. Præstiterit: sed his aut sed id debere impune esse, si satisfacere C. p. r. vellent; quod vellent ita humanius dictum quam possent. Sustuli autem majorem distinct. post concisset et factum esse. — Walchius, Emend. pag. 241, locum illustrare conatur hac conjectura: ne bis debere impune, etc. quod ad Hannibalem ipsum, cui dudum exsiliium machinabantur Romani, referendum. Inde miratur quantillum sit vitium, quod deluserit tot et doctrina et divinandi vi præstantes vi-*

ros. Ed. — Cod. Bamb. omnem locum sic exhibet: « nunc literas nuntiosque ab eo ad Antiochum et Etolos missos, consiliaque inita impellendæ ad defectionem Carthaginiensium, nec alio eum quam ad Antiochum regem profectum, haud, etc. » Et mox: « Id ei non debere impune... vellent... nihil eorum... factum esse Carth. responderunt, etc. » Ed. — *Si satisfacere, probare... vellent, nihil... factum esse; vide ad XXIV, 47, n. 3.*

2. *A conditoribus Carthaginiensibus, Tyriis; vide ad Sil. I, 21 seq. et Heyn. Exc. I ad Virg. Æn. IV.*

3. *Filium ejus solenne ludorum celebrantem ad Daphnen, vicum ad Orontem fl. XL stadiis ab Antiochia distantem, de quo vid. Strab. XVI, 749 seq. et Hard. ad Plin V, 21 seu 18. Convenit, et ex conject. Jac. Gron., quæ et mihi in mentem venit, reposui pro vulg. convenisset; quod tamen et servari potest, si ante filium cum aliis inserueris copulam et, quæ post audisset facile excidere potuit.—*

regem est consequutus⁴, fluctuantem adhuc animo incertumque de romano bello ; sed haud parvum momentum animo ejus ad moliendum adventus Hannibalis fecit. Ætolorum quoque eodem tempore alienati ab societate romana animi sunt : quorum legatos Pharsalum et Leucadem, et quasdam alias civitates ex primo foedere petentes, senatus ad Quintium rejecit⁵.

Nostrum non scripsisse *convenit*, quia et scribendum fuisset, a quo *comiter exceptus*, existimat Doering. En.

4. *Ephesi reg. est consequutus*, etc. confer. Appian. Syr. 4, qui primum

congressum in annum præcedentem rejecit.

5. *Ad Quintium rejecit*, forte *rejecisset* vel *rejecerat*; Bauer. Conf. ad II, 22, n. 4.

T. LIVII PATAVINI
HISTORIARUM

AB URBE CONDITA

LIBER XXXIV.

BREVIARIUM.

CAP. I; Lex Oppia de cultu mulierum, a C. Oppio tribuno plebis in medio punici belli ardore lata, Romæ magnas hominum turbas, nobilium præcipue mulierumque, concitat. — II-IV; Pro ea disserit M. Porcius Cato consul; — V-VII; contra illam L. Valerius tribunus plebis. — VIII; Remissa ab tribunis intercessione anno vigesimo post abrogatur, quam lata est. Cato cum XXV navibus longis trajicit in Hispaniam. — IX; Benigne accipitur a Græcis, alteram Emporiarum partem incolentibus, et inde profectus agros hostium urit vastatque. — X; M. Helvius et Q. Minucius ex Hispania triumphant. — XI; Bilistages, regulus Ilergetum, præsidia castellorum suorum petit a Catone. XII; Is, ne nimis minuat vires suas, sociis spem pro re ostendit. — XIII; Mox suorum hostiumque animos experitur prædationibus, et milites adhortatus pronuntiat, se nocte eos ad hostium castra ducturum. — XIV, XV; In prælio ancipiti cædit hostes castrisque exsuit; — XVI; quo die tria fecisse laudabilia putatur. Non ita multo post perdomatur omnis cis Iberum Hispania, et captivi Romani sociorumque donum consuli a Barbaris reducuntur. — XVII; Interim P. Manlius prætor imbelles fundit Turdetanos. Cato autem omnibus cis Iberum Hispanis, ne Bergistanorum exemplo rebellare possint, arma adimit. Quod quum adeo ægre paterentur, ut multi mortem sibimet ipsi consciscerent, muros omnium diruit eosque in deditionem compellit. — XVIII; Quæ res difficillima sæne (nam Hispani non,

ut olim, tædio imperii Pœnorum ad Romanos deficiebant, sed ex usurpata libertate in servitutem velut asserendi erant), non nisi a tali imperatore, qualis ille fuit, perfici potuisset. — XIX; Celtiberi, mercede exciti a Turdetanis, quoniam difficilius bellum faciunt Manlio, consul eo legiones ducit; sed, ubi Celtiberos neque ad defectionem movere, neque elicere ad pugnam potest, relicto omni fere exercitu in castris prætorii, ipse cum septem cohortibus ad Iberam regreditur. — XX, XXI; Cum tam exigua manu sociorumque auxiliis Lacetanos, Vergestanos aliosque populos subigit; et, provincia pacata, ex ferrariis argentariisque magna instituit vectigalia. — XXII; Eadem ætate alter consul L. Valerius Flaccus in Gallia vincit Boios. Quintius autem Flamininus, hibernis in Græcia actis, lectoque senatusconsulto, quo bellum adversus Nabin Lacedæmoniorum tyrannum decretum erat, socios, Corinthum evocatos, de re ad ipsos potissimum pertinente et communi hinc animo consilioque gerenda consulit. — XXIII; Legatus ibi Atheniensium, laudatis Romanorum in Græciam meritis, offert auxilium: sed Alexander, princeps Ætolorum, insimulat fraudis Romanos, quod, vano titulo libertatis ostentato, Chalcidem, Acrocorinthum et Demetriadem præsiidiis teneant, et causam remanendi in Græcia faciant Nabin; quem aut sponte, aut coactum vi et armis Ætolorum præsidium Argis deducturum pollicetur. — XXIV; Hanc vaniloquentiam Aristænus prætor Achæorum cæterique legati increpant, et omnes decernunt bellum. — XXV; Tum Quintius copias, sociorum viribus auctas, ab Elatia ducit Argos; ubi Pythagoras, gener idem tyranni et uxoris ejus frater, validis omnia firmat præsiidiis, et seditionem, a Damocle Argivo motam, opprimit. — XXVI; Dux Romanorum castra propius urbi admovet; sed mox, Aristæno auctore, ipsum Nabin Lacedæmonemque petere constituit, et in castra ad Caryas posita recipit Philippi, Thessalorum aliorumque sociorum auxilia, et permultos ipsorum quoque Lacedæmoniorum exsules; quorum princeps est Agesipolis, infans regno expulsus ab Lycurgo tyranno. XXVII; Interea Nabis urbem communit, et cæde suspectorum principum juventutis atque Ilotarum omnes ab conatu novorum consiliorum absterret. — XXVIII; Quintius ad Eurotam pervenit amnem, et mercenarios hostium milites bis in fugam vertit. — XXIX; Eodem fere tempore L. Quintius, frater ejus, Gythium capit, a Gorgopa fortiter defensum; et Pythagoras qui-

dem auxilia Lacedæmonem adducit : — XXX; sed Nabis, non terra modo cinctus hostibus, sed, Gythio tradito, a mari quoque toto interclusus, colloquium ab imperatore rom. petit et impetrat. — XXXI; Ipse prior loquitur; — XXXII; tum Quintius, et graviter quidem, ut cum tyranno et hoste. — XXXIII; Postero die Nabis pollicetur, cessurum se Argis, et captivos perfugasque redditurum : quo facto Quintius consilium habet sociorum. Maximæ partis sententia est, perseverandum in bello esse tollendumque tyrannum : ille ad pacem inclinatio propter diuturnitatem obsidionis, infidam cum Antiocho pacem, tacitamque curam, ne confecti belli gloria successoribus tradenda sit. — XXXIV; Socios quoque, simulando se transire in eorum sententiam jubendoque jam nunc machinas, commeatus aliaque necessaria in hiemem et lentam obsidionem expedire, omnes in assensum consilii sui traducit. — XXXV; Inde conscribit conditiones, in quas pax fiat. — XXXVI; Earum vix ulla placet neque tyranno, neque Lacedæmoniis. — XXXVII; Multitudo convocata prope una voce, nihil respondere bellumque geri, jubet; et prælia iterum, non levia tantum, sed prope justa, committuntur. — XXXVIII; Tum Romani urbem undique tanta vi oppugnant, ut Nabis inops consilii et vix mentis compos esset. — XXXIX; Lacedæmonii jam superiora petere loca coguntur, et Pythagoras solus urbem capi prohibet, succendi ædificia muro proxima jubens. — XL; Idem mox orator ad Quintium mittitur, et tyranno pax datur iisdem, quas repudiaverat, conditionibus. Paulo ante Argivi, duce Archippo quodam, jam ipsi expulerant præsidium, cui Timocrates Pellenensis præfuerat. — XL; Argivorum libertas ipso Nemeorum die promulgatur voce præconis : sed Lacedæmonem tyranno relinqui ægre ferunt Achæi; eamque rem Ætoli in omnibus conciliis lacerant. — XLII; Ob res a Quintio et Catone gestas supplicatio decernitur a senatu; et consules (P. Cornelius Scipio Africanus II et Ti. Sempronius Longus) prætoresque creantur. Jam ante hoc anno Ferentimates et alii frustra novum tentaverant jus, ut coloni essent cives romani. — XLIII; Pax, Nabidi a Quintio data, a senatu rom. confirmatur. Prætores sortiuntur provincias, senatuique placet, exercitus Quintii et Porcii Catonis dimitti, consulibusque ambobus Italiam provinciam esse. — XLIV; Ver sacrum ludique votivi de integro facti. Mitis censura Sex. Ælii Pæti et C. Cornelii Cethegi. Idem ædilibus curulibus

imperant, ut in ludis Romanis loca senatoria secernant a populo. Q. Pleminius, ut e carcere effugiat, comparat homines, qui pluribus simul locis Urbis nocte incendia faciant, sed, re palam facta, necatur. — XLV; Coloniae deducuntur, et procurantur prodigia. — XLVI; M. Porcius Cato ex Hispania triumphat. In Gallia L. Valerius Flaccus proc. Insubres et Boios, Durulaco duce Padum transgressos, vincit; et Ti. Sempronius consul cum Boiorum duce, Boiorum duce, in angustiis pugnat. — XLVII; Varia hinc atque illinc nunc fuga, nunc victoria est. — XLVIII; Consul Placentiam ducit legiones. T. Quintius Elatiae hiemem jure dicundo mutandisque Philippi institutis consumit, et veris initio venit Corinthum. — XLIX; Ibi in conventu sociorum indicat iis, Demetriadis, Chalcidis et Acrocorinthi praesidia propediem cum omni exercitu rom. in Italiam deportaturum iri, simulque illos hortatur, ut libertate, a Romanis reddita, modice utantur et concordiae consulant. — L; Simul idem petit ab iis et impetrat, ut cives romani, ab Hannibale capti ipsisque venundati, servitute liberentur. Tum per Thessaliam atque Epirum duci exercitum jubet; — LI; et ipse in Euboea et Thessalia civitates non modo liberat, sed in meliorem quoque redigit formam. — LII; Ab Orico copias omnes Brundisium transportat, et per totam Italiam atque in Urbem triumphans invehitur. — LIII; Duae deducuntur coloniae, in Bruttios et Thurinum agrum, aedesque dedicantur Junonis Sospitae, Fauni, Fortunae Primigeniae et Jovis in Insula. — LIV; Consules (L. Cornelius Merula et Q. Minucius Thermus) praetoresque creantur: et Megalesia aediles curules primi faciunt. Hos ludos primum senatus a populo secretus spectat; quod praebet sermones, sicut omnis novitas solet. — LV; Crebri terrae motus et feriae ob eos indictae. Provinciae consulum praetorumque. — LVI; Propter Ligurum rebellionem socii imperantur milites, et tumultum esse decernit senatus. — LVII; T. Quintius postulat, ut acta sua confirmentur: et in senatu audiuntur legati Antiochi; quorum princeps, Menippus, haud aequum censet, regi a Romanis leges dici. — LVIII; Ei respondet Quintius. — LIX; Altercationibus factis integra differtur res, et legati ad regem remittuntur. — LX; Quibus vix profectis legati Pœnorum adferunt, bellum haud dubie parere Antiochum, Hannibale auctore et ministro. — LXI; Is Aristonem quemdam Tyrium ad sollicitandos popularium animos Carthaginem, et, publicato

crimine, Pœni legatos Romam miserant, qui rem ad senatum deferrent, et simul de injuriis Masinissæ quererentur. — LXII; Legationes et Carthaginiensium et Masinissæ altercantur in senatu rom., et ab eo in Africam mittuntur, qui inter illos in re præsentī disceptent. Hi suspensa relinquunt omnia; etsi unus eorum, P. Scipio Africanus, solus litem nutu dirimere potuisset.

I. **I**NTER bellorum magnorum, aut vixdum finitorum, aut imminentium, curas intercessit res parva dictu, sed quæ studiis in magnum certamen excesserit¹. M. Fundanius et L. Valerius tribuni plebei ad plebem tulerunt de Oppia lege abroganda². Tulerat eam C. Oppius tribunus plebis, Q. Fabio, Ti. Sempronio consulibus, in medio ardore punicī belli, *Ne qua mulier plus semunciam auri haberet*³; *neu vesti-*

CAP. I. 1. *In magnum certamen excesserit*; vide ad III, 41, n. 6.

2. *De Oppia lege abroganda*; vide ad IV, 58, n. 10, et X, 33, n. 5. Conf. Valer. Maxim. IX, 1, 3; Tac. Ann. III, 33, 34; et Jo. Gul. Hoffmanni Diss. de legē Oppia, Frf. ad Viadr. 1736. Cæterum hæc lex et certamen de ea ortum (cap. 1-8) docet, quantopere jam mores hujus ævi declinaverint a prisca simplicitate. Eodem spectant leges sumptuariæ his temporibus latæ, Metella a. U. 534 (vid. Plin. XXXV, 17), Orchia a. 573 (vid. Macrob. Sat. II, 13), et aliæ; vid. Gell. II, 24. — Q. Fabio, Ti. Sempronio coss. Bis consul Ti. Sempronius fuit, primum anno 538 cum Q. Fabio, illo Cunctatore; iterum anno 540 cum Q. Fabio, Cunctatoris filio. Ad utrum et duobus Sempronii consulatibus lex Oppia referri debeat, dubitari posse arbitratur cl. Creverius. Verum quum infra, c. 8, Livius tradat eam anno vigesimo post abrogatam esse, quam lata fuerat, hinc recte

VI.

colligit Drak. eam secundum Livii verba latam fuisse anno 538, in primo Tib. Sempronii consulatu. Ed.

3. *Ne aliqua mulier plus quam semunciam auri haberet*, al. *plus semuncia*. Conf. XXVI, 36; — *Neu vestimento versicolori uteretur*, quod *purpureum* dicitur cap. 7 (adeoque fucotinctum seu infectum); sed *varii coloris* Valer. l. 1. Nota Dukeri est: « Hoc esse gr. ἀθῆνὸν ἰμάτιον, varium, i. e. varios colores simul intextos habens, monet Salmas. ad Vopisc. Aurel. c. 46; conf. Terent. Eunn. IV, 4, 16, atque Casaub. ad Athen. VII, 6, ubi scribit, versicolores vestes olim luxuriosis et impudicis proprias fuisse, atque ideo lege Oppia vetitas. Sane apud Græcos quosdam non nisi meretrices ἀθῆνὰ gestasse, ex Athen. XII, 4; Suida in v. Ἐταρῶν et Ζάλευκος, aliisque ostendit Petit. leg. Att. VI, 5, p. 476. Sed Oppio hæc videtur causa fuisse mulieribus hac veste interdicens, ne mulieres in miseria et inopia civitatis, per quam omnium privato

mento versicolori uteretur; neu juncto vehiculo⁴ in urbe oppidove, aut propius inde mille passus, nisi sacrorum publicorum causa, veheretur. M. et P. Junii Bruti tribuni plebis legem Oppiam tuebantur, nec eam se abrogari passuros aiebant. Ad suadendum dissuadendumque multi nobiles prodibant. Capitolium turba hominum faventium adversantiumque legi complebatur. Matronæ nulla nec auctoritate, nec verecundia, nec imperio virorum contineri limine poterant: omnes vias urbis aditusque in forum obsidebant, viros descendentes ad forum⁵ orantes, ut, florentē republica, crescente in dies privata omnium fortuna, matronis quoque pristinum ornatum reddi paterentur. Agebatur hæc frequentia mulierum in dies: nam etiam ex oppidis conciliabilisque⁶ conveniebant. Jam et consules prætoresque et alios magistratus adire et rogare audebant. Cæterum minime exorabilem alterum utique consulem M. Porcium Catonem⁷ habe-

rum pecuniæ in usum publicum, quod Valerius, c. 6, dicit, vertendæ erant, pecuniam in vestes, quæ aliis pretiosiores erant, effunderent. Nam si Romani omnino versicoloria honestis feminis non convenire existimassent, nec matronæ sibi usum eorum reddi petiissent, nec tribunos pl. adjutores ad eum recuperandum nactæ fuissent, nec Cato hoc argumento ad impugnandam legem, qua Oppia abrogabatur, uti neglexisset ».

4. *Neu juncto equis vehiculo* (ut XLII, 65; conf. Gron. diatr. Stat. cap. 9) *in urbe oppidove, aut propius inde quam mille passus, nisi sacrorum publicorum causa, veheretur;* vide ad V, 25, n. 6. — *M. et P. Junii Bruti*, ut apud Cic. Verr. I, 50. Pro P. Duk. conj. D. quod illud præ-

nomen a gente Junia alienum videatur.

5. *Viros descendentes ad forum;* vide ad II, 54, n. 13.

6. *Ex oppidis conciliabilisque;* v. ad XXV, 5, n. 3. — *Conveniebant.* In editionibus veteribus *convenerant*: lectionem, quæ nunc vulgatur, defendit Drak. Ed.

7. *Minime exorabilem alterum utique* (vide ad II, 30, n. 1) *consulem M. Porcium Catonem*, virum et eloquentissimum et luxui moribusque græcis et asiaticis inimicissimum, notissimumque severitate et morum et censuræ, qui priscam simplicitatem in omnibus et in eo etiam servabat, ut intonsus esset, atque hirsutus: unde *priscus* et *ensorius* dicebatur. Conf. cap. 4 seq. 18; XXXVIII, 54; XXXIX, 40 seq. Plut. Cat.

bant, qui pro lege, quæ abrogabatur⁸, ita disseruit :

II. « Si in sua quisque nostrum matre¹ familiæ,
« Quirites, jus et majestatem viri retinere instituisset,
« minus cum universis feminis negotii haberemus.
« Nunc domi victa libertas nostra impotentia mulie-
« bri, hic quoque in foro obteritur et calcatur; et,
« quia singulas sustinere non potuimus, universas hor-
« remus. Equidem fabulam et fictam rem ducebam
« esse, virorum omne genus in aliqua insula conju-
« ratione muliebri ab stirpe sublatum esse. Ab nullo
« genere non summum periculum est, si cœtus et con-
« cilia et secretas consultationes esse sinas. Atque ego
« vix statuere apud animum meum possum, utrum
« pejor ipsa res, an pejore exemplo agatur. Quorum
« alterum ad nos consules reliquosque magistratus,
« alterum ad vos, Quirites, magis pertineret; nam
« utrum e republica sit, necne, id quod ad vos fer-

8. *Pro lege, quæ abrogabatur*, abroganda censebatur; quæ ut abrogaretur, multi suadebant; vide ad III, 21, n. 3. — Sigonius ex vet. lib. dabit *ne abrogaretur*. Sed Gronovius vulgatam lect. latiniorem esse pronuntiavit; quia non modo eventum effectumque, sed etiam intentionem et præsumptum finem actionis susceptæ significat. Conf. exempla a Drak. ad hunc locum allata. Ed.

CAP. II. I. *Matre familiæ*. Quædam editt. *familias*; sed rectius tam *mater familiæ* quam *pater familiæ* dici copiose ad hunc locum docuerunt Grou. et Drak. quibus plane assentitur cl. Doering. Ed. — *Retinere instituisset*, voluisset, studuisset, curasset, e gr. ἐπιτηδεύειν, *darüber gehalten hätte*; Bauer. — *Impotentia muliebri*, mulierum insolentia, immoderata cupiditate, luxuria et domi-

nandi cupidine (vide ad III, 36, n. 2), *libertas nostra*, virorum, *obteritur et calcatur*; vide ad XXIII, 43, n. 6, et conf. mox n. 4, *fabulam ducebam esse* (quod esse forte del., quia mox repetitur), *virorum omne genus in aliqua insula*, Lemno, *conjuratiōe muliebri ab stirpe sublatum esse*; vid. Val. Flacc. II, 82-331; Apollon. I, 609, ibique Schol.; Hygin. fab. XV, 254, atque Apollodor. I, 9, 17, ubi conf. Heyn. — *Ab nullo genere non*, ab omni sexu, non modo virili, sed etiam muliebri; Drak. qui et post non delevit importunum *æque*. Baueri nota est: « Si verba *ab nullo æque genere* suppleri desiderant *atque a mulieribus*; profecto non redundat. Alioquin intelligi potest: ab nullo genere hominum omnino, ergo et a muliebri. Sed illud aptius. Forte et in *non corruptum* latet voc. *hominum* ». Ut verba

« tur, vestra existimatio est ², qui in suffragium ituri
 « estis. Hæc consternatio muliebris ³, sive sua sponte,
 « sive auctoribus vobis, M. Fundani et Valeri, facta
 « est, haud dubie ad culpam magistratuuum pertinens,
 « nescio vobis, tribuni, an consulibus, magis sit de-
 « formis: vobis, si feminas ad concitandas tribunicias
 « seditiones jam adduxistis; nobis, si, ut plebis quon-
 « dam, sic nunc mulierum secessione ⁴ leges acci-
 « piendæ sunt. Equidem non sine rubore quodam
 « paullo ante per medium agmen mulierum in forum
 « perveni. Quod nisi me verecundia singularum magis
 « majestatis et pudoris, quam universarum, tenuisset,
 « ne compellatæ a consule ⁵ viderentur, dixissem: Qui
 « hic mos est in publicum procurrendi, et obsidendi
 « vias, et viros alienos appellandi ⁶? Istud ipsum, suos
 « quæque, domi rogare non potuistis? An blandiores
 « in publico, quam in privato, et alienis, quam ve-

præcedd. melius cum his cohæreant, legendum videtur: *Sed ab nullo utique genere non summum periculum est, etc.*

2. *Nam utrum e republica sit* (vid. ad I, 27, n. 5) *id, quod (lex, quæ) ad vos fertur, vestra existimatio est;* vide ad IV, 15, n. 1. — Conf. et exempla huc a Drak. allata, et apud eos, quos ibi laudat. En.

3. *Hæc consternatio muliebris;* vide ad II, 47, n. 3, et XXVIII, 25, n. 3. — *Pertinens:* Gron. malebat *pertinet, nescio vobis... magis deformis;* Duk. et Drak. *pertinet et.* Mox pro otioso jam Bauex. conj. *hac;* sed eo deleto Duk. *muliebres seditiones* (ut cap. 3 et 7) *adduxistis.* — Non cum Dukero (qui vocem *tribunicias*, ut otiosam, delendam censebat) facit clariss. Doering, sensu ita exposito: « ad seditiones una vobiscum concitandas ».

Immo mihi videtur inesse isti vocab. aliquid acerbi, quod huic loco bene conveniat. Scilicet nemini non succurrit vetus illa inter senatum et tribuniciam potestatem simulas et perpetuam collectatio. En.

4. *Ut pleb. quondam secessione* (vide II, 32 sq. et III, 50 sq.), *sic nunc mulierum secessione:* et hæc et alia esse verba magna et invidiosa, quæ rei augendæ causa conquirantur ab oratore non solum gravi, sed interdum etiam truci, monuit jam Valerius inf. cap. 5 et 7 extr. — *Majestatis matronarum, de qua vid. Casaub. ad Trebell. Poll. Gallien. 14.*

5. *Compellatæ a consule;* vide ad XXII, 12, n. 12. — *Qui mos;* vide ad VI, 32, n. 3.

6. *Viros alienos appellandi;* vide ad II, 27, n. 2, et XXIV, 5, n. 6. — *An blandiores in publico, quam in*

« stris, estis? quanquam ne domi quidem vos, si sui
« juris finibus matronas contineret pudor, quæ leges
« hic rogarentur abrogarenturve, curare decuit. Ma-
« jores nostri, nullam, ne privatam quidem, rem agere
« feminas sine auctore⁷, voluerunt; in manu esse pa-
« rentum, fratrum, virorum. Nos (si diis placet) jam
« etiam rempublicam capessere eas patimur, et foro
« prope et concionibus et comitiis immisceri. Quid
« enim nunc aliud per vias et compita faciunt, quam
« rogationes tribunorum plebis suadent, aliæ legem
« abrogandam censent? Date frenos impotenti naturæ
« et indomito⁸ animali, et sperate, ipsas modum licen-
« tiæ facturas, nisi vos feceritis. Minimum hoc eorum
« est, quæ iniquo animo feminæ sibi aut moribus aut
« legibus injuncta patiuntur. Omnium rerum liberta-
« tem, immo licentiam (si vera dicere volumus), de-
« siderant. Quid enim, si hoc expugnaverint, non
« tentabunt?

privato (vide ad II, 24, n. 6), et in *alienis*, quam *vestris*, viris, *estis*, pro *alienos* et *vestros* (vide ad II, 14, n. 2); vel *in* est pro *qua*, apud, si cum alienis res est; Bauer.

7. *Majores nostri nullam, ne privatam quidem, rem voluerunt agere feminas sine auctore*, tutore (curatore, rem acturo, ratam facturo, periculum præstituro, *Anwalt*; Bauer), ut apud Cic. *Cæcin.* 25, et parentibus, viris cognatisque; unde *mox in manu* (vide ad V, 20, n. 1) *parentum*, etc. vid. XXXIX, 19, n. 4. Super h. l. multa disputavit Otto in *Diss. de perpet. fem. tut.* et in *Præfat. t. IV, Thes. Jur. civ.* — *Si diis placet*; vide ad IV, 3, n. 4. *Mox forte del. faciunt*, quod, ut gr. *ποιῶν*, in hac locutione elegantè omittitur; vide ad II, 8, n. 9. Ed.

8. *Impotenti naturæ et indomito a.* (vide ad III, 36, n. 2) *date frenos*, laxate, remittite, ut passim equestris vel auriga *frenos* seu *habenæ dare*, immittere, *largiri*, et equus accipere dicitur. Sic et gr. ἐνδιδούναι τὸν χαλιῶν, et Eurip. δούναι χαλιῶν ὑψαί. Conf. *Drak. ad h. l. Scheffer. de Re vehic. I, 13, p. 176*; Cerda ad *Virg. Æn. I, 63.* — Cum hoc loeo, si fas est, confer hanc nostratis *Molière* lepidam sententiam in *fabula* inscripta: *le Dépit amoureux*, Act. IV, sc. 2: « Il faut apprendre à vivre à ce sexe volage... Car, voyez-vous, la femme est, comme on dit, mon maître, Un certain animal difficile à connaître, Et de qui la nature est fort encline au mal, etc. » Ed. — *Et sperate* εἰρησικῶς dictum.

III. « Recensete omnia muliebria jura¹, quibus li-
 « centiam earum alligaverint majores nostri, per quæ-
 « que subjecerint viris : quibus omnibus constrictas
 « vix tamen continere potestis. Quid? si carpere sin-
 « gula et extorquere, et exæquari ad extremum viris
 « patiemini; tolerabiles vobis eas fore creditis? extem-
 « plo, simul pares esse cœperint, superiores erunt.
 « At, hercule, ne quid novum in eas rogetur, recu-
 « sant. Non jus, sed injuriam deprecantur: immo ut,
 « quam accepistis, jussistis suffragiis vestris legem,
 « quam usu tot annorum et experiendo comprobastis,
 « hanc ut abrogetis², id est, ut unam tollendo legem
 « cæteras infirmetis. Nulla lex satis commoda omnibus
 « est: id modo quæritur, si majori parti et in sum-
 « mam prodest. Si, quod cuiquam privatim officiet,
 « jus, id destruet ac demolietur, quid adjuvabit uni-
 « versos rogare leges, quas mox abrogare, in quos
 « latæ sunt³, possint? Volo tamen audire, quid sit,
 « propter quod matronæ consternatæ procurrerunt in
 « publicum, ac vix foro se et concione abtinent. Ut
 « captivi ab Hannibale redimantur parentes, viri, li-
 « beri, fratres earum? Procul abest absitque semper
 « talis fortuna reipublicæ: sed tamen, quum fuit,

CAP. III. 1. *Muliebria jura*, leges, spectantes ad mulieres (jura, quæ non habent mulieres, sed quibus coercentur, jura de iis, quas ea instituta; Bauer.), *quibus licentiam earum*, sc. mulierum; vide ad V, 49, n. 5. — *Carpere singula*; vide ad III, 5, n. 1, et XXXIII, 31, n. 1. — Locus ita exponendus: si patiemini mulieres omnia, ut libuerit, reprehendere, si, quidquid cupiant, extorquere, etc. sed τῶν *carpere* parum respondet *extorquere*, ut docuit clariss. Doering, qui legendum proponit *si cu-*

pere sing. hoc est, si patiemini eas singula quæque appetere, et, quidquid appetunt, extorquere. Ed. — *Ne quid novum*, seu *novi*, ex usu linguæ; qui tamen et in hoc subinde fallat; Bauer.

2. *Hanc ut abrogetis*, sc. postulant, petunt; quod ex *deprecantur* intell. vide ad XXII, 12, n. 8.

3. *In quos latæ sunt*, forte *sint*; Bauer. Nil opus ita legere, et sic verba *sint*, *possint*, aures magnopere offenderent. — *Consternatæ procurrerunt in publicum*; vide ad II, 24, n. 6, et II, 47, n. 3.

« negastis hoc piis precibus earum. At non pietas nec
« sollicitudo pro suis, sed religio congregavit eas. Ma-
« trem Idæam, a Pessinunte ex Phrygia venientem,
« accepturæ sunt. Quid honestum dictu saltem sedi-
« tioni prætenditur muliebri? Ut auro et purpura ful-
« geamus, inquit⁴; ut carpentis, festis profestisque
« diebus, velut triumphantes de lege victa et abrogata,
« et captis et ereptis suffragiis vestris, per Urbem ve-
« ctemur: ne ullus modus sumptibus, ne luxuriæ sit.

IV. « Sæpe me querentem¹ de feminarum, sæpe de
« virorum, nec de privatorum modo, sed etiam ma-
« gistratum, sumptibus audistis, diversisque duobus
« vitiis, avaritia et luxuria, civitatem laborare²; quæ
« pestes omnia magna imperia everterunt. Hæc ego,
« quo melior lætiorque in dies fortuna reipublicæ est
« imperiumque³ crescit, et jam in Græciam Asiamque
« transcendimus, omnibus libidinum illecebris reple-
« tas, et regias etiam attractamus gazas, eo plus hor-
« reo, ne illæ magis res nos ceperint⁴, quam nos illas.
« Infesta, mihi credite, signa ab Syracusis illata sunt
« huic urbi⁵. Jam nimis multos audio Corinthi et

4. *Ut purpura fulgeamus, inquit;* ita scripti et editi ante Ascens., non *inquunt*; vide ad VI, 40, n. 3. — *Ut carpentis festis profestisque, etc.* vide ad V, 25, n. 6. — *No luxuriæ sit pro vulg. nec l. s.* dedit Drak. ex emendat. Jac. Gron. prob. Bauero.

CAP. IV. 1. *Sæpe me querent.*, etc. conf. ad cap. 1, n. 7. Mox τὸ de ante *privatorum* delendum videtur Bauero.

2. *Civitatem laborare vitiis;* vide ad III, 31, n. 1.

3. *Quo melior lætiorque in dies fortuna reip. est imperiumque* quo magis crescit; quæ particulæ subaudiendæ ex præc. quo melior lætiorque, quod

est id. qd. *quo magis bona lætaque;* Gron. Vide ad I, 25, n. 11. — *Regias etiam Philippi Antiochique attractamus gazas;* vide ad librum XXVIII, cap. 24, n. 7.

4. *Ne illæ magis res nos ceperint* (jam ceperint, non nunc demum capiant), h. e. vicerint, *quam nos illas;* ut fere *Græcia capta ferum victorem cepit* apud Horat. Epist. II, 1, 156. Verba *illæ res* majoris perspicuitatis causa et in fervore orationis adjectæ videntur primæ periodi vocî *Hæc*.

5. *Infesta, mihi credite, signa ab Syracusis illata sunt huic urbi:* «nil

« Athenarum ornamenta⁶ laudantes mirantesque, et
 « antefixa fictilia deorum⁷ romanorum ridentes. Ego
 « hos malo propitios deos; et ita spero futuros, si in
 « suis manere sedibus patiemur. Patrum nostrorum
 « memoria per legatum Cineam Pyrrhus⁸ non viro-
 « rum modo, sed etiam mulierum animos donis ten-
 « tavit. Nundum lex Oppia ad coercendam luxuriam
 « muliebrem lata erat: tamen nulla accepit. Quam
 « causam fuisse censetis? Eadem fuit, quæ majoribus
 « nostris nihil de hac re lege sancienti. Nulla erat
 « luxuria, quæ coerceretur. Sicut ante morbos necesse
 « est cognitos esse, quam remedia eorum; sic cupidi-
 « tates prius natæ sunt, quam leges, quæ iis modum
 « facerent. Quid legem Liciniam excitavit de quingentis
 « jugeribus⁹, nisi ingens cupido agros¹⁰ continuandi?
 « Quid legem Cinciam de donis et muneribus¹¹, nisi

acutius hac ambiguitate aut gravius, qua et impetum velut hostilem, et statuas invectas notet. Statuæ infestæ moribus, et tamen quasi signa, vexilla hostium impugnantium mores et virtutem Rom. » Bauer.

6. Corinthi et Athenarum ornamenta, mox Romam deportanda, captis his urbibus, quarum expugnationem jam augurabantur Romani, libertate vix iis data. Notissimum quoque est, bello achaico ab ipsis conflato, Mummium confecisse illud a. U. 608 capta Corintho, et pretiosa signa, tabulas vasque, ab eo inde Romam devecta, ad mores civium suorum mutandos plurimum valuisse.

7. Antefixa fictilia deorum (fastigia templorum, forte et simulacra in summo: immo magis, quum et fictilia magis iis congruat, et mox dicat hos deos, sc. fictilibus simulacris expressos; Bauer. Conf. XXVI, 23, n. 2)

ridentes. — Ego hos malo propitios deos, etc. conf. similia loca Juvenal. VI, 342 sq. XI, 100 sq. 111-116; Plin. XXXIV, 7 seu 16; XXXV, 12 seu 45, 46; Senec. Consol. ad Helv. cap. 10, et Epist. 31 extr. (qui præter alia dicit: tunc per fictiles deos religiose jurabatur; et cogita deos, quum propitii essent, fictiles fuisse), et Tibull. I, 10, 19 sq.

8. Per legat. Cineam Pyrrhus, etc. conf. Plut. Pyrrh. p. 394. — Tentavit; vide ad IX, 35, n. 1. — Tamen nulla mulier accepit dona illa: tanta earum abstantia fuit! Conf. Varr. lib. II de vit. pop. rom.

9. Legem Liciniam de D jugeribus; vide ad VI, 35, n. 3.

10. Cupido agros continuandi; vide ad I, 44, n. 8.

11. Legem Cinciam de donis et muneribus; vide ad Tac. Ann. XI, 5, n. 3, et XIII, 42, n. 2. — Væstiga-

« quia vectigalis jam et stipendiaria plebes esse sena-
« tui cœperat? Itaque minime mirum est, nec Oppiam,
« nec aliam ullam tum legem desideratam esse, quæ
« modum sumptibus mulierum faceret, quum aurum
« et purpuram data et oblata ultro non accipiebant.
« Si nunc cum illis donis Cineas Urbem circumiret;
« stantes in publico invenisset, quæ acciperent. Atque
« ego nonnullarum cupiditatum ne causam quidem
« aut rationem inire¹² possum. Nam ut, quod alii li-
« ceat, tibi non licere, aliquid fortasse naturalis aut
« pudoris aut indignationis habeat; sic, æquato om-
« nium cultu, quid unaquæque vestrum veretur, ne
« in se conspiciatur? Pessimus quidem pudor est vel
« parcimonix, vel paupertatis: sed utrumque lex vo-
« bis demit, quum id, quod habere non licet, non ha-
« betis. Hanc, inquit, ipsam exæquationem non fero,
« illa locuples. Cur non insignis auro et purpura con-
« spicior? cur paupertas aliarum sub hac legis specie
« latet, ut, quod habere non possunt¹³, habituræ, si
« liceret, fuisse videantur? Vultis hoc certamen uxo-

lis et stipendiaria plebes, etc. tropice dicitur; vide ad V, 10, n. 5, et Brummer. ad leg. Cinc. c. 2, § 15.

12. *Ne causam quidem aut rationem inire*, ed. Mogunt. *invenire*, non improb. Duk. quia causa *inveniri* dicitur, non *iniri*, ratio *iniri et inveniri*. Sed idem non damnat vulgatum; vide ad I, 33, n. 7. — Contra codd. et editt. auctoritatem *invenire* repositum est; rō *inire* per zeugma ultimo tantum nomini accommodatum, probante Doering. Ed. — *Ut aliquid fortasse naturalis*, « non mirandi, non insoliti, ex natura rei oriundi (pæne ut nos utimur germanico *natürlich*), *pudoris aut indignationis habeat*, sit in

eo, quod efficiat pudorem, indignationem, cujus te pudeat; *sic æquato omnium cultu*: delendum videtur *sic*; nam præc. *ut*, conjunctivo seq., non sign. *quomodo, sed quamvis*; » Bauer. Forte sensus h. l. est, *ut habeat*, ut seu quemadmodum habere possit et videatur... *sic* non video, quid sit, quod vereatur, etc. aut jungenda *sic æquato*, ut *sic* sit hoc modo, hac lege: aut pro *sic* leg. *nunc* vel *in*, h. e. tamen.—*Utrumque*, sc. pudorem tam parcimonix quam paupertatis.

13. *Quod habere non possunt*, potius *possint*; Bauer. — *Certamen uxori- bus injicere* (vide ad XXI, 54, n. 6), *ut pauperes... supra vires se,*

« ribus vestris injicere, Quirites, ut divites id habere
 « velint, quod nulla alia possit; pauperes, ne ob hoc
 « ipsum contemnantur, supra vires se extendant? Næ,
 « simul pudere, quod non oportet, cœperit, quod
 « oportet, non pudebit. Quæ de suo poterit, parabit:
 « quæ non poterit, virum rogabit¹⁴. Miserum illum
 « virum, et qui exoratus, et qui non exoratus erit!
 « quum, quod ipse non dederit, datum ab alio vide-
 « bit. Nunc vulgo alienos viros rogant, et, quod ma-
 « jus est, legem et suffragia rogant, et a quibusdam
 « impetrant, adversus te et rem tuam et liberos tuos
 « inexorabiles. Simul lex modum sumptibus uxoris
 « tuæ facere desierit, tu nunquam facies. Nolite eodem
 « loco existimare, Quirites, futuram rem, quo fuit,
 « antequam lex de hoc ferretur. Et hominem impro-
 « bum non accusari, tutius est, quam absolvi; et
 « luxuria non mota tolerabilior esset, quam erit nunc,
 « ipsis vinculis, sicut feræ bestiae¹⁵, irritata, deinde
 « emissa. Ego nullo modo abrogandam legem Oppiam
 « censeo. Vos quod faxitis, deos omnes¹⁶ fortunare
 « velim.

V. Post hæc tribuni quoque plebei, qui se inter-
 cessuros professi erant, quum pauca in eandem sen-

sumptus, extendant; conf. ad Juve-
 nal. III, 180 seq. et VI, 352 sq. —
 Similem locum esse apud Petronium,
 c. 46, ubi videnda quæ de hoc lo-
 quendi genere notavit Burmannus, do-
 cet cl. Doering. Ed. — *Simul, simul*
ac, pudere, quod non oportet, cœpe-
rit, quod oportet, non pudebit, h. l.
quod pro cuius, vel pro quoad, qua-
 tenus, ubi; Bauer.

14. *Quæ non poterit, virum roga-*
bit, etc. cf. ad Juvenal. VI, 149 sq.
 — *Simul lex, simul ac lex.*

15. *Ipsis v., sicut feræ bestiae*, etc.
 ita pro vulg. *feræ bestia* MSS, in qui-
 bus etiam *irritata* et *emissa*, quod
 durius est: sed nihil impedit, quo
 minus luxuria cum multis feris reote
 comparetur; Gron. Conf. XXXV, 16,
 n. 4. — Cl. Doering. prætulit *feræ*
bestia...emissa, vinculis soluta, et
 ingenio suo relicta, ut rure possit
 quo velit. Ed.

16. *Ego nullo modo abrog...velim*,
 solennis finiendæ suasionis formula.
 Cf. VI, 41, n. 11, et X, 8, n. 11.

tentiam adjecissent; tum L. Valerius pro rogatione ab se promulgata ita disseruit. « Si privati tantummodo ad suadendum dissuadendumque id, quod a nobis rogatur, processissent, ego quoque, quum satis dictum pro utraque parte existimarem, tacitus suffragia vestra expectassem. Nunc, quum vir gravissimus¹ consul M. Porcius, non auctoritate solum, quæ tacita satis momenti habuisset, sed oratione etiam longa et accurata insectatus sit orationem nostram, necessum est paucis respondere. Qui tamen plura verba in castigandis matronis, quam in rogatione nostra dissuadenda, consumpsit; et quidem, ut in dubio poneret, utrum id, quod reprehenderet, matronæ sua sponte, an nobis auctoribus, fecissent. Rem defendam, non nos, in quos jecit magis hoc² consul verbo tenus, quam ut re insimularet. Coetum et seditiones et interdum secessionem muliebrem appellavit, quod matronæ in publico vos rogassent, ut legem, in se latam per bellum temporibus duris, in pace et florente ac beata republica abrogaretis. Verba magna, quæ rei augendæ causa conquirantur, et hæc, et alia esse scio; et M. Catonem oratorem non solum gravem, sed interdum etiam trucem, esse scimus omnes, quum ingenio sit mitis. Nam quid tandem novi matronæ fecerunt,

CAP. V. 1. *Vir gravissimus*: quidam legi volunt *clarissimus*; parvi quidem interest. Qui auctoritate præstant, *graves*; qui gloria florent, *clari* vocantur: ideoque de Catone dici utrumque potest. Quum tamen statim Valerius addat *auctoritatem vel tacitam*, etc. τὸ *gravissimus* multo accommodatius et significantius judicat Döering. Ed. — *Et quidem*: forte ita excidit, aut in *et latet*; Bauer

2. *In quos jecit hoc* (al. *hæc*); vide ad II, 45, n. 6. — *Verbo tenus*, inquit Doering. ubi quis verba facit in speciem, vel simulanter et dicis causa aliquid profert: τὸ *verbo tenus* statim opponitur *res*. Ed. — *In publico*; vide ad II, 24, n. 6. — *Per bellum*; vide ad II, 18, n. 1. — *Verba magna*, hoc est, speciosa, quæ fucum faciant; sic *magna loqui* pro jactare, ap. Horat. Sat. I; 3, 13. Ed.

« quod frequentes in causa ad se pertinente in publi-
 « cum processerunt? Numquam ante hoc tempus in
 « publico apparuerunt? Tuas adversus te Origines re-
 « volvam³. Accipe, quoties id fecerint, et quidem sem-
 « per bono publico. Jam a principio, regnante Ro-
 « mulo, quum, Capitolio ab Sabinis capto, medio in
 « foro signis collatis dimicaretur, nonne intercurso
 « matronarum inter acies duas prælium sedatum est?
 « Quid? regibus exactis, quum, Coriolano⁴ Marcio
 « duce, legiones Volscorum castra ad quintum lapi-
 « dem posuissent, nonne id agmen, quo obruta hæc
 « urbs esset, matronæ averterunt? Jam, Urbe capta
 « a Gallis, quo redempta urbs est? nempe aurum ma-
 « tronæ consensu⁵ omnium in publicum contulerunt.
 « Proximo bello (ne antiqua repetam) nonne et, quum
 « pecuniâ opus fuit, viduarum pecuniæ adjuverunt
 « ærarium⁶, et, quum dii quoque novi ad opem fe-
 « rendam dubiis rebus arcesserentur, matronæ uni-

3. *Tuas Origines revolvam*: histo-
 riæ rom. libros VII, quorum argumen-
 ta memorat Nepos in Cat. 3. Idem
 tradit, eum senem demum historias
 scribere instituisse, et Cicero, iis ul-
 timam ab illo manum paucis ante
 mortem diebus fuisse impositam. Li-
 vivius itaque hujus immemor fuisse vi-
 detur, suoque ingenio, ut solet, ora-
 tionem Valerii, ut et Catonis, apte
 ad rem et personæ effinxisse; aut per
 prolepsin et e ratione sui temporis
 hæc dixisse. Conf. ad IV, 54, n. 7;
 Voss. de Hist. lat. I, 5; Reines. var.
 lect. I, 25, et Noris. Cenot. Pis. I, 1,
 p. 4, qui huc etiam refert Liv. XLV,
 25, n. 2. Sed ibi Livius laudat librum
 hunc, qui eo tempore, quo illa scri-
 bebatur, dudum compositus ac vulgatus
 erat. — *Capitolio ab Sabinis*, virgi-

nes raptas bello repentibus, *capto*,
 etc. vid. I, 11-13.

4. *Coriolano Marcio* (vide ad III,
 1, n. 1) *duce*, etc. vid. II, 39, 40. —
Agmen, quo obruta hæc urbs esset;
 conf. ad Juvenal. X, 142, et XV, 6.
 — *Urbe capta*. Concinnior cl. Dœring.
 videretur oratio, si, quod vir doctus
 apud Drak. suadet, legeretur, *Jam*
urbs capta a Gallis quomodo red. Fa-
 cile *quomodo* in quo per compendia
 scripturæ transire potuit. Ed. — *Pro*
nempe Duk. malebat. *nonne*. Ed.

5. *Aurum matronæ consensu*, etc.
 vid. V, 50.

6. *Proximo bello...viduarum pe-*
culniæ adjuverunt ærarium; vide ad
 XXIV, 18. Forte leg. *punico bello* :
 nam *proximum* bellum fuit macedo-
 nicum.

« versæ ad mare profectæ sunt ad Matrem⁷ Idæam acci-
« cipiendam? Dissimiles, inquit, causæ sunt. Nec mihi
« causas æquare propositum est. Nihil novi factum,
« purgare satis est. Cæterum, quod in rebus ad omnes
« pariter viros feminasque pertinentibus fecisse eas
« nemo miratus est, in causa proprie ad ipsas perti-
« nente miramur fecisse? Quid autem fecerunt? Su-
« perbas, me dius fidius, aures habemus, si, quum
« domini servorum non fastidiant preces, nos rogari
« ab honestis feminis indignamur.

VI. « Venio nunc ad id, de quo agitur: in quo du-
« plex consulis oratio fuit. Nam et legem ullam om-
« nino abrogari est indignatus¹ et eam præcipue legem,
« quæ luxuriæ muliebris coercendæ causa lata esset.
« Et illa communis pro legibus visa consularis oratio
« est; et hæc adversus luxuriam severissimis moribus
« conveniebat. Itaque periculum est, nisi, quid in
« utraque re vani sit, docuerimus, ne quis error vo-
« bis obfundatur. Ego enim, quemadmodum ex his le-
« gibus, quæ non in tempus aliquod, sed perpetuæ
« utilitatis causa in æternum latæ² sunt, nullam abro-

7. *Ad matrem Idæam accipiendam*; vid. XXX, 14. — *Inquit*: Drakenb. reposuit *inquis*; nam Valerius, oratione ad consulem conversa, ipsum alloquutus erat, et nunc quasi respondentem inducit: quod probant Modius et Gebhardus. At vide ad VI, 40, n. 3. Ed. — *Nihil novi factum esse, purgare*; vide ad XXIV, 47, n. 3, et XXVII, 20, n. 6. — *Me dius fidius*; vide ad II, 31, n. 5. — *Superbas aures*; vid. XXIV, 5, n. 2.

CAP. VI. 1. *Legem ullam abrogari est indignatus*; vide ad III, 3, n. 1, et XXXI, 31, n. 8. — *Et illa communis pro legibus oratio, qua pro omni-*

bus est loquutus, nullamque omnino abrogandam censuit, visa est ei consularis, digna se consule. — *Severissimis moribus ejus.* Conf. ad c. 1, n. 7. — *In utraque re.* Vocabul. *re*, quod, præeunte Gelenio, expunxit edit. Frobeniana anni 1535 et rell. edit. usque ad Gronovium omiserunt, codices tamen tuentur, et cum Gronovio defendit Drak. Ed. — *Ne quis error*; vide ad VI, 32, n. 3.

2. *In æternum latæ leges, quales sunt leges omnes naturæ, i. e. dei: cæteræ omnes tam diu durant, quam diu reipublicæ statui expedit*; Gruter. collato Sophocl. OEd. Tyr. 880. —

« gari debere fateor, nisi quam aut usus coarguit, aut
 « status aliquis reipublicæ inutilem fecit; sic, quas
 « tempora aliqua desiderarunt leges, mortales (ut ita
 « dicam) et temporibus ipsis mutabiles esse video.
 « Quæ in pace latæ sunt, plerumque bellum³ abrogat,
 « quæ in bello, pax; ut in navis administratione alia
 « in secundam, alia in adversam tempestatem usui
 « sunt. Hæc quum ita natura distincta sint, ex utro
 « tandem genere ea lex esse videtur, quam abroga-
 « mus⁴? An vetus regia lex, simul cum ipsa urbe nata?
 « An (quod secundum est) ab decemviris, ad con-
 « denda jura creatis, in duodecim tabulis scripta? Sine
 « qua quum majores nostri non existimarint decus
 « matronale servari posse, nobis quoque verendum
 « sit, ne cum ea pudorem sanctitatemque feminarum
 « abrogemus? Quis igitur nescit, novam istam legem
 « esse, Q. Fabio et Ti. Sempronio consulibus viginti
 « annis ante latam? sine qua quum per tot annos ma-
 « tronæ optimis moribus vixerint, quod tandem, ne
 « abrogata eæ effundantur ad luxuriam, periculum est?
 « Nam si ista lex ideo lata esset, ut finiret libidinem

Quam usus coarguit, ἐλέγξει, inutilem, noxiam, incongruam esse ostendit; Bauer.

3. *Plerumque bellum abrogat leges*, etc. vide ad VII, 16, n. 6. — *Alia in secundam tempestatem usui sunt* ex Mogunt. recepit Gron. pro *in secunda tempestate*.

4. *Lex esse videtur, quam abrogamus*; vide ad III, 21, n. 3, et VII, 16, n. 6. — *Vetus regia lex* non, quod jurisconsulti putant (certe id ex his verbis effici haud potest), lex de regio imperio lata, qua populus Romulo supremam omnemque suam potestatem detulerit, sed vetus aliqua

lex ex iis, quæ olim a regibus latæ propter æquitatem utilitatemque in usu manserant; Duk. et Drakenb. Cf. VI, 1, et Sigon. de Jure civ. I, 5. — *Primas Romanorum leges*, ut observat Crev. a regibus latæ fuerant, easque Sex. Papirius quidam, Tarquinio Superbo regnante, in unum collegerat, unde id corpus regiarum legum *jus Papirianum* appellabatur, teste Pomponio de Orig. Juris, n. 2. Ed. — *Sine qua quum majores*, etc. excidisse videtur *an*: nova enim legum classis et commendatio ponitur, non ex antiquitate, sed ex utilitate ac necessitate; Bauer.

« muliebrem, verendum foret, ne abrogata incitaret :
« cur sit autem lata, ipsum indicavit tempus⁵. Han-
« nibal in Italia erat victor ad Cannas : jam Tarentum,
« jam Arpos, jam Capuam habebat : ad urbem Romam
« admoturus exercitum videbatur : defecerant socii :
« non milites in supplementum, non socios navales
« ad classem tuendam⁶, non pecuniã in ærario ha-
« bebamus : servi, quibus arma darentur, ita ut pre-
« tium pro iis bello perfecto dominis solveretur, eme-
« bantur : in eandem diem pecuniæ frumentum et
« cætera, quæ belli usus postulabant, præbenda pu-
« blicani se conducturos professi erant : servos ad re-
« mum⁷, numero ex censu constituto, cum stipendio
« nostro dabamus : aurum et argentum omne, ab se-
« natoribus ejus rei initio orto, in publicum confere-
« bamus : viduæ et pupilli⁸ pecunias suas in ærarium

5. *Cur sit autem lata, i. indicavit tempus*; immo *indicabit* : nam si jam *indicavit*, non opus te dicere; Gron.

6. *Non socios navales ad classem tuendam*; vide sup. ad IX, 38, n. 1. « Sententiam non puto esse, non habebamus socios navales, qui classem tuerentur, sed non poteramus tueri classem, quia socios navales non habebamus; quod narrat Liv. XXIIV, 11; XXVI, 35, 36. Nam alibi non socii navales, sed *respublica classes* et exercitus navales *tueri* dicitur, quum curat, et de publico præbet tum alia ad eam instruendam et ornandam necessaria, tum remiges et socios navales, omniaque, sine quibus classis haberi et usui esse non potest. » Duk. coll. XXIII, 38, 48; XXVIII, 41; Justin. XVI, 3; ubi *tutela classis* sic dicitur. — *Servi, quibus arma darentur*, etc. vide ad XXII, 57. — *In eandem diem pecu-*

niæ, h. e. diem solutionis ex ærario faciendæ, ut *jurisconsultis diem esse, venire, cedere*; Gron. Conf. XXXVI, 4, n. 3; et de re XXIII, 48, 49. — Sic Cic. ad Attic. X, 5 : *diem pecuniæ idus novembres esse*. Ed. — *Præbenda publicæ se conducturos professi erant*; conf. XXIII, 48, 49, et ad V, 23, n. 6, et XXIII, 48, n. 4.

7. *Servos ad remum dabamus*, i. e. qui remiges essent, ut apud Sueton. Aug. 16; quod ibi non recte quidam de pœna accipiunt : nam *ad sæpe* notat ministerium; Duk. Conf. ad VII, 5, n. 4; Scalig. ad Catull. X; Passerat. ad Prop. IV, 8, pag. 662. Similiter XXII, 61, *servos ad militiam emere* dicitur; Drak. — *Cum stipendio nostro dabamus*, ita, ut et stipendium iis de nostro præberemus; Bauer. — *In publicum conferebamus*; vid. XXVI, 35, 36, et ad XXVI, 36, n. 3.

8. *Viduæ et pup.*, etc. vid. XXIV,

« deferebant : cautum erat, quo ne plus auri et ar-
 « genti facti, quo ne plus signati argenti et æris domi
 « haberemus. Tali tempore in luxuria et ornatu ma-
 « tronæ occupatæ erant, ut ad eam coercendam lex
 « Oppia desiderata sit? quum, quia Cereris sacrifi-
 « cium, lugentibus omnibus matronis, intermissum
 « erat, senatus finiri luctum triginta diebus jussit. Cui
 « non apparet, inopiam et miseriam civitatis, et quia
 « omnium privatorum pecuniæ in usum publicum
 « vertendæ erant, istam legem scripsisse⁹, tamdiu
 « mansuram, quamdiu causa scribendæ legis mansis-
 « set? Nam si, quæ tunc temporis causa aut decrevit
 « senatus, aut populus jussit, in perpetuum servari
 « oportet, cur pecunias reddimus privatis? cur pu-
 « blica præsentī pecunia locamus¹⁰? cur servi, qui
 « militent, non emuntur? cur privati non damus re-
 « miges, sicut tunc dedimus?

VII. « Omnes alii ordines, omnes homines muta-
 « tionem in meliorem statum rei publicæ sentient : ad
 « conjuges tantum nostras pacis et tranquillitatis pu-
 « blicæ fructus non perveniet? Purpura viri utemur,
 « prætextati in magistratibus, in sacerdotiis; liberi

18. — *Ne plus auri et argenti facti*; de ære facto nihil cautum fuerat: cujus rei causam Periz. in diss. de ære gravi, § 18, exponit; Duk. — *Tali tempore in luxuria et ornatu* (in luxurioso ornatu; Drak.) *matronæ*, etc. hoc potius cum interrogatione, quam perironiam dictum videtur; Duk. — *Ad eam coercendam*, sc. luxuriam. Forte leg. *ad ea coercenda*. — *Quia Cereris sacrificium*, etc. vide ad lib. XXII, cap. 56, n. 4.

9. *Inopiam et miseriam civitatis... istam legem scripsisse*, h. e. causam fuisse, cur lex scriberetur. Quidam

MSS et edd. *ob inopiam... legem scriptam*: sed illud multo elegantius esse docet Gron. coll. VIII, 12, n. 12; Plin. Ep. VIII, 18, et exemplis græcis, Hyperidis apud Longin. τούτο τὸ ψήφισμα οὐχ ὁ ῥήτωρ ἔγραψεν, ἀλλ' ἡ ἐν Χαίρωνείᾳ μάχη, Aurelii apud Plut. in Sull. pag. 472, Οἱμοὶ τάλας, διώκει με τὸ ἐν Ἀλεξανδρῶ χωρίον, et Libanii τῆς ψήφου δὲ τεθείσης, ἦν τὸ κράνος καὶ ὁ θώραξ ἔθελεν. Conf. supra apud V, 39, n. 3, et VII, 16, n. 6.

10. *Publica opera præc. pecunia locamus*; vide ad I, 12, n. 6, et V, 23, n. 6. Hæc et reliqua spectant ad præc.

« nostri prætextis purpura togis utentur¹; magistra-
« tibus in coloniis municipiisque, hic Romæ infimo
« generi magistris vicorum² togæ prætextæ habendæ
« jus permittemus; nec id ut vivi solum habeant tan-
« tum insigne, sed etiam ut cum eo crementur mor-
« tui³: feminis dumtaxat purpuræ usum interdice-
« mus? et, quum tibi viro liceat purpura in veste
« stragula⁴ uti, matrem familiæ tuam purpureum ami-
« culum habere non sines? et equus tuus speciosus
« instratus erit, quam uxor vestita? Sed in purpura,
« quæ teritur, absumitur, injustam quidem, sed ali-
« quam tamen, causam tenacitatis video: in auro
« vero, in quo præter manus pretium⁵ nihil intertri-

CAP. VII. 1. *Prætextati in magistratibus... prætextis purpura togis utentur*; vide ad XXII, 57, n. 10. — *Magistratibus in coloniis m.*, etc. non additur *sacerdotibus*, quibus etiam in municipiis datam esse prætextam, Otto de ædil. colon. c. 12, perperam ex h. l. probare conatur; Drak.

2. *Infimo generi magistratuum, magistris vicorum*, qui etiam *vicomagistri* et *viocuri* dicebantur. — Hi apud Romanos vicorum magistri prætextæ usi, notante Doering. videntur tum quum ludos compitalitios facerent, ut observat Ascon. ad Cic. in Pis. c. 4: *sicut mag. vic. faciebant compitalitios prætextati*. Videtur autem Livius causæ quam perorabat Valerius præter rationem temporis inserviisse. Vicorum enim magistri ab Augusto demum instituti sunt, ut tradit Suet. Aug. 30; nisi forte verba hic Romæ... vicorum pro additamento, post Augusti tempora adscripto, habenda sint. Ed. — *Jus permittemus*, pleonasmus genus; Bauer.

3. *Ut cum eo crementur mortui*:

VI.

nam vestimenta cum mortuis cremari, et hi togis operiri solebant. Confer. Suet. Cæs. 84; Virgil. Æn. VI, 221; ad Juvenal. III, 172; Lips. Elect. I, 6; Kirchman. de Fun. I, 10; Otto de Ædil. Col. cap. 12. — *Usum interdicemus*. Quidam habent *usu*; sed vulgatam defendit præter alios Modius, allatis exemplis e Sen. de Ira, III, 23; Suet. Ner. 22. Utramque lectionem Livio et aliis usitatam fuisse ostendit Drak. ad V, § 8. Ed.

4. *In veste stragula*, qua lecti sternuntur, peripetasmate, peristromate. Conf. ad XXXIX, 6, n. 8. — *Equus tuus speciosius instratus erit*: nam equi magistratuum, eorumque, qui in imperio erant, stratis ex auro et purpura ornabantur; vid. Lips. de Mil. rom. III, 7, ubi et notat eos, qui lectus pro equis legebant; Duk. Conf. ad XXVIII, 14, n. 1.

5. *In quo auro præter manus pretium* (quod etiam *manupretium* et *manipretium* dicitur, germ. *Macherlohn*, merces artificii pro labore data, *ubi non tam materiæ ratio, quam manus*

« menti fit, quæ malignitas est? Præsidium potius in
 « eo est et ad privatos, et ad publicos usus, sic ut
 « experti estis. Nullam æmulationem inter se singu-
 « larum, quando nulla haberet, esse aiebat. At, her-
 « cule, universis dolor et indignatio est, quum so-
 « ciorum latini nominis uxoribus vident ea concessa
 « ornamenta, quæ sibi adempta sint, quum insignes
 « eas esse auro et purpura, quum illas vehi per ur-
 « bem, se pedibus sequi⁶; tanquam in illarum civita-
 « tibus, non in sua, imperium sit. Virorum hoc ani-
 « mos vulnerare posset: quid muliercularum censetis,
 « quas etiam parva movent? Non magistratus, nec
 « sacerdotia, nec triumphi, nec insignia, nec dona,
 « aut spolia bellica his contingere possunt. Munditiæ
 « et ornatus et cultus, hæc feminarum insignia sunt:
 « his gaudent et gloriantur; hunc mundum muliebrem
 « appellarunt majores nostri. Quid aliud in luctu,
 « quam purpuram atque aurum deponunt? quid,
 « quum eluxerunt, sumunt? quid in gratulationibus
 « supplicationibusque, nisi excellentiores ornatus, ad-
 « jiciunt? Scilicet, si legem Oppiam⁸ abrogaveritis,

atque artis ducitur; Ascon. ad Cic. Verr. I, 56) nihil intertrimenti fit; vide ad XXXII, 2, n. 1, et cf. Drak.

6. *Se pedibus sequi*, sane non ut sequantur pedibus carpento vectas, quippe per se vadebant, sunm iter persequentes; sed indignitati dedit, quasi pedisequæ viderentur, illis deteriores, aut etiam subjectæ ut dominabus; Bauer. *Sequi* pro lentius procedere: potest tamen et proprie dictum videri. — *Virorum animos vulnerare*, angere, cruciare, ut *vulgus* mentis dicitur dolor et ægritudo. — *Mundum muliebrem et munditias* modo laxiore, modo arctiore significatione

dixere scriptores veteres; Duk. — Hic videtur Livius ambigue argutari vocab. *mundus*, quod orbem universum simul ac muliebria ornamenta significat, sicut Græcis κόσμος accipitur. Itaque innuit orator pro magistratibus, pro sacerdotiis, etc. unum feminis concedi cultum, qui pro rebus universi orbis omnibus suppetit illis. Ed.

7. *In luctu purpuram et aurum deponunt*; vide ad IX, 7, n. 5. — *Quum eluxerunt*, lugere: et uti veste lugubri desierunt. Conf. Noris. ad cenot. Pis. diss. III, 2, p. 368. — *Gratulationibus supplicationibusque*; vid. III, 63, n. 2.

8. *Scilicet* (vide ad IV, 5, n. 2)

« non vestri arbitrii erit, si quid ejus vetare volueritis,
« quod nunc lex vetat. Minus filiæ, uxores, sorores
« etiam quibusdam in manu erunt⁹. Nunquam, salvis
« suis, exuitur servitus muliebris; et ipsæ libertatem,
« quam viduitas et orbitas facit, detestantur. In vestro
« arbitrio suum ornatum, quam in legis, malunt esse.
« Et vos in manu et tutela, non in servitio, debetis
« habere eas; et malle patres vos aut viros, quam do-
« minos, dici. Invidiosis nominibus utebatur modo
« consul, seditionem muliebrem et secessionem ap-
« pellando: id enim periculum est¹⁰, ne Sacrum mon-
« tem, sicut quondam irata plebs, aut Aventinum ca-
« piant. Patiendum huic infirmitati¹¹ est, quodcumque
« vos censueritis. Quo plus potestis, eo moderatius
« imperio uti debetis. »

VIII. Hæc quum contra legem proque lege dicta essent, aliquanto major frequentia mulierum postero die sese in publicum effudit, unoque agmine omnes tribunorum januas obsederunt, qui collegarum rogationi intercedebant, nec ante abstiterunt, quam remissa intercessio ab tribunis esset. Nulla deinde dubitatio fuit, quin omnes tribus legem abrogarent. Anno vigesimo post abrogata est, quam lata. M. Por-

si legem Oppiam... erunt, argumentum Catonis, quod mox refellitur.

9. *Quibusdam in manu erunt* (vide ad V, 20, n. 1), sc. parentibus, fratribus, viris. Conf. cap. 2. — *Salvis suis, cognatis, necessariis, sc. patre, marito, avo, socero, fratribus.* — « *Servitus muliebris et libertas feminarum non proprie, sed oratoria ἀξίως et eodem modo dicitur, quo maritus dominus uxoris, et quo servire apud Virgil. Æn. IV, 103. Nam mulieres, quæ in manum viri convenerant, in*

mancipio viri erant (quod Serv. ad Virgil. l. l. dicit *sustinere conditionem liberalis servitutis*), nec tamen illius mancipia; et hoc vult Livius, illas, dum in manu ac potestate virorum et patrum sunt, nihil, nisi ex eorum arbitrio, posse gerere; viduas et orbas factas magis sui juris et arbitrii esse. » Duker.

10. *Id enim periculum est, εἰρωνιχῶς dicta.*

11. *Huic infirmitati, infirmo mulierum generi.*

cius consul, postquam abrogata est Oppia lex, extemplo viginti quinque navibus longis (quinque sociorum erant) ad Lunæ portum¹ profectus, eodem exercitu convenire jussu, et, edicto per oram maritimam misso, navibus omnis generis contractis, ab Luna proficiens edixit, ut ad portum Pyrenæi sequerentur: inde se frequenti classe ad hostes iturum. Prætervecti Ligustinos montes sinumque Gallicum, ad diem, quam edixerat, convenerunt: inde Rhodam ventum², et præsidium Hispanorum, quod in castello erat, vi dejectum. Ab Rhoda secundo vento Emporias perventum: ibi copiæ omnes, præter socios navales, in terram expositæ.

IX. Jam tunc Emporiæ duo oppida¹ erant muro divisa: unum Græci habebant, a Phocæa, unde et Massilienses, oriundi; alterum Hispani. Sed græcum oppidum, in mare expositum, totum orbem muri minus quadringentos passus patentem habebat; Hispanis retractior a mari trium millium passuum in circuitu murus erat. Tertium genus², romani coloni ab Divo Cæsare, post devictos Pompeii liberos, adjecti. Nunc in corpus unum confusi omnes, Hispanis

CAP. VIII. 1. *Ad Lunæ portum*; vide ad Sil. VIII, 480 sq. et Strab. V, 2, n. 5, p. 222. Luna urbs Etruriæ trans Macram fl. (hod. *Magra*; conf. XXXIX, 32; XL, 41), qui et Lunam portumque ejus capacissimum, et Etruriam Liguriamque interfuit. — *Eodem*, ad eundem portum. — *Ad portum Pyrenæi*. Non *Pyrenem* quod in nullo cod. præter unum Harl. legi testatur Drak. Per portum Pyrenæi intelligi, qui «inter Pyrenæi promontoria portus Veneris in sinu falso» Melæ vocatur, P. de Marca in *Marca Hispan.* I, 9, 4. Ed.

2. *Inter Rhodam ventum*, opp. Indigetum in Hispania prope Pyrenæum, hod. *Roses*. De *Rhoda et Emporiis* vid. P. de Marca in *Marca Hispan.* II, 18.

CAP. IX. 1. *Jam nunc Emporiæ duo oppida... a Phocæa, unde et Massilienses, oriundi*, etc. vide ad XXI, 60, n. 1. (Ubi adire licet Edit. nostr. Sil. Ital. vol. I, p. 516. Ed.)

2. *Tertium genus incolarum, hominum*; vide ad I, 18, n. 5. — *In corpus unum confusi omnes incolæ*, ex diversis regionibus oriundi. Conf. ad I, 17, n. 2.

prius, postremo et Græcis in civitatem romanam adscitis. Miraretur, qui tum cerneret³, aperto mari ab altera parte, ab altera Hispanis, tam feræ et bellicosæ genti, objectos quæ res eos tutaretur. Disciplina erat custos infirmitatis⁴, quam inter validiores optime timor continet. Partem muri versam in agros egregie munitam habebant, una tantum in eam regionem porta imposita; cujus assiduus custos semper aliquis ex magistratibus⁵ erat. Nocte pars tertia civium in muris excubabant; neque moris tantum aut legis causa, sed, quanta si hostis ad portas esset, et servabant vigiliæ, et circumibant, cura. Hispanum neminem in urbem recipiebant: ne ipsi quidem temere urbe excedebant; ad mare patebat omnibus exitus. Porta ad Hispanorum oppidum versa nunquam nisi frequentes, pars tertia fere, cujus proxima nocte vigiliæ in muris fuerant, egrediebantur. Causa exeundi hæc erat: commercio eorum Hispani⁶, imprudentes

3. *Miraretur, qui tum cerneret, etc.* sua respicit tempora Livius, quibus id non cernebatur; Gron. — Orationem paulo impeditiorem sic exponit Doering. « qui nunc cerneret quomodo illi tum ab altera parte... objecti fuerint, is sane miraretur, quæ res eos, etc. » Ed.

4. *Disciplina erat custos infirmitatis*, tuebatur Græcos, infirmiores Hispanis, *quam disciplinam... continet*, servat, haud negligi patitur.

5. *Cujus assiduus custos semper aliquis ex magistratibus erat*, vocem *semper* ex Mogunt. cod. addidit All., eamque tum τῷ ἀσίδυυ a Cic. Rosc. Am. 18, et Ovid. Fast. IV, 686, tum similibus vocabulis a Lív. V, 42, XXXV, 16, et aliis per pleonasmum adjici monet Duker. qui etiam verba

nostra ita accipi posse dicit, semper servatum fuisse, ut unus e magistratibus custos portæ esset, eaque custodia per vices in orbem iret, ita ut is, cujus vices erant, assiduus ibi adesset, nec usquam a custodia discederet. — Quosdam fuisse, qui particulam *semper* sine idonea causa delendam censerent, monet Doering.; τὸ *semper* enim non ad *assiduus*, in quo jam latet illa particula, sed ad morem, de quo sermo est, semper servatum, referendum est. Ed. — *Neque moris tantum aut legis causa, sed etiam cura tanta, quanta, etc.* — *Servabant vigiliæ*, ut *præsidia* XXXVIII, 22, n. 4, et *custodias*, XXXIII, 4; gr. τῆρεῖν et φυλάττειν φυλακάς · vide Drak.

6. *Hispani, imprudentes maris* (vide ad IV, 39, n. 4), *volebant*, cupiebant.

maris, gaudebant, mercarique et ipsi ea, quæ externa navibus inveherentur, et agrorum exigere fructus, volebant. Hujus mutui usus desiderium, ut hispana urbs Græcis pateret, faciebat. Erant etiam eo tutiores, quod sub umbra romanæ amicitiae latebant; quam sicut minoribus viribus⁷, quam Massilienses, pari colebant fide. Tunc quoque consulem exercitumque comiter ac benigne acceperunt. Paucos ibi moratus dies Cato, dum exploraret, ubi et quantæ hostium copiae essent; ut ne mora quidem segnis esset, omne id tempus exercendis militibus consumpsit. Id erat forte tempus anni, ut frumentum in areis⁸ haberent. Itaque, redemptoribus vetitis frumentum parare, ac Romam dimissis, « Bellum, inquit, se ipsum alet ». Profectus ab Emporiis agros hostium urit vastatque; omnia fuga et terrore complet.

X. Eodem tempore M. Helvio, decedenti ex ulteriore Hispania cum præsidio sex millium, dato ab Ap. Claudio prætore, Celtiberi agmine ingenti ad oppidum Illiturgi occurrerunt. Viginti millia armatorum fuisse, Valerius scribit; duodecim millia ex iis cæsa, oppidum Illiturgi receptum, et puberes omnes interfectos. Inde ad castra Catonis Helvius pervenit; et, quia tuta jam ab hostibus regio erat, præsidio in ulteriorem Hispaniam remisso, Romam est profectus,

gestiebant, et mercari ipsi ea, quæ externa, e regionibus externis, navibus Græcorum inveherentur, et agrorum suorum fructus exigere, exportare ope Græcorum in externas regiones, vel vendere Græcis. « Sic mercibus exactis, h. e. venditis traditisque et distractis, dixit Colum. X, 317. Venales extrudere mercem Horat. Epist. II, 2, v. 11. Mercis exactum Quintil. in Decl. 11, h. e. forum, nundinæ,

locus et occasio mercis exigendæ et magno cum lucro venundandæ. Græcis quoque recepta ἐξάγειν σίτον pro exportare, ἐξαγωγή σίτου, unde Plautus facere exagogam et τὰ ἐξαγωγήμα merces, quæ exportantur »; Gron.

7. Sicut minoribus viribus, ita pari c. f.; vide ad IX, 17, n. 2.

8. Ut frumentum in areis haberent, in quibus teri seu tribulari solebat. — Redemptoribus; vide ad V, 23, n. 6.

et ob rem feliciter gestam ovans Urbem est ingressus. Argenti infecti tulit in ærarium quatuordecim millia pondo septingenta triginta duo ¹, et signati bigatorum septemdecim millia viginti tria, et Oscensis ² argenti centum viginti millia quadringentos triginta octo. Causa triumphii negandi senatui fuit, quod alieno auspicio ³ et in aliena provincia pugnasset. Cæterum biennio post redierat, quum, provincia successorii Q. Minucio tradita ⁴, annum insequentem retentus ibi

CAP. X. 1. *Quatuordecim millia pondo*, etc. selibras seu marcas nostrates 23018 cum sex unciiis, secundum Creverii rationes, quas hactenus sequuti et adhuc sequuturi sumus. Ed. — *Et signati argenti bigatorum*; vidè ad XXXII, 52, n. 3. — *Septemdecim millia*, etc. denarios 17023, marcas argenti paulo plus 267. Ponderus hoc Creverio perexiguus videtur, et fortasse aliquis error irrepisset in numeris. « Verisimile enim, inquit, non est hic suppleri debere pondero ut intelligantur libræ romanæ argenti 17023: ubi enim Livius bigatorum aut quadrigatorum mentionem apposito numero facit, numerum ipsorum denariorum exprimit ut hoc ipso c. infra, ut lib. XXXIII, cap. 37, et alibi passim. » Tamen adjicienti rō *pondo* unus Lov. teste Drak. qui tamen potius subintelligendam arbitratur vocem *nummorum* vel *nummos*. Utrum vero nummus argenti Oscensis Romanorum sestertio æquiparari debeat, ut statuit Crev. ad lib. XL, 43, sibi incertum esse vir doct. profitetur: videtur enim ei intelligendus nummus in Hispania ab ipsis Hispanis cusus; qui cujus valoris fuerit, aliquem indicare non meminit. Cæterum Livius non nisi in rebus hispanicis *Oscensis argenti* mentionem facit. Ed.

2. *Oscensis*, sc. nummos, Oscæ signatos, ut c. 46 pr. Sic et XLV, 43, n. 3, *centum viginti millia Illyrii argenti*, h. e. nummorum argenteorum, in Illyrico casorum, quos *Victoriatos* fuisse dictos monet Doujat, quia primos Victoriatos ex Illyrico advectos tradat Plin. XXXIII, 3. Duæ autem *Oscæ* fuerunt in Hispania, altera in Tarrac. seu citeriore, Vescitanorum urbs ad fines Ilergetum, hod. *Huesca* (vid. Ptol. II, 6; Plut. Sertor. p. 575, et intpp. Velleii, II, 30), altera in Bætica; vid. Ptol. II, 4. Ab illa argentum *Oscense* dictum sùspicabatur *Marca* in *Marca Hisp. II*, 28. In horum *Oscensium* ditone celebres fuisse credendum argentifodinas, quibus Hispania abundavit; Donat. Confer. ad Sil. I, 155, 228 seq. III, 401.

3. *Quod alieno auspicio*, etc. conf. n. 4, et ad XXVI, 21, n. 1. — *Biennio post redierat*, sc. quam provinciam sortitus fuerat, vel in eam venerat; Duk. Conf. XXXII, 28.

4. *Provincia successorii Q. Minucio tradita*: Helvius quidem Hispaniam ulteriorem, Minucius citeriorem erat sortitus (vide ad lib. XXXII, 28, et XXXIII, 26); sed Helvius, ex sua provincia decedens, in *aliena* rem bene gesserat, i. e. in citeriore; et quia hanc citeriorem obtinuerat Mi-

longo et gravi morbo fuisset. Itaque duobus modo mensibus ante Helvius ovans Urbem est ingressus, quam successor ejus Q. Minucius triumpharet. Hic quoque tulit argenti pondo triginta quatuor millia octingenta, bigatorum septuaginta octo millia, et Oscensis argenti ducenta septuaginta⁵ octo millia.

XI. In Hispania interim consul haud procul Emporiis castra habebat: eo legati tres ab Ilergetum regulo Biliſtage, in quibus unus filius erat, venerunt, quereutes, *castella sua oppugnari, nec spem ullam esse resistendi, nisi praesidium Romani misissent*¹. *Tria millia militum satis esse; nec hostes, si tanta manus venisset, mansuros.* Ad ea consul, *Moveri quidem se vel periculo eorum, vel metu, dicere; sed sibi nequaquam tantum copiarum esse, ut, quum magna vis hostium haud procul absit, cum qua mox signis collatis dimicandum sibi in dies exspectet, dividendo exercitum minuere tuto vires posset.* Legati, ubi haec audierunt, flentes ad genua consulis provolvuntur.

nucius, idcirco successor Helvii appellatur: quare nihil mutandum est, contra atque Glar. censet; Sigon. Haec mihi non satis faciunt, et miror Pighium ac Periz. qui studiose connectantur ea, in quibus negligentia aliqua Livii accusari potest, hoc intotum praeteriisse, quod mihi inexplicabile videtur; Duker.

5. *Ducenta septuaginta*, etc. selibras nostrates 434375. Numerus ille immanis est, et qui fidem excedere videatur Creverio. Fortasse hic aliquid est mendii. Vid. supra n. 1. Ed.

CAP. XI. 1. *Nisi praesidium Romani misissent*: Gelen. e cod. Mogunt. *nisi praesidio romanus miles esset*, quod restituit Drak. Displicuit forte, quod *misissent* dictum pro *mitterent*. Sed

hoc neque nostro, neque purgatissimis aliis scriptoribus insolens esse, docent Gron. et Drak. Conf. ad VI, 3, n. 3.—*Tria millia militum*. In numero variant MSS; quidam *quatuor millia*. Ex Mogunt. cod. *tria mil.* edit Drak. consentiente Christio, qui hanc recte reddit rationem, Livium si alterum maluisset potius dicturum fuisse *legionem satis esse*, quum legio eo tempore ex tot ferme militibus constaret. Ed.—*Moveri quidem se*. Gronovianae editiones carent *se*; Creverius ex caeterarum consensu illud revocavit. Ed.—*Cum qua mox... dimicandum sibi*, etc. Jac. Gron. ex Thuan. cod. cui assentiuntur duo e MSS Hearnii, ita locum emendat, *et quam mox.... dimicandum sit, in*

Orant, *Ne se in rebus tam trepidis² deserat. Quo enim se, repulsos ab Romanis, ituros? Nullos se socios, nihil usquam in terris aliud spei habere. Potuisse se extra id periculum esse, si decedere fide, si conjurare cum cæteris voluissent. Nullis minis, nullis terriculis se motos, sperantes, satis opis et auxilii sibi in Romanis esse. Id si nullum sit, si sibi a consule negetur, deos hominesque se testes facere, invites et coactos se, ne eadem, quæ Saguntini passi sint, patiantur, defecturos, et cum cæteris potius Hispanis, quam solos, perituros esse.*

XII. Et illo quidem die sic sine responso dimissi: consulem nocte, quæ insequuta est, anceps cura agitare. Nolle deserere socios, nolle minuere exercitum; quod aut moram sibi ad dimicandum, aut in dimicando periculum afferre posset. Stat sententia, non minuere copias, ne quid interim hostes inferant ignominiae: sociis spem pro re ostendendam¹ censet. Sæpe vana pro veris, maxime in bello, valuisse²; et credentem se aliquid auxilii habere, perinde atque haberet, ipsa fiducia et sperando atque audendo servatum. Postero die legatis respondit, *Quanquam vereatur, ne suas vires, aliis eas commodando, minuat; tamen illorum se temporis ac periculi magis, quam sui, rationem habere.* Denuntiari militum parti tertiæ ex omnibus

dies, etc. Lectionem hanc eleganter vocat Crev. Ed.

2. *In rebus tam trepidis*; vide ad V, 11, n. 3.

CAP. XII. 1. *Spem pro re ostentandam*; nam spes valet pro re, quia animis omnes ea præcipiunt, quæ cupiunt, ut loquitur Dio Cass. LII, 13; hoc est, spes nihil putat futurum, cuncta habet præsentia; Gruter. Pro *spem* etiam suspicari possis *speciem*,

quæ sæpe *rei* opponitur, ut mox *vana veris*. Conf. ad VI, 14, n. 2, et XXII, 3, n. 4; ad Tac. III, 30, n. 7. Huic conjecturæ favent prima verba cap. 13; *ubi satis, quod in speciem fuit, ostentatum est.*

2. *Sæpe vana pro veris... valuisse*, etc. quia implent animos modo spe, modo formidine; Grut. Conf. ad XXVII, 45, n. 1; Curt. IV, 13, n. 5, et Cæs. B. C. II, 4. — *Denuntiari...*

cohortibus jubet, ut cibum, quem in naves imponant, mature coquant; navesque in diem tertium expediti jussit. Duos ex legatis Bilistagi atque Ilergetibus nuntiare ea jubet; filium reguli comiter³ habendo et muneribus apud se retinet. Legati non ante profecti, quam impositos in naves milites viderunt: id pro haud dubio jam nuntiantes, non suos modo, sed etiam hostes, fama Romani auxilii adventantis impleverunt.

XIII. Consul, ubi satis, quod in speciem fuit, ostentatum est¹, revocari ex navibus milites jubet. Ipse, quum jam id tempus anni appeteret, quo geri res possent, castra hiberna tria millia passuum ab Emporiis posuit. Inde per occasiones, nunc hac parte, nunc illa, modico praesidio castris relicto, praedatum milites in hostium agros educebat. Nocte ferme proficiscbantur, ut et quam longissime a castris procederent, et inopinatos opprimerent. Et exercebat ea res novos milites, et hostium magna vis excipiebatur; nec jam egredi extra munimenta castellorum audebant. Ubi satis admodum et suorum et hostium animos est ex-

jubet... jussit, etc. Jac. Periz. quum haec omnia sive ipsius auctoris, sive Catonis ad legatos verba sint, necessario cum praeced. conjuncta volebat; mox expungendum *et jubet*, atque insuper *jussisse*, pro *jussit*, scribendum coniecit. Sed locum defendit clar. Doering. qui emendationem ibi aliquam nemini desiderandam pronuntiat. Nam repetitionem verbi *jubet*, *jussit* et paulo post *jubet* alibi quoque Noster haud repudiavit; vid. Drakenb. ad XXXI, 11, § 9. Ed.

3. *Comiter habendo*, tractando.

CAP. XIII. *Quod in speciem fuit, ostentatum est*; vide ad IV, 30, n. 1.

et VI, 14, n. 2.—*Quum jam id tempus anni appeteret* (vide ad V, 19, n. 2), *quo*, etc. unde *vix hibernis locus est*, et *et hiberna expungerem*, si codices faverent; Drak. Cato, qui in Hispaniam venit, quum Hispani frumentum in areis haberent (vid. cap. 9), ab eo tempore usque ad id, quo castra hiberna ad Emporias posuit, nihil rerum gessisse videtur, nisi quod agros hostium vastavit, fortassis quod propter calores Hispaniae ibi per aestatem res geri non poterant; Duk. Conf. ad XXXV, 7.—*Nocte ferme proficiscbantur* praeter morem; vid. Schel. ad Polyb. cap. 9.—*Satis admodum*, f.

pertus, convocari tribunos præfectosque² et equites omnes et centuriones jussit. « Tempus, inquit, quod « sæpe optastis, venit, quo vobis potestas fieret vir-
« tutem vestram ostendendi. Adhuc prædonum magis,
« quam bellantium, militastis more: nunc justa pugna
« hostes cum hostibus conseretis manum. Non agros
« inde populari, sed urbium opes exhaurire³ licebit.
« Patres nostri, quum Hispania Carthaginensium, et
« imperatores ibi et exercitus essent, ipsi nullum im-
« peratorem, nullos in ea milites haberent; tamen ad-
« dere hoc in fœdere voluerunt, ut imperii sui Iberus
« fluvius esset finis. Nunc, quum duo prætores, quum
« consul, quum tres exercitus Romani Hispaniam ob-
« tineant, Carthaginensium jam prope decem annis
« nemo in his provinciis sit, imperium nobis citra Ibe-
« rum amissum est. Hoc armis et virtute recuperetis
« oportet; et nationem, rebellantem magis temere,
« quam constanter bellantem, jugum, quo se exsuit,
« accipere rursus cogatis. » In hunc modum maxime

satis ad hunc modum; Duker. Sed illud *admodum* videtur τῷ *satis* ita adjunctum esse, ut alibi numeris, quum diligenter, non crassiori modo significantur; Ern.

2. *Convocari tribunos præfectosque sociorum, qui tribunis pares, et equites omnes et centuriones; sed cur equites omnes? nam consilium est, non concio.* Lipsius, *Mil. Rom. XXI, 8*, conj. *præfectosque equitum omnes*, ut sint decuriones, merito vocati, ubi omnes centuriones. Sed ita in hoc consilio non dari locum præfectis sociorum, qui fere cives romani non infimi loci, et decurionibus equitum dignitate longe superiores fuerint, monet Duk. *Equites omnes centuriones* emend. Grut. qui tamen centu-

riones primorum ordinum equis militasse dicit, non probat. Latet mendum, etsi haud variant libri. — Nihil hic mutandum existimat cl. Doering. non enim sermo jam est de *consilio* in quod deliberandi gratia convenitur, sed de *concilio*, in quo consul omnes milites ad virtutem ostendam exhortaturus erat. Ejusmodi *concilio* cur non adesse potuerint *omnes equites* ipse vir cl. non videt. Ed.

3. *Urbium opes exhaurire; vide ad X, 44, n. 1. — Quum Hispania Carthag.* Ante Gronov. edebatur, *quum in Hispania*, etc. male. Sensum melius sic exponit Doering. « quum Hispania ad Carthaginenses pertineret, sive in Carthaginensium potestate esset, et imperatores, etc. » Ed.

adhortatus pronuntiat, se nocte ad castra hostium ducturum. Ita ad corpora curanda dimissi.

XIV. Nocte media quum auspicio¹ operam dedisset, profectus, ut locum, quem vellet, prius quam hostes sentirent, caperet, præter castra hostium circumducit, et prima luce, acie instructa, sub ipsum vallum tres cohortes mittit. Mirantes Barbari ab tergo apparuisse Romanum, discurrere ipsi ad arma. Interim consul apud suos, « Nusquam, nisi in virtute, « spes est, milites, inquit, et ego sedulo, ne esset, « feci. Inter castra nostra et nos medii hostes. Ab « tergo hostium ager est. Quod pulcherrimum, idem « tutissimum est, in virtute spem positam habere ». Sub hæc cohortes recipi² jubet, ut Barbaros simulatione fugæ eliceret. Id, quod crediderat, evenit. Pertimuisse et cedere rati Romanos, porta erumpunt, et, quantum inter castra sua et hostium aciem relictum erat loci, armatis complent. Dum trepidant acie instruenda³, consul, jam paratis ordinatisque omnibus, incompositos aggreditur. Equites primos ab utroque cornu in pugnam educit: sed in dextro extemplo pulsi, cedentesque trepidi etiam pediti terrorem intulere. Quod ubi vidit consul, duas cohortes delectas ab dextro latere hostium circumduci jubet, et ab tergo se ostendere, prius quam concurrerent peditum acies. Is terror objectus hosti rem, metu romanorum equitum inclinatum, æquavit. Tamen adeo turbati erant

CAP. XIV. 1. *Nocte media quum auspicio*, auspiciis capiendis, *operam dedisset*; vide ad VIII, 23, n. 12. — *Circumducit*; vide ad I, 23, n. 4. — *Discurrere ipsi*, forte et *ipsi*, quod amat Livius; Duk. — *Ego sedulo, ne esset spes nisi in virtute, feci*, naves

Massiliam ablegando, ut observat J. Fr. Gronovius ex Appiano, pag. 276. Ed.

2. *Sub hæc verba cohortes*, etc. vide ad II, 55, n. 1.

3. *Trepidant acie instruenda*; vide ad III, 49, n. 4.

dexteræ alæ equites peditesque, ut quosdam consul manu ipse reprehenderit⁴, verteritque in hostem. Ita, et quamdiu missilibus pugnatum est, anceps pugna erat; et jam ab dextra parte, unde terror et fuga cœperat, ægre Romanus restabat, ab sinistro cornu et ab fronte urgebantur Barbari, et cohortes ab tergo instantes pavidi respiciebant. Ut, emissis⁵ soliferreis falaricisque; gladios strinxerunt, tum velut redintegrata est pugna. Non cæcis ictibus⁶ procul ex improvise vulnerabantur; sed, pede collato, tota in virtute ac viribus spes erat.

XV. Fessos jam suos consul, ex secunda acie subsidiariis cohortibus in pugnam inductis, accendit: nova acies facta. Integri recentibus telis fatigatos adorti hostes primum acri impetu, velut cuneo¹, perculerunt; deinde dissipatos in fugam averterunt: effusoque per agros cursu castra repetebantur. Ubi omnia fuga completa vidit Cato, ipse ad secundam legionem, quæ in

4. *Manu ipse reprehenderit* (vide ad II, 10, n. 2), *verteritque in hostem*: ita MSS et edd. antt. et *adversos in hostem verterit* ex cod. Mogunt. receperunt Aldus et alii. Scribendum saltem *aversos*, scil. ab hoste et fugam querentes; Gron. — *Adversos* tamen defendit Doer. nam *vertere adversum aliquem*, est cum vertere ita ut ei, in quem versus est, fiat *adversus*, e regione, ἐναντίος. Ed. — *Restabat*; vide ad IV, 58, n. 5.

5. *Emissis soliferreis*, scil. telis seu jaculis, quæ tota erant ferrea, sive hastili, e ferro solo vel solido; nisi potius leg. *solliferreis*, quia *sollus* Oscis dicebatur *totus*; vid. Fest. voc. *Sollo*. De *falaricis* vid. XXI, 28.

6. *Cæcis ictibus*, qui fiunt *procul ex improvise*, quorumque auctor in-

certus est et ignotus, ut *ictus et tela fallentia, tacita, occulta*, et passim *cæca* passive dicuntur *occultata, ἀόρατα*, obscura, latentia, ignota, ut *mutus, surdus* et alia; vide ad Sil. III, 579; V, 3; VI, 75; XI, 386, et inf. ad cap. 39, n. 3, ubi *tela ex propinquo illata opponuntur cæcis ictibus*. *Cæcum crimen*, incertum, dubium, *in Achæis erat, nullis eorum literis inventis*, quibus ejusdem criminis convinci possent, XLV, 31, n. 5.

CAP. XV. 1. *Hostes acri impetu, velut cuneo, perculerunt*; vid. XL, 40, n. 2. — *Cuneus*. Quantam impressionem faciat istius modi agmen, testis erit illa Anglorum acies, apud vicum *de Fontenoi*, quæ Gallorum regem exercitumque in tantum discrimen adduxit. Vid. *Voltaire, Précis*

subsidio posita erat, equo revehitur, et signa præ se ferri, plenoque gradu² ad castra hostium oppugnanda succedere jubet. Si quis extra ordinem avidius procurrit, et ipse interequitans sparo percutit, et tribunos centurionesque castigare jubet. Jam castra hostium oppugnabantur; saxisque et sudibus et omni genere telorum submovebantur a vallo Romani. Ubi recens admota legio est, tum et oppugnantibus animus crevit, et infensus hostes pro vallo pugnabant. Consul omnia oculis perlustrat, ut, qua minima vi restatur, ea parte irrumpat. Ad sinistram portam infrequentes videt: eo secundæ legionis principes hastatosque inducit. Non sustinuit impetum eorum statio, quæ portæ apposita erat; et cæteri, postquam intra vallum hostes vident, ipsis castris exsuti, signa armaque abjiciunt. Cæduntur in portis, suomet ipsi agmine in arcto hærentes³: secundani terga hostium cædunt, cæteri castra diripiunt. Valerius Antias supra quadraginta millia hostium cæsa eo die scribit. Cato ipse, haud sane detractor laudum suarum, multos cæsos ait⁴; numerum non adscribit.

XVI. Tria eo die laudabilia fecisse putatur: unum,

du siècle de Louis XV, cap. 15, et alios. Ed. — *In subsidio posita*; vide ad II, 20, n. 2.

2. *Plenoque gradu*; vide ad IV, 32, n. 6. — *Sparo percutit*, telo; vide ad Sil. III, 388; Cort. ad Sall. Cat. 56; intpp. Virg. *Æn.* XI, 682; *du Cange*, Glossar. med. latin. — *Infensus hostes pro vallo pugnabant*; Duk. malebat *impensius*, et Periz. *intentius*, quia non facile quisquam, nisi infenso animo, in hostem pugnet aut ei repugnet. Sed similiter sæpe dicitur *hostis infensus*; de quo vide

ad IV, 10, n. 3, et apud Sall. Jug. 57 (ubi vid. Corte), *infensi intentique manent*; Drak.

3. *In arcto hærentes* (vide ad V, 38, n. 4) *cæduntur in portis*, etc. cf. Hom. *Iliad.* XII, 122 sq. et Virg. *Æn.* XI, 879 sqq.

4. *Cato ipse multos cæsos ait*, scil. in Originibus; vide ad cap. 5, n. 2. — *Detractor* pro vulg. *detractator* edidit Drak. et Voss. et Lov. 5. In aliis MSS est *detractor*, quod vel nec ipsum spernendum, vel corruptum; vide ad III, 60, n. 5.

quod, circumducto exercitu, procul navibus suis castrisque, ubi spem nisi in virtute haberent¹, inter medios hostes prælium commisit: alterum, quod cohortes ab tergo hostibus objecit: tertium, quod secundam legionem, cæteris omnibus effusis ad sequendos hostes, pleno gradu sub signis compositam instructamque subire ad portam castrorum jussit. Nihil deinde a victoria cessatum. Quum, receptui signo dato, suos spoliis onustos in castra reduxisset, paucis horis noctis ad quietem datis, ad prædandum in agros duxit. Effusius, ut sparsis hostibus fuga², prædati sunt. Quæ res non minus, quam pugna pridie adversa, Emporitanos Hispanos³ accolasque eorum in deditionem compulit. Multi et aliarum civitatum, qui Emporias perfugerant, dediderunt se. Quos omnes, appellatos benigne vinoque et cibo curatos, domos dimisit. Confestim inde castra movit; et, quacumque incedebat agmen, legati dedentium civitates suas occurrebant. Et quum Tarraconem venit, jam omnis cis Iberum Hispania perdomita erat, captivique et Romani, et socium ac latini nominis, variis casibus in Hispania oppressi, donum consuli a Barbaris reducebantur. Fama deinde vulgatur, consulem in Turdetaniam exercitum ducturum, et ad devios montanos profecturum etiam falso perlatum est⁴. Ad hunc vanum et sine auctore ullo rumorem Bergista-

CAP. XVI. 1. *Ubi spem non nisi in virtute haberent*; quod non vel excidit, vel supplendum est. Illud putabat Gron., hoc Drak. Conf. Duk. ad Flor. I, 12, 8; Cort. ad Sall. Jug. 54, 5; Burm. ad Ovid. Art. Amat. II, 694. — *Pleno gradu*; vide supra ad IV, cap. 32, n. 6.

2. *Ut sparsis hostibus fuga*; vide ad VIII, 30, n. 7.

3. *Emporitanos Hispanos*; vide ad cap. 9 pr.

4. *Profecturum etiam falso*, etc. Hic esse aliquid redundantis et obscuri pronuntiat Crev. legendumque proponit: *et ad devios montanos etiam falso perlata est*. Sed si particulam *etiam*, quæ in quibusdam codd. apud Drak. omititur, deleveris, atque tò et pro *etiam* explicaveris, tunc ni-

norum civitatis septem castella defecerunt. Eos, deducto exercitu, consul sine memorando prælio in potestatem redegit. Haud ita multo post iidem, regresso Tarraconem consule, prius quam inde quoquam procederet, defecerunt. Iterum subacti: sed non eadem venia victis fuit. Sub corona venire⁵ omnes, ne sæpius pacem sollicitarent.

XVII. Interim P. Manlius prætor, exercitu vetere a Q. Minucio, cui successerat, accepto, adjuncto et Ap. Claudii Neronis ex ulteriore Hispania vetere item exercitu, in Turdetaniam proficiscitur. Omnium Hispanorum maxime imbelles habentur Turdetani: freti tamen multitudine sua obviam ierunt agmini romano; eques immissus turbavit extemplo aciem eorum; pedestre prælium nullius ferme certaminis fuit. Milites veteres, periti hostium bellique, haud dubiam pugnam fecerunt: nec tamen eâ pugna debellatum est. Decem millia Celtiberum mercede Turduli conducunt¹, alienisque armis parabant bellum. Consul interim, rebellione Bergistanorum ictus², cæteras quoque civitates ratus per occasionem idem facturâs, arma omnibus cis Iberum Hispanis ademit. Quam rem adeo ægre passi, ut multi mortem sibimet ipsi consciscerent³: ferox genus, nullam vitam rati sine armis esse.

hil mutandum *Doering* existimat, sensum ita explanans: « falso quoque perlatum est eum ad dev. mont. profecturum ». Ed. — *Bergistanorum civitatis, gentis* (populi, reipublicæ), ut *Cæsari civitas Helvetiorum et Æduorum* dicitur; Gron. Conf. ad III, 47, n. 1; Drak. ad Epit. LXV; Cort. ad Sall. Catilin. 40, p. 147. — *Deducto exercitu*, sc. in civitatem Bergistanorum. *Educto* malebat Gronov. et *inducto* Crev.

5. *Sub corona venire*; vide ad II, 17, n. 3.

CAP. XVII. 1. *Turduli conducunt*, vulgo Turdetani.

2. *Rebellione Bergistanorum ictus*; vide ad I, 16, n. 2.

3. *Ut multi mortem sibimet ipsi consciscerent*, etc. more eorum, qui non tam *feroces*, quam natura timidi sunt et melancholici, malisque afflicti facile animum despondent: unde Hispani ad αὐτοκρίαν admodum pro-

Quod ubi consuli renuntiatum est, senatores omnium civitatum ad se vocari iussit, atque iis, « Non nostra, « inquit, magis, quam vestra, refert, vos non rebel-
« lare : siquidem id majore Hispanorum malo, quam
« exercitus romani labore, semper adhuc factum est.
« Id ut ne fiat, uno modo arbitror caveri posse, si ef-
« fectum erit, ne possitis rebellare. Volo id quam mol-
« lissima via consequi. Vos quoque in ea re consilio
« me adjuvate. Nullum libentius sequar, quam quod
« vosmet ipsi attuleritis ». Tacentibus spatium se ad deliberandum dierum paucorum dare dixit. Quum revocati secundo quoque concilio tacuissent; uno die muris omnium dirutis, ad eos, qui nondum parebant, profectus, ut in quamque regionem venerat, omnes, qui circa incolebant, populos in deditionem accepit. Segesticam tantum⁴, gravem atque opulentam civitatem, vineis et pluteis cepit.

XVIII. Eo majorem habebat difficultatem in subigendis hostibus, quam qui primi venerunt in Hispaniam, quod ad illos tædio imperii Carthaginensium Hispani deficiebant; huic ex usurpata libertate in servitatem velut asserendi⁵ erant: et ita mota omnia accepit, ut alii in armis essent, alii obsidione ad de-

elives et olim fuere et etiam nunc sunt, ut Turcæ. Conf. Justin. XLIV, 2, et Sil. I, 225. sq.—*Ferox genus rati*; vide ad I, 18, n. 5, et I, 41, n. 1. — *Vos non rebellare*. Libri nonnulli *bellare*; mox repetitum τὸ *rebellare* quosdam offendit; unde Jacobsio blanditur suspicio Gronovii, postremum verbum non a Livio esse, sed ex margine, existimantis: sæpius tamen Noster et alii ex narrationis simplicitate vocem, quæ facile suppleri poterat, repetere solent, ut observat

Doering. ablegans ad Drak. notas supra I, 3, § 9. Ed.

4. *Segesticam tantum*, opp. Celtiberorum, idem forte quod Σηγίδη et Σηγίδη aliis dicitur; vid. Schweigh. ad Appian. Hisp. 44. — *Gravem civitatem*, validam, vel potentem opibus (*wichtige*), βαρείαν πόλιν. Ern. et Schæfer. coll. Duker. ad Flor. I, 3, et Wessel. ad Diodor. t. I, p. 306, t. II, p. 630.

5. CAP. XVIII. 1. *In servit. velut asserendi*. Asserere in servitatem dicitur

fectionem cogentur; nec, nisi in tempore subventum foret, ultra sustentaturi fuerint. Sed in consule ea vis animi atque ingenii fuit, ut omnia maxima minimaque per se adirēt atque ageret; nec cogitaret modo imperaretque, quæ in rem essent², sed plerumque ipse per se transigeret; nec in quemquam omnium gravius severiusque, quam in semet ipsum, imperium exerceret; parcimonia et vigiliis³ et labore cum ultimis militum certaret; nec quidquam in exercitu suo præcipui, præter honorem atque imperium, haberet.

XIX. Difficilius bellum in Turdetania prætori P. Manlio Cæltiberi, mercede exciti ab hostibus, sicut ante dictum est, faciebant. Itaque eo consul, arcessitus literis prætoris, legiones duxit. Ubi eo venit (castra separatim Celtiberi et Turdetani habebant), cum Turdetanis extemplo levia prælia, incursantes in stationes eorum, Romani facere; semperque victores ex quamvis temere cœpto certamine abire. Ad Celtiberos in colloquium tribunos militum ire consul, atque iis trium conditionum electionem ferre, jubet: primam, si transire ad Romanos velint, et duplex stipendium accipere; quam quantum¹ a Turdetanis pepigissent; alteram, si domos abire, publica fide accepta, nihil eam rem noxæ futuram, quod hostibus se Romanorum junxissent; tertiam, si utique bellum placeat,

is qui in jure postulat addici sibi tantam servum eum qui se pro libero gerat, ut ait Crev. ad hunc locum. Quum igitur a consuetudine forensi ductam locutionem hic ad bellicas res transferat Livius, ideo opponendam judicavit particulam *velut*. Ed. — *In tempore subventum*, vide ad II, 47, n. 4. — *Sustentaturi* absolute ut apud Cæs. B. G. II, 14; Drak. *Sustenturi*

conj. Jac. Periz. Confer. Oudend. ad Cæsar. B. G. II, 25.

2. *Quæ in rem essent*; vide ad I, 27, n. 5.

3. *Parcimonia et vigiliis*, etc. vide ad cap. 1, n. 7.

CAP. XIX. 1. *Duplex stipendium, quam quantum*, etc. vide ad XXXV, 1, n. 1. — *Publica fide accepta*; vid. XXIII, 19, n. 10.

diem locumque constituent, ubi secum armis decernant. A Celtiberis dies ad consultandum petita. Concilium immixtis Turdetanis habitum magno cum tumultu: eo minus decerni quidquam potuit. Quum incertum², bellum an pax cum Celtiberis esset, comatus tamen, haud secus quam in pace, ex agris castellisque hostium Romani portabant; dein sæpe munimenta eorum, velut communi pacto commercio privatis induciis, ingredientes. Consul ubi hostes ad pugnam elicere nequit, primum prædatum sub signis aliquot expeditas cohortes in agrum integræ regionis ducit; deinde audito, Seguntiaë Celtiberum omnes sarcinas impedimentaue relicta, eo pergit ducere ad oppugnandum. Postquam nulla moventur re, persoluto stipendio, non suis modo, sed etiam prætoris militibus, relictoque omni exercitu in castris prætorii, ipse cum septem cohortibus ad Iberum est regressus.

XX. Ea tam exigua manu oppida aliquot cepit. Defecere ad eum Sedetani, Ausetani, Suessetani. Lacedætanos, deviam et silvestrem gentem, quum insita feritas continebat in armis, tum conscientia, dum consul exercitusque Turdulo bello est occupatus, depopulatorum¹ subitis incursionibus sociorum. Igitur ad op-

2. *Quum incertum, bellum, etc.* in MSS. *Quum incerta bellum an pax c. C. essent* prob. Gron. Idem monet verborum seqq. sententiam esse, primum quidem ex hostico Romanos sine metu et injuria cujusquam pabulatos et frumentatos, deinde, quod majoris discriminis est, aucta securitate etiam intra præsidia Celtiberorum venisse. Sed quia oratio suspenditur per partic. *ingredientes*, idque nihil habet, quo referri debeat, pro *dein* vel *dein-*

de (quod in multis MSS et in edd. vett. ante Frob. a. 1535 legitur) Sigon. non male conj. *perinde*, i. e. non minus sæpe, quam in pace; Drak. — *Privatis induciis*; vide ad II, 18, n. 7.

CAP. XX. 1. *Tum conscientia depopulatorum sociorum*, memoria populationum, quas in Suessetanorum aliorumque sociorum, merito ipsis propterea infensorum, agvis nuper fecissent.

pidum eorum² oppugnandum consul ducit non romanis modo cohortes, sed juventutem etiam merito infensorum iis sociorum. Oppidum longum, in latitudinem haudquaquam tantumdem patens, habebant. Quadringentos inde ferme passus constituit signa. Ibi delectarum cohortium stationem relinquens, præcepit eis, ne se ex eo loco ante moverent, quam ipse ad eos venisset. Cæteras copias ad ulteriorem partem urbis³ circumducit. Maximum ex omnibus auxiliis numerum Suessetanæ juventutis habebat. Eos ad murum oppugnandum subire jubet. Quorum ubi arma signaque Lacetani cognovere; memores, quam sæpe in agro eorum impune persultassent, quoties ipsos signis collatis fudissent fugassentque, patefacta repente porta, universi in eos erumpunt. Vix clamorem eorum, nedum impetum, Suessetani tulere. Quod postquam, sicut futurum ratus erat, consul fieri etiam vidit; equo citato subter murum hostium ad cohortes advehitur, atque eas arreptas⁴, effusis omnibus ad sequendos Suessetanos, qua silentium ac solitudo erat, in urbem inducit; priusque omnia cepit, quam se reciperent Lacetani. Mox ipsos, nihil præter arma habentes, in deditionem⁵ accepit.

XXI. Confestim inde victor ad Vergium¹ castrum ducit: receptaculum id maxime prædonum erat, et inde incursiones in agros pacatos provinciæ ejus fie-

2. *Ad oppidum eorum*, nescio quod.

3. *Ad ulteriorem partem urbis*, remotiorem: etenim nullo flumine dirimebatur, sed erat in longitudinem valde porrecta; Ern. — *In agro eorum impune persultassent*, vagati essent populabundi. Confer. ad Tacit. Ann. XI, 9, n. 1; XI, 28, n. 2.

4. *Atque eas arreptas*, raptim mo-

tas, effusis omnibus Lacetanis ex oppido, qua parte, eo ubi silentium ac solitudo erat, sc. in urbem inducit.

5. *In deditionem accepit*; vide ad VIII, 20, n. 7.

CAP. XXI. 1. *Ad Vergium castrum*; vide ad XXI, 19, n. 5.—Vide, quem Drak. laudavit, P. de Marea in Marc. Hispan. II, 13, § 5. Ed.

bant. Transfugit inde ad consulem princeps Vergestanus, et purgare se ac populares cœpit; *non esse in manu ipsis rempublicam: prædones receptos totum suæ potestatis id castrum fecisse.* Consul eum domum redire, conficta aliqua probabili, cur abfuisset, causa, jussit. *Quum se muros subisse cerneret, intentosque prædones ad tuenda mœnia esse; tum uti cum suæ factionis hominibus meminisset arcem occupare.* Id, uti præceperat, factum. Repente anceps terror, hinc muros² adscendentibus Romanis, illinc arce capta, Barbaros circumvasit. Hujus potitus loci consul eos, qui arcem tenuerant, liberos esse cum cognatis, suaque habere jussit: Vergestanos cæteros, quæstori, ut venderet, imperavit: de prædonibus supplicium sumpsit. Pacata provincia, vectigalia magna instituit ex ferrariis argentariisque; quibus tum institutis, locupletior in dies provincia fuit. Ob has res gestas in Hispania supplicationem, in triduum Patres decreverunt.

XXII. Eadem æstate alter consul L. Valerius Flaccus in Gallia cum Boiorum manu propter Litanam silvam¹, signis collatis, secundo prælio confligit. Octo millia Gallorum cæsa traduntur: cæteri, omisso bello, in vicos suos atque agros dilapsi. Consul reliquum ætatis circa Padum Placentiæ et Cremonæ exercitum habuit, restituitque, quæ in iis oppidis bello diruta fuerant. Quum hic status rerum in Italia Hispaniaque esset, T. Quintio, in Græcia ita hibernis actis, ut, exceptis Ætolis, quibus nec pro spe victoriae præmia

2. *Anceps terror, hinc muros adsc.* Romanis, *illinc arce capta, B. circ.* vide ad I, 25, n. 4. — *Ferrariis argentariisque*, scil. fodinis et officinis ad ferrum et argentum eruendam,

excoquendum, expurgandumque institutis. ED.

CAP. XXII. 1. *Propter Litanam silvam*; vide ad XXI, 27, n. 6, et XXIII, 24, n. 4. — (Per) *reliquum*

contigērant, nec diu quies placere poterat, universa Græcia, simul pacis libertatisque perfruens bonis, egregie statu suo gauderet, nec magis in bello virtutem romani ducis, quam in victoria temperantiam justitiamque et moderationem miraretur, senatusconsultum, quo bellum adversus Nabin Lacedæmonium decretum erat, affertur. Quo lecto, Quintius, conventu Corinthum omnium sociarum civitatum legationibus in diem certam edicto, ubi frequentes undique principes convenerunt, ita ut ne Ætoli quidem abessent, tali oratione est usus: « Bellum adversus
« Philippum non magis communi animo consilioque
« Romani et Græci gesserunt, quam utrique suas causas belli habuerunt²: nam et Romanorum amicitiam, nunc Carthaginienses hostes eorum juvando,
« nunc his sociis nostris oppugnandis, violaverat; et
« in vos talis fuit, ut nobis, etiamsi nostrarum obli-
« sceremur injuriarum, vestræ injuriæ satis digna causa
« belli fuerint. Hodierna consultatio tota ex vobis pendet. Refero enim ad vos³, utrum Argos, sicut scitis
« ipsi, ab Nabide occupatos, pati velit sub ditione
« ejus esse, an æquum censeatis, nobilissimam vetustissimamque civitatem, in media Græcia sitam, re-
« peti in libertatem, et eodem statu, quo cæteras urbes Peloponnesi et Græciæ, esse. Hæc consultatio,
« ut videtis, tota de re pertinente ad vos est; Romanos

astatis; vide ad XXII, 15, n. 3. — *Senatuscons. quo bellum*, etc. Supra XXXIII, 45, Livius scripsit permis- sum fuisse a senatu T. Quintio, quod ad Nabin attineret, faceret quæ est rep. esse censeret. Unde minus proprie bellum adversus Nabin senatuscons. decretum dici videtur Creverio, qui Livii diligentiam in hac re desiderat. Ed.

2. *Causas belli habuerunt*: forte *bellandi*; Gron. — Sensus cl. Doering. ita explanat: Romani nempe et Græci pariter communi animo consilioque bellum adversus Phil. gesserunt, prouti utrisque, quibus ad bellum impellerentur, causæ fuere. Ed.

3. *Refero enim ad vos*, etc. vide ad XXVI, 2, n. 3.

« nihil contingit ⁴, nisi quatenus liberatæ Græciæ,
« unius civitatis servitus, non plenam, nec integram
« gloriam esse sinit. Cæterum si vos nec cura ejus ci-
« vitatis, nec exemplum, nec periculum movet, ne
« serpat latius contagio ejus mali, nos æqui bonique
« facimus. De hac re vos consulo, staturus eo ⁵, quod
« plures censueritis. »

XXIII. Post orationem romani imperatoris per-
censeri aliorum sententiæ cœptæ sunt. Quum legatus
Atheniensium, quantum poterat gratiis agendis, Ro-
manorum in Græciam merita extulisset, *imploratos*
auxilium adversus Philipppum tulisse opem; non ro-
gatos ultro adversus tyrannum Nabin offerre auxi-
*lium; indignatusque esset*¹, hæc tanta merita sermo-
nibus tamen aliquorum carpi², futura calumniantium,
quum fateri potius præteritorum gratiam deberent;
apparebat inaccessi Ἄετολος. Igitur Alexander princeps
gentis, invectus primum in Athenienses, libertatis
quondam duces et auctores, assentationis propriæ gra-
tia communem causam prodentes³; questus deinde,
Achæos, Philipppo quondam milites, postremum ab
inclinata ejus fortuna transfugas, et Corinthum re-
*cepisse*⁴, et id agere, ut Argos habeant: *Ἄετολος, pri-*

4. Romanos nihil contingit; vide ad XXXII, 10, n. 10. — Nos æqui bonique facimus. Id est, optamus, ut illud bene vertat; vel illud vestro arbitrio nos relinquimus. Ed.

5. Staturus eo, quod, etc. vide ad III, 36, n. 11.

CAP. XXXIII. 1. *Imploratos auxilium adversus Philipppum tulisse, opem non rogatos ultro a. t. N. offerre; indignatusque esset*, etc. conj. Gron. — Voce *opem* deleta oratio concinnior videretur. Doering. Ed.

2. Hæc tanta merita... carpi; vide ad XXXIII, 31, n. 1.

3. Communem causam prodentes; vide ad II, 43, n. 5. — *Communis causa* opponitur τῆ ἄσσητῶν *assentationis propriæ*, id est, ipsorum commodis tantum convenientis. Plures vet. editt. dant, *qui libertat. quond... prode-*
rat, sed lectionem, quæ nunc vulgatur, ex omnibus fere codd. apud Drak. defendit Doering. Ed.

4. *Et Corinthum recepisse*; etc. vide ad XXXIII, 34.

mos hostes Philippi, semper socios Romanorum, pactos in fœdere suas urbes agrosque fore devicto Philippo, fraudari Echino et Pharsalo; insimulavit fraudis Romanos, quod, vano titulo libertatis⁵ ostentato, Chalcidem et Demetriadem præsiidiis tenerent, qui Philippo, cunctanti deducere inde præsidia, objicere semper soliti sint⁶, nunquam, donec Demetrias, Chalcisque et Corinthus tenerentur, liberam Græciam fore; postremo, quia remanendi in Græcia retinendique exercitus Argos et Nabin causam facerent. Deportarent legiones in Italiam. Ætolos polliceri, aut conditionibus⁷ et voluntate sua Nabin præsidium Argis deducturum, aut vi atque armis coacturos, in potestate consentientis Græciæ esse.

XXIV. Hæc vaniloquentia primum Aristænum prætorem Achæorum excitavit. « Ne istuc, inquit, Jupiter
« Optimus Maximus sirit Junoque Regina, cujus in tu-
« tela Argi sunt¹, ut illa civitas inter tyrannum Lace-
« dæmonium et latrones Ætolos præmium sit posita
« in eo discrimine, ut miserius a nobis recipiatur,
« quam ab illo capta est. Mare interjectum ab istis
« prædonibus non tuetur nos, T. Quinti. Quid, si in

5. *Vano titulo l. ostentato*; vide ad IV, 30, n. 1.

6. *Objicere semper soliti sint* pro vulg. *sunt* recepi ex MS Mead. 2, et emend. Perizoniorum. — *Demetrias*; *Chalcisque et Corinthus*; vid. XXXII, 37, n. 2. — *Postremo quia*, multi MSS; qui probb. Periz. Gron. et Crev. Contra vel *quia* retinendum, vel ex ed. Frob. a. 1535 leg. *postremo* (sc. *quod*) *manendi*, etc. putabat Drak. quod duplicis fraudis insimulentur Romani. Ita tamen *postremo* vix aptum.

7. *Aut conditionibus* MSS plerique.

Conf. Drak. ad h. l. et ad XXIII, 7, n. 1. *Conditione* quidam codd. et edd. ante Frob. a. 1535. probb. Gron. quia *conditio* non modo unum caput transactionis seu pactionis, sed eam totam multis capitibus constantem interdum significet. Conf. Ernesti Clav. Cic.

CAP. XXIV. 1. *Juno Regina* deorum, *cujus in tutela Argi sunt*; unde Ἀργεῖα, *Argiva* dicebatur. Conf. Hom. II. IV, 51 sq. et Spanh. ad Callim. H. in Del. 74. — *Latrones Ætolos*. Conf. ad nostratem *Barthélemy, Voyage du jeune Anacharsis*, cap. 36, et quos ibi laudat auctores. Ed.

« media Peloponneso arcem sibi fecerint, futurum no-
« bis est? Linguam tantum Græcorum habent, sicut
« speciem hominum. Moribus ritibusque efferatori-
« bus, quam ulli Barbari, immanes belluæ vivunt. Ita-
« que vos rogamus, Romani, ut et ab Nabide Argos
« recuperetis, et ita res Græciæ constituatis, ut ab la-
« trocinio quoque Ætolorum satis pacata hæc relin-
« quatis.» Romanus, cunctis undique increpantibus
Ætolos, *responsurum se fuisse iis*, dixit, *nisi ita in-
fensos omnes in eos videret, ut sedandi potius, quam
irritandi essent. Contentum itaque opinione ea, quæ
de Romanis Ætolisque esset, referre se*², dixit, *quid
de Nabidis bello placeret, nisi redderet Achæis Ar-
gos?* Quum omnes bellum decressent, auxilia ut pro
viribus suis quæque civitates mitterent, est hortatus.
Ad Ætolos legatum etiam misit, magis ut nudaret ani-
mos, id quod evenit, quam spe impetrari posse.

XXV. Tribunis militum, ut exercitum ab Elatia ar-
cesserent, imperavit. Per eosdem dies et Antiochi
legatis, de societate agentibus, respondit, *Nihil se,
absentibus decem legatis, sententiæ habere. Romam
eundum ad senatum iis esse.* Ipse copias adductas ab
Elatia ducere Argos pergit; atque ei circa-Cleonas
Aristænus prætor cum decem millibus Achæorum,
equitibus mille, occurrit; et haud procul inde, jun-
ctis exercitibus, posuerunt castra. Postero die in cam-
pum Argivorum descenderunt, et quatuor ferme mil-
lia ab Argis locum castris capiunt. Præfectus præsidio
Laconum erat Pythagoras, gener idem tyranni et
uxoris ejus frater; qui sub adventum Romanorum et

2. *Referre se*; vide ad XXVI, 2,
n. 3. — *Redderet Nabis*. — *Ut nuda-
ret animos*, deprehenderet mentem
eorum, rariori significatu, nisi leg.

nudarent, i. e. patefacerent; Burm.
ad Phædrum, Prol. 3, 47. Confer. ad
XXIV, 27, n. 1, et XXXIII, 21,
n. 6.

utrasque arces (nam duas habent Argi¹), et loca alia, quæ aut opportuna, aut suspecta erant, validis præsiidiis firmavit. Sed inter agenda hæc pavorem injectum adventu Romanorum dissimulare haudquaquam poterat; et ad externum terrorem² intestina etiam seditio accessit. Damocles erat Argivus, adolescens majoris animi, quam consilii; qui primo, jurejurando interposito, de præsidio expellendo cum idoneis colloquutus, dum vires adjicere conjurationi studet, incautior fidei æstimator fuit. Colloquentem eum cum suis satelles a præfecto missus quum arcesseret, sensit proditum consilium esse, hortatusque³ conjuratos, qui aderant, ut potius, quam extorti morerentur, arma secum caperent; atque ita cum paucis in forum ire pergit, clamitans, ut, qui salvam rempublicam vellent, auctorem et ducem se libertatis sequerentur. Haud sane movit quemquam, quia nihil usquam spei propinquæ, nedum satis firmi præsidii, cernebant. Hæc vociferantem eum Lacedæmonii, circumventum cum suis, interfecerunt. Comprehensi deinde quidam et alii; ex iis occisi plures, pauci in custodiam conjecti. Multi proxima nocte, funibus per murum demissi, ad Romanos transfugerunt.

XXVI. Quintius, affirmantibus iis, si ad portas romanus exercitus fuisset, non sine effectu futurum eum motum fuisse, et, si propius castra admoverentur, non quieturos Argivos, misit expeditos pedites

CAP. XXV. 1. *Duas habent Argi* arces: unius nomen fuit Larissa (vid. Strab. VIII, pag. 569), alterius ignotum est. Conf. ad XXXII, 25, n. 3.—*Loca alia, quæ aut opportuna erant;* vide ad I, 54, n. 4.

2. *Ad externum terrorem;* vide ad I, 57, n. 7.—*Damocles, al. Democles,*

ut *Damaratus* et *Demaratus* aliaque; vid. Drak.—*Cum idoneis*, id est, cum viris quos ad ea facinora, quæ machinabatur, idoneos existimabat. Ed.

3. *Hortatusque conjuratos*, sc. est, nisi leg. *hortaturque* ex Lov. 2 et 6; aut mox del. *atque ita*; Drak. — *Extorti*, tormentis et cruciatibus enecti:

equitesque, qui circa Cylarabin¹ (gymnasium id est minus trecentos passus ab urbe) cum erumpentibus a porta Lacedæmoniis prælium commiserunt, atque eos haud magno certamine compulerunt in urbem. Et castra eo ipso loco, ubi pugnatum erat, imperator romanus posuit. Diem inde unum in speculis fuit, si quid novi motus oriretur. Postquam oppressam metu civitatem vidit, advocat concilium de oppugnandis Argis. Omnium principum Græciæ, præter Aristænum, eadem sententia erat, quum causa belli non alia esset, inde potissimum ordiundi bellum². Quintio id nequaquam placebat, sed Aristænum, contra omnium consensum disserentem, cum haud dubia approbatione audivit. Et ipse adjecit, *quum pro Argivis adversus tyrannum bellum susceptum sit, quid minus conveniens esse, quam omisso hoste Argos oppugnari? Se vero caput belli Lacedæmonem et tyrannum petiturum*. Et, dimisso concilio, frumentatum expeditas

supra XXXII, 38, *lacerati et extorti*. Ed.

CAP. XXVI. 1. *Circa Cylarabin gymnasium*, quod Κυλαράβης seu Κυλλάρᾶβης, Stheneli filius Argivorumque rex, extruxit; unde *Cylarabis* (immo *Cylarabæ*) *gymnasium* enend. Casaub. ad Strab. III, 153. Sed τὴν Κυλαράβιν etiam dixisse Plut. Pyrrh. pag. 404, monet Jac. Gron. Conf. Pausan. II, 18, 22, ibique Sylburg., Hesych. et Græv. ad Lucian. Merc. conduct. p. 972.

2. *Inde potissimum ordiundi bellum vel belli*, MSS et edd. antt. Nec est quod cum Gelen. reponas *ordiundum* offendarisque illa compositione *principum sententia ordiundi bellum*, h. e. sententia et principum, qui censent, et belli ordiendi, quod censent; Gron.

Ordiendi belli non improbant Crev. et Periz. ad Sanct. Min. II, 3, n. 15, ubi pluribus docet, duos genitivos ab uno nomine pendere. Id quidem nemo vel negat vel ignorat; sed an casta latinitas permittat, ut uni nomini jungatur et genitivus et gerundium in *di* cum casu verbi, in genitivum mutato, dubitant Duk. et Drak. — Plurimi codd. apud Drak. et vett. editt. constanter servant *belli*; unde vetustam hanc lectionem defendit Doering. dummodo, verbis *quum causa belli non alia esset* in parenthesi positus, cætera ita inter se junxeris: *sententia belli inde potiss.* (Argis nempe oppugnandis) *ordiendi* (quum c. b. non al. esset, id est, quum non ex alia causa nisi propter Argivos susceptum esset hoc bellum) *eadem erat*, etc. Ed.

cohortes³ misit. Quod maturi erat circa, demessum et convectum est; viride, ne hostes mox haberent, protritum et corruptum. Castra deinde movit, et, Parthenio superato monte, præter Tegeam tertio die ad Caryas posuit castra. Ibi, prius quam hostium intraret agrum, sociorum auxilia exspectavit. Venerunt Macedones a Philippo mille quingenti, et Thessalorum equites quadringenti. Nec jam auxilia, quorum affatim erat, sed commeatus finitimis urbibus imperati morabantur Romanum. Navales quoque magnæ copiæ conveniebant. Jam ab Leucade L. Quintius quadraginta navibus venerat; jam Rhodiæ decem et octo tectæ naves⁴, jam Eumenes rex circa Cycladas insulas erat cum decem tectis navibus, triginta lembis mixtisque aliis minoris formæ navigiis. Ipsorum quoque Lacedæmoniorum exsules permulti⁵ tyrannorum injuria pulsi, spe recuperandæ patriæ in castra romana convenerant. Multi autem erant, jam per aliquot ætates, ex quo tyranni tenebant Lacedæmonem, alii ab aliis pulsi. Princeps erat exsulum Agesipolis,

3. *Expeditas cohortes*; vide ad V, 16, n. 2. — *Ad Caryas* opp. Arcadiæ, at XXXV, 27, Laconices. Utrumque memorat Pausan., illud VIII, 13, 14, 45, hoc III, 10. — *Macedones a P. mille quingenti* ex ed. Frob. a. 1535; sed in edd. primis exstat *Macedones a P. duo millia et septingenti*, quo et multorum codd. vestigia nos ducunt, et quod forte mutatum, quia displicuit *Macedones* pro *Macedonum*; Drak. Conf. ad XXXIX, 7, n. 1.

4. *Decem et octo tectæ naves*; vide ad XXII, 19, n. 4.

5. *Lacedæmoniorum exsules permulti*, etc. vid. XXXVI, 35, n. 4. — De oppido in Arcadia, ubi et Tegea fuit, ut observat Cellar. Geogr. Ant.

II, 13, p. 793, cogitandum esse putat Doering. Ed. — *Jam per aliquot ætates*, « de aunis non ita multis dicit; nam Cleomenes, quem primum tyrannum Lacedæmoniorum fuisse ait, vix XL annis ante hoc tempus regnum inierat; et, si quis ad id tempus referendum putet, quo, Agide ac Leonida Spartæ regnantibus, primum turbati cepit respublica Lacedæmoniorum, tamen vix L anni sunt ». Duk. Conf. Petav. Ration. Temp. IV, 4. — *Princeps erat exsulum Agesipolis*, filius Agesipolidis, Cleombroti nepos, puer admodum rex creatus Spartæ post mortem Cleonis, qui optimus primum rex et deinde primus sævissimusque tyrannus Lacedæm. fuit. Sed

cujus jure gentis regnum Lacedæmone erat, pulsus infans ab Lycurgo tyranno post mortem Cleomenis, qui primus tyrannus Lacedæmone fuit.

XXVII. Quum terra marique tantum belli circumstaret tyrannum¹, et prope nulla spes esset vere suas hostiumque æstimanti vires, non tamen omisit bellum; sed et a Creta mille delectos juventutis eorum excivit, quum mille jam haberet, et tria millia mercenariorum militum, decem millia popularium cum castellanis agrestibus in armis habuit, et fossa valloque urbem communivit: et, ne quid intestini motus oriretur, metu et acerbitate pœnarum tenebat animos, quoniam, ut salvum vellent tyrannum, sperare

mox una cum Cleomene, tutore et patre, Cleombroti filio, pulsus est ab *Lycurgo*, qui Ephorum corruptione imperium adeptus est, quamvis non esset e stirpe regia. Postea Agesipolis, legatus Romam missus, a piratis captus est et interfectus; vid. Polyb. II, 47, 69; IV, 2, 35, 81; V, 34-39; IX, 23; XXIV, 11; Pausan. I, 13; III, 5, 6; Meurs. Regn. Lacon. c. 14; Plut. Cleom. et Diodor. — Ad explanandam hujus loci intelligentiam plura ex Plutarcho, Polyb. et Diod. collegit Creverius, illosque recensuit qui ultimis temporibus Spartaë dominati sunt. Ea ibi attexere operæ pretium videtur. « Leonidas et Agis ille cujus vitam scripsit Plutarchus, simul regnarunt circa tempora primi punici belli. Leonida abdicare coacto Cleombrotus gener ejus regnum invasit. Mox Leonidas restitutus cum Ephoris in Agidem conjuravit, qui in carcere strangulatus est: ipse non ita multo post obiit, et Cleomeni filio, illi ipsi cujus vita habetur apud Plutarchum, quem primum Lacedæmoniorum ty-

rannum numerat Livius, regnum per manus tradidit. Is victus ab Antigono et Macedonibus, in Ægyptum fugit, ibique post triennium periit, paulo ante initium secundi punici belli. Tum Lacedæmonii regnum detulerunt ad Agesipolim infantem, nepotem Cleombroti illius, qui Leonidam pridem expulerat, ex Heraclidarum stirpe; et Lycurgum, hominem ignobilem, qui pecunia corruptis Ephoris, obtinuit ut Herculis progenies et Spartaë rex haberetur. Ab hoc in exilium pulsus est Agesipolis, qui hoc loco princeps exsulum nominatur. Lycurgus quum aliquot regnasset annos, obiit relicto filio Pelope. Post Lycurgum tyrannidem invasit Machanidas, cui a Philopoemene in prælio quodam occiso successit Nabis, isque Pelopem sustulit. » Ed.

CAP. XXVII. I. *Tantum belli circumstaret tyrannum*; vide ad XXVII, 40, n. 4. — *Vere æstimanti vires*; vide ad III, 19, n. 8. — *Cum castellanis agrestibus*; conf. not. 4. — *Metu et acerbitate pœnarum tenebat animos*,

non poterat. Quum suspectos quosdam civium haberet, eductis in campum omnibus copiis (Dromon ipsi vocant²), positis armis, ad concionem vocari jussit Lacedæmonios, atque eorum concioni satellites armatos circumdedit; et pauca præfatus, *cur sibi omnia timenti caventique ignoscendum in tali tempore foret: et ipsorum referre, si quos suspectos status præsens rerum faceret, prohiberi potius, ne quid moliri possint, quam puniri molientes. Itaque quosdam se in custodia habiturum, donec ea, quæ instet, tempestas prætereat. Hostibus repulsis (a quibus, si modo proditio intestina satis caveatur, minus periculi esse), extemplo eos emissurum.* Sub hæc citari nomina³ octoginta ferme principum juventutis jussit, atque eos, ut quisque ad nomen responderat, in custodiam tradidit: nocte insequenti omnes interfecti. Ilotarum deinde quidam (hi sunt jam inde antiquitus castellani⁴, agreste genus), transfugere voluisse insimulati, per omnes vicos sub verberibus acti necantur. Hoc

Jac. Periz. conj. *terrebat*. Sed vide ad VII, 25, n. 3, et XXII, 22, n. 9.

2. *Dromon ipsi vocant campum* extra Spartam, ἔνθα τοῖς νέοις, δρόμου μελέτη καθίστηκεν; vid. Pausan. III, 14; Remes. var. lect. II, 3, et Meurs. Att. lect. I, 24, qui verba sic ordinare malebat: *eductis in campum (Dromon ipsi vocant) omnibus copiis.* — Hæc transpositio non necessaria videtur Jacobsio, qui verba *Dromon ipsi vocant* a pluribus codd. etiam a Bamb. abesse testatur. Cæterum pro *jussit* reponendum esse *jubet* ad fidem libri Bamb. contendit: præsentis ita cum perfecto juncti exempla dedit Drak. ad lib. III, 46, n. 9, et al. apud Græcos nihil frequentius. Ed.

3. *Sub hæc verba citari nomina;* vide ad II, 55, n. 1.

4. *Ilotarum deinde quidam: hi sunt jam inde antiquitus castellani* (vide ad V, 5, n. 2), *agreste genus: servi publici Lacedæmoniorum, quorum magna multitudo agros eorum colebat* (vid. Nep. Paus. 3): *Ilotæ*, sed rectius *Helotæ* (Ἑλωτες) dicti ab oppido laconico Ἐλος, ejus expugnati incolæ Spartam traducti sunt in servitutem tristissimam, ut deinde Messenii aliique, quibus idem datum est nomen; vid. Pausan. III, 20; Schol. ad Thucyd. I, 101, IV, 80; Strab. VIII, p. 363, 365; Schlegleri diss. de Helotibus Helmst. 1733; *Recherches sur l'histoire des Iloles par Capperonnier*, Ed.

terrore obstupuerant multitudinis animi⁵ ab omni conatu novorum consiliorum. Intra munitiones copias continebat, nec parem se ratus, si dimicare acie vellet, et urbem relinquere, tam suspensis et incertis omnium animis⁶, metuens.

XXVIII. Quintius, satis jam omnibus paratis, profectus ab stativis, die altero ad Sellasiam¹ super OEnunta fluvium pervenit; quo in loco Antigonus, Macedonum rex, cum Cleomene, Lacedæmoniorum tyranno, signis collatis dimicasse dicebatur. Inde, quum audisset adscensum difficilis et arctæ viæ esse, brevi per montes circuitu præmissis, qui munirent viam, lato satis et patenti limite² ad Eurotam amnem, sub ipsis prope fluentem mœnibus, pervenit. Ubi castra metantes Romanos Quintiumque ipsum, cum equitibus atque expeditis prægressum, auxiliares tyranni adorti, in terrorem ac tumultum conjecerunt, nihil tale exspectantes, quia nemo his obvius toto

Mémoires de l'Académie des Inscr. t. XXIII, p. 271, sq. Meurs. Misc. Lacon. II, 6; Crag. de Rep. Laced. I, 11; *Voy. du j. Anach.* t. V, p. 42; *Potteri Archæol.* l. I, c. 10, et *Manso's Sparta.*

5. *Hoc terrore obstupuerant m. animi* et deterriti fuerant *ab omni conatu*, etc. Similia passim obvia; neque necesse est cum Duk. legi *obtorpuerant ad omnem conatum*. — Præpositio *ab* sæpius pro *contra* poni ut in nota locutione, *defendere aliquem ab aliquo*, pro *contra aliquem*, monet Doering. qui tamen melius huic loco consuli posse putat hac distinctione, *mult. animi. Ab omni conatu... continebat.* Ed.

6. *Suspensis et incertis animis*; vide ad II, 32, n. 5.

CAP. XXVIII. 1. *Ad' Sellasiam* (Σαλασίαν et Σηλασίαν Græci appellant) opp. Laconicæ *super* (vide ad I, 2, n. 3). *OEnunta fluvium* (ὁ Οἰνῦς, Sellasia Spartam fluentis inter Evam et Olympum colles), *quo in loco Antigonus Dason, Macedonum rex, cum Cleomene.... dicebatur*, sc. Olymp. 138, 4, a. U. C. 530. Conf. L, 54; Polyb. II, 65 seq. IV, 69; V, 24; XVI, 16; Pausan. II, 9; III, 10; IV, 29; VII, 7; VIII, 49. Mox pro *adscensum* quidam MSS *accessum*, alii, ut et Mogunt., *descensum*; unde *escensum* edidit Gron. — Alii codd. exhibent, *adscensum difficilem et arctas vias esse*, sed exquisitior est vulgata. Ed.

2. *Patenti limite* (vide ad II, 39, n. 3) *ad Eurotam amnem, sub ipsis*

itinere fuerat, ac veluti pacato agro transierant. Aliquamdiu peditibus equites, equitibus pedites vocantibus, quum in se cuique minimum fiduciæ esset, trepidatum est. Tandem signa legionum supervenerunt, et, quum primi agminis cohortes inductæ in prælium essent, qui modo terrori fuerant, trepidantes in urbem compulsi sunt. Romani, quum tantum a muro recessissent, ut extra ictum teli essent, acie directa paulisper steterunt. Postquam nemo hostium contra exhibat, redierunt in castra. Postero die Quintius prope flumen præter urbem, sub ipsas Menelai montis radices³, ducere copias instructas pergit. Primæ legionariæ cohortes ibant: levis armatura et equites agmen cogebant⁴. Nabis intra murum instructos paratosque sub signis habebat mercenarios milites (in quibus omnis fiducia erat), ut ab tergo hostem aggredere-
retur. Postquam extremum agmen præterit, tum ab oppido, eodem quo pridie eruperant tumultu⁵, pluribus simul locis erumpunt. Ap. Claudius agmen cogebat; qui, ad id, quod futurum erat, ne inopinatum accideret, præparatis suorum animis, signa extemplo convertit,

prope fluentem mœnibus Lacedæmonis; vide ad Sil. IV, 364; VI, 311 sq. — *Cum equitibus atque expeditis*, sc. peditibus, quod excidisse suspicabatur Duk. Mox *pedites* simpl. dicuntur distinguunturque a *legionibus*, gravi armatura. Conf. ad V, 16, n. 2, et XXXII, 16, n. 2.

3. *Sub ipsas Menelai montis radices*; conf. Polyb. V, 18, 21, 22, ubi Schweigh. nota est hæc: « Τὸ Μενελαίων Livio est mons Spartæ proximus, Polybio locus in monte vel juxta montem positus, templum puta cum vico vel oppido. Sic et Steph. in Μεύλαος: ἔστι καὶ χωρίον Σπάρτης, Με-

νελάϊον. Ac videtur idem locus esse, cujus nom. propr. *Therapie* prodit Pausan. III, 19, in quo templum fuisse *Menelai* ait et sepulcrum Menelai et Helenæ. Facile tamen credas, ab eo loco et totum montem nomen *Menelai* obtinuisse. Cæterum de situ Spartæ et circumjacentis regionis, vide Polybium, V, 22, et duas tabulas, quæ pertinent ad *Voy. du j. Anach.* t. V, cap. 41 ».

4. *Equites agmen cogebant*; vide ad XXXII, 2, n. 4.

5. (Cum) *eodem quo pridie eruperant tumultu..... erumpunt*: videtur insititium τὸ *eruperant*; Gron. Sed

totumque in hostem agmen circumegit. Itaque, velut rectæ acies concurrissent, justum aliquamdiu prælium fuit. Tandem Nabidis milites in fugam inclinarunt. Quæ minus infida ac trepida fuisset, ni Achæi locorum prudentes institissent. Hi et cædem ingentem ediderunt, et dispersos passim fuga plerosque armis exsuerunt. Quintius prope Amyclas posuit castra; inde, quum perpopulatus omnia circumjecta urbi frequentis et amœni agri loca esset, nullo jam hostium porta excedente⁶, movit castra ad flumen Eurotam. Inde vallem Taygeto subjectam agrosque ad mare pertinentes evasat.

XXIX. Eodem fere tempore L. Quintius maritimæ oræ oppida, partim voluntate, partim metu aut vi, recepit. Certior deinde factus, Gythium¹ oppidum omnium maritimarum rerum Lacedæmoniiis receptaculum esse, nec procul a mari castra romana abesse, omnibus id copiis aggredi constituit. Erat eo tempore valida urbs, et multitudine civium incolarumque et omni bellico apparatu instructa. In tempore² Quintio, rem haud facilem aggredienti, rex Eumenes et classis Rhodiorum supervenerunt. Ingens multitudo nava-

conf. ad I, 3, n. 8. — *Minus infida ac trepida fuga*: verba *infida ac* in omnibus fere MSS et edd. ante Frob. a. 1535 desunt, et *fuga non fida et infida*, sed *tuta et intuta* dici solet; Dak., Crev. (qui conj. *effusa*) et Drak. — Doering. conjectat *impedita*. Fuga enim *minus impedita*, erit celeris et liberior. Voces tamen *infida ac*, quia ex omnibus codicibus Drakenborchii exsulant, delendas facile censeret. Ed.

6. *Nullo jam hostium porta excedente*; multi MSS et edd. ante Ald.

portam; vide ad II, 37, n. 5. Repetitur *inde* non satis h. l. placet.—*Taygetus* mons a mari per totam procurrens Laconicam, ad cujus radices sita est Sparta.

CAP. XXIX. 1. *Gythium* seu *Gythium oppidum*, Γύθειον et Γύθειον, portus et navale Lacedæmoniorum, aut certe ei vicinum; vid. Strab. VIII, p. 363, al. 559; Pausan. I, 27, § 6, III, 21; Polyb. V, 19, § 6; ibique Schweigh., et Meurs. Misc. Lacon. IV, 6.

2. *In tempore*; vide ad II, 47, n. 4.

lium sociorum, e tribus contracta classibus, intra paucos dies omnia, quæ ad oppugnationem urbis terra marique munitæ facienda opera erant, effecit. Jam testudinibus admotis murus subruebatur; jam arietibus quatiebatur. Itaque una crebris ictibus eversa est turris, quodque circa muri erat, casu ejus prostratum; et Romani simul a portu, unde aditus planior erat, ut distenderent ab apertiore loco hostes³, simul per patefactum ruina iter irrumpere conabantur. Nec multum abfuit, quin, qua intenderant⁴, penetrarent. Sed tardavit impetum eorum spes objecta dedendæ urbis; mox deinde eadem turbata. Dexagoridas et Gorgopas pari imperio præerant urbi. Dexagoridas miserat ad legatum romanum, traditurum se urbem⁵; et quum ad eam rem tempus et ratio convenisset, a Gorgopa proditor interficitur: intentiusque ab uno urbs defendebatur, et difficilior facta oppugnationo erat, ni T. Quintius cum quatuor millibus delectorum militum supervenisset. Is quum supercilio haud procul distantis tumuli⁶ ab urbe instructam aciem ostendisset, et ex altera parte L. Quintius ab operibus suis terra marique instaret; tum vero de-

— *Navalium sociorum*; vide ad IX, 38, n. 1.— *Testudinibus a. m. s.*; vid. V, 5, n. 3

3. *Distenderent ab apertiore loco hostes*; vide ad III, 23, n. 1, et XXI, 32, n. 7.— *Distenderent*, hoc est, in partes distraherent: plures apud Drak. codd. *discederent*; sed vulgatam recte defendit Doering. Ed.

4. *Qua intenderant*; vide ad III, 70, n. 2, et IV, 19, n. 1.

5. *Dexagoridas miserat ad legatum rom., traditurum se urbem*; vide ad VIII, 19, n. 10.— In pluribus Drak.

codd. legitur *traditurus*; quam lectionem profectam ab homine, qui elegantiore τού *mittere* significationem ignoraret, existimat cl. Doering. elegantior enim dicitur *mittere ad aliquem*, pro missis ad aliquem nunciis vel literis, indicare, etc. Ed.— *Tempus et ratio convenisset*; vide ad I, 3, n. 4.— *Et difficilior facta oppugnationo erat, ni T. Quintius supervenisset*; vide supra ad librum II, cap. 50, not. 10.

6. *Supercilio h. p. distantis tumuli*; vide ad XXVII, 18, n. 5.— *Ab ope-*

speratio Gorgopam quoque coegit id consilii, quod in altero morte vindicaverat, capere: et pactus, ut abducere inde milites, quos præsidii causa habebat, liceret, tradidit Quintio urbem. Prius quam Gythium traderetur, Pythagoras, præfectus Argis relictus, tradita custodia urbis Timocrati Pellenensi⁷, cum mille mercenariis militibus et duobus millibus Argivorum Lacedæmonem ad Nabin venit.

XXX. Nabis, sicut primo adventu romanæ classis et traditione oppidorum maritimæ oræ conterritus erat, sic, parva spe quum acquievisset, Gythio¹ ab suis retento, postquam id quoque traditum Romanis audivit esse, quum ab terra, omnibus circa hostibus, nihil spei esset, a mari quoque toto se interclusum, cedendum fortunæ ratus, caduceatorem primum in castra misit ad explorandum, si paterentur legatos ad se mitti. Qua impetrata re, Pythagoras ad imperatorem venit, nullis cum aliis mandatis, quam ut tyranno colloqui cum imperatore liceret. Consilio advocato², quum omnes dandum colloquium censuis-

ribus suis (vide ad V, 22, n. 7) *instaret oppido.*

7. *Timocrati Pellenensi*; conf. Polyb. XVII, 17, § 1.

CAP. XXX. 1. *Acquievisset, Gythio*, etc. distinctionem post *acquievisset* delevit cl. Doering. ut sit: quum parvam adhuc spem in Gythio ab suis retento posuisset. Ed. — *Omnibus circa hostibus*; Gron. conj. *hostium vel hostilibus*, illudque edidit. Sed vulgatum per ellipsin participii verbi substant. exponendum: quod omnes, qui circa erant, hostes forent; Drak. Mox *interclusum* non habet, quo eommode referatur, et forte leg. *atque ab terra... nihil spei esse, a*

mari quoque toto se interclusum esse, sc. audivit; vel cum Drak. *audivit, et* (vel *audivit esse, et*), *quum ab terra... interclusum, sc. audivit, vel interclusum videret, cedendum, etc.* — Post *se interclusum* Fr. Büttner asteriscum posuit, ubi haud ambigue deprehenditur lacuna. « Quod si, inquit, explendæ lacunæ perfugium generis, est id *cernens*, quod ad elementa sequentis vocis *cedendum* proxime accedit ». Cæterum duram et tortuosam Livii orationem incusat, locumque affert, ubi *cernens* positum est simillime, lib. XLIII, cap. 18. Ed.

2. *Consilio advocato*; al. *concilio*; vide ad X, 17, n. 1. — Quum ibi

sent, dies locusque constituitur. In mediæ regionis tumulos, modicis copiis sequentibus, quum venissent, relictis ibi in statione conspecta³ utrimque cohortibus, Nabis cum delectis custodibus corporis, Quintius cum fratre et Eumene rege et Sosilao Rhodio et Aristæno Achæorum prætore tribunisque militum paucis descendit.

XXXI. Ibi permissio¹, ut, seu dicere prius, seu audire mallet, ita cœpit tyrannus: « Si ipse per me, « T. Quinti vosque, qui adestis, causam excogitare, « cur mihi aut indixissetis bellum, aut inferretis, possem, tacitus eventum fortunæ meæ exspectassem. « Nunc imperare animo nequivi, quin, prius quam « perirem, cur periturus essem, scirem. Et, hercule, « si tales essetis, quales esse Carthaginenses fama est, « apud quos nihil societatis fides sancti haberet, in « me quoque vobis quid faceretis minus pensi esse, « non mirarer. Nunc, quum vos intueor, Romanos esse « video, qui rerum divinarum fœdera, humanarum « fidem socialem sanctissimam habeatis. Quum me « ipse respexi², eum esse spero, cui et publice, sicut « cæteris Lacedæmoniis, vobiscum vetustissimum fœdus sit: et meo nomine privatim amicitia ac societas, « nuper Philippi bello renovata. At enim ego eam violavi et everti, quod Argivorum civitatem teneo. « Quomodo hoc tueor? re, an tempore? Res mihi duplicem defensionem præbet; nam et, ipsis vocanti-

non sermo esse videatur de conventu legatorum quos socii miserant, sed de consilio imperatoris bellico, consilio scribendum esse, recte monet Doering. Ed.

3. In statione conspecta; vide ad II, 5, n. 8.

CAP. XXXI. 1. Ibi permissio, ut, etc.

hoc ut del., Duk. et Crev. — Sed librarios omisisse potius aliquid quam intrusisse existimat Doering. qui proponit: ut, seu dicere prius, seu audire mallet, eligeret, ita cœpit tyrannus. Ed.

2. Quum me ipse respexi; forte respicio.

« bus ac tradentibus, urbem eam accepi, non occu-
« pavi; et accepi, quum Philippi partium, non in ve-
« stra societate esset. Tempus autem eo me liberat,
« quod, quum jam Argos haberem, societas mihi vo-
« biscum convenit³; et, ut vobis mitterem ad bellum
« auxilia, non ut Argis præsidium deducerem, pepi-
« gistis. At hercle, in ea controversia, quæ de Argis
« est, superior sum et æquitate rei, quod non vestram
« urbem, sed hostium, quod volentem, non vi coa-
« ctam, accepi; et vestra confessione, quod in condi-
« tionibus societatis mihi Argos reliquistis. Cæterum
« nomen tyranni et facta me premunt⁴, quod servos
« ad libertatem voco, quod in agros inopem plebem
« deduco. De nomine hoc respondere possum, me,
« qualiscumque sum, eundem esse, qui fui, quum
« tu ipse mecum, T. Quinti, societatem pepigisti. Tum
« me regem appellari a vobis meminisse: nunc tyrannum
« vocari video. Itaque si ego nomen imperii mutas-
« sem, mihi meæ inconstantia; quum vos mutetis,
« vobis vestrae reddenda ratio est. Quod ad multitu-
« dinem servis liberandis⁵ auctam et egentibus divi-
« sum agrum attinet, possum quidem et in hoc me
« jure temporis tutari. Jam feceram hæc, qualiacum-
« que sunt, quum societatem mecum pepigistis, et
« auxilia in bello adversus Philippum accepistis. Sed
« si nunc ea fecissem, non dico, quid in eo vos læ-
« sissetis, aut vestram amicitiam violassetis? sed illud,
« me more atque instituto majorum fecisse. Nolite ad
« vestras leges atque instituta exigere ea, quæ Lace-
« dæmone fiunt. Nihil comparare singula necesse est.

3. Societas mihi vobiscum convenit;
vide supra ad I, 3, n. 4. Mox forte
legendum *Ita, hercle, in ea contro-*
versia, etc.

4. Facta me premunt; vide ad III,
13, n. 1.

5. Servis liberandis; vide ad I,
53, n. 3.

« Vos a censu equitem, a censu peditem legitis⁶; et
 « paucos excellere opibus, plebem subjectam esse illis
 « vultis. Noster legum lator non in paucorum manu
 « rempublicam esse voluit, quem vos senatum appel-
 « latis⁷, nec excellere unum aut alterum ordinem in
 « civitate; sed per æquationem fortunæ ac dignitatis
 « fore credidit, ut multi essent, qui arma pro patria
 « ferrent. Pluribus me peregrisse⁸, quam pro patriæ
 « sermone brevitatis, fateor. Et breviter peroratum
 « esse potuit, nihil me, postquam vobiscum amicitiam
 « institui, cur ejus vos pœniteret, commisisse.»

XXXII. Ad hæc imperator romanus: « Amicitia et
 « societas nobis nulla tecum, sed cum Pelope, rege Lace-
 « dæmoniorum¹ justo ac legitimo, facta est. Cujus jus
 « tyranni quoque, qui postea per vim tenuerunt Lace-
 « dæmone imperium (quia nos bella nunc punica, nunc
 « gallica, nunc alia ex aliis occupaverant), usurparant;
 « sicut tu quoque hoc macedonico bello fecisti. Nam

6. *A censu equitem... legitis*, ut cap. 51 extr. et *ex censu*, XXVI, 35. Res ipsa ex I, 42 sq. nota.

7. *Noster legum lator* Lycurgus non in paucorum manu remp. esse voluit, quem vos senatum appellatis: loquitur ex sententia multorum Græcorum et regum, qui sibi persuadebant, rempublicam romanam in manu senatus et plane aristocraticam esse; Duker. conf. Polyb. VI, 11, et ex eo aliisque Spanhem. de usu et pr. num. Diss. 3, pag. 140. — *Sed per æquationem fortunæ, bonorum, ac dignitatis*, etc. conf. Polyb. VI, 46 sq. Justin. III, 2, 3; Xenoph. et Cragius de Rep. Laced.; Plut in Lycurgo et instit. Lacon.; *Voy. du j. Anach.* cap. 43-51; Aristotelis et Platonis libri politicorum et de rep.; *Manso's Sparta.*

8. *Pluribus me peregrisse*, dixisse hæc vel sententiam meam, loquutum esse; vide ad I, 18, n. 10. *Me ipse egisse* plurimi MSS, non minus recte. — *Quam pro patriæ sermone brevitatis*; vide ad VII, 33, n. 2. Sed insolenter hoc dictum et forte leg. *quam pro patrii sermonis brevitate*, quod et Roellio in mentem venisse video. Nota autem breviloquentia laconica, ὁ λακωνισμὸς apud Cic. ad Div. XI, 25. Conf. Plut. Lycurg pag. 51, 52. — *Cur ejus*; vide ad V, 46, n. 5. An potius leg. *cujus*?

CAP. XXXII. 1. *Cum Pelope, rege Lacedæmon.*, filio Lycurgi (vide ad c. 26, n. 5), ὃν Νάβις ὁ τύραννος τῶν Λακεδαιμονίων ἀνάβη, παῖδα τὴν ἡλικίαν ἔντα· εὐλαβείτο γὰρ, μήποτε ὁ παῖς παραγεγόμενος εἰς ἡλικίαν ἀπο-

« quid minus conveniret², quam nos, qui pro libertate
« Græciæ adversus Philippum gereremus bellum, cum
« tyranno instituere amicitiam³ et tyranno quam, qui
« unquam, sævissimo³ et violentissimo in suos? Nobis
« vero, etiamsi Argos nec cepisses per fraudem, nec
« teneres, liberantibus omnem Græciam, Lacedæmon
« quoque vindicanda in antiquam libertatem erat at-
« que in leges suas, quarum modo, tanquam æmulus
« Lycurgi, mentionem fecisti. An, ut ab Jasso et Bar-
« gyllis præsidia Philippi deducantur, curæ erit nobis?
« Argos et Lacedæmonem, duas clarissimas urbes, lu-
« mina quondam Græciæ, sub pedibus tuis relinque-
« mus; quæ titulum nobis liberatæ Græciæ⁴ servientes
« deforment? Atenim cum Philippo Argivi senserunt.

καταστήσῃ τῆ πατρίδι ἐλευθερίαν, πε-
φρονηματισμένος διὰ τὴν εὐγένειαν,
Diodor. Exc. l. 26, pag. 285. Sed de
alio Pelope loqui Livium, vel potius
nomen Pelopis hic vitiosum esse, ex
toto h. l. probabile fit, inpr. ex eo
quod *rex justus et legitimus* appella-
tur, quodque Romani post societatem
cum eo initam *punica gallicaque bella*
gessisse, et *tyranni per vim tenuisse La-
cedæmone imperium* dicuntur. Hæc et
alia jam monuere Duk., Crev. et Drak.

2. *Nam quid minus conveniret, quam nos*, etc. multi MSS, *quam eos*, quod receperunt Crev. et Drak. probavitque etiam Gron. qui hoc dictum monet, ut XXXII, 21, n. 6: *Achæi arma rom. sustinebimus*. Quod tamen exemplum ab h. l. alienum est. *Achæi pro nos Achæi* dixit prætor Achæorum, nomine eorum loquens.—Doering. recepit *eos*, ad optimorum codd. fidem, ut prædicat. Ed.

3. *Et tyranno, quam qui unquam, sævissimo*: scita brevitatis intellecto casu patrio *omnium*, pro vulg. *et cum*

tyranno quam sævissimo omnium, qui unquam fuerunt; nisi pro *quam* legere malis *omnium*; Gron. *Quam qui unquam fuit, sævissimo* MS Mog. *Sævissimo* pro *sævio*, dictum putat Voss. Gramm. VII, 17; sed durius esse profitetur, si superlativus non tantum vim comparativi adasciscat, sed ei quoque adjungatur casus, quem comparativus requirat. Ita quidem loquutum esse Livium, II, 30, n. 1, suspicabatur Drak. sed vide, quæ ibi notavimus. Forte Livius h. l. scripsit et *tyranno, quam qui unquam* (sc. fuerunt), *sævio* et *violentio* in suos, et glossator margini adscripsit *sævissimo et violentissimo*.

4. *Titulum nobis liberatæ Græciæ servientes*, tuæ nunc tyrannidi subjectæ, *deforment*; vide ad XXXI, 15, n. 7.—In omnibus fere codd. et vett. editt. *libertatis Græciæ*, sed hoc, utcumque explicetur, durissime dictum judicat Doering. qui proponit *libertatis Græciæ partæ*. Ego vulgatam lect. malim. Ed.

« Remittimus hoc tibi, ne nostram vicem⁵ irascaris.
 « Satis compertum habemus, duorum aut summum
 « trium in ea re, non civitatis, culpam esse; tam, her-
 « cle⁶, quam in te tuoque præsidio arcessendo acci-
 « piendoque in arcem nihil esse publico consilio actum.
 « Thessalos et Phocenses et Locrenses consensu om-
 « nium scimus partium Philippi fuisse. Tamen quum
 « cæteram liberaverimus Græciam, quid tandem censes
 « in Argivis, qui insontes publici consilii sint, factu-
 « ros? Servorum ad libertatem vocatorum et egent-
 « bus hominibus agri divisi crimina tibi objici dice-
 « bas. Non quidem nec ipsa mediocria: sed quid ista
 « sunt præ iis, quæ a te tuisque quotidie alia super
 « alia facinora eduntur? Exhibe liberam concionem
 « vel Argis, vel Lacedæmone, si audire juvat vera do-
 « minationis impotentissimæ⁷ crimina. Ut omnia alia
 « vetustiora omittam, quam cædem Argis⁸ Pythagoras
 « iste gener tuus pæne in oculis meis edidit? quam tu
 « ipse, quum jam prope in finibus Lacedæmoniorum

5. *Remittimus hoc tibi, ne nostram vicem irascaris*; vide ad XXV, 38, n. 2. Pro *ne forte leg. ut*, hoc sensu: Non postulamus, ut pro nobis id ulciscaris et punias; non est, quod nostra vice propterea irascaris.—Locum ita forte distinguendum putat Doering. *Remitt. hoc tibi. Ne nost. vic. irascaris, satis*, etc. hoc est, concedimus hoc tibi. Noli tamen nostra causa (ob nos, pro nobis), omnibus Argivis irasci; nam satis, etc. Ed.

6. *Tam, hercle* (sc. compertum id habemus), *quam* (sc. compertum habemus) *in te tuoque præsidio... nihil esse publico c. a.*; vid. XXXII, 38. Illud *esse* ex quibusdam edd. antt. recepi pro vulg. *sit*. « Nam vel *est leg. vel esse*, quoniam hæc latîna sunt:

habeo compertum, tam hoc esse, quam illud est, et habeo compertum, tam hoc esse, quam illud quoque esse, sc. compertum habeo»; Gron.—*Tamen quum cæterum liberavimus Græciam, immo leg. tamen quum eos cum cætera liberaverimus Græcia, quid, etc. vel tamen (eos) cum cætera liberavimus* (ita plerique MSS et edd. ante Ald. unde *liberavimus* conj. Gron.) *Græcia. Quid tandem, etc.* nam Quintus non argumentatur a libertate toti Græciæ, sed tantum Thessalis, etc. reddita, qui cum Philippo senserant»; Crever.

7. *Dominationis impotentissimæ*; vide ad III, 36, n. 2.

8. *Quam cædem Argis Pythagoras, etc.* vid. cap. 25.—*Quam tu*

« essem? Agedum, quos in concione⁹ comprehensos,
« omnibus audientibus civibus tuis, in custodia te ha-
« biturum esse pronuntiasti, jube vinctos produci, ut
« miseri parentes, quos falso lugent, vivere sciant. At
« enim, ut jam ita sint hæc, quid ad vos¹⁰, Romani?
« Hoc tu dicas liberantibus Græciam? hoc iis, qui, ut
« liberare possent, mare trajecerunt, terra marique
« gesserunt bellum? Vos tamen, inquis, vestramque
« amicitiam ac societatem proprie non violavi. Quoties
« vis te id arguam fecisse? Sed nolo pluribus: sum-
« mam rem complectar. Quibus igitur rebus amicitia
« violatur? Nempe his maxime duabus, si socios meos
« pro hostibus habeas; si cum hostibus te conjungas.
« Utrum non a te factum est? nam et Messenen, uno
« atque eodem jure foederis, quo et Lacedæmonem,
« in amicitiam nostram acceptam, socius ipse sociam
« nobis urbem vi atque armis cepisti¹¹; et cum Phi-
« lippo, hoste nostro, non societatem solum, sed, si
« diis placet, affinitatem etiam per Philoclem præfe-
« ctum ejus pepigisti, et bellum adversus nos¹² gerens
« mare circa Maleam infestum navibus piraticis feci-
« sti, et plures prope cives romanos, quam Philippus,
« cepisti atque occidisti; tutiorque Macedoniæ ora,
« quam promontorium Maleæ commeatus ad exerci-

ipse, forte quam tu uxorque; vide ad XXXII, 40.

9. *Quos in concione comprehensos; etc. vid. cap. 27.*

10. *At enim ut (etsi) jam ita sint hæc, quid ad vos ea pertinent, Romanam? sententia Nabidis, quæ mox refellitur. Atenim cod. Mogunt. Etenim Lov. 3 et 5, cum editionibus veteribus ante Ascens. a. 1513. Enim plerique MSS, prob. Gronov. Confer. ad XXIII, 45, n. 6.*

11. *Messenem... sociam nobis u. vi atque ar. cepisti; vid. Pausan. IV, 29; VIII, 50; Plut. Philop. p. 362 sq. Polyb. XVI, 13, ubi conf. Schweigh.*

12. *Bellum advers. nos gerens, etc. sc. durante adhuc bello macedonico, quo Philippum a Nabide his rebus adjutum dicit Quintins. Est ergo bellum gerens quasi bellum gerens eo tempore, quo tibi amicitiam cum Romanis fuisse jactas. Nam Nabidi, postquam, pace inter Romanos et Philippum fa-*

« tus nostros portantibus navibus fuit. Proinde parce, « sis ¹³, fidem ac jura societatis jactare; et, omissa populari oratione, tanquam tyrannus et hostis lo- « quere. »

XXXIII. Sub hæc ¹ Aristænus nunc monere Nabin, nunc etiam orare, ut, dum liceret, dum occasio esset, sibi ac fortunis suis consuleret. Referre deinde nominatim tyrannos civitatum finitimarum cœpit, qui, deposito imperio restitutaque libertate suis, non tutam modo, sed etiam honoratam inter cives senectutem egissent. His dictis invicem auditisque, nox prope diremit colloquium ². Postero die Nabis, *Argis se cedere ac deducere præsidium, quando ita Romanis placeret, et captivos et perfugas redditurum, dixit. Aliud si quid postularent, scriptum ut ederent, petiit, ut deliberare cum amicis posset.* Ita et tyranno ad consultandum tempus datum est; et Quintius, sociorum etiam principibus adhibitis, habuit concilium. Maximæ partis sententia erat: *Perseverandum in bello esse, et tollendum tyrannum. Nunquam aliter tutam libertatem Græciæ fore. Satius multo fuisse, non moveri bellum adversus eum, quam omitti motum. Et ipsum velut comprobata ³ dominatione firmiorem fû-*

eta, apertum adversus Romanos bellum susceperat, hæc omnia jure belli licebat facere. Forte tamen leg. *et ut bellum* ». Duker.

13. *Proinde parce, sis*; vid. XXIII, 47, n. 2. — *Omissa populari oratione*; vide ad II, 8, n. 1, et II, 24, n. 2.

CAP. XXXIII. 1. *Sub hæc verba*; vide ad II, 55, n. 1. — *Referre deinde nominatim tyrannos*, etc. Aliquot commemorat Polybius, II, 44, quos, ut observat Creverius, in animo Aristænus videtur habuisse, Lysiadem, scilicet Megalopolitanum, Xenonem

Hermionensem, Cleonymum Phliasium, Aristomachum Argivum, qui omnes Arati vel auctoritate, vel metu adducti, tyrannidem deposuerant, seque et civitates suas Achæis adjunxerant. Ed.

2. *Nox prope diremit colloquium*, i. e. propemodum: sed revera illud direptum fuisse, indicant sqq. *postero die*, etc. unde forsitan leg. *nox propinqua*; Duk. *Quoque pro prope* MS Harl. et quædam edd. vett. *nox prope*, sc. existens; Drak.

3. *Et ipsum velut comprobata*, etc.

turum, auctore injusti imperii assumpto populo romano; et exemplo multos in aliis civitatibus ad insidiandum libertati civium suorum incitaturum. Ipsius imperatoris animus ad pacem inclinior erat. Videbat enim, compulso intra moenia hoste, nihil præter obsidionem restare; eam autem fore diuturnam. *Non enim Gythium, quod ipsum tamen traditum, non expugnatum esset, sed Lacedæmonem, validissimam urbem viris armisque, oppugnatos. Unam spem fuisse, si qua admoventibus exercitum dissensio inter ipsos ac seditio excitari posset. Quum signa portis prope inferri cernerent, neminem se movisse.* Adjiciebat, et cum Antiocho infidam pacem, Villium legatum inde redeuntem nuntiare: multo majoribus, quam ante, terrestribus navalibusque copiis in Europam eum transisse. Si occupasset obsidio Lacedæmonis exercitum, quibus aliis copiis adversus regem tam validum ac potentem bellum gesturos? Hæc propalam dicebat: illa tacita suberat cura⁴, ne novus consul Græciam provinciam sortiretur, et inchoati belli victoria successori tradenda esset.

XXXIV. Quum adversus tendendo nihil moveret socios, simulando se transire in eorum sententiam, omnes in assensum consilii sui traduxit. « Bene ver-
« tat¹, inquit, quando ita placet, obsideamus Lacedæ-
« monem. Illud modo ne fallat cæterum, quum res
« tam lenta, quam ipsi scitis, oppugnatio urbium sit,

His et seqq. duplex redditur causa, cur satius multo fuisset, non moveri bellum, quam omitti motum: quare ante et ipsum, supplendum nam, quod sæpe omittitur; Drak.

4. Illa tacita suberat cura; forte leg. subibat vel subiit, scil. animum

ejus, ut XXXV, 20; XL, 8, al. — *Bellum victoria*; vide ad VI, 8, n. 5.

CAP. XXXIV. 1. Bene vertat; vide ad I, 28, n. 1.—*Illud modo ne fallat cæterum vos, sciatis oportet et expendatis. Illud cæterum, ut ad cæteram fidem, XXXIV, 36, vel cætera inse-*

« et obsidentibus prius sæpe, quam obsessis, tædium
 « afferat, jam nunc hoc ita proponere vos animis oportet,
 « hibernandum circa Lacedæmonis mœnia esse.
 « Quæ mora si laborem tantum ac periculum haberet,
 « ut et animis, et corporibus ad sustinenda eâ parati
 « essetis, hortârer vos. Nunc impensa quoque magna
 « eget in opera, in machinationes et tormenta, quibus
 « tanta urbs oppugnanda est; in commeatus vobis
 « nobisque in hiemem expediendos. Itaque, ne aut
 « repente trepidetis, aut rem inchoatam turpiter destituantis,
 « scribendum ante vestris civitatibus censeo explorandumque,
 « quid quæque animi, quid virium habeat. Auxiliorum satis superque habeo; sed, quo
 « plures sumus, pluribus rebus egebimus. Nihil jam præter nudum
 « solum ager hostium habet. Ad hoc hiems accedit, ad comportandum
 « ex² longinquo difficilis. » Hæc oratio primum animos omnium ad
 respicienda cuique domestica mala convertit; segnitiam, invidiam
 et obtrectationem domi manentium adversus militantes, libertatem
 difficilem ad consensum, inopiam publicam, malignitatem conferendi
 ex privato³. Versis itaque subito voluntatibus, facere, quod e
 republica populi romani sociorumque esse crederet, imperatori
 permiserunt.

XXXV. Inde Quintius, adhibitis legatis¹ tantum tribunisque militum, conditiones, in quas cum ty-

ctatio et deprecatio, XLII, 12 et 48; et sententia quæ illius, II, 29, *ne prædictum negetis*; Gron.

2. *Ad comportandum ex l. d.*; vide ad XXXV, 45, n. 2.

3. *Malignitatem conferendi ex privato*; vide ad II, 9, n. 4, et III, 63, n. 2. — *Facere, quod e republica populi rom. sociorumque esse* (ut VIII,

4, et XLV, 14, n. 3; conf. ad I, 27, n. 5) *crederet, imperatori permiserunt*; vide ad XXXIII, 45, n. 1.

XXXV. 1. *Adhibitis legatis tantum, etc.* scil. in concilium militare; vide ad V, 25, n. 5, et VIII, 6, n. 6. — *Ut pax ex auctoritate senatus confirmaretur, rō ex delendum, et ex præc. pax ortum*; Duk. *et* (etiam) Lov. 3,

ranno pax fieret, has conscripsit : *Sex mensium induciæ ut essent Nabidi Romanisque et Eumeni regi et Rhodiis. Legatos extemplo mitterent Romam T. Quintius et Nabis, ut pax ex auctoritate senatus confirmaretur. Ex qua die scriptæ conditiones pacis editæ Nabidi forent, ea dies ut induciarum principium esset; et ut ex ea die intra decimum diem ab Argis cæterisque oppidis, quæ in Argivorum agris essent, præsidia omnia deducerentur, vacuaque et libera traderentur Romanis; et ne quod inde mancipium regium publicumve aut privatum educeretur, et, si qua anteeducta forent, dominis recte restituerentur². Naves, quas civitatibus maritimis ademisset, redderet; neve ipse navem ullam, præter duos lembos, qui non plus quam sexdecim remis agerentur, haberet. Perfugas et captivos omnibus sociis populi romani civitatibus redderet, et Messeniis omnia, quæ³ comparerent, quæque domini cognoscerent. Exsulibus quoque Lacedæmoniis liberos et conjuges restitueret, quæ earum viros sequi voluissent; invita ne qua exsulis comes esset. Mercenariorum militum Nabidis, qui aut in civitates suas, aut ad Romanos transissent, iis res suæ omnes recte redderentur. In Creta insula ne quam urbem haberet; quas habuisset, redderet Romanis. Ne quam societatem cum ullo Cretensium aut quoquam alio institueret, neu bellum gereret. Civitatibus omnibus, quas ipse restituisset, quæque se suaque in fidem ac ditionem populi romani tradidissent, omnia præ-*

4.—Doeringium vero illa præpositio non offendit, nec quemquam alium, ut opinatur, offendet. Ed.

2. *Dominis recte restituerentur*, sine dolo, ut XXXVIII, 38, n. 3. Conf. Drak.

3. *Quæ comparerent q. d. c.*; vide

ad VI, 1, n. 6. — *Exsulibus quoque Lacedæmoniis liberos*, etc. vide ad XXXVI, 35, n. 4. — *Ante liberos excidisse bona* suspicabatur Creverius, collato cap. seq. — *Cum ullo Cretensium*, scilic. populo seu dynasta; Drakenb.

sidia deduceret; seque ipse suosque ab his abstineret. Ne quod oppidum, ne quod castellum in suo alienove agro conderet. Obsides ea ita futura daret quinque, quos imperatori romano placuisset; filium in his suum: et talenta centum argenti in præsenti⁴, et quinquaginta talenta in singulos annos per annos octo.

XXXVI. Hæc conscripta, castris propius urbem motis, Lacedæmonem mittuntur. Nec sane quidquam eorum satis placebat tyranno, nisi quod, præter spem, reducendorum exsulum mentio nulla facta erat. Maxime autem omnium ea res offendebat, quod et naves, et maritimæ civitates ademptæ erant. Fuerat autem ei magno fructui mare, omnem oram^x Maleæ prædatoriis navibus infestam habenti. Juventutem præterea civitatum earum ad supplementum longe optimi generis militum habebat. Has condiciones, quanquam ipse in secreto volutaverat cum amicis, vulgo tamen omnes fama ferebant, vanis, ut ad cæteram fidem, sic ad secreta tegenda, satellitum regionum ingeniis. Non tam omnia universi, quam ea, quæ ad quemque pertinerent, singuli carpebant. Qui exsulum conjuges in matrimonio habebant, aut ex bonis eorum aliquid possederant, tanquam amissuri, non reddituri, indignabantur. Servis liberatis a tyranno non irrita modo futura libertas, sed multo foedior, quam fuisset ante, servitus redeuntibus in iratorum dominorum potestatem ante oculos obver-

4. *In præsenti*, scilicet tempore, nunc.

CAP. XXXVI. I. *Omnem oram Maleæ*. Ante Drak. legebatur *ab Maleæ*; ille nostram lect. e Moguntinis membr. recepit. Ed. — *Has condiciones, quanquam*, etc. sensum ita Doering. explanat: quanquam autem ty-

rannus in secreto de his conditionibus deliberaverat cum amicis, ii tamen illas omnes vulgo fama disseminabant, dum ingenia satellitum regionum ut ad cæteram fidem, sic ad secreta tegenda, vana et infida esse solent. Ed. — *Omnes fama ferebant*; vide ad IV, 5, n. 3.

sabatur. Mercenarii milites et pretia militiæ² casura in pace ægre ferebant, et reditum sibi nullum esse in civitates videbant, infensas non tyrannis magis, quam satellitibus eorum.

XXXVII. Hæc inter se primo in circulis¹ serentes fremere; deinde ad arma subito discurrerunt. Quo tumultu quum per se satis irritatam multitudinem cerneret tyrannus, concionem advocari jussit. Ubi quum ea, quæ imperarentur a Romanis, exposuisset, et graviora atque indigniora quædam falso adfinxisset, et ad singula, nunc ab universis, nunc a partibus concionis, acclamaretur, Interrogavit, *Quid se respondere ad ea, aut quid facere vellent?* Prope una voce omnes, *Nihil respondere, bellum geri*, jusserunt, et pro se quisque, qualia multitudo solet, bonum animum habere, et bene sperare jubentes, *fortes fortunam adjuvare*², aiebant. His vocibus incitatus tyrannus et Antiochum Ætolosque adjuturos pronuntiat, et sibi ad obsidionem sustinendam copiarum affatim esse. Exciderat pacis mentio ex omnium animis, et in stationes non ultra quieturi discurrunt. Paucorum lacescentium excursio et emissa jacula extemplo et Romanis dubitationem, quin bellandum esset, exemerunt. Levia inde prælia per quadriduum primum

2. *Pretia mil. casura*, intercisura.
CAP. XXXVII. 1. *Hæc in circulis*, conventibus hominum privatis (vid. VII, 12, n. 6; XXXIV, 61, et XLIV, n. 22), *serentes*; vide ad III, 43, n. 2. — *Falso adfinxisset*, fingendo adjecisset; rò *falso* superfluum putat Doering. *falsa* enim esse quæ fingendo adjiciuntur, sponte apparet. Si vox *falso* profecta est a Livio, pro *adfinxisset*, conjicit vir cl. *adjunxisset*, quod vere jam in quibusdam codd. et

vett. editt. esse monet. Ed. — *Acclamaretur*. Tam in bonam, quam in malam partem, *acclamare* dici notat Doering. quatenus clamore et fremitu aut favor aut indignatio declaratur; nunc indignantium et furentium clamor significatur. Ed.

2. *F. f. adj.* cf. Virg. *Æn.* X, 284; Ennius, *Annal.* VII, 13; Terentius, *Phorm.* I, 4; Ovid. *Metam.* X, 586; Tibull. l. I; Val. Flacc. IV; Claudian. ad Prob. et Fr. Petrarch. Ed.

sine ullo satis certo eventu commissa. Quinto die prope justa pugna adeo paventes in oppidum Lacedæmonii compulsi sunt, ut quidam milites romani, terga fugientium cædentes, per intermissa, ut tunc erant, mœnia³ urbem intrarint.

XXXVIII. Et tunc quidem Quintius, satis eo terrore coercitis excursionibus hostium, nihil præter ipsius oppugnationem urbis superesse ratus, missis, qui omnes navales socios a Gythio arcesserent, ipse interim cum tribunis militum ad visendum urbis situm mœnia circumvehitur. Fuerat quondam sine muro Sparta¹. Tyranni nuper locis patentibus planisque objecerant murum: altiora loca et difficiliora aditu stationibus armatorum pro munimento objectis tutabantur. Ubi satis omnia inspexit, corona oppugnandum ratus², omnibus copiis (erant autem Romanorum sociorumque, simul peditum equitumque, simul terrestrium ac navalium copiarum, ad quinquaginta millia hominum) urbem cinxit. Alii scalas, alii ignem, alii alia, quibus non oppugnarent modo, sed etiam terrent, portabant. Jussi clamore sublato subire undique omnes, ut, qua primum occurrerent, quave opem ferrent, ad omnia simul paventes Lacedæmonii ignorarent. Quod roboris in exercitu erat, trifariam divisum: parte una a Phœbeo³, altera a Di-

3. *Per intermissa mœnia*; vide ad VII, 36, n. 1.

CAP. XXXVIII. 1. *Fuerat quondam sine muro Sparta* ex instituto Lycurgi, qui virtutem civium loco muri et munitionis esse voluerat: tyranni nuper... *objecerant murum*, etc. conf. XXXVIII, 34; XXXIX, 37; Xenoph. Ages. II, 24; Plut. t. I, p. 52, 613, et t. II, p. 210; Justin.

XIV, 5; Pausan. VII, 8, 9; VIII, 51.

2. *Corona oppugnandum ratus*; vide ad II, 17, n. 3.

3. *Parte una a Phœbeo*, etc. vide ad VIII, 17, n. 5. *Phœbeum* apud Pausan. III, 14 et 20. Φοιβαῖον (ita et apud Herodot. VI, 61), et Ἐφηβαῖον in MSS, sed rectius Ἐφηβαῖον unde et h. l. leg. *Phæbeo*, aut potius *ab Ephebeo*, gymnasio, seu palæstra

ctynneo, tertia ab eo loco, quem Heptagonias appellant (omnia autem hæc aperta sine muro loca sunt) aggredi jubet. Quum tantus undique terror urbem circumvasisset, primo tyrannus et ad clamores repentinos, et ad nuntios trepidos motus, ut quisque maxime laboraret locus⁴, aut ipse occurrebat, aut aliquos mittebat. Deinde, circumfuso undique pavore, ita obtorpuit, ut nec dicere, quod in rem esset⁵, nec audire posset; nec inops modo consilii, sed vix mentis compos esset.

XXXIX. Romanos primo sustinebant in angustiis Lacedæmonii; ternæque acies tempore uno locis diversis pugnabant. Deinde, crescente certamine, nequaquam erat prælium par. Missilibus enim Lacedæmonii pugnabant, a quibus se et magnitudine scuti perfacile romanus tuebatur miles, et quod alii¹ vani, alii leves admodum ictus erant. Nam propter angustias loci confertamque turbam non modo ad emit-tenda² cum procursu, quo plurimum concitantur tela, spatium habebant; sed ne ut de gradu quidem libero ac stabili conarentur. Itaque ex adverso missa tela, nulla in corporibus, rara in scutis hærebant. A circumstantibus ex superioribus locis quidam vulnerati sunt: mox progressos jam etiam ex tectis non tela modo, sed tegulæ quoque, inopinantes percule-runt. Sublatis deinde supra capita scutis continuatis-

juvenum, vel sacrarium, ubi οἱ ἔφη-
νοι τῷ Ἐνυαλίῳ θύουσι. vid. Pausan.
— Dictynneo, ἐπὶ τῷ πύρατι Ἀφραϊ-
δος, ἰγγύτατα ἦδη τοῦ τείχους Lacedæ-
monis, Δικτύωνος ἑστὶν ἱερὸν καὶ βα-
σιλικοὶ τάφοι, etc. Pausan. III, 12,
§ 7. — Huc quoque citant Spanhem.
ad Callimach. II, in Dian. v. 190;
Casaub. ad Strab. X, p. 733, et Sal-

masius ad Solinum, pag. 121. Εν-
4. Maxime laboraret locus; vide
ad III, 31, n. 1.

5. Dicere, quod in rem esset; vide
ad I, 27, n. 5.

CAP. XXXIX. 1. Alii vani... ictus;
vide ad X, 29, n. 1.

2. Non modo non ad emittenda, etc.
vide ad I, 40, n. 1.

que ita inter se, ut non modo ad cæcos ictus, sed ne ad inferendum³ quidem ex propinquo telum loci quidquam esset, testudine facta⁴ subibant. Et primæ angustię paulisper, sua hostiumque refertæ turba, tenuerunt: postquam in patientiorem viam urbis paulatim urgentes hostem processere, non ultra vis eorum atque impetus sustineri poterant. Quum terga vertissent Lacedæmonii, et effusa fuga superiora peterent loca; Nabis quidem, ut capta urbe trepidans, quam ipse evaderet, circumspectabat. Pythagoras quum ad cætera animo officioque ducis fungebatur⁵, tum vero unus, ne caperetur urbs, causa fuit. Succendi enim ædificia proxima muro iussit. Quæ quum momento temporis arsissent, ut adjuvantibus ignem, qui alias ad extinguendum opem ferre solent, ruere in Romanos tecta; nec tegularum modo fragmenta, sed etiam ambusta tignæ, ad armatos pervenire, et flamma late fundi; fumus terrorem etiam majorem, quam periculum, facere. Itaque et qui extra urbem erant Romanorum, tum maxime impetus facientes, recedere a muro; et, qui jam intraverant, ne incendio ab tergo oriente intercluderentur ab suis, receperunt sese: et Quintius, postquam, quid rei esset, vidit, receptui canere iussit. Ita a capta prope urbe revocati redierunt in cæstra.

XL. Quintius plus ex timore hostium, quam ex re

3. *Ut non modo non ad cæcos ictus, sed nequidem ad inferendum ex propinquo telum, ut inferre alicui vulnera, XXXVIII, 2. Conf. sup. ad c. 14, n. 6. Ad inserendum (scil. inter scuta illa continuata in corpora militum sub testudine latitantium) quidam MSS et edd. vett. non improb. Drak.*

4. *Testudine facta; vide supra ad*

lib. V, cap. 5, n. 3, et lib. V, cap. 43, n. 2.

5. *Animo officioque ducis fung. viri fortis et ducis officium explebat: τὸ fungebatur per zeugma extremo tantum nomini officio accommodatum esse observat Doering. ad voc. animo supplendum fere est; præstabat, ex-cellebat, vel simile quid. En.*

ipsa, spei nactus, per triduum insequens territavit eos, nunc præliis lacessendo, nunc operibus intersepiendo¹ quædam, ne exitus ad fugam esset. His comminationibus compulsus tyrannus Pythagoram rursus oratorem misit, quem Quintius primo adspernatum excedere castris jussit: deinde suppliciter orantem advolutumque genibus tandem audivit. Prima oratio fuit omnia permittentis arbitrio Romanorum; dein, quum ea velut vana et sine effectu nihil² proficerent, eo deducta res est, ut his conditionibus, quæ ex scripto paucis ante diebus editæ erant, induciæ fierent; pecuniaque et obsides accepti. Dum oppugnatur tyrannus, Argivi, nuntiis aliis prope super alios afferentibus, tantum non jam captam Lacedæmonem esse, erecti et ipsi, simul eo quod Pythagoras cum parte, validissima præsidii excesserat, contempta paucitate eorum, qui in arce erant, duce Archippo quodam, præsidium expulerunt. Timocratem Pellenensem, quia clementer præfuerat³, vivum fide data miserunt. Huic lætitiæ Quintius supervenit, pace data tyranno, dimissisque ab Lacedæmone Eumene et Rhodiis et I. Quintio fratre ad classem.

XLI. Læta civitas celeberrimum festorum dierum ac nobile ludicrum Nemeorum¹, die stata propter belli

CAP. XL. 1. *Nunc operibus* (vide ad V, 22, n. 7, et XXI, 57, n. 7) *intersepiendo quædam*, ut *intersepire vallo, muro, munimento*. Conf. Drak. ad VI, 9, n. 3; XXIV, 23; XXXI, 46. — *Adspernatum*. Nonnunquam passive *adspernari* ab optimis scriptoribus adhibitum esse docuit Voss. Gramm. V, 6. Cæterum in multis codd. et editt. legi *adspernatus* monet cl. Doering. Ed.

2. *Nihil proficerent*, potius *profice-*

ret, sc. oratio; Gron. — *Pecuniaque et obsides accepti*; conf. ad XXXVI, 35, n. 4.

3. *Quia clementer præfuerat*, scil. præsidio.

CAP. XLI. 1. *Ludicrum Nemeorum*, etc. vide ad XXVII, 30, n. 6. — *Præfecerunt ludis ipsum imperatorem*, præsidere, προεδρῆσθαι, honoratissimo loco sedere voluerunt: qui honos apud Sueton. imperatoribus habitus dicitur ab iis, qui suis sumptibus lu-

mala prætermissum, in adventum romani exercitus ducisque indixerunt, præfeceruntque ludis ipsum imperatorem. Multa erant, quæ gaudium cumularent. Reducti cives ab Lacedæmone erant, quos nuper Pythagoras, quosque ante Nabis abduxerant: redierant, qui post compertam a Pythagora conjurationem², et cæde jam coepta, effugerant: libertatem ex longo intervallo libertatisque auctores Romanos, quibus causa bellandi cum tyranno ipsi fuissent, cernebant. Testata quoque ipso Nemeorum die³ voce præconis libertas est Argivorum. Achæis quantum restituti Argi in commune Achæiæ concilium lætitiæ afferebant; tantum serva Lacedæmon relicta, lateri adhærens tyranni, non sincerum gaudium præbebat. Ætoli vero eam rem omnibus conciliis lacerare: *Cum Philippo non ante desitum bellari, quam omnibus excederet Græciæ urbibus. Tyranno relictam Lacedæmonem; regem autem legitimum, qui in Romanis fuerat castris⁴, cæterosque nobilissimos cives in exsilio victuros. Nabidis dominantis satellitem⁵ factum populum romanum.* Quintius ab Argis Elatiam, unde ad bellum spartanum

dos ederent; Ern. Conf. Plut. Flamin. pag. 375.

2. *Compertam a Pythagora conjurat.*; vid. cap. 25.

3. *Testata quoque ipso Nemeorum die*, etc. vide ad XXXIII, 32, n. 5. — *Restituti Argi in c. A. c. confer. XXXII, 22.*—*Lacedæm. relicta*, etc. Hunc locum Goeller. e MS Bamb. ita restituit: *serva Lac. relicta, et lateri adh. tyrannus, non..... præbebant.* Ed. — *Eam rem lacerare, ut proscindere et perstringere.* Confer. XXIX, 19; XXXI, 6; XXXII, 2; XLI, 6; XLII, 3, 22; XLIII, 4, et Bentl. ad Hor. Sat. II, 1, v. 85.

4. *Regem autem legitimum, qui in Romanis fuerat* (forte fuerit, quod firmiter cod. Bamb.; sed vide ad III, 2, n. 1) *castris*; vid. cap. 26 extr.

5. *Nabidis dominantis satellitem, ministrum et adiutorem potentiæ ejus* (vide ad XXIII, 12, n. 7), *factum populum romanum, qui tueatur ejus tyrannidem et sua auctoritate per pacem confirmaverit*; Duker. et Periz. coll. cap. 33, *si omitteretur motum adversus Nabin bellum, eum, velut comprobata dominatione, firmiorem futurum, auctore injusti imperii adsumpto populo romano.* — Pro *dominantis* cod. Bamb. habet *dominationis*, præbante

profectus erat, copias reduxit. Sunt, qui non ex oppido proficiscentem bellum gessisse tyrannum⁶ tradant, sed castris adversus romana castra positis; diuque cunctatum, quum Ætolorum auxilia exspectasset, coactum ad extremum acie configere, impetu in pabulatores suos ab Romanis facto; eo prælio victum castrisque exsutum pacem petisse, quum cecidissent quindecim millia militum, capta plus quatuor millia essent.

XLII. Eodem fere tempore et a T. Quintio de rebus ad Lacedæmonem gestis, et ab M. Porcio consule ex Hispania literæ allatæ. Utriusque nomine in dies ternos supplicatio a senatu decreta est. L. Valerius consul, quum post fusos circa Litanam silvam¹ Boios quietam provinciam habuisset, comitorum causa Romanam rediit; et creavit consules P. Cornelium Scipionem Africanum iterum et Ti. Sempronium Longum. Horum patres primo anno secundi punici belli consules fuerant. Prætoriam inde comitia habita. Creati P. Cornelius Scipio et duo Cn. Cornelii, Merenda et Blasio, et Cn. Domitius Ahenobarbus et Sex. Digitius et T. Juventius Thalna. Comitibus perfectis, consul in provinciam rediit. Novum jus eo anno a Ferentinati-

Coellero. Ed. — Ex emend. Gelen. nunc legitur *populum rom.* in edd. primis *tribunum militum*. Non placebat Gron. *satelles populus*, et *imperatorem romanum* malebat. T. aut *Titum Romuleum* omnes fere MSS; unde Ruben. conj. *Titum* vel *Titum Romanum*. Quintius prænomine solo a Græcis, Polyb. et Plut., appellatur; non vero a Romanis. — Doering. legendum esse *romanum militem* auctor est; quæ lectio in verbis *tribunum militum* potius latere videtur. Ed.

6. *Ex oppido proficiscentem bellum gessisse tyrannum*, bis eruptione ex oppido facta Nabin cum Romanis pugnasse tradit Livius, primum ante conscriptas conditiones pacis, c. 28; deinde post eas Spartam relatas et a multitudine repudiatas, cap. 37; de posteriore aliter scripserunt alii; Duk. — Doering. *to proficiscentem* plane superfluum et minime rei accommodatum ideoque delendum arbitratur. Ed.

CAP. XLII. 1. *Circa Litanam silvam*, etc. vide ad cap. 22, n. 1.

bus tentatum, ut Latini, qui in coloniam romanam nomina dedissent², cives romani essent. Puteolos Salernumque et Bruxentum adscripti coloni³, qui nomina dederant, quum ob id se pro civibus romanis ferrent; senatus iudicavit, non esse eos cives romanos.

XLIII. Principio anni, quo P. Scipio Africanus iterum et Ti. Sempronius Longus consules fuerunt, legati Nabidis tyranni Romam venerunt. Iis extra urbem

2. *Novum jus eo anno a Ferentinatibus tentatum, ut Latini, qui in coloniam rom. nomina dedissent* (vide ad I, 11, n. 3), *cives romani essent*: nota Dukeri est: « Ex hoc et aliis quum Livii, tum aliorum scriptorum locis disputant Sigon. de Ant. Jur. Ital. II, 3; III, 1, et Spanhem. in Orbe rom. Exerc. 1, c. 8, 9, colonias civium romanorum tantum habuisse privatum jus Quiritium, non publicum, cuius præcipuæ partes erant jus suffragii et honorum petitió: in quo verius videntur sentire, quam Manutius aliique. Sed locus noster alia, eaque non una, obscuritate laborat. *Ferentines* cum Cluver. Ital. ant. III, 6, pag. 984, puto designari eos, quos inter populos Hernicorum memorat Livius, IX, 42, 43. Hanc jam tum coloniam rom. fuisse, ex hoc loco apparet. Nam si tum primum deducta fuisset, non poterat dubitari, quin Livius eam quoque inter colonias, quas hoc anno deductas, c. 45, narrat, nominaturus fuerit. Nec tamen vel ipse, vel alii, quod sciam, quo tempore deducta fuerit, prodiderunt. Quæ fortassis causa fuit, cur eam indice coloniarum ante bellum italicum deductarum prætermiserit Sigonius; conf. ad XXVII, 9, n. 3. Sed hoc levius est, et idem de Saticula colonia, XXVII, 10, observavit Si-

gon. Aliquanto difficilius dictu est, quid sit, quod Latini in coloniam, quæ jam ante coloniam rom. erat, nomina dedisse, et quod ejusdem colonie coloni diverso jure usi fuisse dicuntur. Prius credo intelligendum esse de supplemento colonorum, quod eorum numerus imminutus fuisset. Nam hoc sæpe factum, ut, quum coloni ad numerum non essent, novi adscriberentur ex Scto: eorum enim numerum, haud secus ac quum novæ colonie deducebantur, pro modo agrorum majorem minoremve finiebat senatus; cui injussu illius nec adjici, nec demi quidquam poterat; vide II, 21; IV, 11; XXXI, 49; XXXII, 2; XXXIII, 24; XXXIV, 42; XXXVII, 46, 47. Ad posterius quod attinet, etsi pluribus testimoniis nunc probare non possum, ejusdem colonie colonos diverso jure, alios Quiritium, alios Latii, fuisse, tamen id ex hoc loco satis patere arbitror. Nam et aliorum oppidorum, quæ colonie non erant, incolæ alii alio jure utebantur; vide ad VIII, 14, n. 8. Illud quidem constat ex III, 1, et IV, 2, in eandem coloniam interdum diversi generis colonos, ut Romanos et Volseos, item Romanos et Latinos, scriptos fuisse ».

3. *Puteolos, Salernum et Bruxentum adscripti coloni*; vide ad IV, 25, n. 4, et conf. XXXII, 29, et XXXIV, 45.

in æde Apollinis senatus datus¹ est. Pax, quæ cum T. Quintio convenisset, ut rata esset, petierunt impe-
traveruntque. De provinciis quum relatum esset, se-
natus frequens in eam sententiam ibat, ut, quoniam
in Hispania et Macedonia debellatum foret, consuli-
bus ambobus Italia provincia esset. Scipio, *satis esse
Italix unum consulem*, censebat; *alteri decernendam
Macedoniam esse. Bellum grave ab Antiocho immi-
nere, jam ipsum sua sponte in Europam transgres-
sum. Quid deinde facturum censerent, quum hinc
Ætoli haud dubie hostes² vocarent ad bellum, illinc
Hannibal, romanis cladibus insignis imperator, sti-
mularet?* Dum de provinciis consulum disceptatur,
prætores sortiti sunt. Cn. Domitio urbana jurisdictio,
T. Juventio peregrina evenit; P. Cornelio Hispania
ulterior, Sex. Digitio citerior; duobus Cn. Corneliis,
Blasioni Sicilia, Merendæ Sardinia. In Macedoniam
novum exercitum transportari non placuit: eum, qui
esset ibi, reduci in Italiam a Quintio ac dimitti: item
eum exercitum dimitti, qui cum M. Porcio Catone in
Hispania esset. Consulibus ambobus Italiam provin-
ciam esse, et duas urbanas eos legiones scribere³; ut,
dimissis, quos senatus censuisset, exercitibus, octo
omnino romanæ legiones essent.

XLIV. Ver sacrum factum¹ erat priore anno, M. Por-
cio et L. Valerio consulibus. Id quum P. Licinius pon-

CAP. XLIII. In æde Apollinis se-
natus datus; vide ad XXVI, 21, n. 1.
— Pax convenisset; vide ad I, 3,
n. 4. — Relatum; vide ad XXVI,
2, n. 3.

2. *Ætoli haud dubie hostes; forte
dubii; Gron.* — Hanc Gronov. cor-
rectionem probavit Drak. sed Doer.
servat *haud dubie*, id est, aperte et

sine controversia, quo sensu sæpius
apud Nostrum occurrit. Ed.

3. *Duas urbanas eos legiones scri-
bere* MS Mead. 2, recte, non *eo*,
quod reliqui MSS et edd. ante Crev.
habent. Nam urbanæ legiones ad cu-
stodiam Urbis scribebantur, et hæ
manserunt ibi. Cf. cap. 56.

CAP. XLIV. 1. *Ver sacrum fa-*

tifex non esse recte factum collegio primum, deinde ex auctoritate collegii Patribus renuntiasset, de integro faciendum arbitrato pontificum censuerunt, ludosque magnos, qui una voti essent², tanta pecunia, quanta adsoleret, faciendos. Ver sacrum videri pecus, quod natum esset inter Calendas Martias et pridie Calendas Maias, P. Cornelio Scipione et Ti. Sempronio Longo consulibus. Censuram inde comitia habita sunt: creati censores Sex. Ælius Pætus et C. Cornelius Cethegus principem senatus³ P. Scipionem consulem, quem et priores censores legerant, legerunt. Tres omnino senatores, neminem curuli honore usum, præterierunt⁴. Gratiam quoque ingentem apud eum ordinem pepererunt, quod, ludis Romanis⁵, ædilibus curulibus imperarunt, ut loca senatoria secernerent a populo; nam antea in promiscuo spectabant. Equitibus quoque perpaucis adempti equi⁶, nec in ullum ordinem sævitum. Atrium Libertatis⁷ et Villa publica

ctum, etc. vide ad XXII, 9, n. 9. — P. Licinius pontifex, sc. maximus, ut XXVIII, 11. Conf. I, 32, n. 4.

2. Ludosque magnos, qui una voti essent, etc. conf. ad XXXIII, 44, n. 1. Lud. mag. una, qui voti essent conj. Figh. in Annal. ad ann. 559, et qui quinquennio ante voti essent ex XXXIX, 9, Drak. non connumerans annos, qui voti factique sunt. — Ver sacrum videri pecus, etc. vide supra ad lib. XXII, cap. 9, n. 9.

3. Principem senatus, etc. vide ad XXVII, 11, et ibi n. 8. — Hic notat Doer. non raro quoque viros consulares, præcipue potentiores, principes senatus appellari; vid. Wesseling. Observ. I, 8. Ed.

4. Tres senatores præterierunt; v. ad XXVI, 11, n. 11.

5. Ludis Romanis (ut cap. 54, in quo Valerium Antiatem, quod ex Ascon. in Cic. Cornel. I intelligitur, sequutus est; at Megalensibus, quos primos ab iisdem ædilibus curulibus factos, c. 54, legimus, apud Ciceronem de Harusp. Resp. cap. 12, et Val. Max. II, 4, 3, Duk.), ut loca senatoria secernerent a populo, a locis seu sedibus plebis: nam, antea in promiscuo, promiscue, sine discrimine ordinum (ut generis XXXIX, 13, n. 6), spectabant ludos, ut et in circo usque ad Claudii imp. tempora, de quo vide ad Tacitum, Ann. XV, 32, n. 1.

6. Equitibus perpaucis adempti equi; vide ad XXIV, 18, n. 4.

7. Atrium Libertatis; vid. XXIV, 16, n. 10. — Villa publica; vide ad

ab eisdem refecta amplificataque. Ver sacrum ludique votivi, quos voverat Ser. Sulpicius Galba consul, facti. Quum spectaculo eorum occupati animi omnium essent, Q. Pleminius⁸, qui propter multa in deos hominesque scelera, Locris admissa, in carcerem coniectus fuerat, comparaverat homines, qui pluribus simul locis Urbis nocte incendia facerent; ut in consternata nocturno tumultu civitate refringi carcer posset. Ea res indicio conscriptorum palam facta, delataque ad senatum est. Pleminius in inferiorem demissus carcerem⁹ est necatusque.

XLV. Coloniae civium romanorum eo anno deductae sunt Puteolos, Vulturnum, Liternum; treceni homines in singulas¹. Item Salernum Buxentumque coloniae civium romanorum deductae sunt. Deduxere triumviri² Ti. Sempronius Longus, qui tum consul erat, M. Servilius, Q. Minucius Thermus. Ager divisus est, qui Campanorum fuerat. Sipontum item in agrum, qui Arvinorum fuerat, coloniam civium ro-

IV, 22, n. 5. — *Ver sacrum* (vide ad XXII, 9, n. 9) *ludique votivi, quos voverat Ser. (immo P.) Sulpicius Galba cos.* (vid. XXXI, 9) *facti, sc. a consulibus, non censoribus.* Conf. XXIX, 22, et XXXIII, 44.

8. *Q. Pleminius, qui, etc.* vide ad XXIX, 21 et 22, ibique n. 4.

9. *In inferiorem carcerem;* vide ad I, 33, n. 11, et XXIX, 22, n. 5.

CAP. XLV. 1. *Treceni homines in singulas;* vide ad XXXII, 29, n. 5.

— *Coloniae civium roman. deductae sunt:* eadem verba repetita, quae glossatori forte debentur. De re ipsa vid. omnino XXXII, 29, ubi conf. n. 5, et Vell. I, 15, ibique Intpp., ut de colonia *Puteolos* deducta Duker. ad hunc locum.

2. *Deduxere triumviri,* et quidem quinque illas colonias; iisque magistratus, quem jam per triennium habuerant, prorogatus videtur. Utrumque ex XXXII, 29 colligit Drak. — *Ager divisus est, qui Campanorum fuerat,* non in ipsa tantum Campania, sed etiam in Picentinis et Lucanis finitimis: nam Salernum fuit oppidum Picentinarum, et Buxentum Lucanorum, et Campani etiam in his agros habere potuerant; Duk. Ita non est, quod haec verba suadente Crev. ante *item Salernum* ponantur. — *Coloniae civium rom.* scilicet, ut observat Doer, aliae fuerunt coloniae civium romanorum, aliae coloniae latiniae; vid. Sigon. de Antiq. Jur. Ital. II, 13. Ed.

manorum alii triumviri, D. Junius Brutus, M. Bæbius Tamphilus, M. Helvius, deduxerunt. Tempsam item et Crotonem civium romanorum coloniæ deductæ. Tempsanus ager de Bruttis captus erat³: Bruttii Græcos expulerant. Crotonem Græci habebant. Triumviri Cn. Octavius, L. Æmilius Paullus, C. Plætorius Crotonem; Tempsam L. Cornelius Merula⁴ et C. Salonius deduxerunt. Prodigia quoque alia visa eo anno Romæ sunt, alia nuntiata. In foro et comitio et Capitolio sanguinis guttæ visæ⁵ sunt; et terra aliquoties pluit; et caput Vulcani arsit. Nuntiatum est, Nare amni⁶ lac fluxisse; pueros ingenuos Arimini sine oculis ac naso; et in Piceno agro non manus, non pedes habentem natum. Ea prodigia ex pontificum decreto procurata: et sacrificium novemdiale⁷ factum, quod Hadriani nuntiaverant, in agro suo lapidibus pluisse.

XLVI. In Gallia L. Valerius Flaccus proconsul circa Mediolanum cum Gallis Insubribus et Boiis, qui Dorulaco duce ad concitandos Insubres Padum transgressi erant, signis collatis depugnavit. Decem millia hostium sunt cæsa. Per eos dies collega ejus M. Porcius Cato ex Hispania triumphavit. Tulit in eo trium-

3. *Tempsanus ager de Bruttis captus erat*, quod Livius nusquam tradidit; nisi forte Tempsa inter *ignobiles Bruttiorum civitates* fuit, de quibus vid. XXIX, 38 pr. Conf. Schweigh. ad Polyb. t. V, pag. 39. — *Crotonem Græci habebant*: quibus itaque urbs a Bruttis reddita videtur. Conf. ad XXIV, 3.

4. *L. Cornelius Merula et C. Salonius*: excidit nomen tertii triumviri. — *Et comitio*; vid. I, 36, n. 6.

5. *Sanguinis guttæ visæ*, etc. vide ad I, 31, n. 1.

6. *Nare amni* (hodie *Nera*), qui inter Sabinos et Umbros in Tiberim defluit; vid. Intpp. Virg. *Æneid.* VII, 517. *Interamnæ* edd. ante Drakenh. et *Narteam*, *Narneam*, *Narceam* MSS; unde *Nare amni* fecit Jac. Gron. — *Pueros ingenuos*, ut alibi *ex ancilla natos*; nam et hoc in prodigiis notari, monet Drak. coll. XXI, 62; XXXVII, 3, et Jul. Obseq. de Prod. capp. 84, 100, 104, 112, 113. — Val. Max. nost. ed. t. II, p. 11. Ed.

7. *Sacrificium novemdiale*, etc. vid. I, 31, n. 3.

pho argenti infecti viginti quinque millia pondo¹, bigati centum viginti tria millia, Oscensis quingenta quadraginta; auri pondo mille quadringenta. Militibus ex præda divisit, in singulos, ducenos septuagenos æris, triplex equiti. Ti. Sempronius consul, in provinciam profectus, in Boiorum primum agrum legiones duxit. Boiorum tum regulus eorum, cum duobus fratribus tota gente concitata ad rebellandum, castra locis apertis² posuit; ut appareret dimicaturus, si hostis fines intrasset. Consul ubi, quantæ copię, quanta fiducia esset hosti, sensit, nuntium ad collegam mittit, *ut, si videretur ei, maturaret venire: se tergiversando in adventum ejus rem extracturum*. Quæ causa consuli cunctandi, eadem Gallis (præterquam quòd cunctatio hostium animos faciebat) rei maturandæ erat, ut, prius quam conjungerentur consulum copię, rem transigerent. Per biduum tamen nihil aliud, quam steterunt³ parati ad pugnandum, si quis contra egrederetur: tertio subiere ad vallum, castraque ab omni simul parte aggressi sunt. Consul extemplo arma capere milites jussit. Armatos inde

CAP. XLVI. 1. *Viginti quinque millia pondo*, marcas nostrates 39062 cum quatuor unciiis. Ed. — *Bigati centum*, etc. Denarios 123000, id est, marcas argenti 1921 cum septem unciiis. Ed. — *Bigati... Oscensis*, scilicet argenti *quingenta quadraginta* millia nummum; vide ad XXII, 52, n. 3, et XXXIV, 10, n. 2. — *Quingenta quatuordecim* hic inesse vitium putabat Crev. sed vid. supra cap. 10, n. 1. Ed. — *Mille quadringenta*, marcas nostrates 2187 cum quatuor unciiis. Ed. — *Ducenos septem*. Si æs grave intelligatur, 270 æris sunt pares denariis 27, unciiis argenti nostr. tribus, cum tribus, ut

vocant, grossis. Ed. — Mox ante *triplex equiti* videtur excidisse *duplex centurioni*; Gron. Conf. ad librum X, cap. 46, n. 8.

2. *Locis apertis*; vide ad XXI, 27, n. 7. *L. idoneis* e cod. Mogunt. ed. Frob. a. 1535, et aliæ; minus apte: non enim is solet dici castra *locis idoneis* posuisse, qui, fidens militi suo et dimicaturus, campum æquum planumque deligit castris commodumque explicandis ordinibus, sed potius, qui impeditis se tenet confragosisque, unde nec invitatus expelli, nec hostis facile accedere potest; Jac. Gron.

3. *Nihil aliud, quam steterunt*; v.

pauidisper continuit, ut et stolidam fiduciam hosti au-
geret, et disponderet copias, quibus quæque portis
erumperent. Duæ legiones duabus principalibus portis
signa efferre iussæ. Sed in ipso exitu ita conferti ob-
stitere Galli, ut clauderent viam. Diu in angustiis
pugnatum est: nec dextris magis gladiisque gerebatur
res, quam scutis corporibusque ipsis obnisi urge-
bant; Romani, ut signa foras efferrent; Galli, ut aut
ipsi in castra penetrarent, aut exire Romanos prohibe-
rent. Nec ante in hanc aut illam partem moveri acies
potuerunt, quam Q. Victorius primipili centurio⁴ et
C. Atinius tribunus militum, quartæ hic, ille secundæ
legionis (rem in asperis præliis sæpe tentatam), signa
adempta signiferis in hostes injecerunt: Dum repetunt
enise signum, priores secundani se porta eiecere.

XLVII. Jam hi extra vallum pugnant, quarta le-
gione in porta hærente, quum alius tumultus ex aversa
parte¹ castrorum est exortus. In portam quæstoriam
irruerant Galli, resistentesque pertinacius occide-
rant L. Postumium quæstorem, cui Tympano fuit co-
gnomen, et M. Atinium et P. Sempronium, præfectos
socium, et ducentos ferme milites. Capta ab ea parte
castra erant, donec cohors extraordinaria², missa a
consule ad tuendam quæstoriam portam, et eos, qui
intra vallum erant, partim occidit, partim expulit
castris et irrumpentibus obstitit. Eodem fere tempore

ad II, 8, n. 9. — *Duabus principalibus portis.* Quæ a dextra lævaque castrorum erant; vid. in Cæsare nostræ edit. t. II, p. 275, iconismum castrorum rom. ex Polybio et Justo Lipsio desumptum. Ed.

4. *Primipili centurio;* vide ad II, 27, n. 7.

CAP. XLVII. 1. *Ex aversa parte* (al. *ab aversa parte*) *castrorum,* ubi

porta quæstoria seu decumana; vide ad III, 5, n. 3, et X, 32, n. 3. Quæstorium et ante et post Polybii tempora ad portam decumanam, nec ante ea prætorio vicinum fuisse, adversus Lips, de Mil. rom. V, 3, ostendit Schel. ad Polyb. extr. — Conf. supra cap. 46, not. 3. Ed.

2. *Cohors extraordinaria;* vide ad III, 5, n. 3, et XLII, 58, n. 5.

et quarta legio cum duabus extraordinariis cohortibus porta erupit. Ita simul tria praelia circa castra locis distantibus erant; clamoresque dissoni ad incertos suorum eventus a praesenti certamine animos pugnantium avertabant. Usque ad meridiem æquis viribus ac prope pari spe pugnatum est. Labor et æstus mollia et fluida corpora Gallorum³ et minime patientia sitis quum decedere pugna coegisset; in paucos restantes impetum Romani fecerunt, fusosque compulerunt in castra. Signum inde receptui a consule datum est: ad quod pars major receperunt sese; pars, certaminis studio et spe potiundi castris hostium, perstitit ad vallum. Eorum paucitate contempta, Galli universi ex castris eruperunt. Fusi inde Romani, quæ imperio consulis noluerant, suo pavore ac terrore castra repetunt. Ita varia hinc atque illinc nunc fuga, nunc victoria fuit. Gallorum tamen ad undecim millia, Romanorum quinque millia, sunt occisa. Galli recepere in intima finium sese.

XLVIII. Consul Placentiam legiones duxit. Scipionem alii, conjuncto exercitu cum collega, per Boiorum Ligurumque agros populantem isse, quoad progredi silvæ paludesque passæ sint, scribunt: alii, nulla memorabili re gesta, comitorum causa rediisse Romam. Eodem hoc anno T. Quintius Elatiae, quo in

3. *Mollia et fluida corpora Gallorum*, etc. vide ad V, 44, n. 4; VII, 29, n. 3, et XXXVIII, 17. *Mollia corpora* sunt non patientia laboris, ut contra *dura* dicuntur; *fluida* non patientia æstus eoque statim in sudorem euntia, qualia X, 28; XXII, 2; XXXVII, 17, Gallis tribuantur; Duk. — De hæc gallorum militum mollitia quanquam fides Livio adhibenda videatur, laudavi tamen validos et labo-

rum patientissimos nostræ ætatis homines; vide supra ad lib. XXVII, cap. 48, not. 7; t. V, p. 325. Ed. — Mox conj. *excedere pugna*; Drakenb. autem putat, *decedere pugna* forsân illustrari posse ex illis, quæ de locutionibus *decedere jure, officio, fide, præsidio, agro, provincia, Thracia, finibus* dixerit ad librum III, cap. 34, n. 10; lib. IV, cap. 29, n. 5; et lib. XLII, cap. 25.

hiberna reducerat¹ copias, totum hiemis tempus jure dicundo consumpsit mutandisque iis, quæ aut ipsius Philippi, aut præfectorum ejus licentiâ in civitatibus facta erant, quum, suæ factionis hominum vires augendo, jus ac libertatem aliorum deprimeret. Veris initio Corinthum, conventu edicto, venit. Ibi omnium civitatum legationes in concionis modum circumfusas est alloquutus; orsus ab inita primum Romanis amicitia cum Græcorum gente et imperatorum, qui ante se in Macedonia fuissent, suisque rebus gestis. Omnia cum approbatione ingenti sunt audita, præterquam quum ad mentionem Nabidis ventum esset. Id minime conveniens liberanti Græciam videbatur, tyrannum reliquisse, non suæ solum patriæ gravem, sed omnibus circa civitatibus metuendum, hærentem visceribus² nobilissimæ civitatis.

XLIX. Nec ignarus hujus habitus animorum Quintius, *Si sine excidio Lacedæmonis fieri potuisset, fateretur, pacis cum tyranno mentionem admittendam auribus non fuisse. Nunc, quum aliter, quam ruina gravissima civitatis¹, opprimi non posset, sctius vi-*

CAP. XLVIII. 1. Quo in hiberna reducerat c.: MS Mog. ex quo. — Jure dicundo, hoc est, edictis et decretis ferendis et promulgandis. De locutione *jus dicere*, sive de *jurisdictione* aبلغat Doer. ad Ernest. in Clav. Cic. voc. *jurisdictio*. Ed.

2. Hærentem visceribus nobil. c. ex XXXII, 21; XXXIII, 44, et multis locis Cic. suspicari possis hærentem in v.; sed hæreere etiam tam tertio, quam sexto casui jungi, ex Cic. Rosc. Am. 6; Justin. XXIX, 4; Virg. Æn. I, 476, IV, 73; Ovid. Met. VI, 290, probat Duk. Cf. ad XXII, 38, n. 4, et XXIII, 9, n. 5.

CAP. XLIX. 1. Ruina gravissima civitatis; in plerisque MSS *gravissimæ*, proh. Jac. Gron., Crev. et Cler. quia eadem Lacedæmon *nobilissima civitas* dicitur c. 48 extr. et XXXIX, 36. Sed *graves urbes* sunt validæ, potentes (vide ad Flor. I, 3), quod eo tempore vix conveniebat in civitatem a tyranno oppressam: nec tam illa erat causa parcendi ei, quod validissima erat, quam quod ruina ejus involutura erat innoxios cives; quibus parci æquum esse, præ se ferebat Quintius; Duk. — *Gravissima* tamen defendit Doer. cui facile me adjungam: oppressa quidem tunc erat

sum esse, tyrannum debilitatum, ac totis prope viribus ad nocendum cuiquam ademptis, relinquere, quam intermori vehementioribus, quam quæ pati posset, remediis civitatem sinere, in ipsa vindicta libertatis perituram. Præteritorum commemorationi subiecit, Proficisci sibi in Italiam, atque omnem exercitum deportare, in animo esse. Demetriadis Chalcidisque præsidia intra decimum diem audituros deducta; Acrocorinthum ipsis extemplo videntibus vacuum Achæis traditurum, ut omnes scirent, utrum Romanis, an Ætolis, mentiri mos esset; qui male commissam libertatem populo romano sermonibus distulerint², et mutatos pro Macedonibus romanos dominos. Sed illis, nec quid dicerent, nec quid facerent, quidquam unquam pensi fuisse. Reliquas civitates monere, ut ex factis, non ex dictis, amicos pensent; intelligantque, quibus credendum, et a quibus cavendum sit. Libertate modice utantur. Temperatam eam salubrem et singulis, et civitatibus esse; nimiam et aliis gravem, et ipsis, qui habeant³, effrenatam et præcipitem esse. Concordiæ in civitatibus principes et ordines inter se, et in commune omnes civitates, consulere. Adversus consentientes nec regem quemquam satis validum, nec tyrannum fore. Discordiam et se-

Lacedæmon, sed eam tamen quasi sacrosanctam romano civi faciebat antiquæ libertatis ac gloriæ memoria. ED. — *Vindicta libertatis*; vide ad II, 5, n. 14.

2. *Sermonibus distulerint*, passim vulgaverint; germ. *austragen*; vide ad Tacit. Ann. I, 4, n. 6, et infra ad XLIV, 34, n. 2.

3. *Nimiam et aliis gravem, et ipsis, qui habeant*, esse, immo *effrenatam et præcipitem esse*, nisi distinguere

malis nimiam, et aliis gravem, et ipsis, qui habeant, hoc est, nimiam ac talem, quæ et aliis..... gravis sit, *effrenatam et p. e.*; nam vix latine *effrenatus* cum casu tertio dici puto: *nimia* autem *libertas* est, qua non modice utuntur, qui eam habent, quæ *licentia* et *effrenata libertas* dicitur V, 29, XXIII, 1, *præceps*, quæ in exitium impellit ac præcipitat eos, qui illa abutuntur; Duker. Conf. ad Præf. Liv. n. 13.

ditionem omnia opportuna insidiantibus facere, quum pars, quæ domestico certamine inferior sit, externo potius⁴ se applicet, quam civi cedat. Alienis armis partam, externa fide redditam libertatem sua cura custodirent servarentque; ut populus romanus dignis datam libertatem ac munus suum bene positum⁵ sciret.

L. Has velut parentis voces quum audirent, manare omnibus gaudio lacrymæ, adeo ut ipsum quoque confunderent¹ dicentem. Paulisper fremitus approbantium dicta fuit monentiumque aliorum alios, ut eas voces, velut oraculo missas, in pectora animosque demitterent. Silentio deinde facto, petiit ab iis, ut cives romanos, si qui apud eos in servitute essent, conquisitos intra duos menses mitterent ad se in Thessaliam. *Ne ipsis quidem honestum esse, in liberata terra liberatores ejus servire.* Omnes acclamarent, *gratias se inter cætera etiam ob hoc agere, quod admoniti essent, ut tam pio, tam necessario officio fungerentur.* Ingens numerus erat bello punico captorum, quos Hannibal, quum a suis non redimerentur, venundederat. Multitudinis eorum argumentum sit, quod Polybius scribit², centum talentis eam

4. *Externo potius*, peregrino, qui civi opponitur (mox *alienis armis et externa fide*); al. *hosti*. Confer. ad I, 57, n. 7.

5. *Munus suum bene positum*, impensum, vel apud bene meritos, ut bene collocare beneficium apud aliquem, et bene ponere sumptus, beneficium, tempus, metaphora desumpta a pecunia feneri posita.

CAP. L. I. *Confund. dicentem*; vide ad VI, 34, n. 7. — *Fremitus approbantium dicta*, ut XL, 46; XLII, 53 pr. et *murmur cum assensu*, XXXII,

22. Confer. inpr. XLV, 1, et Virgil. *Æn.* X, 96 seq. et XI, 296 seq. ubi vid. intpp. — *Si qui apud eos*, etc. Quum imperator vix nescius esse posset, cives romanos omnino esse in servitute apud eos, τὸ σί, quod dubitantis est, præter rem positum videtur Doeringio; et vere illud in quibusdam codd. apud Drak. omittitur. Ed.

2. *Quod Polybius scribit*, loco perditio, *C talentis... habuit*: jam Priscianus in libello de Ponderibus, pag. 1348, ex hoc loco collegit, talentum habere sex millia denariorum.

rem Achæis stetisse; quum quingenos denarios pretium in capita, quod redderetur dominis, statuissent. Mille enim ducentos ea ratione Achaia habuit. Adjice nunc pro portione, quot verisimile sit totam Græciam habuisse. Nondum conventus dimissus erat, quum respiciunt præsidium, ab Acrocorintho descendens, protenus ad portam duci atque abire. Quorum agmen imperator sequutus, prosequentibus cunctis, servatorem liberatoremque acclamantibus, salutatis dimissisque eis³, eadem, qua venerat, via Elatiam rediit. Inde cum omnibus copiis Ap. Claudium legatum dimittit. Per Thessaliam atque Epirum ducere Orientem jubet, atque ibi se opperiri: inde namque in animo esse, exercitum in Italiam trajicere; et L. Quintio fratri, legato et præfecto classis, scribit, ut onerarias ex omni Græciæ ora eodem contraheret.

LI. Ipse, Chalcidem profectus, deductis non a Chalcide solum, sed etiam ab Oreo atque Eretria, præ-

« Nimirum quingentes mille ducenta efficiunt 600000: ergo C talenta, 600000 denariorum. Hæc autem XXIV sestertium millia: ergo talentum sex millia denariorum, XX sestertia. Ergo et denarius drachma: nam talentum est sex millia drachmarum »; Gron. Conf. ad cap. 52, n. 5, et ad XXXVIII, 38, n. 10. Cæterum *talentum* simpl. dictum semper est atticum, 6000 denariorum. Contra *Euboicum talentum* (vide ad XXXVII, 45, n. 6) *nummo græco 7500 cistophorum est* (vide ad XXXVII, 46, n. 1), *romano 4000 denariorum*; Fest. Conf. *Eisenschmid.* de Pond. I, 3, extr. et de variis talentis Gron. de Sest. II, 7; III, 3 et 4, pag. 101, 133, 141. Idem, pag. 101, docet, recte Livium dixisse, si Achæi 1200 captivos ha-

buerint, et *quingenos denarios pretium in capita* statuerint, eam rem illis *centum talentis* stetisse. — *Stetisse*; vide ad II, 36, n. 4.

3. *Dimissisque eis*, etc. Veteres libri mirum in modum hoc loco discrepant. Doeringium quidem in ea, quæ nunc vulgatur, lectione nihil offendit præter pronomen *eis*, quod ab homine locum non recte capiente intrusum videtur. Itaque non cum Drak. substituit, *ad suos*, ut ad *rediit* referatur; sed *τὸ eis* delet, atque oratio sic bene cohæret: Imperator, agmen deducti præsidii sequutus, postquam cunctos, honoris causa ipsum prosequentes, et, *Bene sit servatori liberatorique*, acclamantes salutaverat atque dimiserat, eadem, etc. Ed.—*Ut onerarias... contraheret*; vide ad XXV, 27, n. 5.

sidiis, conventum ibi Euboicarum civitatum habuit; commonitosque, in quo statu rerum accepisset eos, et in quo relinqueret, dimisit. Demetriadem inde proficiscitur; deductoque praesidio, prosequentibus cunctis, sicut Corinthi et Chalcide, pergit ire in Thessaliam; ubi non liberandæ modo civitates erant, sed ex omni colluvione et confusione in aliquam tolerabilem formam redigendæ. Nec enim temporum modo vitiis, ac violentia et licentia regia turbati erant¹, sed inquieto etiam ingenio gentis, nec comitia, nec conventum, nec concilium ullum, non per seditionem ac tumultum, jam inde a principio ad nostram usque ætatem, traducentes. A censu maxime et senatum et iudices legit², potentiolemque eam partem civitatum fecit, cui salva tranquillaque omnia magis esse expediebat.

LII. Ita quum percensusset Thessaliam¹, per Epirum in Oricum, unde erat trajecturus, venit. Ab Orico copiam omnes Brundisium transportatæ. Inde per totam Italiam ad Urbem prope triumphantes, non minore agmine rerum captarum, quam suo, præ se acto, venerunt. Postquam Romam ventum est, senatus extra urbem Quintio ad res gestas edisserendas datus est², triumphusque meritis ab lubentibus decretus.

CAP. LII. 1. *Et licentia regia turbati erant*, sc. Thessali (propr. formam civitatum); nisi leg. *turbatæ*, sc. civitates.—*Sed inquieto etiam ingenio gentis... traducentes* Thessali; nisi leg. e MS Voss. *traducentis*, sc. gentis.—*Traducentis* non improbat Doer. quo sane modo melius cohære orationem existimat. Ed. — *Comitia totius gentis, conventus* hominum forte casu confluentium, vel audiendi litigandive causa, ut *concilium* (al. *consi-*

lium; vide ad I, 54, n. 1) deliberandi gratia.

2. *A censu senatum et j. legit* (conf. ad cap. 31. n. 5), *potentiolemque eam partem... expediebat*; vide ad I, 43, n. 19.

CAP. LII. 1. *Percensusset Thessal. civitates ejus ex censu in meliorem formam redegetisset; vel peragrasset Th. ita ordinato civitatum statu.* — *Oricum*; vide ad XXIV, 40, n. 1.

2. *Senatus extra Urbem Quintio ad*

Triduum triumphavit. Die primo arma, tela signaque ærea et marmorea transtulit, plura Philippo adempta, quam quæ ex civitatibus ceperat: secundo die aurum argentumque, factum infectumque et signatum. Infecti argenti fuit decem et octo millia pondo³, et ducenta septuaginta facti: vasa multa omnis generis, cælata pleraque, quædam eximiæ artis; et ex ære multa fabrefacta: ad hoc clypea argentea⁴ decem. Signati argenti octoginta quatuor millia fuere Atticorum⁵; tetradrachma vocant: trium fere denariorum in singulis argenti est pondus. Auri pondo fuit tria millia septingenta quatuordecim, et clypeum unum ex auro totum, et Philippi nummi aurei quatuordecim millia quingenti quatuordecim. Tertio die coronæ aureæ, dona civitatum, translatae centum quatuordecim; et hostiæ ductæ, et ante currum multi nobiles captivi obsidesque, inter quos Demetrius regis Phi-

resg. ed. datus est, etc. vide ad VIII, 5, n. 1, et XXVI, 21, n. 1. — Ab lubentibus, melius quam ab aduentibus, quod in quibusdam codd. et vet. editt. exhibetur. Ed. — Transtulit, per Urbem in ærarium deportavit. Sic transferre et traducere in triumpho, XXXVII, 58; XXXIX, 42; XLV, 39; vel simpl. ducere et ferre (h. e. ferendum curare), ut XXXIX, 42; et transferre in triumphum, XLV, 43; ut ducere in triumphum pro vulg. in triumpho, XLV, 39; et apud Sueton. Cæs. 80, nisi illo loco, XLV, 43, cum aliis leg. triumpho. Conf. ad II, 38, n. 4. Mox τὸ quæ post quam delendum putabat Gron. Sed ita quoque cap. 49, et multis aliis locis, inducendum esse monet Duk.

3. *Infecti argenti fuit XVIII millia pondo, forte XLIII m. p., et mox septingenta tredecim pro s. quatuor-*

decim, e Plut. Flamin. pag. 377. — Ducenta septuaginta facti argenti parvum pondus, et ninium fortasse, si addas millia; Crev.

4. *Clypea argentea decem; vide ad XXV, 39, n. 7.*

5. *Signati argenti LXXXIV millia fuere atticorum nummorum, quos tetradrachma (al. tetradrachmum, h. e. IV drachmæ seu denarii) vocant: trium fere denariorum, etc. « Sic jam legit Priscianus in libello de Ponderibus, et hinc collegit, denarium illo tempore fuisse XXIV siliquarum, h. e. drachmæ et trientis pondere: quod minime convenit rationi Liv. sup. cap. Vide, inquit, quod quatuor drachmæ sunt LXXII siliquæ: diximus autem sæpius, quod tres scrupuli, quorum singuli sex siliquas habeant, drachmam faciunt; tres autem denarii item habebant LXXII siliquas. Sed Livius,*

lippi filius fuit, et Armenes, Nabidis tyranni⁶ filius, Lacedæmonius. Ipse deinde Quintius in Urbem est invectus. Milites sequuti currum frequentes, ut omni ex provincia exercitu deportato. His duceni quinquageni æris in pedites divisi; duplex centurioni, triplex equiti. Præbuerunt speciem triumpho capitibus rasis sequuti⁷, qui servitute exempti fuerant.

LIII. Exitu hujus anni Q. Ælius Tubero tribunus plebis ex senatusconsulto tulit ad plebem, plebesque scivit, *Ut Latinæ duæ coloniæ, una in Bruttios, altera in Thurinum agrum, deducerentur*. His deducendis triumviri creati, quibus in triennium imperium esset, in Bruttios Q. Nævius, M. Minucius Rufus, M. Furius Crassipes; in Thurinum agrum Cn. Manlius¹, Q. Ælius, L. Apustius. Ea bina comitia Cn. Domitius prætor urbanus in Capitolio habuit. Ædes eo anno aliquot dedicatæ sunt: una Junonis Sospitæ in foro olitorio, vota locataque² quadriennio ante a C. Cornelio consule gallico bello (censor idem dedi-

nisi secum et cum omnibus antiquis pugnare voluit, scripsit non *III*, sed *IV*, fere *denariorum*»; Gron. Confer. ej. liber de Sestert. II, 6, III, 3 et 4; Græv. ad Cic. de Div. XII, 13; Periz. Anim. Hist. cap. 10, pag. 431, et, qui adversantur, Hotom. de Re num. pag. 154; Manut. ad Cic. l. l. et Ald. Quæsit. per Epist. II, 7, quos laudavit Duk. — *Philippi nummi aurei XIV millia quingenti quatuordecim*; vide ad XXXIX, 7, n. 1.

6. *Armenes, Nabidis t. filius, Ἀρμένιας*, apud Polyb. XX, 13.

7. *Præbuerunt speciem triumpho capitibus rasis sequuti*, etc. vide ad IX, 17, n. 8, et XXIV, 16, n. 9. Παρσιῶν ὄψιν, etc. Plut.

CAP. LIII. 1. *In Thurinum agrum*

Cn. Manlius, etc. conf. XXXV, 9. — *Ea bina comitia*, his creandis triumviris habenda.

2. *Una Junonis Sospitæ in foro o., vota locataque*, etc. vide ad V, 23, n. 6, et XXXII, 30, n. 3. *Sospitæ* h. l. viri docti reposuere ex XXXII, 30, pro *Matutæ*, quod in omnibus MSS et antt. edd. legitur. Sed non facile decerni posse, utrum h. l. *Sospitæ*, an XXXII, 30 *Matutæ* scribendum sit, jam docuit Duker. Illud tamen, ni fallor, probabilius est. Nam in regione quidem XI Urbis, in qua forum olitorium fuit, et P. Victor templum *Junonis Matutæ*, et Sex. Rufus ædem *Matutæ* memorant; sed ex hoc forte Livii loco: certe *Matuta* multis *Mater*, nemini autem *Juno* dicitur. — Fuerant

cavit); altera Fauni: ædiles³ eam biennio ante ex mulctatio argento faciendam locarant, C. Scribonius et Cn. Domitius, qui prætor urbanus eam dedicavit. Et ædem Fortunæ Primigeniæ⁴ in colle Quirinali dedicavit Q. Marcius Ralla, duumvir ad id ipsum creatus. Voverat eam decem annis ante punico bello P. Sempronius Sophus; locaverat idem censor. Et in Insula⁵ Jovis ædem C. Servilius duumvir dedicavit. Vota erat sex annis ante gallico bello ab L. Furio Purpureone prætore; ab eodem postea consule locata. Hæc eo anno acta.

LIV. P. Scipio, ex provincia Gallia, ad¹ consules

quidem viri qui lectionem *Matutæ* defenderent, verbi causa, Nardin. in Rom. vet. VII, 4; Boherellus apud Grævium in Præfat, ad Antiq. Rom. tom. IV; sed rationes ab iis prolatas, neque Gronovio, neque Dukero, neque aliis satisfacisse notat Doer. Ed.

3. *Altera Fauni: ædiles*, etc. conf. supra ad librum XXXIII, cap. 42, ibique n. 6.

4. *Ædem Fortunæ Primigeniæ*, etc. vide ad XXIX, 36, n. 5, et XLIII, 13. — *Duumvir ad id ipsum creatus*; vide ad I, 55, n. 3, et XXIII, 30, n. 8. — *Voverat eam decem annis ante P. Sempronius Sophus; locaverat idem censor*; vid. XXIX, 36, n. 5. Pro censor leg. *consul* (CONS. pro CENS. nam censorem eum jam quinquennio ante fuisse, patet ex XXVII, 11), et cognomen *Sophus* delendum, aut scribendum *consul* vel *Tuditanus*; nisi ei, ut multis Romanorum, duplex fuit cognomen, et utrumque illud genti Sempronæ. Conf. Pigh. in Ann. ad a. 549, tom. II, pag. 216; Crev. et Drak. ad h. l.—Creverius et Doering. hujus loci difficultatem referunt ad leviores illos errores a quibus ejusmodi

rerum scriptor sibi non satis cavere potest. Ed.

5. *Ei in insula Tiberina Jovis ædem C. Servilius duumvir dedicavit*; conf. n. 4. — *Vota erat sex annis ante in gallico bello ab L. Furio*, etc. vide ad XXXI, 21, n. 5, ubi Drak. hæc notavit: « Verisimile est, Furium in prætura vovisse duas ædes Jovi, sive ambas voverit in hoc prælio, et tum legerem cum Sigon. *ædes duas Jovi vovit* (quot dedicatas legimus XXXIV, 53, et XXXV, 41), sive potius unam earum alia occasione Jovi promiserit: nam eundem imperatorem eidem deo in eodem prælio duas vovisse ædes, aliud exemplum non observavi». Hoc probabilius: nam Furium gallico bello unam prætor, alteram consul vovit; vid. XXXV, 41. Ex annalium veterum discrepantia ortum censet Periz. Anim. Hist. cap. 8, pag. 355, quod Livius ædem, quam Furium prætorem in prælio contra Gallos Jovi vovisse dixit XXXI, 21, bis dedicatam memoravit, et quidem diversis annis, diversis Urbis locis et a diversis triumviris h. l. et XXXV, 41.

CAP. LIV. 1. *Ad consules subro-*

subrogandos venit. Comitia consulum fuere, quibus creati sunt L. Cornelius Merula et Q. Minucius Thermus. Postero die creati sunt prætores L. Cornelius Scipio, M. Fulvius Nobilior, C. Scribonius, M. Valerius Messalla, L. Porcius Licinus et C. Flaminius. Megalesia, ludos scenicos², C. Atilius Serranus, L. Scribonius Libo ædiles curules primi fecerunt. Horum ædiliū ludos Romanos primum senatus a populo secretus spectavit, præbuitque sermones³, sicut omnis novitas solet, aliis, *tandem, quod multo ante debuerit, tributum, censentibus, amplissimo ordini*; aliis, *demptum ex dignitate populi, quidquid majestati Patrum adjectum esset, interpretantibus, et omnia discrimina talia, quibus ordines discernentur, et concordie, et libertatis æque minuendæ esse*⁴. *Ad quingentesimum quinquagesimum*⁵ *octavum annum in promiscuo spectatum esse. Quid repente factum, cur*

gandos; vide ad II, 8, n. 4. — Venit. Pro vulgata olim lectione rediit, Drak. ex cod. Mogunt. recepit venit, quem omnes postea sequuti sunt. Ed.

2. *Megalesia, ludos scenicos, etc. vide ad II, 21, n. 1, et XXIX, 14, n. 9; unde constat, Megalesia, quæ aliis Megalensia dicantur, jam ante decennium facta fuisse: quod non adversatur iis, quæ h. l. tradit Livius. « Nam hic non dicit, hos ædiles tum primos Megalesia fecisse, sed primos Megalesia ludos scenicos fecisse, i. e. addidisse iis ludos scenicos, sine quibus antea agebantur: quod Valerium Antiatem triennio post in dedicatione ædis Matris Magnæ Idææ factum prodidisse, Livius, XXXVI, 36, refert. Cæterum errorem Gyraldi et Goveani, qui Megalenses et ludos Romanos eosdem esse putabant, jam castigarunt Voss. et Mur. » Duker. Conf. idem ad*

XXXVI, 36, et Wessel. Obs. I, 25.

— *C. Atilius, Serranus: prænomen primus addidit Frob. a. 1535. A. Atilius S. conj. Drak. ut indicetur A. Atilius, qui cum eodem Scribonio Libone prætor fuit (vid. XXXV, 10), non C. Atilius, qui XXIX, 23 memoratur, et sic novem demum annis post ædilitatem curulem obtinisset præturam. De Atilia gente ejusque cognomine Serranus vide ad Sil. VI, 62, et Periz. Anim. Hist. cap. 1, pag. 24 et 33. — Senatus a populo secretus; vide ad cap. 44, n. 4.*

3. *Præbuitque sermones (vide ad XXVI, 29, n. 2), sc. senatus, vel potius novitas e seqq. Conf. ad XXI, 43, n. 4.*

4. *Libertatis æque minuendæ esse: vide ad III, 24, n. 1.*

5. *Ad quingentesimum quinq. (vox a Glar. addita) octavum (sextum conj.*

immisceri sibi in cavea Patres plebem nollent? cur dives pauperem consessorem fastidiret? novam et superbam libidinem, ab nullius ante gentis senatu neque desideratam, neque institutam. Postremo ipsum quoque Africanum, quod consul auctor ejus rei fuisset, pœnituisse ferunt. Adeo, nihil motum⁶ ex antiquo, probabile est: veteribus, nisi quæ usus evidenter arguit, stari malunt.

LV. Principio anni, quo L. Cornelius, Q. Minucius consules fuerunt, terræ motus ita crebri nuntiabantur, ut non rei tantum ipsius, sed feriarum quoque ob id indictarum, homines tæderet. Nam neque senatus haberi, neque respublica administrari poterat, sacrificando expiandoque occupatis consulibus. Postremo, decemviris adire libros jussis¹, ex responso eorum supplicatio per triduum fuit. Coronati ad omnia pulvinaria² supplicaverunt; edictumque est, ut omnes, qui ex una familia essent, pariter supplicarent. Item ex auctoribus senatus consules edixerunt,

Sigon.) *annum*; conf. Val. Max. II, 4, n. 3.—*Immisceri sibi in cavea*, etc. vide ad XXIV, 39, n. 2.

6. *Adeo nihil motum* (forte *moveri*) *ex antiquo* (vide ad XXV, 16, n. 3), *probabile est* (vide ad II, 13, n. 6): *veteribus institutis moribusque, nisi quæ usus e. arguit*, quasi reprehendit, damnat, h. e. quæ mala noxiæque esse docet, *stari malunt* homines; vid. III, 36, n. 11. Hoc est præjudicium antiquitatis, quod scholis præcipue nocuit. — Ut nunc hæc verba leguntur, a se eorum sensum non satis intelligi, fatetur Doering. Explicat quidem, « itaque verisimile est. nihil ex antiquo mutatum esse »; sed primum id non verum arguit, deinde vix fert hanc explicationem usus particulæ *adeo*; denique

ea ipsa explicatio cum seq. sententia parum cohæret. Quare vir cl. Livium ex persona sua adjecisse hæc verba, tanquam epiphonema, arbitratur in hunc fere sensum: adeo homines adhærent antiquo! Et inde conjicit legendum: *adeo nihil, mutatum ex antiquo, probabile est! veteribus*, etc. id est, adeo nihil probatur, quod ex antiquo immutatum est! quod recedit ab antiquis moribus. *Adeo* inservit epiphonemati, ut apud Virgil. Georg. II, 272. Si quis *motum* malit retinere, intellige, *ex antiquo* loco. Ed.

CAP. LV. 1. *Decemviris adire libros jussis*; vide ad III, 10, n. 6.

2. *Coronati ad omnia pulvinaria supplicaverunt* homines, Romani; vide ad V, 13, n. 5, et XXIII, 11, n. 7.

ne quis, quo die, terræ motu nuntiato, feriæ indictæ essent, eo die alium terræ motum nuntiaret. Provincias deinde consules prius, tum prætores sortiti. Cornelius Galliam, Minucius Ligures sortiti³ sunt: C. Scribonius urbanam, M. Valerius peregrinam, L. Cornelius Siciliam, L. Porcius Sardiniam, C. Flaminus Hispaniam citeriorem, M. Fulvius Hispaniam ulteriorem.

LVI. Nihil belli eo anno expectantibus consulibus, literæ M. Cincii (præfectus Pisis erat) allatæ: *Ligurum viginti millia armatorum, conjuratione per omnia conciliabula universæ gentis facta, Lunensem primum agrum depopulatos¹, Pisanum deinde finem transgressos, omnem oram maris peragrasse*. Itaque Minucius consul, cui Ligures provincia venerat, ex auctoritate Patrum in Rostra adscendit², et edixit, *Ut legiones duæ urbanæ, quæ superiore anno conscriptæ essent, post diem decimum Arretii adessent. In earum locum se duas legiones urbanas scripturum*. Item sociis et latino nomini, magistratibus legatisque eorum,

3. *Sortiti sunt* forte additamentum correctoris, qui non videbat, proxime præcessisse *sortiti*, vel non intelligebat, omnia seqq. posse ab hoc verbo pendere, aut illud positum esse pro *sortiti sunt*. Easdem ob causas in cod. Mogunt. legitur *Cornelio Gallia, Minucio Ligures venerunt*. Conf. Gron. et Drak. — *Hispaniam ulteriorem*. Gronovius qui non ferre potest scriptoris nostri simplicitatem in repetendis vocibus, hic quoque repetitam vocem *Hispaniam* delendam censet. Ed.

CAP. LVI. I. *Viginti millia a... depopulatos et transgressos*; vide ad XXVII, 16, n. 2. — *Per omnia conciliabula*; vide ad XXV, 5, n. 3.

2. *In Rostra ascendit*, forte *escendit*; vide ad II, 7, n. 7. Sed nil interest. — *Item sociis et latino nomini, magistratibus* plerique MSS et edd. antt. *Sociis et latini nominis* cod. Mogunt. *Sociorum et latini nominis* MS Harl. *Sociis latini nominis magistratibus* vel *et magistratibus* etiam legi posse monet Drak. — *Qui milites dare debebant*: « Sigon. de Ant. Jur. Ital. I, 21, scribit, se his verbis duci ad opinandum, non omnes Italicos debuisse dare romanis milites. Si vera est, quod puto, sententia Lipsii de Mil. rom. I, 7, non omni anno omnibus sociis milites imperatos, sed in orbem itum fuisse, maxime si pauca

qui milites dare debebant, edixit, ut in Capitolio se adirent. Iis quindecim millia³ peditum et quingentos equites, pro numero cujusque juniorum, descripsit, et inde e Capitolio protenus ire ad portam, et, ut maturaretur res, proficisci ad delectum jussit. Fulvio Flaminioque terna millia romanorum peditum et centeni equites in supplementum, et quina millia socium latini nominis et duceni equites decreti; mandatumque prætoribus, ut veteres dimitterent milites, quum in provinciam venissent. Quum milites, qui in legionibus urbanis erant, frequentes tribunos plebis adissent, uti causas cognoscerent eorum, quibus aut emerita stipendia⁴, aut morbus causæ essent, quo minus militarent; eam rem literæ Ti. Sempronii discusserunt, in quibus scriptum erat, *Ligurum decem millia in agrum Placentinum venisse, et eum usque ad ipsa coloniarum mœnia et Padi ripas cum cœdibus et incendiis perpopulatos esse: Boiorum quoque gentem ad*

legiones scribendæ essent, locus de iis accipi potest, qui superioribus aliquot annis militem non præbuerant, ut anno priore, quo tantum octo legiones rom. fuerunt, c. 43. Nam non verisimile est, socios sine ulla intermissione continua stipendia facere coactos fuisse. Livius sæpe veteres exercitus dimissos dicit, quo nomine non dubium est etiam socios comprehendi. Et socii, quos paulo post ab Africano et Sempronio dimissos scribit, hoc anno militaturi non fuissent, nisi tumultus, quem memorat, intervenisset ». Duk.

3. *Iis quindecim millia*.... *descripsit*, ut al. *imperavit*, sed ita ut significetur simul, quot milites cuique civitati pro ratione et copia ejus sint sistendi vel a magistratibus, pro nu-

mero juniorum cujusque civitatis (quæ ellipsis dura est), conscribendi, quemadmodum similibus formulis, *describere civitatibus summas pecuniarum, vectigal*, etc. simul constitutum fuisse innuitur, quantum quæque civitas daret. Conf. Gron. et Drak. ad h. l. et Ernesti Clav. Cic. *Ex iis pro iis male quidam MSS et editi.*—*Pro numero cujusque juniorum*; quem consuli innotescere potuisse ex tabulis censoriis, putabat Lips. Mil. rom. I, 7: nam eas Romæ quoque fuisse, colligebat ex XXIX, 15 et 37. His vero locis non de omnibus sociis, sed de duodecim tantum coloniis agi, monet Duk.

4. *Aut emerita stipendia*, etc. vide ad IV, 26, n. 7.—*Discusserunt*, h. e. rejecerunt, irritam fecerunt. Cic. ad Quint. frat. II, 12, *rem totam discus-*

*rebellionem spectare. Ob eas res tumultum esse decrevit senatus*⁵: *tribunos plebei non placere causas militares cognoscere, quo minus ad edictum convenirent.* Adjecerunt etiam, ut socii nominis latini, qui in exercitu P. Cornelii, Ti. Sempronii fuissent, et dimissi ab iis consulibus essent, ut, ad quam diem L. Cornelius consul edixisset, et in quem locum edixisset Etruriæ, convenirent; et uti L. Cornelius consul, in provinciam proficiscens, in oppidis agrisque, qua iturus esset⁶, si quos ei videretur, milites scriberet armaretque et duceret secum; dimittendique ei, quos eorum quandoque vellet, jus esset.

LVII. Postquam consules, delectu habito, profecti sunt in provincias, tum T. Quintius postulavit, *ut de his, quæ cum decem legatis*¹ *ipse statuisset, senatus audiret, eaque, si videretur, auctoritate sua confirmaret. Id eos facilius facturos, si legatorum verba, qui ex universa Græcia et magna parte Asiæ, quique ab regibus venissent, audissent.* Hæ legationes a C. Scribonio prætore urbano in senatum introductæ sunt; benigneque omnibus responsum. Cum Antiocho quia longior disceptatio erat, decem legatis, quorum pars in Asia aut Lysimachiæ apud regem fuerant, delegata est. T. Quintio mandatum, ut, adhibitis iis,

seram, feceram, ut res tota rejiceretur. Ed.

5. *Tumultum esse decrevit senatus*, etc. vide ad II, 26, n. 1. — *Ad edictum convenirent*, scil. scripti milites; quod latet in præc. *causas militares*. Conf. ad V, 49, n. 5. *Conveniretur* cod. Mogunt. scilicet a scriptis militibus. In illo aliquid magis romanum agnoscebat Gron. Mox his ponitur et *ut* (vide ad XXII, 11, n. 2), et *edixisset*: nam in edictis omnia

planius accuratiusque definienda sunt. An utrumque glossatori tribuendum?

6. *In oppidis agrisque, qua iturus esset, si (forte del.) quos ei videretur* (vide ad I, 29, n. 4), *milites scriberet*: idem factum legimus XXXII, 26, at sine mentione S.Cti; sine quo tamen non videtur fieri potuisse; Duk.

CAP. LVII. 1. *Quæ cum decem legatis*, etc. vide ad XXXIII, 24 sq. — *Hæ legationes a C. Scribonio*, etc. vide ad III, 4, n. 2.

legatorum regis verba audiret, responderetque iis, quæ ex dignitate atque utilitate populi romani responderi possent. Menippus et Hegesianax², principes regiæ legationis erant. Ex iis Menippus, *Ignorare se*, dixit, *quidnam perplexi sua legatio haberet, quum simpliciter ad amicitiam petendam jungendamque societatem venissent. Esse autem tria genera fœderum, quibus inter se paciscerentur amicitias civitates regesque. Unum, quum bello victis dicerentur leges; ubi enim omnia ei, qui armis plus posset, dedita essent, quæ ex iis habere victos, quibus mulctari eos velit, ipsius jus atque arbitrium esse. Alterum, quum pares bello æquo fœdere in pacem atque amicitiam venirent; tunc enim repeti reddique per conventionem res, et, si quarum turbata bello possessio sit, eas aut ex formula juris antiqui, aut ex partis utriusque commodo componi. Tertium esse genus, quum, qui hostes nunquam fuerint, ad amicitiam sociali fœdere inter se jungendam coeant; eos neque dicere, neque accipere leges; id enim victoris et victi esse. Ex eo genere quum Antiochus esset, mirari se, quod³ Romani æquum censeant, ei leges dicere, quas Asiæ urbium liberas et immunes, quas stipendiarias esse velint; quas intrare præsidia regia regemque vetent. Cum Philippo enim hoste pacem, non cum Antiocho amico societatis fœdus ita sancendum esse.*

LVIII. Ad ea Quintius: « Quoniam vobis distincte
« agere libet, et genera jugendarum amicitiarum enu-

2. *Menippus et Hegesianax* et *Lysias* apud Appian. Syr. 6. — *Quidnam perplexi*; conf. ad XXXII, 33, n. 1. — *Inter se paciscerentur*. Pro *inter se* quod bene ad rem ex cod. Mogunt. receptum est, in aliis omnibus codicibus et veteribus editionibus

inepte, teste Doeringio, legitur *integre*. Ed.

3. *Mirari se, quod*, potius *quid vel qui*; Gron. Sed etiam *mirari quod* recte dici, docent Drak. ad II, 54, n. 8, et XXXVIII, 10, n. 1, et Periz. ad Sanct. Min. III, 14, pag. 501.

« merare, ego quoque duas condiciones ponam, extra
 « quas nullam esse regi nuntietis amicitiae cum po-
 « pulo romano jungendae. Unam, si nos nihil, quod
 « ad urbes Asiae attinet, curare velit, ut et ipse omni
 « Europa abstineat. Alteram, si se ille Asiae finibus
 « non contineat, et in Europam transcendat, ut et
 « Romanis jus sit, Asiae civitatum amicitias et tueri,
 « quas habeant, et novas complecti ». *Enimvero id
 auditu etiam, dicere, indignum esse, Hegesianax,
 Thraciae et Chersonesi urbibus arceri Antiochum;
 quae Seleucus proavus¹ ejus, Lysimacho rege bello
 victo et in acie caeso, per summum decus parta reli-
 querit; pari cum laude partim ab Thracibus possessa
 armis receperit Antiochus, partim deserta, sicut ip-
 sam Lysimachiam, et revocatis cultoribus frequenta-
 verit, et, quae strata ruinis atque incendiis erant, in-
 gentibus impensis aedificaverit. Quid igitur simile² esse,
 ex ea possessione, ita parta, ita recuperata, deduci
 Antiochum, et Romanos abstinere Asia, quae nun-
 quam eorum fuerit? Amicitiam Romanorum expetere*

CAP. LVIII. 1. *Quae Seleucus proavus* (propr. *abavus*) *ejus, Lysimacho... aedificaverit*; vide ad IV, 48, n. 3; XXXIII, 40, n. 3 et 6. Proprie h. l. dicendum erat: *quas Seleucus... partas... possessas... desertas... stratae*; et ita leg. suspicari malim, aut *oppidis pro urbibus*, quam cum Gron. *quae Seleucus... recepisse Antiochum... frequentasse... aedificasse*. Sed nil forte mutandum, et brevius *quae*, etc. in fervore orationis et affectu dictum pro: *arceri omnibus iis, quae*, etc. Verba *et locis post urbibus excidiisse* suspicabatur Crev. Similis vero anomaliae exempla laudavit Drak.—*Parta reliquerit*, scil. heredibus regni sui.

Ita Gron., Drak. et Ern. coll. Virgil. Georg. IV, 127 (ubi conf. Burm. sed et Heyn.). Enimvero non reliquit ea heredibus, sed possessionem eorum mox Ptolemæo cedere coactus est. Itaque expone: per summum decus pepererit, etsi mox neglexerit, omiserit, tueri omiserit (ut *facinus audacter ceptum timide relinquere* XLII, 16, n. 3, et al.), scil. occupatus rerum aliarum majorumque cura et bello cum Ptolemæo. Conf. mox n. 4 (ubi singula verba, etiam *deserere patrocinium*, id firmant), et sup. XXXIII, 40, ibique n. 4, 5 et 6.

2. *Quid igitur simile esse*; vide ad V, 51, n. 2.

Antiochum; sed quæ impetrata gloriæ sibi, non pudori, sit. Ad hæc Quintius, « Quandoquidem, inquit, « honesta pensamus³, sic ut aut sola, aut prima certe, « pensari decet principi orbis terrarum populo et tanto « regi; utrum tandem videtur honestius, liberas velle « omnes, quæ ubique sunt, Græciæ urbes, an servas « et vectigales facere? Si sibi Antiochus pulchrum esse « censet, quas urbes proavus belli jure habuerit, avus « paterque nunquam usurpaverint pro suis⁴, eas re- « petere in servitutem; et populus romanus, susce- « ptum patrociniū libertatis Græcorum non dese- « rere, fidei constantiæquæ suæ ducit esse. Sicut a « Philippo Græciam liberavit, ita et ab Antiocho Asiæ « urbes, quæ graii nominis sint, liberare in animo « habet. Neque enim in Æolidem Ioniamque⁵ coloniæ « in servitutem regiam missæ sunt; sed stirpis au- « gendæ causa gentisque vetustissimæ per orbem ter- « rarum propagandæ. »

LIX. Quum hæsitaret Hegesianax, nec infitiri posset, honestiorem causam libertatis, quam¹ servitutis, prætexi titulo; « Quin mittimus ambages, inquit P. Sul- « picius, qui maximus natu ex decem legatis erat. Al- « teram ex duabus conditionibus, quæ modo diserte

3. *Honesta pensamus*, consideramus, exigimus, respicimus. — *Decet pensari principi*, a principe o. t. populo; Drak.

4. *Quas urbes proavus belli jure habuerit, avus paterque nunquam usurpaverint pro suis... et (forte ut vel contra) populus rom., susceptum patrociniū l. G. non deserere, etc. conf. n. 1.*

5. *Neque enim in Æolidem Ioniamque, Asiam Minorem, a Græcis coloniæ in servitutem regiam missæ sunt, ut ei obnoxia fierent. De his colo-*

niis vid. Strab. lib. XIII, pag. 472 sq. lib. XIV, p. 938 sq. Herodot. I, 142 sq. Pausan. VII, 2 sq. Larcheri Chronol. Herod. cap. 14; Mannerti Geogr. V, VI, p. III, et multi historiæ, quæ vulgo universalis dicitur, auctores.

CAP. LIX. I. *Honestiorem causam libertatis quam servitutis prætexi titulo*, in titulum, ut sit titulus, prætextus; nisi potius del. *titulo*, vel leg. *honestiorem libertatis q. s. p. titulum*. — *Quin mittimus ambages*; vide ad XXVII, 49, n. 5, et XXX, 3, n. 3.

« a Quintio datæ² sunt, legite; aut supersedete de amicis agere. » « Nos vero, inquit Menippus, nec volumus, nec possumus pacisci quidquam, quo regnum Antiochi minuatur. » Postero die Quintius legationes universas Græciæ Asiæque quum in senatum introduxisset, ut scirent, quali animo populus romanus, quali Antiochus erga civitates Græciæ essent; postulata et sua, et regis exposuit. *Renuntiarent civitatibus suis, populum romanum, qua virtute quaque fide libertatem eorum a Philippo vindicaverit, eadem ab Antiocho, nisi decedat Europa, vindicaturum.* Tum Menippus deprecari³ et Quintium et Patres institit, *Ne festinarent decernere, quo decreto turbaturi orbem terrarum essent. Tempus et sibi sumerent, et regi ad cogitandum darent: cogitaturum, quum renuntiatae conditiones essent; et impetraturum aliquid, aut pacis causa consensurum*⁴. Ita integra dilata res est. Legatos mitti ad regem eosdem, qui Lysimachiæ apud eum fuerant, placuit, P. Sulpicium, P. Villium, P. Ælium.

2. *Diserte a Quintio datæ*; scribe *latæ*: ita enim loquebantur Livius et alii; Gron. probb. Crev. et Drak. Sed scriptores et variant orationem. — De solenni locutione, *conditiones ferre*, dubitare neminem nec opus esse, ut in re trita tam multa exempla congererentur a Gron. et Drak. monet Doering. qui non videre se fatetur, cur non recte quoque et apte ad rem *duas condit. alicui dare* explicari possit: duas condit. alicui concedere et proponere, sive, optionem alicui dare, ut ex duabus condit. alterutram eligat. Certe, ut *leges* non tantummodo *ferri*, sed nonnunquam etiam *dari* dicuntur; ita quoque *conditiones* non tantum *ferri*, sed etiam *dari* dici possunt. En.

3. *Menippus deprecari... institit*; vide ad XXIV, 26, n. 7.

4. *Pacis causa consensurum*, quidam MSS *concessurum* probb. Crev. — *Legatos mitti ad regem eosdem, qui Lysimachiæ apud eum fuerant, P. Sulpicium, P. Villium, P. Ælium.* Nota Dukeri est: « Quod inter hos *Sulpicium* et *Ælium* numerat, non satis liquidum est. P. Sulpicius fuerat inter decem legatos, ex quorum consilio Quintius Philippo pacem dedit, XXXII, 24. Ex his deinde P. Villius et L. Terentius ad Antiochum profecti sunt, et cum P. Lentulo et L. Cornelio Lysimachiæ cum Antiocho in colloquium venerunt, XXXIII, 35, 39; Polyb. XVIII, 31-35. Si verba eosdem, qui Lysimachiæ apud eum fue-

LX. Vixdum ii profecti erant, quum a Carthagine legati, bellum haud dubie parare Antiochum, Hannibale ministro, attulerunt, injeceruntque curam, ne simul et punicum bellum excitaretur. Hannibal, patria profugus, pervenerat ad Antiochum, sicut ante dictum est¹; et erat apud regem in magno honore, nulla alia arte, nisi quod volutanti diu consilia de romano bello nemo aptior super tali re particeps sermonis esse poterat. Sententia ejus una atque eadem semper erat, *ut in Italia bellum gereretur. Italiam et commeatus et militem præbituram externo hosti. Si nihil ibi moveatur, liceatque populo romano viribus et copiis Italiæ extra Italiam bellum gerere; neque regem, neque gentem ullam parem Romanis esse. Sibi centum tectas naves, et decem millia peditum, mille equites deposcebat. Ea se classe primum Africam petiturum. Magnopere confidere, et Carthaginienses ad rebellandum ab se compelli posse. Si illi cunctentur, se aliqua parte Italiæ bellum excitaturum Romanis. Regem cum cæteris omnibus² transire in Europam debere, et in aliqua parte Græciæ copias continere, neque trajicientem, et (quod in speciem famamque belli satis sit) paratum trajicere.*

runt, non adscripta sunt ab aliquo, qui legatos rom. Lysimachiæ cum Antiocho colloquutos fuisse meminerat, sed locum Liv. XXXIII, 39 non inspexerat, non video, quid dici possit, quo minus hoc quoque inter exempla negligentiae Livianæ referatur. Alter scrupulus est in eo, quod P. Ælium una cum Sulpicio ac Villio ad regem missum dicit. Nam XXXV, 13-15, tantum Sulpicium et Villium memorat. Forte librarii, quum in quibusdam libris pro P. Villium perperam scri-

ptum esset P. Ælium, ex uno legato duos fecerunt ». P. Ælium ignorat Hearnii L. 1, et multi MSS pro P. Villium habent P. Julium.

CAP. LX. 1. Sicut ante dictum est sup. XXXIII, 49.

2. Centum tectas naves (vide ad XXII, 19, n. 4), et decem (ita MS Mogunt. non sedecim, ut reliqui) millia, etc. conf. Justin. XXXI, 3, et Appian. Syr. 7.

3. Regem cum cæteris omnibus; forte viribus. — Neque, et non traji-

LXI. In hanc sententiam quum adduxisset regem, præparandos sibi ad id popularium animos ratus, literas, ne quo casu interceptæ palam facerent conata, scribere non est ausus. Aristonem quemdam¹ Tyrium, nactus Ephesi, expertusque solertiam levioribus ministeriis, partim donis, partim spe præmiorum oneratum, quibus etiam ipse rex annuerat, Carthaginem cum mandatis mittit; edit nomina eorum, quibus conventis opus esset²; instruit etiam secretis³ notis, per quas haud dubie agnoscerent sua mandata esse. Hunc Aristonem Carthagine obversantem⁴ non prius amici, quam inimici Hannibalis, qua de causa venisset, cognoverunt. Et primo in circulis conviviisque celebrata sermonibus res est; deinde in senatu quidam, *Nihil actum esse, dicere, exsilio Hannibalis,*

cientem, et paratum trajicere. Haud apte *at pro et conj.* Benedict. in Obs. ad quædam Livii loca, Torgav. 1804; quem libellum mihi non nisi ex ephemeridibus literariis innotuisse doleo.

CAP. LXI. 1. *Aristonem quemdam Tyrium*, qui fuit unus ex Hannibalis comitibus, vel potius negotiator, specie negotiationis missus, ut mercator quidam, a Pelopida ad Sphodriam ablegatus. Conf. Justin. XXXI, 4 pr. ibique Bernecc. Appian. Syr. 8; ubi vide Toll. et Plut. Pelop. pag. 285, A. B.—*Nactus* (vide supra ad librum V, cap. 45, n. 1), cod. Mogunt. Reliqui *natum*.

2. *Quibus conventis opus esset*, quos convenire, adire deberet, ut cum iis ageret de mandatis. Confer. ad XXX, 43, n. 4.

3. *Instruit etiam secretis notis*, etc. « Has Casaub. ad Æneam Tact. c. 31 esse dicit συνθήματα και γράμματα, a quibus nec epistolas excludit; et

Ernestius ad Val. Prob. de Notis rom. cap. 1, occultam rationem scribendi per notas, de qua vid. Suet. Cæs. 56, et Aug. 68. Sed literas Aristoni non datas fuisse, et Appian. l. 1. tradit et mox Livius. Crediderim potius, Aristonem ab Hannibale accepisse quædam, secretis colloquiis inter ipsum, quum adhuc Carthagine esset, et ejusdem factionis homines de republica et bello adversus Romanos tractata; quæ iis ab Aristone relata notæ et certissima argumenta essent, quibus ea, quæ Aristo dicturus erat, mandata Hannibalis esse agnoscerent, eo quod illa nemini præter Hannibalem nota esse sciebant. Hoc sensu *nota sæpe dicitur pro signo, indicio et argumento, quod fidem facit, ut nota amoris, benevolentia et humanitatis* apud Cic. et alios ». Duker.

4. *Carthagine obversantem*; vide ad XXIV, 23, n. 2.—*In circulis celebrata*; vide ad I, 4, n. 13, et

si absens quoque novas moliri res sollicitandoque animos hominum turbare statum civitatis posset. Aristonem quemdam, Tyrium advenam, instructum mandatis ab Hannibale et ab Antiocho rege, venisse: certos homines quotidie cum eo secreta colloquia serere, et in occulto colloqui, quod mox in omnium perniciem erupturum esset. Conclamare omnes, Vocari Aristonem debere, et quæri, quid venisset, et, nisi expromeret, cum legatis Romam mitti. Satis pro temeritate unius hominis suppliciorum pensum esse. Privatos suo periculo peccaturos. Rempublicam non extra noxam modo, sed etiam extra famam noxæ, conservandam esse. Vocatus Aristo purgare sese, et firmissimo propugnaculo uti, quod literarum nihil ad quemquam attulisset. Cæterum nec causam adventus satis expediebat, et in eo maxime hæsitabat, quod cum Barcinæ solum factionis hominibus colloquutum eum arguebant. Orta deinde altercatio est, aliis pro speculatore comprehendi jam et custodiri jubentibus, aliis negantibus tumultuandi causam esse. Mali rem exempli esse, de nihilo hospites corripit. Idem Carthaginiensibus et Tyri et in aliis emporiis, in quæ frequenter commeent, eventurum. Dilata eo die res est. Aristo, punico ingenio inter Pœnos usus, tabellas conscriptas celeberrimo loco supra sedem quotidianam magistratuum⁵ prima vespera suspendit. Ipse de tertia vigilia navem conscendit et profugit.

XXXIV, 37, n. 1. — *Et in occulto colloqui* forte glossa: certe verba a præcc. nil differunt. — Hæc verba, quum emendare liceat, cur delenda sint, non videt Walchius, pag. 243; aut cui placeat Drak. distinctio *et in occulto colloqui, quæ mox... eruptura essent*, quæ occultat, non sanat vi-

tium? scribendum igitur conjicit vir cl. *in occulto coqui, quod*, etc. nempe *coquere rem*, id est, clam moliri, parare, ratio loquendi Livio propria; conf. III, 36; VIII, 3. Ed.

5. *Sedem quotidianam magistratuum*, qui mox dicuntur *sufetes*; vide ad XXVIII, 37, n. 3. *Magistratus*

Postero die, quum sufetes ad jus dicendum consedissent, inspectæ tabellæ demptæque et lectæ. Scriptum erat, ARISTONEM PRIVATIM AD NEMINEM⁶, PUBLICICE AD SENIORES (ita senatum vocabant) MANDATA HABUISSE. Publicato crimine, minus intenta de paucis quæstio erat. Mitti tamen legatos Romam, qui rem ad consules et ad senatum deferrent, placuit; simul qui de injuriis Masinissæ quererentur.

LXII. Masinissa postquam et infames¹ Carthaginienses, et inter se ipsos discordes sensit, principes propter colloquia Aristonis senatui, senatum propter indicium ejusdem Aristonis populo suspectum; locum injuriæ esse ratus, agrum maritimum eorum et depopulatus est, et quasdam urbes vectigales Carthaginiensium sibi coegit stipendium pendere. Emporia vocant eam regionem. Ora est minoris Syrtis et agri uberis; una civitas ejus Leptis: ea singula in dies talenta vectigal Carthaginiensibus dedit. Hanc tum regionem et totam infestam Masinissa, et ex quadam parte dubiæ possessionis, sui regni, an Carthaginiensium esset, effecerat: et quia simul ad purganda² crimina, et questum de se Romam eos ituros comperit; qui et illa onerarent suspicionibus, et de jure vectigalium disceptarent, legatos et ipse Romam mittit. Auditi de Tyrio advena primum Carthaginienses curam injecere

male quidam libri. — *Quum sufetes ad jus dicendum consedissent*; vide ad III, 46, n. 6, et XXVIII, 37, n. 3.

6. *Aristonem privatim ad neminem*, etc. Minus verosimile est, quod Justin. XXXI, 4 scribit, eum in senatu interrogatum, ad quem missus esset, ita respondisse; Duker. — *Ad seniores; ita senatum vocabant*; vide ad I, 8, n. 9.

Cap. LXII. 1. *Masinissa, postquam*

et infames, etc. Conf. ad totum hoc cap. Polyb. XXXII, 2. — *Emporia vocant regionem*, etc. vide ad XXI, 60, n. 1. — *Regionem totam infestam effecerat armis*; vide ad I, 7, n. 7.

2. *Ad purganda crimina*; vide ad III, 19, n. 7; X, 13, n. 13. — *Illam crimina onerarent suspicionibus, ut mox ea suspicio crimen urgebat, et al. premere*; vid. IV, 12, n. 3, et XXI, 26, n. 9.

Patribus, ne cum Antiocho simul et Pœnis bellandum esset. Maximè ea suspicio crimen urgebat, quod, quem comprehensum Romam mitti placuisset, nec ipsum, nec navem ejus custodissent. De agro deinde cum regis legatis disceptari coeptum. Carthaginenses jure finium causam tutabantur, *quod intra eos terminos esset, quibus P. Scipio victor agrum, qui juris esset Carthaginensium, finisset*; et confessione regis, *qui, quum Aphirem³ profugum ex regno suo, cum parte Numidarum vagantem circa Cyrenas, persequeretur, precario ab se iter per eum ipsum agrum, tanquam haud dubie Carthaginensium juris, petisset. Numidæ, et de terminatione Scipionis⁴ mentiri eos, arguebant, et, si quis veram originem juris exigere vellet, quem proprium agrum Carthaginensium in Africa esse? Advenis, quantum secto bovis tergo amplexi loci potuerint, tantum ad urbem communendam precario datum. Quidquid Byrsam⁵ sedem suam*

3. *Quum Aphirem* (*Anthirem* cod. Mogunt.) *profugum ex regno suo*, etc. conf. Polybius, XXXII, 2, § 7, qui Ἀφθίραρον appellat hominem illum, qui a Masinissa defecerat, traditque Masinissæ a Pœnis negatum fuisse iter per agrum illum, a Romanis vero hunc omnem adjudicatum. — *Precario ab se iter petisset*; vide ad III, 47, n. 4. — *Tanquam haud dubie Carthaginensium juris*; malim *dubii*; Gron. Nil interest.

4. *De terminatione Scipionis*; vide ad I, 55, n. 3.—*Arguebant, insimulabant; vel dicebant: quæ certe verbi notio ad seqq. inde referenda. Conf. ad VIII, 2, n. 3. — Exigere*; vide ad VI, 4, n. 4.

5. *Advenis quantum secto bovis tergo Byrsam sedem*, etc. fabulosa

hæc est et satis nota narratio illa de origine Carthaginis, commentum Græcorum, qui *Byrsam*, arcem Carthaginis, a βοῦν βύρσα, bovina pelle, dictam fingeant; quum potius nomen et arcis et urbis ex Orientalium linguis repetendum fuisset, בִּצְרָה *Bosra* seu *Bysra*, et καρχηδονίας vitandæ causâ *Byrsa*, dicitur *munitionum*, locus munitus, arx; et קרתא חדתא Syris et Chald. (Καρχηδών, *Carthago*) *urbs nova*. Conf. ad Sil. I, 24 seq. Intpp. Justin. IX, 2, XVIII, 4, n. 6, et Vell. I, 6; Heyn. ad Virg. Æn. I, 365 sq. et in Exc. I ad Æn. IV, Schweigh. ad Appian. Pun. 1, 2 et 95; Valckenaeri diss. de Byrsa, Franq. 1737; Obs. Misc. Bat. I, 3, 306 sq. — *Quidquid*; vide ad VII,

*excesserint, vi atque injuria partum habere. Neque eum, de quo agatur, probare eos posse, non modo semper, ex quo cœperint, sed ne diu quidem eos possedisse. Per opportunitates, nunc illos, nunc reges Numidarum, usurpasse jus; semperque penes eum possessionem fuisse qui plus armis potuisset*⁶. *Cujus, conditionis res fuerit, prius quam hostes Romanis Carthaginienses, socius atque amicus rex Numidarum esset, ejus sinerent esse; nec se interponerent, quo minus, qui possent, tenerent. Responderi legatis utriusque partis placuit, missuros se in Africam, qui inter populum carthaginensem et regem in re præsentis disceptarent*⁷. Missi P. Scipio Africanus et C. Cornelius Cethegus et M. Minucius Rufus; audita inspectaque re, suspensa omnia, neutro inclinatis sententiis, reliquere. Id utrum sua sponte fecerint, an quia mandatum ita fuerit, non tam certum est, quam videtur tempori aptum fuisse, integro certamine eos relinquere⁸. Nam, ni ita esset, unus Scipio, vel notitia rei, vel auctoritate, ita de utrisque meritis, finire nutu disceptationem potuisset.

32, n. 3. — *Neque eum*, scilicet agrum.

6. *Qui plus armis potuisset*; vide ad V, 33, n. 3.

7. *In re præsentis disceptarent*, in ipso loco, ut in Gruteri inscr. CCIV, et inf. XL, 17 pr. et XLII, 23 pr. Hinc XXXVII, 56 pr. *quæ præsentis disceptationis essent*, quæ facile in ipso loco judicari possent et componi. — *Suspensa omnia reliquerunt*, ut al. *in suspensio relinquere*; vide ad II, 32, n. 5, et XXXIX, 29, n. 1.

8. *Integro certamine eos relinquere*:

Duk. malebat *certamini* (ita Lov. 3), ut XXVI, 2, et apud Ovid. Met. II, 186. — Vulgata Doeringio aptior videtur. Sensus est: dum certamen adhuc esset integrum, dum nulla adhuc de hoc certamine lata esset sententia. Ed. — *Vel notitia rei*: malim *notione*; vide ad XXVII, 25, n. 3. — *Nutu*, non multis verbis vel adeo precibus, sed sola voluntate et vel levisima ejus significatione, seu mandato. Magnifice, de tanto viro. Finge tibi nutum, qualis tribuitur dominis et Jovi.

T. LIVII PATAVINI
HISTORIARUM

AB URBE CONDITA

LIBER XXXV.

BREVIARIUM.

CAP. I; In Hispania citeriore res male gerit Sex. Digitius prætor, in ulteriore autem prospere P. Cornelius Cn. F. Scipio Nasica prætor; qui et pro prætore Lusitanos vincit. — II; C. Flaminius prætor, in Hispaniam citeriorem profecturus, tumultuarios ibi milites scribere jubetur. — III; In Liguria Q. Minucius consul novos et ex multis hominum generibus collectos milites Pisas ducit, sed in aciem exire non audet. — IV; Consul alter L. Cornelius Merula vastat agros Boiorum, — V; eosque ad Mutinam vincit. — VI; Idem comitiorum causa Romam arcesitur, et literis M. Claudii Marcelli legati arguitur in culpa fuisse, quod multi perierint milites, hostiumque exercitus non plane sit deletus. — VII; Feneratorum fraus et avaritia coercentur. In Hispaniis C. Flaminius et M. Fulvius prætores feliciter res gerunt. — VIII; L. Cornelius Merula consul frustra postulat, ut supplicatio triumphusque decernatur. — IX; Censura Sex. Ælii Pæti et C. Cornelii Cethegi. Inundatio Tiberis. Prodigia procurata. Ædicula Victoriæ Virginis dedicata a Catone; et colonia latina in agrum Thurinum deducta. — X; Consulatum, quem petunt multi et potentes patricii plebeiique, adipiscuntur L. Quintius Flamininus et Cn. Domitius Ahenobarbus; prætoresque creantur. Ædilitas insignis M. Æmilii Lepidi et L. Æmilii Paulli. — XI; Q. Minucius consul faucibus saltus, a Ligurum exercitu obsessis, liberatur fraude numidarum equitum. — XII; Ætoli et Græciæ gentes et Nabin, Philippum An-

tiocumque ad bellum Romanis inferendum incitant. — XIII; Nabis ad Gythium, et Antiochus ad Pisidas oppugnandos proficiscitur. — XIV; P. Villius, cum P. Sulpicio ad Antiochum missus, Ephesi sæpe congregitur cum Hannibale; qui ob id vilior fit regi et suspectior. In eadem legatione P. Scipionem Africanum fuisse tradit Claudius, ibidemque cum Hannibale sermonem de maximis imperatoribus contulisse. — XV; Rex certior factus de morte Antiochi filii, quem ipse veneno sustulisse credebatur, omissis, quod inchoaverat bello, mœstum Ephesum redit, ibique, per luctum regia clausa, cum Minione, princepe amicorum, secreta agitatur consilia. — XVI; Minio solus disceptat cum legatis Romanorum. — XVII; Hi omnium incerti Romam redeunt; iisque dimissis rex consilium habet de bello romano. — XVIII; Alexander Acarnan ejus gerendi non tam necessitatem, quam rationem edocet. — XIX; Hannibal vero, non adhibitus in consilium, purgat se, et scita oratione movet regem sibi que reconciliat. — XX; Romæ legiones et provinciæ magistratibus decernuntur. — XXI; Prodigiorum causa supplicatur. Q. Minucius Ligures fundit, et eorum castella vicosque pervastat. — XXII; A. Atilius prætor cum classe adversus Nabin mittitur, et consules Boiorum populantur agros. In utraque etiam Hispania C. Flaminius et M. Fulvius proconsules res prospere gerunt. — XXIII; Patribus vero minus curæ sunt bella, quæ geruntur, quam quod jam parari ab Antiocho et Ætolis rumores primum, deinde Attalus, Eumenis frater, mox alii atque alii nuntii afferunt. — XXIV; Hinc decernunt, ut legati in Græciam, legiones in Epirum, classisque in Siciliam mittantur, et comitia consularia primo quoque habeantur tempore. Consules (P. Cornelius Cn. F. Scipio et M. Acilius Glabrio) et prætores creantur. — XXV; Nabis agros vastat Achæorum; quorum in concilio bellum adversus eum decernitur et mandatur Philopœmeni prætori. — XXVI; Clarissimus hic imperator, sed rudis in re navali, occurrit modicæ Laconum classi, et quadriremi veteri vectus, quæ primo statim incursu ad novam hostium navem divellitur, vix in levi speculatoria nave effugit. — XXVII; Mox vero nocte comburit castra tyranni, ad Pleias posita, et depopulata Tripoli Laconica exercitum Lacedæmonem ducit; quo et Nabis, expugnato Gythio, cum expedito exercitu proficiscitur. — XXVIII; Mirabili, ut semper, solertia ducit agmen locaque capit et communit. — XXIX, XXX; Pugna bis orta, tyranni

exercitum in castra primum, et postero die in urbem compellit, multisque hostibus cæsis et agris eorum vastatis domum redit. — XXXI; Interea legati Romanorum circumeunt sociorum urbes. — XXXII; Ætoli magis in dies nudant defectionem, et Thoas, princeps eorum, Menippusque, legatus Antiochi, eam magnopere suadent in concilio Panætolico. — XXXIII; Atheniensibus et Quintio nequidquam Ætolos romanæ societatis admonentibus, decretum fit, quo arcessitur Antiochus ad liberandam Græciam. — XXXIV; Ætoli consilium capiunt, Demetriadem, Chalcidem Lacedæmonemque occupandi; et Diocles fraude expugnat Demetriadem. — XXXV; Alexamenus, a Nabide, tanquam dux auxiliorum, ab Ætolis missorum, benigne exceptus, eum interficit. — XXXVI; Tum ipse occupat regionem, et Ætoli, velut capta Lacedæmone, in prædam vertuntur. Qua rei indignitate moti Lacedæmonii Ætolos cum duce obtruncant; — XXXVII; et mox scita Philopœmenis oratione societati Achæorum adjunguntur. Iisdem diebus Thoas frustra Chalcidem aut dolo capere aut improvise opprimere conatur; — XXXVIII; et ad justum bellum oppugnationemque urbis munitæ haudquaquam par, infecta re, domum redit. — XXXIX; Quintius præsidium Chalcidem, sed frustra Villium Demetriadem mittit ad animos Magnetum tentandos. — XL; Boii Cn. Domitio se dedunt; et ager Ligurum late vastatur a L. Quintio. Vibonem colonia deducitur: et Roma terretur diutino terræ motu ingentique incendio. — XLI; Fama de Antiochi bello et cura Patribus in dies crescente, agitur de provinciis magistratum designatorum. Ædes duæ Jovi in Capitolio dedicantur; et judicia in feneratorum multa severe fiunt. — XLII; Thoas Ætulus iisdem mendaciis, quibus erexerat multorum in Græcia animos, Antiochi spem inflat; et prohibet, quo minus Hannibal ab eo classi præficiatur. — XLIII; Rex, Demetriadis defectione ab Romanis elatus, non ultra differre defectionem in Græciam constituit, et cum classe exercituque decem millium peditum Demetriadem, indeque Lamiam venit. — XLIV; Ibi in concilio orationem habet; — XLV; et, auctore Thoante, cui nequidquam contradicit Phæneas prætor, dux belli appellatur. — XLVI; Postero die consultat cum apocletis Ætolorum, unde bellum ordiatur, et primum Chalcidem, sed frustra, tentat. — XLVII; Deinde sollicitare placet Philopœmenem, Achæorum principem, Bœotorum gentem, et Amyndrum, regem Atha-

manum. — XLVIII; In Achaia, coram T. Quintio, Ægii concilium datur Antiochi Ætolorumque legatis, Menippo et Archidamo, qui in immensum extollunt vires regis, et Romanos ipsumque Quintium maledictis proscindunt. — XLIX; Is vaniloquorum hominum orationes refutat. — L; Achæi bellum regi Ætolisque indici jubent, et auxilia Athenas, ubi haud procul seditione res est, Chalcidemque mittunt. — LI; Antiochus tamen hoc Eubœæ caput, et mox Salganea aliasque ejus insulæ urbes expugnat.

I. **P** RINCIPIO anni, quo hæc gesta sunt, Sex. Digtius prætor in Hispania citeriore cum civitatibus iis, quæ post profectionem M. Catonis permultæ rebellaverant, crebra magis, quam digna dictu, prælia fecit, et adeo pleraque adversa, ut vix dimidium militum, quam quod acceperat¹, successori tradiderit. Nec dubium est, quin omnis Hispania sublatura animos fuerit, ni alter prætor P. Cornelius Cn. F. Scipio trans Iberum multa secunda prælia fecisset: quo terrore non minus quinquaginta oppida ad eum² defecerunt.

CAP. I. 1. *Vix dimidium militum, quam quod acceperat*: τὸ quod abest a MS Voss. et Harl. prob. Gron. Alii delent *quam*, et alii pro *quam quod* legendum putant *quos*. Mea qualicumque sententia nihil mutandum, et brevius illud dictum pro: *vix dimidio tantum militum (um die Hälfte so viel)*, quam id quod, h. e. quantum acceperat. Sic et XLV, 18 extr. et similiter XXXIV, 19, n. 1, *duplex stipendium*, duplo tantum (*noch einmal so viel*), quam quantum pepigissent. Conf. ad XXXII, 13, n. 5, et XXXIV, 52, n. 2. Vulgatum quoque a Benedicto (vide ad XXXIV, 60, n. 3) pluribus Livii aliorumque locis firmatum esse, ex ephemeridibus literariis cognovi. — *Sublatura animos*,

scil. de hoste vincendo; *tollere animos* dicuntur, qui ob rem feliciter tentatam ferocius in viribus suis fiduciam ponere incipiunt, ut notat Doering. Ed.

2. *Non minus quam quinquag. oppida*; vide ad III, 64, n. 5. — *Idem pro prætore Lusitanos*, etc. Nota Duk. est: « Recte Sigon. quod est prorogato ultra præturam prætorio imperio; idemque dicendum est de L. Valerio, Cn. Domitio, P. Cornelio et M. Bæbio, quorum illos XXXIV, 46, XXXVI, 36, XXXVII, 2, *proconsules*, hunc XXXVI, 8, *proprætorem* vocat, et de aliis, quos alibi, prætermissa mentione prorogati imperii *proconsulum* et *proprætorum* nominibus appellat. Etenim provinciæ et exerci-

Prætor hæc gesserat Scipio. Idem pro prætore, Lusitanos, pervastata ulteriori provincia³, cum ingenti præda domum redeuntes, in ipso itinere aggressus, ab hora tertia diei ad octavam incerto eventu pugnavit, numero militum impar, superior aliis: nam et acie frequenti armatis⁴ adversus longum et impeditum turba pecorum agmen, et recenti milite adversus fessos longo itinere concurrerat. Tertia namque vigilia exierant hostes. Huic nocturno itineri tres diurnæ horæ accesserant; nec ulla quiete data, laborem viæ prælium exceperat. Itaque principio pugnae vigoris aliquid in corporibus animisque fuit, et turbaverant primo Romanos; deinde æquata paulisper pugna est. In hoc discrimine ludos Jovi, si vi fudisset cecidissetque hostes, proprætor vovit. Tandem gradum acrius

tus sine imperio haberi non poterant; imperium autem cum magistratu fiebat: quare omnibus, quorum annus magistratus exierat, ut pro consulibus vel pro prætoribus rem gerere possent, prorogatio imperii necessaria erat. Sed quum Livius sæpe tradat, imperia quibusdam in provinciis, quibus præerant, vel ut aliis præessent, in annum prorogata fuisse, quæri potest, quid de his dicendum sit, qui anno priore in provinciis cum imperio fuerant, et exacto anno magistratus successores, qui provincias illas sortiti fuerant, sed plerumque multis rebus impediabantur, ne statim sortitione facta in eas proficisci possent, nondum acceperant. Livius quidem satis raram imperii his, quoad successores in provincias venissent, prorogati mentionem facit: sed tamen ex iis, quæ XL, 36, de P. Cornelio et M. Bæbio; XLI, 14, 21, de Ti. Sempronio et L. Cornelio, et XLII, 1, de M. Atilio prætoribus scribit, satis intelligitur,

his quoque, post relationem ad senatum de provinciis et post sortitionem provinciarum, imperia prorogata fuisse. Nec admodum vero dissimile est, id eadem lege, qua novis magistratibus imperium annuum in provinciis dabatur, factum esse ».

3. *Ulteriori provincia*, ult. Hispania. Conf. supra ad librum XXVIII, cap. 38, n. 4.

4. *Acie frequenti armatis*; vide ad X, 11, n. 3. — Sensus est: acie, frequenti armorum numero densata, acie densis ordinibus instructa, ut ait Doering. ejusmodi enim acies quamvis militum numero hosti impar, cum vi et successu in *longum et impeditum turba pecorum agmen* irrumpere potest. Ed. — *Itaque principio pugnae*, etc. Id est, exhausti viribus milites non diu pugnae laborem sustinere poterunt; quod ut planum fiat, legendum proponit Doering. *principio tantum pugnae*. Sic magis perspicua erit sententia. Ed.

intulere Romani, cessitque Lusitanus; deinde prorsus terga dedit: et, quum institissent fugientibus victores, ad duodecim millia hostium sunt cæsa; capti quingenti quadraginta, omnes fere equites; et signa militaria capta centum triginta quatuor. De exercitu romano, septuaginta et tres amissi. Pugnatum haud procul Ilipa urbe est. Eo victorem opulentum⁵ prædæ exercitum P. Cornelius reduxit. Ea omnis ante urbem exposita est; potestasque dominis suas res cognoscendi facta⁶. Cætera vendenda quæstori data: quod inde reffectum est, militi divisum.

II. Nondum ab Roma profectus erat C. Flaminius prætor¹, quum hæc in Hispania gerebantur. Itaque tam adversæ, quam secundæ res per ipsum amicosque ejus magnis sermonibus celebrabantur; et tentaverat, quoniam bellum ingens in provincia exarsisset, et exiguas reliquias exercitus ab Sex. Digitio, atque eas ipsas plenas pavoris ac fugæ accepturus esset, ut unam sibi ex urbanis legionibus decernerent: ad quam quum militem ab se ipso scriptum² ex senatusconsulto adjecisset, eligeret ex omni numero sex millia et quingentos pedites et equites trecentos. *Ea se legione (nam in Sex. Digitii exercitu haud multum*

5. *Opulentum prædæ, non prædæ* (ut IV, 34), omnes MSS et edd. vet. ante Ascens. Dicitio græca et doctior.

6. *Res cognoscendi*; vide ad III, 10, n. 1. — *Cætera vendenda quæstori data: quod inde reffectum est, militi divisum*; vide ad I, 53, n. 3, et X, 17, n. 5.

CAP. II. 1. *C. Flaminius*; cf. ad XXXIV, 55, 56. — *Tam adversæ res, a Digitio, quam secundæ, a Scipione gestæ, magnis sermonibus celebrantur*; vide ad IV, 34, n. 4.

2. *Militem ab se ipso scriptum*; vid. XXXIV, 56. — *Sex millia et D pedites et eq. CCC*: numerus admodum variat in libris. Conf. Duk. — Antea vulgabatur *tria millia*; at lectæ legionis numerus nimis sic exiguus foret. Constabat quidem tum temporis, ut observat Drak. unaquæque legio ex quinque tantum millibus peditum, et trecentis equitibus, sed legionum quoque, ultra solitum numerum nonnunquam auctarum passim fit mentio, verbi causa, supra, XXIX, 24. Ed.

spei esse) rem gesturum. Seniores negare, ad rumores, a privatis temere in gratiam magistratuum confictos, senatusconsulta facienda esse. Nisi quod aut prætores ex provinciis scriberent, aut legati renuntiarent, nihil ratum haberi debere. Si tumultus in Hispania esset³, placere, tumultuarios milites extra Italiam scribi a prætore. Mens ea senatus fuit, ut in Hispania tumultuarii milites legerentur. Valerius Antias et in Siciliam navigasse delectus causa C. Flaminium scribit, et ex Sicilia Hispaniam petentem, tempestate in Africam delatum, vagos milites de exercitu P. Africani sacramento rogasse⁴; his duarum provinciarum delectibus tertium in Hispania adjecisse.

III. Nec in Italia segnius Ligurum bellum crescebat. Pisas jam quadraginta millia hominum, affluente quotidie multitudine¹ ad famam belli spemque prædæ, circumsedebant. Minucius consul Arretium die, quem dixerat ad conveniendum militibus², venit. Inde quadrato agmine ad Pisas duxit; et, quum hostes mille passuum ab oppido trans fluvium movissent castra, consul urbem, haud dubie servatam adventu suo, est ingressus. Postero die et ipse trans fluvium fere quingentos passus ab hoste posuit castra. Inde levibus præliis a populationibus agrum sociorum³ tutabatur. In aciem exire non audebat, novo milite, et ex multis generibus hominum collecto necdum noto satis inter

3. Si tumultus in Hispania esset; vide ad II, 26, n. 1. — Tumultuarios milites; vide ad I, 37, n. 4.

4. Sacramento rogasse milites; vide ad II, 24, n. 7.

CAP. III. 1. Affluente quotidie multitudine; vide ad XXI, 38, n. 3.

2. Die, quem dixerat ad conveniendum milit., ut XXXIII, 13; XXXVI, 8; XLV, 12, al. edixerat ed. Ald. et

cætt. ante Drak. — Duxit; vide ad I, 23, n. 4. — Trans fluvium, Arnum vel Auserem; inter quos Pisas dicit sitas Plin. III, 5. Mox voc. consul forte delendum.

3. Agrum sociorum Pisanorum, qui et cap. 6 socii dicuntur; unde Noris. Cenot. Pis. I, 1, Pisas urbem foederatam fuisse colligit; Duk. — Necdum noto satis, etc. Sensum ita exponit

se, ut fidere alii aliis possent. Ligures multitudine freti et in aciem exibant, parati de summa rerum decernere⁴; et abundantes militum numero passim multas manus per extrema finium ad prædandum emittebant: et, quum coacta vis magna pecorum prædæque esset, paratum erat præsidium, per quod in castella eorum vicosque ageretur.

IV. Quum bellum Ligustinum ad Pisas¹ constitisset, consul alter L. Cornelius Merula per extremos Ligurum fines exercitum in agrum Boiorum induxit, ubi longe alia belli ratio, quam cum Liguribus, erat. Consul in aciem exibat, hostes pugnam detrectabant; prædatumque, ubi nemo obviam exiret, discurrabant Romani: Boii diripi sua impune, quam tuendo ea conserere certamen, malebant. Postquam omnia ferro ignique satis evastata erant, consul agro hostium excessit, et ad Mutinam agmine incauto, ut inter pacatos, ducebat². Boii, ubi egressum e finibus suis hostem sensere, sequebantur silenti agmine, locum insidiis quærentes. Nocte prætergressi castra romana saltum, qua transeundum erat Romanis, insederunt. Id quum parum occulte fecissent, consul, qui multa

Doering. « nec, ut alii aliis fidere possent, satis adhuc inter se noto ». Sic autem particulam *vix*, præter omnem vet. codd. auctoritatem in pluribus editt. ante *fidere* positam, superfluum plane esse pronuntiat. Nihilominus hujus particulæ patrociniū suscepit Creverius, lectionem eam veriorem et magis latinam appellans, quam sic interpretatur: *necdum satis noto*, id est, parum adhuc noto *inter se*, ita ut *vix fidere*, etc. En.

4. De summa rerum decernere; vid. supra ad librum III, cap. 5, not. 6,

et ad librum XXI, cap. 41, not. 2.

CAP. IV. 1. *Bellum Ligustinum constitisset*; vide ad XXI, 49, n. 1.

2. *Agmine incauto, ut inter pacatos, ducebat*; vide ad I, 23, n. 4, et VIII, 30, n. 7. — Codex Mogunt. addit *agros post pacatos*, quod Drakenb. alias tam strenuus codicis Mogunt. assertor, pro glossatoris alicujus additamento habet. Posse quidem recte cum Drak. ad *pacatos*, suppleri *populos* notat Doering. sed recte quoque se habere *pacatos agros*. Inf. XLIII, 4, *quieto exercitu pacatum agrum*

nocte solitus erat movere castra, ne nox terrorem in tumultuario prælio auget, lucem expectavit, et, quum luce moveret, tamen turmam equitum exploratum misit. Postquam relatum est, quantæ copiæ et in quo loco essent, totius agminis sarcinas in medium conjici jussit, et triarios vallum³ circumjicere; cætero exercitu instructo ad hostem accessit. Idem et Galli fecerunt, postquam apertas esse insidias, et recto, ac justo prælio, ubi vera virtus vinceret, dimicandum viderunt.

V. Hora secunda ferme concursus est. Sinistra sociorum ala et extraordinarii¹ prima in acie pugnabant. Præerant duo consulares legati, M. Marcellus et Ti. Sempronius, prioris anni consul. Novus consul nunc ad prima signa erat, nunc legiones continebat in subsidiis, ne certaminis studio prius procurrerent, quam datum signum esset. Equites earum extra aciem in locum patentem Q. et P. Minucios tribunos militum educere jussit: inde, quum signum dedisset, impetum ex aperto facerent². Hæc agenti nuntius venit a Ti. Sempronio Longo, *non sustinere extraordinarios impetum Gallorum, et cæsos permultos esse, et, qui supersint, partim labore, partim metu remi-*

peragravit. Ed. — *Multa nocte*; vide ad XXII, 52, n. 1.

3. *Triarios vallum circumjicere*, id est, circa sarcinas in medium depositas vallum jacere; ut vallo objecto sarcinæ in tuto essent, ac præsertim, ut haberent ii qui pugnaturi erant, quo se reciperent, si pellerentur; ea notante Greverio. Castris custodiendis *triarii* vulgo relinquebantur; vid. Lips. de Mil. rom. IV, Dial. 1. Ed.—*Aper- tas esse insidias suas, non amplius occultas.*

CAP. V. 1. *Sinistra sociorum ala et extraordinarii*; vide ad III, 5, n. 3, et XXV, 21, n. 4. Omnes MSS, præter Voss. et edd. vett. post *sociorum* addunt *equitum*: sed solos ibi pedites fuisse, e seqq. patere jam monuit Lips. Mil. rom. II, 7. Confer. et Schel. ad Polyb. cap. 12.

2. *Impetum ex aperto loco* (quem modo *patentem* dixerat) ut *facerent*, scil. jussit. Mutata constructio; nisi cum Gronovio leg. *facere*, scilicet *jussit*.

sisse ardorem pugnae. Legionem alteram ex duobus, si videretur, submitteret, prius quam ignominia acciperetur. Secunda legio missa est, et extraordinarii recepti. Tum redintegrata est pugna. Quum et recens miles, et frequens ordinibus legio successisset, et sinistra ala ex praelio subducta est; dextra in primam aciem subiit. Sol ingenti ardore torrebat minime patientia aestus corpora Gallorum³: densis tamen ordinibus nunc alii in alios, nunc in scuta incumbentes, sustinebant impetus Romanorum. Quod ubi animadvertit consul, ad perturbandos ordines eorum C. Livium Salinatorem, qui praerat alariis equitibus, quam coucitatisimos equos immittere jubet; et legionarios equites in subsidiis esse. Haec procella equestris primo confudit et turbavit, deinde dissipavit aciem Gallorum; non tamen, ut terga darent. Obstabant duces, hastilibus caedentes terga trepidantium, et redire in ordines cogentes: sed interequitantes alarii non patiebantur. Consul obtestabatur milites⁴, *Ut paululum adniterentur: victoriam in manibus esse. Dum perturbatos et trepidantes viderent, instarent. Si restitui ordines sissent, integro rursus eos praelio et dubio dimicatuos.* Inferre vexillarios iussit signa. Omnes connisi tandem averterunt hostem. Postquam terga dabant, et in fugam passim effundebantur, tum ad persequendos eos legionarii equites immissi. Quatuordecim milia Boiorum eo die caesa sunt; vivi capti mille nonaginta duo: equites septingenti viginti unus, tres duces

3. *Minime patientia aestus corpora Gallorum*; vide ad V, 44, n. 4. — *Alariis equitibus et legionariis*; vide ad XXV, 21, n. 4. — *Hastilibus caedentes*, petentes et ferientes, sc. punctim, non caesim; Ern.

4. *Consul obtestabatur milites*, etc. forte leg. *Consul obtestatus milites... dimicatuos, inferre*, etc. Gron. Possis et: *Ut inferre vexillarios iussit signa*, etc. Drak. De *vexillariis* vide ad Tacit. Ann. I, 17, n. 2.

eorum; signa militaria ducenta duodecim, carpenta sexaginta tria. Nec Romanis incruenta victoria fuit. Supra quinque millia militum, ipsorum aut sociorum, sunt amissa, centuriones tres et viginti, præfecti socium quatuor, et M. Genucius et M. Marcius, tribuni militum secundæ legionis.

VI. Eodem fere tempore duorum consulum literæ allatæ sunt, L. Cornelii de prælio ad Mutinam cum Boiis facto, et Q. Minucii a Pisis: *Comitia suæ sortis esse*¹. *Cæterum adeo suspensa omnia in Liguribus se habere, ut abscedi inde, sine pernicie sociorum et damno reipublicæ, non possit. Si ita videretur Patribus, mitterent ad collegam, ut is, qui profligatum bellum*² *haberet, ad comitia Romam rediret: si id facere gravaretur, quod non suæ sortis id negotium esset, se quidem facturum, quodcumque senatus censuisset; sed etiam atque etiam viderent*³, *ne magis e republica esset interregnum iniri, quam ab se in eo statu relinqui provinciam.* Senatus C. Scribonio negotium dedit, ut duos legatos ex ordine senatorio mitteret ad L. Cornelium consulem, qui literas collegæ ad senatum missas deferrent ad eum, et nuntiarent, *senatum, ni is ad magistratus subrogandos*

CAP. VI. 1. *Comitia suæ sortis esse* (ut mox *negotium suæ sortis*), eorum habendorum potestatem ac jus sibi sorte evenisse (vide ad X, 26, n. 4): nam consules initio jam magistratus inter se comparabant nonnunquam sortiebanturve, uter comitiis ejus anni præesset. Conf. ad cap. 20, n. 2; ad XXXIX, 6 pr. XXXIX, 32. Hæc vero et seqq. verba sunt Q. Minucii.

2. *Profligatum bellum*; vide ad III, 50, n. 5.

3. *Sed etiam atque etiam viderent*,

prospicerent, caverent, curarent, *ne magis e republica esset*, etc. vide ad I, 27, n. 5. Imperativus etiam et conjunctivus verbi *videre* seq. *ne* (*vide ne, videant ne*, ut et *videndum est ne*) ponitur pro *vereor*; quæ est elegans ratio, sub specie dubitationis modestæ et judicium alteri relinquendi, suam sententiam dicendi; Ern. in Clav. Cic. Conf. ad II, 40, n. 3, et XXVIII, 44, n. 6, et Duk. ad h. l. — Codd. omnes apud Hearn. Crev. et Drak. constanter servant *si magis*,

*Romam veniret, potius, quam Q. Minucius a bello integro avocaretur, interregnum iniri passurum. Missi legati renuntiarent, L. Cornelium ad magistratus subrogandos⁴ Romam venturum. De literis L. Cornelii, quas scripserat secundum praelium cum Boiis factum, disceptatio in senatu fuit, quia privatim plerisque senatoribus⁵ legatus M. Claudius scripserat, *Fortunae populi romani et militum virtuti gratiam habendam, quod res bene gesta esset. Consulis opera et militum aliquantum amissum, et hostium exercitum, cujus delendi oblata fortuna fuerit, elapsum. Milites eo plures perisse, quod tardius ex subsidiis qui laborantibus opem ferrent, successissent. Hostes e manibus emissos, quod equitibus legionariis et tardius datum signum esset, et persequi fugientes non licuisset.**

VII. De ea re nihil temere decerni placuit: ad frequentiores¹ consultatio dilata est. Instabat enim cura alia, quod civitas fenere laborabat; et quod, quum multis fenebris legibus constricta avaritia esset, via fraudis inita erat, ut in socios, qui non tenerentur iis legibus², nomina transcriberent: ita libero fenere ob RUEBANT debitores. Cujus coercendi quum ratio quæ-

quod recte defendi posse putat Doer. scilicet, ut exempla ad IV, 20, § 8, a Drak. collata docent, si sæpius pro an, annon, poni solet. Jungendum igitur et explicandum: « sed etiam atque etiam perpenderent, annon interregnum interea iniri magis fortasse, quam relinqui ab se in eo statu provinciam, esset e republica ». Ego tamen malo ne magis. Ed.

4. Ad magistratus subrogandos; vide ad II, 8, n. 4.

5. Plerisque... senatoribus scripserat; vide ad X, 13, n. 12.

CAP. VII. 1. Ad frequentiores, ad frequentiore senatum. Metellus, cap. 8, dicit, eo dilatam esse consultationem, ut præsentibus auctoribus earum literarum disceptaretur; Dukerus.

2. Via fraudis inita erat, ut in socios, qui non tenerentur iis legibus, etc. vide ad VII, 16, n. 1. — Libero fenere, legibus non circumscripto, quod pro arbitrio postulatur a creditoribus, quibus licebat exigere, quantum vellent. — Coercendi ratio; al. cernendi, prob. Ern. ut sit inspi-

reretur, diem finiri placuit Feralia³, quæ proxime fuissent, ut, qui post eam diem socii civibus romanis credidissent pecunias, profiterentur, et ex ea die pecuniæ creditæ, quibus debitor vellet legibus, jus creditori diceretur. Inde, postquam professionibus detecta est magnitudo æris alieni, per hanc fraudem contracti, M. Sempronius tribunus plebis ex auctoritate Patrum plebem rogavit, plebesque scivit, ut cum sociis ac nomine latino pecuniæ creditæ jus idem, quod cum civibus romanis, esset. Hæc in Italia domi militiæque acta. In Hispania nequaquam tantum belli fuit, quantum auxerat fama. C. Flaminius in citeriori Hispania oppidum Illuciam in Oretanis cepit; deinde in hiberna milites deduxit: et per hiemem prælia aliquot, nulla memoria digna, adversus latronum magis, quam hostium, excursiones, vario tamen eventu, nec sine militum jactura, sunt facta. Majores res gestæ a M. Fulvio. Is apud Toletum oppidum⁴ cum Vaccæis Vettonibusque et Celtiberis signis collatis dimicavit;

ciendi. Verum non ideo præcipue socii jussi sunt profiteri pecunias, quas civibus rom. ex Feralibus proximis credidissent, ut earum magnitudo nosceretur, sed ut ratio iniretur liberandi cives fenere, quo a creditoribus obruebantur; Drak. Vide ad VI, 27, n. 4.

3. *Diem finiri* (vid. X, 13, n. 13) placuit Feralia; dies festus et parental, vel, ut alii putant, dies festi, placandis Manibus sacri, a. d. VIII aut IX Cal. Mart. vid. Intpp. Cic. Ep. ad Attic. IX, 1 pr. et Ovid. Fast. II, 543-570; Plut. Quæst. Rom. cap. 34; Alex. ab Alex. Hier. gen. V, 26. — Varro de Ling. Lat. V, 3, pag. 46, hanc vocem derivat a *ferendo*; « quod ferunt tum epulas ad sepulcrum, qui-

bus jus ibi parentare ». Illum sequutus est Ovid. loco laudato. « Hanc, quia justa ferunt, dixere Feralia lucem ». En. — *Mox junge pecuniæ creditæ jus diceretur.* — Quibus debitor vellet legibus. Ex iis quæ præcedunt, apparere notat Creverius, legibus rom. circumscriptam esse fenerandi licentiam, et e re debitoris fuisse, ut secundum eas leges potius pecuniæ creditæ jus diceretur, sive judicarentur controversiæ de pecuniis creditis, quam secundum leges quibus socii latini nominis utebantur. Permissum igitur debitori, ut romanis vel latinis legibus ex arbitrio uteretur. En.

4. *Toletum oppidum* Carpetanorum in Hisp. Tarrac., hod. Toledo. — *Vettonibusque*, populo Lusitaniæ circa

exercitum earum gentium fudit fugavitque; regem Hilermm vivum cepit.

VIII. Quum hæc in Hispania gerebantur, comitiorum jam adpetebat dies ¹. Itaque L. Cornelius consul, relicto ad exercitum M. Claudio legato, Romam venit. Is in senatu quum de rebus ab se gestis disseruisset, quoque in statu provincia esset; questus est cum Patribus conscriptis, quod, tanto bello una secunda pugna tam feliciter perfecto, non esset habitus diis immortalibus honos. Postulavit deinde, ut supplicationem simul triumphumque decernerent. Prius tamen, quam relatio fieret, Q. Metellus, qui consul dictatorque fuerat, *Litèras eodem tempore, dixit, et consulis L. Cornelii ad senatum, et M. Marcelli ad magnam partem senatorum, allatas esse, inter se pugnantibus; eoque dilatam esse consultationem*², ut presentibus auctoribus earum literarum disceptaretur. *Itaque exspectasse sese, ut consul, qui sciret ab legato suo adversus se scriptum aliquid, quum ipsi veniendum esset, deduceret eum secum Romam; quum etiam verius esset, Ti. Sempronio imperium habenti tradi exercitum, quam legato*³. *Nunc videri esse amotum de industria, ne ea, quæ scripsisset, præsens di-*

Tagum, inter Durium et Anam. *Vettonibusque* præstantiores MSS et edd. Livii, Cæsaris, Plinii aliorumque. Sed *Ὀβίτρον* dicuntur Græcis, et *Vettones* in Gruteri Inscr. p. 383 et 591! Conf. ad Sil. III, 378.

CAP. VIII. 1. *Comitiorum adpetebat dies*; vide ad V, 19, n. 2.

2. *Eoque dilatam esse consult.*, vide ad I, 11, n. 6.

3. *Quum etiam verius esset* (vide ad II, 48, n. 2), *Ti. Sempronio imperium habenti tradi exercitum, quam legato*; vide ad XXIX, 6, n. 6. « Er-

go legati imperium non habebant? Atqui Scipionis legatus consularis erat, æque ac Marcellus. Sed responderi potest, Sempronio, qui anno prior consul fuerat, prorogatum esse imperium. Itaque et proconsul et legatus Corn. Merulæ erat ». Vales. « Quam sententiam etsi veram esse puto, tamen non magis intelligo, quomodo, qui ipse imperium habebat, consuli imperium habenti, cui itaque parere debebat, legatus esse potuerit, quam quomodo Pleminius, si imperium extraord. a populo acceperat, quod Pigh.

*ceret, aut argueret coram*⁴, et, si quid vani afferret, argui posset, donec ad liquidum veritas explorata esset. Itaque nihil eorum, quæ postularet consul, decernendum in præsentia censere. Quum pergeret nihil segnus referre⁵, ut supplicatio decerneretur, triumphantique sibi Urbem invehi liceret; M. et C. Titinii tribuni plebis, se intercessuros, si de ea re fieret senatusconsultum, dixerunt.

IX. Censores erant priore anno creati Sex. Ælius Pætus et C. Cornelius Cethegus. Cornelius lustrum condidit¹. Censa sunt civium capita centum quadraginta tria millia, septingenta quatuor. Aquæ ingentes eo anno fuerunt², et Tiberis loca plana Urbis inundavit. Circa portam Flumentanam etiam collapsa quædam ruinis sunt; et porta Cœlimontana fulmine icta

putabat (vide ad XXIX, 6, n. 6), legatus Scipionis fuerit ». Duker.

4. *Præsens diceret, aut argueret coram*, præsens probaret, aut ejus insinularet consulem, et, si quid vani afferret, posset argui, id probari, vel ipse vanitatis insinulari, accusari, vituperari. — Crever. locum sic eleganter emendat: *de industria, qui ea, quæ... diceret, et aut arg. coram, aut si*, etc. Lectionem qui ea defendit J. Fr. Gronovius, dum relativum eleganter nonnunquam pro *ne* vel simili particula poni, in edit. prim. ad h. l. et ad Senec. de Benef. II, 24, copiose docuit. En.

5. *Quum pergeret n. s. referre*; vide ad XXVI, 2, n. 3.

CAP. IX. 1. *Cornelius lustrum condidit*; vide ad I, 44, n. 3. — *Censa sunt civium capita CXLIII millia*, etc. vide ad XXXIX, 7, n. 1. *Ducenta pro centum conj.* Figh. in Ann. ad a. 559, pag. 268; quia ante decennium multo major numerus re-

feratur XXIX, 37, n. 4, isque successu temporis cum imperio crescere soleat. « Hoc quidem rationem habet; sed dubitatio oriri potest, an ibi potius corrupti sint numeri, quam h. l. namque XXVII, 36, tantum CXXXVIII millia eduntur, nec valde verisimile est, durante adhuc bello punico civium numerum quinque annis prope ad 80000 auctum fuisse. Verum nihil vitii in numero esse credo XXIX, 37, quia Livius in illa censura quasi extraordinarium memorat, quod censores per provincias dimiserunt, ut civium rom. in exercitiis numerus referretur. Dubitationem Fighii confirmat, quod sequente lustro 258000 censi sunt, XXXVIII, 36. Si Liv. XXXII, 7, numerum civium, qui ante quinquennium censi fuerant, retulisset, certius aliquid de hac re statui posset ». Duk.

2. *Aquæ ingentes eo anno fuerunt*, etc. vide supra ad librum XXIV, cap. 9, n. 4.

est; murusque circa multis locis de cælo tactus. Et Ariciæ et Lanuvii et in Aventino lapidibus pluit; et a Capua nuntiatum est, examen vesparum ingens in forum advolasse, et in Martis æde consedissee. Eas collectas cum cura, et igni crematas esse. Horum prodigiorum causa decemviri libros adire jussi³, et novemdiale sacrum factum, et supplicatio indicta est, atque Urbs lustrata. Iisdem diebus ædiculam Victoriæ Virginis, prope ædem Victoriæ, M. Porcius Cato dedicavit biennio post, quam vovit. Eodem anno coloniam latinam in agrum Thurinum triumviri deduxerunt Cn. Manlius Vulso, L. Apustius Fullo, Q. Ælius Tubero, cujus lege deducebatur⁴. Tria millia pedum iere, trecenti equites: numerus exiguus pro copia agri. Dari potuere tricena jugera in pedites, sexagena in equites. Apustio auctore tertia pars agri dempta est, quo postea, si vellent, novos colonos adscribere possent⁵. Vicena jugera pedites, quadragena equites acceperunt.

3. *Decemviri libros adire jussi*; vide ad III, 10, n. 6. — *Novemdiale sacrum*; vide ad I, 31, n. 3. — *Urbs lustrata*; vide ad I, 28, n. 2. — *Victoriæ Virginis*; conf. Sex⁹ Rufus et P. Victor. *Vict. Vietricis* conj. Ursin. ex denariis gentis Porciæ. Neutrum cognomen alibi obvium. — Præter morem nunc addi *Virginis* censet Doering. quia nempe Victoria, ut *Virgo alata*, laurum vel palmam in manu tenens, representari solet in veteribus monumentis; vid. *Mariett. Pier. grav.* tom. II, P. 1, pl. 118, et *Montfauc.* tom. I, pl. 208. Ne quis vero miretur *ædi Victoriæ*, quæ fuit in Palatiõ (XXIX, 14) adjectam fuisse *ædiculam*; supra quoque XXVI, 23, *Victoria* in culmine ædis Concordiæ

fulmine icta atque decussa in antefixis ad *Victorias*, hoc est, ad minora quædam Victoriæ signa, hæsisse dicitur. Conf. quæ ibi notantur, ad vol. V, pag. 159. Ed.

4. *Coloniam latinam in agrum Thurinum... deducebatur*; conf. XXXIV, 53. *Thurinum* ex emendat. certissima Sigon. pro antiqua lect. *Trentinum* et *Ferentinum*. Conf. Cluver. *Ital. ant.* III, 6. Pro *agrum* plerique MSS et edd. vett. *castrum*, non improb. Gron. et Duk. ut idem sit *pagus Thurinus* apud Suet. Oct. 2, et similiter dictum Cic. ad Attic. VIII, 12, *castrum Truentinum*.

5. *Quo novos colonos adscribere possent*; vide supra ad librum IV, cap. 25, n. 4.

X. In exitu jam annus erat, et ambitio magis, quam unquam alias, exarserat consularibus comitiis. Multi et potentes petebant patricii plebeique: P. Cornelius Cn. filius Scipio, qui ex Hispania provincia nuper decesserat magnis rebus gestis, et L. Quintius Flamininus, qui classi in Græcia præfuerat, et Cn. Manlius Vulso; hi patricii. Plebei autem C. Lælius, Cn. Domitius, C. Livius Salinator, M'. Acilius. Sed omnium oculi in Quintium Corneliumque coniecti; nam et in unum locum¹ petebant ambo patricii; et rei militaris gloria recens utrumque commendabat. Cæterum ante omnia certamen accendebant fratres² candidatorum, duo clarissimi ætatis suæ imperatores. Major gloria in Scipione, et, quo major, eo propior invidiam. Quintii recentior, ut qui eo anno triumphasset. Accedebat, quod alter decimum jam prope annum assiduus in oculis hominum fuerat; quæ res minus verendos magnos homines ipsa satietate facit: consul iterum post devictum Hannibalem censorque fuerat³. In Quintio nova et recentia omnia ad gratiam erant: nihil nec petierat a populo post triumphum, nec adeptus erat;

CAP. X. 1. *In unum locum*, ejusdem honoris (vide ad IV, 16, n. 5) obtinendi causa (nam alter consulum utique ex plebe creandus erat, vide ad VI, 35, n. 4), *petebant*, ut initio cap. *multi et potentes petebant*, scil. suffragia seu consulatum. (Sic et inf. cap. 24, n. 1; XXXVII, 47, n. 3, et al.) Durius certe *in unum* dictum pro *unum*. Suspicerer *hi pro in*, nisi eadem dictio repeteretur inf. cap. 24.

2. *Fratres candidatorum*; T. Quintius Flamininus et P. Cornelius Scipio Africanus; qui tamen illius Scipionis non *frater* germanus, sed patruelis erat. Conf. n. 4. Ita passim *frater* di-

citur. Confer. Drak. ad h. l. Intpp. Justini, XVII, 3; Gron. Obs. II, 6; Periz. Anim. Hist. cap. 3, pag. 106. Mox alii *major gloria Scipionis et eo propior invidiæ*. Confer. ad II, 48, n. 5.

3. *Consul iterum*, etc. ante *consul* excidisse videtur et; forteque leg. *hominum (quæ res... facit)*, et *consul... fuerat*.—*Minus verendos*, etc. Creverius observat hic a Livio adjici potuisse, quod Val. Maxim. testatur lib. II, cap. 4, eo alienatum esse a Scipione vulgi animum, quod auctor fuisset discernendi a populo senatus in ludis spectandis. En.

*pro fratre germano, non patruale*⁴, *se petere aiebat; pro legato et particeps administrati belli. Se terra, fratrem mari, rem gessisse.* His obtinuit, ut præferretur candidato, quem Africanus frater ducebat; quem Cornelia gens, Cornelio consule comitia habente; quem tantum præjudicium senatus, virum e civitate optimum judicatum, qui matrem Idæam Pessinunte venientem in Urbem acciperet. L. Quintius et Cn. Domitius Ahenobarbus consules facti. Adeo ne in plebeio quidem consule, quum pro C. Lælio niteretur, Africanus valuit. Postero die prætores creati L. Scribonius Libo, M. Fulvius Centumalus, A. Atilius Serranus, M. Bæbius Tampilus, L. Valerius Tappo⁵, Q. Salonius Sarræ. Ædilitas insignis eo anno fuit M. Æmilii Lepidi et L. Æmilii Paulli. Multos pecuarios damnarunt: ex ea pecunia clypeam inaurata in fastigio Jovis ædis posuerunt. Porticum unam⁶ extra portam Trige-

4. *Pro fratre germano, non patruale... Africanus frater patruelis; conf. n. 2.* — Ex vet. libro Sigonius edidit *Africanus fraterque*, h. e. L. Scipio, postea *Asiatici* cognomen adeptus; sed eam lectionem hic non locum habere censet Doeringius, quia modo dictum est *fratres candidat. duo clar. æt. suæ imperatores*; deinde quia paulo ante dixit Quintius se non, ut Africanus pro patruale, sed pro germano fratre petere; denique quia L. Scipio tum temporis nondum fuit is, cujus in commendando candidato aliquid valeret auctoritas. Ed.—*Frater ducebat*, ed. Grut. ult. et seqq. *deducebat*. Nil interest. Conf. ad VI, 34, n. 6. Romæ autem candidati die comitorum a cognatis aut amicis, populo gratiosis, in campum Martium deduci solebant, ut facilius votorum fierent compotes, et ab illis commen-

darentur adjuvanturve. Hinc mox *quem tantum præjudicium* (vide ad III, 40, n. 10) *senatus*, sc. ducebat, hoc est, commendabat sen adjuvabat (conf. Val. Max. IV, 5, n. 3, et sup. ad I, 33, n. 7), *virum e civitate*, civibus, *optimum... acciperet*; vide supra XXIX, 14. — *Matrem Idæam Pessinunte venientem*; vid. ad XXIX, 10, n. 6.

5. *L. Valerius Tappo* Drak. pro vulg. *Tappus*, quod tamen XXXVII, 57, et XXXVIII, 36, retinuit. — *Multos pecuarios damnarunt*; vide ad X, 23, n. 11. *Dannarunt* vero pro: effecerunt accusatione, ut in judicio populi damnarentur, quod patet ex XXXIII, 42. Sic et XXXVIII, 35, n. 4 et 5. Conf. ad VII, 16, n. 6. — *Clypea inaurata*; vide ad XXV, 39, n. 7.

6. *Porticum unam... emporio... a*

minam, emporio ad Tiberim adjecto; alteram a porta Fontinali ad Martis aram, qua in Campum iter esset, perduxerunt.

XI. Diu nihil in Liguribus dignum memoria gestum erat. Extremo ejus anni bis in magnum periculum res adducta est. Nam et castra consulis oppugnata, ægre sunt defensa; et non ita multo post, per saltum angustum quum duceretur agmen romanum, ipsas fauces exercitus Ligurum insedit. Qua quum exitus non pateret, converso agmine redire institit consul¹. Et ab tergo fauces saltus occupatæ a parte hostium erant, Caudinæque cladis memoria non animis modo, sed prope oculis, obversabatur. Numidas octingentos ferme equites inter auxilia habebat. Eorum præfectus consuli pollicetur, *Se parte, utra vellet, cum suis erupturum. Tantum uti diceret, utra pars frequentior vicis esset. In eos se impetum facturum, et nihil prius quam flammam tectis injecturum, ut is pavor cogeret Ligures excedere saltu, quem obsiderent, et discurrere ad opem ferendam suis.* Collaudatum eum consul spe præmiorum onerat. Numidæ equos conscendunt, et obequitare stationibus hostium, neminem lacescentes, cœperunt. Nihil primo adspectu contemptius. Equi hominesque paululi et graciles; discinctus et inermis eques², præterquam quod jacula secum portat; equi

porta Fontinali ad Martis aram in Campo Martio. Conf. XL, 45; Donat. Urb. rom. I, 21, III, 13; Nardin. Rom. vet. I, 9, VI, 7, VII, 9.

CAP. XI. 1. *Redire institit consul;* vide ad XXIV, 26, n. 7. Post *consul* excidit *sed*, aut potius more Livii per ἀσύνδετον omissum. Illud suspicabatur Gron., hoc Bauer. — Gronovii conjecturam, ut elegantem, probat

Doer. Ed. — *Mem. non an, modo, sed etiam imago pr. oculis obv.*, sc. similitudine rei præsentis, ut memoria quasi imago esset; Bauer.

2. *Discinctus eques*, veste laxiore aut fluente utens, more Afrorum molliumque hominum. Conf. ad Sil. II, 56; III, 236, et de toto h. l. Lips. Mil. rom. III, 8. — *Equi sine frenis:* quos virga regunt etiam nunc Mauri;

sine frenis, deformis ipse cursus rigida cervice et extento capite currentium. Hunc contemptum de industria augentes, labi ex equis³, et per ludibrium spectaculo esse. Itaque, qui primo intenti paratique, si lacesserentur, in stationibus fuerant, jam inermes sedentesque pars maxima spectabant. Numidæ adequitare, dein refugere, sed propius saltum paulatim evehi⁴; velut quos impotentes regendi equi invitos efferrent. Postremo subditis calcaribus inter medias stationes hostium erupere, et, in agrum latioremevecti, omnia propinqua viæ tecta incendunt. Proximo deinde vico inferunt ignem; ferro flammaque omnia pervastant. Fumus primo conspectus, deinde clamor trepidantium in vicis auditus, postremo seniores puerique refugientes tumultum in castris fecerunt. Itaque sine consilio, sine imperio, pro se quisque currere ad sua tutanda; momentoque temporis castra relicta erant, et obsidione liberatus consul, quo intenderat, pervenit⁵.

vide ad Sil. I, 215.—*Rigida cervice*, scil. capite ad terram demisso et extento, protento. Contra et *rigida cervix* dicitur, quæ nimis in tergum reclinata est; vide Ernest. ad Suet. Tib. 68, et Clav. Cic. voc. *obstipus*.

3. *Hunc contemptum de industria augentes labi ex equis* inverso dictum pro *augere* seu auxerunt *labendo*, aut *augentes* pro *aucturi*, ut augerent, quia volebant augere; Bauer. Forte leg. *Hunc contemptum ut de i. auferent, et labi*, etc.

4. *Propius saltum paulatim evehi*; at jam ipsi in saltu erant, quem consul cum exercitu rom. ingressus erat; unde puto, *saltum esse fauces saltus* ab Liguribus insessas et angustias aditus, sic ut *saltus Thermopylarum* XXXVI, 15, quem locum, cap. 16,

portas vocat; Duk.—Ad vocem *saltum* Doering. suppleri posse putat: quo eveherentur, hoc est, quo esset exitus. Ed. — *Equi invitos efferrent*, ut III, 5, 61; IV, 29. *Auferrent* conj. Gron. non improb. Drak. Confer. ad XXX, 18, n. 4. — Sane *auferri* sæpius dicuntur ii, qui vi quadam et impetu ita abripiuntur, ut resistere nequeant. Sed vulgatam defendit Doering. his exemplis: III, 5, *Furium longius extulit cursus*; et IV, 29, *Messium impetus extulit ad castra Volscorum*. Ed. — *Inter medias stationes hostium erupere*, ut III, 36; V, 46, al. *per medias* edd. ante Drak. *per intermissas st. h.* conj. Oudend. ad Frontin. Strat. I, 5, n. 16, prob. Duk.

5. *Quo intenderat iter, pervenire, pervenit*; vide ad IV, 19, n. 1.

XII. Sed neque Boii, neque Hispani, cum quibus eo anno bellatum erat, tam inimice infesti¹ erant Romanis, quam Ætolorum gens. Ii post deportatos ex Græcia exercitus primo in spe fuerant, et Antiochum in vacuam Europæ possessionem venturum; nec Philippum, aut Nabin quieturos. Ubi nihil usquam moveri viderunt, agitandum aliquid miscendumque rati, ne cunctando senescerent consilia, concilium Naupactum indixerunt. Ibi Thoas prætor eorum, conquestus injurias Romanorum statumque Ætoliæ, *quod omnium Græciæ gentium civitatumque inhonoratissimi*², *post eam victoriam essent, cujus causa ipsi fuissent*, legatos censuit circa reges mittendos, qui non solum tentarent animos eorum, sed suis quemque stimulis moverent ad romanum bellum. Damocritus ad Nabin, Nicander ad Philippum, Dicæarchus frater prætoris ad Antiochum est missus. Tyranno lacedæmonio Damocritus, *ademptis maritimis civitatibus enervatam tyrannidem*, dicere. *Inde militem, inde naves navalesque socios habuisse. Inclusum suis prope muris Achæos videre dominantes in Peloponneso. Nunquam habiturum recuperandi sua occasionem*³, *si*

CAP. XII. 1. *Tam inimice infesti* omnes fere MSS; forte et Mogunt. probb. Gron., Duk. et Cort. ad Sallust. Cat. XIX, 1. Hinc illud recepti pro vulg. *tam inimici infestique*; quod tamen firmari potest coll. XXII, 39, et XXVIII, 29. — *Agitandum aliquid*, turbandum, *miscendumque*; vide ad XXX, 32, n. 3; Cort. ad Sallust. Cat. XXXVIII, 3, et Jug. XLI, 10. — *Ne cunctando senescerent consilia* (vide ad I, 22, n. 3), *concilium Naupactum ind.* vide ad IV, 25, n. 4.

2. *Inhonoratissimi*, minimis, tenuis-

simis, nullis admodum præmiis ornati; Bauer. Conf. ad XXXVII, 54, n. 3. — *Circa reges legatos mittendos*; vide ad I, 4, n. 11. — *Suis quemque stimulis moverent*, rationibus cuique aptis, conditioni cujusque accommodatis, congruis. — *Dicæarchus frater prætoris* (Thoantis), etc. vide ad cap. 32, n. 2, ad XXXVI, 28, n. 2; Polyb. XVII, 10, § 9; XX, 10, § 5; XXII, 14, § 13.

3. *Nunquam habiturum recuperandi sua occasionem*: Gron. conj. n. h. suam occ. deleto voc. *recuperandi*, quod a Voss. MS abest, et interposi-

eam, quæ tum esset, prætermisisset. Nullum exercitum romanum in Græcia esse; nec propter Gythium, aut maritimos alios Laconas, dignam causam existimatos Romanos, cur legiones in Græciam rursus transmittant. Hæc ad incitandum animum tyranni dicebantur, ut, quum in Græciam Antiochus trajecisset, conscientia violatæ per sociorum injurias romanæ amicitiae, conjungeret se cum Antiocho. Et Philippum Nicander haud dissimili oratione incitabat. Erat etiam major orationi materia, quo ex altiore fastigio rex, quam tyrannus, detractus erat ⁴, quoque plures adeptæ res. Ad hoc vetusta regum Macedoniæ fama, peragratusque orbis terrarum victoriis ejus gentis referebatur. *Et tutum vel incepto, vel eventu se consilium afferre. Nam neque, ut ante se moveat Philippus, quam Antiochus cum exercitu transierit in Græciam, suadere; et, qui sine Antiocho adversus Romanos Ætolosque tam diu sustinuerit bellum, ei, adjuncto Antiocho, sociis Ætolis, qui tum graviores hostes, quam Romani, fuerint, quibus tandem viribus resistere Romanos posse?* Adjiciebat de duce Hannibale, nato adversus Romanos hoste, qui plures et duces et milites eorum occidisset, quam quot ⁵ superessent.

tum videri potest ex verbis extremis hujus cap. Conf. ad I, 56, n. 10. Idem Gron., nec non Duk. et Crev. mox tò propter ante Gythium delendum putabant. Forte leg. nec profecto Gythium, etc. Similiter, cap. 17, *parvas et vix dictu dignas belli causas tanto regi eas civitates esse. — Romanæ amicitia.* J. Fr. Gronov. tentat: *consc. viol. per soc. inj. rom.* (sc. amicitia) *amicitiam jungeret cum Ant.* Sed nostra lectio cod. Mogunt. firmata bene se habet. Eb.

4. *Detractus erat.* Doering. conjici-

ebat *detrusus vel dejectus erat*, sed nihil mutandum esse vidit ex loco inf. XXXVII, 45, *majestatem ab summo fastigio ad medium detrahi.* Eb. — *Peragratusque orbis*, etc. Exquisitum loquendi genus notat Doering. pro: et ejus gentis victoriis quæ terrarum orbem peragrassent, hoc est, per terrarum orbem celebratæ, referebantur. Eb. — *Et tutum vel incepto vel eventu*, forte *inceptu*: ut in Præf. *fadum inceptu, fadum exitu*; Ant. Periz. et Bauer.

5. *Plures quam quot superessent:*

Hæc Philippo Nicander. Alia Dicæarchus Antiocho, et omnium primum, *prædam de Philippo Romanorum esse dicere, victoriam Ætolorum, et aditum in Græciam Romanis nullos alios, quam Ætolos, dedisse; et ad vincendum vires eosdem præbuisse.* Deinde quantas peditum equitumque copias præbituri Antiocho ad bellum essent; quæ loca terrestribus copiis, quos portus maritimis. Tum de Philippo et Nabide libero mendacio abutebatur⁶: *paratum utrumque ad rebellandum esse, et primam quamque occasionem recuperandi ea, quæ bello amisissent, arrepturos.* Ita per totum simul orbem terrarum Ætoli Romanis concitabant bellum. Reges tamen aut non moti, aut tardius moti sunt.

XIII. Nabis extemplo circa omnes vicus maritimos dimisit, ad seditiones in iis miscendas; et alios principum donis ad suam causam perduxit, alios pertinaciter in societate romana manentes occidit. Achæis omnium maritimorum Laconum tuendorum a T. Quintio cura mandata erat. Itaque extemplo et ad tyrannum legatos miserunt, qui admonerent foederis eum romani¹, denuntiarentque, ne pacem, quam tantopere petisset, turbaret; et auxilia ad Gythium, quod jam oppugnabatur a tyranno, et Romam, qui ea nuntiarent, legatos miserunt. Antiochus rex, ea hieme Raphiæ in Phœnice² Ptolemæo regi Ægypti filia in

redundat quot, f. intrusum a librariis.

6. *Libero mendacio abutebatur*; vide ad XXIV, 22, n. 1, et XXVII, 46, n. 6.

CAP. XIII. 1. *Fœderis eum romani*, h. e. cum Romanis. — *Legatos miserunt* his in periodo repetitur; in priori loco τὸ miserunt delendum putabat Crev. sed cur non et τὸ legatos? in-

quit Doering. Cæterum in his, quas incuria fudit, maculis haud sollicitandam esse Livii orationem jam notavimus. Ed.

2. *Raphiæ in Phœnice*, cui etiam tribuitur a Strab. XVI, p. 759, etsi ab aliis Palæstinæ vel, cujus nomine ea quoque comprehenditur, Coelesyriæ; qui etiam docent, Raphiam seu

matrimonium data, quum Antiochiam se recepisset, per Ciliciam, Tauro monte superato, extremo jam hiemis Ephesum pervenit: inde principio veris, Antiocho filio misso in Syriam ad custodiam ultimarum partium regni, ne quid, absente se, ab tergo moveretur, ipse cum omnibus terrestribus copiis ad Pisdas, qui circa Sidam incolunt³, oppugnandos est profectus. Eo tempore legati romani P. Sulpicius et P. Villius, qui ad Antiochum (sicut ante dictum⁴ est) missi erant, jussi prius Eumenem adire, Elæam venire; inde Pergamum (ibi regia Eumenis fuit) escenderunt. Cupidus belli adversus Antiochum Eumenes erat, gravem, si pax esset, accolam tanto potentiorum regem credens; eundem, si motum bellum esset, non magis parem Romanis fore, quam Philippum

Rhaphæam (ita apud Plin. V, 13 seu 14) primam esse urbem, quæ proficientibus ex Ægypto in Cœlesyriam occurrat, parique intervallo XXII mil. pass. distare a Gaza et Rhinocorura vel potius *Rhinocolura* (vide ad XLV, 11), extremo opp. Ægypti versus Cœlesyriam, quod Strabo l. I. Palæstinæ, et Diodorus, I, 60, Ægypto assignant, et a naribus mutilatis latronum dicunt ita appellatum. Confer. Intpp. Steph. Byz. et Itin. Ant. p. 151 sq. Schweigh. ad Polyb. V, 80, § 3; V, 82, 85, 86; Noris. Epoch. Syr. Macc. V, 4, 2, pag. 518; Relandi Palæst. III, p. 967, 970; Hard. ad Plin. V, 13.

3. *Ad Pisdas, qui circa Sidam incolunt*, opp. in confinibus Pamphylie et Pisdie situm; unde etiam a Polyb. V, 73, Pisdie tribuitur, sed a Strab. XII, p. 569, et aliis Pamphylie. *Sidadam* emend. Jac. Gronov. putans, hoc esse opp. Pisdie, ab illo diver-

sum, et inde dictos *Sidensium agros* XXXVIII, 15 (ubi *Sidensium* edd. vett.); et *Selgam*, quæ haud dubie Pisdarum est, Gelen. et Sigon. *Sicam* et *Sitam* MSS. Confer. XXXV, 48; XXXVII, 23; Strab. XIV, p. 667; Schweigh. ad Polyb. V, 73, § 3, ad Appian. Pun. 123, et Hard. ad Plin. V, 26.

4. *Si ut ante dictum est* XXXIV, 59. — *Inde Pergamum escenderunt* ex emend. Gron. Conf. ad XXXIV, 28, n. 1. Plurimi MSS et edd. ant. *descenderunt*: quidam *adscenderunt*, prob. Gelen. quia ad mediterranea adscendatur. Pro *ibi* quidam MSS et edd. ante Ald. *ubi*. Utrumque ab aliquo adsumtum videtur, qui ignorabat, *regias* etiam XLIV, 46, Flor. II, 9, et al. urbes dici, in quibus sedes regum sunt; Duk. — *Gravem, si pax esset... credens*. Junge: *credens regem, tanto se potentiorum, gravem, si pax esset, accolam sibi fore*. Doc-

fuisset, et aut funditus sublatum iri, aut, si pax victo daretur, multa illi detracta sibi accessura; ut facile deinde se ab eo sine ullo romano auxilio tueri posset. Etiam, si quid adversi casurum foret⁵, satius esse romanis sociis quamcumque fortunam subire, quam solum aut imperium pati Antiochi, aut abnuentem vi atque armis cogi. Ob hæc, quantum auctoritate, quantum consilio valebat, incitabat Romanos ad bellum.

XIV. Sulpicius æger Pergami substitit. Villius, quum Pisidiæ bello occupatum esse regem audisset, Ephesum profectus, dum paucos ibi moratur dies, dedit operam, ut cum Hannibale, qui tum ibi forte erat, sæpe congrederetur; ut animum ejus et tentaret, si qua posset¹, et metum demeret periculi ei quidquam ab Romanis esse. His colloquiis aliud quidem actum nihil est: sequutum tamen sua sponte est, velut consilio petitum esset, ut vilior ob ea regi Hannibal et suspectior ad omnia fieret. Claudius, sequutus græcos Acilianos libros², P. Africanum in ea fuisse legatione tradit, eumque Ephesi colloquutum cum Hannibale. Et sermonem etiam unum refert, quo quærenti Africano, *quem fuisse maximum imperatorem Hannibal crederet?* respondisse, *Alexandrum*

ring. putat forte excidisse *tò se ante potentioorem*. Ed.

5. *Si quid adversi casurum foret*; vide ad VI, 42, n. 7.

CAP. XIV. 1. *Si qua posset*, sc. ratione, ut XLII, 46 extr. et al. — *Actum nihil est: sequutum tamen sua sponte est*: alterum est dele; Gron. Forte et leg. *effectum tamen*.

2. *Claudius, sequutus græcos Acilianos libros*, etc. vide ad XXV, 39, n. 6. — Livius non alium hujus histo-

riæ auctorem habuisse videtur: de qua etsi iudicium suum non interponit, tamen fictam ei visam fuisse; colligi potest ex XXXIV, 59, 62, coll. XXXV, 10, 20 et 12. Duk. ad Epit. Saltem inde patet, Africanum longe prius Romam rediisse, quam legatos ad Antiochum in Asiam missos. — *Et sermonem etiam unum refert*, etc. idem colloquium Scipionis cum Hannibale refert Appian. Syr. 10; et suo more exornavit Lucian.

Macedonum regem; quod parva manu innumerabiles exercitus fudisset, quodque oras, quas visere supra spem humanam esset, peragrasset. Quærenti deinde, quem secundum poneret? Pyrrhum, dixisse. Castra metari primum docuisse³. Ad hoc neminem elegantius loca cepisse, præsidia disposuisse: artem etiam conciliandi sibi homines eam habuisse, ut italicæ gentes regis externi, quam populi romani, tamdiu principis in ea terra, imperium esse mallent. Exsequenti, quem tertium duceret? haud dubie *semet ipsum* dixisse. Tum risum obortum Scipioni, et subjecisse⁴: « Quidnam tu diceres, si me vicisses? » « Tum « me vero, inquit, et ante Alexandrum, et ante Pyrrhum, et ante omnes alios imperatores esse. » Et perplexum punico astu responsum, et improvisum adsentationis genus Scipionem movisse, quod e grege se imperatorum velut inæstimabilem secrevisset.

XV. Villius ab Epheso Apameam processit. Eo et

Dial. Mort. XII. — *Quodque oras.* In quibusdam codd. ante *oras* additur *ultimas*, quod Drak. ut glossam rejicit; tuetur vero Doeringius, haud superfluum plane arbitratus: quæ quidem vox, si a Livio profecta esset, is potius scripturus fuisse videtur, *quodque oras, quas... esset, ultimas peragrasset.* Ed. — *Peragrasset*, ut XLV, 9. *Victorius peragrasset* conj. Crev. coll. cap. 12.

3. *Castra metari primum docuisse*, exemplo suo Pyrrhum Romanos, etc. Conf. Donat. in Terent. Eun. IV, 13, et Plut. Pyrrh. pag. 387. — *Neminem elegantius, prudentius, scitius, aptius, cum meliori judicio* (conf. cap. 31, forte et 37, 1, coll. Cic. Senect. 5, Verr. III, 60 al.), *loca cepisse*, ut apud Tacit. Agric. 22, non alium

ducem opportunitates locorum sapientius legisse. — *Præsidia disposuisse: malim et aciem d.* — *Exsequenti;* vide supra ad librum V, cap. 15, not. 8.

4. *Tum risum obortum Scipioni, et subjecisse* (vide ad XXIX, 15, n. 1), sc. eum. Ita passim casum pronomini, præcedente alio casu, supplementum esse, docent Duk. et Drak. Conf. ad XXVIII, 43, n. 6 (ubi genus loquendi nimis abruptum et lectio mutanda videbatur Gron.), et XXX, 42, n. 6. *Tum risu oborto Scipionem subjecisse* Lov. 2, et edd. Sigon. — *Perplexum*, hoc est, ambiguum; nimirum astute, ut observat Doering. Hannibal circuitione aliqua usus fuerat, ut eo gravius de Scipione iudicium subiceret. Ed.

Antiochus, audito Romanorum legatorum adventu, occurrit¹. Apameæ congressis disceptatio eadem ferme fuit, quæ Romæ inter Quintium et legatos regis fuerat. Mors nuntiata Antiochi, filii regis, quem missum paulo ante dixeram in Syriam, diremit colloquia. Magnus luctus in regia fuit, magnumque ejus juvenis desiderium. Id enim jam specimen sui dederat, ut, si vita longior contigisset, magni justique regis in eo indolem fuisse appareret. Quo carior acceptiorque omnibus erat, eo mors ejus suspectior fuit, gravem successorem eum instare senectuti suæ² patrem credentem per spadones quosdam, talium ministeriis facinorum acceptos regibus, veneno sustulisse. Eam quoque causam clandestino facinori adjiciebant, quod, quum Seleuco filio Lysimachiam dedisset³, Antiocho quam similem daret sedem, ut procul ab se honore eum quoque ablegaret⁴, non habuisset. Magni tamen luctus species per aliquot dies regiam tenuit; legatusque romanus, ne alieno tempore incommodus obversaretur⁵, Pergamum concessit. Rex Ephesum, omisso, quod inchoaverat, bello, rediit. Ibi, per luctum regia clausa, cum Minione quodam, qui princeps amicorum ejus erat, secreta consilia agitavit. Minio, ignarus omnium externorum, viresque æstimans regis ex rebus in Syria aut Asia gestis, non causa modo supe-

CAP. XV. 1. *Eo et Antiochus*.....
occurrit; vide ad XXI, 61, n. 1.

2. *Eum instare senectuti suæ*; vide ad III, 6, n. 5, et ad Juvenal. XIV, 248. — *Per spadones quosdam talium*, etc. conf. ad Tac. Ann. VI, 31, n. 7, XII, 66; Intpp. Curt. III, 12, n. 17, IV, 10, n. 19.

3. *Seleuco filio Lysimachiam d.*; vide ad XXXIII, 40, n. 6.

4. *Ut procul ab se honore eum quo-*

que ablegaret, vetus lectio, quam defendit Gron. Obs. IV, 16. *Per honorem* emend. Gelen. et Sigon. Ad structuram nil intererit; et *honoris specie* vel *per honoris speciem* frequentius est: sed et c. 17 (ubi vid. n. 2), *per jus* est id. qd. *per juris speciem*; Bauer.

5. *Incommodus obversaretur*; vide ad XXIV, 23, n. 2. — *Per luctum regia clausa*; vid. II, 18, n. 1, et V, 12, n. 6. — *Ex rebus in Syria aut Asia*

riorem esse Antiochum, quod nihil æqui postularent Romani, sed bello quoque superaturum credebat. Fugienti regi disceptationem cum legatis, seu jam experto eam minus prosperam, seu mœrore recenti confuso⁶, professus Minio, se, quæ pro causa essent, dicturum, persuasit, ut a Pergamō arcesserentur legati.

XVI. Jam convaluerat Sulpicius: itaque ambo Ephesum venerunt¹. Rex a Minione excusatus, et absente eo res agi cœpta est. Ibi præparata oratione Minio; « Specioso titulo, inquit, uti vos, Romani, græcarum « civitatum liberandarum video: sed facta vestra orationi non conveniunt; et aliud Antiocho juris statuistis², alio ipsi utimini. Qui enim magis Smyrnæi « Lampsaceni que Græci sunt, quam Neapolitani et « Rhegini et Tarentini, a quibus stipendium, a quibus « naves ex fœdere exigitis? Cur Syracusas atque in « alias Siciliae græcas urbes prætorem quotannis, cum « imperio et virgis et securibus, mittitis? Nihil aliud « profecto dicatis, quam armis superatis vos iis has « leges imposuisse. Eandem de Smyrna et Lampsaco « civitatibusque, quæ Ioniæ aut Æolidis sunt, causam « ab Antiocho accipite. Bello superatas a majoribus, « et stipendiarias ac vectigales factas³, in antiquum « jus repetit⁴. Itaque ad hæc ei responderi velim, si

gestis. De rebus, quas feliciter gessit Antiochus tam contra seditiosos populos, quam contra Ptolemæum Philopatorum, regem Ægypti, Polyb. IV et V, citat Doering. Ed.

6. *Mœrore recenti confuso*; vide ad VI, 34, n. 7.

CAP. XVI. 1. *Jam convaluerat Sulpicius: itaque ambo legati rom.*, Sulpicius Villiusque, *L. v.*; cf. c. 14 pr.

2. *Aliud Antiocho juris statuisti*: sane, quum sequatur *utimini*, neque res præterita, sed futura, et agenda etiam nunc, indicetur, rectius foret, ut Gron. legit, *statuistis*: nisi illud elapsum Livio dixeris; Bauer.

3. *Stipendiarias ac vectigales*; vide ad V, 10, n. 5.

4. *In antiquum jus, statum, vel ditionem, repetit*, revocat, revocare

« ex æquo deceptatur, et non belli causa quæritur ». Ad ea Sulpicius, « Fecit verecunde, inquit, Antiochus, qui, si alia pro causa ejus non erant, quæ dicerentur, quemlibet ista, quam se, dicere maluit. « Quid enim simile habet civitatum earum, quas comparasti, causa? Ab Rheginis et Neapolitanis et Tarentinis, ex quo in nostram venerunt potestatem, « uno et perpetuo tenore juris⁵, semper usurpato, « nunquam intermisso, quæ ex fœdere debent, exigimus. Potesne tandem dicere, ut ii populi non per se, non per alium quemquam fœdus mutaverint, sic « Asiæ civitates, ut semel venerunt in majorum Antiochi potestatem, in perpetua possessione regni vestri permansisse, et non alias earum in Philippi, « alias in Ptolemæi fuisse potestate, alias per multos « annos nullo ambigente libertatem usurpasse? Nam « si, quod aliquando servierunt, temporum iniquitate « pressi, jus post tot sæcula asserendi eos in servitute faciet; quid abest, quin actum nobis nihil sit, « quod a Philippo liberavimus Græciam⁶, et repetant « posteri ejus Corinthum, Chalcidem, Demetriadem « et Thessalorum totam gentem? sed quid ego causam « civitatum ago, quam, ipsis agentibus, et nos et regem ipsum cognoscere æquius est? »

vult; ut in *jus ditionemque* XXI, 61, n. 5; XXXII, 33, n. 10; XL, 35, n. 7; et in *jus judiciumque* XXXVI, 39, n. 3, XXXIX, 24, n. 3, XLI, 22.

5. *Perpetuo tenore juris*, eleganter pro: uno eodemque jure; nam quod unum eundemque modum servat, quod uno eodemque ordine procedit, nec ulla re interruptitur, ejus constantem et æquabilem continuationem dici *tenorem* monet Doering. Ed. — *Ut ii populi... fœdus mutaverunt re-*

cepi pro vulg. *mutaverint* ex MS Gaertn. et emend. Duk. qui jam monuit, ut hic esse pro quemadmodum, eique respondere *sic*. — *Jus post tot sæcula*, etc. Doering. ætates intelligit (γενεάς). Vide supra ad IX, 18, n. 10, t. III, pag. 49. Ed.

6. *Quod a Philippo liberavimus Græciam*: malim *liberavimus*: sed enim plurima sic mutanda sunt, ut paulo ante *ut semel venerint*, etc. 17, extr. *quam petierint*, vel *peterebant*; Bauer.

XVII. Vocari deinde civitatum legationes jussit, præparatas jam ante et instructas ab Eumene, qui, quantumcumque virium Antiocho decessisset, suo id accessurum regno ducebat¹. Admissi plures, dum suas quisque nunc querelas, nunc postulationes inserit, et æqua iniquis miscent, e disceptatione alterationem fecerunt. Itaque, neque remissa ulla re, neque impetrata, æque ac venerant, omnium incerti legati Romam redierunt. Rex, dimissis iis, consilium de bello romano habuit. Ibi alius alio ferocius; quia, quo quisque asperius adversus Romanos loquutus esset, eo spes gratiæ major erat. Alius superbiam postulatorum increpare, tanquam Nabidi victo, sic Antiocho, maximo Asiæ regum, imponentium leges. *Quantum Nabidi tamen dominationem² in patriam suam et patriam Lacedæmonem remissam. Antiocho si Smyrna et Lampsacus imperata faciant, indignum vi-*

Talia centies obvia in oratione obliqua.

CAP. XVII. 1. *Suo id accessurum regno ducebat*, putabat, sperabat. — *Nunc querelas, nunc postulationes inserit*: Baueri nota est: « Cui ergo orationi? At neque nominata hæc, etsi per διὰ νοίας suppleri hoc voc. e re ipsa possit: neque inserebantur ista orationi, sed eam constituebant. Legere possis *ingerit*, sc. regi ejusve legato, ut III, 68. Aut perturbatio brevitate oratio, explicanda, ac si foret: querelas postulationibus, postulationes querelis *inserit*, i. e. miscet. *Expostulationes* legit Drak. et mox *et æqua iniquis miscent* pro vulg. *æqua iniquis miscentes*. Illud certe non placet: nam et *expostulationes* idem significant, quod *querelæ*, et in seqq. *neque remissa ulla re, neque impetrata*, prius manifesto *querelas*, posterius, etsi per chiasmum, respi-

cit postulationes ». Recte, opinor: sed ad *inserit* e seqq. intell. *disceptationi*: ut et mox *ibi alius alio ferocius*, scil. *loquutus est* e seqq. Confer. ad XXI, 43, n. 4. Minus placet interpanctio Drak. *Ibi alius alio ferocius (quia... major erat), alius superbiam*, etc. ut vox *alius* ante *superbiam* vel delenda sit, vel propter hyperbaton sive alia interposita perspicuitatis causa repetita. — Walchius, Emend. pag. 214, censet verba *alius alio ferocius* respicere utrosque, et qui *superbiam* postulatorum increpabant, et qui dicebant parvas belli causas esse; nam ferociter agere potuerunt, ut opinatur, etiam qui pacem bello præferebant. Quare ita distinguendum jubet: *Ibi alius al. ferocius (quia... erat)*; *alius... increpare...; alii dicere parvas*, etc. Ed.

2. *Nabidi tamen dominationem...*

deri. Alii, *parvas et vix dictu dignas belli causas tanto regi eas civitates esse; sed initium semper a parvis injusta imperandi fieri*³: nisi crederent, *Persas, quum aquam terramque ab Lacedæmoniis petierunt, gleba terræ et haustu aquæ eguisse*⁴. *Per similem tentationem Romanis de duabus civitatibus agi*⁵; et *alias civitates, simul duas jugum exsuisse vidissent, ad liberatorem populum defecturas. Si non libertas servitute potior sit, tamen omni præsentī statu spem cuique novandi res suas blandiorem esse.*

XVIII. Alexander Acarnan in consilio¹ erat, Philippi quondam amicus, nuper relicto eo sequutus opulentiorē regiā Antiochi; et, tanquam peritus

remissam; vide ad XXXII, 2, n. 3.

3. *Parvas* quidem et *vix dictu dignas*... *sed initium semper a parvis injusta imperandi fieri* ex emend. probabili Rubenii, Gron. et Drak. probata, pro vulg. *sed i. s. per jus injusta impetrandi*. Bauer. hæc notavit: « De voc. *imperandi* probō; aptius enim videtur: certe Liv. *petendi* vel *postulandi* scripsisset. Nam ut *impetres*, ab alterius partis facilitate et patientia pendet. Sed voc. *injusta* utique poscere oppositum *ius* videtur, i. e. juris speciem; nisi contextus is sit, qui *parvarum rerum* mentionem faciat. Nam et præcedit *parvas belli causas*, et Persicæ postulationis similitudo *parva* commemorat. Euphonia quoque hanc lectionem commendat: sed contextus major vis est ». — Walchius, pag. 214, defendit lect. *per jus injusta* pro, *a parvis inj.* et putat displicere nemini posse, qui meminerit *per fidem* (per speciem fidei), *per causam*, et plurium similium loquendi rationum. Ed.

4. *Nisi crederent, Persas, Xerxem,*

quum aquam terramque ab Laced. petierunt (confer. ad cap. 16, n. 5), *gleba terræ et haustu aquæ eguisse*, nec potius hac formula indicasse omnia, quæ terra marique continerentur, vel deditionem totius regionis (conf. de more Persarum, γῆν καὶ ὕδωρ posseendi, loca Herodoti aliorumque laudata ab Intpp. Cart. III, 10, n. 8, et Brisson. de regno Pers. III, p. 330, et de form.): et similiter Romanorum postulata eo tantum spectare, ut duas illas civitates, nec potius, earum libertate, quod sperarent, denegata, plures liberarent, et regi Antiocho eriperent.

5. *Per similem tentationem a Romanis* (ut paulo ante *Antiocho imperata* pro *ab A. i.* conf. ad XXIV, 39, n. 8) *de duabus civitatibus agi*; et (forte at vel *sed*; vid. tamen XXXIII, 44, n. 4) *alias civitates*, etc. Mox forte leg. *Etsi non libertas*, etc.

CAP. XVIII. 1. *In consilio*. Multi dant *concilio*; male: jam sæpius errorem illum scribarum et editorum notaverunt viri docti. Scilicet *concilio*

Græciæ, nec ignarus Romanorum, in eum gradum amicitiae regis, ut consiliis quoque arcanis interesset, acceptus erat. Is, tanquam non, utrum bellandum esset, nec ne, consuleretur, sed ubi et qua ratione bellum gereretur, *Victoriam se haud dubiam proponere animo* affirmabat, *si in Europam transisset rex, et in aliqua Græciæ parte sedem bello cepisset. Jam primum Ætolos, qui umbilicum Græciæ² incolerent, in armis eum inventurum, antesignanos ad asperrima quæque belli paratos. In duobus velut cornibus Græciæ Nabin a Peloponneso concitaturum omnia, repetentem Argivorum urbem, repetentem maritimas civitates, quibus eum depulsum Romani Lacedæmonis muris inclusissent; a Macedonia Philippum, ubi primum bellicum cani⁴ audisset, arma capturum. Nosse se spiritus ejus, nosse animum: scire, ferarum modo, quæ claustris aut vinculis teneantur, ingentes jam diu*

(l'assemblée) adsunt, quibus capta consilia proponuntur, *consilio* (le conseil) vero, qui ipsis capiendis consiliis adhibentur. Ed. — *Acceptus erat*: del. erat; Duk. et Bauer.

2. *Ætolos, qui umbilicum Græciæ incolerent*; ἄμφωλον, h. e. τὸ μέσον, medium, centrum. Vulgo Græci opinabantur, Delphos esse umbilicum non Græciæ tantum, sed totius etiam orbis terrarum. Conf. XXXVIII, 48; XLI, 23, et de origine commenti Strab. IX, 3, n. 6, pag. 419, 420; Schol. et Gedike ad Pind. Pyth. IV, 7, VI, 3; Claudian. de Cons. Mall. Theod. prolog. 11 seq. et Intpp. Sophocl. OEd. Tyr. 480, et Eurip. Orest. 301, 592, et Ion. 223, 462. Eandem Judæorum veterumque Christianorum opinionem fuisse de Hierosolymis aut Golgotha (ut Athenien-

sium de Athenis et Paphiorum de Papho), eamque perversam esse, quia globus æqualem ubique superficiem habeat, et in terra quoque habitabili non facile punctum finiri possit, in quo undique deductæ pares lineæ concurrant, docet Cellar. Geogr. ant. lib. I, c. 4. Conf. Siebelis in notis ad Ἑλληνικά, pag. 153 sq.

3. *Antesignanos ad asperrima, etc.* vide ad II, 20, n. 3. — *Cornibus Græciæ, extremis partibus Peloponnesi et Helladis.* — Forsan alludit Noster ad dictum illud Demetrii Phal. qui Peloponnesum similem bovi aiebat, cujus velut cornua, Ithome et Acrocorinthus prominebant. Ed.

4. *Bellicum cani*; vide ad VII, 40, n. 4. — *Spiritus ejus*; vide ad XXX, 11, n. 3. — *Ferarum modo, quæ claustris, etc.* cf. XXXIV, 4, n. 15;

irās eum in pectore volvere. Meminisse etiam se, quoties in bello precari omnes deos solitus sit, ut Antiochum sibi darent adiutorem. Cujus voti si compos nunc fiat; nullam moram rebellandi facturum. Tantum non cunctandum, neque cessandum esse. In eo enim victoriam verti⁵, si et loca opportuna, et socii præoccuparentur. Hannibalem quoque sine mora mittendum in Africam esse ad distringendos Romanos.

XIX. Hannibal non adhibitus in consilium, propter colloquia cum Villio suspectus regi, et in nullo postea honore habitus; primo eam contumeliam tacitus tulit; deinde melius esse ratus, et percunctari causam repentinae alienationis, et purgare se, tempore¹ apto, quæsitā simpliciter iracundiæ causa auditaque, « Pater
« Hamilcar, inquit, Antioche, parvum admodum me,
« quum sacrificaret, altaribus admotum jurejurando
« adegit, nunquam amicum fore populi romani. Sub
« hoc sacramento sex et triginta annos militavi: hoc
« me in pace patria mea expulit²: hoc patria extor-
« rem in tuam regiam adduxit: hoc duce, si tu spem
« meam destitueris, ubicumque vires, ubi arma esse
« sciam, huc veniam, toto orbe terrarum quærens ali-
« quos Romanis hostes. Itaque, si quibus tuorum meis
« criminibus apud te crescere³ libet, aliam materiam

XXXVI, 7, n. 6; XLII, 59, n. 1.

5. In eo victoriam verti; vide ad III, 27, n. 6. — Ad distringendos Romanos, distrahendos, ut XLIV, 35. (*Diversion machen.*)

CAP. XIX. 1. Tempore apto; vide ad III, 9, n. 4. — Gronovius malit tempore capto, quod quidem bene Latinis dicitur, ut Græcis λαεσίῳ χαίρον; sed vulgatam vet. libr. auctoritate firmatam recte tuetur Doer. Ed. — Pater Hamilcar p. adm. me, quum

sacrificaret, etc. vid. XXI, 1, n. 4.

2. Hoc sacramentum me in pace patria mea carissima iuvtum expulit: male ed. Grut. extulit, quem tamen operarum errorem plures edd. adsciverunt. — Hoc sacramento duce πων-
τιχάστρον alicui posset videri, et malim hoc ducente; Gron. Sed confer. Drak. ad h. l. et XXXIX, 1, n. 4; Jensi lect. Lucian. I, 8. — Huc veniam, eo, illuc.

3. Meis criminibus apud te crescere.

« crescendi ex me quærant. Odi, odioque sum Roma-
« nis. Id me verum dicere, pater Hamilcar et dii testes
« sunt. Proinde, quum de bello romano cogitabis,
« inter primos amicos Hannibalem habeto. Si qua res
« te ad pacem compellet, in id consilium alium, cum
« quo deliberes, quærito ». Non movit modo talis ora-
tio regem, sed etiam reconciliavit Hannibali. Ex con-
silio ita discessum est, ut bellum gereretur.

XX. Romæ destinabant quidem sermonibus hostem Antiochum¹, sed nihildum ad id bellum præter animos parabant. Consulibus ambobus Italia provincia decreta est, ita ut inter se compararent sortirenturve, uter comitiis ejus anni præesset²: ad utrum ea non pertineret cura, ut paratus esset, si quo eum extra Italiam opus esset ducere legiones. Huic consuli permissum, ut duas legiones scriberet novas, et socium latini nominis viginti millia et equites octingentos. Alteri consuli duæ legiones decretæ, quas L. Cornelius consul superioris anni habuisset, et socium ac latini nominis ex eodem exercitu quindecim millia et equites quingenti³. Q. Minucio cum exercitu, quem

vide ad III, 19, n. 7, et XXIII, 48, n. 8. Mox rō quam ante *ex me* recte omisit Drak. ante enim Livius dixit *meis criminibus*; Bauer. — *Crescendi ex me*, id est, malo, quod mihi parant, mea pernicie. Sic apud Cic. pro Roscio Amer. 30, *accusarem alios, ex quibus, quorum damno, possem crescere*. Ed.

CAP. XX. 1. *Destinabant sermonibus hostem Ant.* conf. ad IX, 16, n. 11.

2. *Inter se compararent sortirenturve* (vide ad III, 2, n. 1) jam nunc, *uter comitiis ejus, hujus, anni consularibus prætorisque præesset*. Confe-

rendum mox n. 3, et ad cap. 6, n. 1.

3. *Ex eodem exercitu quindecim millia et equites quingenti*, omnes edd. ante Drak. *pedites* inserunt ante *quindecim millia*, quam locutionem non damnant Duk. et Drak. et Periz. ad Sanct. Min. IV, 8, pag. 709. Hic multis Livii locis docet, familiare ei esse, pro genitivo, qui vulgo partitionis dicitur, adhibere illum ipsum casum, quo numerus rei numeratæ exprimitur, vel genitivum subintelligi hoc modo *pedites quindecim millia hominum*. Illi supplent numero vel ad *quindecim millia hominum* (sic et Gron. de Pec. vet. I, 7), vel *quod*

in Liguribus habebat, prorogatum imperium. Additum, in supplementum ut quatuor millia peditum romanorum scriberentur et centum quinquaginta equites; et sociis eodem quinque millia peditum imperarentur, ducenti quinquaginta equites. Cn. Domitio extra Italiam, quo senatus censuisset, provincia evenit, L. Quintio Gallia et comitia habenda⁴. Prætores deinde provincias sortiti; M. Fulvius Centumalus urbanam, L. Scribonius Libo peregrinam, L. Valerius Tappo Siciliam, Q. Salonius Sarra Sardiniam, M. Bæbius Tamphilus Hispaniam citeriorem, A. Atilius Serranus ulteriorem. Sed his duobus primum senatusconsulto, deinde plebis etiam scito permutatæ provinciæ sunt, Atilio classis et Macedonia, Bæbio Bruttii decreti. Flaminio Fulvioque in Hispaniis prorogatum imperium. Bæbio Tamphilo in Bruttios duæ legiones decretæ, quæ priore anno urbanæ fuissent; et ut sociis eodem millia peditum quindecim imperarentur et quingenti equites. Atilius triginta naves quinqueres facere iussus, et ex navalibus veteres deducere, si quæ utiles essent, et scribere navales socios. Et consulibus imperatum⁵, ut ei duo millia socium ac latini nominis et mille pedites darent Romanos. Hi duo prætores et duo exercitus, terrestres navalisque adversus Nabin, aperte jam oppugnantem socios populi

attinet ad pedites. Hæc refert Duk. verba Livii, quæ laudavi ad III, 5, n. 9; XXI, 55, n. 5; XXVIII, 2, n. 2, et XXXV, 23, n. 2. Confer. tamen notas ad hæc loca, et ad XXVII, 16, n. 2, et XXXIX, 7, n. 1. *Peditum* emend. Gron. sed Drak. vocem *pedites* delevit, quam in nullo MS præter Lov. 5 invenit. — Et nos cum Doeringio quoque rō *pedites* delendum arbitramur. Ed.

4. *Gallia et comitia habenda*; conf. n. 2.

5. *Consulibus imperatum.* In antiquis editionibus vulgo edebatur *consuli imperatum, ut... daret*, sed quum non designaretur utri imperatum consuli; deinde cur uni tantum; hinc Aldus, probb. viris doctis, nostram lectionem ex cod. Mog. recepit. Ed. — *Exercitus terrestres navalisque*; vide ad XXVII, 1, n. 7.

romani, dicebantur parari. Cæterum legati ad Antiochum missi exspectabantur; et, prius quam ii redissent, vetuerat Cn. Domitium consulem senatus ab Urbe discedere.

XXI. Prætoribus Fulvio et Scribonio, quibus, ut jus dicerent Romæ, provincia erat, negotium datum, ut, præter eam classem, cui Atilius præfuturus erat, centum quinquèremes pararent. Prius quam consul prætoresque in provincias proficiscerentur, supplicatio fuit prodigiorum causa¹. Capram sex hœdos uno fetu edidisse, ex Piceno nuntiatum est; et Arretii puerum natum unimanum; Amiterni terra pluisse²; Formiis portam murumque de cælo tacta; et (quod maxime terrebat) consulis Cn. Domitii bovem loquutum, ROMA CAVE TIBI. Cæterorum prodigiorum causa supplicatum est; bovem cum cura servari aliique haruspices iusserunt. Tiberis, infestiore quam priore impetu³ illatus Urbi, duo pontes, ædificia multa, maxime circa portam Flumentanam, evertit. Saxum ingens, sive imbribus, sive motu terræ levioere, quam ut alioqui sentiretur, labefactatum, in vicum Jugarium ex Capitolio procidit, et multos oppressit. In agris passim inundatis pecua ablata, villarum strages facta est. Prius quam L. Quintius consul in provinciam perveniret, Q. Minucius in agro Pisano cum Liguribus signis colatis pugnavit: novem millia hostium occidit; cæteros fusos fugatosque in castra compulit. Ea usque in no-

CAP. XXI. 1. *Prodigiorum causa*, etc. vide ad I, 31, n. 1.

2. *Amiterni terra pluisse*: al. *terram*; vide ad III, 10, n. 4. — *Et (quod max. terr.) consulis Cn. Domitii bovem*. Sic locum hunc bene emendavit Pighius in *Annal.* ad ann. 561, quum antea sine sensu apto le-

geretur et, quod max. terrebat consulem Cn. Domitium, bovem, etc. Ed.

3. *Infestiore quam priore impetu*, proximo, anni prioris, seu proximi, de quo vid. c. 9. *Quam prius emend.* Gron. prob. Duk. *Anno post priore* inserebat Faber. — *Duo pontes*; vide ad III, 62, n. 4.

ctem magno certamine oppugnata defensaque sunt. Nocte clam profecti Ligures : prima luce Romanus vacua castra invasit. Prædæ minus inventum est, quod subinde spolia agrorum capta domos mittebant. Minucius nihil deinde laxamenti hostibus dedit. Ex agro Pisano in Ligures ⁴ profectus, castella vicosque eorum igni ferroque pervastavit. Ibi præda etrusca, quæ missa a populatoribus fuerat, repletus est miles romanus.

XXII. Sub idem tempus legati ab regibus ¹ Romam reverterunt. Qui quum nihil, quod satis maturam causam belli haberet, nisi adversus lacedæmonium tyrannum, attulissent, quem et Achæi legati nuntiabant contra foedus maritimam oram Laconum oppugnare ; Atilius prætor cum classe missus est in Græciam ad socios tuendos. Consules, quando nihil ab Antiocho instaret, proficisci ambo in provincias placuit. Domitius ab Arimino, qua proximum fuit, Quintius per Ligures in Boios venit. Duo consulum agmina diversa ² late agrum hostium pervastarunt. Primo equites eorum pauci cum præfectis, deinde universus senatus, postremo in quibus aut fortuna aliqua, aut

4. *Ex agro Pisano in Ligures* Apuanos. Conf. XXXIX, 32 ; XL, 41.

CAP. XXII. 1. *Ab regibus*, Antiocho et Eumene; vide cap. 13. — *Legati nuntiabant*. Ex ult. Gruteri editione vulgabatur, *annuntiabant*, sed alteram lectionem exhibent codd. *Annuntiare*, ut observant grammatici, dicitur de rebus futuris vel instantibus, *nuntiare*, de rebus, quæ afferuntur ex longinquo. Ed.

2. *Duo consulum agmina diversa*, etc. vide ad III, 60, n. 1. Nota Glar. est: « Quæ Livius hic de consulum in

Boios profectione narrat, eadem, etsi paulo diversius, refert cap. 40. Porro quæ de M. Fulvio Nobiliore, ulterioris Hispaniæ prætoris, cap. 7, narravit, hic prope eadem repetit, sc. de Toleto ac Vettonibus. Non est mihi dubium, tanta rerum gestarum mole ingentique scriptorum multitudine Livii memoriam obrutam: nec id mirandum, præsertim in homine sene. Similium in Livio repetitionum exempla vide ad XXXVI, 21, n. 4; XLV, 15, n. 8, et apud Periz. Anim. Hist. cap. 4, pag. 173.

dignitas erat, ad mille quingenti³ ad consules transfugerunt. Et in utraque Hispania eo anno res prospere gestæ. Nam et C. Flaminius oppidum⁴ Litabrum, munitum opulentumque, vineis expugnavit, et nobilem regulum Corribilonem vivum cepit; et M. Fulvius proconsul cum duobus exercitibus hostium duo secunda prælia fecit; oppida duo Hispanorum, Vesceliam Holonemque⁵, et castella multa expugnavit: alia voluntate ad eum defecerunt. Tum in Oretanos progressus, et ibi duobus potitus oppidis, Noliba et Cusibi, ad Tagum amnem ire pergit. Toletum ibi parva urbs erat, sed loco munito. Eam quum oppugnaret, Vettonum magnus exercitus Toletanis subsidio venit. Cum his signis collatis prospere pugnavit, et, fuis Vettonibus, operibus Toletum cepit.

XXIII. Cæterum eo tempore minus ea bella, quæ gerebantur, curæ Patribus erant, quam exspectatio nondum cæpti cum Antiocho belli. Nam etsi per legatos idem omnia explorabantur, tamen rumores, temere sine ullis auctoribus orti, multa falsa veris miscebant. Inter quæ allatum erat, quum in Ætoliā venisset Antiochus, extemplo classem eum in Siciliam missurum. Itaque senatus, etsi prætorem Atilium cum classe miserat in Græciam, tamen, quia non copiis modo, sed etiam auctoritate opus erat ad tuendos

3. *Ad mille quingenti*; vide ad IV, 59, n. 4.—*M. Fulvius proconsul*, qui anno priore prætor fuerat; vide ad XXVIII, 38, n. 4.

4. *Oppidum Litabrum* Ortel. in *Thes. Geogr.* docet, *Moralem* legere *Britabrum*, qui locus est juxta Segoviam.—*M. Fulvius proconsul*, immo *proprætor*, ut XXXVI, 2; nam ex XXXIV, 55, et XXXV, 20, patet, eum prætorem obtinuisse Hispaniam

ulteriorem, et imperium ei anno seq. prorogatum fuisse; Duk. Sed vide ad XXVIII, 38, n. 4.

5. *Vesceliam Holonemque*, in multis MSS *Helonemque*; unde Jac. Gron. emend. *Belonemque*, de quo Bæticæ maritimæ oppido vid. Voss. ad *Mel.* II, 6, et Hard. ad *Plin.* III, 1. Illud nimium distare ab *Oretanis*, monet *Crev.* De *Toleto* et *Vettonibus* vide ad cap. 7, n. 4.

sociorum animos¹, T. Quintium et Cn. Octavium et Cn. Servilium et P. Villium legatos in Græciam misit; et, ut M. Bæbius ex Bruttis ad Tarentum et Brundisium promoveret legiones, decrevit, ut inde, si res posceret, in Macedoniam trajiceret; et ut M. Fulvius prætor classem navium viginti mitteret ad tuendam Siciliae oram; et ut cum imperio esset, qui classem eam duceret (duxit L. Oppius Salinator, qui priore anno ædilis plebis fuerat); et ut idem prætor L. Valerio collegæ scriberet, *Periculum esse, ne classis regis Antiochi ex Ætolia in Siciliam trajiceret: itaque placere senatui, ad eum exercitum, quem haberet, tumultuariorum militum ad duodecim millia et quadringentos equites² scribere eum, quibus oram maritimam provinciae, qua vergeret in Græciam, tueri posset.* Eum delectum prætor non ex Sicilia ipsa tantum, sed etiam ex circumjacentibus insulis habuit; oppidaque omnia maritima, quæ in Græciam versa erant, præsiidiis firmavit. Addidit alimenta rumoribus

CAP. XXIII. 1. *Ad tuendos sociorum animos*, alendos, sustentandos: nisi potius leg. *tenendos* (in fide); Gron. probb. Duk. et Gron. Conf. ad XXII, 22, n. 9.—*Tuendos*. Doering. interpretatur, sociorum animos custodire et observare, ne a fide et officio recedant. Ipsi tamen valde arridet Gronovii, vel potius Tan. Fabri conjectura, *ad tenendos*. Ed. — *Legatos*; vide ad XXXVI, 1, n. 4.—*Ut inde, si res posceret.... et ut M. Fulvius*. Creverio displicet repetita particula *ut*, quæ a quibusdam codd. abest. Hujus tamen particulae repetitionem diligentiae, qua sigillatim quæque imperantur, bene convenire existimat Doering. Ed. — *Classem navium viginti* e MS Mogunt. et multis aliis

h. l. et cap. 24, pro vulg. *c. n. triginta* recepi, mirorque idem haud fecisse Drak., qui tamen hanc lect. ex XXXVI, 2, probabilem fieri monet, et ubi vis fere codicem Mogunt. sequitur.

2. *Tumultuariorum militum* (vide ad I, 37, n. 4) *ad duodecim millia et CCC equites*: post *millia* in plerisque ante Drak. additur *pedites*; sed saltem scribendum esse *peditum*, viderique illud additamentum eorum, qui nescierint, *milites*, si cum equibus jungantur, dici *pedites*, jam monuit Gron. vide ad XXII, 37, n. 2. Vocem illam expunxit Drak. quia in omnibus MSS et edd. Rom. a. 1472, et Parm. deest. Confer. ad cap. 20, n. 3.

adventus Attali, Eumenis fratris, qui nuntiavit, Antiochum regem Hellespontum cum exercitu transisse, et Ætolos ita se parare³, ut sub adventum ejus in armis essent. Et Eumeni absentis, et præsenti Attalo gratiæ actæ; et ædes liberæ, locus, lautia⁴ decreta, et munera data, equi duo, bina equestria arma, et vasa argentea centum pondo et aurea viginti pondo.

XXIV. Quum alii atque alii nuntii bellum instare afferrent, ad rem pertinere visum est, consules primo quoque tempore creari. Itaque senatusconsultum factum est, ut M. Fulvius prætor literas extemplo ad consulem mitteret, quibus certior fieret, senatui placere, provincia exercituque tradito legis, Romam reverti eum, et ex itinere præmittere edictum, quo comitia consulibus creandis ediceret. Paruit his literis consul¹, et, præmisso edicto, Romam venit. Eo quoque anno magna ambitio fuit, quod patricii tres in unum locum petierunt, P. Cornelius Cn. F. Scipio, qui priore anno repulsam tulerat², et L. Cornelius Scipio et Cn. Manlius Vulso. P. Scipioni, ut dilatatum viro tali, non negatum, honorem appareret, consulatus datus est. Additur ei de plebe collega M. Acilius Glabrio. Postero die prætores creati, L. Æmilius Paulus, M. Æmilius Lepidus, M. Junius Brutus, A. Cornelius Mammula, C. Livius, et L. Oppius; utriusque eorum Salinator cognomen erat. Oppius is erat, qui classem viginti navium in Siciliam duxerat. Interim

3. *Ætolos ita se parare, ut, etc.* conf. ad III, 40, n. 12.

4. *Ædes liberæ, locus, lautia decreta*; vide ad XXIV, 7, n. 3, et XXVIII, 39, n. 8. — *Equestria arma*; vide ad IX, 40, n. 12.

CAP. XXIV. 1. *Paruit his literis*

consul, nempe Quintius, cui, ut constat ex c. 20, provincia Gallia et comitia habenda evenerant. Ed.—*In unum locum petierunt*; vide ad lib. XXXV, cap. 10, n. 1.

2. *Qui priore anno repulsam tulerat*; vide cap. 10.

dum novi magistratus sortirentur provincias, M. Bæbius a Brundisio cum omnibus copiis transire in Epirum est jussus, et circa Apolloniam copias continere³; et M. Fulvio prætori urbano negotium datum est, ut quinqueremes novas quinquaginta faceret.

XXV. Et populus quidem romanus ita se ad omnes conatus Antiochi præparabat. Nabis jam non differebat bellum, sed summa vi Gythium oppugnabat; et, infensus Achæis; quod miserant obsessis præsidium, agros eorum vastabat. Achæi, non antea ausi capessere bellum¹, quam ab Roma revertissent legati, ut, quid senatui placeret, scirent, post reditum legatorum et Sicyonem concilium edixerunt, et legatos ad T. Quintium miserunt, qui consilium ab eo peterent. In concilio omnium ad bellum extemplo capessendum inclinatæ sententiæ erant: literæ Q. Quintii cunctationem injecerunt, quibus auctor erat prætorem classemque romanam exspectandi. Quum principum alii in sententia permanerent, alii utendum ejus, quem ipsi consulissent, consilio censerent; multitudo Philopœmenis sententiam exspectabat. Prætor is tum erat², et omnes eo tempore et prudentia et

3. *Transire in Epirum est jussus, et circa Apolloniam copias continere, scil. eo progredi jussus ex Epiro: nam Apollonia in Illyride græca erat. Pro Epiro XXXVI, 1, Macedonia nominatur: quæ forte permutantur, quod jam olim partes quædam Epiri Macedoniae adjectæ fuerant (vide ad XLV, 30, et Strab. VII, 434), vel, postquam illæ in potestatem Romanorum venerant, Epirus provincia Macedonia continebatur; quod ex Cic. Pis. 40 colligit Manut. ad Cic. Ep. fam. XIII, 18. Quidquid est, constat, jam ætate Livii appellationem Mace-*

doniæ late patuisse, adeo ut ea etiam Illyricum et Epirum comprehendisse videatur. Duk. Conf. Intpp. Sueton. Cæs. 35.

CAP. XXV. 1. *Non antea ausi cap. bellum, quam, immo ante;* Duk. — Exempla quidem de voce *antequam* ex Livio et Cicerone laudari solent, sed illa omnia Dukerus ambiguae fidei esse ait. Monet tamen Doering. occurrere unum apud Cic. ad Div. III, 6, ubi meliores editt. amice in lectionem *antequam* conspirant; vid. Ernest. in Clav. Cic. Ed.

2. *Prætor tum erat Philopœmen,*

auctoritate anteibat. Is præfatus, *Bene comparatum apud Achæos esse, ne prætor, quum de bello consulisset, ipse sententiam diceret*, statuere quam primum ipsos, quid vellent, jussit. *Prætores decreta eorum cum fide et cura exsequuturum, adnisorumque, ut, quantum in consilio humano positum esset, nec pacis eos pæniteret, nec belli.* Plus ea oratio momenti ad incitandos ad bellum habuit, quam si aperte suadendo cupiditatem res gerendi ostendisset. Itaque ingenti consensu bellum decretum est: tempus et ratio administrandi ejus libera prætori permissa sunt. Philopœmen, præterquam quod ita Quintio placeret, et ipse existimabat, classem Romanam expectandam, quæ a mari Gythium tueri posset; sed metuens, ne dilationem res non pateretur, et non Gythium solum, sed præsidium quoque missum ad tuendam urbem amitteretur, naves Achæorum deduxit³.

XXVI. Comparaverat et tyrannus modicam classem ad prohibenda, si qua obsessis mari submitterentur, præsidia, tres tectas naves et lembos¹ pristisque; tradita vetere classe ex fœdere Romanis. Harum novarum tum navium agilitatem ut experiretur, simul

etc. vide sup. ad XXXI, 25, n. 3. — *Et prudentia*, quidam MSS et *providentia*. — *Bene comparatum apud Achæos esse* edidi pro vulg. *apud Ætolos*, quod jam recte damnavit Gron. his verbis: « Non Ætolorum erat ille mos præcipuus, sed omnium fere liberorum populorum, Sic Romæ neque consul in curia dicebat, neque prætor in foro ferebat sententiam. Sed nec Ætolorum consuetudo poterat liberare Philopœmenem ab officio fungendo; nisi offensam civium, in causa gravissima non patriam, sed gentis Achæis invisissimæ rationem imitan-

do, indubitata contrahere vellet, præsertim quum expectaretur, et oculos omnium in se convertisset. Quid enim propius, quam ut responsaretur, Quid illi cum Ætolis? prætores Achæorum esse: agere patrio more debere».

3. *Naves Achæorum deduxit*; vide ad VIII, 26, n. 1.

CAP. XXVI. 1. *Tres tectas naves*; vide ad XXII, 19, n. 4. — *Pristisque*, naves majores lembis (vid. Polyb. XVII, 1, § 1) et valde veloces, quia longæ erant et parum latæ, sic dictæ ἀπὸ τοῦ πρῖσιν τὰ κύματα, a secundo mari, vel, si Nonio fides

ut omnia satis apta ad certamen essent, provectos in altum quotidie remigem militemque simulacris navalis pugnae exercebat, in eo ratus verti spem obsidionis, si praesidia maritima interclusisset. Praetor Achaeorum, sicut terrestrium certaminum arte quemvis clarorum imperatorum vel usu vel ingenio aequabat, ita rudis in re navali erat; Arcas, mediterraneus² homo, externorum etiam omnium, nisi quod in Creta praefectus auxiliorum militaverat, ignarus. Navis erat quadriremis vetus, capta annis octoginta ante³, quum Crateri uxorem Nicæam ab Naupacto Corinthum verheret. Hujus fama motus (fuerat enim nobile in classe regia quondam navigium) deduci ab Ægio putrem jam admodum et vetustate dilabentem jussit. Hac tum praetoria nave praecedente classem, quum in ea Patrensis Tiso praefectus classis veheretur, occurrerunt a Gythio Laconum naves: et primo statim incursu ad novam et firmam navem vetus, quae per se ipsa omnibus compagibus aquam acciperet, divulsa est; captique omnes, qui in nave erant. Caetera classis,

habenda, a forma *pristium marinarum, quae longi corporis sunt, sed angusti*, quaeque maximae Indici maris belluae *pistres, pristres et pistrices* dicebantur. Conf. XLIV, 28 pr. Plinius, IX, 3; Schweigh. ad Polyb. XVI, 2, § 9; Gron. Obs. I, 18; Intpp. Virg. Æn. III, 427, V, 116, et Val. Flaccus, II, 531.

2. *Arcas, mediterraneus homo*, Philopoemen Megalopolitanus, nobilissimo Arcadiae genere ortus. Conf. ad haec et seqq. Polyb. II, 40, X, 25; Plut. Philop. p. 356 sq. et Pausan. VIII, 49 seq. — *Quod in Creta praefectus aux. m.* vid. Plut. Philop. p. 359, 363, et Pausan. l. l.

3. *Navis erat quadriremis vetus*,

capta annis octoginta ante, etc. *octo* edd. ante Ald. *quadraginta* conj. Sigon. e Plat. Philop. pag. 364. Si *octoginta* recte legitur, *Craterus* foret Demetrii Poliorcetae filius, Antigoni Gonatae frater, cujus Prologus 26 Historr. Trogi Pompeii et Phlegon Tralilianus *περι θαυμασιων*, cap. 32, meminertunt, et a cujus aetate ad haec tempora facile tot annos colligas; Gronov. Nota Dukeri est: « De Cratero, Alexandri M. duce, et Nicæa, Antipatri filia, intelligi non potest; nam interjecti sunt anni ferme CXXX, et Nicæam illam non Cratero, sed Perdicæ, nupsisse, auctor est Diodor. XVIII, 640. Si hic Craterus est Antigoni Gonatae frater, de cujus uxore Ni-

prætoria nave amissa, quantum quæque remis valuit, fugerunt⁴. Ipse Philopœmen in levi speculatoria nave fugit; nec ante fugæ finem, quam Patras ventum est, fecit. Nihil ea res animum militaris viri et multos experti casus imminuit. Quin contra, si in re navali, cujus esset ignarus, offendisset⁵, eo plus in ea, quorum usu calleret, spei nactus, breve id tyranno gaudium se effecturum affirmabat.

XXVII. Nabis, quum prospera elatus re, tum spem etiam haud dubiam nactus, nihil jam a mari periculi fore, et terrestres aditus claudere opportune positis præsiidiis voluit. Tertia parte copiarum ab obsidione Gythii abducta, ad Pleias posuit castra¹. Imminet is locus et Leucis et Acriis, qua videbantur hostes exercitum admoturi. Quum ibi stativa essent, et pauci tabernacula haberent, multitudo alia casas ex arundine

cæa nihil alibi proditum inveni, vix mendo vacare potest numerus apud Plut. l. I. Gonatas enim jam L annis ante hoc tempus diem obierat ».

4. *Cætera classis... fugerunt.* Scilicet *classis*, ad quod refertur *fugerunt* pro collectivo, ut passim *exercitus*, *civitas*, *senatus*, habendum est. Alteram vero lectionem *fugit*, quam cod. Lov. 5, et editt. principes exhibent, ab homine, qui hoc Livianum loquendi genus ignoraret, profectum censet Doering. Ed. — *In levi speculatoria nave*; vide ad XXII, 19, n. 4. *Piscatoria omnes codd. præter Mogunt. et edd. ante Ald.* Sed naves piscatoriæ non solent esse in classibus iisque locis, quibus prælium navale committitur; Duk. — *Ventum est* e cod. Victor. et Lov. 6 recepit Draken. pro *ventum sit*.

5. *Si in re navali... offendisset*; vide ad XXVIII, 43, n. 6. — *Eo plus*

in ea... spei nactus; vide ad XXI, 57, n. 8. — Drak. explicat *in ea*, scilicet *re*, *quorum*, etc. et de hoc insolentiore loquendi genere laudat ea quæ ad XXXIV, 58, § 4, disputavit. Sed recte Doering. observat, melius et facilius *ea* in casu quarto plur. accipi posse, ut sensus sit: eo majore spe ductus *in ea*, erga ea, quorum peritiam sibi comparasset usu. Nam *usu alicujus rei callere* est, in re aliqua bene exercitatum esse, rem aliquam bene tenere ex usu. Ed.

CAP. XXVII. 1. *Ad Pleias posuit castra*, opp. Laconicæ ignotum. Cum Meura. in Miscell. Lacon. IV, 1 et 5, leg. *Boeas*, quod opp. *Leucis et Acriis* vicinum; vid. Polyb. V, 19, § 8 (ubi cf. Schweigh.); Pausan. III, 21-23, et Strab. VIII, p. 363, 364; e quibus locis etiam patet, *Acriis* recte a Drak. repositum pro vulg. *Aeris*. — *Imminet*; vide ad III, 51, n. 3.

textas fronde, quæ umbram modo præberet, texit-
sent; prius quam in conspectum hosti veniret Philo-
pœmen², nec opinantem eum improviso genere belli
aggredi statuit. Navigia parva in stationem occultam
agri argivi contraxit: in ea expeditos milites, cætra-
tos plerosque, cum fundis et jaculis et alio levi ge-
nere armaturæ, imposuit. Inde litora legens³, quum
ad propinquum castris hostium promontorium ve-
nisset, egressus callibus notis, nocte Pleias pervenit;
et, sopitis vigilibus, ut in nullo propinquo metu,
ignem casis ab omni parte castrorum injecit. Multi
prius incendio absumpti sunt, quam hostium adven-
tum sentirent; et, qui senserant, nullam opem ferre
potuerunt. Ferro flammaque omnia absumpta: per-
pauci tamen ex tam ancipiti peste⁴ ad Gythium in
majora castra perfugerunt. Ita percussis hostibus,
Philopœmen protenus ad depopulandam Tripolim la-
conici agri, qui proximus finem Megalopolitarum⁵ est,
duxit; et, magna vi pecorum hominumque inde ar-
repta, prius quam a Gythio tyrannus præsidium agris
mitteret, discessit. Inde Tegeam exercitu contracto,

2. *In conspectum hosti veniret P.*,
nec opinantem eum, etc. ita omnes et
MSS præter Mogunt. et edd. ante Ald.
pro vulg. *hostium*, unde recepi, prob.
Duker. qui hæc notavit: «Singulari
hostis recte apponitur adjectivum et
pron. plur., ut omnibus collectivis;
conf. ad XXIV, 31, n. 2, et XXVI,
4, n. 5. Sed exempla diversi generis,
ut hic *hostium, eum*; mihi non succur-
runt. Ad *Nabis* in princ. cap. non
puto, tam multis interjectis, referri
posse *eum*».—Lectionem *hosti* a corre-
ctore profectam suspicatur Doering.,
et talia, quæ diligentissimis quibus-
que scriptoribus nonnunquam exci-

dunt, excusanda potius, quam corri-
genda vel ex usu loquendi defendenda
putat. Ed. — *Cætratos*; vide ad XXI,
21, n. 6.

3. *Inde litora legens*; vide ad XXI,
51, n. 6.

4. *Ancipiti peste*; vide ad I, 25,
n. 4, et II, 44, n. 5.

5. *Tripolim laconici agri*, τὴν Τρί-
πολιν, *qui proximus finem* (vide ad II,
48, n. 5, et II, 49, n. 10) *Megalopo-
litarum est*, πρὸς τὴν Μεγαλοπολίτιν.
conf. Strab. VIII, p. 386, et Polyb.
IV, 81, § 7, ubi vid. Schweigh. —
Duxit; vide supra ad librum I, cap.
23, n. 4.

concilioque eodem et Achæis et sociis indicto⁶; in quo et Epirotarum et Acarnanum fuere principes, statuit, quoniam satis et suorum a pudore maritimæ ignominia⁷ restituti animi, et hostium conterriti essent, ad Lacedæmonem ducere⁸: eo modo uno ratus ab obsidione Gythii hostem abduci posse. Ad Caryas primum in hostium terra posuit castra. Eo ipso die Gythium expugnatum est. Cujus rei ignarus Philopœmen, castra ad Barbosthenem (mons est decem millia passuum ab Lacedæmone) promovit. Et Nabis, recepto Gythio, cum expedito exercitu inde profectus, quum præter Lacedæmonem raptim duxisset, Pyrrhi (quæ vocant) castra⁹ occupavit; quem peti locum ab Achæis, non dubitabat. Inde hostibus occurrit. Obtinebant autem longo agmine propter angustias viæ prope quinque millia passuum. Cogeatur agmen ab equitibus, et maxime a parte auxiliorum¹⁰; quod existimabat Philopœmen, tyrannum mercenariis militibus, quibus plurimum fideret, ab tergo suos aggressurum. Dux res simul inopinata perculerunt eum: una, præoccupatus, quem petebat, locus; altera, quod primo agmini occurrisse hostem cernebat, ubi, quum per loca confragosa iter esset, sine levis armaturæ præsidio signa ferri non videbat posse.

XXVIII. Erat autem Philopœmen præcipua¹ in du-

6. Concilioque eodem... indicto; vide ad IV, 25, n. 4.

7. A pudore maritimæ ignominia; vide ad I, 5, n. 5.

8. Ad Lacedæmonem ducere; vide ad I, 23, n. 4, et VIII, 1, n. 1. — Ad Caryas; vide ad XXXIV, 26, n. 3. — Barbosthenem, nomen obscurum, quod apud idoneos auctores haud reperire est. Ed.

9. Pyrrhi, quæ vocant, castra; vi-

dendum est ad lib. XXXII, 13, n. 1.

10. Cogeatur agmen ab equitibus (vide ad XXXII, 2, n. 4) et maxime a parte auxiliorum, immo et maxima parte a., nam in hac re nemo unquam magis aut minus statuit; Jac. Periz. prob. Crev. Conf. XLII, 64.

CAP. XXVIII. 1. Erat autem Philopœmen præcipua, etc. vid. XXI, 4, n. 12, et XXXI, 25, n. 3; Pausan. VIII, 49 atq.

cendo agmine locisque capiendis solertiae atque usus; nec belli tantum temporibus, sed etiam in pace, ad id maxime animum exercuerat. Ubi iter copiam faceret, et ad difficilem transitu saltum venisset, contemplatus ab omni parte loci naturam, quum solus iret, secum ipse agitabat animo; quum comites haberet, ab iis quærebat, *si hostis eo loco apparuisset; quid, si a fronte, quid, si ab latere hoc aut illo, quid, si ab tergo adoriretur, capiendum consilii foret? Posse instructos recta acie, posse inconditum agmen², et tantummodo aptum viæ, occurrere. Quem locum ipse capturus esset, cogitando aut quærendo exsequebatur³, aut quot armatis, aut quo genere armorum (plurimum enim interesse) usurus; quo impedimenta, quo sarcinas, quo turbam inermem rejiceret; quanto ea, aut quali præsidio custodiret; et utrum pergere, qua cœpisset ire via, an eam, qua venisset, repetere melius esset; castris quoque quem locum caperet, quantum munimento amplecteretur loci, qua opportuna aquatio, qua pabuli lignorumque copia esset, qua postero die castra moventi tutum maxime iter, quæ forma agminis foret. His curis cogitationibusque ita ab ineunte ætate animum agitaverat, ut nulla ei nova in tali re cogitatio esset. Et tum omnium primum agmen constituit: dein Cretenses auxiliares et, quos Tarentinos vocabant, equites⁴, binos secum trahentes*

2. *Inconditum agmen*; vid. XXI, 57, n. 11. — *Aptum viæ*; debebat *viæ aptum*: nam *viæ* hic præcipua notio et ratio est; Bauer. Hæc forte nimis subtilia.

3. *Quærendo exsequebatur*; vide ad V, 15, n. 8. — *Usurus*, sc. *esset*, quod durius hic omissum videtur Bauero. Mihi potius displiceret repe-

titio verbi. — *An eam viam, qua venisset, repetere* ex emend. Gron. pro *an ea*. — *Aquatio*; vid. XLIV, 40; Cæs. B. Gall. IV, 11; VIII, 41. Ed.

4. *Quos Tarentinos vocabant, equites leves*. Conf. Suidas voc. Ἰππικῆ. Schweigh. ad Polyb. IV, 77, § 7, XI, 12 seq. Arcer. ad Æliam Tact. p. 15; Lips. de Mil. rom. III, 8; Victor. var.

equos, ad prima signa misit; et, jussis equitibus subsequi, super torrentem, unde aquari possent, rupem occupavit. Eo impedimenta omnia et calonum turbam conjectam⁵ armatis circumdedit, et pro natura loci castra communit. Tabernacula statuere in aspretis et inæquabili solo difficile erat. Hostes quingentos passus aberant. Ex eodem rivo utrimque cum præsidio levis armaturæ aquati sunt; et, prius quam (qualia in propinquis castris solent) contraheretur certamen, nox intervenit. Postero die apparebat pugnandum pro aquatoribus circa rivum esse. Nocte in valle a spectu hostium aversa, quantam multitudinem locus oculere poterat, condidit, cætratorum.

XXIX. Luce orta, Cretensium levis armatura et Tarentini equites super torrentem prælium commiserunt. Telemnastus Cretensis¹ popularibus suis, equitibus Lycortas Megalopolitanus præerat. Cretenses et hostium auxiliares, equitumque idem genus Tarentini, præsidio aquatoribus erant. Aliquamdiu dubium prælium fuit, ut eodem ex parte utraque hominum genere et armis paribus. Procedente certamine, et numero vicere tyranni auxiliares, et quia ita præce-

lect. IX, 3; Græv. ad Cic. ad Att. V, 19.

5. *Calonum turbam conjectam eo, ut paulo ante quo turbam inermem rejiceret; et XXXVI, 12, in legationem conjecti; Gron. Collectam c. Mougunt. et quædam edd. — Ex eodem rivo utrimque, id est, a citeriore et ulteriore parte: vett. codd. variant; multi dant utrique, quod parvi momenti judicat Doering., quanquam Creverio magis placuerit utrique. Ed. — Qualia in propinquis castris solent, mallem abesset in; Duk. Deest in Lov.*

6. Confer. XXIII, 17. — *Cætratorum; vide ad XXI, 21, n. 6.*

CAP. XXIX. 1. *Telemnastus Cretensis ex emend. Vales. Conf. Polyb. XXIX, 3, et XXXIII, 15. Letennastus primæ edd. Latemnastus ed. Gronov. et seqq. — Lycortas Meg. vide ad XXXVIII, 32, n. 2. — Cretenses et hostium auxiliares; vide ad II, 42, n. 7. Et exponi potest etiam: certe Cretenses et hostium auxiliares eodem esse, liquet ex verbis seqq. eodem ex parte utraque hominum genere et armis paribus.*

ptum a Philopœmene præfectis erat, ut, modico edito prælio, in fugam inclinarent, hostemque ad insidiarum locum pertraherent². Effuse sequuti fugientes per convallem plerique et vulnerati, et interfecti sunt, priusquam occultum hostem viderent. Cætrati ita, quantum latitudo vallis patiebatur, instructi sederant, ut facile per intervalla ordinum fugientes suos acciperent. Consurgunt deinde ipsi integri, recentes, instructi; et in hostes inordinatos, effusos, labore etiam et vulneribus fessos, impetum faciunt. Nec dubia victoria fuit. Extemplo terga dedit tyrannimiles; et haud paulo concitatiores cursu, quam sequutus erat, fugiens, ad castra est compulsus. Multicæsi captique in eâ fuga sunt. Et in castris quoque foretrepidatum, ni Philopœmen receptui cani jussisset; loca magis confragosa, et, quacumque temere processisset, iniqua, quam hostem, metuens. Inde et ex fortuna pugnae, et ex ingenio ducis conjectans, in quo tum is pavore esset, unum de auxiliariis specie transfugæ mittit ad eum, qui pro comperto afferret: Achæos statuisse postero die ad Eurotam amnem, qui prope ipsis adfluit mœnibus³, progredi, ut intercluderent iter; ne aut tyrannus, quum vellet, receptum ad urbem haberet, aut commeatus ab urbe in castra portarentur; simul etiam tentaturus, si quorum animi sollicitari ad defectionem a tyranno possent. Non tam

2. *Ad ins. loc. pertraherent.* In vulgatis olim editis oratio, mæle uni tantum periodo adstricta, procurrebat usque ad *hostem viderent*. Sed Crev. post *pertraherent*, ubi sensus absolvitur, distinctionem, probantibus viris doctis, posuit. Ed. — *Instructi sederant* in insidiis; unde mox *consurgunt*. — *Integri et recentes*, quibus

opponuntur *vulneribus et labore fessi*, ut *instructis inordinati*. Conf. ad III, 7, n. 1.

3. *Ipsis adfluit mœnibus*; sc. Laedæmonis. — *Simul etiam tentaturus*, nimirum is, qui sub specie transfugæ pro comperto afferret; nempe cum his verbis *tò tentaturus* bene cohærere monet Doering. In vett. libris legitur

fidem dictis perfuga fecit, quam perculso metu relinquendi castra causam probabilem præbuit. Postero die Pythagoram cum auxiliariis et equitatu stationem agere pro vallo iussit. Ipse, tanquam in aciem cum robore exercitus egressus, signa ocius ferri ad urbem iussit.

KXX. Philopœmen, postquam citatum agmen per angustam et proclivem viam duci raptim vidit, equitatum omnem et Cretensium auxiliares in stationem hostium, quæ pro castris erat, emittit. Illi, ubi hostes adesse, et a suis se desertos viderunt, primo in castra recipere se conati sunt; deinde, postquam instructa acies tota Achæorum admovebatur, metu ne cum ipsis castris caperentur, sequi suorum agmen aliquantum prægressum insistunt¹. Extemplo cætrati Achæorum in castra impetum faciunt (et diripiunt): cæteri ad persequendos hostes ire pergunt. Erat iter tale, per quod vix tranquillum ab hostili metu agmen expediri posset. Ut vero ad postremos prælium ortum est, clamorque terribilis a tergo paventium ad prima signa est perlatus, pro se quisque, armis abjectis, in circumjectas itineri silvas diffugiunt, momentoque temporis strage armorum septa via est, maxime hastis; quæ, pleræque adversæ cadentes², velut vallo objecto iter impediabant. Philopœmen, utcumque possent, instare et persequi auxiliariis iussis (utique enim

tentaturos vel tentaturum; male. Nostra lectio e cod. Mogunt. feliciter restituta est. Ed.

CAP. XXX. 1. *Sequi suor. agmen... insistunt*; vide ad **XXIV**, 26, n. 7. — *In castra impetum faciunt et diripiunt*; forte *et ea diripiunt*: sed hæc duæ voces, additæ e Mog. delentur; Gron. — Non consentientem Doerin-

gium habet Gronov. is enim, præterquam quod satis gravem cod. Mogunt. auctoritatem arbitratur, illas voces, quum eventum, quo impetus in castra factus sit, declarent, nec otiosas, nec superfluas, ideoque non delendas pronuntiat. Ed.

2. *Pleræque adversæ cadentes* = hastæ, cuspidæ in hostes conversæ. Sed

equitibus haud facilem futuram fugam), ipse gravius agmen via patentiore ad Eurotam amnem deduxit. Ibi castris sub occasum solis positus, levem armaturam, quam ad persequendum reliquerat hostem, operiebatur. Qui ubi prima vigilia venerunt, nuntiantes, tyrannum cum paucis ad urbem penetrasse, cæteram multitudinem inermem toto sparsam vagari saltu, corpora curare eos jubet. Ipse ex cætera copia militum (qui, quia priores in castra venerant, refecti et cibo sumpto, et modica quiete erant) delectos, nihil præter gladios secum ferentes, extemplo educit; et duarum portarum itineribus³, quæ Pheras, quæque Barbothenem ferunt, eos instruxit; qua ex fuga recepturos sese hostes credebatur. Nec eum opinio fefellit. Nam Lacedæmonii, quoad lucis superfuit quidquam, deviis callibus medio saltu se recipiebant.

quomodo fieri potuit, ut hastæ, temere abjectæ, pleræque adversæ ceciderint? Suspicio *transversæ*, ut hastæ, a fugientibus abjectæ, pleræque transversæ ceciderint, atque eâ re via, velut vallo quodam objecto, septa et iter impeditum fuerit. Duker. Sed non ita *vallum* effectum esset: et potius *adversæ ceciderunt* cuspide terræ obversa, ut defigerentur; Ern. *Hasta adversa* est ita sita, ut ferrum obvertat, adeoque *adversæ cadentes hastæ*, quæ directo in terram ferro cadunt: ex iis autem sic temere in terram fortuito casu infixis effecta est imago illa cujusdam quasi valli, quo iter impediatur; Crev. — Doering. sic interpungit *quæ pleræque, adversæ*, etc. En.

3. *Et duarum portarum itin... eos instr.* Sensum bene explinat Doering.: in insidiis nempe delectos illos mili-

tes ita collocaverat, ut duo diversa itinera obsiderent, unum quod ex una urbis porta Pheras, alterum quod ex altera urbis porta Barbothenem ducebat. En. — *Quæ Pheras, quæque Barbothenem ferunt*, montem, de quo vid. cap. 27. Pro *Pheras* vett. edd. *Phecas*, et MSS *Phocas, Phagas, Phachas*, sed Bustid. *Pharas, Pheræ* vel *Pharæ*, αἱ Φηραὶ, et Dor. Φαραὶ, opp. Messeniæ, quæ olim pars Laconicæ fuit; nisi Phara seu Pharæ Messeniæ et Laconicæ diversæ fuerunt urbes; vide Schweigh. ad Polyb. XVI, 16, § 8. Pausan. IV, 16, dicit πόλιν τῆς Λακωνικῆς, τὸ μὲν ἀρχαῖον ὄνομα καὶ ἐν Ὀμήρῳ καταλόγῳ Φάριν, ὑπὸ δὲ τῶν Σπαρτιατῶν καὶ προσοικῶν καλουμένην Φαράς. Conf. id. III, 20; IV, 30; Eustath. et alii intpp. Homer. II, II, 582; Meurs. Misc. Lacon. IV, 8; Cellar. Geogr. ant. II, 3, p. 765.

Primo vespere⁴ ut lumina in castris hostium conspexere, e regione eorum occultis semitis se tenuerunt: ubi ea sunt prægressi, jam tutum rati, in patentes vias descenderunt. Ibi excepti ab insidente hoste passim ita multi cæsi captique sunt, ut vix quarta pars de toto exercitu evaserit. Philopœmen, incluso tyranno in urbem, insequentes dies prope triginta vastandis agris Laconum absumpsit, debilitatisque ac prope fractis tyranni viribus, domum rediit, æquantibus eum gloria rerum Achæis imperatori romano, et, quod ad laconicum bellum attineret, præferentibus etiam.

XXXI. Dum inter Achæos et tyrannum bellum erat, legati Romanorum circumire sociorum urbes, solliciti, ne Ætoli partis alicujus animos ad Antiochum avertissent¹. Minimum operæ in Achæis adeundis consumpserunt; quos, quia Nabidi infesti erant, ad cætera quoque satis fidos censebant esse. Athenas primum, inde Chalcidem, inde in Thessaliam iere: alloquiturque concilio frequenti Thessalos, Demetriadem iter direxere. Eo Magnetum concilium indictum est. Accuratiores ibi habenda oratio fuit, quod pars principum alienati a Romanis, totique Antiochi et Ætolorum erant²; quia, quum reddi filium obsidem Philippo allatum esset, stipendiumque impositum remitti,

4. *Primo vespere*; vide ad I, 6, n. 1. — *Excepti* (vide tamen ad libr. II, cap. 4, n. 3) *ab hoste insidente patentes vias*.

CAP. XXXI. 1. *Ne Ætoli p. a. animos ad Antiochum avertissent*; vide ad III, 63, n. 1. — *Demetriadem iter direxere omnes MSS*, præter Móg. et edd. ante Ald. unde recepi pro vulg. *flexere*, quod servavit Drak.

quoniam *dirigere iter* aut raro admodum, aut nunquam apud Livium occurrit. Sed eo probabilius est, *τὸ flexere* glossatoribus deberi, et *direxere* in illud mutatum esse: locutio autem illa sæpius apud Cic. et Cæs. occurrit. — *Flexere* tamen dedit Doer. e cod. Mogunt. Ed.

2. *Totique Antiochi erant*; vide ad III, 36, n. 4.

inter cætera vana allatum erat, Demetriadem quoque ei reddituros Romanos esse. Id ne fieret, Eurylochus, princeps Magnetum, factionisque ejus quidam, omnia novari³ Ætolorum Antiochique adventu, malebant. Adversus eos ita disserendum erat, ne, timorem vanum iis demendo, spes incisa Philippum abalienaret; in quo plus ad omnia momenti, quam in Magnetibus, esset. Illa tantum commemorata, *quum totam Græciam beneficio libertatis obnoxium Romanis esse*⁴, *tum eam civitatem præcipue. Ibi enim non præsidium modo Macedonum fuisse, sed regiam exædifecatam, ut præsens semper in oculis habendus esset dominus. Cæterum nequidquam ea facta, si Ætoli Antiochum in Philippi regiam adducerent, et novus et incognitus pro vetere et experto habendus rex esset.* Magnetarchen summum magistratum vocant⁵. Is tum Eurylochus erat; ac potestate ea fretus, negavit dissimulandum sibi et Magnetibus esse, quæ fama vulgata de reddenda Demetriade Philippo foret. Id ne fieret, omnia et conanda et audenda Magnetibus esse. Et inter dicendi contentionem inconsultius⁶ evectus projecit, *Tum quoque specie liberam Demetriadem esse: revera omnia ad nutum Romanorum fieri.* Sub

3. *Omnia novari*; vide ad I, 52, n. 1.—*Timorem vanum iis demendo*, id est, faciendo verbis ut timorem summ de Demetriade Philippo restituenda vanum plane et inanem agnoscant. Romani scilicet, quod bene observat Doer. ut Philippum in amicitia retinerent, spe Demetriadis recipiendæ ejus animum lactaverant; sed hæc spes *incisa*, præcisa et dempta Philippo fuisset, si Romani se non Demetriadem reddituros esse Philippo, nunc fidem fecissent Magnetibus.

Ed.—*Spes incisa*; vide ad III, 10, n. 9.—*In quo plus ad omnia momenti*; vide ad I, 47, n. 7.

4. *Obnoxiam Romanis esse*; vide ad III, 39, n. 1.

5. *Magnetarchen summum magistratum* (vide ad XXXIII, 27, n. 5), sc. Magnetum *vocant* (vide ad II, 18, n. 4), vel *vocant*, sc. Magnetes.

6. *Inconsultius evectus* (vide ad XXII, 43, n. 1) *projecit*, temere dixit; de verbis, quæ alicui temere excidunt. Germ. *hinwerfen*. — Sub

hanc vocem fremitus variantis multitudinis fuit partim adsensum, partim indignationem, dicere id ausum eum. Quintius quidem adeo exarsit ira, ut, manus ad cælum tendens, deos testes ingrati ac perfidi animi Magnetum invocaret. Hac voce perterritis omnibus, Zeno, ex principibus unus, magnæ tum ob eleganter actam vitam⁷ auctoritatis, tum quod semper Romanorum haud dubie partis fuerat⁸, ab Quintio legatisque aliis flens petiit, *ne unius amentiam civitati assignarent. Suo quemque periculo furere. Magnetæ non libertatem modo, sed omnia, quæ hominibus sancta caraque sint, T. Quintio et populo romano debere. Nihil quemquam ab diis immortalibus precari posse, quod non Magnetæ ab illis haberent; et in corpora sua citius per furorem sævituros, quam ut romanam amicitiam violarent.*

XXXII. Hujus orationem subsequuntæ multitudinis preces sunt. Eurylohus ex concilio itineribus occultis ad portam, atque inde protenus in Ætoliā profugit. Jam enim, et id magis in dies, Ætoli defectionem nudabant¹; eoque ipso forte tempore Thoas, princeps gentis, quem miserant ad Antiochum², redierat, indeque Menippum secum adduxerat, regis legatum. Qui, prius quam concilium iis daretur, impleverant omnium aures terrestres navalesque copias commemorando; *ingentem vim peditum equitumque venire;*

hanc vocem (vide ad II, 55, n. 1) *fremitus multitudinis fuit variantis, alternantis, inter se confundentis adsensum et indignationem, quod dicere id ausus esset*; Gron. *Adsentientium et indignantium* edd. antt. et ex MSS Lov. 2, 5, Harl. Victor. prob. Doujat. Sed conf. Drak. — Gronovii

emendatio paulo durior videtur Doeringio, qui vulgatam tuetur. En.

7. *Ob eleganter actam vitam*; vid. cap. 14, n. 3.

8. *Romanorum partis fuerat*; vide ad III, 36, n. 4; XXIV, 42, n. 4.

CAP. XXXII. 1. *Defectionem nudabant*; vide ad XXXIII, 21, n. 6.

*ex India elephantos*³ : *ante omnia* (quo maxime mo-
veri credebant multitudinis animos) *tantum advehi*
auri, ut ipsos emere Romanos possit. Apparebat, quid
ea oratio in concilio motura esset. Nam et venisse
eos, et, quæ agerent, omnia romanis legatis defere-
bantur; et, quanquam prope abscisa res erat⁴, tamen
non ab re esse Quintio visum est, sociorum aliquos
legatos interesse ei concilio, qui admonerent romanæ
societatis Ætolos, qui vocem liberam mittere adver-
sus regis legatum auderent. Athenienses maxime in
eam rem idonei visi sunt, propter et civitatis digni-

2. *Thoas princeps gentis* (ut c. 45),
quem miserant ad Antiochum, ita et
XXXVI, 26, et apud Appian. Syr. 12;
ex quo Sigon. conj. *princeps legationis*.
« Supra, cap. 12, Dicæarchum, fra-
trem Thoantis, ad Antiochum fuisse
missum, quo anno Thoas prætor Æto-
lorum fuerat; hic vero Thoantem ab
Antiocho reversum legationem renun-
tiasse; et inf. c. 42, et XXXVI, 7,
eum legatum Ætolorum apud Antio-
chum fuisse scribit Livius. Hæc non
sunt contraria, sed sic intelligenda,
eum, quum prætura annua gentis
Ætolorum perfunctus esset, post Di-
cæarchi præfectionem ipsum quoque
ad Antiochum missum fuisse: haud
dubie quod Ætoli sibi persuadebant,
in eo, qui et princeps gentis, et Ro-
manis inimicissimus erat, plus mo-
menti futurum ad Antiochum ad bel-
lum adversus Romanos incitandum,
quam in Dicæarcho». Duker. Hæc ta-
men paucis certe verbis a Livio erant
referenda.

3. *Ex India elephantos*, h. e. Indi-
cos, ut apud Ovid. Am. II, 6, n. 1,
psittacus ab Indis, sc. venire; Gron.
Conf. ad XLII, 20, n. 5; XLV, 39,
n. 2; XLV, 43, n. 4. Sic et a pro ex

ponitur; vide ad XXVII, 5, n. 4. *Ad-
citos* e cod. Mogunt. adjecere Aldus
et reliqui ante Gron. — Quam spem
Thoas et Menippus de indicorum ele-
phantorum adventu faciunt, omnino
aliquid momenti habere, quia ele-
phanti indici longe africanis fuere
præstantiores, monet Doering. Conf.
ad XXXVIII, 39. Ed. — *Ante om-
nia*, præcipue, ut apud Suet. Cal. 21,
ex cod. Mogunt. restituit Drak. Reli-
qui MSS exhibent *ad omnia*, sc. ince-
pta feliciter perficienda; nisi potius
cum Gron. *ad dictum accipias pro
super aut præter*; conf. ad II, 23,
n. 3, et III, 42, n. 3.

4. *Abscisa res erat*, al. *abscissa*;
vide ad IV, 19, n. 5. « Malim *abscisa
spes*, ut IV, 10; XXIV, 30; XXXV,
45. Sic et *spem incidere*, II, 15; III,
58; VI, 39; XXXV, 31; et *præci-
dere*, IV, 3; XXIV, 31; XXIX, 15.
Si *res* retinendum est, in eo tamen
non alia sententia esse potest, quam
etsi res eo redierant, ut prope abscisa
esset spes animos Ætolorum ab socie-
tate Romanorum alienatos reconci-
liandi ». Duk. — *Non ab re esse*, ei
consentaneum, aut utile esse. Conf. ad
I, 27, n. 5.

tatem, et vetustam societatem cum Ætolis. Ab iis Quintius petiit, ut legatos ad Panætolicum⁵ concilium mitterent. Thoas primus in eo concilio renuntiavit legationem. Menippus post eum intromissus, *Optimum fuisse omnibus, qui Græciam Asiamque incohererent*, ait, *integris rebus Philippi potuisse intervenire Antiochum*⁶: *sua quemque habiturum fuisse, neque omnia sub nutum ditionemque romanam perventura.* « Nunc quoque, inquit, si modo vos, quæ inchoastis, « consilia constanter perducitis ad exitum, poterit, « diis juvantibus et Ætolis sociis, Antiochus quamvis « inclinatas Græciæ res restituere in pristinam dignitatem. Ea autem in libertate posita est, quæ suis « stat viribus, non ex alieno arbitrio pendet, » Athenienses, quibus primis, post regiam legationem, dicendi, quæ vellent, potestas facta est, mentione omni regis prætermissa, romanæ societatis Ætolos meritorumque in universam Græciam T. Quintii admonuerunt, *ne temere eam celeritate nimia consiliorum everterent. Consilia calida⁷ et audacia prima specie læta, tractatu dura, eventu tristia esse. Legatos romanos et in iis T. Quintium haud procul inde abesse. Dum integra omnia essent, verbis potius de iis, quæ ambigerentur, disceptarent, quam Asiam Europamque ad funestum armarent bellum.*

XXXIII. Multitudo, avida novandi res¹, Antiochi tota erat; et ne admittendos quidem in concilium Ro-

5. *Ad Panætolicum concilium*; vide ad XXXI, 29, n. 1.

6. *Integris rebus Philippi potuisse intervenire Antiochum*, accedere, ut passim, vel succurrere, ut XL, 9.

7. *Consilia calida*, al. *oallida*. Conf. Drak. et Duk. nosque ad XXII, 24,

n. 2. — Doering. *calida* omnino defendit. Ed. — *Integra omnia*; vide ad II, 5, n. 1.

CAP. XXXIII. 1. *Multitudo, avida novandi res, Antiochi tota erat*; vide ad I, 52, n. 1; III, 36, n. 4, et III, 62, n. 5.

manos censebant. Principum maxime seniores auctoritate obtinere, ut daretur iis concilium. Hoc decretum Athenienses quum retulissent, eundem in Ætoliam Quintio visum est. Aut enim moturum aliquid, aut omnes homines testes fore, penes Ætolos belli culpam esse; Romanos justa ac prope necessaria sumptuos arma. Postquam ventum est eo, Quintius in concilio, orsus a principio societatis Ætolorum cum Romanis, et quoties ab iis fides mota foederis² esset, pauca de jure civitatum, de quibus ambigeretur, disseruit. *Si quid tamen æqui se habere arbitrentur, quanto esse satius Romam mittere legatos, seu disceptare, seu rogare senatum mallent; quam populum romanum cum Antiocho, lanistis Ætolis³, non sine motu magno generis humani et pernicie Græciæ, dimicare? nec ullos prius cladem ejus belli sensuros, quam qui movissent.* Hæc nequidquam velut vaticinatus Romanus. Thoas deinde cæterique factionis ejusdem, cum adsensu omnium auditi, pervicerunt, ut, ne dilato quidem concilio, et absentibus Romanis, decretum fieret, quo arcesseretur Antiochus ad liberandam Græciam, disceptatumque⁴ inter Ætolos et Romanos. Huic tam superbo decreto addidit propriam contumeliam Damocritus prætor eorum: nam quum

2. *Ab iis fides mota foederis*; vide ad XXV, 16, n. 3. — *De quibus ambigeretur*, dubitaretur, vel certaretur; videndum est supra ad librum XXI, cap. 31, n. 6.

3. *Lanistis Ætolis*, h. e. committentibus, subornantibus in certamen; dum, sicut *lanistæ* paria gladiatorum, ita Ætoli quasi populum rom. cum Antiocho committunt (auctoribus, incitantibus); Gron. Conf. Cic. Philipp. XIII, 19, et Rosc. Am. cap. 40. Male

admixtis vel immixtis plerique libri.

4. *Quo arcesseretur Antiochus ad liberandam Græciam disceptatumque* (supin.) *inter*, etc. ita MSS, non, ut edd. antt., *disceptandumque*; Gron. Conf. ad I, 50, n. 5, et V, 19, n. 3. — *Disceptandum* respondere τῶν *ad liberandam*, sed, ut bene observat Doer. non raro Noster orationis formam variare et mutare solet. Hic supinum *disceptatum* pendet ab *arcesseretur*. Ed.

id ipsum decretum posceret eum Quintius⁵, non veritus majestatem viri, *aliud in præsentia, quod magis instaret, prævertendum sibi esse*, dixit: *decretum responsumque brevi in Italia, castris super ripam Tiberis positis, daturum*. Tantus furor illo tempore gentem Ætolorum, tantusque magistratus eorum cepit.

XXXIV. Quintius legatique¹ Corinthum redierunt. Inde, ut quæque de Antiocho, nihil per se ipsi moti, et sedentes expectare adventum viderentur regis, concilium quidem universæ gentis post dimissos Romanos non habuerunt: per apocletos autem (ita vocant sanctius consilium: ex delectis constat viris²) id

5. *Decretum posceret eum Quintius*; vide ad I, 24, n. 6. — Tò *eum* in pluribus vet. libris omissum est; fortasse, ait Doer., quod in loquendi genere, *poscere aliquem aliquid*, offendebatur, a quo tamen optimi quique scriptores haud abstinuerunt. Ed. — *Instaret*; vide ad III, 6, n. 5. — *Prævertendum*; vide ad II, 24, n. 3.

CAP. XXXIV. 1. *Quintius legatique*; vide ad III, 25, n. 4. — *Ut quæque de Antiocho, nihil per se ipsi moti, et sedentes expectare adventum* (V. MSS *motum*) *viderentur regis*, etc. obscuriorem hunc locum sic explicabam: Ætolos, ne Romanis prius consilia eorum quam facta innotescerent, postea *concilium gentis nullum habuisse*, ita ut *quæque*, omnia, ut quamcumque spem haberent, viderentur expectare de Antiocho, nihil ipsi pro ea laborantes, utque viderentur sedentes expectare sive adventum sive motum regis; Gron. *Quieti de Antiocho* conj. Faber. et *moturi pro moti* non male Jac. Periz. et *adventu pro adventum* Benedict. qui tamen non dicit, quo sensu hæc verba ceperit. Excidisse nomen Ætolorum, vel aliud,

e quo intelligatur, hæc de iis dici, bene suspicatur Duk. — Creverius, qui sine libris aliquid refingere noluit locum ita perspexit: « Ætoli, ne tanquam omnia reponentes in Ant. nihil per se ipsi moti, ac sedentes compressis, quod aiunt, manibus *exp. adv. reg. vid.* etsi *concilium univ. gent. non habuerunt, per apocletos* tamen, etc. » Hinc emendationem molitus Doering. legendum existimat: *Ætoli ne quæque*, etc. « Perierant fortasse, ait, vel situ obductæ fuerant in nomine Ætoli literæ usque ad *i* et in MSS nihil conspicietur nisi... *i ne*, unde fortasse ineptus quidam homo fecit *inde*, et quia orationem non capiebat, addidit *ut* ». Tò *expectare* tam ad *quæque* quam ad *adventum* referendum, vel per zeugma aliud verbum ad *quæque* supplendum videtur. Ed. — *Sedentes*; vide ad VII, 37, n. 4.

2. *Per apocletos: ita vocant sanctius consilium*; quod *ex delectis constat viris*; conf. XXXV, 46; XXXVI, 28; XXXVIII, 1, n. 3; Suid. voc. Ἀπόκληται, et Polyb. IV, 5, § 9; XX, 1, § 1; XX, 10, § 3, cui iidem ἀρχοντες dicuntur XXI, 2, n. 7, coll.

agitabant, quonam modo res in Græcia novarentur. Inter omnes constabat, in civitatibus principes, optimum quemque, romanæ societatis esse, et præsentî statu gaudere; multitudinem, et quorum res non ex sententia ipsorum essent, omnia novare velle³. Ætoli consilium uno die, spei quoque non audacis modo, sed etiam impudentis, ceperunt, Demetriadem, Chalcidem et Lacedæmonem occupandi. Singuli in singulas missi sunt principes; Thoas Chalcidem, Alexamenus Lacedæmonem, Diocles Demetriadem. Hunc exsul Eurylochus, de cuius fuga causaque fugæ ante dictum est⁴, quia reditus in patriam nulla spes alia erat, adjuvit. Literis Eurylochi admoniti propinqui amicique, et qui ejusdem factionis erant, liberos et conjugem ejus cum sordida veste⁵, tenentes velamenta supplicum, concionem frequentem adire jubent, singulos universosque obtestantes, ne insontem, indemnatum consensescere in exsilio sinerent. Et simplices homines misericordia, et improbos seditiososque immiscendi res tumultu ætolicæ spes movit: pro se quisque revo-

XXI, 3, n. 2. *Apocleti delecti ordinum proceres ad concilium, der enge Ausschuss*; Bauer. Pro *consilium alii concilium*, a quo illud h. l. distinguitur. Cf. ad I, 54, n. 1, et XX XVIII, 1, n. 3. — *Res novarentur*; vide ad I, 52, n. 1.

3. *Principes, optimum quemque, romanæ societatis esse* (vide ad III, 36, n. 4), et *presenti statu gaudere, multitudinem... omnia novare velle*; vide ad XXXVI, 6, n. 2. Ante *optimum* recte forsitan et inseruit MS Mougunt. Conf. tamen ad I, 7, n. 6. *Principes* sunt nobilissimi ordinis senatorii (vid. Wessel. Obs. I, 8), et *optimus quisque*, qui optimatum partibus favebant, qui reipublicæ utilitati consu-

lebant; qui non semper principes, sed interdum ex plebe erant; Drak. *Novari* malebat Sigon. Sed ipsi etiam auctores rerum novarum esse cupiebant.

4. *Eurylochus, de cuius fuga causaque fugæ ante dictum est, etc.* vide cap. 31, 32.

5. *Cum sordida veste*; vide ad II, 54, n. 5. — *Tenentes velamenta supplicum*; vide ad II, 54, n. 6. — *Consensescere*; vide ad I, 22, n. 3. — *Tumultu ætolicæ*, dum esset tumultus ætolicus, concitatus per Eurylochum; nisi potius, inquit Doering., *tumultu*, ut plura passim quartæ declinationis nomina, antique pro *tumultu* positum est. Ed.

care jubebant. His præparatis, Diocles, cum omni equitatu (et erat tunc præfectus equitum) specie reducentis exsulem hospitem profectus, die ac nocte ingens iter emensus, quum millia sex ab urbe abesset, luce prima tribus electis turmis, cætera multitudine equitum subsequi jussa, præcessit. Postquam portæ appropinquabat, desilire omnes ex equis jussit, et loris ducere equos, itineris maxime modo, solutis ordinibus; ut comitatus magis præfecti videretur, quam præsidium. Ibi una ex turmis ad portam relicta, ne excludi subsequens equitatus posset, media urbe ac per forum, manu Eurylochum tenens, multis occurrentibus gratulantibusque, domum deduxit. Mox equitum plena urbs erat, et loca opportuna occupabantur. Tum in domos missi, qui principes adversæ factionis interficerent. Ita Demetrias Ætolorum facta est.

XXXV. Lacedæmone¹ non urbi vis afferenda, sed tyrannus dolo capiendus erat; quem, spoliatum maritimis oppidis a Romanis, tunc intra mœnia etiam Lacedæmonis ab Achæis compulsus, qui occupasset occidere, eum totius gratiam rei apud Lacedæmonios laturum. Causam mittendi ad eum habuerunt, quod fatigabat precibus, ut auxilia sibi, quum illis auctoribus rebellasset, mitterentur. Mille pedites Alexameno dati sunt, et triginta delecti ex juventute equi-

CAP. XXXV. 1. *Lacedæmone*, plerique MSS *Lacedæmoni*; vide ad XXVIII, 26, n. 1. — *Qui occupasset occidere*; vide ad I, 14, n. 3. Sensus hoc loco est: licet Romani Nabin oppidis maritimis spoliarent, ejusque copias intra urbem Achæi compulerint, nihilominus ei uni Lacedæmonios universum sublata tyrannidis

beneficium acceptum relatores, qui tyrannum non fregisset, sed interfecisset; Drak. — *Eum totius gratiam rei*, etc. verum *potius gratiam rei* (sc. quam odium et pœnam) omnes MSS præter Mogunt. — Ipse quoque Doering. τβ *totius* defendit, et ad *eum laturum* supplet: appareat, certum vel manifestum sit. Ed.

tes. Iis a prætore² Damocrito in consilio arcano gentis, de quo ante dictum est, denuntiatur, *ne se ad bellum Achaicum, aut rem ullam, quam sua quisque opinione præcipere posset, crederent missos esse. Quidquid Alexamenus res monuisset subiti consilii capere, ad id, quamvis inopinatum, temerarium, audax, obedienter exsequendum parati essent, ac pro eo acciperent, tanquam ad id unum agendum missos ab domo se scirent.* Cum his ita præparatis Alexamenus ad tyrannum venit, quem adveniens ex templo spei implevit: *Antiochum jam in Europam transisse, mox in Græcia fore; terras, maria, armis; viris completurum*³. *Non cum Philippo rem esse credituros Romanos. Numerum iniri peditum equitumque ac navium non posse: elephantorum aciem conspectu ipso debellaturam. Ætolos toto suo exercitu paratos esse venire Lacedæmonem, quum res poscat: sed frequentes armatos ostendere advenienti regi voluisse. Nabidi quoque et ipsi faciendum esse, ut, quas haberet copias, non sineret sub tectis marcescere otio*⁴, *sed educeret; et in armis decurrere cogeret, simul animos acueret, et corpora exerceret. Consuetudine leviolem laborem fore; et comitate ac benignitate ducis etiam non injucundum fieri posse.* Educi inde frequenter ante urbem in campum ad Eurotam annum cœpere. Satellites tyranni media fere in acie consistebant; tyrannus cum tribus summum

2. *Iis a prætore*, etc. cod. Victor. et Gaertn. *His*, sc. XXX equitibus, prob. Crev. — *Opinione præcipere*; vide ad VII, 26, n. 5.

3. *Terras, maria, armis, viris completurum*: verba *armis, viris* fortasse etiam referri possunt ad *maria*, quæ tamen magis *navibus* et *classibus*

compleri dicuntur; unde alterutrum post *viris* forte excidit; Duk. — Nihil argutam hanc Dukeri observationem putat Doering.; nam, per *armas* et *viros* copiarum tam terrestres quam navales designantur. Ed.

4. *Sub tectis marcescere otio*; vide ad XXIII, 45, n. 1. — *In armis de-*

equitibus, inter quos plerumque Alexamenus erat, ante signa vectabatur, cornua extrema invisens: in dextro cornu Ætoli erant, et qui ante auxiliares tyranni fuerant, et qui venerant mille cum Alexameno. Fecerat sibi morem Alexamenus, nunc cum tyranno inter paucos ordines circumeundi, monendique eum, quæ in rem esse videbantur; nunc in dextrum cornu ad suos adæquitandi; mox inde, velut imperato, quod res poposcisset, recipiendi se ad tyrannum. Sed, quem diem patrando facinori statuerat, eo paulisper cum tyranno vectatus, quum ad suos concessisset, tum equitibus ab domo secum missis, « Agenda, inquit, res est, juvenes, audendaque, quam me duce « imprigre exsequi jussi estis. Parate animos dextras- « que, ne quis in eo, quod me viderit facientem, ces- « set. Qui cunctatus fuerit, et suum consilium meo « interponet⁵, sciat sibi reditum ad penates non esse». Horror cunctos cepit; et meminerant, cum quibus mandatis exissent. Tyrannus ab lævo cornu veniebat. Ponere hastas equites Alexamenus jubet⁶, et se intueri. Colligit et ipse animum confusum tantæ cogitatione rei. Postquam appropinquabat, impetum facit

currere; vide ad XXIII, 35, n. 3. — *Fecerat sibi morem*. Hæc non simpliciter pro, solebat circumire, etc. dicta vult Doering. Immo hanc sibi quasi legem Alexamenus scripserat, ut circumiret, etc. et quia eandem semper rationem consulto sequebatur, *morem sibi fecisse* dicitur. ED. — *Et paulisper*, scil. die. ED.

5. *Suum consilium meo interponet*; vide ad III, 46, n. 2.

6. *Ponere hastas equites A. jubet*, non abjicere (nam *jacentem equites confodiunt*), sed reclinare et invadendi causa pectori opponere, ne se.

erectæ hastæ conspectum sui equitibus interciperent, quos se intueri imitarique jubebat, tanquam quid ipse facturus esset ignaros; quemadmodum I, 27. Tullus Hostilius suos erigere hastas jussit, ne socios Albanos fugientes viderent; Sigon. Confer. ad XXXIII, 8, n. 5. — Putant viri docti Livium hic errasse dum vertit e Polybio *καταβάλλει τὰς σαρπίσας*, demittere hastas; nam *ponere*, ut latinitas exigit, est deponere. ED. — *Animum confusum*, etc. vide ad VI, 34, n. 7. Ad seqq. conf. Pausan. VIII, 50 extr.

et, transfixo equo, tyrannum deturbat. Jacentem equites confodiunt. Multis frustra in lorica ictibus datis, tandem in nudum corpus vulnera pervenerunt; et, prius quam a media acie succurreretur, exspiravit.

XXXVI. Alexamenus cum omnibus Ætolis citato gradu ad regiam occupandam pergat. Corporis custodes, quum res in oculis gereretur, pavor primo cepit; deinde, postquam abire Ætolorum agmen videre, concurrunt ad relictum tyranni corpus, et spectatorum turba ex custodibus vitæ mortisque ultoribus est facta. Nec movisset se quisquam, si extemplo, positis armis¹, vocata in concionem multitudo fuisset, et oratio habita tempori conveniens, frequentes inde retenti in armis Ætoli sine injuria cujusquam. Sed, ut oportuit in consilio fraude cœpto, omnia in maturandam perniciem eorum, qui fecerant, sunt acta. Dux regia inclusus diem ac noctem in scrutandis thesauris tyranni consumpsit: Ætoli, velut capta urbe, quam liberasse videri volebant, in prædam versi. Simul indignitas rei, simul contemptus, animos Lacedæmoniis ad coeundum fecit. Alii dicere, exturbandos Ætolos, et libertatem, quum restitui videretur, interceptam repetendam. Alii, ut caput agendæ rei esset, regii generis aliquem in speciem adsumendum. Laconicus ejus stir-

CAP. XXXVI. 1. *Si extemplo, positis armis...* et si *frequentes inde retenti fuissent in armis Ætoli*, etc. h. e. si ipse sine insignibus belli, ut decet, in concionem processisset, libertatis illorum vindicandæ ergo patratum excusans, simul autem retinisset ad signa Ætolos in patentibus urbis locis stationem servantes, nemine privatorum violato: sic enim futurum erat, ut quiescerent et boni, quibus nulla

fieret injuria, et mali metu multitudinis armatæ et intentæ ad coercendum; Gron.—Si quid corrigere liceat, tentaret Doering., et, *oratione habita temp. conveniente, frequentes, etc.* sed unam tantum hoc loco vocem videt, quæ commodam explicationem haud admittat, nempe part. *inde post frequentes*, pro qua leg. proponit *denique*; nam si ad *inde* addideris *que*, omnes certe τῶν *denique* literas habes. Ed.

pis² erat puer admodum, educatus cum liberis tyranni. Eum in equum imponunt, et, armis adreptis, Ætolos vagos per urbem cædunt. Tum regiam invadunt. Ibi Alexamenum cum paucis resistentem obtruncant. Ætoli circa Chalciocon (Minervæ est templum æreum³) congregati cæduntur. Pauci, armis abjectis, pars Tegeam, pars Megalopolim perfugiunt. Ibi, comprehensi a magistratibus, sub corona venierunt⁴.

XXXVII. Philopœmen, audita cæde tyranni, profectus Lacedæmonem, quum omnia turbata metu invenisset, evocatis principibus, et oratione habita, qualis habenda ab Alexameno fuerat, sociétati Achæorum Lacedæmonios adjunxit¹; eo etiam facilius, quod forte ad idem tempus A. Atilius cum quatuor et viginti quinquerebus ad Gythium accessit. Iisdem diebus circa Chalcidem Thoas, per Euthymidam principem, pulsum opibus eorum, qui romanæ societatis erant post T. Quintii legatorumque² adventum, et Herodorum Cianum mercatorem, sed potentem Chalcide propter divitias, præparatis ad prodicionem iis, qui Euthymidæ factionis erant, nequaquam eandem fortunam, qua Demetrias per Eurylochum occupata erat, habuit. Euthymidas ab Athenis (eum domicilio delegerat locum) Thebas primum, hinc Salganea pro-

2. *Laonicus ejus stirpis, etc. forte Laonicus; Gron.*

3. *Circa Chalciocon, Minervæ templum æreum, unde ipsa Minerva ἡ Χαλκίοικος, scil. Ἀθηνᾶ. Confer. Pausan. III, 17, X, 5; Polyb. IV, 22 et 35; Thucyd. I, 134; Diodor. XI, 45; Suidas et Intpp. Corn. Nep. Pausan. V; Meurs. Misc. Lacon. I, 3; Periz. ad Æliani V. H. IX, 41; Leopard. Extend. XV, 8.*

4. *Sub corona venierunt; vide ad II, 17, n. 3.*

CAP. XXXVII. 1. *Societati Achæorum Lacedæmonios adjunxit Philopœmen; conf. Plut. Philop. p. 364 sq. et Pausan. VIII, 51. Polybiana hujus rei narratio intercidit.*

2. *T. Quintii legatorumque; vide ad III, 25, n. 4. — Hinc Salg. processit; Her. ad Thronium. Inde, etc. sic locum bene interpuixit Crev. pr-*

cessit; Herodorus ad Thronium. Inde haud procul in Maliaco sinu duo millia peditum Thoas et ducentos equites, onerarias leves³ ad triginta habebat. Eas cum sexcentis peditibus Herodorus trajicere in insulam Atalantam jussus; ut inde, quum pedestres copias appropinquare jam Aulidi atque Euripo⁴ sensisset, Chalcidem trajiceret. Ipse cæteras copias, nocturnis maxime itineribus, quanta poterat celeritate, Chalcidem ducebat.

XXXVIII. Mictio¹ et Xenoclidēs, penes quos tum summa rerum, pulso Euthymida, Chalcide erat, seu ipsi per se suspicati, seu indicata re, primo pavidi, nihil usquam spei, nisi in fuga, ponebant: deinde, postquam resedit terror, et prodi et deserere non patriam modo, sed etiam Romanorum societatem, cernebant, consilio tali animum adjecerunt². Sacrum anniversarium eo forte tempore Eretriæ Amarynthidis Dianæ³ erat, quod non popularium modo, sed Ca-

bantibus Drak. et Doer. Antea enim sic distinguebant, hinc *Salg. processit Her. ad Thron. inde*, etc. Cæterum, ut notat Glar. Σαλγανεύς portus est Bæotiæ ad Euripum; Thronium autem triginta stadiis a Scarphia, quæ urbs est ad Maliacum sinum, ut ait Strabo, lib. IX, p. 426. Ed.

3. *Onerarias leves*; vide ad XXV, 27, n. 5.

4. *Aulidi atque Euripo*; confer. XLV, 27, et ad XXVIII, 6, n. 3.

CAP. XXXVIII. 1. *Mictio* cod. Mōgunt. Alii MSS et vet. edd. *Micion* (quod probat Victor. var. lect. I, 7; et notum est Græcorum nomen, de quo vid. Drak. ad XLIII, 7, ubi *Micion* est in ed. pr.), *Mitylo*, *Mittilio*, *Mictilo*, etc. et Appian. Syr. 12. Μιτιθίων, ut videatur verum nomen

esse *Micythio*: nam *Micythus* nomen notum est ejus, qui Anaxilai Rhagini tyranni liberorum tutor fuit (vid. Holsten. ad Steph. voc. Πυζοῦς, et de alio Nep. Epam. 4, de alio Ptolem. Hephæst. 4); unde Μυθίων, ut *Eurytus*, *Eurytion*; Gron. Cf. Schweigh. ad Appian. l. l.

2. *Consilio tali animum adjecerunt*, Bened. conj. *objecerunt*. Sed τὸ *tali* refer ad seqq., quæ vulgato favent.

3. *Amarynthis Diana*, seu *Amarynthia* et *Amarsia*, sic dicta (ut et certamina ac festum) ab Amaryntho, Eubææ vico, eoque nomine et ibi, et Athenis, Eretriæ, atque Carysticula; vid. Pausan. I, 31; Strab. X, 448; Schol. Pind. Olymp. XIII, 159; *Montfauc. Antiq. expl.* t. I, p. 150; Meurs. Græc. fer. lib. I; Hesych. et

rystiorum etiam coetu celebratur. Eo miserunt, qui orarent Eretrienses Carystiosque, *ut et suarum fortunarum in eadem insula geniti misererentur, et romanam societatem respicerent. Ne sinerent Ætolorum Chalcidem fieri. Eubœam habituros, si Chalcidem habuissent. Graves fuisse Macedonas dominos; multo minus tolerabiles futuros Ætolos.* Romanorum maxime respectus civitates movit, et virtutem nuper in bello, et in victoria justitiam benignitatemque expertas. Itaque, quod roboris in juventute erat, utraque civitas armavit misitque. His tuenda mœnia Chalcidis oppidani quum tradidissent, ipsi omnibus copiis transgressi Euripum, ad Salganea posuerunt castra. Inde caduceator primum, deinde legati ad Ætolos missi percunctatum, quo suo dicto factove socii atque amici ad se oppugnandos venirent? Respondit Thoas dux Ætolorum, *Non ad oppugnandos, sed ad liberandos ab Romanis, venire sese. Splendidiore nunc eos⁴ catena, sed multo graviore, vinctos esse, quam quum præsidium Macedonum in arce habuissent. Se vero, negare Chalcidenses, aut servire ulli, aut præsidio cujusquam egere.* Ita digressi ex colloquio legati ad suos. Thoas et Ætoli, ut qui spem omnem in eo, ut improvise opprimerent, habuissent, ad justum bellum oppugnationemque urbis mari ac terra munitæ haudquaquam pares, domum rediere. Euthymidas, postquam castra popularium ad Salganea esse profectosque

Steph. Byz. — *Ne sinerent*, forte *neus*; Duk.

4. *Splendidiore catena*, speciosiore servitute, *sed multo graviore*, aliis *et m. g.*; vide ad XXIII, 44, n. 4.— *Justum bellum* Doering. interpretatur apertum, quod solenni more et indi-

citur, et omni, quem bellum aliquod requirit, apparatu geritur. Apud Cic. in Cat. sæpius *justum bellum* opponitur *latrocinio*; nunc quidem opponitur facto ab Ætolis Chalcidem improvise opprimendi et occupandi periculo. Ed.

Ætolos audivit, et ipse a Thebis Athenas rediit. Et Herodorus, quum per aliquot dies intentus ab Atalanta signum nequidquam exspectasset, missa speculatoria nave, ut, quid moræ esset, sciret, postquam rem omissam a sociis vidit, Thronium, unde venerat, repetit.

XXXIX. Quintius quoque, his auditis, ab Corintho veniens navibus, in Chalcidis Euripo¹ Eumeni regi occurrit. Placuit, quingentos milites præsidii causa relinquere Chalcide ab Eumene rege; ipsum Athenas ire. Quintius, quo profectus erat, Demetriadem contendit; ratus Chalcidem liberatam momenti aliquid apud Magnetas ad repetendam societatem romanam facturam: et, ut præsidii aliquid esset suæ partis hominibus, Eunomo prætori Thessalorum scripsit, ut armaret juventutem, et Villium ad Demetriadem præmisit ad tentandos animos; non aliter, nisi pars aliqua inclinaret ad respectum pristinae societatis, rem aggressurus. Villius quinquere mi nave ad ostium portus² est invectus. Eo multitudo Magnetum omnis quum se effudisset, quæsit Villius, utrum ad amicos, an ad hostes, sese venisse mallent? Respondit Magnetarches Eurylochus³, *Ad amicos venisse eum: sed abstineret portu, et sineret Magnetas in concordia et libertate esse, nec per colloqui speciem multitudinem sollicitaret.* Altercatio inde, non sermo, fuit,

CAP. XXXIX. 1. *In Chalcidis Euripo*; vide ad XXVIII, 6, n. 3. — Hanc lectionem primus edidit Gelen. quum antea legeretur *Chalcidem in Euripo*; quidam codd. apud Drak. exhibent *Chalcide in Euripo*. Quare, ut notat Glareanus, in incerto relinquitur, veneritne per Euripum Chalcidem Quintius, an in Euripo oc-

currerit Eumeni regi. Sed id per exiguum. ED.

2. *Ad ostium portus*, quod non intravit, jussus *abstinere portu*; unde Curio et alii τὸ *ad* male deleverunt; Gron.—*Ad ostium*, est, ante ostium, sub portus aditu substituit. ED.

3. *Magnetarches Eurylochus*; vide ad cap. 31, n. 5.

quum Romanus ut ingratos increparet Magnetæ, imminentesque prædiceret clades; multitudo obstreperet, nunc senatum, nunc Quintium accusando. Ita irrito incepto Villius ad Quintium sese recepit. At Quintius, nuntio ad prætorem misso⁴, ut reduceret domum copias, ipse navibus Corinthum rediit.

XI. Abstulerunt me velut de spatio¹ Græciæ res immixtæ Romanis; non quia ipsas operæ pretium esset prescribere, sed quia causæ fuerunt cum Antiocho belli. Consulibus designatis (inde namque *deverteram*)², L. Quintius et Cn. Domitius consules in provincias profecti sunt; Quintius in Ligures, Domitius adversus Boios³. Boii quieverunt; atque etiam senatus eorum cum liberis et præfecti cum equitatu (summa omnium mille et quingenti) consuli dederunt sese. Ab altero consule ager Ligurum late est vastatus, castellaque aliquot capta; unde non præda modo omnis generis cum captivis parta, sed recepti quoque aliquot cives sociique, qui in hostium potestate fuerant. Eodem hoc anno Vibonem colonia deducta est ex senatusconsulto plebeique scito. Tria millia et septingenti pedites ierunt; trecenti equites. Triumviri

4. *Nuntio ad prætorem misso, ut, etc.* vide ad VIII, 19, n. 10.

CAP. XL. 1. *Abstulerunt me velut de spatio, effecerant, ut quasi de spatio et curriculo deflecterem in circo.*

2. *Inde namque deverteram; vide ad I, 51, n. 2.*

3. *Quintius in Ligures, Domitius adversus Boios, etc.* a quibus non discrepant, quæ cap. 22 leguntur, utrumque consules in Boios venisse, et late agrum hostium pervastasse: sed hinc intelligimus, Quintium potissimum rem gessisse in Liguria, inde

eam adeo penetrasse, ut ad collegam in Boios pervenerit; hinc Boios Domitio, cujus ea provincia erat, se dedidisse, inde factum id, postquam jam castris vicinis in confinio provincialium coiissent consules; Gron. Sed cap. 22 diserte Livius narrat, ambos consules in provincias profectos; cap. 24, Quintium ex provincia revocatum esse, ut novorum consulum comitia haberet: hic vero tradit, L. Quintium et Cn. Domitium consules in provincias profectos esse, consulibus designatis; Crev.

deduxerunt eos, Q. Nævius, M. Minucius, M. Furius Crassipes. Quina dena jugera agri data in singulos pedites sunt, duplex equiti⁴. Bruttiorum proxime fuerat ager: Bruttii ceperant de Græcis. Romæ per idem tempus duo maximi fuerunt terrores; diutinus alter, sed segnior. Terra dies duodequadraginta movit. Per totidem dies feriæ in sollicitudine ac metu fuere. In triduum ejus rei causa supplicatio habita est. Ille non pavor vanus⁵, sed vera multorum clades fuit. Incendio a foro Boario orto, diem noctemque ædificia in Tiberim versa arsere, tabernæque omnes cum magni pretii mercibus conflagraverunt.

XLI. Jam fere in exitu annus erat; et in dies magis fama de Antiochi bello, et cura Patribus crescebat. Itaque de provinciis magistratuum designatorum, quo intentiores essent omnes, agitari cœptum est. Decrevit, ut consulibus Italia, et quo senatus censuisset (jam esse bellum adversus Antiochum regem omnes sciebant), provinciæ essent. Cujus ea sors¹ esset, quatuor millia peditum civium romanorum, et trecenti equites, sex millia socium latini nominis cum quadringentis equitibus sunt decreta. Eorum delectum habere L. Quintius consul jussus, ne quid moraretur, quo minus consul novus, quo senatus censuisset, ex templo proficisci posset. Item de provinciis prætorum decretum est: prima ut sors duæ², urbanaque et in-

4. *Duplex equiti* omnes MSS præter Mogunt. et edd. ante Ald. qui dedit *equitibus*. — *Diutinus alter*. Multi *diutius*, et sic legebat Sigonius; sed plures *diutinus*, ipsa structuræ ratione flagitante. Sensus est: alter diu quidem duravit, sed non tam luctuosus, et minorem cladem intulit. Ed. — *Terra movit se*, mota est, ut XL, 59. Conf. ad II, 3, n. 2.

5. *Ille non pavor v.*, ed. Ascens. et al. *alter* pro *ille*. Sed elegantius *ille* et *hic* pro *alter* poni, docet Gron.

CAP. XLI. 1. *Cujus ea sors esset*, provincia, sorte accepta, sc. bellum adversus Antiochum. Conf. ad X, 26, n. 4.

2. *Prima ut sors duæ* provinciæ essent, vel duas contineret, urbanam et peregrinam præturam. Confer. ad X,

ter cives ac peregrinos jurisdictio esset; secunda, Bruttii; tertia, classis, ut navigaret, quo senatus censuisset; quarta, Sicilia; quinta, Sardinia; sexta, Hispania ulterior. Imperatum præterea L. Quintio consuli est, ut duas legiones civium romanorum novas conscriberet, et socium ac latini nominis viginti millia peditum, et octingentos equites. Eum exercitum prætori, cui Bruttii provincia evenisset, decreverunt. Ædes duæ Jovi eo anno in Capitolio dedicatæ sunt. Voverat L. Furius³ Purpureo prætor gallico bello unam, alteram consul. Dedicavit Q. Marcius Ralla duumvir. Judicia in feneratoribus eo anno multa severe sunt facta, accusantibus privatos ædilibus curulibus, M. Tuccio et P. Junio Bruto. De mulcta damnatorum quadrigæ inauratæ in Capitolio positæ in cella Jovis supra fastigium ædiculæ⁴, et duodecim clypea inaurata; et iidem porticum extra portam Trigeminam inter lignarios⁵ fecerunt.

XLII. Intentis in apparatus novi belli Romanis,

26, n. 4; XXV, 3, n. 1; XXV, 41, n. 8. — Sensus sic Doering. exponit: ita ut, cui sors prima cecidisset, ei essent duæ jurisdictiones conjunctim, scil. tam urbana, quam inter cives ac peregrinos. In veteribus editionibus et quibusdam codicibus vox *peregrina*, ante *urbana* intrusa est, aperte ex interpretatione verborum *int. civ. et per.* ab inepto quodam homine in textum importata est. Ed.

3. *Voverat L. Furius*, etc. vide ad XXXIV, 35, n. 5. — *Dedicavit Q. Marcius R. duumvir*; vide ad I, 53, n. 3, et XXIII, 30, n. 8.

4. *In cella Jovis supra fastigium ædiculæ*; vide ad III, 19, n. 11. *Ædicula* Lipsio videbatur esse ipsa templi cella; Rykio de Capit. cap. 23, minor

cella seu ædicula (capellam vulgo vocant), quales in ipsa cella aut in cellæ alis fuerint, in quibus minora deorum simulacra ponerentur (in qua ædicula hic memorata consecratam fuisse putabat Victorianus auream, ab Hierone missam, de qua vid. XXII, 37); Crev. capsula aliqua, quæ forsan signum Jovis aut sacra incluserit. *Positæ in cella Jovis et supra f. æd. duod. cl.*, vel *positæ supra fastigium æd. et in cella Jovis duod. cl. conj.* Drak. — *Clypea inaurata*; vide ad XXV, 39, n. 7.

5. *Inter lignarios*, loco sic dicto ab ejusmodi opificibus lignariis (ita Crev. et Marlian. in topograph. IV, 1), vel potius negotiatoribus ejus generis, ut *inter falcarios* apud Cic. Sull. 18,

ne ab Antiocho quidem¹ cessabatur. Tres eum civitates tenebant, Smyrna et Alexandria Troas et Lampascus; quas neque vi expugnare ad eam diem poterat, neque conditionibus in amicitiam perlicere, neque a tergo relinquere, trajiciens ipse in Europam, volebat. Tenuit eum et de Hannibale deliberatio. Et primo naves apertæ, quas cum eo missurus in Africam fuerat, moratæ sunt; deinde, an omnino mittendus esset, consultatio mota est, maxime a Thoanta Ætolo, qui, omnibus in Græcia tumultu completis, Demetriadem afferebat in potestate esse, et, quibus mendaciis de rege, multiplicando verbis copias ejus, erexerat multorum in Græcia animos, iisdem et regis spem inflabat: *omnium votis eum arcessi. Concursum ad litora futurum, unde classem regiam prospexissent.* Hic idem ausus de Hannibale est movere² sententiam prope jam certam regis. Nam *neque dimittendam partem navium a classe regia censebat; neque, si mittendæ naves forent, minus quempiam ei classi, quam Hannibalem, præficiendum. Exsulem illum et Pæ-*

et Catil. I, 4. Ita Ernesti in clav. Cic. voc. *falcarius*.

CAP. XLII. 1. *Ne ab Ant. quidem.* Doer. suspecta est particula *ne*; qui si *ne* cessavit *quidem*, quidnam tandem fecit? et cur *ne*... *quidem*? num præter opinionem nunc *haud* cessasse visus est? nam ad ejusmodi sententiam referri omnino debent particulae *ne quidem*. « Atqui, adjicit Doering., Antiochum in belli Romanis inferendi apparatu vere cessasse et cessare coactum fuisse, satis docent sequentia. Nam primum tres civitates quas frustra adhuc expugnare tentaverat, deinde deliberatio de Hannibale; denique apertæ naves eum remorabantur, et, ut cessaret, in causa erant.

Huc accedit quod ipse Antiochus, cap. 44, se non ulla re satis ad bellum paratum esse fatetur. » Quare particula *ne*, quæ sententiarum nexum plane turbare videtur, delendam existimat. Ed. — *Alexandria Troas*, Ἀλεξάνδρεια ἢ ἐπὶ Τρωάδος apud auctorem Chron. Alex. p. 171; ἢ Τρωάς Ἀλεξάνδρεια apud Polyb. V, 78, 111; XXI, 10, 11; quæ etiam simpl. *Troas* et *Antogonia Troas* dicebatur; vid. Petit. Var. Lect. I, 12; Cuper. Monum. ant. post Harpocr. p. 210, et Spanhem. ad Callim. H. in Cer. 135.—*Naves apertæ*; vide ad XXII, 19, n. 4.

2. *Movere sententiam*; vid. XXV, 16, n. 3.

num esse, cui mille in dies nova consilia vel fortuna sua, vel ingenium possit facere. Et ipsam eam gloriam belli, qua velut dote Hannibal concilietur, nimiam in præfecto regio esse. Regem conspici, regem unum ducem, unum imperatorem videri debere. Si classem, si exercitum amittat Hannibal, idem damni fore, ac si per alium ducem amittantur. Si quid prospere eveniat, Hannibalis eam, non Antiochi, gloriam fore. Si vero universo bello vincendi Romanos fortuna detur, quam spem esse, sub rege victurum Hannibalem uni subjectum, qui patriam prope non tulerit? Non ita se a juvena eum gessisse, spe animoque complexum orbis terrarum imperium, ut in senectute dominum laturus videatur. Nihil opus esse regi Hannibale duce; comite et consiliario eodem ad bellum uti posse. Modicum fructum ex ingenio tali neque gravem, neque inutilem fore. Si summa petantur, et dantem, et accipientem prægravatura³.

XLIII. Nulla ingenia tam prona ad invidiam sunt, quam eorum, qui genus ac fortunam suam animis non æquant; quia virtutem et bonum alienum oderunt¹. Extemplo consilium mittendi Hannibalis, quod unum in principio belli utiliter cogitatum erat, abjectum est. Demetriadis maxime defectione ab Romanis ad Ætolos elatus, non ultra differre profectionem

3. *Accipientem prægravatura*, ei incommoda et noxia futura; Ern. *Prægravare* proprie dicitur onus nimis grave, deinde numerus nimis crescens, ut V, 34, et XXXVIII, 25.

CAP. XLIII. 1. *Quia virtutem et bon. al. oderunt.* Creverius malit *virtutem ut bon.* hoc est, oderunt virtutem, tanquam bonum alienum, quod quum ad se nihil pertinere intelligant, in

aliis reperiri moleste ferunt. Sed eodem fere reedit vulgata, quam sic exponunt: ægre ferunt, alios homines instructos et ornatos esse virtute et bono, quod ipsi assequi nequeant. Cæterum, ut observat Doering., quod Noster in universum de hominum, ad invidiam proclivium, ingenius dicit, id ad Antiochum nunc transferendum esse facile apparet. Ed. — *Ilium a*

in Græciam constituit. Prius quam solveret naves, Ilium a mari adscendit, ut Minervæ sacrificaret. Inde ad classem regressus, proficiscitur quadraginta tectis navibus, apertis sexaginta²; et ducentæ onerariæ cum omnis generis commeatu bellicoque alio apparatu sequebantur. Imbrum primo insulam tenuit³: inde Sciathum trajecit; ubi, collectis in alto, quæ dissipata erant, navibus, ad Ptelem primum continentis venit. Ibi Eurylochus ei Magnetarches principesque Magnetum ab Demetriade occurrerunt. Quorum frequentia lætus, die postero in urbis portum navibus est invectus. Copias haud procul inde exposuit. Decem milia peditum fuere et quingenti equites, sex elephantum; vix ad Græciam nudam⁴ occupandam satis copiarum, nedum ad sustinendum romanum bellum. Ætoli, postquam Demetriadem venisse Antiochum allatum est, concilio indicto, decretum, quo arcesserent eum, fecerunt. Jam profectus ab Demetriade rex, quia ita decreturos sciebat, Phalara in sinum Maliacum processerat⁵. Inde, decreto accepto, Lamiam venit, exceptus ingenti favore multitudinis, cum plausibus

mari (vide ad VIII, 17, n. 7) *adscendit, ut Minervæ sacrificaret*, cui præsi arcis inclutum in ea fuit templum. Cf. XXXVII, 9 et 37, ad XLV, 28, n. 1; Heyn. Excurs. IX ad Virg. Æn. II, 293 seq. Appian. B. Mithrid. 53; Aurel. Vict. de Viris ill. 70; Strab. 13, pag. 591, 593, 597; unde etiam patebit, Ilium recentius a prisco diversum et *mari* propius fuisse. *Adscendit Ilium*, ut XXXVII, 9, 37, et apud Herodot. VII, 43, ἐς τὸ τοῦ Πριάμου Πέργαμον ἀνέβη, Drak. *Descendit multi* MSS, unde *escendit* conj. Jac. Gron.

2. *XI. tectis navibus, apertis LX;*

videndum supra ad librum XXII, cap. 19, n. 4.

3. *Imbrum insulam tenuit*; vide ad I, 1, n. 8. — *Sciathum*; vid. XXXI, 45, n. 7. — *Ptelem primum opp. continentis vel primam terram continentem*; conf. XLII, 67. — *Magnetarches*; videndum supra ad caput 31, n. 5.

4. *Græciam nudam, solam*; vel inermem, sine copiis et auxiliis, ut XXXVI, 5, n. 4; et *nudus Antoninus* apud Cic. ad Div. X, 11.

5. *Phalara in sinum Maliacum processerat*; vide tamen ad librum XXVII, cap. 30, n. 3.

clamoribusque, et quibus aliis lætitia effusa vulgi significatur⁶.

XLIV. In concilium ut ventum est, ægre¹ a Phænea prætore principibusque introductus, inde facto silentio, rex dicere orsus. Prima ejus oratio fuit excusantis, *quod tanto minoribus spe atque opinione omnium copiis venisset. Id suæ impensæ erga eos voluntatis² maximum debere indicium esse, quod nec paratus satis ulla re, et tempore ad navigandum immaturo, vocantibus legatis eorum, haud gravate obsequutus esset, credidissetque, quum se vidissent Ætoli, omnia vel in se uno posita præsidia existimatuos esse. Cæterum eorum quoque se, quorum expectatio destituta³ in præsentia videatur, spem abunde expleturum. Nam simul primum anni tempus navigabile præbuisset mare, omnem se Græciam armis, viris, equis, omnem oram maritimam classibus completurum. Nec impensæ, nec labori, nec periculo parsurum, donec, depulso cervicibus eorum imperio romano, liberam vere Græciam atque in ea principes Ætolos fecisset. Cum exercitibus commeatus quoque omnis generis ex Asia venturos. In præsentia curæ*

6. *Exceptus ingenti favore multitudinis cum plausibus clamoribusque et quibus aliis lætitia effusa vulgi significatur*; vide ad XXXI, 15, n. 1.

CAP. XLIV. 1. *Ægre*. Scilicet ob ingentem hominum, regem videre gestientium, turbam difficilis in concilium aditus fuit. Ed. — *A Phænea prætore principibusque*; vide ad III, 25, n. 4. Mox verba *inde* et *rex* suspecta Drak.

2. *Impensæ voluntatis*, magnæ, valde propensæ.

3. *Expectatio destituta*; vide ad I, 51, n. 4. — *Simul primum*; vide ad

VI, 1, n. 4. — *Simul ac primum anni tempus*. Omnes hactenus intpp. videntur *simul primum* ita junxisse, ut τὸ *primum*, quod putide abundat, ejiendum vellent. Ego tamen, licet repugnantibus doct. viris Dak. et Drak. facile conjungerem *primum tempus*; neque me movet illud objectum: « Non primum anni tempus, sed tempus veris mare navigabile præbet ». Immo unum et idem est, quum a mense Martio athenus romanus inciperet. Hic igitur *primum tempus* (unde nos fecimus voc. *printemps*) pro vere dicitur, et sic nihil redundat. Ed.

*esse Ætolis debere, ut copia frumenti suis et annona tolerabilis rerum aliarum suppeditetur*⁴.

XLV. In hanc sententiam rex cum magno omnium adsensu loquutus discessit. Post discessum regis inter duos principes Ætolorum, Phæneam et Thoantem, contentio fuit. Phæneas, reconciliatore pacis et disceptatore de iis, quæ in controversia cum populo romano essent, utendum potius Antiocho, censebat, quam duce belli. *Adventum ejus et majestatem ad verecundiam faciendam Romanis vim majorem habituram, quam arma. Multa homines, ne bellare necesse sit*¹, *voluntate remittere, quæ bello et armis cogi non possint.* Thoas negare, *paci studere Phæneam; sed discutere apparatus belli velle, ut tædio et impetus relanguescat regis, et Romani tempus ad comparandum habeant*². *Nihil enim æqui ab Romanis impetrari posse, toties legationibus missis Romam, toties cum ipso Quintio disceptando, satis expertum*³ *esse: nec, nisi abscissa omni spe, auxilium Antiochi imploratos fuisse. Quo celerius spe omnium oblato, non esse elanguendum, sed orandum potius regem,*

4. *Copia frumenti et annona tolerabilis rerum aliarum* (conf. XXIX, 37, n. 3) *suppeditetur*, in MS Gaertn. *suppeditet* probb. Duk. et Drak. Conf. ad VI, 24, n. 1.

CAP. XLV. 1. *Multa homines, ne bellare, etc.* Dant omnes MSS præter Mogunt. *ne bellarent* non improb. Gron. Conf. ad lib. XXVII, 17, n. 4. — *Voluntate remittere*; vide supra ad XXXII, 2, n. 3.

2. *Et Romani tempus habeant ad comparandum*, sc. se, vel necessaria ad bellum. Ita hoc verbum absolute dici, intellecto ex proximis quid compareretur, jam monuit Gronovius ad

XXXVI, 3, n. 1 (ubi voc. *classem* ab indocto quodam appositum putabat), et XXXVIII, 12, n. 2 (ubi τὸ *copias*, post *comparandum* ab editoribus nonnullis adjectum, a MSS abesse monet). Conf. ad XLII, 52, n. 4; Nep. Thrasyb. 2, et supra XXXIV, 34, n. 2, ubi *ad comportandum* simili modo dicitur, Ern. Clav. Cic.

3. *Satis expertum esse*; vide ad II, 29, n. 1. — J. Fr. Gronovius malebat: *expertos esse*; sed quum Noster sæpius *expertum* passive (pro: experientia cognitum) posuerit, non temere sollicitandam esse nostram lectionem putat Doering. Ed.

ut, quoniam, quod maximum fuerit, ipse vindex Græciæ venerit, copias quoque terrestres navalesque arcessat. Armatum regem aliquid impetraturum; inermem non pro Ætolis modo, sed ne pro se quidem ipso, momenti ullius futurum apud Romanos. Hæc vicit sententia, imperatoremque regem appellandum⁴ censuerunt; et triginta principes, cum quibus, si qua vellet, consultaret, delegerunt.

XLVI. Ita, dimisso concilio, multitudo omnis in suas civitates dilapsa est. Rex postero die cum apocletis eorum¹, unde bellum ordiretur, consultabat. Optimum visum est, Chalcidem², frustra nuper ab Ætolis tentatam, primum aggredi; et celeritate in eam rem magis, quam magno conatû et apparatu, opus esse. Itaque cum mille peditibus rex, qui ab Demetriade sequuti erant, profectus per Phocidem est; et alio itinere principes ætoli, juniorum paucis evocatis, ad Charoneam occurrerunt, et decem constratis navibus³ sequuti sunt. Rex, ad Salganea castris positus, navibus ipse cum principibus Ætolorum Euripum trajecit, et, quum haud procul portu egressus esset, ma-

4. Imperatoremque regem appellandum: Spanhem. ad Juliani orat. I, pag. 150, et in diss. 7, de usu et primum. pag. 443, imperatorem hic esse putat, quem Græci στρατηγὸν αὐτοκράτορα dicunt, imperatorem, qui administrationem belli cum summo imperio ac potestate habet, ita ut ad alios referre non cogatur, ut βασιλεὺς αὐτοκράτορες et πρίσθεις αὐτοκράτορες, qui plenam et liberam omnia agendi et de omnibus tractandi potestatem habent. Hoc eo confirmari videtur, quod Livius dicit, XXX principes delectos fuisse, cum quibus rex, si qua vellet, consultaret; Duk.

CAP. XLVI. 1. Cum apocletis eorum; conf. ad cap. 34, n. 2, et Polyb. XX, n. 1.

2. Ab Ætolis tentatam Chalcidem; vide ad IX, 35, n. 1.

3. Decem constratis navibus; vide ad XXII, 19, n. 4. — Pro constratis male in quibusdam codd. legi *rostratis*, monet Doering.; profecta enim est sine dubio hæc lectio ab indoctis librariis, quibus naves *rostratæ* notiores essent, quam *constratæ*. Cæterum nisi forte cum ante *decem* excidit, certe subaudiendum est. Ed. — Ab utriusque inj. *tutam*. Non tam ad præcedens Græciæ quam ad civitates

gistratus quoque Chalcidensium et principes ante portam processerunt. Pauci utrimque ad colloquium congressi sunt. Ætoli magnopere suadere, *ut, salva Romanorum amicitia, regem quoque adsumerent socium atque amicum: neque enim eum inferendi belli, sed liberandæ Græciæ causa in Europam trajecisse; et liberandæ re, non verbis et simulatione, quod fecissent Romani. Nihil autem utilius Græciæ civitatibus esse, quam utramque complecti amicitiam. Ita enim ab utriusque injuria tutam alterius semper præsidio et fiducia fore. Nam si non recepissent regem, viderent, quid patiendum iis extemplo foret, quum Romanorum procul auxilium, hostis Antiochus, cui resistere viribus suis non possent, ante portas esset. Ad hæc Mictio, unus ex principibus, Mirari se, dixit, ad quos liberandos Antiochus, relicto regno suo, in Europam trajecisset. Nullam enim civitatem se in Græcia nosse, quæ aut præsidium Romanis habeat, aut stipendium Romanis pendat, aut fœdere iniquo alligata⁴, quas nolit, leges patiatur. Itaque Chalci-*

respici, ideoque *tutas* potius legendum esse putat Duk. non improb. Doering. Ed.

4. *Fœdere iniquo alligata*; Gron. conj. *illigata*, coll. XLI, 24; XLII, 23; XLV, 25, al. Sed *alligari* etiam hoc sensu adhiberi XXXIV, 3, et XXXVII, 26, monet Drak. Spanhemius in Orbe Rom. II, 10, pag. 303, scribit, Chalcidenses quidem hoc verbis præ se ferre, sed tamen *impar seu iniquum* eorum aliorumque Græcorum cum Romanis fœdus fuisse, eo quod *nullam pacisci societatem, nisi ex auctoritatē Romanorum*, et quod nulla bella injussu Romanorum suscipere potuerint; quod colligit ex iis,

VI.

quæ cap. 50 pr. de Achæis leguntur. « Forte vera hæc sententia, sed certioribus argumentis confirmanda. Nam qui dicit, Certum est mihi hoc non facere, non statim dicit, Non possum hoc facere; nec, qui cap. 50 pr. dicuntur *eosdem hostes et amicos, quos populus rom. sibi hostes et amicos esse censuisset, judicaturi*, dicuntur injussu Romanorum bellum suscipere non potuisse. Jus et natura fœderis non patiebatur, ut socii Romanorum cum hostibus eorum arma conjungerent. Nec tamen ideo hoc fœdus *magis impar seu iniquum* Chalcidensibus et Achæis, quam Romanis, qui non minus legibus illius illigabantur. Nec

denses neque vindice libertatis ullo egere, quum liberi sint, neque praesidio, quum pacem ejusdem populi romani beneficio et libertatem habeant. Amicitiam regis non adspernari, neque ipsorum Aetolorum. Id primum eos pro amicis⁵ facturos, si insula excedant, atque abeant. Nam ipsis certum esse, non modo non recipere mœnibus, sed ne societatem quidem ullam pacisci, nisi ex auctoritate Romanorum.

XLVII. Hæc renuntiata regi ad naves, ubi restiterat, quum essent, in praesentia (neque enim iis venerat copiis, ut vi agere quidquam posset) reverti Demetriadem placuit. Ibi, quoniam primum vanum inceptum² evasisset, consultare cum Aetolis rex, quid deinde fieret. Placuit, Achæos et Amyndrum, regem Athamanum, tentare. Bœotorum gentem aversam ab Romanis jam inde a Brachyllæ morte, et quæ sequuta eam fuerant, censebant. Achæorum Philopœmenem principem, æmulatione gloriæ in bello Laconum, infestum invisumque esse Quintio credebant. Amynder uxorem Apamiam², filiam Alexandri cujusdam Megalopolitani, habebat, qui, se oriundum

verosimile est, eo tempore vel Græcos iniquas societatis condiciones accepturos fuisse, vel Romanos eas hominibus liberis proponendas judicasse; quorum favorem tum omnibus rebus captabant ». Duker. — *Ullo egere.* Crev. sicut omnes post Aldum editores, *indigere* receperat, sed Drak. ex optimorum codd. auctoritate revocavit *egere.* Ed.

5. *Id eos pro amicis facturos*; vide ad II, 7, n. 4.

CAP. XLVII. 1. *Vanum inceptum.* Pro *vanum* quidam codd. et edit. veteres exhibent *inane*; sed quum lectio *vanum* non solum codicis Mogunt.

auctoritate stabilietur, verum ipsa quoque locutio *vanum inceptum* passim a Nostro adhibita sit (X, 32; XXXVII, 17), τὸ *inane* pro interpretamento τοῦ *vanum* habendum esse judicat Doer. Ed. — *Placuit, Achæos et Amyndrum, regem Athamanum tentare*; vide ad IX, 35, n. 1. Ante *Achæos* excidit *Bæotos*: nam de tribus his in seqq. distincte agitur; Jac. Periz.

2. *Apamiam, filiam Alexandri*, etc. conf. Appian. Syr. 13, ex quo forte cum Sigon. leg. *Apamam*. Confer. ad XXXVIII, 13, n. 5. — *Ferens*; vide ad IV, 45, n. 5.

a Magno Alexandro ferens, filiis duobus Philippum atque Alexandrum, et filiae Apamiam nomina imposuerat: quam, regius inclytam nuptiis, major ex fratribus Philippus sequutus in Athamaniam fuerat. Hunc, forte ingenio vanum, Ætoli et Antiochus impulerant in spem, quod is vere regum stirpis³ esset, regni Macedoniae, si Amyndrum Athamanesque Antiocho conjunxisset: et ea vanitas promissorum non apud Philippum modo, sed etiam apud Amyndrum, valuit.

XLVIII. In Achaia legatis Antiochi Ætolorumque, coram T. Quintio, Ægii datum est concilium¹. Antiochi legatus prior, quam Ætoli, est auditus. Is, ut plerique, quos opes regiae alunt, vaniloquus, maria terrasque inani sonitu verborum complevit²: *Equitum innumerabilem vim trajici Hellesponto in Europam, partim loricanos, quos cataphractus vocant; partim sagittis ex equo utentes, et, a quo nihil satis tecti sit, aversos refugiente equo certius figentes.* His

3. *Quod is vere regum s. e.*, potius quasi is; Gron. Si hoc ita intelligatur, Antiochum et Ætolos eo aluisse vanitatem ingenii illius, quod dicerent, eum vere regiae stirpis esse, retineri potest quod; Duk. et Crev. — Ipse quoque Doering. Gronovii conjecturam rejicit, sensu ita exposito: quod eum vere regum stirpis esse simulante affirmabant. Ed.

CAP. XLVIII. 1. *Ægii datum concilium*; vide ad XXVII, 30, n. 8. — *Quam Ætoli*, forte *Ætolorum*; Glar. Conf. ad cap. 49, n. 1.

2. *Maria terrasque inani sonitu verborum complevit*, sc. navibus copiisque. Confer. ad cap. 49, n. 2. — *Loricatos, quos cataphractus vocant, gall. cuirassiers*; vide ad Tacit. Ann.

III, 43, n. 6, et Spanhem. ad Juliani Orat. I, pag. 243. *Vocent* conj. Bauer. Sed forte Livii verba sunt *quos cat. vocant*, parenthesi includenda. Conf. XXXVII, 40. — *Loricatos*. Ratio grammatica postulabat *loricatorum*, ut ad *equitum* referretur; sed hic dici *loricanos* quasi *innumerabiles equites* præcesserit, monet Doering. qui elegantem *equitis cataphracti* descriptionem laudat Claudian. in Rufin. II, 357. Ed. — *A quo*, ab quare. Spectant hæc ad seqq. nec est quod legas *a quis* seu *quais*. — Doer. ad *a quo* subaud. *equite*, nisi quis malit supplere: sagittandi ex equo usu; vel, sagittas ex equo jaciendi modo. Ed. — *Aversos refugiente equo*. Parthi scil. melius in fuga quam in acie pu-

equestribus copiis quanquam vel totius Europæ exercitus in unum coacti obrui possent, adjiciebat multiplices copias peditum et nominibus quoque gentium vix fando auditis terrebat; Dahas, Medos, Elymæosque et Caddusios appellans³: *Navalium vero copiarum, quas nulli portus capere in Græcia possent, dextrum cornu Sidonios et Tyrios, sinistrum Aradios, et ex Pamphylia Sidetas⁴ tenere; quas gentes nullæ unquam nec arte, nec virtute navali æquassent. Jam pecuniam, jam alios belli apparatus referre, supervacaneum esse. Scire ipsos, abundasse semper auro regna Asiæ. Itaque non cum Philippo, nec Hannibale rem futuram Romanis, principe altero civitatis, altero Macedoniæ tantum regni finibus incluso; sed cum magno Asiæ totius partisque Europæ rege. Eum tamen, quanquam ab ultimis Orientis terminis ad liberandam Græciam veniat, nihil postulare ab Achæis, in quo fides eorum adversus Romanos, priores socios*

gnabant, ut testantur Horat. Carm. I, 19, 11: « Parthus versis animosus equis »; et Virgil. Georg. III, 31: « Fidentemque fuga Parthum versisque sagittis »; vid. Virgil. nostræ editionis, t. V, pag. 517. Nonnulli quidem Persas cum Parthis confundunt; sed eos e Curtio refellit *Snakenburg*, quem vide. « Scriptores enim, ut ait Sylvius in Asiæ cap. 30, non tam gentem, quæ imperaret, quam locum cui imperabatur, intuiti sunt ». Conf. Strab. lib. XI, pag. 514, et lib. XV, pag. 736 fin.; Herodianus, VI, 6 et 7; Philo in libro: Quod Deus sit immutab. sub fin. pag. 248, et lib. de Joseph. pag. 425; Justinus, XI, 15, 2; XLI, 4, 1, al. Ed.

3. *Dahas, Medos*, etc. male *Dacas* vett. edd. vide ad Sil. XIII, 764, et

Intpp. Virgil. Æn. VIII, 728. *Dahas* Nomades et Scythæ, ultra Hyrcaniam et mare Caspium. *Elymæi*, Ελυμαῖοι et Ελαμίται, in Elymaide, a meridie Mediæ, parte australi ejus regionis, quæ nunc *Chusistan* dicitur; et *Caddusii*, rectius forte *Cadusii*, in ora Mediæ montana. Confer. Strab. XI, pag. 508, 542; Ptol. VI, 2; Polyb. V, 44; Hard. ad Plin. VI, 13 et 27 seu 15 et 31.

4. *Ex Pamphylia Sidetas*; vide ad cap. 13, n. 3. — *Altero Macedoniæ*, scil. principe. Voc. *rege*, quæ post *altero* in quibusdam codd. et edit. additur, rectius in Mogunt. et cæteris apud Drak. abesse judicat Doering. quippe quia vaniloquus iste Ant. legatus regis nomine, quasi illud in Magnum Antiochum tantummodo cadat,

*atque amicos, lædatur. Non enim, ut secum adversus eos arma capiant, sed ut neutri parti sese conjungant, petere. Pacem utrique parti, quod medios deceat amicos*⁵, optent: bello se non interponant. Idem ferme et Ætolorum legatus Archidamus petiit, ut, quæ facillima et tutissima esset, quietem præstarent, spectatoresque belli fortunarum alienarum eventum sine ullo discrimine rerum suarum opperirentur. Provectus deinde est intemperantia linguæ in maledicta⁶, nunc communiter Romanorum, nunc proprie ipsius Quintii: *ingratos appellans, et exprobrans non victoriam modo de Philippo virtute Ætolorum partam, sed etiam salutem; ipsumque et exercitum sua opera servatos. Quo enim illum unquam imperatoris functum officio esse? Auspiciantem immolantemque et vota nuncupantem sacrificuli vatis modo in acie vidisse, quum ipse corpus suum pro eo telis hostium objiceret.*

XLIX. Ad ea Quintius, *Coram quibus*¹ *magis quam apud quos, verba faceret, dicere, Archidamum rationem habuisse. Achæos enim prope scire, Ætolorum omnem ferociam in verbis, non in factis esse, et in conciliis magis concionibusque, quam in acie, apparere. Itaque parvi Achæorum existimationem, quibus notos esse se scirent, fecisse: legatis re-*

consulto et invidiose in Philippi commemoratione abstinuisse videtur. En.

5. *Medios deceat amicos*; vide ad I, 32, n. 5. — *Bello se non interponant*, inmiscant, ut c. 49, et XLII, cap. 58.

6. *Provectus est in maledicta Romanorum*, in Romanos; vide ad XLI, 20, n. 4. — *Proprie ipsius Quintii*, solius, in solum, *persönlich, individuell*; Bauer.

CAP. XLIX. 1. *Coram quibus*, scil.

Quintio et legatis Antiochi, casu præsentibus et tantum audientibus, *magis, quam apud quos*, scil. Achæos, iudices, arbitros et disceptatores, ad rem non tam audiendam, quam disceptandam, vocatos: nam Achæi legatis coram Quintio (confer. cap. 48 pr.) dederant concilium, in quo Archidamus Quintium prosciderat maledictis, et jactaverat ea, quorum veritas legatis quidem regis, non vero Achæis, haud satis perspecta esse poterat. —

gis et per eos absenti regi eum se jactasse. Quod si quis antea ignorasset, quæ res Antiochum et Ætolos conjunxisset, ex legatorum sermone potuisse apparere: mentiendo invicem jactandoque vires², quas non haberent, inflasse vana spe atque inflatos esse; « dum « ii ab se Philippum victum, sua virtute protectos Romanos, et quæ modo audiebatis, narrant, vos cæterasque civitates et gentes suam sectam esse sequuturos³; rex contra peditum equitumque nubes jactat, et consternit maria suis classibus. Est autem res « simillima cœnæ Chalcidensis hospitis mei³, hominis « et boni, et sciti convivatoris. Apud quem solstitiali tempore⁴ comiter accepti quum miraremur,

Legatis regis, forte legato, quia cap. præc. non nisi legatus Antiochi memoratur: sed licet plures legati sint missi, unius tamen tantum interdum mentio fit, quia is legationis princeps est: quo et referri potest, quod Livius modo scirent, modo eum dicat, et cap. 48 pr. Ætoli, hoc est, legati Ætolorum, licet unus tantum memoretur legatus Archidamus; Drak.—Dum ii ab se, etc. in MS Lov. 6, et Gaetrn. dum hi, rectius forte, iudice etiam Crev. quamvis ii non alii esse possunt, quam legati Ætolorum.

2. Suam sectam esse sequuturos (vide ad XXXIX, 27, n. 2); rex contra, propr. regis legatus, peditum equitumque nubes jactat, immensam multitudinem (inpr. avium, instar atræ nubis aerem secantium tenebrisque quasi involventium, ut locustarum XLII, 10, hinc et telorum XXXVIII, 26; vide ad Sil. I, 311; II, 433; VI, 336; VII, 84), et consternit maria suis classibus; conf. ad cap. 48, n. 2. « Nota h. l. accusativum cum infinit. in rectam orationem

elapsum: inflasse... inflatos esse; dum narrant... rex contra... jactat. Hæc tamen pro conjunctivis acceperis, nisi insertum sit quæ audiebatis. Recta ergo oratio incipit, suspensa tamen ab obliqua, paulo durius. Ita pergit: Est autem... et tamen deinde: Hoc dici posse»; Bauer. Conf. ad I, 13, n. 4, et XXXV, 16, n. 5.

3. Est autem res simillima cœnæ Chalcidensis hospitis mei; conf. Plut. Flamin. pag. 378, et Apophthegm. pag. 197; Erasmi Adag. tit. Arrogantia, p. m. 159, et qui ex h. l. colligebat, acutum Quintio ingenium lepitudumque fuisse, Victor. Var. lect. XVII, 10. Hoc exemplo hospitis duo reprehendit in Antiochi legato, et quod ex una gente multas faciat, et quod ex mansuetis imbellibusque feroces ac truces, quemadmodum ex uno porco hospes multam variamque venationem, et ex mansueto speciem ferinæ carnis fecisse visus erat; Glar. Oratio autem obliqua in rectam mutata, ut passim; vide ad I, 13, n. 4.

4. Solstitiali tempore, media æstate:

« unde illi eo tempore anni tam multa et varia venatio ; homo non , quam isti sunt , gloriosus , renidens ,
 « condimentis , ait , varietatem illam et speciem ferinæ
 « carnis ex mansueto sue factam ». *Hoc dici apte in
 copias regis , quæ paulo ante jactatæ sint , posse. Varia
 enim genera armorum et multa nomina gentium inau-
 ditarum , Dahas et Medos et Caddusios et Elymæos
 Syros omnes esse : haud paulo mancipiorum melius ,
 propter servilia ingenia , quam militum genus. « Et
 « utinam subjicere oculis vestris , Achæi , possem con-
 « cursationem regis magni ab Demetriade , nunc La-
 « miam in concilium Ætolorum , nunc Chalcidem ! Vi-
 « deretis vix duarum male plenarum legiuncularum
 « instar ⁵ in castris regis : videretis regem , nunc men-
 « dicantem prope frumentum ab Ætolis , quod militi
 « admetiatur , nunc mutuas pecunias fenere in stipen-
 « dium quærentem , nunc ad portas Chalcidis stantem ;
 « et mox inde exclusum , nihil aliud quam Aulide atque
 « Euripo spectatis ⁶ , in Ætoliam redeuntem. Male credi-
 « derunt et Antiochus Ætolis , et Ætoli regiæ vanitati.
 « Quo minus vos decipi debetis , sed expertæ toties spe-*

nam Antiquis duo tantum solstitia fuisse , nec nisi mediam æstatem dici solstitium , mediam hiemem *brumam* , Victor. ad Varr. Re Rust. I. 46 , docet ; Drak. — Huc Doering. affert locum Cic. de Nat. Deor. II , 7 , ubi solstitio opponitur *bruma* , et ibi vid. Davis. sic et Cerda ad Virgil. Georg. I , 100 ; Salmas. ad Solin. pag. 175. En. — *Tam multa et varia venatio* ; vide ad XXV , 9 , n. 9. — *Non , quam isti sunt , gloriosus* ; vide ad II , 56 , n. 8. — *Renidens*. Doering. interpretatur , *subridens* , et ablegat ad Catull. XXXIX , 2. En. — *Dahas et Medos et Caddusios et Elymæos Syros omnes*

esse ; vide ad c. 48 , n. 3. *Syri* latiore sensu dicti. — Plutarchus , qui totum hunc locum in Apophth. pag. 197 , expressit : πάντες γὰρ εἰσιν οὗτοι Σύροι , ἑπλαρίους ἀλλήλων διαφέροντες. En. — *Concursationem*. Hoc nomine false a Quintio appellari inconditum et concursando male compositum Antiochi agmen , monet Doering. En.

5. *Legiuncularum instar* ; vide ad XXVIII , 17 , n. 1. — *Quod militi admetiatur tenuiter* , parce , *kümmerlich* , *nothdürftig* ; Bauer.

6. *Nihil aliud quam Aulide et Euripo spectatis* , postquam nil egisset , quam quod vel ut spectaret ; Bauer.

« ctatæque Romanorum fidei credere. Nam quod opti-
« mum esse dicunt⁷, non interponi vos bello, nihil
« immo tam alienum rebus vestris est. Quippe sine
« gratia, sine dignitate, præmium victoris eritis. »

L. Nec absurde adversus utrosque¹ respondisse visus est; et facile erat orationem apud faventes æquis auribus accipi. Nulla enim nec disceptatio, nec dubitatio fuit, quin omnes, eosdem genti Achæorum hostes et amicos, quos populus romanus censuisset, judicarent, bellumque et Antiocho, et Ætolis nuntiari juberent. Auxilia etiam, quo censuit

Vide ad II, 8, n. 9. — *Experta toties spectatæque R. f.*; alii, etiam Drak., *potius*; quod languere videtur: at *toties* excitat orationem et firmat: ac sane sæpius jam cognorant Achæi fidem Romanorum, utut in uno bello Philippi; Bauer. *Potius* codd. Mog. Victor. et Lov. 6. *Toties* reliqui MSS et edd. ante Ald.

7. *Nam quod optimum esse dicunt* (id recepi ex MS Lov. 3, pro vulg. *dicant*), suadentibus Crev. et Bauero: nam vere dixerant, *non interponi vos bello* (videndum tamen ad cap. 48, not. 5). *Interponendi* plerique MSS et editiones ante Mogunt. non improb. Gron., si intelligatur *concilium* aut tale quid. Idem monet, similiter inf. XXXVII, 16, extr. in MSS primisque edd. legi *omisso Patara amplius tentandi*, et in recentt. demum edd. *omisso conatu P. a. t. et omissa P. a. t. spe*. Conf. ad Tacit. Ann. II, 43, n. 10. — *Nihil immo*, contra, *potius*. Inter has voces in cod. Harl. et Sigon. insertum *tam vanum* ab iis, qui nesciebant, τὸ *immo* alii voc. postponi, ut XXXVIII, 43, et XXXIX, 40. — Doering. putat alterum orationis membrum, *nihil immo tam al.*, etc.

quamvis τὸ *immo* non semper ab initio poni facile concedat, parum apte tamen cum priore membro coherere. Proponit igitur, una tantum litera et distinctione mutata, multo concinnior locum sic reddendum: *nam quod... bello, nihil, immo jam al. reb. vestris, est. Sequentia, quippe sine gratia*, etc. respondent τὸ *jam*; et inter particulas *jam* et *tam* sæpe allatam esse a librariis confusionem docuit Drak. ad XXI, 11, § 12, et ad Silium Ital. XIV, 427. Ed. — *Præmium victoris eritis*; videndum tamen ad XXXII, cap. 21, not. 16.

CAP. L. 1. *Adversus utrosque, utrisque*. — *Et facile erat suppleri intellectu* vult Doering. nisi forte ejusmodi aliquid exciderit, vel scribendum sit: *et facile intelligi poterat, orat.*, etc. Equidem nihil supplendum arbitror, et *facile erat* dictum pro: facile accipienda erat oratio; vel: plane accipi debebat. Ed. — *Nulla enim nec disceptatio, nec dubitatio fuit*, etc. Vera est horum et sequentium verborum lectio, quæ vulgo circumfertur, et ab Aldo ex cod. Mogunt. primum recepta est. Omnes autem priores edd. cum codd. nostris præferunt, *nulla*

Quintius, quingentorum militum Chalcidem, quingentorum Piræum extemplo miserunt. Erat enim haud procul seditione Athenis res, trahentibus ad Antiochum quibusdam spe largitionum venalem pretio multitudinem; donec ab iis, qui romanæ partis erant², Quintius est accitus, et, accusante Leonte quodam, Apollodorus auctor defectionis damnatus atque in exsilium est ejectus. Et ab Achæis quidem cum tristi responso legatio ad regem rediit. Bœoti nihil certi responderunt: *quum Antiochus in Bœotiam venisset, tum, quid sibi faciendum esset, se deliberaturos esse*. Antiochus, quum ad Chalcidis præsidium et Achæos et Eumenem regem misisse audisset, maturandum ratus, ut et prævenirent sui, et venientes, si possent, exciperent, Menippum cum tribus ferme millibus militum, et cum omni classe Polyxenidam mittit. Ipse paucos post dies sex millia suorum militum, et ex ea copia, quæ Lamix repente colligi potuit, non ita multos Ætolos ducit. Achæi quingenti et ab Eumene rege modicum auxilium missum, duce Xenoclide Chalcidensi, nondum obsessis

enim disceptatio fuit, quin omnes gentes fidos et amicos, etc. reliquis omnis. Ed.

2. *Qui romanæ partis erant*; vide ad III, 36, n. 4; III, 62, n. 5, et XXIV, 42, n. 4. *Romanorum partis recte, puto, emend. Duk. quia pars genitivo plur. jungi solet. Conf. tamen et ad cap. 51, n. 3. — Accusante Leonte quodam, Apollodorus, . . . damnatus, atque in exsilium est ejectus. Ita recte Moguntini ex codice suo ediderunt. Codd. nostri cum primis edd. præferunt Leontem quodam. Non tantum enim Græci a recto Δίων εfferunt Δίοντος, sed eorum exemplo*

etiam Latini *Leontis*; locum *Leonta* ex fide optimi cod. Livio restituit Gron. supra, XXIV, XXXIX. *Leontem Megarensem* memorat Cic. V. in Verr. § 6. *Leontem principem Phliasiorum*, LV. Tuscul. c. 3. An huc etiam pertinet inscriptio comædiæ *Leontis*, a Nævio in carcerem conjecto compositæ? cujus meminit Gell. III, Noct. cap. 3. Ed. — *Bœoti nihil certi responderunt, etc. conf. Polyb. XX, 2. — Et Eumenem regem misisse, scilicet auxilia. — Tò regem, quod deest in Lov. 5, et in antiquioribus excusis, ab Aldo ex cod. Mog. adscitum est. Idem autem reliqui nostri agnoscunt.*

itineribus, tuto transgressi Euripum³, Chalcidem pervenerunt. Romani milites, quingenti ferme et ipsi, quum jam Menippus castra ante Salganea ad Hermæum, qua transitus ex Bœotia in Eubœam insulam est, haberet, venerunt. Mictio erat cum iis, legatus a Chalcide ad Quintium, ad id ipsum præsidium petendum, missus. Qui postquam obsessas ab hostibus fauces⁴ vidit, omisso ad Aulidem itinere, Delium convertit, ut inde in Eubœam transmissurus.

LI. Templum est Apollinis Delium, imminens mari¹: quinque millia passuum a Tanagra abest. Minus quatuor millium inde in proximo Eubœæ est mari trajectus. Ubi et in fano lucoque, ea religione et eo jure sancto, quo sunt templa, quæ asyla Græci appellant², et nondum aut indicto bello, aut ita com-

Achæos auxilium quingentorum militum eo *misisse* supra dixit hoc cap. et, ab Eumene modicum auxilium *missum*, mox infra. Ed.

3. *Transgressi Euripum*, etc. vide ad XXVIII, 6, n. 3. — *Ante Salganea ad Hermæum*. Sic emendavit Gronovius; Voss. prætulera *Herineum*, quod est oppidum Doridis: alii ad *Euripum*, quia ad finem hujus libri dicturus est, *pertinacius Romani Euripum tuebantur*, ut Aulis intelligatur. Ed. — *Mictio erat cum iis, legatus a Chalcide ad Quintium*. Lov. 5 et ed. Camp. exhibet *cum iis legatis*. *Tum ad Chalcidem* Voss. Lov. 2, 3, 4, 6, a manu prim. Mead. uterque, et Gaertn. *Ab Chalcide* Lov. 6 a manu secund. hinc paulo post ad ipsum præsidium Voss. Lov. 4, 5, et editi ante Aldum, qui *id* ex codice Mog. interposuit, consentientibus reliquis scriptis. Vide ad V, 43. Ed.

4. *Obsessas ab hostibus fauces*, etc.

vide ad XXVIII, 6, n. 3. — *Omisso ad Aulidem itinere, Delium convertit*. Voss. et Lov. 1, *emisso*. *Tum bellum convertit* Voss. et Lov. 1, ac 4. *Delium convertit* Lov. 6, et Harl. Ed. — *Delium convertit*. Livius, sup. XXXI, 45, *Delium Bœotiae* memorat, quod, ut docet Pausanias in Bœot. cap. 20, ἐπὶ θαλάσσει situm fuit. Mox *ut inde* pro, *quasi inde*; sed, particula *ut* deleta, lenius fluere orationem putat Doering. Ed.

CAP. LI. 1. *Templum est Apollinis Delium (an Delii?) imminens mari*, etc. vide ad III, 51, n. 3, et XXXI, 45, n. 5. — *Mari trajectus*: nam insula etiam adiri potest ex continenti, quia angustiae maris inter Bœotiam et Eubœam adeo arctae sunt, ut Euripus ille ponto stratus fuerit, quo insula continenti annexa est; Drak. Confer. Plin. IV, 12, et Strab. IX, 401, 403.

2. *In fano lucoque ea religione eoque jure sancto, quo sunt templa, que*

misso, ut strictos gladios, aut sanguinem usquam factum audissent, quum per magnum otium milites, alii ad spectaculum templi lucique versi, alii in litore inermes vagarentur, magna pars per agros lignatum pabulatumque dilapsa esset; repente Menippus, palatos passim aggressus, eos cecidit, ad quinquaginta vivos cepit. Perpauci effugerunt, in quibus Mictio, parva oneraria nave exceptus. Ea res Quintio Romanisque, sicut jactura militum molesta, ita ad jus inferendi Antiocho belli adjecisse aliquantum videbatur. Antiochus, admoto ad Aulidem exercitu, quum rursus oratores, partim ex suis, partim Ætolos, Chalcidem misisset, qui eadem illa, quæ nuper, cum minis gravioribus agerent, nequidquam contra Mictione et Xenoclide tendentibus, facile tenuit, ut portæ sibi aperirentur. Qui romanæ partis erant³, sub adventum regis urbe excesserunt. Achæorum et Eumenis milites Salganea tenebant. Et in Euripo castellum romani milites pauci custodiæ causa loci communiebant. Salganea Menippus, rex ipse castellum Euripi

asyla Græci appellant; vide ad I, 8, n. 6. — Milites ob hoc securi erant, primo quod in loco sanctissimo et inviolabili versarentur, deinde quod bellum nondum palam indictum fuisset. Ed. — *Quæ asyla*. Tò *quæ*, quod plurimi codd. et cum multis editionibus Creverius omittunt, ex cod. Mog. auctoritate revocavit Drak. Certe, inquit Doering. Livius modo omittit, modo addere solet pronomina; vid. Drak. ad XL, 57, § 3. Ed. — *Sanguinem usquam factum*; vide ad II, 30, n. 8. — *Ad spectaculum*, spectationem, *templi*, ut XXXIX, 43, et XLV, 27, n. 4. — *Eos cecidit*; vox *eos* exsulat a Lov. 5, et edd. ante Frob. a.

1535. In ea latere numerum cæsorum suspicabatur Crev.

3. *Qui romanæ partis erant*; vide ad cap. 50, n. 2. — *Achæorum et Eumenis milites Salganea tenebant*, etc. Quum Chalcis et Salganeus, illa in Eubœa, hæc in Bœotia, ad Euripum sitæ fuerint, milites Achæorum et Eumenis Chalcide discedentes navibus Salganea, ante quam urbem ad Hermæum Menippus castra habebat, trajicere Euripo potuerunt; Drakenb. — *Custodiæ causa locum communiebant*. Antiquior lectio quam prætulimus, *Custodiæ causa loci communiebant*, id est, ad custodiendum locum. *Communire* Livio in hac re frequens esse

oppugnare est adortus: Priores Achæi et Eumenis milites pacti, ut sine fraude liceret abire, præsidio excesserunt. Pertinacius Romani Euripum tuebantur. Hi quoque tamen, quum terra marique obsiderentur, et jam machinas tormentaque comportari viderent, non tulere obsidionem. Quum id, quod caput erat Eubœæ ⁴, teneret rex, ne cæteræ quidem ejus insulæ urbes imperium abnuerunt: magnoque principio sibi orsus bellum videbatur, quod tanta insula et tot opportunæ urbes in suam deditionem venissent.

vidimus ad XXX, 7. Lipsius, Epist. V, quæst. XVII, *custodiæ loci communiebant*, scribebat, ejecta voce *causa*, quam pro glossa habebat. Ed. — *Oppugnare est adortus*. Drak. leg. putat *adorsus*, id est, incepit. Videntur enim voces diversæ originis et significationis esse *adorsus* et *adortus*: illud est ab *adordior*, incipio; hoc ab *adorior*, invado, aggredior. Et ibi vir doctissimus multa congerit exempla, quæ ex operibus Virgillii, Nepotii, Q. Curtii et Apuleii diligenter excerpit. Sed animadvertendum est totam ex variis lectionibus oriri difficultatem; nam optimi grammaticæ docent servandum esse semper accurata religione discrimen inter vocab. *orsus* et

ortus, ut integritas genuini et veri sensus servetur: prius ab *ordior*; alterum ab *orior* venit; prius dat aliquando *orditus*, teste Prisciano; verum nemo adhibuit, nisi Vulg. Interp. Esai. cap. 25, 7; et Diomedes in præfatione sui libri, quanquam affirmet *orsus* solum esse usitatum: de Bapt. Mantuano et Julio Scaligero *orditum* agnoscentibus non liquet. In nostra Editione Virgillii, vol. III, pag. 143, Variant. Lect. 397, multa de his indicantur. Ed.

4. *Quod caput erat Eubœæ*, Chalcidem. — *Magnoque principio*, magni momenti, ut exponit Doering., id est, fausto et secundo; ex illa apud Veteres auspiciozum et ominum opinione. Ed.

TABULA

RERUM QUÆ IN HOC SEXTO VOLUMINE CONTINENTUR.

L IBER tricesimus : breviarium.....	Pag. 1
Liber tricesimus primus : breviarium	93
Liber tricesimus secundus : breviarium	175
Liber tricesimus tertius : breviarium	247
Liber tricesimus quartus : breviarium.....	333
Liber tricesimus quintus : breviarium.....	437


FINIS SEXTI VOLUMINIS.


7.



7

AS





6

4

1

1

4

1

2



LEDOX LIBRARY



Bancroft Collection.
Purchased in 1893.

